





12
16
2
10





PETRI SALII
DIVERSI, MEDICI
AC PHILOSOPHI

FAVENTINI,

De febre pestilenti Tractatus;

ET

CVRATIONES QVORVNDAM PARTI-
cularium morborum, quorum tractatio ab Or-
dinarijs Practicis non habetur:

ATQVE

*Annotationes in Artem medicam de medendis humani
corporis malis, a Donato Antonio ab Altomari
Neapolitano conditam.*



Cum INDICE copioso.



FRANCOFVRDI

Apud heredes Andreae Wecheli,

MDLXXXVI.







AMPLISSIMO
AC PERILLVSTRI DO-
MINO D. ANNIBALI GRAS-
sio, Fauentinorum episcopo, & Ro-
mandiolæ ac Hexarchatus Ra-
uennæ digniss. Prolegato,

Petrus Salius Diuersus S.

DIGNITAS & virtus,
ij duo sunt fontes, Antistes
amplissime, quib. potissi-
mum homo hominibus cæ-
teris præstare potest. Dignitas quidẽ,
quoniam auctoritate, quam moderan-
do, coercendo, imperando, regendo &
gubernãdo exercere potest, supra alios
eminet. Virtus autem, quoniã illustri-
bus animi ornamentis, quæ docẽdo, mo-
nẽdo, suadendo, dissuadendo, exemplo-



que proprio commonefaciendo, demonstrare valet, præ ceteris fulget. Hinc duo hæc orbis terrarum, tanquam suprema humanarum rerum fastigia extollit, animoque prosequitur, non æque tamen. Dignitates. n. admiratur, timet & honorat: at virtutes suspicit, diligit & veneratur. Qui homo harum alteram adeptus erit, magnum quidem splendoris specimen consequutus videbitur; sed qui utraq; donatus fuerit, hic omnem & absolutum gloriæ gradum sibi cõparasse iudicandus erit. Is enim, in quo & dignitas & virtus cõueniunt, præstantiam amplissimã, summamque excellentiam consequutus est. Has duas in te ipso excellere partes, reuerendissime Præsul, considerans, tuique præstantiam admirans, & dignitatem tuã summa, qua potui, semper veneratione colui, & virtutẽ impense incredibiliterque amavi, ac

P R Æ F A T I O.

ui, ac utramq; in te, tanquam hereditariam familie tuæ, obseruavi, in qua ita dignitates & virtutes claruere, ut per secula (non dixerim per annos) ex ea orti fuerint alij rerum publicarum moderatores, alij ecclesiarum principum rectores, alij episcopatum administratores, alij qui Cardinalatus præclarissima insignia sint consequuti. alij Doctores celeberrimi nati sunt, qui & Bononiæ (quæ tui patria est nobilissima) & Romæ, & apud exteras nationes publice docendo, & priuatim cōsulendo, & in omnibus iustissime iudicando, monumentisq; literarum sua prodēdō, semper plurimum valuerunt; totq; hi fuerunt, ut non plures ex equo Troiano duces prodierint, quā ex tua familia viri præstantissimi orti sint. in qua mihi iure quasi hereditario ita virtutes & dignitates consociari vi-

PETRI SALII

dentur, ut non mirum sit, si per sæcula
 tot agnationis tuæ floruerint clarissimi
 viri, sique tu ipse in eadem nunc pluri-
 mum floreas: qui in studijs non tantum
 humanarum rerum, in quibus docēdo,
 consulendo, disputando & scribēdo ad-
 modum profecisti, sed etiā diuinarum;
 in quib. quantum excellas, dicant, qui
 te concionantem & docētem populum
 Fauentinum (ut optimū decet Pasto-
 rem) verbū Dei audierint. adeo præ-
 stas, ut cum etiam ecclesias nobiles reli-
 giose rexeris, legationes externas, &
 præcipue ad Philippum Hispaniarum
 regem, & inuictissimi CAROLI V
 Imperatoris filium, integerrime ac feli-
 cissime obieris, Almæ urbis Acade-
 miam prudentissime moderatus fueris,
 episcopatū sancte administraueris, Pro-
 uinciamq; nostram pie, ac iuste guber-
 nes, non minus tamen splendoris tibi
 virtu-

P R Æ F A T I O.

*virtutes quam dignitates attulerint :
 quas ambas in te ipso ego observans &
 circūspiciens , præ cæteris nihilominus
 tui fidem , pietatem , caritatem & inte-
 gritatem animi semper admiratus sum ,
 & summopere probavi. Hinc ego me
 totum , cum animum candore & vir-
 tutibus exornatum , virtutemq; ipsam
 omnibus rebus semper prætulerim , tibi
 dedidi , & studiose ardentique animo ,
 cum hoc ex tua gratia tibi libuerit , in-
 seruiui , studiaque mea , qualiacunque
 fuerint , dignitati & virtuti tuæ addi-
 xi. Hoc cum a me firma lege sancitum
 fuerit , iure tibi dicanda erunt , quæ ex
 meis studiis ego censeo publicanda esse ,
 nō profecto , ut cōsummatos viros hinc
 docēdos existimem , sed ut eos tantum ,
 qui artis Medicæ ministerio initian-
 tur , exemplo eorū quæ a me tractātur ,
 cōmonefaciam , quanta cum attentio-*

ne & sedulitate in veterum perlegendis scriptis versari debeant. hic enim plura animaduertēt, quæ antiquitas, priscaque illa Medicorum Academia, vel clare docuit, vel saltem eorum fundamenta, licet obscure, altius iecit: quæ tamen adeo posteritas neglexit, ut tyrones qui priscorum monumenta diligenter non perquisierint, hæc non possint attingere, cum eorum veram cognitionem aliunde sibi comparare non valeant. Quod cum ob nonnullos, a nouissimis Medicis omissos, & non declaratos morbos magno esse humano generi detrimento possit, hinc videant alij & iudicent, an meo exemplo moniti, qui artem hanc totam ex recentiorum legibus & præceptis exercere profitentur, possint aliquam languentibus utilitatē afferre. quæ si multa non erit, minima tamen esse non potest, cum de salute

P R Æ F A T I O.

salute hominis eiusque vita, quæ tantum
æstimanda est, ut cum præsens nullam
recipiat æstimationem, nec ullo thesau-
ro semel adempta redimi possit, nihil ei
æquandum sit, hic agatur. in cuius gra-
tiam solum hæc a me tradita sunt, non
profecto, ut ex his honorem commo-
dumve aliquod mihi comparem. illum
enim ex tam levi labore non spero: hoc
autem nec desidero, qui solam omnium
utilitatem respiciens sub communi ho-
minum iudicio hæc prodo. quod licet
nouerim, quam sit seuerum & pericu-
losum: recta fretus tamen intentione,
non diffidam hæc cæteris communica-
re, potissimum autem cum hoc sub tuo
auspicio facturus sim; qui cum & vir-
tute & dignitate plurimum polleas,
multum etiam splendoris eis es allaturus,
si ea hilari fronte accipies, meumq; hoc
institutum æqui bonique feceris. hanc

P. SALII PRÆFATIO.

*autem unicam partem ego attendens,
satis mihi fecisse videbor, si hoc conse-
quutus fuero. Accipere igitur digne-
ris libēti animo, quæ nomini tuo dicā-
da, cæteris autem communicanda cen-
seo. & quemadmodum mihi hoc maxi-
me cupio, ita tibi omnem felicitatem
deprecans, D. opt. max. ut virtutes &
dignitates tuas semper fortunet & au-
geat, supplicabo. Vale, Fauentiæ Idi-
bus Martij, MDLXXXIII.*

AD PE-

AD PETRVM SALIVM DIVER-
sum, Lib. Authorem, Origenis Salechij
L.V.D. Fauentini Carmen.

*Huius Petre Sali Diuerse voluminis ergo,
Audi a nominibus carmina ducta tuis.
Es Petra, iam gemmas inter numeranda priores,
Petra basis Patria, firma columna domus.
Sal putris medicina mali condire paratum,
Non nisi Principibus Calitisbusq, dapes.
Incorrupta tuos at munere gloria nostri
Temporis, & solidopius adamante viget.
Namq, aliud nullum diuertitur orbe volumen,
Perq, pari medicas laude & honore manus;
Nec tot habet calum stellas, non aequora pisces,
Quot diuersa agris arte lena menerit.
Petre Sali Diuerse, Petra non more deorsum
Ire, salire datum sed super astra tibi.
Nescit at equali tecum se tollere saltu;
Diueriusq, silens fessa Camæna pedem.*

In eundem Gregorij Zucculi, Philo-
sophi Fauentini.

*Quas homo subrepti pœnas luet amplius ignis,
Iapeti nato decipiente Deos.
Frustra tulim aciem terris, febriumq, cohortem,
Irati veni nuncia frustra Iouis.
En morbos, qui etiam poterant sanire latentes,
Quam facili doceat curet & arte Petrus:*

*Talia Pandora dicente, exclamat Apollo;
Munere non hac sunt premia digna meo.
Authore ego medicina, atq; hic Authoris alumnus,
Ut Paon quondam, Caus & ipse senex.*

In eundem Iulii Cæsaris Sauioni
Fauentini.

*Nullius ars hominis natura iuncta leuabat
Corpora pestifera febre coacta mori;
Cum pater omnipotens celo te misit ab alto
Febribus his medicas, Petre, adhibere manus:
Scis medicas adhibere manus his febribus vnus:
Certet qui hac tecum laude nec alter erit.
Hac igitur, tanti quæ dant medicamina morbi,
Sunt cuius Medico scripta ferenda sinu:
Unde salus aliis; melior tibi vita paratur,
Cuius semper erunt gloria, fama, decus.*

Peregrini Caponis Philosophi ac Med.
Bononien. de Authore.

*Pharmaca si miscet pestis; firmissima petra est:
Si numerat causas, nomina, signa salit:
Doctorem longo voluens examine libros,
Euertit verus dogmata falsa virum.
En Petrum, Salium, Diuersum, munera iungunt;
Est Petra, euertit, magnus & arte salit.*

In

In eundem Alex. Gottarellij, Ar. & Med.
Doct. ex Cast. Bonon.

*Morborum occultas vires febresq, malignas,
Detegit hoc libro Petrus, & addit opem.
Vnde hic Italici decus admirabile soli
Æquavit Græcos, superat & Latios.*

Camilli Auterii Cæsénatis ad eundem.

*Es Petre Petra Sali, de qua salit vnda salubris,
Corpora pestiferis febribus vnde carent:
Quicunq, igitur capiunt lethales pelleré morbos,
Ad fontem properent hunc Salientis aquæ.*

TABVLA TRACTATVS

Febris pestilentis.

CAP.	PAG.
PROOEMIUM	I
1 In febrium catalogo quæ sit pestilens, & quæ de ea tractanda sunt	3
2 De periculo & difficultate febris pestilentis	4
3 De cõmuni ratione febris pestil. ibid.	
4 Praua qualitas vnde ortum habeat & generetur	7
5 Quod dentur pestilentes affectus sine febre	20
6 De essentia febris pestilentis	26
7 Praua qualitas febris pestil. an cõsistat in summa putredine	31
8 An in febre pestil. vel cordis humiditates, vel humores in eiusdẽ vëtriculis existẽtes necessario putrescant	38
9 De differẽtiis febris pestil. a subiecto	41
10 De differentiis febris pestil. a materia putrescente, & a loco in quo hæc putrescit	47
11 De differẽtiis febris pestil. a causis	56
12 De differentiis febris pestil. ab intenso & remisso & a coniunctis	82
13 De signis, futuram febrem pestilẽtem indi.	

	indicantibus	87
14	De signis communibus & propriis febris pestilentis	90
15	De signis febris pestil. sumtis a qualitate caloris	96
16	De signis febris pestil. sumtis a lotio	99
17	De signis febris pestil. sumtis a symptomatibus	107
18	De signis febris pestil. sumtis a superuenientibus affectibus	115
19	De signis, præteritam febrem fuisse pestilentem attestantibus	118
20	De præseruatione a febre pestil.	122
21	De curatione febris pestil. & an in ea sit secunda vena	141
22	An conueniat pharmacia pro minoranda materia in febre pestil.	161
23	De concoquentibus & alterantib. ad ministrandis in febre pestil.	171
24	De curatione exanthematum, & malarum & aliarum excretionum, quæ in febre pestil. contingunt	179
25	De ratione victus in febre seruanda pestilenti	191

TABVLA PARTICVLA-
rium agnitudinum.

1	De cerebri inflammatione	199
---	--------------------------	-----

2	De apoplexia a sanguine	206
3	De Epilepsia a sanguine	217
4	De syncope cardiaca	215
5	De hydero pulmonis	220
6	De inflammatione membranarū inter tersepientium, & pericardii	244
7	De tabe ex affectu pericardii	232
8	De tumoribus diaphragmatis	234
9	De hydropē ex colliquatione	242
10	De febrib. colliquefacientibus ex Ga leno	246
11	De lleo	253
12	De adstrictione ventriculi	269
13	De Cholera sicca	271
14	De calotij suppressione, in qua non descendit vrina in vesica	277
15	De nigris deiectionibus	284
16	De Ischiade a materia biliosa	287
17	De Ischiade & arthrit. a siccitate	294
18	De dormientibus qui vigilantium mu nia obeunt	300
19	De Rabie	308
20	De motu conuulsuo	341
21	De obstructionibus arteriarū leuium pulmonis	349
22	De morbis acutis mulierum vtero gerentium	358
23	De morbis acutis puerperarum	367



PETRI SALII
DIVERSI, MEDICI
AC PHILOSOPHI
FAVENTINI

DE FEBRE PESTILENTI,

PROOEMIUM.



*U*n si quis Medici sit recte curando bene mereri de genere humano; ita inuigilare debet, ut eius artis studia excolendo, nihil incognitum intentatum & pratermittat eorum, quorum negligentia, aut ignorantia agrotantes & elladere & elperdere possit: sed omnia hac ita eum inuestigare & perscrutari decet, ut illorum certā adeptus scientiam tuto & summa cura ratione medendo implorantibus Medicina auxilium manus admoovere queat. Hoc quantum sit difficile, non rudes & imperiti, sed Viri ij grauisissimi, qui noctes diesq; in hisce studijs sudarunt & alserunt, Vere dignoscūt & sudicant. cum enim ij vnde quaq; omnia, qua ad artem nostra studia pertinent, perscrutauerint indagauerintq; plurima discrimini & periculi plena circumspiciūt, modog; has medicina partes mutilas, modo illas superfluas, & obscuras nonnullas esse animaduertunt. hincq; illas alias addendas, istas refecandas esse docent, omniumq; obscuritatem illustrantes, ita hac nostra studia exornare

Et perficere nituntur, et qui his initiati sunt, nec rerum
 imperfectione, nec difficultate deterriti, avidius hac
 eadem amplexentur, tutiusque quam pollicetur languen-
 tibus ars nostra, misericordiam, in auxilia laborantium
 incumbentes prestare possint. Hos ego admirror, extolloque,
 cum eos non sibi ipsis tantum, sed etiam publica humani
 generis utilitati inferuientes, dum fastigia huius artis
 vel docendo vel scribendo attingunt, dumque proprios
 labores et studia alijs communicant, magnum quid et
 supra hominis naturam consequutos videam: nam inui-
 dentia crimine carentes, Desique misericordiam et
 pietatem amulantes, omnibus aequaliter hominibus Me-
 dica artis auxilio indigentibus, proprijs studijs succurre-
 re et opportune consulere nituntur. Quos ego imitatus,
 non quod in eorum catalago describi velle audeam, cum
 nec tam impudens arrogansve sim, et tanta eorum me-
 ritam mihi censeam ascribenda esse: sed quia eorum pium
 ac sanctum consulendi publica utilitati desiderium ani-
 mo aequans, qua ad perficiendam rectam curandi febres
 pestilentes rationem in unum redegi, quaque ab alijs
 non animaduversa de quibusdam particularibus agri-
 tudinibus notavi, omnibus communicare decreui: non
 profecto, et ceteros doceam, cum hoc grauissimos viros,
 et qui artem consummasse videntur, tantummodo de-
 ceat: sed et tyrones harum particularium curationum
 exemplo commonefaciam, antiquorum volumina non
 ita conuidentibus oculis legenda, omniaque ad amu-
 sim consideranda esse: et hinc habita integra morborum
 cognitione, eorundemque desumpta recta methodo et
 curatione, languentibus et consulendo et medicamenta
 administrando possint, quam eis implorantibus nostra
 opis auxilium pollicetur ars Medica, utilitatem et su-
 uamentum prestare. Initium autem capiens a sauis-
 simo morbo, qui et plurimum agrotantes perdere con-
 suerit, febris pestilentis tractationem
 ista exordiens aggrediar.

*In Februm catalogo qua sit pestilens, &
de ea qua tractanda sunt.*

CAPVT I.

A Febris corpus humanum incalescit, quoniam inde cor, quod est totius caloris & viræ fons, calorem concipit. Calor autem iste vel in substantia ipsius cordis hæret, vel in ipsum aliunde emanat. in substantia cordis calor fixatus est in febribus hæcticis: nam in his cordis corpus non incalescit, sed calefactum est, & calorem in habitu concepit, vnde nomē hæcticarum febres hæ sibi ascuerunt. Aliunde autem in ipsum emanat, cum vel à spiritibus, vel ab humoribus cor ipsum incalescit. A spiritibus quidem incalescit, cum calefacti & accensi ipsi spiritus cor primum, & inde vniuersum corpus calore imbuunt, & hinc febris ephmera: quæ quoniam in materia tenui, dissipabili, vaga, fundatur, ideo terminatur breuissime, ita vt raro alteram duret ad diem. hæcque sine vlllo symptomate verendo accedit, sine timore aliquo, vt semper ratione ipsius sit salubris. Ab humoribus autem in cordis substantiam calor triplici emanat ratione. aliquando enim humores calefacti tantum sunt, hancque caliditatem ad cor ipsum transmittentes causant synocharum febrium diuersa genera. aliquando autem non calefacti ex simplici calore, sed eo quod putredinem concepere, cum omnia putrida alieno calore sint calida, calefacientes cor, febrium putridarum diuersa genera produnt, prout hic vel ille humor, & prout in hoc vel in illo loco idem putrescit. Quandoq; autem vltra putridum hunc calorem conceperunt humores labem & qualitatem perniciosam, qua naturam conformem venenatæ materiæ adepti, putrescentesque la cessunt cor tum caliditate putrida, tum venenata labe; & hinc febres pestilentes procreant genus morbi ab omnibus prædictis & causa, & essentia diuersum. De hoc vltimo, quod omnium tum cognitione tum curatione est difficillimum, acturus primo essentiam eius declarabo: secundo differentias ponam: tertio signa: vltimo loco curationem tradam.

*Februm
quot sint
differentia.*

NVLLVM morbi genus reperitur, a quo magis affligantur homines, quam a febre ipsa. Medicique in hanc potiore laboris sui partem impendent. licet enim multo plures alij morbi qui naturam humanam affligant, quam febrium omnia genera, tamen frequentius & plures inuadunt homines febres ipsæ, quam cæteræ aliæ omnes ægrotudines. & Medici, qui hanc artis partem callent, & recte faciunt, potissimam totius artis partem consummasse videntur. In curatione autem harum licet plurima occurrât, discriminis & laboris plena: nullibi tamen maior difficultas impendet, quam in cognitione & curatione febrium pestilentium. nec aliunde manifestius imminet periculum ægrotantibus, quam ex febribus huiusce generis. periculum quidē magis manifestum est, quoniam materia peccans non sola vulgari putredine, sed supra id & qualitate venenata & perniciosa cor fatigat. difficultas autem adest maxima; quoniam cum eius essentia non ita sit manifesta, nec etiam potest subsequi curatio admodum fidelis & tuta, vltra id, quod multoties non nisi ab experto (& vix aliquando) cognoscatur medico. adeo enim latenter hæc febris quandoque inuadit, vt ægre ab exercitatissimo viro, & qui in arte multū polleat, dignoscatur. Cum igitur tanta sit huiusce rei difficultas & discrimen, laborandum nobis erit, & omnium ingenio entibus debemus, tum vt essentia huius febris claram habeamus notitiam, tum vt ipsam præsentem & inuadentē certo cognoscamus. his enim habitis, non erit difficile postmodum remedia opportuna pro curatione parare. Vt autem huius morbi perfecte essentiam assequamur, præmittenda est communis notio huiusmodi febris. per hanc enim habebimus, quæ febris sit pestilentis nomine donata, & nouerimus materiam, circa quam nostra versabitur speculatio.

*Febris pestilens
qua sit,
& quomodo
du cōtingat.*

De cōmuni notione febris pestilentis. CAP. III.

FEBRIS ea communi omnium sententia pestilens dicta est, quæ non intemperie sola, non putrido tantum calore,

calore, sed etiam mala qualitate calidissimi, vitæ & caloris innati fontem lacessit: hæcque vi plurimum a lævissimis concomitata symptomatibus, solet in perniciem ægrotantium terminare. Quod si non nunquam subsequatur salus, non sine maximo medici timore, ægrotantisque discrimine hoc contingit. consuevitque febris hæc potissimum eo tempore accedere, quo pestilentes vigent constitutiones, indiscriminatimque plurimos eodem tempore inuadens, vere grassatur & populatur. Vnde recta ratione dicta est aliquando popularis. Quoniam autem aliquando ad harum cōformitatem fiunt in corporibus humanis febres consimiles, consimilem prædictis labi & perniciem adiunctam habentes; ideo non tantum eæ, quæ sub cælo & anno pestilenti contingunt, dictæ sunt pestilentes, sed etiam istæ quæ sparsim fiunt, licet absit omnis pestis suspicio, modo prædictis naturam consimilem retineant. Ultra has uonnullæ aliæ vere sunt, & dicuntur pestilentes ab omnibus, quæ nec sparsim nec populariter vagantes, sed solo contagio inuehuntur, dum pestis regionē aliquā non ex aëris inquinamento, sed per contactum tantum & per fomitem (vraliquando viderunt patres nostri superioribus annis, ætasque nostra vidit in pluribus Italiæ locis, vrbibusque nobilioribus) peragrat. Pestis enim duplici ratione inuadere consuevit. alias enim accedit ex communi causa, alias ex contagio tantum: dixi ex contagio tantum, quoniam & quæ ex communi fit causa, solet vi plurimum esse contagiosa, quamuis etiam non ex solo contagio inueharur. Ex communi causa duplici euenit modo primo quidem cum aër circumstanti labem & corruptelam aliquam conceperit, siue hoc sit ex causa in loco tantum propria, sicuti ex halitu vaporoso & pernicioso elato vel a lacu aliquo, quod corruptionem senserit, vel ex specu recedito iam, & nunc aperto, vel ex cadaveribus insepultis vel ex consimili aliqua alia exhalatione perniciosa, siue hoc sit, quia cælum vniuersum ex constitutione pestilenti hoc vel fit ab astris, vel ex intemperie non naturali aëni inuicta, nunc non differo) praua conceperit inquinamenta: Vnde ex hoc pestes vniuersales, ex illa particularis, vni regioni fiunt. Secundo autem ex communi euenit causa, cum ex

*Pestis quor
modis inua-
dere consue-
rit.*

praua & communi victustatione humores eo malignitatis deueniunt, vt praua inuecti qualitate febres inferant letales. sicuti sæpe in caritate annonæ, assumptis in vsum humanum & herbis & radicibus, cæterisque malis cibarijs, vel in potu & ciborum præparatione aquis corruptis, & vitiatis, nostra & antiquorum ætate visum est. Alias autem inuadit & peragratur pestis nihil ad hæc nec aere, nec prauo victu, sed solo contactu conferente, per quem ab altero alteri communicata illa mala & perniciosa qualitate, solum petit eos, qui cum his qui laborarunt peste, consuetudinem habuerunt, vel quid eorum pertractantes per fomitem labem eam conceperunt. His omnibus modis norunt homines, hæc febres accedere, hæcque vocant pestilentes, siue hoc sit ex pestilenti aeris constitutione, siue ex prauo victu, siue ex contagio. Et quoniam ad similitudinem harum, vt dictum est, inter morbos sporades aliquæ generantur febres consimiles, consimilem labem habentes; ideo & hæc communi nomine (licet nec pestis ex prauitate alimenti, nec ex contagio, nec ex aeris inquinamento vagetur) ab omnibus dictæ sunt pestilentes. Quæ ultra id, quod in conformitatem earum, quæ ex viciato alimento, vel ex contagio, vel ex pestilenti oriuntur aere, pestilentes dicantur, a nonnullis etiam vocantur febres malignæ, seu febres mali moris vel mali modi. quæ appellatio, licet rei conueniat, quoniam omnis febris pestilens est maligna, & mali moris, tamen inconueniens est pro imponendo nomine huic febrī; quoniam hoc exprimit morem, non speciem morbi. Vnde hic animaduertatur, quanti momenti sit eorum sententia, qui pro specifica denominatione huiusce febris, abnegantes nomen pestilentis, imponant hoc nomen malignæ, vel mali moris. quoniam explicatio moris morbi non exprimit morbi speciem; & species morbi est quid distinctum à more, cū omnis grauis morbus, cuiuscunque sit speciei, possit esse mali moris. & dicere morem morbi, est dicere qualitatem, non speciem. Vnde omnium recte sentientium communi iudicio hæc febres vere dictæ sunt pestilentes, pro propria huius morbi specie exprimenda. quæ etiā vere omnes sunt malignæ, & mali moris. non tamen hæc duo coincidunt; quoniam

omnis

Febris pestilens, quæ inter sporades morbos contingit, an debeat potius appellari maligna, quam pestilens. Mos & species morbi differunt.

omnis quidem febris pestilens est maligna, non tamen contra, cum plurimæ aliæ sint febres malignæ, quæ tamen non sunt pestilentes. cum enim mos morbi a superuenientibus deprehendatur symptomatibus: in quocunque febrium genere praua & læua subsequantur symptomata, in eodem praua & maligna comprehendetur natura; febrisque hæc & maligna, & cacoethes recte appellabitur, licet non sit pestilens, sicut omnes alij morbi, quibus praua & sœua eueniunt accidentia, licet nullo pacto sint pestilentes, maligni & cacoethes dicuntur. Vocantur igitur febres huiusce qualitatis & speciei proprie ac conuenienti nomine pestilentes, quæ tamen non vnius sunt generis, sed diuersi. Nam aliæ ponuntur diariæ, aliæ hecticae, aliæ vere sunt, & dicuntur putridæ. Omnibus hoc commune est, quod perniciofa & mala lædant qualitate. hic que caracterisimus est, ac propria differentia, per quam differunt ab omni alio febrium genere. Sunt qui digladiantur, æstuantque in probando, febre in pestilentem eam tantum esse, quæ a communissima causa, videlicet ab infesto & pestilenti aere solum producat: tamen cum hi externas causas morbi huius solummodo, non autem essentiam, nec propriam eius differentiam in imponendo nomine attendant, eorundem opinio a me non acceptabitur, qui Galeni, virorumque præstantissimorum sententiam in hac re probaturus, rei essentiam explicaturus sum, secundum quam potius, quam secundum causas exteriores nomen imponendum est. Cum autem rerum essentia nullo modo perfecte dignosci queat, nõ cognita eius propria differentia; ideo ad perfectam febris pestilentis cognitionem videndum erit, in quo hæc mala qualitas consistat, vndeque generetur. hoc enim habito, eius essentia poterit nobis satis innotescere.

Febres quæ dicenda sint malignæ.

Febris pestilentis characterisimus.

Præua qualitas unde ortum habeat & generetur.

CAPVT. IIII.

HUMANVM corpus, dum vita fruitur, in integraque constitutum est sanitate, recte omni omnium operationum genere fungitur. ad conseruationem autem & tu-

*Instrumenta
præcipua
destinata a
natura pro
conserua-
tione vita.
Alimentum
necessario
debet esse si-
mile ei,
quod nutri-
ri debet, &
huius causa.
In alimento
requiritur
similitudo
naturæ ei-
us, quod nu-
triri debet.
Quare quod
vni alimen-
tum est, al-
teri non sit.*

*Multa actio-
nes fiunt,
quæ ab in-
trinfeca rei
naturæ, non
ratione qua-
litate e-
ueniunt.*

*De his Gal.
lib. 6. Epid.
Dist. 6. com.
5.*

telam harum omnium machinata est prudentissima Na-
tura plura instrumenta, præcipue autem duo, quibus dum
& ipsa recte disposita sunt, & nos ipsis recta utimur ratio-
ne, tutatur corpus nostrum, conseruatque. hæc autem sunt
alimentum & aer, sine quibus nec constare vita, nec ope-
rari possumus. Ista duo ad hoc apta sunt, dum tempera-
mento & natura nobis sunt familiaria. Temperamentum
quidem fuit in alimento necessarium: quoniam si contra-
ria se inuicem oppugnant, extinguuntque, similia autem se
ipsa amant & conseruant, animal per ea quæ sibi in tem-
peramento sunt conformia, debebat manu teneri. hincque
factum est, quod humidis etiam, siue actu siue potentia,
nutriri debebat. & quoniam amara carent humido, ideo
hæc ad nutritionem omnibus alijs rebus sunt ineptiora:
non sufficit autem ad conseruationem animalis sola con-
formitas alimenti in temperamento, sed requiritur eti-
am similitudo naturæ. Vnde factum est, ut id, quod vni a-
nimali est nutrimentum, alteri non sit. canis ex ossæ nutri-
tur; equus ex palea fœnoque; aues nonnullæ ex seminibus
duntis, nonnullæ etiam ex cruda carne: quorum tamen nul-
lum homini est alimentum. hoc non ratione temperamenti
contingit, sed ratione dissimilis naturæ. Vnde euenit, ut id
quod vni est proprium, alteri sit alienum. non enim omnes
actiones passionisque mutaræ semper ratione qualitatum
primatum fiunt. Sed plurimæ aliæ contingunt, quæ nulla
ratione nec ad primas, nec ad ceteras quæ ex primis emer-
gunt, vlla possunt ratione reduci: plurimæque fiunt, quæ ab
illis distinctæ, non a qualitate vlla, sed ab intrinfeca rei na-
tura & forma eueniunt. quoniam autem a substantia rei
hoc contingit, quæ a sensibus nostris longe diffidet, ideo
nulla indicia, nulla signa, nullam omnino rationem ha-
rum actionum habemus, sed vnico experimēto nobis pa-
tescunt. hinc sanguinem hircinū, non alios videmus emol-
li re adamantē, electrum, si alio non autem alio succo ma-
defiat, non amplius paleas trahere; magnetem non lapides,
non virgulta, sed vnicum ferrum ad se pertrahere. hoc
autem non aliunde prouenit, quam ex propria vnus cui-
uscunque rei natura, ex huiusque ad alteram conformitate.
Conformitas hæc naturæ inter id quod alimentum nobis
futurum

futurum est, & corpus nostrum est necessaria, nec vicia
 temperamenti similitudo satis esse potest: sed vtrumque
 ad hoc, vt quid sit alimentum, requiritur, scilicet & na-
 turæ & temperamenti similitudo. & sicuti multa nobis
 temperamento similia reperiuntur, quæ quoniam a natu-
 ra nostra dissident, ideo nec ad nostram apta sunt nutritio-
 nem: ita multa alia inueniuntur naturæ nostræ cõformia,
 quæ quoniam temperamentum nostro simile nõ habent,
 corpus nostrum nutrire nequaquam possunt: quales sunt
 margaritæ, corallia, aurum, lapides preciosi. quæ cum sint
 naturæ nostræ amica, in multisque vtilissima, ad nutritio-
 nem tamen inepta sunt. Ea igitur omnia, quæ nobis & na-
 tura & temperamento erunt similia, inter alimenta cor-
 poris nostri veniunt recensenda. quæ autem neutram ha-
 rum conditionem, vel alteram tantum retinent, nequa-
 quam. Ista vero, quæ eo quod nec ad temperamentum no-
 strum, nec ad naturam, nec ad vtramq; similitudinem ha-
 bent, non possunt alimenta esse, in duplici sunt discrimine.
 vel enim sunt tantum nobis dissimilia, vel etiam contra-
 ria. Quæ sunt tantum dissimilia, inter medicamenta con-
 numerari possunt: quæ vero sunt contraria, cum naturam
 nostræ inimicam gerant, venena dicuntur. hæc autē tria
 inter se in hoc differunt. q̃ alimentũ nos tutatur, & cõser-
 uat nutriendo; medicamentũ immutat aliterando; venenũ
 aut destruit corrumpendo. nec tamen adeo sunt hæc inter
 se distincta, vt omnino inter se disincta naturã commutẽ
 nullam retineant. Alimentũ quidem & venenũ, quoniam
 illud a simili, hoc a contraria euenit substantia, nunquã in
 eodem communicant: at medicamentum, quod mediam
 gerit naturam, vtrique copulari potest. idem enim potest
 esse & alime- tum & medicamentum, eo quod idem po-
 test & nutrire & alterare, & idem potest esse medicamen-
 tum & venenum, eo quod idem etiam possit, & alterare &
 corrumpere. nunquam tamen dabitur, quod idem sit ali-
 mentum & venenum. quoniam non eadem res potest de-
 struere & conseruare: nec ab eodem potest tutela & cor-
 ruptio deriuare. Aliquando quidem hoc euenit, vt id quod
 apte alimentum esset, omni que similitudine accommoda-
 ti, ad nutritionem donatum erat, ad aliquam corruptionem

*Ad hoc,
quod ali-
quid sit ali-
mentũ, quid
requiratur.*

*Medicamẽ-
ta quæ sint.
Venena quæ
sunt.*

*Alimẽtum,
medicamẽ-
tum & ve-
nenum, in
quod differant
& conue-
niant.*

*Alimẽtum
quando
transeat in
naturã vel
medicamẽ-
ti, vel vene-
ni.*

deueniat, ex quo vel temperamenti, vel nature, vel vtriusq; similitudinem amittat: tuncq; id quod erat commodum & opportunum alimentum, vel in medicamento transiit naturam, vel veneni: medicamento quidem, si tantum dissimilem a nobis fortiatur naturam; si autem contrariam, veneni. Venenum omne id appello, quod cum non sit ad nutritionem aptum, ad malum alterando in perniciem ducat hominem, siue hoc sit ad mortem tandem, siue ad læsionem aliam, cuiuscunque sit virtutis, sensibilem. Exemplo hoc pateat. Vinum corporis nostri optimum est nutrimentum: quod tamen si aliquam concipiat labem, non amplius nutrimentum erit. si enim fiat acidum, medicamentum euadit: & hoc propter corruptionem temperamenti. Si autem vappa fiat & corrumpatur: tunc quoniam naturam alteram nostræ inimicam consequitur, vim sibi veneno similem ac conformem adipiscitur. hincque fit, ut ex potu consimili mors facile subsequatur his, qui eo potu vtuntur, sicuti experientia ego vidi factum in cœnobio, in quo ex potu vini corrupti maior pars eo victu vtentium periit ex morbis, symptomatibusq; his similibus, qui a lethali veneno producuntur. Idem igitur poterit esse alimentum & medicamentum, pariterque idem poterit esse medicamentum & venenum. nunquam tamen dabitur res vna, quæ eodem tempore venenum & alimentum esse possit. quod tamen deinde poterit esse, cum alimentum ad extraneam corruptionem deiecerit. Quod dictum est de cibo & potu, videlicet de alimento extrinsecus sumpto, idem verificatur ac contingit in alimento interno, & proprie dicto. humores enim corporis nostri, dum temperamentum insitum propriamque substantiam retinent, ad nutritionem eiusdem aptissimi sunt, & prout diuersum est & temperamentum, & natura horum omnium; ita etiam iste hanc partem, illamque nutrit. hinc ossa hoc humore particulari & proprio fruuntur, ipsoq; nutriuntur, qui ad carnis nutritionem ineptus est, quæ tamen alio diuerso, sibi que peculiari vtetur pro alimento. membranae similiter & ligamenta non eundem attrahunt humorem pro nutrimento, quo vel pulmo, vel iecur, vel lien alitur: hæcque sicuti diuersa inter se existunt, ita etiam distincto & unicuique proprio hu-

Humores corporis nostri, ut nutritioni apti sint, quas conditiones habere debent. Partes corporis nostri, quare determinato humore nutriuntur.

prio humore vnaquæq; pars fruitur. hoc non aliunde contingit, quam ex cuiusq; proprio temperamento, & propria natura. ex conformitate enim horum euenit, vt hæc pars humorem istum, illa alterū pro sui nutritione attrahat, ac eo fruatur. dumq; inter humorem attractū & partem nutriendam huius temperamenti & naturæ est conformitas & similitudo, recta & naturalis fit nutritio. Si autē quid horum desit, non amplius laudabilis & perfecta nutritio erit. nam si temperamentū nutriendæ parti propriū & familiare deerit humori ipsam nutrituro, pars ipsa ad malum alterabitur: & si sensibilis erit læsio, ex hoc ægtotabit. si autem alienam idē humor nanciscatur naturā, multoq; ex temperamento amisso deterius circa partē ipsam agetur. Nam vel non nutrietur pars ipsa ab eo humore: quoniam ratione dissimilitudinis naturæ attractio non ita fiet: vel si nutriatur, (quod in defectu alterius proprij humoris eueniet) in propria substantia etiā pars ipsa læsionem patietur, nō autem amplius in qualitatibus, sicuti in dissimilitudine temperamenti eueniebat. Humores namq; corporis nostri, siue sint illi proprij, ex quib. nutrimur, siue etiā ex elementis ab his decisa, dum in hoc ergastulo continentur, ultra plures alias præcipue duplicem hanc solent inire mutationē, alteram temperamenti, alteram naturæ propriæ. temperamenti mutationē subeunt, dum alterationem in qualitatibus patiuntur, naturæ autē, dum corruptionem concipiunt. ex temperamenti mutatione fiunt quodammodo nobis alieni, nec ita, vt prius erant, sunt nobis familiares: at ex corruptione extranei euadunt, nostræq; naturæ, si ingēs & valida fuerit corruptio, inimici. hinc euenit, vt in corporibus humanis procreentur aliquando humores, qui mole quandoq; exigua existentes, vim tamen & efficaciam letalem venenorum, perniciosarumq; ferarum facili æquent. hinc a digito pedis epilepsia, ab ore ventriculi totius corporis conuulsio, ab utero strangulatus & suffocatio, cæteraq; hysterica accidentia, hincq; vt in summa dicam quandoque subitæ & improvisæ mortes. Corruptio autē ista, qua in humores hæc venenata & perniciosa qualitas inuehitur, non est temperamenti sola immutatio, non est putredo, sed est totius naturæ insitæque substantiæ destructio, alienæq; ac

*Humores si
vel tempera-
mentum,
vel propriā
naturam a-
mittant,
quid succo-
dat.*

*Venenati
humores
cur aliquā-
do generen-
tur in corpo-
re humano.
Humores cū
venenatam
naturam a-
dipscunt,
quam mu-
tationem
subeant.*

uobis inimicæ procreatio: qua id quod per priorem naturam nobis erat benignum & familiare, inimicam nunc, & perniciosam naturam adipiscitur. cum enim vnus corruptio sit alterius generatio, quid mirum, si corrupta familiaris natura, inimica inuehatur: si destructa benigna, venenata generetur? Exemplo hoc pateat in sanguine. sanguis inter omnes corporis nostri humores familiarissimam nobis gerit naturam, ex hocque præcipue nutrimur & constamus, qui tamē, si corrumpatur, similia lethali veneno accidentia profert. hoc clare cernimus, cum ex vena electus, in cavitatēque vel ventriculi, vel vesicæ, vel vteri, vel alterius loci exilitens concreuit, quam primum enim & syncopes, & frigidos sudores, & respirandi difficultates, & pulsus imbecillitates, frigiditatemque totius corporis inuehit; nisiq; ab arte remedia quamprimum adhibeantur opportuna, mortem etiā breui affert. hoc non ex temperamēti mutatione euenit, cum nec pituita vitrea omniū humorum frigidissima hos effectus possit edere; non ex putredine, quoniam hoc statim fit, cum nondum putredo incipere potuerit; cumque ex putredine non concreuit sanguis, sed potius fluidus fiat, & cum ex putredine sit fœtor, & calor, quorum vtrumque a sanguine statim concreto negatur. Sed hoc prouenit ex propria sanguinis substantia corrupta, quam tantum intra venas incorruptam illæsamque natura seruare potest, extra venas enim sanguis cum nec a natura negatur, nec in proprio sit conceptaculo, moxque spiritus exhalent & euascent, parsque ichori separetur, statim propriā amittit naturam, alienamque & extraneam induit, & quo prior erat magis familiaris & magis benigna, alteram adipiscitur eo inimicam magis, magisque perniciosam. In corruptione autem ista non tantum est mutatio naturæ, sed etiam aliquando temperamenti. raro enim humor aliquis corrumpitur, quin etiam temperamentum aliquo modo mutant. sicut e contrario sæpiissime temperamentum immutatur, nulla facta in humoris substantia alteratione. Quod dictum est de sanguine, idem intelligitur, verificeturque de omni cætero humore & excremento, si enim in sanguine omnium humorum nobis familiarissimo amicissimoque

hoc eue-

hoc euenit, quid de cæteris humoribus excrementis cogitandum erit contingere posse? Porro hæc sæpe ad corruptionem deueniunt, corruptamque, consimilem veneno perniciosarum ferarū naturam frequenter adipiscuntur. Nec mirum sit, hæc quandoq; in nobis corrumpi, cum sicuti extra corpus nostrum, ita & in corpore nostro multæ sint causæ ad hoc efficiendum aptissimæ, quemadmodum & ad alterandum in qualitatibus omnia humorum excrementorumq; genera causæ repetiuntur multæ, tum externæ tum internæ. Cum autem has patiuntur mutationes, siue sit temperamenti, siue naturæ, quodcunque sit hoc humidum, seu ad nutriendum aptum, seu excrementosum, diuersa morborum genera impertiuntur. hinc enim alij sunt morbi a temperatura, alij a tota substantia. ab intemperie fiunt morbi, cum mutationem in qualitatibus tantum patiuntur: a tota autem substantia, cum naturam propriam per corruptionem amiserunt. qui morbi a substantia inter venenatos, id est proportionem respondentem, his qui a veneno causantur, recenseri possunt: quoniam fiunt a natura, & a tota rei substantia nobis inimica. unde tales hosce affectus, siue a delirio pharmaco, siue a bestia virus iaculante, siue ab improbo succo, siue a pestilenti cælo causati fuerint, Hippocrates omnes maleficos appellat, tanquam eorundem eadem actio praua, venenosa & malefica existat. licet autem læsio ex his non sit semper ad mortem, semper tamē offensam immanem hi inuehunt, quæ nec a temperamento, nec ab aliqua alia prodit manifesta causa, sed tantum ab intima rei nobis aduersante substantia. Morbi ab intemperie fiunt, tum ab internis, tum ab externis causis: hæcque tum naturales, tum non naturales, tum præter naturam esse possunt. harum infinitus fere est numerus, qui tamen, licet sub capita breui possit reduci, a me non recensetur; quoniam ad alios morbos ex corruptione propeto. Morbi autem a tota substantia, a venenataque natura, qui ratione humorum in corpore nostro existentium fiunt, ab eorundem corruptione generantur. causatur autem hæc corruptio vel ab extrinseco, vel ab intrinseco. Ab extrinseco, vel cum homines inspirant aerem ad corrumpendum aptū, vel cum alimentis vtuntur, quo-

Humores corporis nostri cū permutantur, vel in temperamento, vel in propria natura quos morbos pariant.

Lib. 6. Epid. sect. 6. tex. & com. 5.

Humorum corporis humani corruptio unde causetur.

ruin vitiosa est substantia, quæque corruptelam aliquam
 sentire, sicuti aliquando frumentis, leguminibus, cæteris-
 que cerealibus seminibus contingit, cuiusmodiq; sit quan-
 doque in piscibus, carnibus, aliisque consimilibus rebus,
 quæ vel quoniam diutius mactata sint, vel negligenter re-
 posita, corruptelam aliquam senserint. Vel hoc fit à ciba-
 rijs quidem incorruptis, sed qui facile, cum leui destituun-
 tur concoctione, labem istam concipiunt, sicuti sunt ho-
 rarij fructus, & cæteri cõsimilis generis. hoc etiam fit, cum
 cibaria nec ordine, nec tempore, nec mensura, nec præpa-
 ratione cõuenienti sumuntur. hinc enim fit succus ad cor-
 ruptelam paratus. Ab intrinseco autem fit corruptio ista,
 cum aliquod viscerum, vel quæcunque sit alia pars corpo-
 ris, labem aliquam conceperit, qua id quod ei apponitur,
 siue sit pro confectione, siue pro sui propria nutritione, in
 alienam permutant naturam, tandemq; corrumpunt: cu-
 ius labis postea possunt & multæ esse causæ, tum externæ,
 tum internæ. externæ quidem, sicuti Venus immodica, a-
 nimi pathemata, motus supra vires, casus, alterantia im-
 moderata, & consimilia huiusmodi, quæ innatum calo-
 rem dissipare apta sint. internæ autem, sicuti imbecillitas
 partis ab ortu, quæ diuturnitate temporis semper magis
 languescit, intemperies valida, & cætera, quæ partis calo-
 rem innatum dissipare, naturamque immutare possint.
 Animaduertendum autem est in vtrisque his mutationi-
 bus, quod non statim, nec semper, quotiescunque humor
 vel temperamenti, vel naturæ subijci mutationem, morbū
 procreat; sed quandoque intra corpus geritur longo tem-
 poris spatio, nullam alterationem manifestam exhibens,
 licet forsan latenter, & sensim semper aliquid male dispo-
 nat. sicut enim canis rabidi virus aliquando per menses
 nullo indicio, nulla læsione manifesta, intra corpus latet,
 licet aliquid continue semper agat: ita huiusmodi humo-
 res siue in temperamento sint immutati, siue in substantia
 corrupti, sæpe in corpore nostro nullum de se indicium præ-
 bentes, per notabile temporis spatium permanent: hiq; nõ
 semper, quamprimum tales geniti sunt, læsionem in cor-
 pore manifestatam & sensibilem produnt, sed nonnunquā
 per dies & menses latent, insensibiliterque semper aliquid
 continue

*Humores cũ
 sunt mutati
 vel intempe-
 ramēto, vel
 in propria
 substantia,
 non semper
 ladunt, nec
 semper mor-
 bos generāt.*

continue agentes, tandem morbos manifestos, & atroces aliquando, aliquandoque mortem inducunt. Hinc sanguis supercalefactus, qui per notabile temporis spatium in corpore sine aliqua læsione sensibili permanit, irrepens in partem aliquam vel exteriorem vel interiorem, modo generat inflammationem, modo erysipelas: tuncq; videtur esse factus subitus affectus in homine, cum tamen & eius causa per tempus in corpore latuisset. Hinc plurimos conspeximus, qui cum sibimetipsis astantibusque sani viderentur, a medicisque expertissimis sani iudicati potuissent, subitam oppetisse mortem: quoniam corrupti humores, qui venenatam naturam adepti erant, in corpore existentes, insensibiliterque continue aliquid agentes, tandemq; in cor subito erumpentes, subitum casum attulere: hique nō aliud mortis indicium, quam mortem ipsam habuere, cū tamen mortis causam adeo euidētē, potentissimamq; in sinu suo gererent. Has autem læsiones sensibiles & manifestas hi humores immutati, qui diutius latuerūt in corpore, produnt, vel cum sunt concitati a causa extrinseca, siue sit naturalis, siue non naturalis, siue præter naturam; vel cum ab intrinseca, scilicet, vel cum humores hi partes principales in consensum traxerint, vel adeo abundant, vt in proprio conceptaculo amplius retineri nequeant; vel cum tetrum vaporem de se ad nobiliores partes emittunt; vel si non vaporem, qualitatem saltem perniciosam edant, vel cum putruerint, vel quid cōsimile passi fuerint, ex quo humor concitatus suam actionem depromere queat, qualitateq; vel natura acquisititia sensibilem proferat actionē. Hinc non semper humores in qualitatibus immutati, nobis morbos inuehunt, sed tantum vel cum putrescunt, vel cum ad aliquam partē transmissi, illam lædunt, vel quid simile agunt, hocque cum a causis vel externis, vel internis concitati fuerint. Hinc etiam humores corrupti non semper propriam edunt actionem, sed tantum cum concitati vel mouētur ad partes nobiles, vel cū ad easdem vaporem, qualitatemve perniciosam & malam transmittunt. Vnde euenit, vt a digito pedis non continua sit epilepsia, nec ab utero hysterica continue fiant accidentia, sed tantum per interualla, quoniā non semper materia hæc perniciosa

*Humores
corrupti
quando læ-
dunt, vel
morbos ge-
nerant.*

agit, sed tantum, cum concitata ad principales partes quid sui transmittit. parem igitur subeunt mutationem, & humores in corpore nostro existentes, & alimenta exterius sumpta. vtraque enim & temperamenti & substantiæ mutationem patiuntur, illius quidem ex alteratione, istius autem ex corruptione: in hocque communicant, quod ex alteratione morbos ab intemperie, ex corruptione autem morbos a substantia & propria natura inuehunt: quos non statim semper edunt, sed cum a causis, siue externis siue internis, concitati suam depromunt actionem; vel ab iisdem immutati causis, ad sensibilem læsionem inducendam promouentur. Quemadmodum autem alimentum & humores sortiti hanc sunt naturam, vt duplicem hanc transmutationem subeant; similiter & aer nobis circumfusus, alterum instrumentum ad tutelam caloris nostri paratum,

*Aer quare
necessarius
pro confer-
manda vita.*

consimilem adeptus est. Hic quidem adeo nobis est necessarius, vt sicuti nec sine alimento nutriri, nec sine anima viuere: ita nec animam sine aere tutari aut conseruare possumus. cum enim vita a calore, sicuti mors ab eius extinctione pendeat, calorque ad propriam conseruationem continua egeat euentatione, vt hinc & fumosa excrementa propellere & refrigerationem haurire possit: aer nobis vtrunque hoc officium præstat. nam & recipit excrementa illa fumosa, & pabulum conueniens est pro ipsius caloris refrigeratione; quorum si alterum, vel ambo desint, in

*Aer, vt vitam tutari
queat, quas
conditiones
habere de-
beat.*

*Aer immu-
tatus vel in
tempera-
mento, vel
in substan-
tia quomo-
do laedit ho-
minem.*

discrimen suffocationis homo deuenit, extinctoque calore in mortem labitur. Hæc autem munia recte obit aer, propriaque est tutela & nutritio caloris nostri, dum temperamento & natura nobis est familiaris: cuius contrariū si eueniat, vt scilicet vel in qualitatibus primis immutatus, vel in substantia corruptus sit, quoniam vtranque mutationem subire potest; primo quidem spiritus, deinde humores, vltimo loco substantiam corporis nostri afficiet: & prout diuersa erit mutatio, diuersos inuehet morbos; hos quidem ab intemperie, cum intemperatus in qualitatibus erit, illos a substantia, cum in substantia propria fuerit corruptus. Quæ corruptio alias ex motu & lumine astrorum, in aera male agentium; (illinc enim omnis inferiorum virtus regitur & gubernatur) alias ex cadaueribus in sepul-

tis, alias

ais, alias ex aquis stagnantibus corruptis, alias ex specu & voragine aperta, alias ex alia causa ortum habet. Cum autem aer labem istam conceperit, validissime in corpora nostra agere, morbosque perniciosos inducere poterit. cum enim continue hunc & per arterias & per inspirationem ad intra corpus trahamus, factusque sit nobis ex labe ista concepta inimicus, non amplius erit aptum caloris nostri pabulum & conservatio, sed potius hinc dissipabitur corpus nostrum primo male affectis spiritibus, postmodum & communicata labe humoribus & partibus corporis nostri solidis, præcipue autem cordi, tanquam ei, quod plurimo aere pro sui refrigerio egeat, attrahatque. Hinc pestis ex aere oritur, quæ plurimos vno eodemque tempore inuadens populatur, non tamen omnes pariter, sed eos magis, qui humores ad corruptelam aptos in se recondunt. ad quamcunque enim actionem dispositio patientis requiritur. nam aer corruptus corruptionem inuehit: ubi autem sunt humores in hanc proclives, & in eodem corruptelam præcipitat. Corruptio autem ista a pestilentia inducta non est putredo, quoniam si hoc esset, semper pestis concomitata esset febre. at sæpe pestis sine febre visa est. præterea putredo a calida & humida sit constitutione. at oriuntur pestes, vigentque aliquando temporibus calidissimis & siccissimis, cuiusmodi fuit ea pestilentia, quam ex Thucydidis historia totam Asiam, hincque in Græciam peragrasse nouimus. Pariter igitur & aer & alimentum, & corporis nostri humores aliquando corruptionem patiuntur, cuius ratione venenatam & perniciosam labem concipiunt, unde inimica contrariaque naturæ nostræ euadunt. ab aere ita alterato fiunt pestilentia communes, quæ promiscue agendo vnamquamque naturam & temperaturam inuadunt, omnesque ætates, omnesque sexus indifferenter adeunt, licet hos magis quam illos dispositionis ratione. ab alimento autem, & a corruptis humoribus, nihil ad hoc aere conferente, fiunt pestilentes febres, inter sporades morbos semper recensendæ, nisi in aliqua regione ex communi alimento corrupto ortum habuerint; quoniam tunc non inter sporades, sed inter endimios sunt connumerandæ. Aliquando tamē corruptionem tantam,

Aeris corruptio unde causatur.

Pestis ex aere.

Corruptio à pestilentia inducta non est putredo.

*Pestis ex cō-
tagio vñdo
ortum ha-
beat.*

*Pestis vel
cum febre,
vel sine fe-
bre innadit.*

adeoque venenatam naturam concipiunt humores cor-
poris humani, vt unicuique præsentaneo veneno compa-
rari possint, tantaq; illorum aliquando est efficacia, vt per
solum & vnicum contactum in corpus extraneum consi-
mitem inuehant perniciosam & venenatam naturam.
hincque oritur pestis ex contagio. Pestis autem quæcunq;
sit, siue ex pestilenti aeris statu, siue ex contagio, duplici
consequitur modo inuadere. alias enim febrem, vnaque ma-
lam illam & venenatam introducunt qualitatem, alias hac
tantum sine febre: cum primum agit, febrem pestilen-
tem, vel morbos cum febre pestilenti inducit, cum autem
secundum corruptionem in humoribus, non autem pu-
tredinem affert. hincque pestis sine febre. Quod idem po-
test contingere, visumque est sapius in corpore humano
contigisse, dum nullum pestis genus vagaretur, scilicet,
quod facti sunt pestilentes morbi, & affectus ex corruptio-
ne ingenti humorum in aliquas corporis partes decum-
bentium, nulla præsentee nec putredine, nec peste.

Quod dentur pestilentes affectus sine febre.

CAPVT V.

*Pestem sine
febre dari
ex mente*

Hippocrat.

Tex. 25.

Tex. 28.

Tex. 55.

Tex. 60.

QUAMVIS liqueat, sine febre pestilentes affectus con-
tingere posse, hoc tamen suppositum cum in-
terioribus quæ tractanda erunt, inseruire debeat, interfraga-
bilibus auctoritatibus rationeque firmabo. Hippocrates,
dum recenseret erysipelatosos affectus, ac pestilentes, quos
sub anno austrino, tertio Epidemiorum libro, enarrabat,
habebat hæc verba: *Hic adiuncta aliquando, aliquando
non erat febris.* paulo post subdebat: *Multos autem vna
cum febribus, & ante febrem, atque a febre, arripue-
runt. si autem ante febrem, ergo clare sine febre potest
esse pestilens affectus.* Inferius autem, dum de alui fluxio-
nibus loqueretur, hæc habebat: *Alui viscosa, pinguis, re-
nuis, aquosa, atq; ipse morbus multis eo erupit citra fe-
brem, & cum febre.* paulo infra hæc subiungebat. *Ex his
quos febres tenebant, aliaq; nemo circa potum intempe-
ratus erat.* quæ verba [quos febres tenebant] clarissime do-
cent, alios posuisse affectus pestilentes, quos febris non con-
comita-

comitabatur. Galenus vero in eadē tractatione hanc sententiā exponens, clarissime docet, alios pestilēter ægrotasse sine febre, alios cū febre, hæc habens. Postquā priori capite dixit de ijs, qui ex ventre laborarūt, quod partim sitibundi, partim non essent, hic nunc de ægrotantibus simul cum febre ait, non magnopere illum fuisse sitibundum. Hoc idem superius eadem commentatione, dum explicaret, quod in peste illa longissima, quæ sua ætate vulgata est, per excrementa alui (quemadmodū & in illa Hippocratis tempestate narratur) omnes prope extincti fuere, per hæc verba testatus est. Quod quidem esse symptoma perpetuum febris, quam pestilentem priuatim vocitant, cum mortales vel citra febrem pestis arripiat. Hoc clarius, dum normam exhibendi armenam bolum in pestilentibus affectibus doceret, per hæc verba expressit: *Caterum bibitur ex vino albo, consistentia tenuis, modice diluto, si aut plane febris careat, aut leniter ea teneatur; sin grauius februat, admodum aqueo.* per quæ clarissime in peste aliquando febrem esse grauem, aliquando leuem, aliquando nullam testatur. Ratio hoc idem dicat. cum enim aer nō semper per putredinem corpora pestilentiali inficiat affectu, sed hoc sæpius ex propria vitata, & altera venenata acquisita natura agat: cumque in corpore humano multoties ex prauo victus regimine tanta adsit humorum sine putredine corruptio, vt inde hi humores venenatā labem concipientes, & pestilentes morbos inducāt: quemadmodum venena non necessario putridam qualitatem, a qua febris, includunt; ita nec vbi aer non manifesta, sed venenata qualitate corpora inficiat; nec vbi humores hac eadem labe inquinati, & non putrescentes erunt in causa pestilentis affectus, necessario febris subsequetur; quoniam ad inducendam febrem hanc ex necessitate requiritur putredo, quæ in prædictis non necessario includitur, cū qualitates venenatæ & inficere & perdere homines sine putredine, & ideo sine febre, possint. Hanc sententiam viri celeberrimi duplici auctoritate, duplici ratione & experimento euertere nituntur. Prima auctoritas ab Hippocrate desumpta est, qui in libello de spiritibus, flatibusve diuidens febrium genera in commune & particulare, dicebat,

Pestem sine febre accidere, ex mente Galeni.

Com. 60.

Com. 57.

Lib. 9. de simpli. med. fac. cap. de terra Samia.

Pestis quæ re sine febre posset innuere. Et hinc ratio.

commune februm genus ab omnibus pestilentiam vocari. hinc arguunt Hippocratem censuisse, omnino inseparabilem esse febrem à peste. Altera autem auctoritas plurium quidem scribentium est: tamen cum vnico innitatur fundamento, pro vnica a me recenseatur, quæ hæc erit. Paulus, Aetius, Auicennas, Rasis, & omnes fere qui de peste egerunt, de hac nullibi, præterquam in catalogo februm, tractarunt: quod certissimum est argumentum, eos indicasse febrem affectibus pestilentibus essentialem esse. *Rationum hæc prima est.* Pests est acutissimus morbus, cum celerrime moueatur, & plurimos interficiat. igitur necessario habet febrem concomitantem. ex Hippo-

*Lib. p. Epid.
sect. 3. com. 3.
Lib. pri. aph.
com. 7.*

crate enim in Epidemijs acutissimi & grauissimi morbi semper habent febres continuas ipsis coniunctas. ac ex Galeno, dum interpretatur sententiam Hippoc. dicentis, morbos peracutos statim extremos habere labores, & ideo in his extreme tenuissimo victu vtendum esse, febres ab acutis morbis sunt inseparabiles. quod idē confirmasse videtur, dum causas & differentias difficilis respirationis explicaret, vbi habet, acutos morbos omnino cum febribus continentibus generari. *Altera ratio hæc est.* Pests ex Galeno, februm differentias docente, generatur ex putrefactione accensa circa cor, cum hoc ex inspirato aere contingat: at facta putredine circa cor, ingenitoque ibi calore præter naturam, non potest non subsequi febris: igitur pestem febris semper concomitabitur. Experimen-

*Lib. 3. de
diffic. resp.*

*Lib. p. de
differ. feb.
cap. 4.*

tum autem tale est, videlicet quod asserunt ipsi, nullū hisce temporibus ex his qui peste laborarint, sine febre inuentum esse. Vnde si nullum reperire liceat, qui peste & non febre detineatur, nec etiam credendum est, pestem sine febre dari posse. Hæc opinio, vt mea fert sententia, præterquam quod Hippocrati & Galeno manifestissime contradicit, veritati consona non est, vt omnia superius in contrarium deducta diluens, clarissime ostendam. & incipiens ab experimento dico, quod vnusquisque habet sua & propria experimenta. Vnde si hi asserunt, non ab eis visum esse pestilentem morbum sine febre, alij ex recentioribus sunt, qui affirmant, se oppositum obseruasse. quare penes nos, quo ad hoc, res indecisa remanebit. si tamen ab ex-

*Experimento
an detur pe-
stis sine fe-
bre.*

perimen-

perimentatoribus vlla fides desumenda erit, quibus magis erit credendum, an hominibus nostris? an Hippocrati & Galeno, qui duo fulgentissima medicinæ lumina fuerunt? his procul dubio. At Hippocrates & Galenus affirmant, se obseruasse pestilentes morbos sine febre; experimento igitur pateat, dari sine febre pestilentes affectus. quo supposito adducta in oppositum deuenio. Sane locus ille Hippocratis libro de spiritibus clare habet, febres communes pestem vocari. sed quo pacto hinc elicere possimus, febrem omnino esse inseparabilem a peste, nec video, nec conijcio. perinde autem est hæc positio, ac si morbos in acutos & longos distinguerem, acutos autem vocarem graues & periculosos, hincque elicerem, omnem grauem morbum ac periculosum esse acutum. quod quantum veritati consonet, videant alij & iudicent. Præterea hoc addo: si diuisio illa febrium omne morborum genus contineret, nulli dubium esset, quod hæc propositio [*febres communes sunt pestis*] æquipolleret ei [*pestis omnis est cum febre.*] sed cum denrur alij morbi sine febre, ex prima illa propositione secundam deducere non licet, quoniam ille terminus, *pestis*, potest esse quid vniuersalius febre communi. porindeque esset, ac si diuiderem febrium genera in has duas differentias, videlicet quod primum genus esset cum loci particularis affectu, alterum autem non, sicuti ex quæ nullo particulari affecto loco, sed a sparsa fiunt materia; eliceremq; ex primo dicto, omnem particularis loci affectum esse cum febre. hoc autem & falsum est, & illinc elici non potest, quoniam affectus particulares sunt quid commune & febri & nonnullis alijs morbis. Quapropter concludo, ex loco illo Hippocratis haberi quidem, febres communes pestem, esse: sed quoniam sub hac febrium diuisione non omne morborum genus continetur, ideo hinc non posse deduci, omnem pestilentem affectum esse cum febre. Si autem Paulus, Aetius, cæteri que scribentes de peste in tractatu febrium de ea egerint, hoc cum maxima factum est ab eis ratione; quoniam cum pestis vt plurimum vel sit febris ipsa pestilens, vel pestilens affectus cum febre; iure de ea inter febres tractandum erat, locusq; hic erat cōueniens, in quo hæc tractatio

Paulus, Aetius, cæteri que cur de peste in tractatione febrium egerunt.

reponi debuerat, ut febrilem affectum, qui pestem sæpissime concomitari solet, considerarent. Præterea hoc etiam ea ratione est factum; quoniam sicuti pestis est morbus communis, similiter de ea inter morbos communes agere debebāt: ac febris respectu aliorum morborū est communissima. His addo, quod si de affectibus particularibus pestilentibus agere sigillatim voluissent (cum fere omnes graues, & periculosi morbi, sicuti dysenterix, tenasmi, dolores colici, hepatis inflammationes, phrenitides, erysipelata, carbūculi, plurimiq; alij particulares morbi, possint esse pestilentes) sub singulo quoq; horum capite de iisdem agere debuissent, remq; ipsam in immensum traxissent, sæpiusq; eadem ab iisdem repetenda forent. quod ut euitarent, sub communi morbo, & in communi loco, & in tractatu de morbis communibus, de peste egerunt. Quare non est, quod hinc elicias, horum scribentium mentem fuisse, febrem pestiferis morbis essentialē esse. Quod idē hinc confirmari potest, quoniā Paulus & Aetius, quos cæteri imitati sunt, agentes de morbis publice grassantibus, non sub nomine febris, sed sub nomine morbi, cum tamē in tractatione febrium de his agerent, rem & sententiam suam aperuerunt. si enim opinati essent, semper pestilentes morbos esse cum febre, vel febrem ipsam esse, non assumpsissent nomen hoc morbi genericum, & ad febres, & ad cæteros affectus qui sine febre accedunt. *Hæc quo ad auctores, nunc ad rationes descendā. Prima hæc erat.* Pestis est acutissimus morbus, igitur cum febre, quoniam ad mentem Hippocratis & Galeni, locis citatis, omnis acutus morbus febrem concomitantem habet. At ratio hæc falso innitur medio, quod habet, omnes acutos morbos febrem coniunctam habere. norunt enim medici, nōnulla morborum acutorum esse genera, quibus febris nō annectitur. & hoc adeo clare pluribus in locis testatus est Galenus, ut mirum sit, hæc non fuisse ab his notata, nam dum explicaret, quare acutorum morborum nō omnino certæ sint prænuntiationes, vel salutis, vel mortis, habet hæc verba: *Febresq; ut plurimū acutis morbis adiunguntur. rari enim sunt ex ipsis, quibus febres non adsint, ut morbus attonitus quem Græci apoplexiam vocant.* In commen-

tatione

Acuti morbi an necessarios habeant coniunctam febrem.

Lib. 2. aph. 19.

ratione autem Aphorismi, in quo habetur, mulierem ut
 rogerentem capi ab aliquo morbo acuto, lethale esse, di
 cebat sic: *Et si abique febre aliquis alius morbus acutus* 30.
fit, Veluti morbus comitialis, morbus attonitus quem
Græci apoplexiam vocant, convulsio, distentio, &c. hanc
 eandem sententiā confirmat loco illo, in quo de difficultate
 respirationis agitur per hæc verba, dū loqueretur de mor
 bis acutis. *Euerit autē & itaq; & corū qui citra febrē sūt,* Lib. 3. de
Velut etiam convulsiones, per quæ omnia clare habetur, *diff. respira.*
 alios esse acutos morbos qui fiant cum febre, alios qui sine
 febre. Cum autem non omnes acuti morbi necessario fe
 brem annexam habeant, nec ea ratio vllius erit roboris, dū
 habet, ideo febrem concomitari pestem, quia hæc sit acu
 tissimus morbus: loca autē ea Hippocratis & Galeni in op
 positum deducta nihil cōtra hanc sententiā habent. Quo
 enim ad locū Epidemiorū, animaduertendum est, Hippoc.
 intentionem esse per ea verba, cū proposuerit plura esse fe
 brium genera, declarare, in cuius febris genere sit morbi
 gravitas, vitæq; discrimen; in quoq; securitas, & eiusdem
 leuitas esset: & ita inquit, quod morbi acutissimi gravissi
 miq; ac maxime letales, fiunt in cōtinua febre, in cuius cō
 parationem & oppositum subiungebat, Quartanam esse
 securissimā, facillimam & longissimam; Semiterrianā autē
 cum morbis acutis esse lethalem; nocturnam non admo
 dum lethalem, sed longam; diurnam autem longiorē. Quæ
 omnia proponebat non ad declarandā horum morborū
 essentiam, sed ad explicandā gravitatem, discrimenq; ha
 rum febriū, tanquam ea quæ ad prognosticum tantum fa
 ciant, & ideo hinc non arguatur, quod acuti morbi semper
 cum febre fiant, sed quod acutissimi, maximi, gravissimi,
 ac præcæteris omnibus letales. Sicut ij morbi qui fiunt in
 continua febre. Quo vero ad locū Galeni, in quo habet fe
 bres a morbis acutis esse inseparabiles, sciendum est, quod
 loquitur de illis acutis morbis qui sunt cū febre: ab his autē
 febres sunt inseparabiles, quoniā hi semper sunt cum febre
 continua, ut dicebat Hippocr. dum rectam acutorū mor
 borū victus rationem instituere vellet per hæc verba: *Sunt*
hisigitur acuti morbi, quos præci nominatim perstrinx
xerunt, pleuritis, peripneumonia, phrenitis, lethargus, Lib. p. reg.
acut. tex. 3.

causae, & quicunque, alij hos consequuntur morbi, quorum febres prorsus continua interficiunt. Quod est idē, quod Galenus lib. De difficult. respir. intendebat, dum habebat, acutos morbos eos proprie vocari, qui omnino cum febribus continentibus fiunt; quoniam ij sunt soli, de quibus Hippocrates eo in libro pertractat, dum victus rationem acutorum morborum docere intendit. hi enim semper sunt cum febre, & horum febres sunt semper continuæ. quod tamen non includit, omne acutorum morborū genus esse cum febre. Secunda erat ratio. Pests ex Galeno generatur a putrefactione accensa circa cor. igitur necessario habet febrem cōnexā, quoniam, accenso calore & putredine in corde, non potest non subsequi febris. Proculdubio, si verum esset, semper generari pestem a putredine accensa circa cor, omnino a peste febris esset inseparabilis, sed illud falsum est, ut inferius declarabitur, dum in peste nō per putredinem semper aerem agere, & dum fomitem pestilentis morbi non semper circa cor esse, explicabimus. Quod idem processus Hippocratis confirmare potest, qui erysipelatosos recensens affectus, eorundemque putredines & corruptiones, unde ossium denudationes & decidentiæ procedebant, cum tanta putredine in nonnullis febrem nō adfuisse, testatur. hinc autem duo habemus, primum quod a putredine circa cor non incepere hi affectus, quoniam cum tanta putredine necessario insigniter febricitassent: alterum quod fomes huius pestilentis affectus non circa cor, sed in partibus externis sæviebat. Præterea interdū circa cor quidem prima potest esse ex peste infectio, attamen vigente eius robore, validaque existente vi expultrice, materia infesta quandoque a corde ad alias partes & ad externas transmittitur. Vnde modo cutaneos affectus, modo tumores ad axillas, ad inguina, & ad alias corporis partes inuehit. hicque non erit necessarium, ut febris subsequatur, dum vigente cordis robore, eiusque vi naturali reluctante, materia peccans non ibi accenditur, sed alio, videlicet longe ab ipso corde transmittatur. His addo, quod pestilentes affectus non semper ortum habent ab aere, sed nonnunquā hi ratione pravi alimenti, assumptis in usum hominum malis cibarijs, generantur: tuncque non necessarium

Pestis angeneretur a putrefactione accensa circa cor.

Lib. 3. Epid. sect. 3. tex. 25.

necessarium erit, vt putredo accēdatur in corde, quoniam in quacunq; alia corporis parte, cuiuscemodi & circa cor, potest prauitas humorum aggtēgari, cuius ratione pestilens affectus subsequatur: & tunc qualitas illa pestilēs non necessario erit cum putredine, à qua putredine febris ipsa accenditur & dependet. Quod autem Galenus ibidem asserat, pestem generari ex putredine accensa circa cor, & ideo quod cum peste sit semper annexa febris; non est præter rationem, nec aliquid contra sententiam nostram habet, quoniam tunc loquitur de peste, quæ ratione vitiatī aëris corpora inficiat. Vnde cum hic inspiretur, videtur, quod necessario primo inficiat cor. At non semper pestilentes affectus hac fiunt ratione, quemadmodū cum fiunt, vel ratione puri contagij, vel ratione prauī victus. Præterea ibidem Galenus non pestis causas, sed pestilentis febris inquit: & ideo cum præsupponat febrem, eiusq; causam indagando asserat circa cor accensa putredine ex vitiatō aëre inspirato generari pestilentem febrem, non est, quod hinc deducere possimus eum iudicasse, cuiuscunque pestis hanc eandem esse causam, & in quacunq; peste febrem necessario reperiri. non negauit enim Galenus, fieri etiam posse pestilentes affectus, & ratione vitiatī alimenti, & ratione etiam contagij, cuius merito censebat, conuersationem eorum qui peste laborant, esse vitandam, quoniam periculum est, ne inde contagium contrahatur. Et si forsā per contagium id non intellexit Galenus, quod nos intelligimus, ætasque nostra perspicacius & diligentius antiquitate perscrutata est & cognouit: tamē hoc verum est, & pro certo censeatur, quod multi in pestilentes incidunt affectus ex solo contagio per fomitem: tuncque non ab inspirato aere, vt Galeni præsupponit sententia, sed ex solo contagio auspicantur. cuius ratione potest illa venenata & perniciosa qualitas non tantum cordi, sed & cuicunque alteri membro communicari: & hinc febris necessario ratione prædicta non accedit. At etiam ex inspiratione infecti aeris, ac ex valido contagio experientia docuit, aliquos ita efficaciter coinquinari, vt nec præcedente aliqua notabili alteratione, nec post mortem subsequente vllō pestilentis affectus signo, subito peste correpti, subito etiam

*Lib. p. de
diff. feb.
cap. 2.*

*Peste infecti
aliquando
subito per-
eunt.*

perinde ac si præsentaneum venenum hauissent, de medio sublatis sint. quid hoc potuit esse, nisi praua & pernicio-
sa illa qualitas, pestilens spiritus, & calorem innatum op-
pugnans, & expugnans simul absque quod vlla facta sit in
humoribus vel putredo, vel feruor, & ideo nec febris. si e-
nini hoc fuisset, non potuisset non adfuisse aliquod sym-
ptoma, signumve, quod hæc necessatio consequens, hæc
eadem aliquo pacto concomitans indicasset. Quare con-
stanter assero posse pestem pestilentesque affectus sine fe-
bre dari; hocque tum experimento, tum rationi, tum Hip-
pocrati ac Galieno conformari.

De essentia febris pestilentis. CAP. VI.

His habitis ad declarandum febris pestilentis essen-
tiam descendo. Quando humores corrupti, qui ex hoc
extraneam naturam perniciosamque qualitatem sunt ad-
epta, ad putredinem deueniunt, tunc fit febris pestilens, que
non calore putrido tantum, sed etiam qualitate maligna,
cor lacessit: calore quidem, quoniam omnia putrida alie-
no calore sunt calida, qualitate autem mala; quoniam cor-
rupta extraneam improporcionatamque ac inimicam no-
bis naturam adipiscuntur. Qualitas autem hæc maligna a
corruptione causatur, in extranea natura inuenta consistit,
a putredine concitatur. primo enim humores corruptio-
ne subeunt: a corruptione natura nobis perniciosa & ini-
mica inuehitur, in qua mala hæc qualitas fundatur: quæ
mala qualitas cor non fatigat per febrim, nisi cum humo-
res ad putredinem deuenierint. hinc enim excusciatur il-
la maligna natura, ad agendumque promouetur. nam per
putredinem omnia corrupta facile exhalant euaporant-
que: & cum prius nihil redolerent, addita putredine foetida
euadunt. Vnde postea quoquo versus vapores sibi con-
similes transmittunt, suamque malam qualitatem facilius
proferunt. Exemplo hoc pateat. Vinum vappa factum cor-
ruptumque non accedente putredine, nec calefcit, nec foet-
et. quod si illa superueniat, alieno calore statim alteratur,
foetoremque acquirit, adeoque malam illam naturam in
corruptione delitescentem promouet, vt abominabile &
magis

*Præuaguan-
tas a quo
causetur.*

*Humores
corrupti
quando fe-
brem pesti-
lentem in-
ducant.*

magis perniciosum euadat. Vnde multi potu vini corrupti vti sint, nullus tamen putrescentis vsum potuit tolerare. Hoc idem humoribus corporis nostri euenit. hi, dum sunt corrupti, nondum autem putrefacti, nec calorem, nec malam qualitatem vna cum calore de se necessario proferunt. quod si putredo his superueniat, tunc mala illa natura in actum reducitur, & ad agendum promouetur. hincq; excitata vna cum calore putredo cor fatigat: tuncq; fit febris pestilens. hæc autem qua febris, quoniam omnis febris est intemperies calida, calore nocet; qua autem est maligna, perniciofa qualitate ortum habente ex substantia nobis inimica, a corruptione causata lædit. Corruptio autem ista non semper est vniformis, nec in puncto consistit, sed aliquando magis, aliquando minus intensa est. Vnde prout vel maior vel minor est, & prout magis vel minus distat a natura humorum priori & naturali, ita etiam modo magis perniciosam, modo minus malam naturam in eosdem inuehit humores. hincque cum ad putredinem hi deueniunt, modo pestilentem febrem minus malignam, modo magis procreant. prout enim humores facti sunt vel magis vel minus alieni, improporcionatq; naturæ nostræ; ita etiam quandoque febris inde pendens efficitur modo minus, modo magis maligna. corruptio autem horum humorum quandoque eorundem putredinē præcedit, quandoq; vna cum ipsa videtur inuadere. clare præcedit in febribus illis pestilentibus, quæ inter sporades morbos connumerabantur; clariusq; in illis, quæ ex caritate annonæ, vitiosoque victu vel potu ortum habuere. hi enim (qui tali vti sunt victus genere, cuiusmodi sub Antonino, potissimū autem in his qui ruri degebant, factum est, cum prius malos corruptosq; humores aggregarint) tandem febricitabant, cum iidem ad putredinē deuenirent; hisq; si sanguis, antequam febricitent, emittatur, non laudabilis, sed totus vitiatu conspicitur. sique ad præseruationem exputgetur, humores omnino prauis & corruptis educuntur, qui probi ex malo victus genere non potuerunt gigni. corruptio igitur in hisce febribus putredinem manifeste præcedit. at in illis, quæ vel ex pestilenti aeris statu, vel ex contagio ortum habent, non ita liquet; imo videtur vna accedere,

Corruptio humorum non semper est vniformis.

Febris pestilens, quare aliquando magis, aliquando minus maligna existit.

Corruptio humorum & putredo in febre pestilenti quomodo se comsequantur.

*Venenata
humorum
natura in
putredine
non cōsist.*

quod tamen ita explicandum erit. Aer pestilens, contagiumque cum inficit quempiam, non alia ratione valide citoque in eundem suam prodit actionem, quam ratione venenatae naturae: qua ambo hae improporcionata homini, inimicaque facta sunt. Venenata autem hae natura non in putredine consistit, quod & validitas & velocitas agendi indicat: licet enim quod a putrido contangitur, putridum fiat, tamen hoc non subito nec velociter fieri potest, sed sensim & temporis spacio conuenienti contingere debet, quoniam hinc qualitatum actiuarum passiuarumque mutua actio passioque, per quam res putrida fiat, requiritur. at res venenosae, cum non ratione qualitatum, sed ratione substantiae agant, possunt, cum actuatae sunt, subito & valide agere. hinc hausto veneno quis repente moritur, per fomitemque ex contagio quis subito inficitur: quae nec putrida assumpta, nec adhuc contangencia facere possunt. praeterea si hoc de pestilenti aeris statu quis posset imaginari, quid de contagio asseret? in quo vnico contactu, vnica inspiratione communicatur pestilens affectus. hoc ne ex putredine? cum aegrotans ex contagio infectus, & carnes diu mactatas, & fructus horarios, quae omnia ad putrescendum promptissima sunt, consimiliaque diu cōtrectet, nec ea putrefaciat: putrefaciet humores in corpore alterius existentes, qui a natura eius propria regulantur & reguntur, vnico contactu, vnicaque expiratione, simulque pestilentem affectum inducet? sane hoc non ex putredine, sed ex venenata natura contingit, cuius violentiae ratione corrupta humorum substantia, factaque perniciofa, cum amplius regi a natura nequeat, tandem putrescit. hincque fit febris pestilens, a contagio inducta. hoc idem in pestilenti aeris statu contingit. hic enim factus ex corruptione, vndecunque causata fuerit, naturae humanae inimicus, attractusque tum per arterias, tum per inspirationem, primo quidem spiritus, postmodum humores, vltimo partes corporis solidas labefaciat, non putredine certe, sed mala & perniciofa qualitate, qua humores praecipue labefactati, multumque corrupti, cum a natura non regantur, statim postea ad putredinem deuenientes febrem pestilentem causant: hincque febris pestilens ex aeris mala constitutione.

Hoc

Hoc idem hinc confirmare possum, quod sæpe & contagium & aeris status pestilens pestilentem affectum in humores inducant nulla præsentē putredine, vt clare liquet, cū sine febre pestis inuadat. si enim à putredine hoc esset, quis posset imaginari pestilētem affectum in humoribus, ipsisque putrescentibus, nullam præsentem adesse febrem? at sæpe sine febre pestilentes affectus apparent. In pestilenti igitur aeris statu, a contagioque inuehitur, dum febris per hæc introducit, corruptio & putredo, quæ simul accedere videntur, attamen & tempore & ratione semper corruptio putredinem præcedit, licet breui hæc illam subsequatur. Quapropter in omni febrium pestilentium genere putredo corruptionem subsequetur. hincque concludendum erit, quod febris pestilens ea est, in qua humores corrupti putrescentes, non solo calore putrido, sed & pernicioſa qualitate cor lacesſunt: quæ mala qualitas fundatur non in temperatura aliqua, vel qualitatibus vllis, sed in natura venenata ex corruptione causata. sicuti pariter vis attrahendi ferrum consistit in natura magnetis, sicutique vis educendi bilem fundatur in substantia Rhabbarbari, non in eorundem vlla temperie vel qualitate. Quemadmodū autem & Rhabbarbarū in corpore nostro suam non prodit actionem, antequam actuatū sit à calore nostro, ita & humores corrupti, antequam putrescant, per febrem suam non proferūt actionem, sed tantum cum per putredinem mala illa qualitas delitescens excitatur, cuiuscumodi cum per actuationem in Rhabbarbaro attractio bilis excusciatur. Animaduertendum autem est, quod ista mala qualitas, pendens a venenata natura, causata a corruptione, non excitatur a putredine solum, quoniā & aliter suam potest prode actionē. si enim causæ putredinem inducentes non sint præsto, poterit quidem hæc materia imputris aliquandiu seruari, tamen spatio temporis, vel cum in molem eximiam excreuerit, vel cum non retineatur in proprio conceptaculo, vel cū a causa aliqua extranea concitabitur, suam depromet actionem & vim: & prout magis huic membro, quam illi, inimicam gerit naturā, modo etiam syncopas, modo epilepsiam, modo alias inferi lēſiones, nulla concomitante febre. quæ eadem materia, ū ad

Febris pestilens qua sit.

Mala qualitas nō semper a putredine excitatur.

*Corruptio
humorum
non semper
putredinem
eorundem
præcedit.*

putredinem deueniat, cum vel in mole eximia, vel in loco ad febrem producendam apto extiterit, tunc febrem inuehit pestilentem, malamque illam qualitatem, putredine mediâte, facilius depromet ac excitabit. His omnibus hoc addo. quoniam longa serie determinatum est in febre pestilenti corruptionem semper putredini præire, non existimet quis, quod omnis corruptio putredinem præcedat. nam & aliquâdo corruptio a putredine causatur, cuiusmodi frequenter in externis videmus. nam & fructus multi, præcipue horarij, & carnes diu mactatæ, & frumentum, legumina, cæteraque cerealiamina semina male reposita, sæpe per putredinem corrumpuntur: quod idem humorib. corporis nostri sæpius euenit. nam accedente putredine aliquando corrumpuntur. nec tamen hoc a superioribus dissimulatum est. nam in omni quidem febrium pestilenti genere corrupti humores, qui naturam nobis inimicam adepti sunt, putrescunt: hincque febris pestilens pendet. attamen & aliquando ex putredine humorum ingenti iisdem corrumpuntur, naturamque venenatam inde concipiunt: quod tamen cum euenit, nondum facta est febris pestilens, sed hinc fieri debet. dum enim intensa putredine humores, siue hoc in membro particulari, siue in venis patiatur, putrescunt, nondum autem sint corrupti; non potuerunt concipere naturam illam perniciosam: sed putredo illa est via ad corruptionem, & ad generandam malam illam qualitatem: quæ duo si subsequantur, tunc perseverante eadem, vel noua accedente putredine fit febris pestilens: quod experientia sæpissime patuit. multæ enim incipiunt febres, quæ a principio non sunt pestilentes: quæ tamen, si medici ignorantia, negligentiaue, ægrotantiumque inobedientia, aut causarum externarum sæuitia, male tractentur, acuta magisque intensa facta putredine, in pestilentes desinunt. hoc non aliunde euenit, quam ex mala corruptione, in humoribus causata ab intensa putredine. quæ tamen non potuit edere febrē pestilentem, nisi cum materia putrescens eo corruptionis deueniret, qua perniciosam naturam consequuta sit. casus consimiles rari sunt. febris autem pestilens a principio sæpius talis, scilicet pestilens, inuadit, tuncque non a putredine intensa mala illa qualitas

ortum

ortum habet. nam vna cum putredine apparet, imò in primo insultu febris, dum putredo incipit tantum, nondumque consummata est, natura illa maligna iam est genita, tuncque magnam de se profert actionem. quod clare indicat, qualitatem hanc malam aliunde, quam ex putredine, generari. Quare statuatur, in omni febre pestilenti putrescere humorem, qui ex corruptione perniciosam venenatamque labem, quæ in nulla intemperie consistat, sed in natura aliena nobisque inimica, ex corruptione in humorem inuecta, conceperit. hæc autem natura est intima rei substantia humanæ opposita, consimilis ei quæ in letalibus venenis reperitur.

Præaqualitas febris pestilentis an consistat in summa putredine.

CAPVT VII.

SCIO plurimos huiusce fuisse opinionis, quod præaqualitas, qua affligitur cor in febre pestilenti, in vnicâ consistat putredine, eaq; summa. quæ opinio, quoniâ præclarissimos auctores fautoresque habuit, ideo a nobis erit discutienda. Nemini dubium est, quod humores corporis nostri eo corruptionis quandoque deueniunt, ut propriam amittentes naturam, alienamque subeuntes, letalibus venenis consimiles reddantur. corruptio hæc non est putredo, longeque a putredine distat corruptio. a gladio, a veneno, ab apoplexia, a multisque alijs internis morbis corrumpitur homo, non tamen putrescit. in corruptione solum propria rei natura intima destruitur: at putredo est via in corruptionem, putredinique additur & calor & fœtor; hinc febris & fœtor a nome, quod non a phagedæna, licet vtræque partem corrumpat, quoniam hæc sine putredine, illa cum putredine corrumpit. putredo igitur & corruptio adinuicem differunt. His addo, quod quâocumque humores corporis nostri alienam subeunt naturam, semper corrumpuntur, at non semper putrescunt. hoc ex inductione patere potest. In epilepsia per consensum a digito pedis, vel a crure, vel a manu, vel a quocumque alio particulari membro (cuiusmodi aliquando

Corruptio humorum per quam acquirunt præaqualitatem, non est putredo.

Corruptio quid differat a putredine.

Humores, cum præaqualitatem

*ſuſcipiunt,
ſemper cor
rumpuntur,
at non ſem-
per putre-
ſcunt.*

nos, teſtante experientia, vidimus) genita eſt materia per-
niciſoſa, venenatam naturam gerens in loco primario af-
fecto. at hoc ne ex putredine? an ex corruptione? non her-
cule ex putredine, quoniam cum humores noſtri corporis
ex putredine concipiāt igneum calorē, ad ſenſum in par-
te læſa, & ante paroxyſmi inuaſionem, dum materia hæc
putreſceret, perciperetur caliditas, eaque cum moleſtia:
quod tamen nec ratio, nec experiētia comprobare poteſt.
in ſi non perciperēt ægrotantes in inuaſione epilepſiæ mo-
tum illum a parte læſa, ſive ſit aura quædam, ſive qualitas,
nulla adeſſet coniectura, qua inueniri poſſet pars primario
affecta. In vteri præſocatione materia, a qua vapor ille ma-
lignus, qui vel cor vel cerebrum vel diaphragma petit, ele-
uatur, procul dubio vere in vtero non putreſcit, licet in eo-
dem vere corrupta ſit. ſi enim putreſceret, caloris ſenſum
eo inueheret: quod tamen nequaquam verum eſt: imo ex-
perientia oppoſitum perſuadet. non ſolum enim ibi nullus
percipitur calor, ſed frigiditas: & non tantum illius partis,
ſed etiam totius corporis ſatis inſignis frequenter apparet,
quam ſubſequi ex putrido humore non eſt poſſibile. Sed
quid magis? in his qui ſubita morte necati ſunt ex materia
venenata effuſa ſupra cor, corruptio humorum procul du-
bio certiſſima eſt, at non putredo. nam ſi a putredine hoc
eſſet, cum hæc materia omnium ſit pernicioſiſſima, maxi-
mè deberet putreſcere. at quomodo poteſt tâta eſſe putre-
do in partibus internis, præcipue circa cor in thorace ipſo,
vbi tales materiæ poſſimum ſuam habent ſedem, ſine vl-
lo caloris ſenſu? hoc proſecto fieri non poteſt: & tamen hi
ſubito de medio tolluntur, nulla præexiſtente ſenſibili læ-
ſione. conſtat igitur, venenatam adipiſci naturam humo-
res, cum corrumpuntur, qui tamen non neceſſario putre-
ſcunt. His habitis rem ipſam aggredior. Materia, quæ in
peſtilēti febre putreſcit, cor eo tempore mala affligit qua-
litate, quo vix incipit putredo. hoc autem firmum eſt indi-
cium, prauam hanc qualitatem aliunde, quam ex putredine,
ortum habere. nam incipiente febre ipſa, in ipſiusque
primo principio & inſultu, in quo & febris eſt peſtilens, &
perniciſoſa qualitate cor petit: tunc putredo quæ eſt inci-
piens, non poteſt eſſe ſumma. ſi enim morbi non ab au-
gmento,

gmento, nec a statu, sed ab ipso principio, in quo omnia sunt imbecilliora, incipiunt, non in prima febris pestilentis inuasionem poterit esse summa putredo. præterea si ignis, omnium agentium validissimus, ligna concremando non potest eorum substantiam vnico ictu ignescere, sed prius partes exteriores & sicciores, mox & interiores adoritur; quid de putredine, quæ longe imbecillior agens est, asserendum erit? hæc enim nō in instanti totam humoris substantiam, sed eo ordine, quo & paleæ & stipulæ & virgulta & ligna simul mixta concrematur; ita prius partes humorum tenuiores, & accendi faciliores, & ad putrescendum aptiores, postmodum & solidiores & intimiores populatur. impossibileque est, quod vnico ictu oculi profunda, summa, sordidaque simul in re vna fiat putredo, eo statim summa putredine putrescente. Quod idem exteriora omnia putrescenda attestantur, & indicant. nam quicquid extra hominem putrescit, prius leui & superficiali, (vt ita dicam) postea labe ingrauescente, summa & sordida, profundaque putrescit putredine. nihil autem in totum, & in intima rei substantia statim putredinem summam concipit, nec concipere potest. putredo enim, cum ex mutua actione & passione actiuarum passiuarumque qualitatum fiat, nō potest subito ad summum peruenire gradum, sed necessario primo leuior fit, postea augetur inualescitque; & prout passiuæ qualitates dominium maius suscipiunt supra primas, magisque humidum euagatur, ita intensior & maior euadit. Quare cū à principio non possit esse summa putredo, a principio autem praua qualitas affligat, ab ipsa summa putredine praua hæc qualitas non dependet, sed a venenata humorum natura, quæ ex corruptione oriri iam docuimus. At si quis per summam putredinem non eam

*An mala
qualitas fe-
bris pestilē-
tis consistat
in sordida
& praua pu-
tredine.*

*Putredinis
causæ effi-
cientes.*

requiritur? vel extensio vel intensio putredinis. non extensio, quia febres synoche inter continuas sunt micissimæ, in quibus tamen putredo in maiori est mole, quam in cæteris omnibus. an igitur intensio? certe ista intensio in gradu, si in inuasionem febris reperitur, vel a causis efficiētibus, vel a materiali provenit. causæ efficientes sunt duæ, scilicet vel putrida occurrentia, vel obstructio. obstructio non potest esse sufficiens causa huius sordidæ putredinis. tum quoniam est causa cōmunis cæteris febribus putridis, ob quam tamen, licet aliquando sit contumacissima & validissima, non redduntur pestilentes; tum etiam quia multæ pestilentes febres vel nullis vel minimis præsentibus obstructio- nibus generantur, cuiusmodi eæ sunt, quæ ex contagio & in pestilenti aeris statu inuehuntur. Nec etiam putrida occurrentia possunt esse causa totalis huiusce prauæ putredinis. quoniam licet hoc possit in febribus, quæ ex contagio pestilentique aere contingunt (hoc tamen a veritate dissonum est) imaginari; nihilominus in illis quæ inter sporades morbos eueniunt, nihil tale fingere possumus; cum nulla dentur in his putrescētia, quæ adhæsu tantum & per fomitem humores in putredinem deducant. relinquitur igitur sola materialis causa, tanquam sufficiens ad dandam tam malam putredinem. hæc materialis causa vel sunt humores, vel superfluitates corporis nostri. hæc duo autem, cum tam sordidam subeunt putredinem, unde hoc habent? certe cum sunt in naturali statu, nullus sanæ mentis assereret, hanc mutationem ea posse inire, quoniam cum nec causæ putredinis efficientes ad hoc agendum sint aptæ, ipsaque materia per naturalem essentiam ad hoc possit resistere, quomodo possent tantam recipere putredinem? Si autem non retineant naturalem statum, hoc est, vel quia aliquam subierint temperamenti mutationem, & tunc si putrescant, vulgari putredine tantum afficiuntur. quod idem in cæteris febribus putridis quotidie euenit, vel etiam substantiæ, & tunc corruptionem patiuntur: eoque tempore forsitan possunt hanc sordidam putredinem inire, aptaque sunt, ut summe & profunde putrescant. Sed quid tunc erit? demonstratum est, humores excrementaque corporis nostri per corruptionem extraneam inire.

naturam,

*Putredinis
febris m-
tersalis cau-
sa.*

naturam, nostræque inimicam : quare cum hæc ad putredinem deuenient, mala illa qualitas, quæ in febre pestilenti cor petit, per corruptionem iam erat genita. cui tantum hoc additur, quod per putredinem ad agendum promouetur excitaturque. non igitur licet in principio, in insultuque febris pestilentis summa sordidaque adsit putredo, ab hac qualitas ea mala dependet, nec generatur, sed a materia corrupta a putredine excitata deueniet. His omnibus certissimum addo argumentum. Si febris pestilens, eiusque perniciofa qualitas in vnica consisteret putredine, fomes per contagium, vel ex contagio ægrotas, aerque in pestilenti aeris statu per putredinem eade inducerent. quod cum longe a veritate dissideat, firmissimum sit indicium, qualitatem malignā in vnica nō consistere putredine. qui enim pestilenti febre ex contagio laborat, cum alterum inficit, siue hoc sit immediate, siue per fomitem, non per putredinem hoc agit. cum enim putredo sit communis omnium mixtorum passio, hincque accidat, vt quod a putrido tangitur, putridum fiat, si actio contagiosi esset per putredinem, omnia cōtacta (præcipue autem fomitem ipsum, qui tamen per menses & annos immunis ab omni putredine seruatur) & non tantum hominē, putrefaceret. & si non exque cito hæc, vt illa, tamen omnia tempore conuenienti posset putrefacere. quod tamen falsum est. idem de aere pestilenti hominem coinquinante est asserendum. quia si per putredinē hic ageret, pestes omnes generales omni animalium generi, & non particulares vni particulari essent; æque enim in omnia putredinē inueheret, cuius tamen oppositum experientia testatur, qua pestis vni animalium generi nocere, & alteri non communicari videmus. non igitur per putredinē hæc inficiunt. at si non per putredinem, qua ratione id agunt? mala agunt qualitate, quæ non ex putredine, sed ex corruptione orta inimica humanæ naturæ facta est. sicutque ex corruptione orta est, ita & corruptionem inducit: hincque in altero conformem progignit ex consimili corruptione qualitatem: quæ ideo homini & nō omnibus animalibus est perniciofa, quoniam quod vni est venenum, non omnibus est venenum sicuti taxus non ruminantibus animalibus lethalis est, quæ non

Febris pestilens perniciofa qualitas non consistit in putredine.

Pestis quare vni animalium speciei noceat, & non alteri.

est ruminantibus; cicuta homini perniciosa, quæ sturno alimentum est: & plura consimilia sunt. hinc autem ex aere sunt pestes huic speciei particulares, & non illi, quoniam diuersam & non eandem semper subit corruptionem. per hanc autem adipiscitur naturam huic animali, per aliam alteri inimicam. Pariter in contagio facta est corruptio, quæ homini & non cæteris animalibus est lethalis. hincque cōtagio infectus solum hominem & non cætera torrumpit. Quod si in infecto ex contagio, & in coinquinato ex aere pestilenti, subsequatur febris, superueniente putredine, non est, quod non præcesserit & corruptio & mala qualitas. idem enim in his contingit, quod & in gangræna. in hac enim prius corrumpitur pars gangrænata, postea putrescit. ita in febribus his pestilentibus prius corrumpuntur, postea putrescunt humores. Quod autem & corruptio semper præcedat putredinem, quodque mala hæc qualitas non a putredine dependeat, hinc confirmari potest, quod nec infectus ex contagio, nec aer pestilens semper, cum hominem inficiunt, febrem inducunt. nam infectus ex peste certe necessario ægrotat, at non necessario febricitat: multi que ex contagio & ex aere pestilenti laborarunt, nulla concomitante febre, in quibus tamen semper fuit humorum corruptio, at nō putredo: quod clare monstrat hæc agentia non per putredinem, sed per malam qualitatem ex corruptione agere, malamque hanc qualitatem non in putredine, sed in corruptione consistere, quæ semper laborantes peste, siue febricitent, siue non febricitent, concomitatur. Hincque accidit, quod quādo in febre pestilēti affectus pestilens a sanguinis prauitate ortum habet, sicuti in caritate annonæ contingere consuevit; vena secta, statim sanguis apparet corruptus, qui non ex putredine, quæ adhuc levis est & incipiens, sed ex corruptione malus est; vnde postea cum putrescat, febrem edit pestilentem. Ad horum confirmationem hoc vltimum addam. Medicus artifex est sensatus, morbosque inimos per signa diiudicat: vnde maior huius nostræ artis pars coniecturalis dicta est. cum igitur hac via procedat ars nostra, si hæc praua qualitas in summa consistit putredine, sicuti prauæ qualitatis signa clara apparēt, ita & summæ putredinis indicia

*Corruptio
in pestilenti
febre putre-
dinem præ-
cedit.*

*Febres pesti-
lentes, in
quibus nul-
lum appa-
ret putredi-*

indicia certa adesse deberent: at infinitæ contingunt fe- *niū signum,*
bres pestilentes, quæ nullum, vel minimum summę putre *quales sint,*
dinis signum nec in pulsū, nec in lotio, nec in excrementis *Et quare*
cæteris præbent. cum autem absint hæc signa, qua via, ni- *hoc contin-*
si forsitan obstinata peruicaciq; sententia, erit iudicandum *gat.*
in his summā adesse putredinem? at dicent: febres hæc non
putridæ, sed hecticæ sunt, ideoq; signa hæc in his non sunt
necessaria, cum putredo non in humoribus, sed in cordis
substantia sit: ideoque & pulsus, & vrina ab his quæ in sanis
visuntur, non longe distant. quoniam partes solidæ non æ-
que, vt humores, per excrementa suam proferunt manife-
stant vel læsionem. At certe hoc figmentum est: nam si cor
in sui substantia hanc putredinem conciperet, quam exco-
gitare medicinam ad eius salutem ars nostra posset? nullā
profecto. si enim nec erysipelas, nec inflammationem, nec
vltus potest cor tolerare, tanto minus putredinem tolera-
bit. quare nemo huic febrium generi superuiuere posset,
cuius tamen oppositum quotidiana demonstrat experien-
tia. nam ex his qui pestilenti febre laborāt, multo facilius,
pluresque ex his euadunt, si recte curentur, qui nullum pu-
tredinis signum habent, quam hi, in quibus multa summę
putredinis adsunt indicia. Cum autem & multi ex huiusce-
modi febribus liberentur, multique his superuiuant, ne-
cessario concludendum erit, nec putredinem in cordis sub-
stantia esse, nec in summa putredine, cuius nulla extant
indicia, prauam hanc consistere qualitatem. Quamuis
autem in consimili febre, vbi vel nulla vel minima putre-
dinis indicia apparent, in pluribusque alijs in prima saltem *In omni fe-*
inuatione negatum sit, summam adesse putredinem: affir- *bre pestilēti*
mandum tamen est in vnaquaque pestilenti febre mali- *maligna ad-*
gnam putredinem reperiri. Nec idem est dicere mali- *est putredo.*
gnam & summam putredinem. summa enim est, cum in-
tenditur ad summum gradum: quod accidit, cum qualita- *Putredo*
tes passiuæ supra actiuas omnino dominantur; humidum *summa* &
que cum a calore interno amplius nullo regatur pacto, li- *putredo ma-*
bere euagatur: vnde & graueolētia & fœtor succedit. ma- *ligna disse-*
ligna autem dicitur, cum materia, quæ malam iam quali- *runt, & hu-*
tatem corruptionemq; conceperit, licet ad summum non *mutatio, &*
peruenerit putrescendi gradum, putrescat. hinc enim ex- *causa.*

citur omnis iam concepta labes, ad agendumque facile promouetur. hanc malignam putredinē in omni februm pestilentium genere ponimus: summam autem negamus, non quia summa in aliquibus possit adesse, sed quia hæc in omnibus nec reperitur, nec ab hac pestilentis febris essentia depēdet. in qua autem febre hæc dabitur, nil aliud proferet, quam maiorem morbi sæuitiam discrimenque. quoniam maiorem concipit materia corrupta putredinem; morbus inde genitus eo semper grauior ac sæuior redditur & causatur.

An in febre pestilenti vel cordi humiditates, vel humores in eiusdem ventriculi existentes necessario putrescant.

CAPUT. VIII.

IVDICAVNT nonnulli pro certo; affirmarunt, febrem pestilentem in duobus tantum consistere, quorum primum est, quod summa sit putredo in humoribus, a quibus ipsa pender: alterum, quod humores hi ea summa putredine putrescentes in ventriculis cordis, tanquam in foco, vel si non eius ventriculis, ipsius saltem cordis humiditates putrescant, summam putredinē dicunt: sæuities symptomatum clare indicat: quod autem putredo sit vel in humoribus cordis, vel in eius humiditatibus, significant & eius generationis modus, & superuenientia symptomata, & cordis validæ & prauæ affectiones. nam ut plurimum generantur hæc febres ex aeris inquinati & corrupti inspiratione: hic autem aer primo petit cor, igitur vel cordis substantia, vel humores necessario ipsius cordis afficiuntur. at substantia tantum in hætica, igitur in omni putrida febre pestilenti, vel cordis humores, vel eiusdem humiditates putrescunt; hoc idem indicant & symptomata, & cordis affectiones. nam in his febribus, quam primo virtus cadit, superueniunt syncope, adsunt æstuationes ingentes & inquietudines, nullo existente loco alio particulari affecto, magnæ accedunt. igitur in his febribus materia putrescens sedem habet in corde, tanquam in foco. Sententia hæc satis probabilis videtur, nequaquam tamen
vera

vera est. nam quod necessario in eiuscemodi febrib. maligna, sed non summa putredo requiratur, ex præmonstratis satis liquet. quod autem in omni febre pestilenti in corde tanquam in foco materia putrescat, nec experimento, nec rationi consonum videtur. Experimentum quidem *In febre pestilenti materiam in corde tanquam in foco putrescere, non est vniuersale.* contrarium dicitur; quoniam in colica illa pestilentia, quæ Pauli tempore viguit, totamque Italiam, nonnullasque alias Romano imperio subditas regiones populata est, profecto materiam non in ventriculis cordis, sed in ipsis intestinis crassioribus tanquam in foco habebat. Viderunt patres nostri annis illis celeberrimis millesimo quingentesimo vigesimo octauo & nouo phrenitides pestilentes plurimas, lethargicasque passiones, nonnullasque pleuritides: at certe in his & in cerebro & in pleura materia tanquam in foco, non hercule in cordis ventriculis putrescebat. Vidimus & nos consimiles morbos pestilentes, quorum materia sane non in corde ipso, sed alibi sedem habebat. Bubones, carbunculi, tumoresque alij consimiles pestilentes dum sunt affectus primarij, sæpe pestilentem febrem inducunt. at in hac certe in inguinibus, non in corde materia putrescens tanquam in foco reperitur. plures alij reperiuntur pestilentes morbi, quorum nullus in corde causam febris habet, sed in quouis alio particulari morbo, quos (quoniam recte consideranti antiquiorum dicta patere possunt) non recensebo. Et si phrenitico illi, qui in Thaso *Lib. p. Epid. sect. 3. sex. 25.* tertia die peremptus est, quem tamen pestilenti affectu non laborasse affirmo, vt inferius probabitur, non phrenitis, quæ symptomatis vice superuenit, sed virulentorum humorum copia, & mala qualitas in causa mortis fuit, non est, quod in omni pestilenti morbo locorum particularium affectus semper symptomatum vice consequantur; supponantque alteram præcedere in corpore malam dispositionem. huius enim phrenitici casus est particularis, a quo solo vniuersalem deducere conclusionem non licet. Præterea sicuti mors, tertia die in isto accelerans indicium esse potest, non ex phrenitide quæ non ita hominem cito perimit, sed ex febre praua ab humoribus virulentis pendente eum perijisse: ita in prædictis casibus circuitus proprius morborum proprium typum seruantium,

*Cordis propria affectio-
nes non semper
sunt propriae
cordis affectio-
nis.*

indeque vel in mortem vel ad salutem terminantium sufficiens signum sit, quod loci primario affecti, & non symptomatis vice sint laesi, quodque in illis materia tanquam in foco sedem habeat, illincque tota vis morbi, tanquam a proprio fonte emanet. nec virtutis casus, nec syncopae, aliaque consimilia aptum possunt esse indicium ad significandam in corde, tanquam in foco, putredinem: quoniam licet haec sint propriae cordis passiones, non tamen semper primario affecto corde generantur, nec proprietas passionis semper affectionem primariam includit. sicuti enim epilepsia a digito pedis sit proprie affecto cerebro, sed non primario: ita in febre pestilenti symptomata illa superuenientia indicant quidem cordis propriam, at non primariam affectionem. nam potest alibi materia putrescere, quae tamen ad cor qualitatem calidam & perniciosam vna transmittens ea prava inducat symptomata, proprie quidem, at secundario affecto corde. Aestuationes etiam illae & inquietudines a multiplici possunt causa provenire, sicuti affecto ore ventriculi, alijsque visceribus, vel existente materia putrida in vasis magnis prope cor, & a consimilibus affectibus: quare nec necessario indicant materiam in corde, tanquam in foco, putrescere. Nec harum febrium per inspirationem generationis modus hoc idem sufficienter demonstrare aut persuadere potest, quoniam causa haec ad omnes non est vniuersalis: quae enim inter sporades morbos connumerantur, & quae per contagium eueniunt, nullam talem generationem, sed longe diuersam habent. Non negandum quidem est, quod aliquando materia in corde, tanquam in foco, putrescat, quod potissimum affirmamus contingere posse in pestilenti aeris statu, dum inspiratus aer in corde ipso corruptionem & malam qualitatem inuehendo est in causa putredinis vel humorum, vel humiditatum ipsius cordis. non tamen hoc vniuersaliter verum esse in omni febrium pestilentum genere, est asserendum. nam cum materia in huiusmodi febribus putrescens ad caetera venena proportionem habeat, ita & ipsis conformem naturam retinet. Venena autem omnia licet cor laedant, hincque mors saepe in veneno infectis succedat: non tamen omnia haec primo cor ipsum, sed multa sunt, quae ante

*Venena omnia licet
laedant cor,*

ante cor primo alias petunt partes: sicuti Cantharides quæ primo vesicam, solatrum furiosum quod primo cerebrum, lepus marinum quod primo pulmonem petit, vltimo autem omnia hæc & cor ipsum inuadunt, vnde vitam terminare possint. consimiliter in febre pestilenti, licet multoties primaria affectio sit in corde ipso, non tamen hoc semper contingit, sed & in alijs partibus esse potest, a quibus tamen & affectio ipsi cordi, excitante hanc putredine, communicari queat: nec hoc præter rationem, quoniam si in corde ipso, quod omnium membrorum nobilissimum & validissimum existit, potest tanta & talis generari putredo, quid prohibet in cæteris corporis humani partibus, quæ omnes corde ad resistendum causis morbificis sunt imbecilliores, consimilem fieri affectum, vnde communicata deinceps cordi mala illa qualitate febris pestilens generetur? Non igitur ad cõstituendam febris pestilentis essentiam requiritur, quod mala illa putredo in corde, tanquam in foco, reperiatur; sed sat erit, quod in eo sit loco, a quo possit perniciofa qualitas cordi communicari, per quam a cæteris febribus distinguitur, per quamq; ab ijsdem diuersa est. Relinquitur ergo, quod febris pestilens ea sit, quæ non calore tantum putrido, sed etiam perniciofa qualitate cor affligens generationem habeat ex putredine maligna, quæ vel in corde, vel in alia corporis parte, vnde praua illa qualitas cordi communicari possit, sedem habeat.

Et mortem inferre possint, non tamen omnia cor ipsum primo petunt.

Febris pestilens qua sit.

De differentijs febris pestilentis a subiecto.

CAPVT IX.

DECLARATA febris pestilentis essentia, ad eius differentias descendendo. quæ cum sint multæ & diuersæ, diuersumque studium requirant, omnes percurram, initium ab eis sumens, quæ a subiecto tanquam præcipuæ & principalissimæ capiuntur. Summæ omnium febrium differentia a subiecto sumuntur: prout enim hoc vel illud in calefacto esse constitutum est, ita etiam febrium diuersa prodeunt genera. subiectum hoc triplex est, sicuti tria sunt ea, ex quibus humanum corpus est constitutum; nam

*Febris ephemer
a pesti-
lens an de-
tur.*

vel spiritus vel humores vel partes solidæ sunt eæ, a quibus calefactis febres specificantur: hinc enim factum est, vt aliæ diariæ & synochæ, aliæ putridæ, aliæ sint hecticæ febres. cum autem ex horum subiectorum diuersitate diuersa ita fiant febrium genera, considerandum est, an febres pestilentes per hæc eadem subiecta distinguantur, & an, quemadmodum febrium non pestilentum tres sunt differentiæ, scilicet diariæ, putridæ & hecticæ, consimiliter etiam detur febris pestilens ephamera, putrida, & hectica. Quod detur febris pestilens putrida, adeo clare liquet, vt nec declaratione nec probatione egeat. de ephamera & de hectica maior est difficultas. Superioribus annis in Anglia Germaniæque inferiori, & circa finitimas illas regiones, febris pestilentis insolens genus apparuit, quod speciem ephemeræ præferebat. quamprimum hæc inuadebat, concidebant vires, pulsus ad inæqualitatem, celeritatem, & frequentiam mutabantur, hypothymia incidebat, tantusque superueniebat sudor, vt huic modus non esset, ita ad vnā vel alteram diem perseuerabant, vnde vel statim mortem oppetebant: vel si salui futuri essent, languor diuturnus, cordisque molestæ affectiones superueniebant, superdurabantque. Quoniam febris hæc ita cito terminabatur, a sudoreque illo concomitata erat, iudicatum est, quod perniciosa illa & pestilens qualitas in spiritibus tantum insideret. indeque dictum est, febrem illam inter ephemeræ recensendam esse. Quæ ramen sententia non ita indiscriminatim est recipienda. nam ratione quidem temporis, eo quod per vnā tantum, vel ad summum ad alteram perduret diem, potest diaria vocari: sed ratione subiecti, eo quod spiritus tantū in ea sint in calefacto esse, in ipsisque solis qualitas insideat pestilens, non ita asserendum est. symptomata enim omnia ipsam febrem tum concomitantia, tum subsequencia certo demonstrant, hanc affectionem perniciosam in solis non consistere spiritibus. Casus enim ille virtutis, pulsusque mutatio, & hypothymia, cæterique cordis affectus, qui huic febrium generi assidentes videri possunt, si a solis spiritibus male affectis dependerent (cum spirituum substantia vaga sit & dissipabilis, continueque semper iidem regenerentur) cessante

sante febre, perfecta subsequeretur sanitas. cuiusmodi enim syncope illa, quæ alteratis spiritibus à venenata materia contingunt, extincto veneno, regeneratisque spiritibus tolluntur, virtutesque hinc ad pristinum regrediuntur statum; consimiliter in febre ista, si a solis spiritibus hæc evenirent, cessante febre, dissipatisque per vnam vel alteram diem spiritibus illis male affectis, cum liceat de nouo perfectos puerosque regenerare, nec virtutes ita diu concussæ, nec cordis adeo prauæ affectiones subsequerentur. Item palpitatio illa cordis, tremorque ad plures annos extendens, languorque ille diuturnus, certissimo sunt argumento, malam illam pestilentem qualitatem in alio subiecto, quam tenui & dissipabili, cuiuscemodi spiritus sunt, consedisse, aliundeque, quam ex materia instabili fluxaque, ortum habuisse. Sicuti enim hinc affectiones diuturnæ generantur: ita manifestum est indicium, qualitatem illam malignam infedisse in subiecto, quod non tantum non dissipat facile, sed quod diu etiam possit persistere. huiusmodi autem cum non sint spiritus, nec hi erunt proprium huius qualitatis subiectum. Sudor etiam ille adeo copiosus malusque, ut vires ex superflua eius euacuatione digestionemque videantur labefactari, aliquandoque in totum extinguere, non solos spiritus, sed etiam partes alias affectas fuisse, certissimo potest esse argumento. si enim a solis spiritibus hoc esset, ut contingit in syncope, sudor hic semper malus esset, malumque semper prognosticaretur, ac sanatio contrarium indicat; illi enim ab hac febre tantum liberantur, quibus non modo sponte, sed & arte, dum cardiacis remedijs cor tutantur, prolicetur sudor, quibusque continue excipitur. si cui autem supprimatur, nulla arte sanari potest. Quare cum copiosissimus sit in hac febre sudor, ab eiusque euacuatione sanitas dependeat, signum est per sudorem materiam malam perniciosamque, in qua febris & maligna qualitas insideat, educi. hanc autem non posse esse spiritus, nulla eget demonstratione. Non igitur erit inter ephemeras hæc febris recensenda, eo quod spiritus tantum sint affecti, quoniam & cordis substantia, & humores etiam, quorum pars tenuior, toridæque humiditates,

Febris pestilens, quæ visæ est ephemera, quare vnicæ tantum ducet die.

Febris pestilens hæctica qualis.

Febris hæctica pestilens, quare habeat aliquando pulsus similes sanorum pulsibus.

præcipue venenatam concipiunt labem, cuius indicium est præsentē febre sudor copiosus, & virium casus, post febre autem languor diuturnus, cordisque palpitatio duratura, in febre huiusmodi praua & maligna affecti sunt qualitate. Et si vnicæ tantum, vel ad summum altero perseverat die, hoc non ex subiecto, sed ex propria veneni qualitate, cuius vis est subita & summa, causatur. & quemadmodum ex proprietate innata humorum a pituita quotidiana, a bile tertiana, & non e cōuerso, fit febris; ita ex proprietate huius vagantis veneni vnicæ fit tantum accessio, secundam nunquam transcendens diem. quod venenum, quasi tumultuariā inuehens accessionem, & spiritus & humores, partesque solidas simul aggreditur & populatur, simulque a proprietate vnam tantum edit accessionem, cui si non mors, saltem virium debilitas maxima subsequatur.

hæc de ephemera, ad hæcticam devenio. Suppositum est antiquum, duplicem esse pestilentem febrem, alteram putridam, alteram hæcticam, & prauam vtrarumque qualitatem in summa consistere putredine. sed illius in humoribus, huius in substantia cordis insidere. sicut enim hæctica simplex a simplici putrida in hoc differt, quod in putrida cor ab humoribus, qui in calefacto constituti sunt, incalescit; in hæctica autem non incalescit, sed calefactum est: similiter in pestilenti putrida cor a praua illa summaque putredine, quæ in humoribus insidet, affligitur alteraturque, in hæctica autem cor non ab illa mala qualitate & putredine alteratur, sed alteratum est, eamque labem in sui ipsius substantia concepit, adeo quod hæctica pestilens ea erit, in qua cor ipsum & calorem & putredinem in propria substantia concepit, hocque in facto esse, & non in fieri. quoniam autem hæc febris in habitu est, non aliunde generatur, sed iam facta est. ideo qui hac febre laborant, nullum habent caloris sensum, nec se febrile sentiunt, febrisque vniformis est, nullam accessionis inuasionem recipiens. His apponitur errore ad alias etiam pestilentes febres traductus specialis casus, in quo hoc asseritur, quod si in febre ista, dum cor vna cum mala illa putredine positum est in calefacto esse, eueniat, quod quæ in ventriculis cordis continentur, tanto sint frigidiora, quanto cor ipsum ultra naturalem

naturalem gradum factum est calidius, tūc pulsus nullam fere mutationem recipiant, præterquam ad celeritatem quandam, & minimam, ita ut valde similis sit sanorū pulsui; hincque fit, ut cum æger se febrile non percipiat, nec accessionis vlla sensibilis inuasio reperiatur, pulsusque sit sanorum pulsui similis, difficilima sit harum febrium cognitio; sæpeque inde ægrotantes, dum sanos se esse credunt, in mortem præcipiti ducantur cursu. Sententia hæc de pestilenti hectica discriminis admodum plena est. si enim in ipsa putredine pestilens hic affectus, ut asserunt, consistit; sique a putrescente aere, ut dicunt, huiuscemodi febres generantur, difficile est imaginari, cum humores ratione humiditatis eorum proprie sint ad putrescendum magis, quam cor ipsum, parati; putredinem eam potius in cordis substantia, quam in humoribus firmari, nec admodum probabile est, cum cor ex innata temperie sit siccus, habeatque corpus compactum, solidum & febrilissimū; vnde omnibus iniurijs externis potest facile resistere, ipsummet qualitatem pestilentem & putridam in se ipsum recipere, non autem humores; humidum enim facile omnium formarum susceptiuum est, sicuti siccum difficile, licet hoc firmitus diutiusque quam illud, susceptas conseruet; hincque provenit, quod multas putridas quotidie, raro hecticas videmus, putridæque facile sanentur, hecticæ autem non ita. Cum autem vnica tantum ponatur causa harum hecticarum pestilentum, nimirū aeris putrescentis inspiratio, causaque hæc omnes cordis partes, & contenta & continentia, pariter attingat, non crediderim, potius cordis substantiam, quæ nullum fere morbi genus primario, ob eius tum fortitudinem tum nobilitatem, patitur, quam humores in eius ventriculis contentos putredinem concipere. si tamen detur, quod per inspirationem aeris pestilentis pestilens hectica generetur, quod ego forsan negare ausim, cum eius sim sententiæ, quod aer pestilens non per putredinem, nec putrefaciendo pestem in hominem inducat; quoniam si hoc esset, cum putredo sit omnium mixtorum passio, non tantum homines, sed etiam omne animantium genus, plantarumque omnes species, & alias rerum differentias simul populetur, si,

Febris pestilens hectica an detur.

inquam, hoc detur, nunquam etiam dabitur hectica sine putrida, tum quoniam humores ad patiendum sunt promptiores, tum etiam quoniam patiente cordis substantia impossibile est præservare humores existentes in eius ventriculis ab eadem putredine. quod enim tangitur a putrido, putridum fit, eoque magis, quo contactum ad putrescendum habilis est, hocque etiam facilius parte ea patiente, per quam cætera tum reguntur, tum conseruantur. Casus autem illius hecticæ, in quo ponuntur contenta tanto frigidiora, quanto cordis ipsum corpus est calidius, certe (liceat hoc fateri) potius est imaginarius, quam quod vlla possit experientia aut ratione firmari. proportio enim illa mente quidem concipi potest: at ratio non dicitur, quod membrum calidissimum, spirituumque opulentissimum, continuoque agitarum motu, humores adeo frigidos in integra contineat sanitate, cuiusmodi ante huius febris pestilentis inuasionem necessario deberent esse. At si detur, tales humores in eo tunc contineri, nulli dubium, quod continuo contactu & alteratione cor ipsum ad frigidum permutabunt: sique intemperies erit valida, vires concident; si non ita, saltem pulsus ad paruitatem, tarditatem & raritatem conuertentur; intemperiesque hæc siue fit in fieri, siue in facto esse, cum in ipso residebit corde, tum præsentia eorundem frigidorum humorum ad putrescendum cor ipsum inhabile reddet. frigida enim difficilius, quam calida, putrescunt, ad putrescentiamque magis, quam hæc, improporcionata sunt; in habentibus enim symbolum facilius est transitus. quare stante hac inhabilitate, non ita facile credatur, hecticam pestilentem in tali corde generari. si enim hoc esset, quid cæteris, in quibus nec frigiditas hæc tutela, nec inhabilitas ad putrescendum inuenitur, contingeret? certe cum omnes pariter eundem pestilentem inspirent aerem, homines cæteri proculdubio hac eadem pestilenti hectica laborarent. sed cum clare sensui pateat, non omnes, nec plurimos ita vagante etiam peste affectos esse, quid de hac positione sit statuendum pateat. Aliud mirabile in casu isto additur, videlicet, quod in tali hectica pulsus similis est pulsui sanorum, nec in quantitate villo modo mutatur, quoniam fit moderatus ex contrariorum actione, tantum ad magnitudinem operante caliditate,

caliditate, quantū ad paruitatē, frigiditate, similiterq; in alijs pulsus differentijs eodē cōtingente. Sed stante hac eorum positione, q; in tali hectica cordis substantia & qualitate pestilentem & ipsam putredinē conceperit, difficilimū est iudicare, q; talis fiat pulsus: si enim vnaquæq; intemperies valida, ex qua cordis vires cōcidunt, pulsus edūt debiles, & ideo ad paruitatem mutantur, quid putrescente cordis substantia erit cogitandū? num poterunt humores illi frigidi roborare cor putredine affectū, indeq; debilitatum, ita vt moderatus fiat pulsus inter languidum & vehementem? sed quæ moderatio potest esse in magnitudine pulsus, cū humores frigidi pulsus edāt paruos, putrescensq; cordis substantia, indeq; virtutibus existentibus labefactatis languidos faciat? hic quid poterit magnos creare pulsus? at dices, Calor intensus. sed hoc nec verum est, nec fieri potest; magnitudo enim pulsus non a calore, sed a virtute valida, concurrente bono arteriæ statu vsq; generatur. nisi enim vires constent, licet summa adsit necessitas, nunquam magni fient pulsus. quare cum nec ratione humorū contentorum, nec ratione substantiæ cordis putrescentis magnus possit esse pulsus, imo ad paruitatem inclinare debeat, non poterit in quantitate vlla moderatio succedere. Sed si etiam omnia hæc concedamus, verumq; sit, dari febrem hanc hecticam, dariq; propositum casum, cū omnes hæc febres insanabiles sint, in mortemq; omnes terminentur; ars nostra de his sollicita esse non debet, nec aliquid moliri conetur circa partem istam, tanquam de ægritudine, cuius vires supra omne artis ingenium, supraq; omne naturæ robur eminet, raroque contingit, temporeque eo, quo ars nostra minimum pollet. Hæc de hectica, ad putridam redeo, quæ sola inter febres pestilentes certo relinquitur, quæque sola a nobis venit consideranda.

*An in febre
pestilenti he-
ctica possit
esse pulsus
moderatus.*

De differentijs febris pestilentis a materia putrescente, & a loco, in quo eadem putrescit.

CAPVT X.

FEBRIVM putridarum differentiarum aliarum a materia putrescente, aliarum a diuersitate loci, in quo hæc

*Febris pesti-
lens differe-
ntia a
materia, &
a loco.*

putrescit sumuntur. a materia quidem, quoniam in hac sanguis, in illa bilis, vel sit flava, vel nigra, in alia autem pituita putrescit, proutque vel hic vel ille putrescit humor, diuersa oriuntur febrium putridarum genera. A loco autem, quoniam vel hæc materia in loco particulari conculcata putrescit, tuncque fit febris symptomatrica putrida, ab affectu particulari nomen habens; vel in ventriculis cordis, & in maioribus vasis, vel in minoribus, vel circa viscera, extraque venas. tunc fit febris interpolata, cum hoc modo, hocque in loco putrescit: cum autem cæteris modis, locisque illis, fiunt continuæ. Has eadem omnes differentias, videlicet tum a materia, tum a loco febres pestilentes recipiunt. A materia quidem primo, quoniam in aliquibus sanguis, in aliquibus cæteri putrescunt humores, a loco autem, quoniam hæc eadem vel in vno conculcata loco, vel in maioribus venis, circaque cor ipsum, vel in minoribus, vel circa viscera, extraque venas putrescunt. Si humores hi, vbicunque putrescant, pestilentem febrem sunt causaturi, prius labem & corruptionem, sicuti præmonstratum est, aliquam concipere debent, siue hoc ex præcedenti annona, seu ex malo victus regimine, siue ab aere infecto, seu ab alia causa interna externave fuerit: cum autem ad putredinem deuenient, ratione diuersitatis ipsorum, rationeque loci diuersa prodeunt febrium pestilentium genera. si sanguis, siue in loco particulari conculcatus, siue in maioribus venis putrescat, semper febrem prodit continuam, synochis proportionem respondentem: si putrescat bilis cõculcata, symptomatricam causat febrem, tertianis consimilem: si in vasis maioribus, circaque cor, causum: si in venis minoribus, tertianam continuam: si circa viscera, extraque venas, tertianam edit intermitten-tem: si autem melancholicus humor conculcatus, proportionatam quartanæ symptomatricam generat febrem: si intra venas, continuam quartanam: si extra, intermitten-tem: si vero pituita conculcata ad putredinem deneniat, febrem generat symptomatricam quotidianam: si intra venas, quotidianam continuam: si extra, interpolatam. Cum sanguinem, vel in venis, vel in aliquo loco conculcatum putrescere dico, & proprie dictum sanguinem, a cæteris

teris distinctum humoribus, & totam massam sanguinis, ex quatuor humoribus compositam, etiam intelligo. Cum autem bilem vtranque & pituitam, seu conculcatas, seu in venis deuenire ad putredinem assero, per bilem flauam sanguinis calidiorem & tenuiorem partē; per atram crassiores, & terrestriorem: per pituitam autem crudiorem intelligo. non enim intra venas sinceri, & separati dantur humores, sicuti extra venas, circaque viscera sæpe reperiuntur, vbi secreti purique sæpissime reconduntur reponunturque, a quibus intermittentes postea generantur febres. A materia igitur hæc febrium pestilentum sumuntur differentia, quod alia synocharum, alia tertianarum, alia quotidianarum speciem referunt. A loco autem, quod hæc synochæ, illæ caufonides, alia continuæ, alia intermittentes euadunt. Quo ad differentias a materia, nemini dubium sit, cum vnumquodque humoris gyru simplici putrescat putredine, indeque varias febrium species generet, hæc eadem putrescentia posse febres edere pestilentes. hæc enim non sunt immunia a corruptione, nihilque his datum est, a quo ita præseruari possint, vt incorrupta remaneant. quare si casu labem aliquam conceperint, nihil prohibet, cum ad putredinem deuenient, inde excitata maligna & praua qualitate, febres generari pestilentes. Quod pariter non vnus putrescens humor, (vt nonnulli sensere) sed omnes possint esse in causa febris pestilentis; symptomatum diuersitas, eorum denique proprietas, proprios insequens humores, certo sunt argumento, sopor, vigilia, deliria, stupor, sitis intensa, & aliquando nulla, inquietudo, mæstitia, cæteraque accidentia (quæ adeo sunt diuersa & opposita) diuersitatem humorum peccantium indicant. & pro vt hoc symptoma hunc vel illum consequitur humorem; ita etiam hunc vel illum putrescere demonstrat. Hoc idem confirmari hoc potest, quod non vnus humoris tantum est semper supra alios dominium: sed aliquando sanguis, aliquando bilis, sit vel flaua vel nigra, aliquando pituita supra alios dominatur humores. cum autem concipitur labes aliqua, facilius est humorem superabundantem hanc pati, quam cæteros, vt qui grauior sit naturæ, difficiliusque ab ea regatur: concepta autem labe facile pestilens subse-

In febre pestilenti posse omne humorum genus putrescere.

*An omnis
febris pesti-
lens sit con-
tinua.*

*Febrē pe-
stilentē in-
termitten-
tē dari.*

quitur febris, quæ postea a superabundanti putrescentiq;
humore specificabitur. omnes igitur humores, constitu-
tum sit, cum aliquam senserint corruptionem putruerint-
que, pestilentem edere febrem, hincque alias lynchas ef-
se, alias tertianas, alias quartanas, alias quotidianas. hæc
quo ad differentias a materia. Quo ad differentias autem
a loco, maior impendet difficultas. Scio antiquissimam
esse sententiam, fereque ab omnibus teceptam, febres pe-
stilentes omnes esse continuas, continuasque necessario
esse; quoniam hæc omnes periculosa & letales existunt, in-
termittentes autem omnes careant periculo. Cuius tamen
oppositum, cum hanc ipsam rem non conniuentibus con-
siderarem oculis, & ratio, & antiquorum scripta, & experi-
entia me docuerunt. Constitutum quidem est, ab omni-
busque receptum, humores in ventriculis cordis existen-
tes in pestilenti aliquando putrescere febre: at si in mem-
bro principali, omniumque nobilissimo ac validissimo, ta-
lis concipi potest putredo, eo magis hoc contingere pote-
rit in quacumq; alia corporis nostri parte, præcipue autem
longe a vasis illis internis maioribus, ubi minus vigent spi-
ritus, minusque viget calor innatus. cum autem talis possit
in omni parte accendi putredo, si extra venas hoc contige-
rit, non necessario febris erit continua, sed intermittens.
hoc idem confirmare potest, quod quemadmodum non
semper circa cor, & in venis maioribus venenata materia,
quæ hominem affligunt, generantur, sed quandoque in di-
stantib. membris; (vnde a digito pedis, & a cervice, & a ma-
nu epilepsiam videmus) pariter non semper in partibus il-
lis internis putrescens materia pestilentem procreat febrem:
sed cum extra venas citæque viscera quispiam humor labem
corruptelamque conceperit, ad putredinem si deveniat, fe-
brem necessario prodet pestilentem, at non omnino con-
tinuam, sed interpolatam. Quod autem præcipue circa vi-
scera, quæ in inferiori recouduntur ventre, possit tanta ge-
nerari humorum corruptio, ut ad putredinem devenien-
tes febrem generent pestilentem; nulli admirandum videat-
ur, cum hoc in loco proprie sit sentina & colluvies omnium
humorum excrementorumque, hinc autem facilis est cor-
ruptio & putredo: quæ si possibilis est in ipso corde, eiusque
ventricu.

ventriculis, vbi fons vitæ, calor innatus, spiritusque potissimum resident, omnesque vires, & vitales & naturales, sunt validissimæ, eo magis possibilis in his partibus erit, in quibus tanta humorum congestio & miscella reperitur, in quibusque nec tot spiritus, nec tantus calor, nec vires adeo validæ vigent. cum autem in partibus his putredo, humoribus iam labe aliqua inquinatis, supervenerit; non febris continua, quia extra venas materia putrescit, sed interpolata causabitur, quæ tamen non simplex putrida, sed pestilens erit. Ad huius confirmationem hoc addo. Senserunt artis nostræ proceres experientia edocti dari pestem a nulla concomitatam febre: cum autem & febris continua pestilens detur, deturque pestis sine vlla febre, nemini mirandum sit, si etiam detur febris intermittens cum pestilenti affectu. cum enim pestis non necessario febrem includat, nec necessario etiam superveniens febris debet esse continua, sed diversificabitur ab eo loco, in quo materia putrescens febrem accedit. & si hoc illi videatur mirabile, magis admirari hic poterit, quod pestis sine febre reperiri possit. stante autem (vt rei euentus demonstrat, vtque auctores dignissimi comprobant) peste sine febre, constituitur etiam pestilentem affectum cum febre intermittente dari: etsi dictum fuerit, omnes intermittentes febres periculo vacare, vt quæ non ex inflammatione aliqua, nec ex maligna humorum putredine occasionem habeant. quod innuere videtur, nullam dari pestilentem febrem, quæ interpolata sit, cum nulla pestilens careat periculo, in omni febre pestilenti maligna adsit putredo. Hic animaduertantur duo: primum, quod omnes febres, quæ in quietem puram desinunt, qua affligunt cor calore tantum putrido, nihil in se discriminis habent, veraque est ea sententia in sensu isto. quoniam non habent fomitem, quo ipsum cor & valide & continue laceessant. at si hanc eandem materiam ob corruptionem aliquam contingat venenatam naturam adipisci, nihil prohibet, dum per putredinem in singulis accessionibus illa mala qualitas excitatur, quin violentiam in cor inferant, simulque læsionem admodum periculosam. Et si pestilens affectus, cui nulla cõiuncta sit febris, sine aliqua putredine, sed sola venenata

*An omnis
febris inter-
mittens pe-
riculo vacet?*

*Lib. 4. Apb.
com. 44.*

& pernicioſa natura letalis eſt; nec ſit mirum, quod per putredinem excitata mala qualitas in febre interpolata, in illa materia iam labem adepra putrefcat, periculum aegrotanti afferat. Et ſi in corpore humano generantur humores, letalibus venenis proportionem habentes, qui dum ad cor, vel ſola qualitate vel propria ſubſtantia erumpunt; pauciſſimis horis, & aliquando ſubito, in mortem patientes præcipitant, multo erit facilius, materiam quæ iam labem conceperit, dum in paroxyſmo per putredinem commouetur, qualitatem pernicioſam ad cor transmittere, hincque mortis aliquando imminere periculum. per putredinem enim in hac materia contingit, perinde, vt in cœno, rebusque conſimilibus fœtidis euenit. hæc enim, dum quieſcunt, nulloque motu ſtimulantur, sæpe nullum de ſe odorem malum produnt; quæ eadem ſi commoueantur, agitenturque, tantus inde fœtor emanat, vt vix ſuſtineri queat. conſimiliter hæc materiæ, quæ labem aliquā pernicioſam concepere, dum quieſcunt, nulloque motu agitantur; nullam de ſe produnt actionem, quæ ſi ex putredine commoueantur, & ex ebullitione per putredinē genita agitentur, tunc excitatur illa mala qualitas quæ ſopita iacebat, ad corque tranſmiſſa, cum ei ſit inimica aduerſeturque, idem adeo affligit laceſſitque, vt vix eam ſuſtinere ac tolerare queat. ſicutique iſdem rebus irerum quieſcentibus, a nulloque motu tentatis fœtor imminuitur, nec amplius inde tantus emanat prauus odor, nihilque mali redolere videntur: ita in febribus iſtis peſtilentibus, ceſſante putredine, ſingulo quoque paroxyſmo mala qualitas in declinatione acceſſionis continue ſemper minus affligit, accedenteque integra quiete, nullum eius veſtigium ſuper-eſt. Quare (vt ad id quod notaui, redeam) animaduertatur, quæ ſententia illa quæ habet, omnes febres in quietē deſinentes, vacare periculo, intelligitur de febribus illis, quæ calomittētes ex te tantum putrido, non autem venenata cor natura affligunt. Animaduertatur ſecundo, dum dicitur, intermittentes febres ex maligna putredine occaſionem non habere, quod ſententia hæc duplicem poteſt habere ſenſum, alterum, quod in his febribus nihil malignum, prauumque putrefcat; alterum, quod hæc febres a maligna ſummaque putredine

*Febres inter
mittētes ex
maligna pu
tredine occu
rrentes non habere,
quomodo in
telleſcendum.*

redine ortum non habeant. primum dictum falsum est, secundum verum. non enim in intermittentibus febribus est ea ingens summaq; putredo, quæ malignam perniciosamq; inuere possit naturam, tum ratione materiæ, tum ratione loci: ratione materiæ quidem, quoniam in his potius, sinceri peccant humores, quam sanguinis partes, his proportionem respondentes. hi autem sinceri humores non ita, ut sanguinis partes, ad putrescendum sunt apti: ratione autem loci, quoniam extra venas, intra quas multa viget humiditas, quæ putredinis intensæ maior est occasio, ad putredinem deueniunt. At licet hi humores extra venas putrescentes, a quibus interpolatæ febres dependent, non eam summam malignamq; in proprijs locis putredinem concipere possint: nihil prohibet tamen, hos eosdē humores eo corruptionis quandoq; deuenisse, ut perniciosam adipiscantur naturam: vnde cum hi postea putredine concipiunt, non ex putredine malignam generant qualitatem, sed per putredinem eam malignam, quæ prius erat sopita, qualitatem excitantes, febrem edunt pestilentem: tuncq; in ea maligna adesse putredo dicitur; non quia humores summam malignamq; conceperint putredinem, sed quia materia iam maligna & perniciosa in ea putrescat. Quapropter verum erit, quod in nulla febre intermittente sit summa & maligna putredo, quod tamen non tollit, quod in eadem non possit materia corrupta & perniciosa putrescere, ratione cuius febris edatur pestilens. Hanc eandem sententiam & antiquorum scripta & experientia confirmare potest. Nam testatur Hippoc. in peste illa, quæ vniuersaliter ætate sua nationes plures populata est, vulgasse & tertianas & quartanas & quotidianas, quas nomine nocturnarum appellat; nec est quod has febres intelligas tertianas, quartanas & quotidianas continuas; quoniam & continuas propria voce subiungens enumerat, clareque hoc dicto illas intermittentes a continuis distinguit. Consimiles febres pestilentes, præcipue autem tertianas, sæpius ego diligentissime earum formam & naturam perspicies obseruavi; quique non conniuentibus oculis artem hanc consummabunt, hoc idem aliquando animaduertent. Vidi ego quandoq; nonnullas tertianas, in quarum principio, dum

Maligna putredo quæ sit.

Lib. 3. Epid. sect. 3. tex. 64

*66. lib. alius
Hippoc. lib. 3
Ant. h.*

leue aliquod frigus vel horror adesset, tanta caloris retro-
cessio eueniebat, vt caro prægelida esset, faciesq; cõsimilli-
ma morituro appareret, pulsusq; adeo minimus, vt omni-
no nullus videretur: subsequēbatur postea calor, qui tamē
nec in augmēto, nec in statu ad tactū validus, nec acer per-
cipiebatur, imo caro vel tepido calore, vel subfrigida vsq;
ad declinationem perseverabat: pulsus accēso calore ma-
gis apparebat, sed paruus, inæqualis, frequens, & admodū
imbecillis erat, continue autem a principio vsq; ad statum.
hæc concomitabantur, videlicet sitis, quæ aliquando inex-
hausta erat, anxietas, timor maximus, inquietudo ingens,
vt loco contineri non possent, & sensus aliquando caloris
maximus, cum tamen ad tactum vel nullus vel paruus ad-
esset; animi defectus, sudores aliqui frigidi circa frontem,
cordis vel palpitatio vel tremor. hæc autem perseverabant
vsq; ad declinationē. accedente declinatione omnia sym-
ptomata mitescēbant primo: demum cum ad integrā de-
ueniret febris quietem, omnia cessabāt: pariter pulsus, qui
in prima inuasionē fere delitescēbat, in cæteris autē tem-
poribus erat frequens, paruus & inæqualis, imbecillusque,
incipiente declinatione magis eleuabatur. proutq; decli-
natio magis procedebat, magis etiam hic laudabilior eua-
debat, ita vt in integra quiete ad naturalē statū fere regre-
deretur, calorque, qui semiuidebatur extinctus, declinan-
te febre magis apparebat, calidiorq; caro decreſcente fe-
bre, quam in statu ipso, erat. has febres vidi aliquando pro-
trahi ad sexdecim, quādoq; ad decem & octo horas, inter-
dum paulo plus, nunquam tamen viginti quatuor excede-
re, animaduerti. In nonnullisque huiusce generis febribus
hoc peculiare obseruaui, quod nox accessionem præcedēs,
ultra, quam credi potest, fuerat inquieta, cum tamen non
febrent. Notauī etiam, harum febrium nonnullas ali-
quando per spontaneam vomitionē terminari, hocq; in
tertia sæpe, ad summum in quarta vidi accessione. materia
educta colore erat vel æruginosa, vel ferruginea, vel lila-
tes, vel subnigra: quantitate aliquando ad semilibram, ali-
quando ad libram, aliquando ad sesquilibram ascendebat,
semel autem copiosissimam vidi in tertia accessione eie-
ctam, ita vt peluim. satis amplam excederet, qua euacua-
tione

alt. ibid.
notio 3. 7. 8.
bis 8.

rione factum est, ut cū æger tunc temporis & sibi & astan-
 ribus moriturus videretur, vocatusq; adesset ad vltima ani-
 mi remedia sacerdos, statim ad naturalem statum redie-
 rit, & renocato ad exteriora calore, & pulsū redintegrato,
 & cæteris alijs omnibus malis symptomatibus in totum
 quiescentibus, febris, quæ tunc in statu videbatur esse, sub-
 sequente statim breuissima declinatione, in totum sublata
 est; ita ut perfecte sanatus ex ea euacuatione fuerit. Febres
 prædictæ, omnesque cæteræ his consimiles mea sententia
 inter pestilentes recensendæ sunt: quoniam omnia sym-
 ptomata, has febres concomitantia testantur in his putre-
 scere materiam maligna & perniciofa qualitate peccan-
 tem. Materia autem consimilis, cum morbum prodit, sic-
 uti non semper necessario febrem edit; quoniam potest
 pestilentem affectum sine febre causare, pariter etiã cum
 febrem causat, non necessario semper continuam gene-
 rat. si enim de ratione huius materiei esset causare pesti-
 lentes cum febre continua affectus, omnes qui talibus
 laborarent affectibus, continue febrerent. At Hermocra-
 tes qui consimili morbo affligebatur, a decima quarta die
 vsque ad decimam septimam, & a vigesima vsque ad vige-
 simam quartam sine febre laborabat, non igitur ubi pe-
 stilens est affectus cum febre, necessario febris est cõtinua.
 quod si continua necessario esse non debet, nihil prohibet
 etiam, interpolatam esse; qualem nos sæpe vidimus, qua-
 lemque esse symptomata omnia prænarrata testantur. Nec
 casus hos intermittentium febrium, quas inter pestilentes
 recensemus, cogitet quis esse consimiles illis, in quibus
 & ante accessionem & in accessione ipsa licet ægrotantes
 nutrire; quoniã febres, in quibus hoc non licet tantum, sed
 etiam est necessarium, sunt admodū a prædictis differen-
 tes. hæ enim in temperaturis succis, ubi squalidi abundant
 acresque vapores, quæque facile resoluuntur, osque ventriculi
 imbecille habet, solum eueniunt: hiq; cito, nulloque fere ne-
 gotio ex solo assumpto cibo a symptomatibus superuenien-
 tibus liberantur. At istæ quas enumeravi, in omni tempe-
 ratura, in omni sexu, & in omni ætate cõtingere vidi, nec
 hi solo cibo iuuantur, sed alexipharmacis, hisque remedijs,
 quæ malam possunt qualitatem extinguere, vel materiei

*De his Gal.
 lib. 10. Meth.*

peccantis educatione sanantur. Quare differunt hæ febres, distinguunturque a se inuicem omnino. hæque vere sunt, at non illæ, pestilentes. Quapropter inter differentias pestilentis febris numerandæ sunt & intermittentes, ut quæ experimento, sensuque ipso aliquando adesse cognoscuntur, nec ratione refelluntur, & ab historijs antiquissimis confirmantur.

De differentijs febris pestilentis a causis.

CAPVT XI.

DIFFERENTIAE a causis, quarum diligentissima debet esse perscrutatio, declarandæ succedunt. Causæ febris pestilentis omnia ea dicuntur, quæ corruptionem talem in corpus humanum inuehere possunt, ut humores exinde venenatam concipiant naturam. Vnde cum ad putredinem postea deueniunt, non putrido tantum calore, sed etiam maligna perniciosa qualitate cor ipsum fatigant. Causæ hæ duplices sunt, aliæ externæ, aliæ internæ. Ab externis incipientes, harum tria ponimus genera. primum erunt omnia ad hoc apta, ad intra corpus nostrum assumpta. secundum erit aer, tum inspiratus, tum nobis circumfusus. tertium erit eorum qui consimili affectu laborant, contactus. Ad primum genus reducuntur omnia cibaria, quæ vitiata habent naturam, quæve corruptionem aliquam vel putredinem sensere, sicuti frumenta, legumina, cerealia omnia semina quæ rubiginem passa sunt, & quæ, quoniam vel diutius vel male recondita fuere, ideo contraxere labem aliquam; sicuti etiam carnes diutius mactatæ, vel quæ eorum sint animalium, quæ non gladio sed vi morbi interempta sunt, aut quæ saltem morbida fuerint; fructus etiam vel horatij vel alterius generis, qui vel corruptionem senserint, vel ad eandem sint proclives, vel qui saltem facile in prauum conuertantur succum: consimiliter etiam omnia quæ in hominis alimentum veniunt, dum eadem hæc patiuntur, pestilentis febris causæ esse possunt. Ad hoc idem genus referatur omnis vitiatus potus, siue hic sit vinum corruptum, & qui labem aliquam senserit; siue sit aqua quæ hoc idem passa sit, vel quia immunditias seu urbis seu domus recipiat, vel quia ex stagnantibus facta sit, vel

Febris pestilentis causa externa quot sint, & qua.

Cibus & potus quomodo possint esse causa febris pestilentis.

sit, vel quia in ea stirpium aliquæ, & præcipue quæ virosam inferât qualitatem, sicuti Nerion, cannabis, linum, buxus, brassicæ, llatiis, nucum folia, & consimiles plantæ maceratz fuerint, vel quia præterlabatur loca metallica, quorum maligna sit natura, sicuti quæ chalcanthū, æris æruginem & consimilia diluat. sub hoc eodem genere continentur etiam omnia ea medicamenta, siue sint alterantia siue euacuantia, quæ in corpus assumpta, dum sua frustrantur operatione, nec a natura eiecta sunt, nouam subeuntia alterationem, in alienam & perniciosam transmutantur substantiam, hincque aliena nobis facta inimicaque, naturæ humanæ, labem sæpe aliquam, & tantam aliquando inferunt, vt ex ea pestilentes progignantur febres. huiusmodi nonnullas successisse vidi, dum ab imprudenti artifice importuna exhibita forent medicamenta, vel a ministro antiqua & obsoleta, & quæ aliquando nonnullam senserint corruptionem, fuerint præparata. Hoc idem & deleteria a gunt pharmaca, quæ euidentem inferentia noxam, sæpe febrem edunt pestilentem; hæcque non tantum vidi in potu exhibita hoc fecisse, sed & vidi & animaduerti hæc eadem, dum per clysteres essent iniecta, febrem hanc non tantum protulisse, sed etiam in mortem ægrotantem præcipitasse. has autem febres a venenatis causatas pharmacis pestilentes appello, quoniam omnium horum eadem est essentia, videlicet cordis læsio, non a calore tantum putrido, sed a qualitate venenata, cuius ratione febris solum est, & vocatur pestilens. hæc de primo genere causarum externarum. Alterum genus erat aer vel nobiscircunfusus, vel inspiratus; hic autem quemadmodum variam suscipit mutationem, ita etiam varijs modis febrem edere pestilentem potest. Aer tripliciter immutatur. alias enim in primis qualitatibus, alias susceptis ad intra se varijs exhalationibus, alias in propria substantia mutationem patitur. In primis qualitatibus hoc tripliciter contingit, scilicet vel dum in vno eodemque tempore aer vehementem patitur alterationem, sicuti cum in caliditate vel frigiditate extrinsecus qualitatibus nimium excedit; vel dum ex varia diuersaque temporū mutatione alia molesta subsequitur transmutatio, quemadmodum cum præcedente hyeme sicca

Medicamenta quomodo possint esse causa febris pestilentis.

Venenata pharmaca posse causare febrem pestilentem, & quomodo.

Aer quos modis immutetur. Aer cum immutatur in primis qualitatibus, quos tripliciter hoc contingat.

& aquilonia. vere autem pluuioso & australi subsequente, æstas adueniens morbida fuerit, multosque progignet lethales morbos, vel cum anni plura tempora se inuicē subsequētia aliquam vnam eandemq; omnia seruabunt constitutionem, sicuti cum totus annus erit vel austrinus, vel aquilonius, vel alio modo sibi semper consimilis. His tribus modis alteratus aer, vbi in vnoquoque horum excessus aderit, consequetur aptitudinem ad febres inducendum pestilentes, præcipue autem in corporibus ijs, quæ ex prauo

Aer quando morbos epidemios inducat.

Aer in prauis qualitatibus immutatus, quando possit esse causa febris pestilentis.

Aer in prauis qualitatibus immutatus an possit inducere pestem, & quando.

Aer immutatus a prauis exhalationibus, quomodo causet vel pestem, vel pestilentem febrem.

victus regimine humores ad corruptelam paratos con-
gesserint. Cum enim aer hisce tribus modis transmutatur, semper consuevit morbos epidemios vulgaresque inducere. nam hi omnes ex prædictis, vbi nulla subit perniciēs, aeris alterationibus generatur. quod si in his alterationibus sit excessus, cum omnis excessus violentiam naturæ inferat nostræ, poterit hic aer alteratus aliquando corruptiōnem in humores inducere, eosdemque in putredinem, potissimum vbi patientis aderit dispositio, præcipitare. Tales autem aeris alterationes possunt quidem aliquas in aliquibus generare pestilentes febres: vnde vidimus aliquando in calidissima æstate, aliquando in pluuioso autumno, aliquando in varia, & inæquali temporum constitutione multas nulla præsentē peste febres vulgasse pestilentes, hæc tamen pestem inducere non possunt, vt quæ epidemios simpliciter morbos, non autem pestilentes inuehere valent, præter calidam & humidam aeris constitutionem, quæ si diu perseveret, pluresque anni partes eodem modo constituat, apta ad hocce procreandos pestilentes morbos erit. *hac de prima aeris alteratione.* Secundo alteratur modo aer, dum exhalationes & inquinamenta aliqua aliunde suscipit; sicuti cum ex aquis vel stagnantibus vel quomodolibet male affectis aliterve corruptis, ex barathris, ex specubus, ex cadaueribus vel humanis vel aliorum animalium insepultis, rebusque alijs consimilibus vel inquinatis vel putridis vaporations malæ attolluntur, quæ ad intra aerem susceptæ, eundem coinquinant, in putredinemque modo leniorem, modo maiorem ipsum disponendo & præcipitando, eum ad prauam perniciosamque naturam permutant. Vnde hic aer postea humana cor-

pora

pora offendens non ea amplius nuda lædet qualitate, sed totius proprietate essentia; cuiuscemodi sunt & agunt venena, quæ non a temperamento proprio, sed ab innata vi naturali actionem & violentiam hanc habeant. quæ praua & perniciofa natura, quoniam non in puncto confistit, idcirco prout magis vel minus alteratus labefactatusque est aer, diuerfimode in corpora agit humana: vnde euenit, vt modo vulgares, modo pestilentes progignat morbos. hinc videmus vrbes & loca, quæ ratione vaporatationum aquæ stagnantis & prauæ inficiuntur, pati etiam in saluberrima aeris cõstitutione ægri tudines plurimas, quæ tamen nõ erũt pestilentes, neq; admodũ lethales, cum aeris alteratio non ita valida erit; si tamen corporum dispositio ex humorum corruptela & prauitate parata erit, plurimas eo tempore pestilentes edere potest febres. Si autem contingat, aeris alterationem ex tali causa sæuiorem esse, aer hoc modo alteratus & immutatus, non tantum pestilentes in aliquibus edere potest febres, sed etiã pestem ipsam quandoque inuehere consuevit, tandiuque hæc perdurare solita est, quamdiu materia subiecta consimiles suggerat exhalationes, quamdiuque eæ quæ iam genitæ sunt, aeri que permixtæ, vel igne vel vehementi ventorum agitatione, vel diuersa temporum varietate fuerint consumptæ. cum enim aer eo scē morbos ex permistione harum expirationum, non autem, quia vel in qualitatibus vel in substantia sit permutatus, edere consueuerit; iisdem inquinamentis consumptis, cessabunt & morbi illi: & aer qui ex ea inquinamentorum permistione perniciosam adeptus erat naturam, aptus iterum erit ad pabulum & conseruationem caloris nostri. Tertia aeris alteratio & transmutatio est, cum in propria corrumpitur substantia. corruptio autem non semper est vniformis, alias enim huius generis, alias alterius reperitur, aliasque magis, alias minus praua proceat. ex diuersitate generis corruptelæ euenit, vt aer modo huic animalium generi, modo illi naturam nanciscatur inimicam aduersamque. ex prauitate autem vel maiori vel minori hoc consequitur, quod aer modo vulgares tantum, at non pestilentes; modo vulgares & pestilentes simul inuehat morbos.

Aer quomodo immutatur a prauis exhalationibus.

Pestis causata ab aere inquinato ex prauis exhalationibus. quamdiu durat.

Aeris immutatio in propria substantia.

*Aer quare
inuebat pe-
stem modo
vni anima-
liū species
modo alteri
nocuam.*

hinc habemus, aliquando vagasse aeris constitutiones, quæ vel ouibus tantum, vel bobus, vel alteri quadrupedum speciei, cæteris intactis animantibus, immanem & trucem peperere noxâ. quod non aliunde cōtingere potuit, quam ex diuersa aeris corruptione. sicuti enim cætera exteriora non vniformiter corrumpuntur, sed modo hanc, modo illam adipiscuntur corruptionem; ita & aer diuersimode, cum in propria transmutatur substantia, afficitur. quæ substantia, prout gradum hunc corruptionis vel illum nanciscitur, modo naturam vni animantium generi, modo alteri oppositam & noxiam acquireret, vnde modo hanc speciem, modo illam tangit alteratq; in qua alteratione hoc succedit: quod si corruptio ea, quæ vni animantium generi aduersatur, admodum praua non sit læsio, tantum vulgaris subsequitur: si autem sit sæuior, vere pestem inducendo, idem animantium genus in perniciem ducit. cum autem talis aeris constitutio vnicum animantium genus inficit, cætera, licet ab eisdem morbis intacta pet maneant, semper tamen nonnihil læsionis perferunt. Quod de cæteris animantibus loquor, hoc idem in ea corruptione, in qua aer homini naturam adeptus est inimicam, intelligatur. cum enim leuem tantum corruptionē passus est, tunc epidimios vulgaresque solum, non pestilentes, edere consuevit, sicuti anno proxime elapso millesimo quingentesimo octuagesimo factum est, in quo ex corruptione aeris, leui tamen per vniuersam Europam & ad exteras vsq; nationes vagarunt morbi illi, qui a vulgaribus diuerso nomine appellati, vnicam tamen formam tantum in omnibus regionibus habuere. Hi accedebant cum febre in aliquibus valida, in aliquibus leui, cum capitis grauedine: superueniebat distillatio admodum molesta, quæ in thoracem decumbebat, hinc oriebatur tussis vehemens, ex qua in principio excreabant patientes tenuia & cruda: sitis vt plurimum pauca vel nulla erat, inappetentia magna, & gustatus fere abolitio vel saltem deprauatio concomitabatur, quæ, cessante etiam febre, talis per multos dies in pluribus perseuerabat, vt vix nonnulli ad pristinum statum regrederentur, notabilisque lassitudo & corporis imbecillitas quiescente febre subsequeretur, febris vt plurimum

in quarta

*Aer, cum
leuem cor-
ruptionem
patitur, non
pestilentes,
sed tantum
epidimios
generat
morbos.*

*Exemplum
epidimie a
leui aeris
corruptio-
ne.*

*Historia e-
pidimie an-
ni 1580.*

in quarta, & ante quartam terminabat, sed tussis in multis per plures & plures dies superdurabat, & vix tandē hi concocta expuebant. hi morbi vt plurimum erant salubres, in sanitatemque omnes terminabantur, præter eos, qui valedudinarios, vel debiles, vel senes, vel qui angusto essent thorace, & distillationibus obnoxij, vel infirmos, vel eos qui prauo utebantur victu, quique in ægitudine ipsa aut sunt indiscriminatim & sine ratione viuere, aggrediebantur. hi enim fere omnes in perniciem ægotantium desierunt. Huiusmodi ægitudines non ex alia orta sunt causa, quam ex quadam leui aeris corruptione, qua antipathiam quādam ad cerebrum adeptus erat. Vnde succedebat, & distillatio, & tussis, & affectus thoracis, & gustatus læsio, & virium animalium languor, ceteraque omnia. Tantaque fuit huius corruptionis in agendo efficacia, vt vix inuenire queas, qui ab ijs morbis fuerit immunis. omnes enim pariter & ætates, & sexus, & quascunque hominum conditiones aggressa est. quæ sicuti in actione efficax fuit, si pariter in prauitate fuisset intensa, hincque non leuis, sed valida & ingens fuisset corruptio, in internecionem fere omnium hominum desisset, ita vt nulla clades, nulla hominum ruina, nullum etiam humani generis flagellum, quorum meminerint historiarum, huic æquiparari potuisset. Quoniam autem non praua, nec ingens, sed leuis fuit hæc corruptio, ideo tantum epidimios, non pestilentes protulit morbos. hincque humani generis damnum, non ruina subsequuta est. Necalicubi dubium sit, hanc epidimiam ex sola aeris in propria substantia corruptione cōtigisse, quoniam non ex inquinamentis aut exhalationibus prauis a liunde susceptis hoc contingere potuit, cum nihil horum præcesserit, per totque regiones hæc vagauerit, citoque ab vna ad aliam peragrauerit, semperque præcedentem ab omni labe sinceram reliquerit. quod, si horum ratione hoc factum foret, euenire non potuisset, quoniā inquinamenta illa & prauæ illæ exhalationes in loco proprio diutius & maiori cum clade & ruina suam protulissent actionem, & per tot regiones peragrandō consumptæ fuissent, vel mutatione temporum, vel violentia ventorum, vel alia causa externa dissoluēte & dissipante aeris exhalationes. At hæc

*Epidimiam
anni 1580.
fuisse causam
tam a sola
aeris in propria
substantia
corruptione, sed
leui.*

epidimia a partibus Occidentalibus vltima hyeme incipiens, & motum habens Orientem versus, continueque a regione in regionem propinquam transmigrans, nec inuente Vere, nec eo procedere, nec etiam aduentante Æstare, imo nec sub cane, nec etiam subsequente Autumno vnuquam a proprio motu cessauit. quinimo & tempore frigidiori & calidiori, & flante tam Austro, quam Borea, & pluuioso & sereno cælo peragrauit hæc omnes Europæ regiones, & omnia indiscriminatim loca, siue sint sublimia & monuosa, siue infima & paludosa, siue media, & tam quæ respiciunt Orientem, quam quæ Occasum, seu alium cæli situm: Quod etiam clarissimum est indicium, hoc non a primis potuisse ortum habere qualitatibus, quoniam si in omni aeris cōstitutione, si in omni cæli statu, si in omni anni parte, & omni regione suas hæc depromsit æqualiter vires; igitur hoc non a primis potuit oriri qualitatibus, sed tantum hoc licuit gigni a sola aeris in propria substantia transmutatione: quæ (vt iam dictum est) fuit leuis quædam corruptio: cuius corruptionis ratione aer prauam adeptus qualitatem, antipathiam ad cerebrum, qua humanum genus vniuersè afflixit, habuit. Quam eandem prauam & perniciosam aeris qualitatem, vltra homines sentire etiam cætera viuientia; hinc aues illæ quæ exteris terras statis temporibus adire solent, hac aeris prauitate incitæ, has nostras partes fugientes ad alias regiones ante tempus euolarunt, & quæ super arbores nidificant & dormiunt, super ipsam terram, & in locis infimis, altiora cauentes, nocte degebant. bruta autem animantia, quæ ex herbarum & arborum germinibus ac folijs victitant, eadem auersabantur, quoniam hæc sub dio posito ab aere circum-

*Aer in propria substantia immutatus cum ingenti corruptione cau-
sat & febres pestilentes, & pestem.*

stanti aliquo qualiter infecta erāt, quæ omnia prauitatis & corruptionis aeris (quæ tamē leuis fuit) indubitata erāt inditia & argumenta. Si autem contigat, aerē in propria substantia transmutari non leui, sed praua & ingenti corruptione: tunc propriam naturam, ex qua ad tutelam caloris nostri aptus erat, amittit, & alteram nostræ improporcionatam cōtrariamque adipiscitur, tuncque vi sua, venenataque adepta qualitate, morbos non epidimios tantum, sed & pestilentes inuehit, tuncque pestilentes inducere consuevit febres,

nec

nec has tantum, sed & pestem etiam ipsam procreare potest. Et hoc, quoniam contactu suo, siue per inspirationem, siue per insensibilem arteriarum attractionem hominem petens, in eo corruptionem aliam humorū inuehit: qui si putrescant, febrem postea, de qua agimus, produunt pestilentem. Animaduertatur autē, dum assero, corrumpi graui corruptione aerem, quod de aere hoc infimo, & qui rationem habet mixti, sit sermo, & quod intelligatur semper non totali vnquam corruptione aerem corrumpi, quia si totalem pateretur hic corruptionem, duo mala consequerentur; alterum quod omnes pestes ex aere omni viuentium generi, quod in spirando vitam ducat, essent communes; alterum quod vllus nec homo, nec animans huic pesti superuiuere posset. quoniam hinc non venenatam tantum naturam adipisceretur aer, sed etiam venenum ipsum fieret, ex quo omnibus animantibus eundem inspirantibus esset quid mortiferum. quod cum nec Deus nec Natura ad conseruationem orbis permittat, asserendū est, aerem non totaliter corrumpi, nec venenum per corruptionem fieri, sed tantum venenatam adipisci naturam, per quam aptitudinem ad corrupēdum, & generandum quasi venenum in corporibus humanis & præcipue (hoc semper suppono) dispositis consequatur. Corruptio hæc aeris non est qualitatis alicuius intensio vel remissio, non admixtio alicuius inquinamenti, non putredo, sed est solius intimæ aeris naturæ, eiusq; propriæ substantiæ corruptio, qua quid aliud ab eo quod erat, factus est, sicut enim homo vi gladij peremptus corruptus est, nec eius corruptio est qualitatum immutatio, nec alienæ substantiæ permixtio, nec putredo, sed est propriæ substantiæ transmutatio, qua quid aliud ab eo quod erat, factus est, illud idem de hac aeris corruptione asserendum esse affirmo. licet autem corruptio hæc nullum eorum sit: aitamen ab omnibus prædictis causis progigni potest, nam & homo cum æstuat, vel cum vltra modum refrigeratur, sæpe corrumpitur. quod idem & patitur ex assumpto veneno, & inducta etiam putredine ingenti, vel in humores, vel in partes solidas principales. pariter & aer in excessu primarum qualitatum constitutus aliquando corrumpitur, vt confirmat pe-

Aerem corrumpi quomodo intellegendum sit.

Aeris corruptio quid sit.

Aeris corruptio a quibus causis generetur.

stis a Thucydide enarrata, quæ ex aeris immodica caliditate ortum habuit. Similiter cum virosas exhalationes aliunde suscipit: si hæ diutius attollantur, longiorique tempore in aere permista permaneant, possunt hæ in aerē corruptelam aliquam inuhere. per putredinem etiam potest hæ corruptio causari. cuiusmodi enim omnia mixta per putredinem corrumpuntur, cum putrefactio sit corruptio, ita & per putredinem aer potest corruptionem admittere, putrefactioque aeris in corruptionem terminabitur. putrescere autem aerem dico, tum quoniam omnia elementa præter ignem possunt putrescere, tum etiam quoniam hic aer, qui nos ambit, rationem habet mixti, cum nequaquam purus nec re, nec ratione inueniri possit. mixtorum autem propria est passio putrefactio. quare & hic aer putrescere poterit. putrescens autem hic aer tādē corrumpetur; quapropter ex aeris putrefactione eiusdem generabitur corruptio, quæ corruptio sicuti omnium, tum elementorum, tum eorum quæ ex elementis compacta sunt, communis est affectio, per eandemque in alienam omnia transmutantur naturam, ita & hæc passio aeri competet, per eandemque alienam nanciscitur naturam. qua ratione inimicus homini factus, non amplius ad eius est aptus tutelam, sed potius eius perniciē affectans pestilentes procreat morbos. Hæc aeris putredo alias ex diuturna constitutione oritur calida & humida, alias ob susceptas exhalationes putridas, diuque in eodem retentas, quæ putredo non est id quo semper egit aer, dum vel pestem vel pestilentem inducit febrem. terminatē enim putredine in corruptionem, hacque ipsa, cum motus sit, habeatque esse in fieri, non permanente, aer per eam diutius agere non poterit: at pestis & per annum & ultra perseverare, experientia & antiquitas testata est. tam diu autem hic putrefactionis motus nō poterit antiquari, quin in corruptionem terminetur: imo cum aer substantiæ sit diffusibilis, vagæ & tenuis, concepta in eo putredo citissime terminabitur, cuiusfinaque corruptio huic succedet: non enim est imaginabile, nec ratione aliquo modo confirmari potest, quod putrefactio in aere per tot annos, per quot pestes perdurare nouimus, conseruari possit. Nec est, si causæ putredinis diu perse-

Aer per putredinem quomodo possit corrumpi.

Aeris putredo unde inducatur.

Putredo in aere diu perseverare non potest.

perseuerent, quod putredo etiam diu perseueret. cum enim quid putruit, etiam si putredinis causæ continue eundem affectū foueant in eo, nec diuturnior conseruari, nec noua inuehi potest putredo; imo quo magis validæ & perseuerantes sunt putredinis causæ, eo velocius res putrescit, citiusque (quoniam violentior est putredo) terminatur adueniente corruptione. cuiusmodi enim si cadauer in loco calido & humido, constitutione aeris simili existente, reponatur, non diuturnior est eius putredo, sed velociter putrescit, citoque hæc putredo corruptione terminatur: nec si ibidem diutius permaneat, ideo poterit denuo putrescere, quoniam corruptio adueniēs putredinem terminauit. ita & aer si vel ex calida & humida constitutione, vel ex putridis euaporationibus putrescat, non ideo diuturnior erit eius putredo; quoniam præsentēs sint causæ, continueque putredinem eam foueant. sed quo hæc causæ erunt validiores, eo citius concepta terminabitur putredo, adueniente corruptione. quare non ratione materiæ putrescentis, nec ratione causarum diuturna poterit in aere putredo firmari. Vnde pateat, quod aer, dum ex putredine corrumpitur, non semper per putredinem pestem vel pestilentē inducit febrem, quoniam putredo necessario cito terminatur: at morbi isti longiori tēporis spatio ab aere infecto progignuntur ac producuntur. quod cum non sit ratione putredinis, hoc erit (vt iam præmonstratū est) ratione corruptionis: cuius occasione alienam adeptus aer naturam, perniciem humano generi molitur. Corruptio hæc non tantum ab excessu primarum qualitātū, vel a permixtione putridarū prauarumve exhalationum, vel ab ipsius aeris putrefactione generatur, sed aliquando etiā ab astris, nihil inferioribus causis ad hoc conferētibz, ab eorumque motu & lumine in aera male agentibus. hæc enim, dum hæc inferiora suis fouent operationibus, in eodem diuersos imprimunt effectus, proutque varia sydera vel in idem coeunt, vel ad diuersa respiciunt, hos hos modo effectus modo illos produunt. nō enim eiusdem semper sunt actionis, nec semper ab eisdem eadem emanant virtutes, sed varias & diuersas depromunt, prout varij sunt eorum aspectus, ortus, occasus, & ad alia sydera situs

Aeris corruptio aliquando a causis superioribus, non concurrentibus inferioribus, causatur.

diuersus, hinc autem euenit, vt non omnes æstates sint eodem modo calidæ, nec omnes hyemes sint eodem modo frigidæ: euenitq; vt non semper serenam æstatem, nec semper tempestuosam afferant hyemem, sed modo hanc illius temperiei & status, modo illam alterius faciant. Quod si contingat, hæc astra (vnde proculdubio omnis inferiorum virtus regitur & gubernatur) male in æra agere, prauosq; eorum esse aspectus, hinc peterit æris eiusdem subsequi corruptio. sicut enim elongatio & approxinatio tum solis, tum Zodiaci est in causa generationis & corruptionis omnium horum inferiorum; nec alicui mirum sit vel hinc vel ab alijs syderibus, quomodo libet se habentibus æris causari corruptionem, a qua præcipue vniuersales pestes oriuntur, simulq; multæ pestilentes procreantur febres, inducta simul corruptione in humores corporis humani, qua venenis exitiælibus consimilem vim & naturam adipiscuntur. Hæc æris corruptio, ex qua huiusmodi pestilentes consequuntur constitutiones, sæpe euenit, nulla præcedente nec æris mala intemperie, nec diuersa temporum mutatione, nec vllis præsentibus corruptis vel putridis exhalationibus; nullamque habet euidentem causam præter syderum actiones; ideoque quoniam ad hanc inducendam pestem non concurrunt hæc inferiora, scilicet hæc pestilentes constitutiones, tam hyeme quam æstate, tam sub calido quam sub frigido cælo, tam austro quàm borea flante: cuiusmodi visum est in præcedenti epidimia, licet nullo modo fuerit pestilens, cuiusq; nulla præcedens manifesta causa innotuit; vnde a solo cælo ortum eam habuisse, credendum est, vt nonnulli Astronomiæ professores præfagierunt & testati sunt. Hæc autem syderum cælique actiones, & maxime pestilentes, sæpius proueniunt tum ex naturæ prouidentia, tum ex nutu Dei: ex naturæ quidem prouidentia, sicuti in Ægypto, quæ, quoniam hominum feracissima est, tantumque, vt etiam octauo nati mense ibi vitales sint; hoc patitur, vt ibidem hic contingat periodus, vt vnoquoque decimo, seu paulo plus vel minus anno vigeat & vagetur pestis, ad tollendam superabundantem hominum multitudinem. Ex nutu autem Dei maxime contingunt ad profliganda puniendaq; humani generis sce-

*Pestes a sy-
deribus
causis indu-
cta quare
contingant.*

ra, cuiusmodi ex sacris literis nonnullas nouimus pestes, a Deo immisas in solam peccati poenā & purgationem. hinc eitam apud Homerum ex rapta filia Sacerdotis Apollinis Chryseide, ex eiusdemq; sacerdotis iniuria ab Agamēnone illata, legimus Græcum exercitum immanem trucemque inuasisse pestem. Corruptio igitur aeris alias ab inferioribus, alias a superioribus inducitur causis, tuncque aer ipse in alienam transmutatus naturam perniciosā qualitate in agendo deletetia æquat medicamenta. Cuiusmodi autem hæc venena in omnibus hominibus nec eodem modo, nec eadem agunt velocitate & violentia, sed hos citius & vehementius, qui prauitatem humorum congegesserunt, vel debilia habeant principalia membra, illos autem tardius & leuius, qui sano sunt corpore, quiq; robur naturæ habeant; ita & corruptio ista aeris, omnesque aliæ causæ, quæ vel pestem vel pestilentem possunt inducere febrem, nō semper æquali in omnes homines agunt efficacia. Sed vbi plura concurrant ad eundem producendum effectum aptiora, ibi plurimum conferunt suæ perniciiei, ibiq; admodum sæuiunt, sicuti si corruptio hæc in constitutione calida & humida, in loco prauis euaporationibus scatente, vbique homines malis abundant humoribus, eueniat, tunc maxime sæuiente pestilenti constitutione, ad internecionem fere omnium habitantium perducitur. at vbi hæc inuicem non adiguntur, licet perniciies adsit vageturq; non tanta tamen subsequitur clades. quæ enim ad hanc inferendam labem non conueniunt, vicem gerunt tutelæ, qua homines non ita facile a causis læsionem inferentibus patiantur. Vbi enim erit aer nullis inquinamentis permixtus, cælumq; fuerit bene temperatum, vel saltem aquiloniū, nullaue præcedat mala victus ratio, solique abundant laudabiles succi, hæc omnia ad minuendam pestis sæuitiem conferent: quod idem & de cæteris causis hoc idem agentibus censendum est. omnes enim quo ad plures simul etunt, maiorem inferēt labem, quo autem minores paucioresq; poterunt & minus sæuire. *¶ Hæc de secundo externarum causarum genere sufficiant.* Tertia enumerabatur causa, eorū nempe qui consimili laborant morbo, contactus. hic autem vulgari & proprio nomine appellatur contagium. *De cōtagio.*

Contagiosi morbi. morbi que qui hac eueniunt ratione, omnes contagiosi dicti sunt. causa hæc ad hosce morbos generandos potentissima est, vimque habet fere insuperabilem. vix enim quis a contagioso, vbi cōtagium accesserit, potest euadere morbo. Plures autem sunt huiusmodi generis morbi, sicuti scabies, lepra, elephantiasis, mentagra antiquorum, lues venerea, rabies, tinea puerorum, phthisis, ophthalmia, nonnulli

Contagium quomodo causet febrē pestilentem. alij, quibus præcipue adnumeretur pestis & pestilē febris, quorum aliquando præcipua est causa contagium ipsum. hocque ea ratione huius febris est causa, quoniam hoc mediante ab vno in alterum tanta humorum corruptio inuehitur, vt venenatam concipiant naturam, cuius merito postea putrescentes iidem cor pernitiōsa & maligna petunt qualitate. Animaduertatur autem, quod dum dicimus morbos istos contagiosos esse, non tales hos esse ideo asserimus, quia semper ex contagio inuehantur. nam & sponte aliquando possunt euenire, maximeque eorum maior portio: sed quoniam his præsentibus, si accedat contagium, facile ab vno in alterū consimilis morbi fit transitus, ideo contagiosi dicti sunt. Vnde scabies, tinea, lepra, & nonnulli alij ex his morbis in aliquibus quidem, nullo accedente contagio, possunt sponte oriri, cum tamen alteri deinceps contagio mediante facile communicati possint: quod idem de peste & febre pestilenti est asserendum. Hoc tamen pestilentibus morbis est peculiare, quod licet vt plurimum sint contagiosi, non tamen semper nec necessario tales sunt. dantur enim quidam pestilentes morbi contagiosi, & quidam etiam non contagiosi. quemadmodum & historię & experientia ipsa testatur. ex historijs quidem hoc pateat, quoniam & Hippocrates & Galenus, cæterique tunc temporis nobilissimi artis nostrę professores, dum nonnullę pestes maxime sæuirent, maximeque popularentur, indiscriminatim, nullaque habita contagij ratione, ad inuisendos, curandos & pertractandos ægros progrediebantur; nec laborantium contactum vitarunt ipsi, nec alios vitare commonuerunt. quod firmum sit argumentum pestilentes tunc vagasse affectus, qui tale contagium (quale in peste patres nostri, ætasque nostra obseruauit) coniunctum non haberent. non enim credendum est,

Contagiosi morbi non semper per contagium inducuntur.

Pestilentes morbi an semper sint contagiosi.

est, si hoc adfuisset, præclarissimos hosce artis nostræ proceres hoc latuisse, cum idiotarum vulgariumque virorum, vbi eius vis vagetur, notitiam nequaquam fugiat. adeo enim manifesta est eius perniciēs, vt sensum nullo pacto latere possit. Hoc idem externæ confirmant nationes. nam & in Syria, & in Ægypto, & in Asia minori, multisque alijs imperio Turcarum subditis prouincijs sæpe vagantur pestilentes morbi, in quibus nulla contagij nec suspicio nec timor adest. alloquutus sum ego homines fide dignos, qui in Ægypto partimque in Syria habitarunt, qui ijdem mihi retulerunt, dum ibi sæuissima vagaretur pestis, nullam habitam contagij rationem fuisse, imo ibidem nefandum existimari scelus, consuetudinem vitare ægrotantium. hoc idem quotidiana potest comprobare experientia. plurimi enim medicis singulis curandi occurrunt pestilentes morbi, qui tamen alijs nulla communicantur ratione, sicuti præcipue sunt pestilentes febres cum peticulis apparentes, licet apertissimum maximumque accedat contagium. Sed si inter febres ac ægritudines pestilentes, vti posuimus, nonnullæ sunt contagiosæ, nonnullæ autem nequaquam, qua id ratione eueniat, declarandum est. quod ita explicandum erit. Cum omnium febrium ac ægritudinum pestilentium non vna eademque sit natura, sed aliæ deteriorem & intensiorem malignitatem consequutæ sint, aliæ autem minus deteriorem & magis remissam habeant, nec etiam earum omnium vna eademque erit efficacia. nam licet hæc omnes ad interitum deducere hominem aptæ sint, non tamen eadem velocitate & vehementia id agunt: sed aliæ magis acutæ & magis sæuæ sunt, aliæ autem minus. hoc inde prouenit, quod prauitas & venenosa natura ex corruptione concepta in illis intensior est, in istis remissior. intensio autem hæc & remissio vela deteriori vel a minus praua corruptione causatur. in quibus enim corruptio non ita praua est, venenositas ex corruptione concepta non ita intensa existit. in illis autem, in quibus deterior est corruptio, venenositas admodum intensa resultat. cum autem hæc admodum intensa est, non tantum efficacissima est ad perdendum patientes, sed etiam eadem tanquam venenum, quod vel solo tactu vel af-

flatu hominem inficere aptum est, cæteris hominibus aliquo mediante contagio communicari poterit. cum enim corpus nostrum sit totum conspirabile & transpirabile, si concepta venenositas gradum summum consequuta sit, a corpore affecto poterunt seminaria & inquinamenta eiusdem venenositatis ad extra euaporare & transmitti: quæ si alteri homini communicentur, existente earum natura valde praua, & admodum venenosa ac efficacissima, eundem inficere & simili morbo coinquinare poterunt. quæ tamen inquinamenta & vaporaciones, si non insignem prauitatis ac venenositatis gradum consequutæ, perinde ac prædictæ, fuerint, nec eandem cum illis in agendo vehementiam, nec in communicando efficaciam habebunt. hincque hoc succedit, quod hæc ægritudines non erunt contagiosæ, illæ autem maxime. Hoc verum esse analogia quadam nos doceat virulentarum bestiarum venenositas, quæ cum in omnibus non sit eiusdem prauitatis, sed in alijs intensior, in alijs remissior existat, non eodem modo, nec eadem vehementia, nec eadē velocitate hæc homines perdunt. hinc aliqui per plures dies a fera virus eiaculante percussi superuiuant, alij breui pereunt. a scorpione ictus potest per plures dies viuere. ab Ammodite vsque ad septimam perdurare visus est. Chersidrus intra tres dies; Aspis terrestris intra tres horas; Basiliscus subito hominem perimit. Ex ijsdem autē animalibus virus eiaculantibus si nonnulla existant, quæ summum venenositatis gradum consequuta sint, ea non tantum ictu vel morsu, sed etiam tactu & afflatu hominem inficere apta erunt. Dryinus, vbi quis eum calcauerit, illius pedes excoriat, & tumorem ingentem circa crura inducit. & quod magis mirandum videri poterit, manus Medici hunc curantis etiam inde excoriat. Amphibænam si fœmina vterum gerens transgrediat, fœtum male perdit & abortit. Basilisci sibilum & afflatum nulla reptilia, ne dicam hominem, ferre possunt. Hæc & cætera similia non alia sunt ratione, quam ob summum venenositatis gradum, qua hæc animalia dotata sunt. Venena etiam aut in potu hausta, aut vna cum cibis assumpta, sunt vel a natura vel ab arte parata, similes habent differenzias, quoniam non omnia eiusdē sunt sæuitiæ & vehementiæ,

mentis, alia sunt quæ nisi reperantur, non occidunt. alia semel exhibita hominem perdunt, alia pluribus mensibus, alia pluribus diebus, alia paucioribus, alia paucis horis, alia subito & in instanti interimunt. Sed & præter ea quæ per os exhibita mortem causare apta sunt, alia vehementiora hominum sceleratorum perfidia inuenit, quæ solo tactu aut afflatu occidit. hinc audiuius, Circulatorem ex solo odoratu caryophylli ab æmulo venenati statim interiisse. Legimusque Io. Galeatium Mediolani Ducem, qui virtutum Comes prius fuerat vocatus, ex appposito super stapedem veneno, dum equitare vellet, peremptum fuisse. cuius exemplo summorum Principum ministri, qui vitæ eorum curam habent, & mensam & sedem & ephippia & stapedes, & omnia ea, in quibus iidem quiescere & motari debeant, detergenda & emundanda esse iubent. Quemadmodum autem ex bestiis virus eiaculantibus & ex venenis nonnulla ob eximiam eorum venenositatem reperiuntur, quæ solo tactu & afflatu hominem inficere possunt: ita etiam qui ex morbis pestilentibus (qui pestilentes ideo sunt, quia naturam venenatam, id est proportionem respondentem his quæ a veneno causantur, sunt consequuti) deterimam qualitatem & malignitatem adepti sunt, eam possunt alijs solo tactu & afflatu communicare, quoniam horum morborum ratione ab ipsis ægrotantibus inquinamenta & seminaria propriæ venenositatis ad extra euaporant & transmittuntur, quæ alios potentia vel tactu vel afflatu eisdem inficere apta sunt: vnde sequitur, quod tales morbi, quo sæuiores extiterint, eo magis communicabiles & contagiosi erunt. vbi autem minus sæui, gradumque venenositatis prædictis magis remissum habuerint, non ita communicabiles, nec ita contagiosi existunt. quæ venenositas nihilominus si remissa, apta tamen ad interitum deducere hominem fuerit, poterit non esse contagiosa. Vnde videmus pestes valde sæuas, valde etiam esse contagiosas. quæ autem non ita sæuæ sunt, nec etiam de facili communicabiles esse. quæ tamen communicatio non omnibus pestilentibus morbis est data: quoniam non omnes, cum corruptionis & venenositatis gradum sunt adepti, ut per seminaria & per vaporaciones ad extra transmissas, propriam

prauitatem cæteris communicare queant. quod clare apparet in febribus pestilētibus cum periculis apparentibus, ne dicam etiam in quibusdam pestilentibus constitutionibus, quales fiunt apud exteras gentes, sicuti in Ægypto, Syria, nonnullisque alijs imperio Turcarum subditis prouincijs, in quib. licet sæpe vagentur pestes, tamen contemperante natura, ac compensante huiusce morbi sæuitiem cum eiusdem crebritate, non ita sæuæ nec ita atroces fiūt, quales in regionibus nostris, vbi contingant, accedere solent; & ideo quæ tales existunt, nec forsā sunt, nec forsitan debent esse contagiosæ, quoniam in his non adest illa summa prauitas, quæ in cæteris reperitur. & ideo earundem ratione ab ægrotantibus nequeunt illa inquinamenta adeo praua euaporare, vt cæteris communicata perniciem consimilem in alios inferre possint. quæ eadem ratio, cum communis existat cæteris febribus putridis, est in causa, vt febres putridæ simplices, licet sæpe lethales existant, non sint tamen alijs solo tactu vel afflatu communicabiles Hoc idem confirmat experientia, quæ testatur penes nos omnes pestilentes morbos. qui ex solo contagio communicantur, esse cæteris omnibus deteriores, cum ab his vix vllus, nobilissimis etiam administratis medicamentis, saluari queat; Qui autem ex aere vitiatō vulgantur, & sub pestilenti cælo inuadunt, licet vtplurimum homines perdant, non tamen ita rebelles remedijs, perinde ac illi, existunt, vnde videmus sub cælo pestilenti ex peste infectis plures, quam eo tempore, quo ex solo contagio inficiuntur, saluari, licetque ab aere corrupto quandoque succedāt contagiosi morbi, hoc tamen nondum erit, nisi cum hī summam corruptionem & venenositatem conceperint, quo tempore ex popularibus fiunt etiam contagiosi, qui tamen, si non eximiam venenositatem & prauitatem acquisierint, non possunt esse contagiosi, licet adhuc sint lethales & perniciosissimi morbi. & hinc liqueat, quare morbi pestilentes, licet omnes sint graues & lethales, non tamē sint omnes equæ cōtagiosi, nec omnes apti, vt per contactum aut afflatum communicentur, liqueatque morbis pestilentibus simpliciter non esse proprium ac inseparabile, vt nonnulli sensere, contagiosos existere. Quamuis autem

sem tales dentur pestilentes morbi, videlicet qui nullo pacto ex sui natura contagiosi appareant: attamen vigente peste, qualiscunque ea sit pestis, tutius est (vt notauit Philosophus) consuetudinem ægrotantium vitare, quam ad eos prope accedere. quod præcipue ab his qui deprauato sunt habitu, obseruandum est. hinc enim facile omnem hi concipiunt labem, omnemque causam extrinsecam morbos excitantem timere debent; vt hi, in quibus vitium internum facile, aliquo succedente fomite, exulter & sæuiat. at illi qui sano sunt corpore, præbique abundant humoribus, non ita in pestilentibus morbis, qui ex sui natura contagiosi non sint, congressum ægrotantium timere debent: licet semper pestilenti morbo laborantium conuersatio, ne inde cōtagium contrahatur, (vt monuit Galenus) perniciofa sit. Quemadmodum autem dantur, vt iam dictum est, pestilentes nonnulli morbi, qui sui natura nequaquam contagiosi sunt; ita & alij, dantur, qui sunt contagiosi. Horum autem duplex est diuersitas, nam alij sunt & vulgares & contagiosi simul; alij autem tantum contagiosi & non vulgares. primi vagante peste ex indispositione ad corruptionem ex inspirato aere facile inuadunt & cōmunicantur: at secundi nulla præsentē communi peste ab vno in alterum transferuntur, hique taliter, eaq; ratione sunt contagiosi, vt nulla alia inuadant ratione quam ex contagio; consimilesque sunt hi tum lvi Venereæ, tum rabiei. sicuti enim hi duo morbi nunquam sponte, quæcunque morbi-fica præcedat causa, homini accedere videntur, sed semper ab alijsex contagio communicari, obseruatum est: ita nonnulli dantur pestilentes morbi, qui nulla alia possunt ratione accedere, quam ex contagio. consimiles morbos viderunt patres nostri, nosq; etiam ætate vidimus nostra, quemadmodum aliquando in nonnullis Italię ciuitatibus visum est, in quibus vagarunt sæuissimæ pestes ad interuersionem omnium fete qui ea laborarunt. cum tamen nullus qui contagium non senserit, aut febrem pestilentem aut pestem passus sit. Quauis autem ad generationem horum morborum maxima polleat facultate contagium, non tamen existimet quispiam, quod contagium sit vel affectio, vel impressio, vel corruptio aliqua, qua

*Probl. sect.
prima pro-
bl. 7.*

*Morbi pesti-
lentes con-
tagiosi du-
plexes sunt.*

*Contagium
quid sit.*

mediante tales generentur fiantq; affectus; licet enim ex his pestilentes inducantur morbi, non tamen quid horum est contagium. nam contagium nihil aliud est, quam aliquorum vel saltem duorum contactus, quorum vnus in alterum, istius cōtactus ratione, similis gignatur morbus. qui tamen contactus solus non est sufficiens causa ad inducendum contagiosum morbum nisi hæ conditiones, de quibus infra, accesserint; quare cum contagium sit contactus, non qualitas aliqua erit, sed in prædicamento Situs reponetur, vnde longe a prædictis distinguetur qualitatibus. Ad cuius contagij essentiam, & ad contagiosum morbum inferendum, vltra contactum dictum requiritur, vt quæ se contangunt, vtrq; in eodem communicent morbo. alias qui infestatur, at non hac ratione, aliquo affectu, non ex contagio, laborare dicitur. Vnde cum a serpente quis veneno inficitur, non ex contagio infectus vocabitur; quoniam licet serpens venenosus sit, non tamen venenatus, nec veneno laborare asseritur. nec cum a torpedine piscatoris manus, qui eam hasta mediante tetigerit, in stuporem inducitur, eam ex contagio affectam esse, censendum est: quoniam licet torpedo stuporem pariat, non tamen ipsa stupore affecta est. At ex contagio infectum dicimus, qui morsus a cane rabido rabidus factus est; quoniam & in homine, & in cane idem morbus, videlicet rabies reperitur, hæcque ab altero in alterum contagio mediante producit. Contagium hoc, cuius merito vnus hominis morbus alteri homini communicatur, duplex est; alterum immediatum, alterum mediatum. immediatum est, cum nullum inter illa duo interponitur corpus, sed immediate vnum alterum contangit: vt cum quis accubando alteri, vel eundem contrectando eundem tangit, nullo alio mediante corpore; ab hocque contagio facilissima supra omnes est morborum qui ex contagio inuehuntur, communicatio, & in hoc proprius & verus est contactus. tanguntur enim ea proprie, quorum extrema sunt simul. Mediatum autem duplex est; alias enim per fomitem quis ex contagio patitur, alias ex aere per fomitem hoc contingere dicimus; vt per vestes, per lintheamina, & per alia, quæ porosa existentia facile malam recipiunt patientis qualitatem,

*Contagium
quotuplex.
Contagium
immediatū
quale.*

*Contagium
mediatum
duplex.
Contagium
per fomitem
quale.*

qualitatem, sicuti præcipue ea, quæ ex lana, ex gossipio & simili materia conficiuntur. quæ autem non ita porosa sunt, sed solida, non possunt ita facile fomitis vicem gerere, sicuti ferrum, argentum, aurum, cæteraq; metalla. cum enim hæc sint substantiæ compactæ ac densissimæ, nō ita *Contagij fomes quæpō sint esse; vel non esse.* alienas recipiunt vel qualitates vel vaporaciones. Quod si quis vagante peste visum sit ex solis contrectatis pecunijs alios quos in pestem incidisse, hoc non ratione metalli, nihil sane huius qualitatis recipientis, sed ratione sorditiei ex contrectatione adhærentis proculdubio contigisse potuit. ex aere autem & non per fomitem mediatur est contagiū: ut si quis aerē inspiraret ab infecto ægrotante alteratum. ut cū quis in loco, ubi phthisicus vel pestilēti affectus morbo degit, inhabitet. ex eo enim inspirato aere simul etiam & aliter eodem inficitur morbo. & in his duobus contagiij modis adest etiam verus cōtactus; quoniam tum fomes, tum aer corpora contangens ea inficit, nequaquam tamen est proprius; quoniam hæc duo, cum non sint viuentia, contagioso morbo non laborant, sed gerunt vicem infecti animantis, a quo deceditur qualitas, & morbus per contagium communicandus. Quare triplex erit contagiū, primum immediatum, secundum per fomitem, tertium & vltimum ex aere. hisque tribus modis dictis, hoc erit aptum medium ad producendum, tum ipsam febrem pestilentem, tum cæteros contagiosos morbos. Quamvis autem contagium ad hosce procreandos morbos tanta polleat facultate, ipsius tamen nulla ad horum morborum procreationem erit vera & positiua actio: cum enim contagium nec substantia sit, nec qualitas, quarum proprium est agere, vere ipsi non competet actio. quare nec in aliquo genere efficientis causæ reponi poterit; sed tantum contagium ad hæc concurret, tanquam causa sine qua non. si enim contagium tollas, facile erit homines a contagioso (quatenus contagiosus est) præseruare morbo: quo tamen posito, nulla nec actio, nec causa efficiens morbi ponitur, sed tantum id, quo mediante & actio imprimi, & causa agere potest. Ad quam imprimendam actionem tria hæc necessario requiruntur, primo dominiū agentis supra passum; secūdo patientis præparatio, tertio quod tantum temporis sit instanti, ut agere & pati

Contagij in inducendis morbis nullam esse actionem.

Contagio mediante, si inducendus est morbus, tria requiruntur.

adinuicem possint. Ad dominium agentis requiritur non tantum eius efficacia in agendo, sed etiam quantitas debita eius, quod agere debet. Vnde habemus deleteria venena, licet vehementissima sint, a nostroque calore insuperabilia, si in minima sumantur quantitate, licet a corpore humano non euincantur, nullam tamen læsionem in idem edere posse: eademque ratione quamuis omnium agentium ignis sit maxime actiuus, si eius scintilla corpus tangat, non tamen vrit. Ad patientis præparationem requiritur non tantum ex humorum præparatione, sed etiã ex proprietate naturæ innata & occulta dispositio. hinc Marfi & Pſylli a veneno & a serpentibus non fuerunt læsi. digitus Pyrrhi ab igne non fuit concremat. hincque in contagiosa & sæua peste visæ sunt familiæ, quæ etiam manifesto accedente contagio, ab omni læsione immunes fuerunt, sicuti anno illo celeberrimo 1528. experientia testata est in familia, & agnatione mea: quæ licet familiari- bus, amicis & affinibus peste extinctis communicauerit, nullum tamen eius vestigium persensit. quemadmodum in oppositum aliarum familiæ extiterunt, quæ ex leuissima occasione per hanc inpatam & occultam dispositionem omnes ad vnum extinctæ sunt. Ad temporis spatium licet non diuturnitas omnino requiratur, tamen necessaria est aliqua temporis mora. hinc super ardentissimam flammam immunes ab igne pertransimus, manusq; in eadem apponimus, dum hoc cito & cum velocitate agimus. quod idem de contagioso asserendum est affectu: quoniam licet facilis sit in hoc transitus, non tamen, cum hoc sit motus, potest in instanti fieri. Efficacia igitur & quantitas agentis, dispositio patientis, tum ex præparatione humorum, tum etiam ex innata vi, & mora conueniens pro debito tempore requiruntur ad generandos contagiosos morbos. Quibus tribus positis, necessario imprimetur actio, hincque contagio mediante vnius morbus alteri facile communicabitur: dum autem hæc sit communicatio morbi, alterque alterum inficit, actio non a contagio, sed a diuersis pendet qualitatibus, quæ in priori ægrotante sedem habent. hoc autem alteri morbum communicabit, vel per primas qualitates; vt si summe calidus alteri ac-

*Contagio.
mediante si
introducitur
morbis,
a quo sit a-
lio.*

cubaret,

tubaret, in illum eandem potest imprimere qualitatem, vel per secundas, ut ratione putrefactionis: cum quis enim vel membrum vel humores intense putridos gerat, contingens alterum consimilem ei communicabit putredinem. nam quod tangitur a putrido, putridum fit, vel per qualitates occultas, quæ a proprietate agunt tantum; ut si rabidus homo alterum mordeat, rabiem & illi impartitur, quod non a primis vel secundis ortum habet qualitatibus, sed ab occultis: quæ proprietate quadam liquidorum abominationem, cæteraque symptomata sæua rabido homini propria inducere possunt. Hæ autem qualitates, dum per contagium ab uno in alterum gignuntur, non ita transferuntur, ut primi qualitas in secundum traducatur. quoniam accidens de subiecto in subiectum migrare non potest, sed per vehiculum quoddam, in quo insident, alteri adhærere possunt, quo adhæsu mediante ad consimilem hic transmutatur qualitas, unde consimilis priori alter generatur morbus. Hoc vehiculum aliquando est corpus, aliquando est vapor: & seminarium quoddam insensibile, corpus est, ut in scabie, in lepra, in tinea, & similibus, in quibus sordities quædam, qua vestis & indumenta inquinantur, aptum est medium ad communicandos eosdem morbos. Vapor autem & seminariū insensibile, ut in elephantiasi, in ophthalmia, & in febre pestilenti. hinc enim vaporationes attolluntur, quæ sensu nullo pacto iudicari possunt, quæ si alterum petant, siue hoc immediate, siue per fomitem, siue ex aere eueniat, in eundem consimilem possunt introducere morbum. Et vapor iste, qui est vehiculum huiusce prauæ qualitatis in morbis hisce pestilentibus, subtilis admodum est. hinc effugit sensum, & facillime & citissime penetrat. tenax est, unde facile adhæret, & difficulter a fomite, nisi perfletur, geluque vel igne purgetur, euellitur. humanoque generi tota sui substantia aduersatur, unde non tantum lædit, sed etiam hominem necat. Et hæc rationes per vaporationes, cum huiusce sint naturæ, hoc habent, quod si in substantia porosa aptaque ad eius conseruationem insideant, per multum & loci & temporis spatium conseruari poterunt. hinc ex longinquis nationibus pestilenti morbo infectis aduectæ vestes & lintheamina ad aliam remo-

*Contagio
mediante
qualitas a-
gēs per quod
agat.*

*In contagio
vehiculum
qualitatis
agentis quo
duplex, &
quod sit.*

*Vehiculum
praua quali-
tatis infe-
ribus pesti-
lentiæ qua-
le sit.*

*Præua Vapo-
rationes pe-
stilentium
morborū in
quibus reb.
disponant*

Febris pestilens ex contagio causata a quo inducitur sit.

tam regionem pestem adduxere. hincque reſeruatę in peſte, vel ex lana, vel ex canabi, vel ex lino, vel ex ſimili materia res conſectę poſt multum temporis ſpatium nouam inducere peſtem. quare hinc pateat non ad contagium ſed ad prædictas qualitates in inducendis cōtagioſis morbis competere actionem. Cum autem inter peſtilentes febres nonnullę ſint contagioſę, actio quidem, qua ab vno in alterum communicatur, non contagij erit, ſed eius tantum prauę qualitatis, qua vltra calorem putridum cor laceſſunt, & praua hæc qualitas inſidet in materia corrupta, quę iam ex corruptione naturam conſimilem deleterijs pharmacis adepta eſt. ab hac autem materia putreſcente ſicuti excitantur, & eleuantur intra corpus ipſum vapores mali, qui petentes cor eius omnes vires pernicioſa labefactant qualitate; ita & alij, cum corpus noſtrum ſit totum conſpirabile & tranſpirabile, ex corpore extramittuntur, qui contagio præſente, ſiue hoc ſit immediatum, ſiue mediatum, conſimilem in altero poſſunt prauam inuehere qualitatem, ſimulq; febrem cauſare peſtilentem. Vnde nō abſq; ratione enumerandum inter cauſas externas venit contagium, non quidem tanquam cauſa aliquid poſitiuè efficiens, ſed ſolum tanquam cauſa ſine qua non, tertiumq; vere hoc erit externarum cauſarum genus, a quo peſtilen-

In febre peſtilenti generata ex contagio a quo ſit actio hæc introducēs.

tes progignuntur febres. Cum autem contagio mediante alterius in alterū generatur peſtilens febris, actio hæc non a primis, nec ſecūdis prouenit qualitatibus: ſed ab illis tantum, quę in ſubſtantia interna inſidentes, qualitates occultę proprietateſq; ignotę vocantur. hæc enim actio cauſatur, prouenitq; inde noua affectio, non quia infectus peſtilenti febre per intemperiem calidam aut frigidā agat, nec quia per putrefactionem, vel per aliam ſecundi ordinis qualitatem morbū inuebat, ſed tantum ratione pernicioſę qualitatis, quę in corruptione intimę rei ſubſtantię conſiſtit: quę ſicuti nec ſenſu, ita nec ratione, ſed ſolo experimento cognosci poteſt. Quod vero hæc actio a qualitate occulta, quę a rei intima ſubſtantia ortum habet, pendeat, ſatis ex dictis, & ex hijs quę præmonſtrata ſunt, patere poteſt. quod autem non a qualitatibus primis contagio mediante hæc peſtilentes inducantur febres, minima eget probatione,

batione, cum nihil ultra proprium gradum agere possit.
 quod vero nec a secundis, videlicet a putrefactione, indu-
 cantur, ex prædictis etiam satis liquere potest. cum enim
 essentia pestilentis febris non in putredine consistat, nec in
 contagio, pestilentis febris actio erit a putredine. cui hoc
 addo, quod si per putredinem febris induceretur pestilens,
 actioque hæc a putredine penderet, dum per fomitem hæc
 introducitur febris, non posset (cum id quod a putrido
 tangitur, putridum fiat) non putrescere & fomes ipse. quod
 a veritate tamen, hoc dictante experientia, longe dissi-
 num est. nam seminaria pestis per mentes & annos in fo-
 mite referuantur, nulla admissa putredine in fomite ipso.
 præterea ab ipso met ægrotante aliquando per longum
 temporis spatium cōtrectantur multa, quales sunt fructus
 horarij: qui cum in putredinem maxime, sicut quid aliud,
 proclives sint, nullum tamen putredinis vestigium hæc
 nec referuant, nec recipiunt, nihilominus malam illam
 perniciosamque admittunt qualitatem: qua fit ratione,
 ut hæc, alteri si ad contrectandum vel ad comedendum
 exhibeantur, statim pestilentem in eum inducant febrem;
 unde pateat non per putredinem aliamve qualitatem ma-
 nifestam contagio mediante generari pestilentes febres,
 sed ratione tantum qualitatis occultæ, quæ in substantia
 insidet corrupta, quam sæpius adnotauimus, declarauimus
 que naturam perniciosorum ac deletetiorum phar-
 macorum æquare. contagium igitur erit aptum mediū,
 quo talis fiat impressio, eritque ultra alias duas declaratas
 causas tertia externa, de quibus hæc satis sunt. Nunc inter-
 nas aggredior. causæ internæ febris pestilentis in duplici
 sunt discrimine, nam aliæ sunt propinquæ, aliæ remotæ:
 remotas vocamus plethoram, cacochymiam, obstructio-
 nes; sub plethora nunc non omnem abundantiam bono-
 rum succorum intelligimus, sed eam tantum in qua vires
 grauantur: quæ cum non ita recte a natura regatur, fa-
 cile corruptionem & putredinem concipit. sub cacochy-
 mia autem & abundantia prauorum succorum, eorum-
 demque vitiosa qualitas reponitur; cum enim hi vel quan-
 titate superfluunt, vel qualitate peccant, facillime & cor-
 rumpuntur & putrescunt. huius cacochymia, quodcunq;

*Febris pesti-
 lens ex con-
 tagio non a
 putredine
 causatur.*

*Febris pesti-
 lentis causa
 interna
 quot sint.
 Febris pesti-
 lentis causa
 remota in-
 terna.*

*Plethora.
 Cacochy-
 mia.*

Veneris nimia est potens causa in inducenda febre pestilenti.

peccatum in sex rebus non naturalibus eueniat, potest esse causa. attamen inter has, vltra prauam alimenti rationem, quæ sit potentissima, adnotavi, hanc esse nimiam Venerem, hinc enim virtutibus internis labefactatis, prauo generantur humores, qui in omnem perniciosam sunt procliuves corruptionem. hincque euenit, vt qui nimium & vltra vires Veneri indulgent, vt plurimum in hæc febres incidunt, hique vt experientia cognoui, minime omnium, saluantur. Obstructio autem omnium causarum febres inducentium euidentissima est. conclusa enim materia in loco calido & humido, si quid transpirationem prohibeat, facillime putrescit. si quid autem transpirationem hanc prohibet, hoc potissimum obstructions agunt. Vnde omnium febrium putridarum hæc præcipua assignatur causa. An autem ad generationem febris pestilentis necessario semper concurrat obstructio, non ita apud omnes con-

An ad generationem febrim pestilentem semper concurrant obstructions.

stat. sed res ita explicanda est. Omnis febris pestilens, quæ inter sporades eueniat morbos, necessario pro sui generatione obstructionem, tanquam causam præcipuam, requirit: quoniam ab internis tantum causis ortum habet. quæ autem vel in pestilenti aeris statu, vel ex contagio generantur, non necessario talem habent causam: ex sola enim aeris corrupti inspiratione, vel ex solo contagio concipitur venenata qualitas, qua humores corporis a propria natura desciscences sponte in putredinem dilabuntur: idemque contingit, quod in horarijs fructibus, alijsque rebus quæ sui natura putrescibiles sunt. hæc enim, licet diutius perflentur, a putredine tamen præseruari non possunt. consimiliter humores illi, cum qualitatem illam perniciosam conceperint, nec recte a calore naturali tunc imbecilli ex oppugnatione eiusdem qualitatis facto regantur, procliuves in putredinem redduntur. hincque licet nulla sit præsens obstructio, tamen necessario putredo, indeque febris superuenit. Vnde in contagiosis hisce morbis, ac in constitutione pestilenti multos laborare nouimus, quorum corpora patentia, laxa, & transpirabilia erant, in quibusque nec copia, nec vitiosa erat humorum qualitas, sed optima fruebantur valetudine: nec in cõsimilem vnquã hi incidissent, cum causæ hæc internæ abessent, morbum, nisi illæ externæ validissi-

validissimæque concitassent, & præcipitassent eos in eam humorum corruptionem, qua & perniciosi & putrescibiles (cum a natura amplius recte non regantur) facti, pestilentem possunt inducere febrem. qua tamen inducta & genita, cum humores illi corrupti & putrescentes a natura amplius non regantur. Solent iidem male dispositi & commoti obstructions nonnullas causare, indeq; febrē ipsam augere, tuncq; concurrat etiam in his febrib. aliquo pacto pro causa obstructio ipsa. quæ licet a principio nec præsens, nec causa morbi fuerit, subsequitur tamen, & ab humoribus labe pestilenti inquinatis fouetur. In pestilenti etiam statu aliquando & obstructions concurrunt, sed non primario, ad causandam febrem pestilentem: hoc enim tunc accidit, cum corpora male affecta præsentē obstructionē febres non pestilentes patiuntur, quibus si vel contagium, vel inspiratio aeris corrupti accedat, iam conceptæ ex obstructione putredini illa infligitur perniciosa qualitas, cuius merito ex non pestilenti pestilens euadit febris. tunc tamen obstructio non habet rationē causæ, sed occasionis tantum, videturq; præcedens, & nō coniuncta causa ipsius febris pestilentis. non igitur in omni febriū pestilentium genere, licet in omnib. reperiatur; requiritur & necessaria est obstructio, sed in his tantum, quæ inter sporades contingunt morbos. *hæc de causis internis remota.* Causæ aut internæ proximæ sunt humores corrupti & putrescentes; corruptio in his humoribus est necessaria, quoniam hinc malam & perniciosam qualitatem adipiscuntur, putredo autem requiritur, quoniā hinc febris generatur. cum autem hæc duo simul vniuntur, videlicet tum corruptio, tum putredo, tunc necessario febris subsequitur pestilens. mala enim qualitas ex corruptione ingenita a putredine excitatur, tuncq; cor ipsum nō tantum calore illius humoris putrido, sed ab eiusdem etiam praua læditur qualitate. Qui autem sint hi humores putrescentes, nunc non referā; quoniam in superioribus quæ hanc partem attingunt, satis clare præmonstrata sunt; vbi docuimus, omne humoris corrupti genus, vbicunq; putrescat, posse febrē procreare pestilentem: nec referre, an hoc sit sanguis, vel bilis, siue sit nigra siue flaua seu alterius generis, vel pituita, dummodo

Febris pestilens causa interna proxima.

iam ex corruptione, cum ad putredinem deueniat, malam aliquam conceperit qualitatem. Humores igitur corporis humani in hac positi constitutione, quicumque fuerint, videlicet tum corrupti, tum putrefacti, proxima sunt causa febrium pestilentialium. quoniamque proxima sunt causa, hinc factum est, vt pro diuersitate humoris peccantis diuersi febrium pestilentum sint genera, diuersaque simul ad hæc symptomata succedant. ab his enim humoribus corruptis & putrescentibus, sicuti cæteræ, ita & pestilentes specificantur febres, proutque diuersi sunt inter se & essentia & qualitate, ita & varias produnt affectiones, variaque inducunt symptomata. *hæc de causis febrium pestilentialium, sum externum, sum internum, qua sufficiunt de differentiis a causis.*

*De differentiis febrium pestilentium ab intenso
& remisso, & a coniunctis.*

CAPVT XII.

ALIAE sunt differentiae febris pestilentis enumerandæ, quæ sicuti ultimo loco recensendæ veniunt, ita & minoris sunt, quam prædictæ, discriminis. harum quædam ab intenso & remisso sumuntur, quædam autem a coniunctis. quæ ab intenso & remisso accidunt, differentiarum sunt satis euidentibus; quoniam non omnes febres pestilentes sunt eiusdem naturæ & qualitatis; alie enim sunt maiores, alie minores, alie deteriores, alie minus malignæ. licetq; dictum sit, febris pestilentis essentiam in praua & perniciofa consistere qualitate, quæ vna cum calore putrido cor affligit, tamen nec praua hæc qualitas, nec calor hic putridus in puncto consistunt, sed latitudinem habent non mediocrem. nam praua illa qualitas modo minus, modo magis est perniciofa, calorq; ille putridus modo intensus, modo remissus est. ex quo succedit, quod non omnes febres pestilentes vniuersales sint, sed alie sunt sæuiiores, alie mitiores: sæuiiores quidem, vbi venenata superabundat & supereminet qualitas: mitiores autem, vbi hæc eadem remissa est; alie autem maiores, alie minores sunt: maiores quidem, vbi plurimum est caloris putridi;

minores

Præuam qualitatem febris pestilentis latitudinem habet.

minores autem, cum oppositum contingit. Vnde quatuor istarum febrium hæ differentiæ statuuntur, quoniam aliæ sunt vehementes, & plurimū malignæ. aliquæ debiles eandem consequutæ malignitatem. aliæ sunt magnæ, sed quæ minimum prauitatis habeant, sicuti eæ quædā debiles febres sunt, quæ pariter minimum in se prauitatis retineant. Conſimilem huic differentiæ (& hoc vt clarius res pateat) alteram habent febres pestilentes: nam cum duo ſint in febre iſta, quoniam alterum eſt qualitas pernicioſa, alterum eſt putredo ſicut maligna illa qualitas non in puncto conſiſtit, ſed modo maior eſt modo minor; ita & putredo quādoq; eſt intenſior, quandoq; minus intenſa. Vnde ſi contingat, vt & qualitas illa venenata in ſummo ſit gradu, ſimulq; multa ſit putredo, tunc ſæuiſſima gignitur febris peſtilens. in qua ratione quidem prauæ qualitatis vitales virtutes admodum labefactantur, ratione autem ſummæ putredinis & cæteræ læduntur facultates, ſæuaq; ſubſequuntur ſymptomata. Vnde in hac febre virtus languida eſt, & ratione putredinis (prout vapores putridi vel materiæ putridæ hanc aut illam petunt partem) ſequuntur dolores vel capitis, vel ventriculi, vel dorſi, vel alterius partis, ſequuntur & vigilæ & ſopores & inappetentiæ & ſitis inexhauſta & inquietudines & cætera omnia ſymptomata, quæ putridam conſueuere ſequi materiā: a talique febre citiſſime necantur ægrotantes. Aliquando autē in hac febre putredo quidē eſt ſumma, & praua illa qualitas remiſſa. tuncq; febris eſt moleſta admodū ratione putredinis, ſed non adeo ſæua, cum non ita in hac, vt in ſuperiori, vitalis facultas ratione prauæ qualitatis remiſſæ ſuccumbat. Quandoq; vero putredo nō eſt tanta, ſed pernicioſa illa qualitas eſt maior, tuncque ſit febris, quæ ratione putredinis non ita mala prodiit ſymptomata; ſed cum acuta ſit venenofitas illa, vires concidunt magis, ſitque febris, quæ mitior quidē prædictis apparet, ſed non minus periculi quam ſuperior continet. quandoq; autem in tantum remiſſa eſt putredo, vt fere nulla ſit: pernicioſa autē & praua illa qualitas admodū intenſa eſt, & tunc ſit febris, quæ nec ægrotanti videtur moleſta, imo bene ſe habere opinantur, nec aſtantiſus timenda, ſed mitis in totum priuo apparet aſpectu, cum

Febris peſtilentis differentia quo ad magnitudinem & quo ad prauam qualitatem.
Febris peſtilentis differentia quo ad putredinem & prauam qualitatem.

tamen exitialis admodum sit: nam ab adaucta illa venenata qualitate vires prosteruntur, corque omnino obruitur, licet nullum adsit sensibile symptoma, quod vel ab ægrotante, vel ab astantibus possit dignosci. quod inde provenit, quoniam remissa putredo nullum accidens edit molestum. hæque febres sæpe ægrotantibus astantibusque, & multoties etiam imprudentibus imponunt medicis, qui ex sensibili ægrotantium læsione morbos metuntur, cum facile ad interitum, nullo nec cruditatis nec prauitatis humorum signo præsentem; imo omnibus supra salutem attestantibus hominem ducant. quod idem sæpe obseruavi in prima huius ordinis contigisse differentia, in qua dum ex opportunis remedijs putredo euicta esset, signaque futuræ salutis apparuissent, mors tamen ineuitabiliter a non correcta praua qualitate subsequabatur. hæc de differentijs ab intenso & remisso. Quo autem ad differentias a coniunctis, hæ sunt euentissimæ ac plurimæ. nam nullum est malum symptoma, nec vllum morborum exitialium genus, quod cum hac febre non coniungatur. quo ad symptomata, & sitis, & vigilie, & sopor, & appetitus prostratio, & nausæ, & vomitus, & syncope, & virium languor, & singultus, & inquietudines, & alui fluxiones, & sudores vel superflui vel mali, & capitis dolor, & delirium, plurimaq; alia consimilia his febribus superueniunt symptomata. quæ tamen ipsis non sunt propria nec inseparabilia. nam in alijs febrium generibus hæc etiam euenire solent: cumque his eueniunt, non semper omnia, nec semper eodem accidunt modo, sed aliquando hoc illi febre, aliquando alterum, & non hoc alteri superuenit. His tamen omnibus symptomatibus vnum additur tantum, quod proprium est febris pestilentis, quodq; in nullo alio febris genere contingere consuevit. Hoc autem est macularum genus diuersum, quod excepta facie solet sæpe ceteras corporis partes occupare, & hæ colore differunt inter se; quoniam aliæ sunt rubæ, aliæ pallidæ, aliæ puniceæ, aliæ virides, aliæ nigræ: quemadmodum autem non eiusdem semper sunt coloris, ita non in eadem semper sunt magnitudine, nam aliquando satis amplæ sunt, ita vt æquent mensuram palmæ, vel cubiti, vel etiam his maiorem: vnde nonnunquam

Febris pestilentis differentia a coniunctis.

Macula febribus pestilentibus coniungentes.

Macula in febre pestilentis quas corporis partes occupet.

Macularum febris pestilentis differentia a colore, & quantitate, & numero.

nunquam magnam corporis partem, sicut dorsum, coxas, crura, brachia inficiunt: aliquando sunt minores, ita ut appareant esse vibices, & liuores ex flagellis inducti: quandoque autem sunt parvæ, & pulicum moribus satis similes existunt, & hæc ut plurimum circa spinam & in dorso ac in regione thoracis apparere solent. vocanturque a nostris Peticulæ seu Pestichilæ: hæcque inter ea quæ præter naturam de nouo emergunt, sunt recensendæ: antiquorum enim sæcula nec tale quid videre, nec huius meminere. omnia enim ea his cõsimilia, quæ huiusmodi febrib. ipsi accidere adnotarunt, siue papulæ, siue exanthemata dicantur, longe ab his maculis differunt. illa enim in genere tumorum referuntur, habentque eminentiam, & ad suppurationem vel ulcerationem quandoque deueniunt, quorum nullum in his maculis reperitur: quare nouum symptomatum genus erit, notum tamen & nobis & patribus nostris. Et hæc maculæ sicuti nec colore nec quantitate semper sunt vniformes; ita etiam nec numero. nam aliquando plures, aliquando pauciores existunt. Quæ omnia de peticulis ipsis potissimum considerata duco. Noui enim præstantes viros, qui arbitrati sunt, non omnes febres in quibus peticulæ appareant, pestilentes esse, hac ducti ratione, quod pestilentes febres cacochymiam, non sanguinis plethoriam sequantur. quare eas febres, in quib. hæc maculæ rubræ conspiciantur, quoniam his sanguinis multitudo iungitur, non esse pestilentes affirmant: sed illas tantum, in quibus hæc nigra, violaceæ, liuidæ, alteriusve prauis caloris existant: quoniam tales cacochymiam præferunt, pestilentes appellant. At si cæteri humores a sanguine distincti naturam a nobis extraneam, per quam aduersantem humano generi qualitatem adipiscuntur, inire possunt, quid prohibet sanguinem ipsum hanc eandem inire posse? nihil sane, cum & in qualitatibus & in substantia, perinde ac alij humores ab eo discreti, pati earundem passionum mutationem queat. quam mutationem cum sanguis consequutus fuerit, æque ut illi, cum ad putredinem deuenierit, pestilentes procreabit febres. Quam veritatem nec Auicenna, nec Aetius, nec Paulus ex Rufo negarunt, attestantes a sanguine pestilentes aliquando generari febres. Vnde Princeps hæc in cu-

An omnes febres peticulis apparentes sint ex genere pestilentissimum.

ratione habebat. Si autē materia vincens fuerit sanguinea, fiat phlebotomia. Acrius autem cum Paulo ex intentione Rufi hæc referebat. Quibus sanguis abundat, his vena secetur. Si autem a sanguine possunt generari pestilentes febres, cur negandum erit, eas in quibus peticulæ rubicundo colore infectæ, quia his multitudo sanguinis iuncta est, apparent, esse pestilentes? sunt (ut mea fert sententia) a ratione iam explicata, & ab auctoritate prædictorum viro- rum confirmata, hæc etiam febres pestilentes, sed a cæteris in hoc differentes existunt, quod hæc, quoniam in ipsis materia minus prava, & minus, quam in cæteris maligna peccat, ideo minus quam cæteræ aliæ, detrimenti & periculi minantur ipsis a grotantibus. benigniores enim sunt maculæ & peticulæ rubicundæ, quam omnes aliæ; quia etiam a benigniori humore, videlicet a sanguine ipso, procreantur. Quare maculas has omnes, cuiuscunq; extiterint coloris, inseparabile esse signum pestilentis febris, hasque necessario pestilentem significare affectum, constituo. Ad- uertatur tamen, quod licet hæc maculæ inter propria febriū pestilentum symptomata recenseantur, non tamen earum inseparabile symptoma est. quoniam licet hæc, ubiuis eueniant, semper necessario certum sint febris pestilentis indicium, non tamen in omni febre pestilenti necessario eueniunt. plurimæ enim sunt illæ, in quibus hæc maculæ nō apparent, paucissimæ autem, in quibus superueniunt. *Hæc de*

symptomatibus. Quo autem ad morbos, qui cum febre pestilenti contingunt, idem, quod de symptomatibus dictum est, affirmatur. sicuti enim omnia prava symptomata possunt his febribus coniungi, ita plurimi exitiales morbi solent eisdem febribus connecti, sicuti anginæ, pleuritides, phrenitides, iecoris inflammationes, colicæ passiones, aphthæ, oris prava ulcera, pattium putredines, abscessus, inflammationes, erysipelata, consimiliaque his omnia prava. sed duo præcipue sublequentur morbi: alter est carbunculus; alter bubo pestilens, vel parotis pestilens. cumq; morbi isti cum febribus his coniunguntur, semper res deteriori se habent statu. proutq; membrum læsum erit nobilius, inde etiam semper maius impendet periculum, ab hisq; morbis, qui febre pestilenti connectuntur, tanta ha-

rum di-

Morbi di-
uersi possunt
contingere
in febre pe-
stilenti.

rum diuersitas generatur, vt plures harum species videantur, cum tamen non ratione morborum additorum, sed propriæ eius essentia veræ debeant constituti differentia: nam nec etiã prauitas morborum febrî pestilenti coniuactorum ab eorum vnica pender essentia, sed a pernicioſa & venenata humorum qualitate, qui in pestilenti febre putredinem concepere. hi enim, vbi putruerint, quocunque repant, ibi prauam infligunt qualitatẽ, morbusque inde genitus nõ a morbi ipsius essentia, sed ab exitiis libus illis iuccis malignitatem & perniciem consequitur.

¶ Hac de differentijs febris pestilentis sufficiant.

De signis futuram febrem pestilentem indicantibus.

CAPVT XIII.

DECLARAVIMVS febris pestilentis essentiam, eiusque differentias enumerauimus, nunc reliquum est, vt ad rectum principale accedamus, signaque eiusdem recenseamus, vt huius perfectã assequamur notitiam. nisi enim hæc pars duabus prædictis adderetur, omnis profecto labor, omnisque conatus tum in superioribus adhibitus, tum in inferioribus sumendus inutilis esset. hæc enim morbum parefaciunt ostenduntque, quo ignoto omnis medici diligentia frustratur. Sciendũ tamen est, quod pars ista de signis, fere tota coniecturalis est, rariq; sunt morbi, in quibus demonstratiua habeantur signa, cuius ratione ars nostra coniecturalis dicta est. quapropter difficillimũ erit, hanc de signis partem demonstratiuis firmare rationibus. in tanta tamen rerum difficultate nos conabimur quam proxime ad veritatem accedere, remq; ipsam certis adeo fulciemus rationibus, vt in exponendis signis quam commodissime ad verã & determinatã rei essentia cognitionem perueniamus, certoq; esse vel non esse febrem pestilentem poterimus affirmare. Rem igitur ipsam aggredientes, dicimus signa hæc in triplici posita esse discrimine, alia enim futurũ morbũ indicant, alia præsentẽ demonstrant, alia præteritũ rememorantur. Hæc tria signorũ genera necessario ponenda sunt; quoniã a primis præseruatio, a secundis curatio, ab vltimis præcautio quædã in cæteris

*Febris pestil.
lentis signa
triplicia.*

Signa futura febris pestilentis a quibus & a quo sumantur.

Corpora præparata ad febrem pestilentem qua sint.

Causa præcipua disponentes corpora ad febrem pestilentem.

qui febre non laborant, sumitur. Prima signa, videlicet ea quæ futuram febrem pestilentem prænunciant, a tribus capiuntur, scilicet a corporis dispositione, a præsentia causarum, & a quibusdam medijs dispositionibus. Hic autem animaduertatur, quod dum signa februm pestilentum recensemus, non pestis vel futuræ vel præsentis vel transactæ, sed febris tantum pestilentis, de qua nostra est speculatio, signa declarare intendimus. quæ licet nonnullis cum peste eadem visa sit, longe tamen ab ea differt, quamvis enim & pestis & pestilens febris aliquando concurrant, tamen & pestis sine febre, & febris pestilens sine peste datur, vnaque sine altera reperitur. Quare ponentes signa febris pestilentis, non signa pestis, sed febris tantum, circa quam versamur, recensebimus. Huius igitur signa declarantes, dicimus ea quæ futuram febrem pestilentem denunciant, a tribus sumi, scilicet a corporum præparatione, a causarum præsentia, & a medijs quibusdam dispositionibus. Ad est in corpore ad febrem pestilentem præparatio, cum homines prauos, qui vel iam corrupti sunt, vel in corruptio- nem proclives congestere succos: sicuti illi, qui praua vrentes victus ratione gulæ indulgere, vel necessitate coacti ex cibarijs mali succi se repleuere. vnde quibus & fungi & horarij fructus & carnes diu macerata & legumina semiputrida & frumenta quæ rubiginem sensere, & vinum immutatum, & aquæ vel stagnantes vel quomodolibet vitiatæ, & omnia herbarum & radicū in caritate annonæ genera, & consimilia in usu fuere, omnes ad hunc morbum paratos nouerimus. Ultra hos & illi, qui supra vires bonitate succorum grauati sunt, in hanc febrem sunt proclives, dum vel iterum ingurgitant, vel inordinate & intempestiue se replent. moles enim hæc humorum cum sic a natura regi non possit, facile concipit corruptelam aliquā, malignamque adipiscitur qualitatem. plures etiam alij, qui nec prauis abundant humoribus, nec ultra vires grauati sunt, ad hanc capessendam febrem disponuntur, dum vel a molestis animi accidentibus agitantur, vel nimium Veneri operam dant. has duas ego præcipue occasiones obseruaui, a quib. inuecta in bonos humores corruptela, facile febres subsequuntur pestilentes. animi enim accidētia spiritus a proprijs

a proprijs distrahunt operationibus. Venus autem nimia omnes virtutes labefactat. quare ex his duobus, præcipue autem ex nimia Venere, corpora ad huius generis febrem maxime disponuntur. nam distractis spiritibus, virtutibusque labefactatis, facile humores in alienam transeunt naturam, corruptionem aliquam consequuti. Qui etiam habent corpora imbecilla, debiliaque ab ortu membra receperint principalia; & qui vel ex hausto veneno, vel ex prauis cibarijs, vel ex potu corrupto, vel ex aere vitiatolabem in visceribus & principalibus membris contrahere, omnes corpora ad febrem pestilentem facile suscipiendam possident. hi enim ab omni etiam leuissima causa maxime labefactantur, læsionemque ultra quam credi possit, semper maiorem admittunt, minimoque negotio in his omnia humorum genera corruptelam & vitium contrahunt. Qui autem temperamenti sunt humidi, & qui corpora calida & humida vel ab ortu vel ex accidenti habent, cum hæc facile omnem concipiant putredinem, facile etiam ad omnem corruptionem disponuntur, hincque in febres pestilentes procliuus sunt. Corpora etiam rara & laxos habentia meatus, cum omnibus externis causis facile cedant, prona ad febrem pestilentem capeSSendam sunt, ubi externæ causæ vigeant & vagentur. Corpora vero densa & angustos habentia poros, facillime ex internis causis in febrem hanc incidunt. hæcque licet opposita sint, pariter tamen pro causarum diuersitate pestilenti febre sunt opportuna. *hæc de corporum præparatione, aqua prima sumebantur indicia futura pestilentis febris.* Secunda capiebantur a præsentia causarum, quæ ubi præsto sint, facillime febris potest subsequi pestilens. Causæ autem hæc erunt vel intemperatum cælum, præcipue autem calidum & humidum; vel aeris pestilens status; vel contagium vagans; vel aquarum inundatio; vel earundem stagnantium corruptio; vel multorum hominum seu animalium cadauera insepulta; vel ex antris specubusque prauæ expirationes; vel exhalationes ex terra inquinata, vel locorum, urbium regionumve immunditiæ, excrementaque non expurgata. Vbi igitur harum causarum aliquæ fuerint præsto, facile coniectare poterimus futuram pestilentem febrem. hæc enim omnes

*Corpora
densa & ra
ra quomodo
disposita sint
febri pesti
lenti.*

& singulæ causæ multa vi pollent ad inducendū hoc mor-
bigenus. Vnde ex harum præsentia facile morbum hunc
futurum esse, coniectare poterimus. Quod si his omnibus
mediæ quædam dispositiones, a quibus tertia futuræ febris
indicia sumi diximus, superaddātur, poterimus certo con-
ijcere, pestilentem febrem subsequuturam esse. cum enim
viderimus, posita corporum præparatione præsentiaque
causarum, adesse in homine morositiam insolitam, timo-
remque inexplicabilem, colorem faciei immuratum, ad ob-
lata non bene se habere, in somnijsque pravis perturbari,
lassitudinem adesse spontaneam, sicut molestari, nauseam
pati, vigilijs affligi, non poterimus, stantibus his medijs ad
morbum dispositionibus, non coniectare febrem immi-
nere pestilentem. hæc enim indicant iam corruptionem
aliquam concipere humores corporis, alienamque adipisci
naturam, paratosque in putredinem esse, unde postea putre-
scentes febrem pestilentem edere possint. *Hæc de signis,
quæ futuram hanc febrem prænuntiant.*

De signis communibus & proprijs febris pestilentis.

CAPVT XIII.

SIGNA quæ præsentem attestantur pestilentem fe-
brem, veniunt declaranda, quorum diligentissima de-
bet esse inquisitio, quoniam hinc cognitio habetur mor-
bi: qua non habita, nec recta nec fidelis potest subsequi cu-
ratio. signa autem hæc non omnia eiusdem sunt faculta-
tis, nec eiusdem certitudinis, sed diuersa existunt, aliaque
fidem plenior, alia minorem habent. distinguuntur au-
tem in triplici ordine. nam alia sunt omnibus communia,
sed non propria; alia autem propria, sed non communia;
alia autem indifferentia, quoniam nec semper nec omni-
bus, sed aliquando & aliquibus conueniunt. Primum si-
gnorum genus, quod commune omnibus est, licet non
proprium, sumitur a propria febris pestilentis essentia, quæ
sicuti vna est, communisque omnibus febribus pestilenti-
bus, & ipsæ propria; ita vñ profert signorum genus, quod
omnibus commune est. huius autem febris essentia in ma-
ligna & venenata consistit qualitate, quæ vna cum calore
putrido

*Signa com-
mune omni-
bus febrib.
pestilentib.*

putrido cor affligit alteratque. corde vero ita patiente, necessario immutantur pulsus. hi enim & ortu & facultate a corde ipso dependent. Vnde ipso læso, consequitur necessario & in pulsibus ipsis immutatio. quæ autē sit ista pulsus immutatio, quæ ad febrem subsequitur pestilentem, clare patebit, consideratis causis lædentibus. Duo sunt in hac febre, quæ cor ipsum lædunt: alterum est calor putridus; alterum est pernicioſa & venenata qualitas; dum cor a calore putrido tantum alteratur incaleſcitque, necessario primo immutatur pulsus ad magnitudinē modo maiorem, modo minorem, prout maior vel minor est caliditas. cum enim ratione auctæ caliditatis maior requiratur refrigeratio, inde necessario pulsus primo ad excipiendam maiorem aeris frigidi quātitatem, in magnitudinem attolluntur; quæ si non satis sit ad refrigerium recepti caloris, secundo ad celeritatem mutantur. quod si nec celeritas satisfiat, necessario frequentes evadunt. si autem huic calori superaddatur prava & venenata qualitas, non amplius hoc ordine pulsus immutantur. sed primum quod accedit, est frequentia: cum enim maligna hæc & pernicioſa qualitas non per intemperiem aliquam, sed a propria eius substantia cor lædat, eiusque naturæ ac substantiæ inimica sit, & veneni vicem gerat: hinc maxime, & alteratis spiritibus imminutisque, & facultatibus omnibus labefactatis, labor cordis succedit. nam dum alterantur spiritus a venenata qualitate, imminuuntur etiam. quibus imminutis & pernicioſa qualitate alteratis, cordis facultates labefactantur. dum autem hæc contingunt, quemadmodum in subita trepidatione omnia raptim & cum festinatione fiunt, pariter in tanta cordis concussione ad frequentiam immutantur pulsus, quæ semper actione, cum vehementer cor laborat, arteriæ maximam eius indicant læſionem. hinc in cardiacis, in syncopis, in maximis æstuationibus pulsus eduntur frequentes, quoniam in his maxime cor laborat. quod idem cum in febre contingat pestilenti, non mirum est, si in his præcipue pulsus ad frequentiam immutentur. in his enim cor a venenata læsum qualitate maxime laborat affligiturque. Vnde ad hanc propulsandam noxam, cogitur frequentem edere motum. hocque vritur,

*Signum fe-
bris pestilen-
tis sumum
a puls.*

*Frequentia
cum vehe-
menter cor
laborat. sem
per additur
pulsus.*

tanquam eo, quo in defectu aliarum mutationum, ubique aliarum non satisfaciunt mutationes, vti consueverit. hacque in re idem sagax agit natura, quod faciunt Medici recte artem exercentes. sicuti enim hi extremis morbis extrema statim adhibent remedia; ita natura in supremis hisce cordis affectibus, non quod ex cognitione hoc agat, sed necessitate ducta, ad ultimam devenit pulsus mutationem, videlicet ad frequentiam. Frequentia autem hæc modo has modo alias sibi adiungit pulsus differentias. dum enim in principio ipsius febris prava illa & maligna qualitas perit cor una cum calore putrido, & dum labefactantur eo tempore cordis facultates, nondum tamen concussæ sunt; pulsus fiunt statim frequentes quidem, sed etiam & magni & celeres. dum enim fit alteratio a venenata illa qualitate, dumque fit pugna, ac resistit natura, cum vires adhuc consistant, pulsus ob auctam necessitatem redduntur & magni & celeres. quare in principio pestilentis febris, dum adhuc fit actio, pulsus erunt frequentes, magni, celeres, & non languidi. sola tamen frequentia pulsus, ab inuasionem febris assumpta, erit signum peculiare huiusce febris, hæcque semper maior erit, quam ex ratione caloris adaucti; ita ut supra magnitudinem & celeritatem multum excedat frequentia proportio. qua recte considerata, & mente commensurata clare apparebit, febrem esse pestilentem, dum frequentia supra alias differentias vel duplam vel sesquialteram habebit proportionem. Facta autem, impressaque in cor ipsum actione a qualitate venenata; (quoniam hinc spiritus & facultates omnes concussæ remanent) pulsus redduntur frequentes, parvi, celeres & languidi, cum enim amplius non in suo robore consistant vires, necessitatio & languidi & parvi evadunt, non potente natura in magnitudinem atollere arteriam; ob penuriamque spirituum semper frequentiores evadunt, celeres tamen adhuc perseverant, nondum ad imbecillitatem maximam redacta natura, vigenteque adhuc calore, ob cuius necessitatem semper maior & celeritas & frequentia crescit, dum præcipue per magnitudinem imminutam pulsus proportionata non subsequatur frigidioris aeris inspiratio. Quod si adhuc, inualecente perniciofa & venenata illa qualitate, vires pro-

sternan-

sternantur, tunc pulsus fiunt frequentiores admodum, & parui, & languidi, & tardi, sed qui celeritatis imaginem ob frequentiam & paruitatem admodum auctam præbeant, in summaque, (vt vnico dicam verbo) prostratis a maligna illa qualitate viribus, pulsus fiunt formicantes. Quapropter in omni febris pestilentis tempore semper pulsus erunt frequentes, sed modo has modo illas habebit additas pro ratione & constanti virium & inualescentiæ venenatæ qualitatibus differentiis. vnumque hoc erit signum omnibus hisce febribus commune, quod possit febrem certo attestari pestilentem. Secundum signorum genus febris pestilentis præsentiam attestantiū, quod diximus propriū esse his, sed non omnibus cōmune, sunt maculæ illæ, de quibus inter differentias egimus, videlicet & magnæ illæ, & mediocres, & illæ minimæ, quæ peticulæ vel pestichæ a recentioribus appellatæ, a nonnullis alijs improprie transumpto nomine exanthemata dictæ sunt. Cum hæ apparent maculæ, firmissimum est argumentum, febrem existere pestilentem. non aliunde enim hæ generantur, quam ex venenata & praua sanguinis, vel aliorum humorum qualitate, cui coniuncta etiā sit putredo. & vt vno dicatur verbo, ex solo pestilenti generantur affectu. Apparent quidem sæpe his minimis alix & in colore, & in quantitate, & in omni altera earum differentia cōsimiles maculæ, quæ & cum febre aliquando, & aliquando sine febre eueniunt, quæ tamen huiusce non sunt ordinis, nec peticulæ seu pestichæ dici possunt, licet imprudentes nonnulli medici a colore & similitudine prædictarum decepti has inter peticulas aliquando recenseant. nam hæ non a pestilenti aliquo oriuntur affectu, sed a sanguinis tenuitate, qui agitated vel a calore vel ab excretrice facultate extra capillares venas in cute efflorescit, extramittiturque, in quo casu illud idem contingit, quod in echinomoræ & in sugillatis euenit, attracto ad cutim a capillaribus venis sanguine, vnde præcipue hoc symptomatum genus contigit in his, qui fluxum sanguinis narium ex eius tenuitate, factoque ipso aquoso patientur. hocque potissimum adnotari euenire in lienosis, in diuturnis viscerum obstructionibus, in antiquis istherijs, in omnibusque ijs, vt in summa dicam, qui ex visce-

*Signum fe-
bris pestilen-
tis propriū,
sed nō com-
mune.*

*Macula in
febrisbus pe-
stilentibus
apparentes
vnde can-
sentur.*

*Macula
quandoque
similes pe-
culis appa-
rentes, in quo
ab his diffe-
rant, & a
quibus can-
sistuntur.*

*De fluxu san-
guinis narium
et istherijs.*

rum debilitate sanguinem generant aquosum, quique ex imbecillitate iecoris in cachexiam proclives sunt. in his enim genitus sanguis tenuior, ab expultriceque virtute excitatus, modo per nares plurimum fluit, modo per aliam partem, modo etiam a capillaribus exiens venis in partes cutaneas transmittitur, vbi retentus proprium amittens calorem in alienum permutatur, factusque vel liuidus, vel niger, vel puniceus, varias profert harum macularum differentias, quæ nullo modo nec essentia, nec causis cum his quæ febrem pestilentem attestantur, coincidunt, conformanturve. sed diuersæ sunt, nihil aliud præferentes, quam sanguinis tenuitatem aquosam, & iecoris imbecillitatem. Hæ autem maculæ, quæ febrium pestilentum signa sunt, ab vnicâ quidem proveniunt causa, scilicet ab humoribus putrescentibus, pernicioâque inquinatis qualitate, sed diuersimode, & diuersè apparent. diuersimode quidem; quoniam aliquando critice, aliquando symptomatice eueniunt. critice, cum vel in parte, vel in totum superata putredine, prauaque correctâ qualitate natura corruptum humorem ab internis ad externa transmittit, tuncq; semper sequitur alleviatio morbi. symptomatice autem, cum natura stimulata vel a copia, vel a praua qualitate, ante materiei coctionem, & prauæ qualitatis correctionem ad partes cutaneas portionem materiæ peccantis transmittit. Vnde euenit, vt cum nec coctio præcedat, nec pernicioâ qualitas sit euicta, nullum hinc subsequatur iuuamen, imo cum facta sit maxima morbi cum natura colluctatio, non separato bono a malo, naturæ euictæ potius, quam vincentis hoc sit signum. debilitas enim magna hinc succedit, multis in hac actione spiritibus resolutis; cum hacque debilitate adhuc causæ morbificæ vigent. quæ si ante pugnam hanc non potuerunt a natura superari, nunc addita maiori vitium imbecillitate, multo minus videntur domari posse. sicque dum symptomaticæ hæ maculæ apparent, non solum non bonum sed prauum existunt indicium. Diuersæ autem sunt maculæ istæ ob diuersitatem colorum eas concomitantium. aliquando enim sunt rubæ, aliquando virides, aliquando liuidæ, aliquando puniceæ, aliquando nigre. hi colores a diuersitate prodeunt materiei peccantis,

Macula in febris pestilentibus diuersimode apparer, & quando bene, & quando male.

Macularum febris pestilentis diuersitas in colore, & huius causa.

peccantis, quæ prout est magis sanguinea, vel magis biliosa, vel magis melancholica, vel magis pituitosa, potius hunc colorem quam illum habent. a sanguine puriori fiunt ruberæ, & hæ sunt benigniores: a pituitoso fiunt luidæ, & hæ minus benignæ: a bilioso fiunt puniceæ vel virides, & hæ sunt deteriores: a melancholico & exusto fiunt nigræ, & hæ omnium pessimæ. Diuersæ etiam sunt hæ maculæ quantitate: quoniam quandoque pauciores, quandoque plures, quandoque maiores, quandoque minores existant. cum plures sunt, & maiores, & coloris benignioris, citiusque appa-
 puerint, magnum afferunt leuamen, naturæque victoriam prænuntiant. sin autem pauciores, minores, prauis coloris, & symptomatice accesserint, naturam succumbere indicant, ipsamque vel a multa perniciosi humoris copia grauata, vel a maligna qualitate nimium stimulatam ad hanc edendam actionem demonstrant. harum autem differentias omnes, siue has siue illas, pro modo, numero, quantitate, colore & alijs circumstantijs considerare & cõmensurare oportet. Aliquando etiam hæ maculæ, postquam appa-
 puerunt, retrocedunt obliueranturque: quod semper malum est, cum iudicent morbosam materiam ab exterioribus ad interiora verri, quod in quocunque casu semper malum est. Quapropter statuatur, maculas has (quomodo-
 docunque appareant) semper febrem attestari pestilentem, hasque certissimum esse huius febris indicium: quæ tamen maculæ, licet necessariò hanc febrem attestentur, non tamen omnes huius generis, ut iam diximus, febres, nec eas in quibus apparent, semper concomitantur; quoniam non in principio, sed in progressu morbi euenire solent. non enim vna cum febre pestilenti statim coniunguntur, ita ut eorum sit pathognomicum signum, sed post apparerent. nam aliquando in quarta, aliquando in septima, aliquando in nona, vel in altera iudicatoria die, si ad bonum fuerit excretio, superuenire solent. aliquando autem & in alijs diebus, cum minus fida, & minus fuerit utilis ista transmissio, etiam apparere solent, nunquam tamen prima visum est die, vel saltem rarissime, nec in primo febris insultu hæ apparuisse. & si tunc appareant, pessimum essent indicium,

*Macularum
 diuersitas
 in quanti-
 tate. Et nu-
 mero.*

*Macule fe-
 bris pestilen-
 tis quando
 appareant.*

cum tunc nulla possit esse morbi nec concoctio nec correctio. quare hæ maculæ poterunt confirmare quidem, febrem esse pestilentem, sed indicare eam a principio non possunt. & ideo, ut iam dictum est, hæ erunt huiusce febris signum quidem proprium, sed non commune, nec inseparabile.

De signis febris pestilentis sumptis a qualitate caloris.

CAPVT XV.

Signum pestilentis febris sumptum a calore. Calor febris pestilentis qualis esse solet, & quo modo & ariet.

POSITIS signis cōmunibus & proprijs, ad indifferentia signa descendendo, quæ in multiplici sunt ordine. nam alia a qualitate caloris, alia a lotio, alia a symptomatibus, alia a superuenientibus affectibus, alia a causis sumuntur. primum genus, quod a qualitate caloris desumptum est, maxime est animaduertendum; quoniam licet non omnibus febrib. pestilentibus hoc sit commune, plures tamen & omnes fere consequitur. hoc autem signum huiusce modi est, quod calor in his febrib. nec acer, nec multus, nec intensus apparet, sed potius ad tactum mitis est & remissus, unde nec calidi, nec perurentes tangentibus videntur. quod inde prouenit, quoniam ad interna calor & spiritus retrocedunt, a quibus partes exteriores destitutæ, vel tepidi sunt caloris, vel subfrigidæ, vel etiam quandoque frigidæ apparēt. hoc autem licet fere perpetuum sit, aliquando tamē non solet esse in prima febris inuasionē, dum adhuc vires a qualitate illa venenata & pernitiōsa non sunt admodum labefactatæ, & præcipue si humorum in hac febre multa vigeat putredo. nam dum adhuc vires non sunt admodum laxæ, nondum ab intra calore & spiritibus concentratis, seu violentia attractis, partes exteriores caliditatem humori putrescenti proportionatam retinent. Vnde si bilis putrescat, calor est acerrimus; si pituita, caliditas est fumosa, non acris. si melancholicus humor, acris quidem est calor, sed non tantum, quantum est in putredine bilis; si sanguis, calor est minus quam in cæteris mordax, quandamque præsefert (ut ita dicam) mitescētiā. Hic autem calor in principio febris pestilētis, dum adhuc non in corde impressa esset mala illa qualitas, refectus, sæpe excellentibus

lentibus imposuit medicis, qui opinātes calorem in omnibus hisce febribus non esse vehementem, pestilentem febrem non pestilentem iudicarunt, indeq; male ac sine ratione adhibitis remedijs in mortem ægrotantes ipsos præcipitarunt. Calorem etiam putrescenti humori proportionatum ultra principium conseruari aliquando in nonnullis febribus pestilentibus, obseruauimus, cumq; ad statum vsq; perseverare. quo tempore, si res male terminatura erat, tunc caro tepescere primo, postmodum frigesieri incipiebat, virtutibusque cadentibus mors tandem subsequabatur; si autē bene, in statu quidem, dum valida esset morbi & naturæ pugna, caro aliquam caloris remissionem accipiebat, nunquam tamen in totum mitescebat, unde constantibus viribus, superata putredine, ac euicta mala illa & perniciosa qualitate, salus accedebat. hicq; est casus ille, in quo multa vigentes putredine calidi humores minimum quid prauæ qualitatæ adepti sunt. In his tamen duobus casibus, videlicet & in eo in quo in principio tantum, & in isto in quo vsque ad statum calor humori putrescenti proportionatus reseruatur, hoc vnum solet præcipue adesse, quod narium extremas, auriculæque, & extremi pedes vel non sunt ad tactum calidi, vel saltem cæteris corporis partibus caliditatem proportionatam non retinent. & hoc optime & diligenter animaduertatur, quoniam vbi alia nonnulla sint febrem pestilentem attestantia signa, licet caro caliditatem in se habeat intensam & mordacem, si extremæ illæ partes notatæ, vel non fuerint calidæ, vel caliditatem cæteris corporis partibus non proportionatam habeant, febrem eam pestilentem esse, poterunt indicare. Quare hoc signum a qualitate caloris sumptum maxime a nobis considerandum venit, videlicet, quod calor in febre pestilenti, paucis exceptis dictis casibus, non est nec intensus, nec mordax, nec acer, sed potius mitis & remissus ad tactum apparet. Vnde non abs ratione artis nostræ proceres dixerunt, febrem pestilentem exterius quietam esse, cum tamen interius omnia conturbet; viderique satis mitem esse, cum tamen hominem perdat. dicta est autem exterius quietam & mitem esse ratione caloris remissi, qui nec ad tactum mordax, nec acris apparet. An autem sicuti

Quo ad calorem quid sit notandum pro cognitione febris pestilentis.

An in febre calor in externis est remissus in hac febre, identidem sit in
pestilenti sit internis, nō ita liquet. dictum quidem est antiquum, quod
remissus ca- febre. hæc non sunt calore vehementes: attamen sententia
lor & extra hæc tota discriminis plena est. si enim de externo calore sit
intra. sermo, non est verum, omnes pestilentes febres calore
Lib. 9. de non esse vehementes. nam dantur nonnulli casus; sicuti
symp. med. iam notauimus, in quibus calor ad tactum intensus, mor-
facul. cap. dax & acris reperitur. si autem de interno loquamur, in fe-
de feris. bribus istis aliquando ægri magno interius (hoc idē Ga-
leno & Thucydide & experientia attestante) flagrant in-
cendio. quare de neutro poterit calore verificari propo-
sitiō illa, indeque propo- siciō difficultas indeterminata relin-
quetur. sed res ita explicanda venit. omne humoris genus,
sicuti iam præmonstratum est, febrem edere potest pesti-
lentem. Hi autem humores, cum non eiusdem sint tem-
peramenti nec naturæ, nec etiam uniformem generabunt
calorem, sed diuersum, qui vniuscuiusque naturæ propriæ
proportionatus sit: vnde putrescente pituita, non tantum
ad extra, sed etiam ad intra erit remissa caliditas. si autem
putrescat bilis, ad intra calores maximi vigent, interiora-
que vruntur: licetque in huiusmodi febre exteriora ali-
quando frigeant, internæ tamen partes magno flagrant
incendio, fiuntque febres pyripitij consimiles. pariter si
melancholica quæ aliorum humorum est combustio, in
hac febre ad putredinem deueniat, calorem ad intra ac-
crimum generat. si vero sanguis, non tantum facit incen-
dium, quod quidem licet magnum sit, non tamen eam a-
crimoniam, quæ in bile & melancholia putrescente repe-
ritur, accendit. quare ratione materiæ putrescentis modo
remissa, modo intensa in partibus interioribus erit calidi-
tas. Dictum etiam est, quod putredo humorum non in
puncto consistit, sed sicut perniciosa qualitas in febre hæc
modo est maior, modo est minor, ita & putredo modo
magis intensa, modo magis remissa est. Vnde animad-
uertatur, si levis est putredo, calor etiam quod in materia
calida & acri fundetur, erit remissus. & tunc eo magis, quo
materia minus calida & minus acris, vt pituita putrescens
erit. si autem putredo intendatur, validaque sit; calor, licet
in materia frigida & non acri fundetur, erit intensus, eo-
quo

que magis, quo materia magis calida & magis acris, sicuti est ipsa bilis, putrescet. quapropter calor iste gradum cōsequetur putredinis, & pro ratione ipsius modo internæ partes maiori, modo minori flagrabunt incendio, modoque calor erit magis modo minus remissus. quapropter in partibus internis semper varius in febre pestilenti persentietur calor: & hoc duplici de causa, scilicet & ratione diuersitatis putrescentis materiæ, & ratione diuersitatis ipsius putredinis. Hanc autem caloris interni diuersitatem quotidiana comprobatur experientia. aliqui enim febricitantes adeo interne vruntur, vt nec subtilium vestimentorum, nec linteorum velamenta, neque aliud quicquam præter nuditatem ferre possint. aliqui autem licet ardorem aliquem persentiant, non tamen admodum calore, vt primi, cruciantur. nōnulli alij nec calorem nec ardorem patiūtur, sed sicuti exterius, ita interius quieti sunt. hoc autem vnde fieri possit, ex declaratis liqueat.

De signis febris pestilentis, sumptis a lotio.

CAPVT XVI.

SECVNDVM signorum genus a lotio sumptum declarandum sequitur, & non abs ratione. cum enim febris sit passio cordis & arteriarum, hæque cum venis communicent, in quibus humores putrescentes, & præcipue in putrida continua continentur, necessario videtur sequi vrinæ immutatio. hæ enim sunt potissimum eorum, qui in venis & arterijs abundant & peccant, humorum indicium. quare cum ex suppositis omne humoris genus possit in febre ista putrescere, non vnius generis tantum in febre pestilenti lotium erit, sed diuersum pro diuersitate humoris, & pro diuersitate concoctionis & affectionis eiusdem, & pro diuersitate putredinis apparebit. Albior apparebit vrina, abundante pituita; flauior, crocea, rubea, ignea, abundante bile; rubicundior, abundante sanguine: remittuntur prædicti omnes colores, abundante melancholia. Tenuis apparebit aliquando, & est indicium summæ

Lotiū quale possit esse in febre pestilenti.

cruditatis, summæque imbecillitatis. turbidæ aliquando apparent ex maxima ebullitione, fiuntque similes lotio tummentorū. quandoque sunt liuidi coloris (hocque sæpe in his febribus contingere solet) plumbique colorem referunt, & tunc sunt signū vel extinctionis caloris, vel maximæ humorum adustionis: quandoque sunt nigræ, & hæc ultimam indicant perniciem, habentes eandem cum liuidis, sed deteriolem, causam: nonnunquam sunt fætidæ, & hoc ex maxima corruptione & putredine: quandoque oleosæ, vel substantia vel colore oleum referentes, & hoc ratione colliuationis: quandoque admodum spumosæ, & hoc ratione crudorum spirituum, in materia tenaci ex multa ebullitione genitorum, & ut in summa dicam, omne lotij prauum & detestabile genus potest in hac contingere febre, sed ex diuersis, ut notauimus, causis.

*Lotiū quare
in febre pe-
stilentī ali-
quando vel
nullam sub-
eat, & elmi-
nimam mis-
tationem.*

Quandoque autem vrinæ in hac febre nullam vel minimam in se prauitatem continent, suntque quam simillimæ vrinis sanorum. & hoc ex leui euenit putredine, quæ in humoribus peccantibus reperitur, non autem ex timore naturæ non audentis, vel ex eiusdem otio non agentis supra materiam peccantem, vnde non fiat pugna; quoniam natura nec a consilio, nec ex intētionē, sed necessario semper agit, ex proportionēque materiæ semper propriam quam potest, edit actionem. Quapropter a lotio in febre pestilenti nullum erit determinatum signum, nihilque certi ab hoc habere poterimus, cum omnia bona malaque simul lotia febrem hanc concomitari possint, quo febrem aliquam esse pestilentem demonstrare valeamus. Cur autem febres pestilentes a lotio nullum habeant determinatum signum, curque omnia vrinæ genera febrem hanc concomitari possint, ita explicandum a nobis erit. Febris pestilens, ut sæpius diximus, duo habet præcipua. alterum est perniciosa & venenata qualitas; alterum est putredo. quæ pestilēs a praua illa pendet qualitatē, quæ autem febris a putredine, praua illa qualitas in nullo consistit temperamento, nec ab vlla sensibili qualitate, sed ab intima tantum rei substantia provenit. sicutque venenum non colore, non sapore, non odore, nec alia manifesta qualitate, sed sola experiētia (quoniam non ratione primarum, nec aliarum quæ sensibus subiacent,

*Febris pesti-
lens cur
nullum si-
gnum sit a
lotio.*

cent, qualitarum agit) cognoscimus; paniter praua illa & pernicioſa, quæ in humore in febribus peſtilentibus putreſcente inſider, natura nulla alia poteſt via, quam ex læſione ipſa dignoſci, nullumq; aliud proferre in corpore humano ſignum: quoniam nec ratione temperamenti, nec ratione alicuius ſenſibilis qualitatis ſuâ proferre actionē, quæ actio a ſola rei ipſius intima pender ſubſtantia. hincque euenit, neceſſarioque conſequitur, quod lotium ſupra malam hanc & prauam qualitatem nullo pacto poſſit eſſe neceſſarium & proprium indicium. quoniam ſicuti hæc nulla ſenſibili agit qualitate, ſed a ſola rei proprietate & ſubſtantia; ita nullum aliud poſſit ſenſibile edere ſignum præter læſionem ipſam, qua vires & præcipue vitales labefactantur. ſicutque ſupra venenum, quod a propria agat ſubſtantia, aſſumptum, lotium nihil indicare poteſt, quoniam hoc ratione antipathiz, & non qualitarum ſenſibilem agit: ita in febre iſta a lotio nihil certi affirmari poteſt, quoniam materia in huiusmodi febre peccans naturam veneni, cuiusque efficaciam, modumque agendi repræſentans, in vrinam determinatam non poteſt inuehere mutationem, qua ipſa vrina proprie ſit febris peſtilentis certum indicium. quare concludatur, nec lotium, in febre peſtilenti a praua qualitate vllam, mutationem pati, nec ſupra eandem aliquid certo atteſtari poſſe. Alterum, quod in febre peſtilenti ad eſſe diximus, eſt putredo. putredo autem cum ſit humorum, humorum vero diſ-

Lotium in febre peſtilenti quod indicari poſſit.

ferentias & qualitates in corpore noſtro exiſtentium cum vrina ipſa demonſtrare poſſit, quoniam & ab his decidi-
tur, eorumque varietates & paſſiones repræſentant, ideo
lotium ſupra hanc alteram febris peſtilentis qualitatem
quid certi atteſtari poterit, quoniam autem humores in
hac febre peccantes, non vnius ſunt generis, & quoniam
eorundem putredo non eſt vniſormis, ideo nec lotium
in hac febre vnius tantum poteſt eſſe ſpeciei, ſed diuerſum,
prout & diuerſi peccabunt humores, & prout putredo va-
ria ſuccedet: hincque euenit, vt in hac febre lotia modo
ſint tenuia, modo craſſa & turbida, modo alba, modo
crocea, modo flammea, modo rubicunda, modo liuida,
modo nigra, modo fœtida, & modo etiam laudabilia,

*Lotium in
febre pesti-
lenti quare
aliquando
sit sanorum
lotio similis,
& a non a-
gri tendant
ad mortem.*

vt aliquando similia admodum lotio eorum qui inculpa-
ta degunt sanitate, videantur. quod non ex alia prouenit
causa, quam ex diuersitate humorum peccantium, & ex
diuersitate putredinis. Quapropter lotia in febre pestilenti
apparentia non supra malam qualitatem, sed supra hu-
mores, & putredinis modum aliquid indicabunt. sicutque
prauam illam qualitatem a sola virtutum læsione (quæ ex
proprijs, vt iam declarauimus, dignoscitur signis) cogno-
scimus; ita qui peccent humores, qualisque sit eorundem
putredo, a lotio habebimus. De huius in hac perniciosa
febre ad malum permutatione nullus adhuc dubitauit,
cum pro confesso habeatur, omnia mala hanc febrem con-
comitari posse. sed vnicum remanet, quod viros excellen-
tissimos in maximos traxit errores, scrupulum de lotio vi-
delicet, cur in hac febre vrina laudabilis quandoque ap-
pareat, curque sit admodum sanorum lotio similis, ten-
dentibus tamen ad mortem ægrotantibus ipsis nihilque
securitatis portendentibus coctionis signis. Hoc scrupu-
lum ita tollendum est. cum valida est putredo in humori-
bus, necessario immutatur lotium, pro rationeque putre-
dinis ita diuersum prodit: vnde modo vnam habet, modo
alteram speciem. si autem leuis sit putredo, non necessario
immutatio in vrina sequitur, sed quandoque nullam vi-
detur subire, vel saltem minimam mutationem. Vnde in
puris tertianis, quæ dubio procul a putrescentibus oriun-
tur humoribus, vbi leuis est putredo, lotium sanorum lo-
tio simillimum sæpe videmus, & a prima accessione vsque
ad tertiam, nisi intercedat error, vrina sæpe apparet ad-
modum laudabilis, hoc idem animaduerti in alijs contin-
gere putridis, dum vel ratione humorum, vel ratione re-
ctæ curationis non valida nec intensa subsequeretur pu-
tredo. Quod idem dum in febre euenit pestilenti, non ne-
cessario sequitur vrinæ sensibilis immutatio, sed in eodem
fere statu permanet; vt parum absit a sanorum lotio, illi-
que quam simillima appareat. & hoc quoniam ratione pu-
tredinis non est facta in vrina notabilis conturbatio, nec
tanta facta est humorum agitatio, vt ab his ad alienam
possit lotium alterari qualitatem. cum hac autem leui pu-
tredine potest valida consociari praua & maligna quali-
tas,

tas, sicut iam inter differentias huiusce febris asseruimus, ratione cuius perniciosæ qualitatis obrutæ & concussæ virtutes omnes, præcipue autem vitales, concidunt, unde mors postea facile subsequitur. hique non ratione putredinis, quæ minima est, sed ratione prauæ qualitatis quæ admodum viger, pereunt. Nec mirum sit, in febribus pestilentibus ægrotantes aliquando magis ex maligna periclitati qualitate, quam ex putredine: tum quoniam magis a natura nostra dissidet praua illa qualitas, quam putredine; tum etiam quoniam materię consimiles, quæ prauam adeptæ sunt qualitatem, sæpe absque vlla putredine homines in mortem præcipientes ducunt, veneni efficaciam æquantes. Quapropter cum in febre pestilenti (vt iam dictum est) duo sint; alterum putredo; alterum praua qualitas; ab hisque duobus ægrotanti mortis imminet periculum, non mirum sit, lotio leuem putredinem attestante, coctionemque præseferente, ægrum a perniciosâ necari qualitate. cum enim hæc necessario non includat putredinem, nec putredo malam qualitatem, non tantum poterit aliquando vtraque simul esse pariter intensa, vel remissa: sed quandoque poterit esse putredo ingens, minima autem illa perniciosa qualitas, & e conuerso poterit illa qualitas maligna validissima esse, leuissima existente putredine: in hocque casu periculum mortis a praua qualitate, in altero autem a putredine magis imminet. Hanc sententiam experientia confirmat. Curantur quandoque febres aliquæ pestilentes, quæ (sicuti pluries animaduertimus) a principio inuadentes, a diuersis prauisque symptomatibus concomitantur: cuiuscemodi sunt dolor capitis, ventriculi, dorsi, sitis inextinguita, inquietudo maxima, calor vehemens, vigilæ, colliquationes, & cætera huiuscemodi symptomata: simulque cum his adest lotium turbidum, crassum & rubicundum, vel alterius prauis coloris. quæ febres, dum ex parte opportunis tractantur remedijs, solent vel in septima, vel in nona, vel in altera critica die mitescere, quiescentibusque prædictis omnibus prauis symptomatibus succedunt lotia boni coloris, substantię laudabilis, & quæ coctionem manifestam præseferant, & tunc paucis post diebus,

*In feb. pestilenti ali-
quando æ-
grotantes
magis peri-
clitantur ex
praua qua-
litate, quã
ex putredine.*

dum omnia silent mala, dumque securitatem & salutem portendit lotium, ægrotantes vitam cum morte commutant. hoc non alia euenit ratione, quam quoniam, licet euiecta sit putredo, vt lotium, infallibile coctionis vel cruditatis signum, vtque terminatio prauorum symptomatum attestatur, non tamen superata est perniciosa illa qualitas, cuius ratione iam fatigata natura in domanda putredine, vires ex non correcta malignitate facile concidunt, vnde mors ægrotantis subsequitur. Hiq; dum pereunt, non vi putredinis, quæ iâ euiecta est (alias in declinatione vniuersali sparsa existente materia mors succedere posset) sed ex perniciosæ qualitatis violentia adhuc indomita & vigente exstinguuntur. Nam dum a prima huiusce febris inuasione ægrotantes tot prauis conflantur symptomatibus, hæc vi putredinis (cuius ista sunt soboles & effectus proprii) patiuntur, non autem a praua hæc pendent qualitate, cuius operationes non mediante sensibili alteratione, sed per solos effectus patefiunt: ab hac enim facultates omnes, & precipue vitales, nulla præsentente sensibili alteratione, labefactantur, huiusq; est opus proprium earum virtutum debilitas, sicuti putredinis iâ enarrata symptomata. vnde correcta putredine hæc quiescunt, lotiumque coctionem attestatur: at perniciosa & maligna non superata qualitate, vires eadem exstinguuntur, a quarum concidentia mors postea inuitabiliter succedit. Quapropter cum hæc duo, videlicet mala qualitas & putredo, febrem constituent pestilentem, cumque altera intendi cum alterius remissione possit; non sit mirum, si vel domita vel leui existente putredine, in febre pestilenti aliquando lotium laudabile adeo appareat, vt parum a sanorum vrina abesse videatur. quod licet salutem ratione præmonstratæ coctionis portendat, tamen in hac febre infidum est signum, quoniam nihil supra perniciosam & prauam qualitatem, cuius violentia sæpe necantur ægrotantes, attestatur. Hinc autem eorum pateat error, qui dum in febre pestilenti lotium videt laudabile, simileque sanorum lotio, iudicant febrem eam pestilentem, non puttidam, sed hecticam esse. in solaq; hectica tale apparere posse lotium affirmant; cum in hac, non in humoribus, super quos attestatur lotium, peccatum sit,

sed

*Lotium
febre pesti.
lenti quare
sit infidum,
signum.*

sed in ipsa solida cordis substantia febris insideat, in eadem putredinoso fixo existente calore, a qua cordis substantia cum nihil excidatur in febre, nec per excrementa propria patefacere posse læsionem dicunt. sed hæc sententia nequaquam recipienda venit. si enim tale lotium pestilentem hecticam attestaretur, procul dubio, ex huiusmodi omnes perirent febre, cum enim ex simplici confirmata hectica omnes moriantur, quis, recepta in substantia cordis putredine & praua illa qualitate, posset salutem sperare? at falsum est, omnes eas febres pestilentes (in quibus putredinis vestigium nullum vel ex lotio vel ex alijs apparet) in mortem terminare. imo restor ego, inter febres pestilentes eas præcipue, in quibus sola præualet maligna qualitas, nullumque vel minimum putredinis adest indicium, (quæ tamen ab his hecticæ necessatio iudicantur) facile sanari, hæcque inter omnes, si recta, non autem mala (ut consueuerunt multi hanc exercentes artem) ratione tractentur, facilem præcipue recipere curationem. imo paucissimi ex his qui tali laborant febre, pereunt, & non sine ratione. in hac enim febre sola viget praua qualitas, at in cæteris ultra malignitatem additur & putredo maior, pro cuius ratione maius etiam impendet ægrotanti periculum, & medico in medendo discrimen. longe enim difficilius est cum duobus, quam cum vnico pugnare inimico. Vnde cum in illis pestilentibus febribus, in quibus viget putredo, duo naturæ valide aduersentur; in eis autem, in quibus vel domita, vel leuis est putredo, vnica resistat mala qualitas, hæc multo facilius quam illæ, curationem recipient, in hisque magis quam in illis ægrotantes salutem sperare poterunt. multo enim facilius, dum a putredine non concomitatur, superari potest illa mala qualitas, quam si eadem eidem coniuncta foret putredini. talesque febres præcipue mites apparent, & sæpe ægrotantes, astantesque, & medicos nonnunquam eludunt; quoniam non præsentē valida humorum putredine, praua non subsequuntur symptomata, indeque ægrotantes non anguntur nec cruciantur; ideoque & sibiipsis & cæteris, dum bene se habere existimant, imponunt, cum tamē a praua & pernicioſa illa qualitate vires omnes, & præcipue vitales, labefactentur; nisi.

*Febres pesti-
lentes qua
mites viden-
tur, quare
tales sint.*

que hi ab excellenti expertoque curentur medico, etiam
sensim nulla sensibili & dolorosa alteratione extinguun-
tur. Hic autem animaduertatur, dum diximus, inter febres
pestilentes eas mites benignasque apparere, in quibus,
quoniam vel levis vel domita est putredo, nulla subsequen-
tur molesta symptomata. quod non omnis febris pestilens,
quæ mitis videatur, ratione levis vel domitæ putredinis ta-
lis apparet. sed alij dantur casus, in quibus ingens viget pu-
tredo, multaque adest humorum prauitas, & tamen ægro-
tantes belle habere videntur, vel cum non febricitent vel
perparum, videturque morbus in totum benignus, cum
tamen in totum sit exitialis. hoc euenit, cum nativus calor
non ob timorem, quoniam natura nihil a consilio agit, sed
præ imbecillitate a concoctione abstinet. vbi enim a pra-
ua & perniciofa qualitate vires admodum debilitantur,
natura imbecillis facta coctionem materiæ non aggredi-
tur, humoremque qui morbum excitauit, non attigit.
vnde non tentata coctione, nec labor sequitur, febrisque
vel nulla vel minima est. idemque euenit, quod in exte-
rioribus, in quibus, dum partes a praua tentantur fluxione,
natura præ infirmitate humoris morbum excitantis co-
ctionem non attingit. vnde cum dolores & febres in sa-
niet generatione contingant, pariterque in humorum co-
ctione, non tentante coctionem natura, nec labor, nec do-
lor sequitur, febrisque vel minima vel nulla succedit. hoc
sæpe in febre euenit pestilenti, vbi euicta natura, præ infir-
mitateque impotens, coctionem materiæ peccantis non
aggreditur. hincque in hac omnia praua. dum enim co-
ctio tentatur, ista eueniunt, quiescunt symptomata, omnia-
que silent mala, vt ægri interim se bene habere fateantur.
& tamen hoc est indicium certissimum non profligati mor-
bi, in quo suffocatur extinguiturque calor innatus. hic
que est solus casus, in quo pulsus sanorum pulsui simi-
lis apparet; quoniam in tali casu contingit aliquando,
ægotantes (vt in Hermetocrate visum est) non febricita-
re, vel saltem minimam pati febrem. Vnde cum vel le-
uissima, vel nulla in hoc casu possit adeste febris, minima
sequitur pulsus immutatio, videnturque omnino similes
sanorum pulsui, similes dixi, quoniam semper aliqua adest
differentia

*In quib. feb.
pestilents.
pulsus sit si-
milis sano-
rum pulsui.*

*Lsb. 3. Epist.
sect. 1. com. 8.*

differentia præter naturam, nunquamque in totum sunt naturales. & qui rem optime perpendent, semper aliquam animaduertent in febre pestilenti pulsus frequentiam. quæ tamen in casu isto minima erit, quoniam febris fere nulla concomitatur. hinc igitur euenit, vt febres pestilentes aliquando aspectu mites & salubres, cum tamen lethales sint, appareant, vtque simul salubria habeant signa, quæ tamen nullam securitatem certo promittere possunt.

De signis febris pestilentis, sumptis a symptomatibus.

CAPVT XVII.

SUCCEDIT tertium signorum genus, a symptomatibus sumptum, quod in triplici reperitur discrimine. aliud enim ab affectionibus immutatis; aliud ab excretis vel retentis immodice, seu præter naturam; aliud ab actione læsa capitur. Ab affectionibus immutatis primū *Symptoma* symptomatum febrem pestilentem attestantium genus *sumitur, dum qualitates sensibiles immutantur. Vnde a visibilibus signum huiusce febris habetur, dum color ægro-* *ta ab affectionibus immutatis con-* *sequens febris pestilentem.* tantis, præcipue autem in facie erysipelatosus apparet, vel herpetibus depascentibus est contimilis, qui a valida prouenit putredine; vel est rubicundus ex sanguinis abundantia; vel flauus ex bilis copia, seu ex maxima exustione; vel liuidus a caloris concentratione seu extinctione; vel niger ex superflua adustione aut mortificatione. qui iidem colores ultra faciem sunt in lingua inspicendi. nam vbi hæc nigra est, acutam & validam indicat febrem, magnumque intus adesse incendium (nisi melancholicus, a quo nigro tingatur colore lingua, abundet circa viscera humor) attestatur. vbi flaua, multam adesse flammam etiā indicat, sed non tantam, quantā nigra demonstrat. vbi rubea, minus attestatur malū. Ab audibilibus autē potest esse signū vox immutata, tremula, parua, quæ ex spiritaliū instrumentorum, quæ in tali febriū genere sæpius labefactantur, prouenit læsione. suspiria etiam crebra, quæ a graui cordis offensa originē habent. Ab olfactilibus maximū est indiçiū, si fœtidū expirent, vel si fœtidum sudent, vel si etiam male

totum oleat corpus; quoniam hoc maxime vel confirmatæ corruptionis ac putredinis est signū. A gustabilibus potest indicium sumi, si febricitantes putridum aut cibando aut non cibando in ore percipiunt saporem: quod ab imbibitis in ventriculi substantia corruptis humoribus causatur, vel ab eisdem circa viscera decumbentibus, a quibus ad superiora halitus euaporet fœtidus, qui palatum & linguam inficiens, imaginem corrupti & fœtidi alimenti præbet, generatur. A tactibilibus præcipuum sumitur indicium, si percipiatur calor egrotantis putredinosus, id est, qui rei putrescentis calori assimilatur. qui calor nec verbo nec scriptura, sed sola experientia dignosci potest. si etiam caro vel frigida, vel subfrigida, vel saltem tepida, febre valida existente, percipiatur, firmissimum poterit esse indicium malignæ febris. si etiam lingua aspera, dura, contractave sentiat, hoc idem aliquando potest indicare, cum hoc a multa & mala in internis partibus existente flamma causetur. Secundum signorum genus a sympto-

Symptomata ab excretionibus, vel re-tentis præter naturam consequentia feb. pestilentem.

Sanguinis stillatio qualis.

Sanguinis euacuatio qua & qualis in febre pestilenti.

matibus sumptum capitur ab his, quæ vel a corpore excernuntur, vel in eo præter naturam detinentur. Hæc autem in triplici sunt differentia: alia enim tota substantia, alia qualitatibus, alia quantitativibus a naturali statu egressa sunt. A primis coniecturam febris pestilentis habere possumus, dum sanguis, cuius excretio tota substantia est præter naturam, sincerus stillat e naribus. stillatio enim sanguinis e naribus semper malum portendit, & præcipue, ubi sincerus appareat. Sincerus autem dicitur ille, qui nec humiditatem admixtam habet, & qui niger est. hoc autem contingit, dum maxima existente adustione, natura vel a copia, vel a prava stimolata qualitate sanguinem peccantem tentat excernere. mensum etiam stillatio in mulieribus, & præcipue, si a principio morbi contingant, sanguisq; sincerus sit, hoc idem attestari potest. quod idem hæmorrhoidum similis fluxio potest affirmare, cum ab eadē possit provenire causa. sanguinis etiam per alium euacuatio aliquando febres has perniciosas concomitari solet. talis autem sanguis non tantum tota substantia, sed etiam qualitate alienus a natura est; nam sanguis iste vel niger est, vel fuscus, vel pallorem quendam, vel virorem etiam habet, ali-

bet, aliquandoque foetidus est, aliquando odorem inexplicabilem, & aliquando nullum habet. substantiæ quandoque est crassioris, quandoque tenuioris, aliquandoque in maxima educitur copia, ut ego viderim nonnunquam ad tres & quatuor ascendisse & emanasse libras. hicque sanguis duplici solet ratione in his febribus excerni, alias quidem decretorie, alias autem tabescentiæ seu liquationis more. hæcque sanguinis euacuatio non ab hæmorrhoidibus internis, ut male multi indicarunt, sed a superioribus venis, aliquandoque ab ipso iecore, ut commixtio cum excrementis alui maxima demonstrat, coloresque diversi, qui non tantum a propria sanguinis substantia, sed etiam a longo per quem fluit, ductu causantur. talis autem sanguinis fluxus generatur, dum natura vel potens morbum euincit, vel dum stimulata a praua sanguinis qualitate excretionem tentat peccantis materiei, vel dum liquatione humorum, & partium etiam aliquando solidarum, seu a perniciosa qualitate, seu ab intensa putredine genita humores ipsi acrimonia acquisita sibi ipsis vias ad exitum recludunt, nihil operante natura ad eorum ornatum ob eorundem prauitatem, & ob eiusdem receptionis ineptitudinem. A secundis indicium febris pestilentis habere possumus, dum excrementa quæcunque sint, prauis qualitatibus prædita sunt, unde colores nigri, liuidi, virides, fusci, ætherique consimiles, siue cum lotio, siue cum alui excrementis, siue cum vomitibus, possunt febrem hanc aliquando attestari. similiter etiam foetores & mali odores in eisdem excrementis aliquam febrem huiusce coniecturam facere possunt. præcipue autem si vel lotium, vel ea quæ euomuntur (& hoc magis prauitatem febris confirmat) foetida sunt, quod idem indicare possunt sudores foetidi, hæcque omnia, ut de sanguine dictum est, vel decretorie vel tabescentiæ more euenire possunt. ista autem quæ vel prauum odorem vel malum colorem acceperunt, talia facta sunt vel ob excessum qualitatum, vel ob putredinem insignem, vel ob prauam qualitatem, propter quam omnem materiam naturæ fugit ornatum. Ultra odorem & colorem solet in excrementis alui altera adesse qualitatum immutatio, admodum febri pestilenti familiaris, dum exigua,

*Colliquatio
in feb. pesti-
lenti unde
causetur &
eius differe-
rentia.*

glutinosa, leuiq; excernuntur, quæ modo album, modo pallidum, modo subcroceum, modo subuiridem, modo flauum referunt colorem. talisq; euacuatio a Græcis Syntexis, a nostris colliquatio dicitur: quæ licet febrib. ardentibus, dum calore intenso humores & corpus torrent, aliquando eueniat, vt plurimum tamē in febre contingit pestilenti. Talis autem deiection non tenuis & aquosa est, sed corpulenta ob consumptos ichores: exigua, quoniam hic minime adest alui fluxus superfluus: glutinosa, propter caliditatem materiei prædominantem, vnde fit lenta, leuis, nō aspera, nec inæqualis propter vehementē consumptionem, vnde tota materia æqualem passa est alterationem, nec eius pars vlla imperpeffa superest. alba est, dum pinguedo tantum ab igneo calore, non tamē admodum maligno, absumitur: subcrocea existit, dum pinguedo vel a caliditate vehementiore patitur, vel ipsa semiputris est: subuiridis autem apparet propter bilis rubiginosæ consumptionem. flaua autem est, dum colliquatio a vehementiori fit calore, vnde colliquatur caro mollis, vel materia aliqua, quæ iam prauam adeptæ est qualitatem, qualis est pinguedo vetusta & semiputris. Hæ autem deiectiones in hisce febribus vt plurimum solent esse fœtidæ & graueolentes ob putredinem ingentem; aliquando tamen parum quid redolent. & sæpe ego animaduerti in nonnullis febribus pestilentibus, admodumque malignis, tales deiectiones non tantum non fœtidi, sed nec etiam vllius fere esse odoris, & hoc præcipue, dum essent albidiores. Tales deiectiones colliquefactiua non in omni febrium pestilentum eueniunt genere, sed in his tantum, in quibus calor putridus, putredoque ipsa admodum viget & dominatur. In quib. etiam febribus euenire solent sudores admodum copiosi, qui non ab excretionem ichorosæ partis, sed a colliquatione vel humorum, vel pinguedinis, vel carnis, & partium solidarum causantur, dum colliquatio illa nō per aluum transmittitur, sed in halitus resoluitur, ad cutimque transfertur, & tunc multi & copiosi contingunt sudores: talesque sudores sæpe graueolentes esse consueuerunt, vbi maligna adfit colliquatio. ab eadem autem causa solet aliquando (colliquatis non pinguedine, & carne, vel alijs solidis par-

*Sudoris in
feb. pestilentis
cōtingentis
differentia
& causa.*

dis par-

dis partibus, sed tantum humoribus ipsi in venis existentibus, dum colliquata materia nec ad ventrem nec ad cutim transfertur) lotij multitudo maxima apparere, ubi renes valida vi polleant attractrice. cuius si oppositum contingat, videlicet, quod renes nec sint sani, nec serosam possint attrahere materiam, subitaneos hydropum status inducunt. retenta enim hæc materia, ad abdomenque decumbens, affectum Alci con similem generat: si autem valide attrahant renes, tanta multitudo lotij emergit, ut viderim ego semel in nobili ægrotante per spatium quinque horarum latum colore venæctum, odore fœtidum, ad libras plusquam viginti excretum, indeq; ægrum sæpius in syncopem incidisse. subitoq; adeo emaciatum, ut videretur non per quatuor dies, sed per quatuor menses, ægrotasse: *Excretionis* qui cū inde similis fere in totū sceletō factus fuerit, nocte *quantitate* sequente convulsus expiravit. A tertijs coniecturam febris *peccantium* pestilentis habere possumus, si lotium, quale sæpius nota *in feb. pesti-* *lenti diffu-* *rentia &* *causa.* *3* ui, in nimia exeat quantitate: quod non aliunde evenit, quam ex humorum in venis existentium colliquatione. similiter intempestivi & superflui sudores, frigidi præcipue, possunt malignam attestari febrem. hi enim sæpe diaphoretice euacuantur, indicantque colliquari substantias solidas, quæ cum in habitum resoluuntur, dum ad cutim transferuntur, in sudores superfluos immutantur. sudores autem hi aliquando sunt vniuersales in toto corpore, & tales virium omnimodam prostrationem portendunt, aliquando autem tantum circa frontem, quandoque vero & circa frontem & collum, nonnunquam etiam & ultra frontem & collum in thorace solum apparent, hi que siue calidi siue frigidi sint (deteriores tamen sunt frigidi. extinctionem enim caloris indicant) semper malum prognosticantur. sunt enim hi, dum natura maxime laborat, aptaque affligitur qualitate: vnde ut plurimum in pestilentibus febribus tales consueverunt sudores apparere. omnis etiam humoris superflua per aluū potest hanc febrem concomitari euacuatio, ut bilis vtriusq; vel pituitæ, vel sanguinis: & hoc contingit, vel dū natura imbecilli facta, a retractive nō continentur humores facultate, vel dū a copia aut prava stimulata qualitate excretrix facultas præualeat,

Alui fluxus

vomitum

mensium
præsumitur.

*Symptoma-
ta febris pe-
stilentis sum-
pta ab actio-
ne laesa.*

*Symptoma-
ta sumpta
ab actione
gustus laesa.*

*Symptoma-
ta sumpta
ab actione
tactus laesa.*

vnde supra modum educuntur, & hinc sæpe febribus istis coniungatur lienteria, diarrhoea, dysenteria & tenasmi. Fiunt etiam in hac febre vomitus, cuiuscunque sint humoris & materiei, superflui, & hoc, dum a prava qualitate & copia stimulatus ventriculus alleviationem humorum eo decumbentium per vomitum tentat. Mensium etiam perfluvium aliquando vidi concomitari febrem pestilentem, cum natura non potest regere sanguinem pravam, pessimaque infectum qualitate, sicut autem omnis superflua euacuatio potest huic febrī annecti; ita omnis (cuiuscunque sit excrementi) suppressio potest consimiliter huic adiungi febrī, vnde sæpe ultra alui, mensium, sudotis suppressionem, solet lotij retentio apparere, quæ inter omnes suppressiones omnium est pessima. nam hæc a deteriori, quam illæ, provenit causa, & minus artificij, quam illæ, ad eius prouocationem admittit. Tertium signorum genus a symptomatibus, quæ febrem pestilentem aliquando concomitari solent, sumitur ab actione laesa. actiones autem triplices sunt, aliæ animales, aliæ vitales, aliæ naturales. Animales in triplici sunt discrimine, quædam enim sunt sensitiuæ, quædam motiuæ, quædam rectrices. Vnde inter læsiones actionum sensitiuarum, prima quæ solet consequi, est gustatus infectio, alias enim debilitatur, vt vix quid gustare queant, alias deprauatur, vt omnia assumpta pravi saporis corruptaque ipsi videantur, alias autem aboletur, vt nihil saporis persentiant. & hoc vel a prava illa qualitate, inficiente gustus instrumenta, vel a vaporibus putridis eadem petentibus provenit. In actione autem tactus in febre pestilenti sæpe consequi consuevit maxima eius deprauatio, dum extremæ partes extimæque vel subfrigidæ sunt, vel omnino frigidæ, ipsi tamen in eisdem magnum persentiunt calorem, aliquandoque tantum, vt nec valde subtilium vestimentorum nec linteolorum velamenta, nihilque aliud præter nuditatem ferre possint. Ad tactum referuntur etiam omnia dolorum genera, cuiuscunque sint partis, vnde inter læsiones tactus recensebimus dolores, qui præcipue concomitari solent hoc genus febris, hi autem sunt præcipue cordis dolores; quoniam in hoc principalis sit a prava qualitate læsio ventriculi, qui vel a prava qualitate,

qualitate, vel a malis vaporibus, vel a materia putrida eo decumbente generantur. aliquando etiā capitis, eo transmissis prauis vaporibus. Cæteræ autem partes dolere possunt, sed non ea ratione, qua fiat dolor ratione febris malignæ, nisi fuerit febris symptomatrica a loco affecto: in vniuerso tamen corpore, præcipue autem in membris exterioribus, sicuti circa brachia, humeros, coxas, ctura, solet adesse dolor quidam admodum molestus, similis ei qui lassitudine vlcerosa causatur, tuncque sibi videntur ægri habere membra, ac si praua cōtusione affecta essent, quod a materia acri & mala putrescente, partesq; illas sensitivas petente, & non in halitum dispersa causatur. sæpeque affectio ista in principio febris pestilentis apparere solet. In auditu autem solent cōtingere tinnitus, obauditiones & surditates, quæ solent esse inter principalia & præcipua febris pestilentis signa. rari enim sunt qui hac laborent febre, qui non patiantur ista, & hoc a vaporibus spirituosis & flatuosius a materia putrescente ad caput eleuatis. In odoratu aliquando euenit, vt vel ex toto odoratum amittant, vel fœtidum semper odorare videantur, quod vel ab ingenti corruptione, vel a praua qualitate, vel a virtutum extinctione euenire solet. In visu raro offenduntur: tamen cum male habent, hoc solet fere perpetuum esse, vt a lumine ledantur, lucemque aufugiant, & hoc, cum vires admodum labefactatæ sunt. Spiritibus enim exinanitis oculi lucem non tolerant. *Et hæc de lationibus sensibilium actionum.* Ad quas vltra prædicta symptomata duo alia, quæ circa primum sensorium, quod est omnium commune, consistunt, reducuntur: quorum alterum est vigilia, alterum sompor, quæ sæpe febrem pestilentem concomitari solent. vigilia quidem, dum a praua eleuantur materia vapores cres, qui petentes cerebrum vellicant membranas, eiusque humiditates consumunt. sompor autem, dum frigidi vapores & prauis madefaciunt cerebrum, simulque spiritus resoluunt animales. cui simile solet euenire symptoma admodum periculosum, dum extinctis vel imminutis a praua qualitate spiritibus, & viribus labefactatis in somnum profundum videntur febricitantes admodum propensi, quæ affectio non somnus est, sed vigilandi impotentia.

hac de symptomatibus contingentibus in facultate sensitiva. In motiua autem pauca eueniunt febrem pestilentem consequentia, inter quæ potissimum habet locum (& hoc maxime in principio morbi) inquietudo ingens, stimulatã virtute a praua qualitate, & a materia putrescente. solet etiam frequens oscitatio, & pandiculatio aliquando coniungi cum hac febre, vbi transmissis spiritibus flatuosis vel ad maxillas, vel ad cætera membra, tentat naturæ eorum discussionem. raro his additur vel tremor, vel rigor, nisi febris sit ex interpolatis. tussis solet aliquando adesse, vbi additur aliqua distillatio. generalis autem fere omnibus est prauus affectus in virtute motiua thoracis, scilicet anhelitus diminutio. omnes enim hac febre laborantes ob vires imminutas, & necessitatem præsentem vt plurimum habere consueuerunt anhelitum frequentem & paruum; paruum ob imbecillitatem, frequentem autem ob necessitatem; vbi enim est febris, ibi semper aucta est necessitas. Inter rectricium autem facultatum symptoma.

Sympt. sumpta ab actione laesa virtutum rectricium.

ta hæc quandoque solent concomitari febrem pestilentem, videlicet deliria varia vel læsa imaginatione vel cogitatione: & hæc vel a praua qualitate, vel a vaporibus putridis, vel a materia maligna illuc transmissa: hæc autem deliria aliquando leuia sunt, aliquando seua, aliquando mediocria. quod tum ex diuersitate & potentia causarum prouenit, tum etiam ab humorum peccantiũ differentia. prout enim hic magis vel minus calidus, & minus vel magis acris; ita etiam diuersa prodeunt delirij genera. In hac febre etiam memoria aliquando torpet, aliquando aboletur: unde visi sunt aliqui, qui ex hac febre sauari præteritorũ nihil meminere. aliquando etiam deprauatur, & hinc aliud delirij genus. quæ omnia a prædictis vel consimilibus proueniunt causis. *Et hæc de symptomatibus consequentibus a*

Symptomata sumpta a læsa actione virtutis vitalis.

læsione actionum facultatis animalis. Symptomata autem, quæ hanc febrem concomitantia sumuntur ab actione læsa virtutis vitalis, sunt cordis debilitas, tremor, palpitatio & eiusdem dolor, ac suspiria crebra, & his consimilia, quæ cor vel a mala lædi qualitate vel a prauis affligi humoribus attestantur. ad quæ consequitur necessario pulsus immutatio, de qua satis abunde iam dictum est. Quæ autem ab actione

ab actione laesa virtutis naturalis sumuntur, vnde febrem pestilentem coniectare possumus, sunt nausea inanis, sæpe causata a praua qualitate, & non a materia ventriculi ledente; vomitus cibi, & quandoque etiam malorum humorum, & præcipue corruptorum & foetidorum, eo decumbentium; frequēs singultus, qui sæpius in huiuscemodi febre non a materia, sed a sola generatur maligna qualitate; oris ventriculi prauæ indispotiones, & aliquando tanta appetitus prostratio, vt malint ægrotantes mori, quam comedere. additur aliquando sitis inexhausta, vbi putrescant humores calidi, qui obsederint ventriculi vel cavitatem vel substantiam vel circumstantes partes. quod si in his locis non sit materia peccans, sitis non adeo erit molesta, & solo potu leniri poterit aliquando. at prior non ex potu, sed ex euacuatione vel contemperamento tollitur. quandoque autem nulla est sitis, lingua tamen arida & siccata existente. & hoc, cum vis naturalis a perniciosa extinguitur facultate.

Sympt. sumpta ab actione laesa virtutis naturalis.

De signis febris Pestilentis sumptis a superuenientibus affectibus.

CAPVT XVIII.

QUARTVM signorum genus a superuenientibus affectibus sumptum declarandum succedit, quod licet plurima comprehendat mala, tamen nō omnia recensenda veniunt, sed affectus illi præter naturam tantum, qui vel sæpiissime cum febre pestilenti apparent, vel qui rarissime sine hac febre videntur, sunt enumerandi. inter quos primum habent locum exanthemata ipsa, a nostris papule dicta, quæ dum apparet, raro sine febre pestilenti inuenies. hæc autem tum colore, tum magnitudine, tum modo, tum sine, tum numero inter se differunt. Colore quidem, quoniam alba alia sunt a sanguine pituitoso, alia rubra a puriori sanguine, alia flaua a bile, alia punicea ab exusta bile, alia liuidæ a maxima exustione vel mortificatione, alia nigra a consimili, sed deteriori causa. Magnitudine, quoniam alia pusilla sunt, vt nullij magnitudinē non attingant, vel saltem æquēt; alia paulo maiora quantitatē milij

Exanthematum quæ accidunt in feb. pestilenti, differētia & causa.

parum excedentia, alia autem paulo maiorem magnitudinem habentia, quæ tamen raro viciæ maiotis magnitudinem superent: alia autem magna & notabilis quantitas. Modo autem differunt; quoniam alia critice, alia symptomatice, alia medio extramittuntur modo. critice illa apparent, quæ concocta materia & superante natura eueniunt: symptomatice, quæ cruda existēte materia, eademque a natura non superata nec exornata fiunt: medio modo, quæ generantur, dum materia ex parte concocta a natura potenti extramittitur. Fine autem differūt, quoniam alia, postquam apparuere, retrocedunt, quod pessimum est signum: alia resoluuntur, & sæpe ad bonum terminantur: alia autem suppurant, quod etiam, si alia addantur bona, desiderandum est: alia autem ulcerantur, quod non aliunde, quam a prauitate materiæ, prouenit. Numero autem, quoniam aliquando pauca, & rara, & hoc vel a paucitate peccantis materie, vel a debilitate agentis; aliquando plura a contraria causa; aliquando autē adeo numerosa sunt,

Exanthema.

quorum non sunt pestichia nostrorum temporum.

Oris pustula.

vt locus in cute ab hac materia immunis vix reperiatur. & hæc nisi vires sint validissimæ, raro salutem afferunt: potius enim ab his suffocatur, quam releuetur natura. & hic animaduertatur, quod hæc exanthemata, vt iam superius notauimus, non coincidunt cum pestichijs iam inter propria signa enarratis: quoniam hæc exanthemata in genere tumorum reponuntur, illæ autem cutis tantum maculæ sunt. *Et hac de exanthematibus.* Alius consimilis affectus sæpe febrem concomitatur pestilentem, & sunt pustulæ in ore apparentes, quæ omnes prædictas exanthematum differentias recipiunt. hæcque aliquando adeo sæuæ sunt, vt cibum & potum ægotantes vix tolerent, in teneraque ætate

Oris vlcera.

Aphtha in feb. pestilenti contingens, quæ quot eorum differentia & causa.

sæpe mortem afferunt, cum sibi ipsis vim ad percipiendum cibum non inferant. Ad has pustulas sæpe subsequuntur vlcera, quæ maximam ægotantibus afferunt molestiam, ciboque sumendo sunt impedimento, motum linguæ & præcipue deglutionem impediētia. aliquando autem non præcedentibus his pustulis generantur vlcera, a Græcis aphthæ appellatæ, in ore, quarum plures sunt differentię. aliæ enim sunt superficiariæ; aliæ profundæ; aliæ mundæ; aliæ fordidæ; aliæ benignæ; aliæ malignæ; aliæ sine crusta; aliæ

aliæ cum crusta, & crusta aliquando est alba, aliquando est flaua, aliquando liuida, aliquando nigra. quæ sunt profunda, sordida, maligna, & cum crusta præcipue nigra, sunt deteriores. fiunt enim vel a vaporibus, vel a materia valde praua & perniciofa: quæ opposito modo se habent, sunt leuiore. in febre autem pestilenti hæc vlcera occupare solent & labia & linguam & palatum & fauces. tamen hoc præcipuum animaduerti, quod in faucibus specialiter generantur, rariq; sunt illi ægrotantes, qui in hac febre summam & sordidam vna cum praua qualitate habeant putredinem, qui in faucibus vlcera hæc non patiantur: quæ aliquando adeo sæua sunt, vt depascentia fiant, simulque cum faucibus etiam asperam attingant arteriam. Vnde post recuperatam ex febre pestilenti sanitatem visi sunt ægrotantes, qui vel in phthisim terminarunt, vel a phthisi maximo cum labore præseruati fuere. Non tantum autem in ore, sed etiam in alijs corporis partibus solent cum huiusmodi febre praua generari vlcera, & præcipue in his qui cutaneas patiuntur affectiones. in his enim febre accedente pestilenti, omnis cutis leuis affectus solet in prauum commutari vlcus. solent etiam sæpe subsequi ad has febres apostemata mala, quæ varia inter se sunt, tamen præcipue carbunculi apparere solent. hique tumores modo in hac parte, modo in illa generari consueuere, potissimum tamē circa corpora glandosa eueniunt. & hoc, quoniam expultrix faculas, a praua qualitate stimulata, a partibus nobilioribus & internis ad exteriora perniciosam extramittit materiam: vnde a cerebro ad glandulas post aures, a corde ad axillas, a iecore ad inguina materia hæc transmittitur: vnde & parotides & bubones & phygetla, & cæteri huiusmodi tumores sæpe in febre apparent pestilenti, hi que omnes tumores maligni sunt, raroque ad bonum terminantur: imo sæpe retrocedunt, quod in causa velocis mortis esse solet. cum enim causentur a materia corrupta, praua & perniciofa, retrocedentes solent calorem intantum extinguere, vitamque vna abolere. si autem non retrocedant, & critice geniti fuerint, rectaque ratione ab artifice prudenti æger tractetur, aliquando possunt salutem impertire. *hac de superuenientibus affectibus. Vltimum*

*Lib. 5. Merb.
cap. 12.*

Vlcera praua.

Carbunculi

*Parotides.
Bubones.*

relinquitur signorum genus declarandum, a causis desumptum, quod maxime a diligenti erit Medico considerandum. Vbi enim nouerimus, in febricitante causas eas quæ febrem possunt accendere pestilentem, præcessisse, maximum habebimus febris pestilentis argumentum. Quæ autem sint causæ istæ, iam diffuse satis in differentiis a causis enarrauimus, vbi duplices posuimus, externas scilicet & internas, omnesque has distincte considerauius, vim omnium & efficaciam exprimentes. quare pro perfecta horum signorum cognitione ad caput illud de differentiis a causis recurrendum erit. quibus cognitis ex præsentia vel absentia earundem causarum supra febrem poterimus coniectare pestilentem.

*De signis, præteritam febrem fuisse
pestilentem attestantibus.*

CAPVT XIX.

TERTIA signorum genera, quæ rememoratiua (quoniam eorum est officium, præteritam febrem fuisse pestilentem declarare) appellauimus, nunc recensenda veniunt. quorum breuissima erit enarratio, tum quoniam speculatio, de causis & de signis iam habita, hoc munere satis superque fungi potest, tum quoniam signa hæc ponenda pauca admodum sunt, & sensui satis patere possunt. Inter quæ primum habeant locum maculæ illæ, de quibus inter causas & signa egimus. vbi enim nouerimus, ægrotantem in febre maculis infectum fuisse, seu fuerint illæ maiores, seu mediocres, seu minimæ, semper coniectare supra pestilentem poterimus febrem. quæ eadem maculæ aliquando non viuo sed mortuo superueniunt ægrotanti. quamprimum enim extincti sunt nonnulli, statim eorum commaculantur corpora, perindeque ea apparent, ac si flagellis aspertritis percussa fuissent. alijs autem apparent liuores maximi, alijs autem minimæ superueniunt maculæ, moribus pulicum simillimæ. Et hæ maculæ omnes sunt variæ & diuersæ colore inter se, ut dictum iam est, & non tantum aliquæ corporis partes commaculantur, sed etiam aliquando vniuersum corpus vao eodemque colore inficitur.

*Macula in
febricitante
vna attestā.
tur febrem
esse pestilen
tem.*

*Macula ca
daveris. su
perueniētes
attestantur
febrē fuisse
pestilentem.
Macularū
cadaveris.
coningen
tium diffe
rentia, &
causa.*

citur, ut ego semel in quodam vidi egrotante, qui cum violentia febris pestiferæ extinctus fuisset, post mortem adeo in toto corpore virore infectus est, ut in luco porri infusus totus videretur. Cum igitur contigerit hoc, videlicet, quod post mortem febricitantis succedant huiusmodi maculæ in eius corpore, erit quodammodo indicium, febrem eam pestilentem fuisse. dixi quodammodo, quoniam hoc non est demonstrativum signum, cum ijs qui ex assumpto veneno necati sunt, eadem cõsueverint superuenire signa. quæ paritas signorum potest esse validum paritatis præuæ qualitatis & eorundem efficaciz indicium. Vnde in hac paritate diligens Medicus discernere debet, si quid tale contingat, an a veneno, an a pestilenti affectu hoc sit factum: quod facile consequetur ac conijciat, si præcedentia omnia considerauerit, causasque & signa pestilentis febris rememorauerit. Solet etiam in strangularis & suffocaris commaculari corpus: sed hos ab illis erit facile discernere, tum ex præcedentibus, tum etiam quoniam in his maculæ superuenientes semper nigri sunt coloris. at in his pestilentibus affectibus cuiuscunque possunt qualitatis esse. Hæc autem maculæ in cadauere humano, ubi ægrotantes vi pestilentis affectus perierint, solent superuenire; quoniam extincto calore innato (a quo omnes virtutes, & naturales, & animales, & vitales, si non in esse, saltem in conseruari dependent) omnis internus calor quicunque fuerit, seu naturalis, seu præter naturā, a partibus intimis ad extimas & externas euaporat: vnde sæpenumero videmus eos, qui ad tactum frigidi ante obitum erant (cum non per resolutionem sed per extinctionē pereunt, ubi in eis plurimus in internis partibus abundat calor) post inortem calefieri. In tali autem caloris euaporatione a partibus interioribus ad exteriores hoc euenit, ut a partibus internis humores omnes, & præcipue ichores, tum sanguinis, tum cæterorum humorum, quorum hi partes subtiliores sunt, cum nulla vi retentrice amplius regantur, vna cum calore ducantur ad partes externas. vnde cum in cuti proppter eius densitatem necessario firmentur, ab omniq; calore destituantur, cumque hic in totum euaporet, illi non: propter cutis densitatem & eorundē crassitiem, pro ratione humoris peccantis

diuersimode ipsam cutim inficiant. Hoc autem tantum fit ratione euaporationis caloris, & ratione, qua humores ad partes exteriores vna cum eodem calore omnes transfundantur, non autem virtutis expulsiuæ merito eisdem ichores ad cutim expellente, vt nonnulli celebres viri sensere. cum enim ad extinctionem caloris innati omnes virtutes corporis humani viuientis aboleantur, quid potest retinere ac retardare virtutem expulsiuam in cadauere? præterea si expulsiua virtus in viuente animali, dum adhuc omnes virtutes vigerent, non potuit hanc prauam materiam ab internis ad exteriora transmittere, quo pacto iudicari potest hoc eius fieri ratione post mortem? quod affirmare nil aliud est, quam asserere virtutem hanc naturalem in viuente quam in mortuo, debiliorem esse. quæ tamen sententia nequaquam admittenda est: cum vigente, non autem extincto calore, virtutes naturales operentur, quæ omnes pariter in morte ipsa extinguuntur. Imo motus materierum ad partes cutaneas indicat, non amplius tunc regi hos humores a natura. hincque fit, vt cum amplius a retentice vi non retineantur, vagentur hoc motu. & hoc non modo, sed etiam vt omnis materia, in vijs ductuum existens, per se sponte dilabatur: vnde per sedem materiæ, quæ in vijs communibus reperiebantur, sponte descendunt, per nares autem, & per aures, & per os, quæ in cauitatibus capitis, thoracis & ventriculi residebant. quod, si quid aliud, virtuti expulsiuæ attribui poterat, quod tamen cum longe a veritate dissonum sit, sed hoc tantum contingat ratione abolitæ virtutis naturalis, & præcipue retentricis, vnde excrementa a nulla vi amplius reguntur, nec ei etiam istorum ichorum ad inficienda corpora motus attribuatur. sicuti nec etiam, (quod ad confirmandam eam sententiam, quod in cadauere humano aliqua vis expulsiua referueretur, facere videbatur) ei attribui debet augmentatio pilorum & vnguium in cadauere; cum in hoc nulla sit, nec possit esse auctio vera, sed apparens tantum, quæ contingit; quoniâ assumptis, & depressis carnibus ob exclusionē spirituum & vaporum (quorum proprium est dilatare, diffundere, & ampliare) iidem pili & eadem vngues ad sensum longiores esse videntur.

Maculæ

*An in cada-
ueribus vis
aliqua ex-
pulsiua re-
seruetur.*

Maculæ autem illæ, quæ in hominibus a veneno extinctis apparent, easdem cum præcedentibus habent causas, in hocque tantum differunt, quod in his ichores prauigeni sunt ratione veneni assumpti, at in illis ratione causarum, de quibus in præcedentibus diffuse egimus. cui hoc addatur, quod nõ omne venenum potest has maculas generare, sed illud tãrum, quod paucis horis vel diebus suam prodit actionem: quoniam hoc, vt superius etiam notaui debere fieri, non per resolutionem, sed per extinctionem & violentiam hominem iugulat. non est tamen, quod venenum illud, quod pedetentim & diuturno agit tempore, aliquando non inficiat corpus, etiam vel viuens vel mortuum. sed sententia mea tunc non erunt maculæ in corpore isto, sed sicuti notaui in pestilenti nonnunquam euenire, ita in hoc propter æqualem factam in vniuerso corpore ob temporis diuturnitatem trãsmutationem validam, vniuersum corpus vno & eodem inficietur colore, sicuti vel viridi, vel flauo, vel liuido, vel nigro, ita vt nonnulli hos effectus, dum in viuente homine apparent, ad aliquã istertitiæ speciem referant: quod tamen a veneno hoc factum esse, expertus Medicus, diligensq; in perferendis rerum causis, dignoscere poterit. sicutique in viuente corpore venenum agere hoc potest, consimiliter & post mortem aliquãdo vniuersa cutis his eisdem coloribus ratione assumpti veneni inficietur. In suffocatis autem & strangulatis maculæ illæ nigræ & liuores illi non his rationibus fiunt, sed quoniam in angustia illa spiritus introclusi & humores, quantum fieri potest, agitantur & diffunduntur, vt necessario vasa aliqua interna distraherentur & lacerentur ex violentia illa. cuiuscemodi autẽ in conflictu illo maximo vasa interna patiuntur, ita & externa adeo pati solent, vt eorundem aliqua aperiantur, a quibus tenuior pars sanguinis, sicuti in echymomate euenit, resudans extra capillares venas ad cutim, ibi extravenatus & refrigeratus liuores & maculas illas nigras generat. hæcque dicta sint, vt harum macularum causæ pateãt. ex quibus etiam hoc liqueat verum esse in cadaueribus, cuius contrarium quidã sensere iudicantes ratione, qua cadauera frigida fiunt, ab eis nihil euaporare mali, cauendum esse, quoniam ab his prauæ

Macularũ, quæ in extinctis a veneno apparent, causa. Venenum, quod maculas in cadaueribus inducit, quale existat.

Macularũ quæ in strangulatis & suffocatis apparent, causa.

Ex cadaueribus prauas exhalationes euaporare, si pestilentia.

*Odor f. brē
pestilentem
indicans.*

vaporant exhalationes, quibus mediantibus alteri communicari idem potest affectus. quod clare apparet ex motu illo prauarum materiarum, ab intetnis ad externa vna cum calore euaporante. *Et hac de maculis, prout febrem fuisse pestilentē declarare possunt, sufficiant.* Hanc eandē attestari valent & exanthemata illa, de quibus inter signa egimus, præcipueq; si prauī fuerint coloris: pariter & buboues, & parouides prauæ, & carbunculi dicti, & quicumque alius tumor, qui tetri sit coloris vel odoris. *Qui odor non tantum ratione tumorum, sed etiam totius corporis optime est aduertendus, & non solum in cadaueribus, sed etiam in egrotantibus, dum vitam degunt febricitantes huiuscemodi febre.* solet enim in hisce ægrotantibus, dum male habēt, teter quidā odor exhalare, qui nonnunquam accidit etiam in his febribus, quæ inter sporades ac sine peste eueniunt. & hic odor, quando apparet, exitiāli. *simum inter omnia mala est signum, vt ego sæpius notauī, qui nullum vidi eorum, a quo talis transpiret odor, saluari.* & non abs ratione, cum hic odor signum sit cōfirmatæ & intentissimæ corruptionis & putredinis. quis autem, aut qualis sit odor iste, sola experientia docere potest. Vnde in ambiguitate & discrimine cognoscendi hosce morbos, dū de pestilētibz dubitaretur affectibus, visi sunt nonnulli idioræ & vulgates, qui hac docti experientia ex solo iusto odore veritatem ipsam perfectius attigerūt, quam experitissimi Medici. Aliquando autem vere iugulaui sint ægrotantes a pestilenti hac febre, & tamen nec maculæ, nec exanthemata, nec tumores vlli, nec prauus aliquis odor in eis apparet. & tunc pro veta eius cognitione, cum superuenientia ob eorum absentiam hoc attestari nō possint, sufficiant ea quæ dicta sunt, dum causas & præcedētia & consequentia signa eiusdem pertractauimus.

De præseruatione a febre pestilenti.

CAPVT XX.

NVNC superest, declarata febris pestilentis essentia, eiusdemque differentijs ac signis explicatis, vt curationem ipsius aggrediamur: quæ curatio licet proprie dicatur

catur ea, quæ tantum præfenti morbo debetur, tamen cum præferuare ab imminente morbo, ab eodemque in futurum hominem præcauere, fit quidam curandi modus; ideo nos sub hoc eodem curationis capite, & præferuationem ab imminente febre pestifera, & præcustodiam ab eadem, illam indicantibus nobis signis futuræ febris, hanc autem rememoratiuis, ponemus, incipientesque a præferuatione rem ita explicabimus. Cum morbus quislibet sic imminet, & ab eodem quispiam est præferuandus, omnis Medici intentio ad remotionem causarum verti debet. in hoc enim a curatione præferuatio differt, quod curatio morbum factum, præferuatio autem eiusdem causas, eumque imminentem respicit. Vnde cum voluerimus hominem ab imminente febre pestifera præferuare, eiusdem causas remouere debemus. causæ autem istæ, quæ tum remotioni in præferuatione ab huiusmodi febre intendere debemus, *In præferuatione quid in duplici sunt discrimine. aliæ internæ sunt, aliæ externæ. iudicantur.* internæ sunt, plethora, cacochymia, & obstructions. externæ autem sunt, aer quomodolibet vitiat, & cõt agiam vagās. a primis habemus corporum præparationem, a secundis causarum externarum præsentiam. quibus duobus existentibus, facillimus est in febrem hanc lapsus. eoque magis, si corpora alteram prædictis præcedentem dispositionem habuerint, per quam omnē externam impressio- nem facile suscipiūt; vt si corpora sint vel a natura ex accidente humida, vel excrementosa, vel debilia, vel laxa & rara, vigentibus causis externis; vel angusta & densa internis. Quapropter præferuationi intendentes, hæc tria animaduertere & considerare debemus, scilicet corporum dispositionem, quæ si procliuis sit ad labem istam, contrariis agendo illam remouere; sin autem opposita, conseruare debemus. secundo præsentiam causarū externarum, quibus, quantum fieri poterit, arte resistendum erit. tertio causas internas, quas Medicus propria virtute abolere & amouere debet, si potest. Incipientes autem a corporum dispositione, dicimus corpora humida, seu a natura seu ex accidenti talia fuerint, omnia, rationali tamen, exsiccanda esse; quæ autem sicciora sunt, in eodem statu conseruanda esse. Vnde humidis corporibus præscri-

Corpora hu- mida quo- modo præferuanda a febre pestilenti

bemus, vitandam esse omnem satietatem & ingluuiem, victum pleniorē, largiorēque potum, præcipue autem fugienda esse omnia ea, quæ in victu corpus humectare possunt, sicuti pepones, melopepones, cucurbitæ, citruli, nuces virides, lactucæ, maluæ, fabæ virides, horarii omnes fructus, agninae carnes, & eorum animantium quæ in aquis degunt; pisces, & præcipue molles, & non friabiles, aquæ potus, & reliqua huiusmodi. caueant etiam ab otio, a locis aquosis, humidis, ab aere consimili, & præcipue nocturno, a ventis austrinis, a longo & profundo somno, potissimum meridiano, a balneis, & cæteris externis causis humectare potentibus; fugiant etiam omnem cibi præparationem humectantem: & (vt vnico verbo rem concludam) vitentur omnia ea, quæ tum actu tum potentia humidum corpus reddere valeant. Parce autem viuant, potusq; sit multo quam consueuerit, minor: & vinum sit antiquum, tenue, non aquosum, non tamē valde generosum, ne inde humores accendantur. carnes sint laudabiles, & boni succi, præcipue autem syluestres, vel sint ex quadrupedibus vel ex auibus; sintque præparatæ, vt exsiccare non humectare possint. pisces aliqui saliti, vt sardæ, alicæ, aphicæ, & consimiles in hunc vsum venire possunt. exercitium sit non violētum, sed quid parū supra moderatum, tempestiuāq; fiat hora. somni sint nocturni, & breues, & nō statim a cibo, nec super molle stratum decumbant. habitent loca sicca, sublimia, & ab austro auersa, in cōstitutione cæli humida ad ignem temperatum accedant, negotijs & curis se dedant, at non molestis. Si autem fuerint corpora excrementosa, leni via ab excrementis expurganda erunt. per excrementa nunc intelligo non humores, sed cibi & potus excrementa tantum crassiora. siue sicca siue aquosa fuerint, cuiusmodi sunt reliquæ cibi in ventriculo crudiores relictæ, alui excrementa retenta, & lotium non ita profluens. Vētriculus a reliquijs illis expurgabitur, vel vomitu, si facilis sit, vel ex assumptione mellis rosacei, & oxymellitis simplicis, in futurum cauendo, ne super crudū crudus superingeratur cibus, vitando omnia difficilia concoctū, & excrementosa. Aluus autem lubrica paretur, assumēdo ante cibum caricas, passulas, pruna damascena cocta, sebesten,

iura

Corpora excrementosa quomodo praeseruanda a febre pestilenti.

iura pullorum, addito saccharo, & consimilia, quæ sint lenia & suauia, abstineantque ab astringentibus & austeris, præterquam in vltima mensa. panis autē in tali genere victus sit recens, non calidus tamen, nec ab vtriculis illis in præparatione expurgatus. ita enim facile aluum lenit. Quod si hæc non satis sint, veniant aliquando in vsum clystera mollia ex iuribus pullorum, ex decoctionibus herbarum mollientium, cum oleis eiusdem naturæ, calefacientibus hyeme, æstate refrigerantibus, addendo vel sacchari vel mellis rosacei portionem. Quod si etiam non nihil hieræ simplicis nonnunquam accipiant, & ventriculū expurgabunt, & ventris simul crassiora excrementa deijcient. Lotiū prouocabitur ex vsu seminum communium frigidorum æstate, hyeme autem & temporibus non æstuantibus, radicibus petroselinī, apij, smirnij, & similibus, vinoque tenui, antiquo, minimeque adstringenti, nec dulci. Si autem corpora debilia erunt, eorundem imbecillitatis causas attendere oportet, quibus pro diuersitate vniuscuiusque resistendum erit. Vnde his qui ex nimia Venere imbecillitatem hanc contraxere, optima victus ratio erit præscribenda, ita vt in eorundem vsum veniant cibaria optimi nutrimenti, concoctu facilia, quæque minime sint excrementosa, & hæc in quantitate moderata semper administrētur, ne ventriculus ultra vires grauetur, neque vnquam ante præcedentis cibi coctionem nouus superassumatur. hique in quiete & hilari vita viuant, a Venereque non tantum, sed etiam ab omni mulierum congressu caueant, sique ex vsu Veneris alicuius membri imbecillitatem contraxerint, ea summo- uenda erit, & eiusdem intemperiem tollendo, & idem proprijs medicamentis roborando. Qui autem ob molesta animi accidentia non nihil passi sunt, vitent curas, negotia, contemplationes, studia, solitudinem, & similia quæ animum anxium reddere possint; hilares viuant, societates lætas quærant, sonos & cantus audiant: & si cordis passionibus adessent (vt suspiria, tremores & dolores vel cōsimiles cordis affectus) cordi per propria prospiciatur medicamenta: eisque ratio viuendi præscribatur, quæ humores melancholicos non ita generare possit: vnde vitent omnia crassa & terrena alimenta, cuiusmodi sunt bubulæ carnes, cerui-

Corpora debilia quomodo præseruanda a febre pestilenti.

*Venena li-
cet semper
mortem nō
inferant, ta-
men læsionē
notabilem
inducere so-
lent.*

næ, leporinæ, cochleæ, & pisces crassiores, & maxime ex omnibus his quæ sale condita sunt: vitent brassicas, lentes, & omnia quæ huiusce sunt temperamenti: abstineant a vinis nigris, crassis, & etiam generosis & potentibus; & quantum fieri potest in actionibus, in conuersationibus, in sermonibus, & in omni vitæ parte laxatum animum habeant. Corpora autem, quæ ex hauſto veneno labem aliquam in visceribus contraxere (vnde faciliorem externis, quam internis iniurijs cedunt) alexipharmacis præseruanda sunt, quæ particulariter membrum læsum respiciant. hoc enim solet contingere, quod non semper a veneno assumpto necentur homines. & hoc tunc euenit, quando vel vomitu reiectum, vel cum excrementis, priusquam iniuria corpus affecerit, deiectum, vel vi medicamentorum superatum, vel in minima quantitate assumptum, suam non potuit perniciosam prodere actionem. in quibus casibus licet optima fauente fortuna saluentur homines, hoc tamen solet cōsequi, quod aliqua veneni vis in aliquod principalium membrorum permeans, licet non mortem, tamen læsionem euidentem inferat. qua concepta euenit, vt sæpiſſime qui venenum deleteriū hauſerunt, quamuis incolumes euaserint, persentiant tamen offensam aliquam per interualla. rarique sunt illi, qui hauſti veneni nonnulla signa & vestigia non retineant. quod nō aliunde efficitur, quam ex impressa labe in aliquo viscere: quæ labe solis alexipharmacis, quæ membrum in quo ea infederit, respiciant, tollenda erit. alioquin erit facile, vt illi a causis externis, cum hæ præſentes erunt, ob præſentem dispositionem in febrem pestilentem traducantur. Si quis autem non ex hauſto veneno, sed ex prauis cibarijs, vel ex corrupto potu, vel ex aere vitiato (sicuti contingit his, qui prope stagnantes aquas degunt) similem labem & indispositionem in visceribus contraxerit, remota causa erit succurrendum membro patienti: & prout praua illa dispositio indicabit, ita diuersa erunt adhibenda remedia, cum hac semper consideratione, vt in promptu sumantur ea, quæ a proprietate possunt læsum membrum iuuare. Quod idem agendum est in his, qui ab ortu debilia receperint membra principalia. quoniam semper in curatione horum membrorum

non

non solum, quæ præsentem intemperiem affectumque amovere possunt, veniunt accipienda, sed ea præsertim, Corpora laxa quæ illud idem membrum respiciant, & a proprietate roborare possint, quorum sylua expertis Medicæ artis professoribus nota est. Corpora autem laxa & rara, cum facile externis iniurijs pateant, erunt præsertuanda, dum eis præscribatur eadem victus ratio, quam diximus in humidis temperaturis & habitibus seruandam esse. Corpora vero densa, & angustos habentia meatus, quoniam hæc facile in pestilentem febrem incidere possunt, dum causæ internæ in promptu sunt; ideo quid in his Medicus moliri debeat, ex inferioribus patebit, dum plenitudinis, cacochymix & obstructionum, quæ omnia in tali habitu sunt discriminis plena, curationem enarrabimus. Remota hæc in huiuscemodi corporibus praua dispositione, ad remotionem causarum descendamus: has duplices esse diximus, nam aliæ externæ sunt, aliæ internæ. Ab externis exordientes, cum hæc posuerimus duas esse, alteram aerem quomodolibet vitiatū, alteram contagium vagans, primo aer veniat considerandus, hic triplici via potest corpora in pestilentem febrem præcipitare: scilicet; vel cum patitur in proprio temperamēto excessum; vel coinquinatus fuerit a susceptis ad intra se prauis exhalationibus; vel cum in propria substantia sit immutatus; quibus omnibus pro posse arte Medica resistendum erit, vt si eius violentiam intotum superare non valeamus, saltem pro parte minueamus. licet enim Deus Opt. Max. Deus misericordix & consolationis, ad quem semper in omni calamitate primo est confugiendum, solus possit aeri dominari, statimque eius vitia auertere; Medicus tamen implorato prius diuino auxilio, multa mala quæ ab aere pendent, arte Medica, cui solum annuente Deo prodesse licet, inhibere potest. & hic, si non omnino hoc valeat, pollet tamen multa mala, quæ hinc deriuant & grauiora fierent, ex arte leuiora reddere. Quapropter cum nouerit Medicus primo aerem in qualitatibus primis excessum pati, tentabit corpora humana ab eisdem rationabili via tueri: vnde cum aer in caliditate excesserit, summeque calidus existens corpora facile accendat, omni ingenio aerē quidem

Corpora laxa & rara quomodo præsertuanda a feb. pestilenti.

Corpora densa, & angustis habentia meatu quomodo præsertuanda a feb. pestilenti.

*Corpora quomodo sint præsertuanda a febre pestilenti, immutatio-
te ratione
& aeris vitia-
ti.*

Corpora quomodo præsertuanda a calore calidiori.

Aeris caliditas quo modo corrigenda.

primo refrigerare, secundo autem corpora ab eadem caliditate defendere conabitur. Refrigerabitur aer, si flabellis agitetur, si asperſionibus aque frigida madefiat, si irrorentur pauimenta aqua roſacea & aceto, si parietes ornentur pannis lineis, infuſis in eiſdem vel conſimilibus liquoribus, si in thalamis ponantur diluculo herbarum folia, quæ tum refrigerandi vim habeant, tum quæ ante ſolis ortum collecta fuerint. ſicuti ſi inſternatur ſolum folijs roſarum, capreolis, & folijs vitium, lactucis, nympha, papaueris folijs & capitibus, intybis, & conſimilibus. ſi etiam componantur in cubiculo rami ſalicibus, & harūdines, vel conſimiles plantæ dicto modo collectæ: quæ omnia ſubinde commutanda ſunt, quoniam ſiccata lædunt, maleq; olent. quod idem de aqua frigida agendum eſt; cum enim calefacta eſt, immutetur, de vaſeq; in vas alterū frigida tranſfundatur leui via, perinde ac ſi ex fonticulo emanaret: ita enim facile aer ad frigidum alterabitur. Dum autem hoc modo alteratur aer, corpora humana ab intenſa tuebimur caliditate, ſic æteræ quinq; res non naturales ad frigidum declinabunt. Aer enim adeo potens eſt in alterandis corporibus noſtris, ut cum ſint ſex res nobis neceſſario occurrentes, ſi aer peccet in vno exceſſu, omnes reliquæ huic oppoſiti, & in contrarium declinare debent. quare victus in tali ſtatu tam quo ad potum, quam quo ad cibum refrigerans præſcribatur. excrementa omnia educantur, præcipue autem calidorū ſit opportuna & lenis euacuatio. quies imperetur, motus enim calefacit. ſomnus ſit longus, vigiliæ autem nimis fugiantur. animi accidentia quæ ſanguinem accendere poſſunt, omnia vitentur, ſicuti ira & excaſcentia. ſit iſtorum habitatio prope fontes, flumina, & aquas fluentes. non in tabulatis hi degant, ſed in inferiori domus parte, potiusq; in montibus, quam in conuallibus & campeſtribus locis; quæ tamē loca Auſtro auerſa, Aquilonem tantum reſpiciant: quo flante, ex ea parte fenestræ & aliæ domus partes apertæ pateant, hominumque multitudo ingredi prohibeatur. Si autem aer in exceſſu qualitatis humidæ peccauerit, exſiccandus erit, corporaque ab eius humiditate tuenda erūt. exſiccabitur aer igne accenſo tum per vias publicas, tum etiam intra priuatas domos,

Corpora quomodo præſeruanda in ære humidiori.

cum

cum hac tamen distinctione, quod ætatis tempore par-
 cior sit ignis, nec prope loca habitata accendatur ille, qui
 in locis publicis fieri debet. qui autem in proprijs domici-
 lijs accendendus est, parcius similiter, & non præsentem sed
 absente habitatore fiat, qui cubiculum non ingrediatur,
 nisi igne extincto. Si autem in hyeme, vel temporibus fri-
 gidioribus hoc fieri contingat, contraria omnia parentur,
 videlicet, ut ignis propius & abundantior fiat. ligna au-
 tem concremanda erunt sicca, ut non sit fumosus ignis, ap-
 parenturque eo in loco, ex quo ratione ventorum magis
 possit euentari & exsiccari aer loci illius. licet autem in vijs
 publicis omnia lignorum genera, quæ prauum non edant
 odorem, possint in usum venire, ea tamen sunt magis lau-
 dabilia, quæ odorata sunt, cuiuscemodi est laurus, cupres-
 sus, abies, pinus, iuniperus, rosmarinus coronarius, saui-
 na, myrtus, erica, & similia, quorum materia etiam apta est
 pro cubiculis alterandis, si tempora erunt frigidiora. si au-
 tem erunt calidiora, eligenda veniunt nonnulla alia le-
 uiora, quæ non ita calefacere aerem possint, sed eorum fa-
 cultas sit potius refrigerandi, sicuti sunt sandali, cuiuscun-
 que sint generis, flores rosarum, venularis, cortices citrio-
 rum, arantiorum, cidoniorum, quæ vel accendantur super
 ignem ex vite, seu salice factum, vel ex eisdem in thalamis
 suffumigia quomodolibet parentur. Homines autem
 temporibus frigidioribus ad ignes hosce accedant sæpius,
 cauentes tamen ab omni excessu, eoque genere victus v-
 tantur, quem diximus præscribendum esse humidis tem-
 peraturis; ita enim facile aeris humiditatem oppugnantes
 eiusdem perniciem euitabunt. De excessu aeris frigido
 sermonem non habeo; tum quoniam unicuique notum
 est, quomodo quisque a frigore tueri se debeat; tum quo-
 niam hæc causa ad producendam hanc febrem inepta est,
 indeque raro temporibus frigidioribus tales febres vaga-
 re videmus. quod idem de excessu siccitatis fere dicendum
 est. imo talis aer videtur esse tutela corporum etiam ma-
 xime in hanc febrem procliuuium. quod si quandoq; con-
 tingit hinc lædi corpora, hoc non ex sola aeris siccitate, sed
 cum ei additus fuerit excessiuus calor, euenire potest. quod
 cum fuerit, petantur remedia ex superioribus, vbi docui-

*Aeris humi-
 ditas quo-
 modo corri-
 genda.*

*Aeris frigi-
 ditas, et
 siccitas quom-
 o corrigi-
 de.*

*Aer vitia-
tus a susce-
ptis ad in-
tra se pravi-
exhalatio-
nibus quo-
modo corri-
gendus.*

mus, quomodo in aeris immoderata caliditate sint homi-
nes custodiendi. *Et hac de aere in primis qualitatibus*
peccante. Si autem aer vitiatuſ fuerit a ſuſceptis ad intra ſe
pravis exhalationibus, duo erunt peragenda; alterum ſub-
iectam materiam, a qua ex expirationes attolluntur, re-
mouere; alterum eas exhalationes iam genitas diſperdere,
pr̃o primo faciet, ſi occasione aquarum ſtagnantium hæ
genitæ ſint, vel eis ſuperinducere aquas fluẽtes, vel eaſdem
exſiccare, cuiuſmodi conſultum fuit ſin patria mea, circa
cuius mœnia ſtagnabant aquæ in ſollis publicis; vnde hæ
æſtate putreſcẽtes erant in cauſa, vt in ſine æſtatis & in au-
tumno plurimæ ſingulis annis vigerent peſtilentes febres.
his exſiccatis, experientia & rei euentus comprobauit, re-
ctẽ conſultum fuiſſe, cum non amplius ita vigeant, nec va-
gentur. ſi autem aquę corruptæ fuerint in cauſa harum ex-
pirationum, ſicuti ex, in quibus linum, buxus, canabis, ne-
rion, iſatis, braſſicæ, & nucum, conſimiliumque plantarum
folia macerata fuerint, vel in quibus iſatis ſuccus concre-
tus & elaboratus infuſus fuerit, vel quid ſimile, quod pra-
uam in ſe qualitatem vel viroſam naturã habeat, inſectum
fuerit; ſi aquæ erunt fluentes, extrahantur ea, quę male im-
poſita ſunt; ſinanturque aquæ proprio curſu expurgari. ſi
autem ſint ſtagnantes, ſuperinducatur aqua pura. quod ſi
non poterit fieri, omni ingenio, & cum maiori quam fie-
ri poſſit, celeritate exſiccentur. Si vero ex barathris vel ſpe-
cubus ad apertis hæc inquinamenta attolluntur, quamprimum
claudantur, ſi fieri poterit, expirationibusque via
præcludatur; ſin minus, maxima & ingens lignorũ ſtues
congeſta ſuper hæc accendatur, ad intraque loca illa im-
mittatur. Si vero cadauera, ſeu humana ſeu aliorum ani-
malium inſepulta, a quibus deterrimæ inter omnes expi-
rationes attolluntur, harum fuerint in cauſa; vel igne, lon-
getamen ab habitatis locis, & ratione ſumi pernicioſi &
ratione tetri odoris, concrementur; vel in profundis fos-
ſis ſepeliantur, quibus ſuperimponatur vel argilloſa terra,
vel calx copioſa. quoniã etiam ſuperimpoſita terra vulga-
ris non omnimodam prohibet tranſpirationem; vnde fit,
vt circa ſepulchra & cœmeteria ædium ſacrarum prauæ
ſemper exhalationes expirent, maleque ſemper ibi habi-
tetur.

tetur. Quod si in causa harum expirationum sint alie res putridæ & corruptæ, eodem modo remoueantur, animaduertendo semper, quod omnia ea quæ prauis sunt odoris, & male olent, aerem coinquinare prauis exhalationibus possunt, & maxime si multa sint. malus enim odor indicat, in materia putrida malam vigere qualitatem. Quapropter semper optimum erit in ciuitatib. expurgare vias publicas a cæno & a stercorebus animantium, a cloacis & ab omni immunditia. quod idem & intra priuatas domos peragendum est, curando, ne quid sordidum, putridum, vel male olens, vel aptum prauam spirare exhalationem in cubiculis & thalamis & alijs domesticis locis retineatur.

Remota autem his modis materia, a qua prauæ expirant exhalationes, reliquum est, vt inquinamenta ad intra aerem suscepta disperdantur, consumanturque. hoc fiet vel a natura, quando ingenti ventorum agitatione aerem commouendo ea dissipabit, seu cum diuersa temporum successione, eadem ad nihilum rediget, vel ab arte, si ignis modo & forma prædicta accendatur, dum aeris humiditatem superfluam temperare doceremus. ignis enim, sicuti aeris humiditatem, ita & prauas intra eum existentes exhalationes disperdere potest. Et sicuti ars potest aerem ab his inquinamentis igne expurgare, similiter poterit etiam fortasse ad imitationem naturæ aliquo vehementi motu eundem purificare. Vnde credo ego, quod maxime in tali casu possit proficere, si tormenta illa bellica maiora sæpius excussa vi ignis fuerint. nam cum hæc validissime aerem, & ad distans commoueant, vt indicio est & sonitus maximus ab eis concitatus, & terræ etiam circumstantis tremor; apta erunt, si sæpius iterentur, ad aeris validam purificationem, poteruntque aerem ab illis inquinamentis ea disperdendo emundare. *De hac de correctione aeris ratione prauarum exhalationum inquinati.* si autem aer in propria substantia fuerit immutatus, cum hæc corruptio alias ab inferioribus causis, alias a superioribus generetur, pro vtriusque ratione diuersimode agendum erit. si enim ab inferioribus causis pendeat talis corruptio, primo erunt hæc causæ amouendæ, de mum in bonum aer alterandus erit. quare si ratione prima

Inquinamenta ad intra aerem suscepta quomodo disperdenda sint.

Aer in propria substantia vitia. quomodo corrigendus sit.

rum qualitatum excedentium hoc contigerit, fiant ea quæ dicta sunt pro temperando aere, in primis qualitatibus peccante. si autem hoc eueniat a permixtione putridarum prauarumque exhalationum, eadem quæ in harum curatione diximus, seruentur. si vero ratione putredinis eiusdem aeris hoc fiat, putredinis causæ, quantum arte fieri poterit, temperentur & amoueantur; prædicta quoque omnia prodesse in consimili casu possunt, si rationabili methodo in usum veniant. Remota autem corruptionis causa, aer alteretur. hæc autem alteratio non in contemperamento primarum secundarumve consistit qualitatum, sed in oppugnanda praua & maligna natura ex prædictis causis in aere genita: quæ sicuti virosam in se qualitatem habet, ita & remedia nobilia, & a qualitate interna agentia administranda erunt. Vnde ignis qui omnium agentium naturalium validissimus est; potentissimusque in alterando aere, fiat non ex quacunque materia, sed tantum ex rebus odoratis, quæ suauitate odoris prauam illam qualitatem retundere ac remouere possint. Quapropter in hunc usum veniant tantum ligna illa quæ suauissime redolere queant, & accenso igne pro maiori odoris suauitate ferta, flores, ramusculi, virgultæ, aromata, vnguenta, olea odorata ipsis superinfundantur, & in priuatis habitationibus parentur suffumigia vel sicca vel humida, & calida seu frigida, pro ratione temporis & constitutionis anni. quæ formentur vel ex materia solida, vel ex aquis odoratis cum aromatibus, lignis, gummis, & alijs rebus suaue olentibus. horum sylua magna est: plurimique sunt auctores, qui harum compositionis diuersas doceant. Vnde vniciquisque, qui recta methodo hanc nostram profiteatur artem, plurima sibi opportuno tempore opportuna facile erit parare remedia, quæ de re ad particularia non descendo. sed hoc vnum tantum addam, quod etiam fortasse violentia motus aeris, eiusque agitatio valida prodesse posset, quoniam semioaria illa, & inquinamenta ea quæ in aere deteriora sunt, possunt a tali causa dissolui. vnde nec in casu etiam isto non laudo usum tormentorum bellicorum, si sæpius & sæpius excutiantur, & maxime eam partem versus, a qua malum magis instare videtur. Si vero aer corruptionem a superioribus causis patitur,

riatur, cælitusq; demissa sit hæc lues, omnia tentanda sunt, *Aere corrum-*
 quæ superius enarrata sunt proficere in superanda aeris *pro a supe-*
 praua qualitate, & omnia pro posse virium humanarū ex *riorib. cau-*
 petienda sunt. nihil tamen prodesse poterit, nisi annuente *sis existente,*
 Deo, qui in peccati pœnam & ad hominis emendationem *quid agen-*
 talia flagella parare consuevit. Vnde hic præcipue diuinum *dum sit.*

(vt omnis eius a nobis auertatur ira) implorandum est auxilium, sancti eius inuocandi, vota facienda, supplicationes indicendæ: sed præ omnibus antea cta est emendata vita, sacrosanctisq; Ecclesiæ sacramentis in remediū animæ tum pro emundatione, tum pro præseruatione a peccato adhibitis, ad Deum summa cum humilitate & deuotione preces effundendæ sunt. ita enim diuina placabitur ira, eiusq; flagella a nobis auertentur, & aeris salubritas, per quā diu conseruari valeamus, concedetur: vnde in tranquilla & incolumi vita eius seruitio læti vacare poterimus. Cum autē contagium vagans præsens erit, caueāt homines frequentia multitudinis, societates, negotia, habitationes locorum vbi vigeat morbus, nihil contrectent eorum quæ ab ægrotantibus tacta sint, vel in eorum venerint vsum, & nō tantum ægrotatium, sed etiā astantiū ministrorū, & omnium rerum eisdem inseruientiū contactum & consuetudinem fugiant. ita enim a febre pestilenti, si per contagiū solum inuadat, præseruari poterunt. Quoniam autem aliquando necessitate coacti, vel mala fortuna ducti homines cōsuetudinem in locis illis vbi contagiū viget, habent, vel in aere vitiato habitant, licetq; omnia quæ pro propulsanda aeris praua qualitate agēda sunt, facta sint, nec tamē ea potuerit superari; ideo quid his faciendū sit, enarrare debemus. Hilarales hi viuant, domi omnia munda habeant, & præcipue vestimēta, quæ admistis ferris, floribus, corticib. & ramusculis rerum refrigerantium & siccantium ac suaue olentium, admista tamen porriuncula quæ ad penetrationem prædictorum faciat, alicuius aromatis reposita fuerint, sæpiusque in vestiēdo permutētur, & ablata vel reposita sæpius euententur & baculis concutiantur. linea autem indumenta cum lota fuerint, & medio modo exsiccata, irrorentur aqua rosacea, & postea ad vsum siccata reponantur. Vitētur potissimum pellicea, gossipina & lanea, quoniam

Cōtagio vagante, quomodo præparands homines.

In pestilenti aëre statu vel cōtagio quomodo homines re-gere se debeant.

hæc facilius omne inquinamentum admittunt & conferunt; diluant nares & aures aliquo grato odoramento; gestent chirothecas ab unguentario luavi liquore delibutas: in quorum præparatione vitetur ea quæ summum & grauem odorem habeât, qualem præcipue zibetum dictum habet; sæpius manus abluant aceto rosaceo & aqua rosacea simul mixtis; componantur pile odoratæ, quæ ex diuersa sint materia, prout diuersus est animi status, & diuersa aeris constitutio; manibusque ad odorandum gestentur, in quem usum etiam venire possunt Citria, poma aurantæa, cidonia mala, & alia consimilia odorata manibus gestata; sordida omnia & male olētia reijciantur e thalamis; excrementa statim exportentur; nec in victu vllum eduliorū genus veniat, quod prauū sit odoris, sicuti allium, cepa, porrum, radices aciores & consimilia, quoniam hæc tetto illo odore & interius & exterius hominem conturbant. Temperate hi viuant, cibarijs optimi succi vtantur, abstineant a generosis & potentib. vinis, nihilque eorum quæ prauum succum generare possunt, in hunc usum admittant, sicuti sunt horarij fructus, radices & herbæ aciores, olera male olentia, vitata alimenta male præparata, potissimum autē omnia pingua & oleosa: exercitium sit leue & temperatum, & hora conuenienti factum, fiatque in aere qui arte sit expurgatus: somni mediocres sint, pro cuius consideratione maxima habeatur lecti ratio, cum in eo diutius morari homo debeat. hic enim præparetur odoramentis, & mundus sit ab omni sorditie, lintheaminaque nitida sint, & sæpius permulentur, nec ad intra cubiculum aer nocturnus ingredi permittatur. Veneris vsus fugiatur, balnea vitentur, mundum tamen sit corpus ab omni sorditie & immunditia. Præscripta autem tali victus ratione,

*Medicamē-
ta exterius
administrā-
da in præser-
uatione a
febre pesti-
lenti.*

veniant ad præseruationem in usum medicamenta, quæ duorum sunt generum. alia enim exterius applicantur, alia interius sumuntur. Exterius erunt epithemata, inunctiones, linimenta, emplastra, sacculi ex floribus, ex aromati-
bus, ex radicibus, ex gummis pulueribusque diuersis for-
mati, supraque regionem cordis appositū. An autem ad præ-
cauendam aeris pestilentem qualitatem faciant & res ve-
nenatæ exterius appositæ, sicuti arsenicum cristallinum,
auri

auripigmentum, & sublimatum, cordi appositum; satis dubium esse potest, cum alexipharmaca venena esse non debeant, ac esse possint; tamen experiētia hoc attestatur proficuum esse. alloquutus sum ego homines, qui huic solo præcipue remedio attribuunt, se fuisse in pestilenti aeris statu, dum alios curarent & pertractarent, saluos & præseruos. quod etiam forsā rationem aliquam habere potest, cum enim aer prauus in pestilenti statu semper inspiretur, indeq; ad cor transmeet, appositum hoc remediū ratione consimilis venenatæ qualitatis potest internā similiter venenatam extrahere, eandemq; ratione caliditatis, cum sit causticæ facultatis, ad extra euocare. Deleteria. n. venena (dicebat diuinitissimus Galenus) euacuuntur a foris impolitis medicamentis duplici via, nempe aut caliditate attractiōem molientibus, aut totius substantiæ similitudine. cuius ratione experiētia testatur, percussos a scorpione ab eodem appposito sanari. Cur autem in pestilenti aeris statu prædicta, & non alterius generis venena possint hominem præseruare, forsā hoc ea erit ratione, quia ultra venenatam qualitatem quam possident, sunt etiam summe sicca. unde vehementia exsiccationis possunt quæque humiditatem & corruptionem noxiam, discutendo omnia inquinamenta pestis, disperdere, indeque cor tum discutendo exteriū, tum ab internis caliditate & similitudine attrahendo immune a pestilenti affectu reddere. A cuius analogia permotus & arguens, etiam in tali casu laudarem omnia ab interiorib. ad exteriora prauos humores attrahentia, sicuti rubificatiā, vesicatoria; exulcerantia, & consimilia rationabili via apposita & præparata, quorum merito Ichores prauī in corpore existentes, cum omnium humorum ad corruptionem sint paratissimi, extra ducantur continuoq; ductu euacuentur. Quapropter non sit mirum, cur in pestilenti constitutiōe homines, qui vlcerationes & cauteria habeant, alijs facilius præseruentur. Interius autem fumantur ea medicamēta, quæ resistere prauæ qualitati & venenatæ, eandemq; superare valeāt, quæ in duplici sunt differentiā. alia enim sunt simplicia, alia composita. Simplicia erunt bolus armena, terra Melitensis, Auatolia, sigillata, lapis bezearticus, dictamnus albus, ruta capratia, pestilenti.

*Venenata
medicamen
ta exterius
applicata
an faciant
ad præserua
tionē a feb.
pestilenti.*

*Lib. 5. de
simpl. med.
facul. cas.
18.*

*Medicamē
ta internis
sumenda in
præserua
tione a feb.
pestilenti.*

ruta communis, heptaphyllon, pentaphyllon, tormentilla, citri semina, eiusdemque cortex & aciditas, Valeriana, calendula, scordeum, acetosa, Elenium, Gentiana, Zedoaria, Angelica, imperatoria, aristolochia, dictamnus Creticus, asclepias, Vincentosicum dictum, agrimonia, scabiosa, melissa, rosæ, iuniperi & lauri baccæ, lapilli preciosi, inter quos præcipue primum habeat locum smaragdus, margaritæ, coralli, os de corde cerui, cornu ceruinum, cornu Unicornis, & plura alia consimilia, ex quibus vel pulueres parari possunt, qui vel cum vino, vel cum aqua, vel cum vino aqua temperato, vel cum iuice (prout cæli constitutio, anni tempus, regio, & assumentis temperamentum & status indicabunt) sumantur, vel ex herbis succi exprimantur, qui depurati in potum accipiantur. Composita autem diuersa sunt. alia enim simpliciora, alia magis composita sunt. Simpliciora erunt, vt conserua citri, conserua acetosæ, conserua scordei, conserua scabiosæ, saccharum rosatum, syrupi parati ex succis prædictarum plantarum, dianthos, pulueres ex terris, lapidibus, radicibus, herbarum folijs, seminibus, margaritis quomodolibet facti, Diataffaron, Mithridati, pluraque alia quæ ex simplicibus facile parabilia sint. Composita autem maiora erunt confectiones magnæ, sicuti Theriaca, Mithridatum, Antidotus è sanguinibus, Electuarium de gemmis, Diamargariton, plurimæ aliæ antidoti, tum ab antiquis tum a recentioribus inuentæ & in usum expositæ. quarum descriptiones ab eis petantur, rectæque ratione in usum veniant, semper respiciendo cæli statum, anni tempus, regionem, & assumentis temperamentum, eiusdemque facilitatem vel difficultatem in assumendis medicamentis. hinc enim habebitur præparationis qualitas, & an suauia vel insuauia sint propinanda. Qui vrinam humanam propriam, & quorundam brutorum animantium (inter quas omnibus præferendam ducunt hircinam) pro antidoto ad præseruandum laudauerunt, etsi vtile sit medicamentum, adeo tamen immundum & sordidum ac inciuile proposuerunt, vt censeam in tanta salutarium remediorum copia ciuiles ac modestos homines ab his merito abstinere posse. His ita pro præseruatione respectu causarum externarum expli-

minus composita.

maiora composita.

explicatis, ad internas sermo transferatur. Internæ sunt plethora, cacochymia, & obstructions. plethoram intelligo plenitudinem quo ad vires, quoniam hæc est ea, a qua periculum corruptionis ratione, qua a grauatis viribus humores facile nõ reguntur, impêder. Hanc fere omnes scribentes docent venæ sectione tollendam esse: quæ sententia indiscriminatim non est recipienda, quoniam hæc semper & in omni casu non conuenit. hac autem distinctione vel veniat, vel non veniat in vsum sectio hæc: sub cælo salubri vere & autumnò admittatur: ac in media æstate vel hyeme, & in regionibus ac constitutionibus vel calidioribus vel frigidioribus non est admittenda. hinc enim corpus nimis refrigeratur, illinc autem nimium absumitur: nec tutum est, corpora sana his impendentibus euacuare. Si autem pestilens aeris status fuerit, nunquam pro tollenda plenitudine, quo ad vires, venæ sectio mea sententia in vsum veniat. cum enim euacuatio hæc plurimum exhauriat spiritus, plurimumq; corporis humores commoueat, facilius inspiratus aer pestilentem imprimet actionem, difficiliusque, si morbus superueniat, ab eodem patiens ob vires ex sectione venæ labefactatas euadet. cuiusmodi enim in his qui post sectam venam venenum hauserunt, facilius hoc penetrat, difficiliusq; hi ab eodem liberantur, (quod maxime animaduertant hi qui veneni suspicionem habent) pariter sub cælo pestilenti hi qui sano corpore venæ sectionem admittunt, aeris prauam & venenatâ qualitatem facilius concipiunt, ab eaque deterius habent, maioriq; cum discrimine saluari possunt. quare non sit mirum, si Galenus nusquam in præseruatione a febre pestilenti venæ sectionis meminit. quod attestari potest, illam in tali casu eum abhorruisse, & ideo nec conuenire, & maxime cum docuerit plenitudinem hanc non semper venæ sectione tolli debere: sicuti quando vel ratione humorum in corpore existentium, vel ratione constitutionis aeris, vel ratione temporis anni, vel ratione habitus mollis & temperaturæ humidæ, vel ratione alicuius alterius affectus timetur superuentura virium labefactatio, quæ cum maxime timenda sit, maximeque immineat sub pestilenti cælo, a consimili doceat a venæ sectione in tali

Plenitudo quibus tollenda sit in præseruatione a feb. pestilenti.
Venæ sectio an conueniat in præseruatione a feb. pestilenti.

Lib. p. de diff. febr. cap. 4.

Lib. de sang. mittendi ratione, cap. 6.

*Plenitudo
quo ad vires
non semper
tollitur se-
cundum Venæ.*

aeris statua nobis abstinendum esse, eoque magis, quod facile inedia parciore ac tenuiori victu, lubricantibus alui ac mundificantibus sanguinem, grauata natura exonerare possumus. hinc enim tenues humorum partes halitu dissipate, crassiores attenuare, corpus peruium reddere, & excrementa facile excludere poterimus, quibus plenitudinem imminuere primo, postmodum etiam in totum de medio tollere, alleuiata natura, valebimus. nec hinc virium labefactatio timenda est; nec per hoc in interna transitus pestilentis affectus tradetur. imo hinc vires exonerata natura, nec admissa aliqua spirituum resolutione, validiores factæ corpus exuberanti materia leuius redditum, superfluitatibusque inedia exsiccatum, facile regent, ab omni in iuriâ externa idem tuebuntur: quod est id forsitan quod dicebat Galenus, docens corpora humida exsiccanda esse, talique via a pestilenti posse præseruari febre. nam talis plethora potius habet rationem excrementorum abundantiam, quam plenitudinis optimi sanguinis. Qui autem docuere, secandam esse venam abundante sanguine; vel errarunt, si loquuti sunt de hac plenitudine; vel superflui fuere, si de simplici abundantia boni sanguinis sermonem habuerunt. tum quoniam ab hac febris pestilens non impendet, tum quoniam bonum est in hominibus sanguine abundare, cum ab hoc præcipue vita & eius dependeat conseruatio. Qui si redundet adeo, ut vasa distendat, factaque sit ab eo plenitudo quo ad vasa; licet hæc soluenda sit venæ sectione, tamen non est casus noster: quia hinc non febris pestilens, sed vasorum disruptio, caloris natui extinctio, & inopinata ac repentina mors subsequi solet. Quamuis autem sub celo pestilenti plethora, quo ad vires, venæ sectione tollenda non sit; tamen considerantes ipsius causas, aliquando aliquas admittimus sanguinis minutiones. si enim non ratione victus tantum, sed etiam

*A plenitu-
dine boni
sanguinis
non impen-
det feb. pe-
stilens.*

*Plenitudo
quo ad vires
sub pestilen-
ti celo quæ
dosis tollen-
da sangui-
nis missio-
ne.*

ratione qua aliqua consueta sanguinis euacuatio cohibita fuerit, incidat hæc plenitudo; ultra præscriptam viuendi rationem adhibitam, quæcunque sit illa solita euacuatio, prouocetur. Vnde si mulieribus hoc ratione suppressionis menium eneniat, laudo inferiorum venarum sectionem, quæ cum non ita spiritus, ut in cubito, exhauriat, potest absque

absque impendente discrimine simul leuare naturam, mensisque proritare: quod idem assero in his quibus hæ-
 morrhoidum consuetæ excretio retenta fuerit: nam his
 prouocandæ sunt. cuiuscemodi etiam in his, qui per inter-
 ualla, & maxime florenti ætate, sanguinis per nares fluxū
 patiuntur, idem agendum esse confirmo. ad quas tamen
 euacuationes, non præexistente consuetudine, nunquam
 absque noua & instante indicatione descenderem. Caco-
 chymia succedit tollenda, quæ duplicem habet differen-
 tiam; nam aliquando quantitate, aliquando qualitate
 humores peccant: quantitate, cum supra alios, vel supra
 consuetam naturæ portionem redundant: qualitate, cum
 in proprio temperamento excedūt, vel in propria substan-
 tia peccant. Vtrisque debetur purgatio, & cum hoc disci-
 mine, quod in illa lateat, primo peritum & fluidum red-
 dere corpus: sed in hac ultra hoc & contemperandi sunt
 humores, eorumque substantia moderanda: postea pur-
 gandum est. concocta enim euacuare, fluidaque ante ex-
 purgationem corpora facere oportet. Quæ autē debeant
 esse ista, quæ in vsum tum pro concoctione tum pro edu-
 ctione veniunt, indicabunt humores peccantes, quorum
 singuli habent propria medicamenta. hæc autem cum
 hac consideratione exhibenda erunt, vt præcipue ea con-
 coquentia in vsum veniant, quæ putredini & corruptioni
 resistere queant, vt in bile acetosa citri succus; in pituita
 scordeum, dictamus albus; in melancholia fumaria, bora-
 go, & consimilia alia, quæ simul cum his quæ bezeartica
 habeant facultatem, permiscenda erunt. Pharmacum au-
 tem exhibendum indicabit & humoris species, & qualitas,
 & locus vbi insederit. ab humoris specie habebimus, quod
 medicamentum assumendum sit, videlicet an quod bilem,
 an quod pituitam, an quod melancholiam educat. a qua-
 litate habebimus, an debeat esse id quod humores te-
 nues, vel id quod crassos euacuet. a loco autem, an id
 quod a remotis, an id quod a proximis ducat locis, & an
 validius vel imbecillius esse debeat, in qua tamen exhi-
 bitione hoc animaduerto, quod leuia potius quam gra-
 uia, & ea quæ nullam habent deleteriam & prauam ma-
 lignamve qualitatem, semper eligantur pharmaca. imo

*Cacochy-
 mia ex qua
 imminet
 febris pesti-
 lens, quomo-
 do tollenda
 sit.*

cum his aliqua bezeartica, & quæ vim propulsandi præuam qualitatem habeant, nunquam non sunt permiscenda, ne ex euacuatione vlla subsequatur iactura. facta autem humoris peccantis educatione, aliquæ exhibeantur antidoti ad muniendam corporis molem cum hac consideratio. ne, vt pro ratione habitus, complexionis, aeris, regionis & loci conueniant; nam non omnia omni tempore & loco congruunt. calidiores enim antidoti nec in media æstate, nec in regione calidiori, nec loco Soli exposito, nec temperaturæ & habitui eiusdem qualitatis sunt commodæ. quare summa cum animaduersione hæc pertractentur & exhibeantur. vnde modo simplicia, modo temperata, modo diuersimode præparata & composita, non autem vni. co semper eodemque pacto admittantur. Obstructiones quæ inter causas internas tertio loco enumeratæ sunt, veniunt considerandæ, non tanquam præsentēs, sed tanquam futuræ. vbi enim præsentēs sunt obstructiones, si non pestilens, saltem vulgaris subsequitur febris, pro rationeque obstructionis & materiæ contentæ, modo huius generis modo illius gignitur. si enim obstructiones paruæ, & materia contenta fuerit suavis, excitatur vel diaria vel synocha sine putredine. quod si oppositum contingat, videlicet quod obstructiones sint validiores, & materia contenta ignea & acris, fumosa vel fuliginosa, putrida succedit febris. Vnum tamen casum excipio, scilicet cum sanguis optimus abundat, nullo inquinatus humore superfluo: corpusque leuiter sit obstructum, inquieteque degat. nam in talibus non febris, sed plethorica superuenit dispositio, remanentibus his quæ exercitanti excerni oportebat: hoc enim excepto casu, obstructionibus præsentibus semper febris subsequitur. quare cum intendamus corpora sana & non morbida præseruare; iure dictum est, has obstructiones a nobis non tanquam præsentēs, sed tanquam futuras considerandas esse. Si autem vt futuræ cōsiderari debeant, ab earum causis indicationes remouendi eas desumendæ sunt. Causæ autem obstructionum tres sunt, scilicet multitudo, crassities, & lentor humorum peccantium. quare si futuras obstructiones impedire voluerimus, causas has submouere conabimur. multitudo, quibus tolli debeat,

ex præce-

*Obstructio-
nes quomo-
do tollenda
sunt sub pe-
stilentis calo.*

*Lib. de caus.
morb. cap. 3.*

*causa obstru-
ctionis huius
est.*

ex præcedentibus habeatur: crassities incidentibus & apertis, lentor autem obstergentibus remoueat. quæ autem ista sint, non recenseo, quoniam hæc & similia artem hanc cum ratione exercenti patere debent: plurimæque horum est sylua, a quibus selecta accipere debemus, cauentes semper, ne ea quæ prauis odoribus malæque qualitatis sint; in hunc usum veniant, sed ea quæ magis suauius, magis domestica & magis familiaria, & quorum natura benignior est & nostræ accommoda, accipienda sunt, quoniam præseruationem tentantes, nec hominem conturbare, nec ei ullam noxam inferre debemus, sed victu & medicamentis facilius hoc agentes, peruium & patens reddere corpus totum debemus, ut inde omnis excrementorum moles facile excludi & exterminari queat. *Et hæc de præseruatione a pestilenti febre sufficiant.* De præcustodia autem quam alijs debemus, ubi nouerimus, quempiam tali febre extinctum fuisse, pauca erunt dicenda; cum ea quæ dicta sunt pro præseruatione, in utilitatem huius partis assumi possint. quibus hoc unum tantum addatur, quod si contagij non fuerit suspicio, nec caelum sit ullo pestilenti affectu inquinatum, sat erit omnia munda reddere. at si contagij vel aeris pestilentis suspicio ulla aderit; vestes, linteamina, cæteraque supellectilia quæ in usum ægrotantis venerunt, euententur, ventis Aquilonijs exponantur, fluenti aqua depurentur, liquoribus odoratis irrorentur, sub dio locentur, baculis agitentur, igne odorato suffumigentur. & si valida fuerit suspicio, vel sint res quæ supradictas præparationes & expurgationes non admittant, comburantur. astantes & ministri in locis separatis secludantur, & a pestilenti febre antidotis muniantur, domus expurgentur, cubiculi emundentur, tandemque omnia pestis inquinamenta discutiantur ac dissipentur. ita enim incolumes & intacti cæteri homines ab hac lue conseruabuntur.

Præcustodia alijs debetur, ubi quis feb. pestilenti sit moriurus.

*De Curatione febri pestilenti, Et an in ea sis
secunda Vena. CAP. XXI.*

His de præseruatione & de præcustodia explicatis, tandem ad ipsam curationem, in cuius gratiam fere

omnia prædicta enarrata sunt, descendamus. Febris hæc dupliciter euenire consuevit, alias sub cælo pestilenti, & hæc habet causam præcedentem connexam; alias sub cælo salubri, & hæc habet tantum causam internam. communicant hæc in eodem, quoniam in utrisque ultra putredinem adest venenata & perniciosa qualitas, quæ earum proprius est characterismus, per quam ab alijs hæc differunt putridis febribus, sed ab inuicem in hoc distant, quod praua hæc qualitas quæ a corruptis humoribus pender, in primis a causa externa, in secundis ab interna procedit. corruptio enim humorum, a qua ista pernicies emanat, sub pestilenti cælo ab infecto aere solum in ipsos humores introducit. at in his quæ sub cælo salubri contingunt, labes ipsa non ab aere, nec a causa externa, ubi hoc contagij ratione non contingat, sed ab intima humorum ipsorum prauitate dependet. quare vnica erit, eademque ambarum essentia, & per consequens vnica eademque curatio, cum hac tamen distinctione, quod in pestilenti aeris statu, quantum poterimus, aeris prauitati & sœuitiei erit resistendum, ut prauæ qualitatis tum efficientem, tum conseruantem tollamus causam. quoniam autem de hoc satis superque abunde actum est, dum de præseruatione ageremus, illuc recuratur, ut huic indicationi satisfaciamus, descendamusque

Febris pestilens intentiones curationis.

ad ponendam declarandamque curationem. In hac febre ultra intemperiem calidam & siccam, omnibus febribus communem, sunt duo præcipua. alterum est perniciosa & praua qualitas; alterum est putredo: quibus positis, hæc indicationes erunt desumendæ. qua febris, est refrigerandæ & humectandæ; qua venenata adest qualitas, remittenda proprijs antidotis & superanda est; qua putredo inest, & putredo hæc in materia corrupta fundatur, quod in totum putruit, est euacuandum, quod nondum confirmatum est putridum, est exsiccandum & alterandum & contemperandum: quoniam autem putredo hæc ab obstructione vel causatur, vel fouetur, ideo hæc tollenda. Et quoniam obstructionis causa est vel plenitudo vel crassities vel lentor humorum: ideo materia minoranda est qua multa, attenuanda qua crassa, abstergenda qua lenta. His habitis indicationibus, quo ordine omnia exequi debeamus, re-

Prognosis.

Et con-

Ne consideranti patere potest, cum enim via resolutiua om-
 nines inuentæ sint, a quibus ordiendum & progrediendū
 sit, innotescet: sed ut rem ipsam clare & breuiter expona-
 mus, recte agemus, si ita ordinate in explicandis indicatio-
 nibus procedemus, videlicet ut primo minoranda sit ma-
 teria, secundo exobstruendum, tertio alterandum, exsic-
 candum, contemperandum & euacuandum, vltimo erit
 refrigerandum & humectandum. His indicationibus an
 arte possimus satisfacere vel non, & an ægrotantes saluari
 vel non saluari debeant, licet auctorum morborum (inter
 quos connumeretur & febris pestilens, quæ licet ex longis
 ut experientia multoties, utque Hippocrates testati sunt,
 esse possit, tamen ut plurimum est acuta, & aliquando acu-
 tissima existit) non ita certæ sint prænunciationes aut sa-
 lutis aut mortis, poterit tamen in his Medicus facile futu-
 rum euentum præ sagire. cum enim hi morbi huiusce sint
 naturæ, ut plurimi ex his male terminentur, plurimosque
 perdant, tamen rectissime a prudenti artifice tracten-
 tur; ideo, mortem potius quam salutem prognostican-
 do ex hisce febribus, semper malum prænunciare de-
 bet, potissimum ubi nouerit perniciosam qualitatem
 præualere, corruptionemque ac putredinem esse insig-
 nem. raro enim in consimili casu salus consequi con-
 suevit, cum vires hinc succumbere, non resistere queant.
 Si tamen venenata illa qualitas non ita valida, nec putredo
 ei connexa intensa sit, profecto si prudens exercitatusque
 & non dormitans sit Medicus, salutem quoquo pacto
 præ sagire debet, cum hinc non obruantur vires, sed ad-
 huc possint resistere, morbumque forsan facile, cum ab
 arte opportunum subsequetur auxilium, superare. Vbi au-
 tem remissa erit venenata qualitas, at putredo insignis:
 vel ex aduerso, ubi intensa erit qualitas perniciosa, at pu-
 trede remissa; erunt quidem omnes hi casus lethales,
 non tamen in periculo pares. semper enim a qualitate
 venenata maius, quam a putredine, impendet discrimen.
 In his tamen omnibus & vires omnes, potissimum vita-
 les, & ægrotantis habitus & victus præcedens, & anni
 tempus, & aeris constitutio, & regio, & an vagentur tales
 morbi, & quo pacto ut plurimum terminari consueuerint, &

Lib. 2. Aph.
 19.

Lib. 3. Epid.
post. 3. 64. &
 65.

Indicatio-
nes curati-
ua in febr.
pestilens
qua via ex-
equenda.

similia omnia consideranda sunt, vt omnibus his ante oculos positis, facilius possit Medicus vel certam salutem vel certam mortem, quantum fieri poterit, prognosticari. dixi, quantum fieri potest, quoniam in hisce morbis aliquando fiunt subitæ mutationes, vel propter subitam permutationem in iudicatione factam, vel quia noxius humor a loco nobili ad ignobilem, vel ab ignobili ad nobilem subito transfertur. Qui duo casus solent Medicum prognosticantem mendacem reddere, statumque morbi in contrariam dispositionem permutare. ex quo apparet, in talibus morbis certas non esse prænunciationes, & maxime quæ sunt salutis, cum hic sit incertus motus, & hi morbi vt plurimum in perniciem ægrotantium terminare soleant. *hac de prognostico.* quo posito superest, vt quibus remedijs indicationibus prædictis satisfaciendum sit, enaremus. Prima erat indicatio, minoratio materiæ, hanc duplici via possumus tentare. altera est sectio venæ, altera est pharmacica. de vtraque sermonem habeamus, quoniam de vtraque maximæ instant difficultates. Incipiens a sectione venæ, inuenio duas sententias ex toto oppositas. Communiter medicinam facientes, docent omnes secandam esse venam, his rationibus innixi, videlicet quoniam huiusmodi febris est ex genere putridarum, quoniam hæc morbus est magnus; quoniam cum hac obstructions adduntur; quoniam cum hac febre sæpe concitantur phlegmones & tumores, tum interni, tum externi; quoniam ex his plurimæ sunt ardentes, si non exterius, interius saltem: in quibus omnibus casibus ex Galeni sententia semper secanda est vena. quibus rationibus addunt Auicennæ non spernendam auctoritatem, qui sequutus Aetium, Paulum & Ruffum Ephesium monuit, in hisce febribus sectionem venæ conuenire, & plurimum prodesse posse. In opposita sententia sunt celeberrimi viri, qui artis nostræ studia tum docendo, tum scribendo illustrarunt. hi considerantes formam specificam huius febris, eiusdemque vltimam differentiam, per quam in esse pestilentiali constituitur, nil aliud esse quam venenatam qualitatem, qua vitales facultates summo opere labefactantur, & male simul alteratis & dissipatis ab ea spiritibus, cordeque in omnibus male affecto,

*Minoratio
ni materiam
qua via sa-
tisfaciendū
in feb. pesti-
lenti.*

*Vena sectio
an cōueniat
in febre pe-
stilenti.*

affecto, arbitrantur febrem hanc solis antidotis debere tolli, non autem venę sectione, vt pote remedio quod vires deijcere, non autem perniciosam illam qualitatem vlllo pacto domare possit; imo sicuti veneno assumpto, dicunt, si venam secueris, non solum nec secundum rationem nec recte feceris; quinimo omnes sic agendo perimes, cum in ebibitis venenis sectio venę præsentaneam afferat mortem, (quod animaduertant hi qui hausti veneni suspicionē habent) ita in febre ista, cum eius essentia in venenata qualitate consistat, nihil deterius sectione venę administrari poterit, quæ (addatur & hæc ratio) cum sanguinē, omnium humorum benigniorem partem, educat, nec venenatam qualitatem vlllo modo temperet; est in causa, vt perniciosa hæc labes, commoto & imminuto sanguine, magis concitetur, ferociaq; maiori inualeseat. cui sententiæ ad stipulatur & testimonium eorum qui artem Medicam annis illis celeberrimis millesimo quingentesimo octauo & vigesimo nono profitebantur. hi enim asseruerunt, omnes eos quibus secta erat vena, interiisse, indeq; adeo infamatum fuisse hoc auxilium, vt etiam ægre admitteretur in his qui pestilenti morbo non laborarent. Addunt hi supremam rationem, dicētes: Ultra magnitudinem morbi requiritur & virium fortitudo ad indicandam venę sectionem; at in febre pestilenti vix virtus valida esse potest, vt quæ ratione venenatæ qualitaris si nō succubuerit, saltem labatur. nam solent pestilentes morbi virtutem celerrime euertere. in qua viriū labefactione iure venę sectio excludenda venit, solæq; antidoti admittendæ erunt. Neutra horum sententia, meo iudicio, tuta est. Vltimi qui solis alexipharmacis in curatione huius febris procedendum esse iudicarunt, solam perniciosam qualitatem attendunt, putredinem autem nihili pendent: cuius tamē in talibus casibus maxima est habenda ratio: nisi enim hanc tollas, nec curari febris, quæ est putrida, poterit. hanc autem vix curare queas, nisi multitudinē, quæ & obstructions causat vel fouet, & quæ naturæ grauis est, minuas. quare antidotos quidem exhibebimus ad remittendam ptauam illam & perniciosam labem, tamen tollendę etiam putredini incumbemus: cuius causam remouere conabimur, dum euentationem exo-

Veneno assumpto secta vena patientes tollit.

nerata natura & imminuta materia tentabimus. Eorum autem sententia, qui in pestilenti febre venæ sectionem adiniserunt & laudauerunt, vereor, ne in perniciem humani generis inuecta fuerit. Vltra enim testimonia celeberrimorum virorum, qui sectionem venę nocuam in hisce morbis se expertos esse mouerunt, etiam ratio ipsa dicitur, ab ea in hisce febribus abstinendum esse, licet enim febris hæc sit putrida, morbusque sit magnus, cui connectuntur obstructions & phlegmiones, vel interni vel externi, & consueuerit sæpius esse ex ardentibus, quę omnia venę sectione iuuantur, & ideo hæc ratione videatur indicationem haberi mittendi sanguinis: tamen cum ex venenata & praua qualitate vires in hac febre succumbant, nullo modo est admittenda. quid enim prodesse potest venę sectio, quę spiritus subito & affatim exhaurit, indeque vires deijcit, vbi vires ipsę vel sunt vel futurę sunt debiles. hoc semper docuit Galenus, nunquam labantibus vniuersis. secandam esse venam, & miror ego de excellentissimis viris qui supponunt, in febribus pestiferis quam primum vires deijci, quoniam venenum huius materię totum cordis temperamentum destruat, & tamen hi postea doceant, in iisdem secandam esse venam. Quod idem dum hi adstruere nituntur ex Hippocrate, qui in omni vehemente morbo detrahendum sanguinem docuit, indicatione a magnitudine morbi sumpta; monēt, cum hic sit morbus cacoethe, & ideo magnus, in huiusce generis febribus mittendum sanguinem esse. Nec tamen hi animaduertunt sub sententia, ab Hippocrate in curatione acutorum morborum posita, per quam habet, secandam esse venam, vbi morbus vehemens fuerit, florueritque ægrotantis ætas, & virium adfuerit robur, non includi pestilentes affectus, quos in principio suę tractationis ab acutis morbis, quorum victus rationem & curationem ipse ducturus erat, excluderat & distinxerat, tanquam eos quos sub eodem examine, & docendi forma non erat comprehensurus. Quos etiam ita a propria consideratione & contemplatione, dum normam sectionis venę traderet, exclusit Galenus, ut nusquam de eis minimum fuerit verbum. Vnde licet hæc febris sit morbus cacoethe, & ideo magnus, non tamen venę sectionem

Lib. 4. de ratione vici. in acut. 19.

Pestilentes affectus non veniunt sub regulis secanda Venæ tractatu ab Hippocr. & Gal.

Lib. p. de ratione vici. in acut. 9.

tionem

ctionem admittit secundum Hippocratis & Galeni principia: qui ambo, licet in cæteris morbis qui sunt cacoethe, venam secandam esse moneant, nunquam tamē sub norma secandæ venæ affectus pestilentes admiserunt; nec eorum in tali contemplatione meminerunt, & hoc non ex negligentia aut ex obliuione, sed ex proposito & maxima cum ratione fecerunt. cum enim huiuscemodi febris ex sui natura vitalem virtutem labefactet, cordisque temperamentum facile euertat, ad indicendam autem venæ sectionem virium robur adesse requiratur; certa ratione tale morborum genus silentio (dum morbos in quibus venæ sectio conueniat, docerent) prætereundum duxerunt. licet enim hic sit cacoethe, & ideo magnus, tamē ratione virium, quæ ab eo labefactari & disperdi aptæ sunt, nullatenus venæ sectionem admittit. Quare cum sub hac vniuersali positione hi affectus non comprehendantur, & vires in hac febre labare debeant, nec in eadem secunda erit vena. At, dicent hi, in principijs harum ægriitudinum, dum morbus nondum acutus est, nec praua illa qualitas in totum suas deprompsit facultates, vires constant, tuncque his constantibus, nondumque deiectis, secunda erit vena, iuxta dogma illud antiquum Hippocratis: *Cum morbis inchoant, si quid mouendum, moue.* quare cum a morbo, cum magnus sit, indicationem sectionis venæ habeamus, nec vires contra indicent, cum nec deiectæ nec labefactæ in principio febris sint, hanc iure admittere debemus. Sed dictum istud fallax est & erroris plenum, quoniam præterquam quod regula hæc vniuersalis de indicatione venæ, sumpta a magnitudine morbi, non includat pestilentes affectus (vt explicatum est) etiam ad indicandam sectionem venæ non tantum præsentis, sed etiam futuræ validæ vires concurrere debent, nam sicut in secunda vena non tantum magnitudinem præsentis morbi, sed & futuri ac imminētis considerabat Galenus, eorumque scilicet præsentis & imminētis eandem habens rationem, ab utroque indicationem sectionis venæ sumebat; similiter in sectione venæ non solum quales sint præsentis, sed & quales sint futuræ vires, perpendendum est, ita vt cum ad hanc actionem

Lib. 2. Aph. 29.

*In indicatio-
ne sectionis
venæ notan-
tum virium
præsentium
habenda est
ratio, sed et-
iam futura-
rum.*

vires requirantur validæ, non tantum quod præsentēs sint tales, sed & quod futuræ similes esse debeant, prævidendū est. Vade in hydropē, in diabete, in lienteria, in atrophā, & alijs etiam similib. affectibus, licet hi sint morbi magni, viresque constent; quoniam tamen dubitatur de futura debilitate, ideo nullus author in curatione horum de hac meminit. hoc autem cum non sit dubium in pestilenti febre, sed certum, quod vires labefactabuntur debilesq; red-
 dentur, ad quid, tentare venæ sectionem, quam vires debiles certo subsequuturę sunt? Et si Galenus sub calidissimo celo & in regione æstuosa, & corpore laxo & molli & pingui & albo & gracilium venarum, morbo existente magno, & viribus constantibus, prohibet & abominatur sectionem venæ, quoniam dubitat de futura virium debilitate; & si idem, hanc virium imbecillitatem reformidans, in magnis æstibus, a sectione venę abstinet, abstinendumque esse docet, etiam si morbus sit magnus, florensque; ætate sit æger, & vires simul constent: cur eundem in pestilenti febre audebimus nos procurare, in qua certi sumus de futuro virium languore? quare non est mirum, si Galenus, in libro De cibis boni & mali succi, audaces eos vocat medicos, qui audebant in pestiferis illis febribus venam secare. nec mirum etiam sit, si idem Galenus, qui sæpius (obiter tamen & non ex proposito) de pestilenti febre loquutus est, de eadem sermonem habēs, nunquam meminerit sectionis venæ: quoniam placitis Hippocratis addictus, proprijsque fundamentis innitens, cum nossēt huic febrium generi virium imbecillitatem copulari, nec sectionem venæ in harum curatione proponere, nec eam admittentes laudare poterat. cuius sectionis venæ in hac febre si vsquam meminisse debuisset, hoc fuerat, dum quasi ex professo præseruationem huiusce morbi doceret, cum ipse explicans in proprio libro rationem curandi per sanguinis missionem, monuisset ex Hippocrate, eandem haberi rationem præsentis & imminētis magai morbi, ac tradidisset quæcunque morbis præsentibus recte peraguntur, aut incipientibus, aut imminētibus præuertenda ac exequenda esse: quod cum non egerit, eiusque nec verbum in præseruatione pestilentis febris fecerit, firmum sit argumentum,

*Lib. 2. Meth.
cap. 14.*

*Lib. 4. de ratione
vitalis
cap. 19.*

*Lib. p. de
diff. febr.
cap. 4.*

*Lib. de cur.
ratione per
sang. miss.
cap. 9.*

tum, ipsum non, eandem esse in curatione admittendam, censuisse. At instabant hi ex sententia Galeni, in historia Critonis in Thaso habitantis exposita, per quam innuere clarissime videtur Galenus, in pestilentibus morbis a principio secandam esse venam, dicens non mirandum esse, si in Critone Hippocrates non secuit venam: *scia enim* (inquit) *ad plurimos eum quos descripsit agrotantes, morbo iam progresso, accersitum esse.* per quæ verba clare docet, quod si ipse vel Hippocrates in principio morbi adfuisse, venam illi secuisset: cuius ratione, monent hi, nunquam a Medico cogitandum esse de sanguinis missione, quoniam timent virium languorem, nisi in principio morbi vocentur; tuncque hanc administrandam esse, quanquam magna adfit in ægrotante prauitas humorum, a qua coniungunt morbum pestilentem esse. Credo ego (parcant mihi hi celeberrimi viri, quibus omnib. tam mortuis quam viuentibus, in hanc sententiam consentientibus, lubentissime & iure cedo) hos in hac Galeni sententia hallucinatos fuisse, hocque duplici de causa: primo quia arbitrari sunt, Critonem & omnes ægrotantes qui cum ipso in eodem catalogo descripti sunt, sub pestilenti ægrotasse consti- tutione: secundo quia iudicarunt, Critonem ipsum a pestilenti morbo detentum fuisse: quorum vtrunque mea sententia falsum est, vt nunc clarissime demonstrare conabor. Omnes ægri, quorum historiarum cum Critonis morbo enumeratæ sunt, in Thaso sub tempestate tertia, ab Hippocrate descripta, laborauerunt: quod ex pluribus clare apparet, primo quidem, cum in communi tempe- stas enarratione explicaret, quæ febribus ardentibus accidebant; dicebat, quod quibus rite & largiter sanguis per nares erupisset, hi maxime omnium seruabantur, quod exemplo patuit Metonis: quibus autem stillauerit quarto & quinto die, mortuos esse: in cuius testimonio præcipue affert Philisci exemplum, cuius historia prima in ordine est enarrata, in qua hoc potissimum habetur, quod quinto die ei stillauit sanguis e naribus, sexto autem mortuus est. dicebat etiam, quod quibus sanguis non profluxerat, sed tubercula post aures apparuerunt, & non suppuraerunt, his in coxam grauitas decubuerat: cui simile in

Lib. p. Epid. sect. 3. com. 25.

Crito, de quo Epid. an sub pestilenti cō

laborauerit. Lib. p. Epid. sect. 2. com.

63. Lib. p. sect. 3. tex. 23.

Lib. p. Epid. sect. 3. tex. 17.

Lib. p. Epid. sect. 2. tex. 67.

Lib. p. Epid. sect. 3. tex. 26.

Lib. p. Epid. sect. 2. tex. 68.

Lib. p. Epid. sect. 3. tex. 30.

Clazomenio videri potest, in quo non fluente sanguine, & apparentibus tuberculis post aures, & non suppurantibus, coræ dolor vehemens subsequutus est. subiungebat, mulieres non ita ut viros ea constitutione periclitari, ut Meli-

Lib. p. sect. 3.
sex. 20 & 27 dx contigit; tamen vero gerentes a partu in ægritudinem incidisse, quæ potissimum moriebantur: quod clare patuit

ex historia tū vxoris Philini, tum vxoris Ixomedæ, in quibus licet purgationes rite processissent, & reliqua quæ a puerperio requiruntur, recte habuissent, tamen ardentium febrium quæ tunc vagabantur, violentia extinctæ fuerūt.

Lib. p. Epid.
sect. 2. sex. 79 Explicans etiam signa, quibus præcipue ægrotantes seruabantur, vltra sanguinis narium fluxum (de quo iam dictum est) addebat, eos qui per ventrem turbida & biliosa excreuissent, vel qui in dysenteriam incidissent, seruari:

Lib. p. Epid.
sect. 3. sex. 26 quod Clazomenio qui iuxta Phehicidæ puteum decumbebar, contigit. hic enim saluatus est ex alui fluxione, qualis dysentericis euenire solet: pluraque alia sunt, quorum particularis historia communi correspondet enarra-

tioni, quæ, ne longior sim in re clara, prudens prætereo. liquet igitur, ægrotantes hos, vna cum Critone descriptos, ea tempestate ægrotasse quæ tertia in Thaso ab Hippocrate describitur. hoc autem habito, clare apparet, hos ægros sub pestilenti cælo non laborasse. cum enim tempestas illa statum habuerit frigidum & siccum & ex parte inæqualem, indicium est certum, nec potuisse esse pestilentem. hæc enim aeris constitutio licet morbos vulgares, non tamen pestilentes edere potest. Quod etiam tempestas illa non

Lib. p. Epid.
sect. 2. sex. 61 fuerit pestilens, Hippocratis verba euidenter commonstrant. cum enim dixerit, ea tempestate vulgasse ardentes

febres; dicebat, vere & æstate plurimos hac febre laborantes superstites fuisse, quod non conuenit epidemijs pestilentibus; solo autem autumnio plurimos periisse: ab æquinoctio vero vsque ad Virgilias & sub hiemem multos obiisse testatur: cum tamen nec multos, nec plurimos solum in pestilenti aeris statu, sed ægrotantium maiorem partem mortem oppetere conueniat. præterea

Tex. 62.
Tex. 73. his febribus ardentibus & phrenitide laborare & periclitari non omnes asseuerabat, sed eos tantum qui ætatis calidioris essent, ac naturæ quæ difficilem haberet habitus

Tex. 78.
digestio.

digestionein, & pestilens constitutio non vnicam ætatem nec vnicam naturam, licet hæc facilius quam illam, omnes tamen aggreditur. Quare hinc pateat, tempestatem hanc pestilentem non fuisse, & ideo nec ægrotantes illos ratione constitutionis aeris pestilentibus laborasse affectibus. Hoc explicato, perscrutemur, an Crito pestifero morbo detentus fuerit, quod non ex aere ambiente tali morbo potuerit laborare, ex præcedentibus satis liqueat, quare cum ratione causæ externæ hoc non potuerit fieri, videamus, an ratione causæ internæ, videlicet ratione humorum propriorum, hoc factum fuerit. Affirmant hi, morbum Critonis pestilentem fuisse, si nō aeris merito, saltem humorum ratione, ad intra corpus existentium; ducti verbis Galeni, æstentis magnam in eis prauitatem fuisse, ratione cuius futiosa insania excitata est; prauitatis autem indicium extitisse, quod pustula nigra statim in eo apparuissent, a qua prauitate arguunt & concludunt, morbum hunc fuisse pestilentem. At non hæc, sed opposita sententia a me probatur: quoniam si perpendamus Hippocratis historiam & Galeni expositionem, duo tantum in Critone inueniemus; alterum, materiæ copiam; alterum prauitatem, quod a copia materiæ affectus pestilens non causetur, liquet, quoniam si hoc esset, omnis morbus a multitudine & copia pestilens esset, quod rationi & sensui contradicit. Hoc idem de prauitate in ætate affirmo, si enim prauitas materiæ sufficiens causa esset ad constituendum pestilentem affectum; omnes morbi a bile atra, ab æruginosa, ab istatode, a pituita falsa & similibus prauis succis pendentes, pestilentes essent: quod tamen sic uti falsum est, ita nulla ratione nullaque antiquorum autoritate comprobari potest, prauitas quidem succorum vnum est ex his, per quæ disponūt corpora ad pestilentem morbum, nisi tamen his addatur corruptio, quam superius satis superque abunde demonstrauimus, necessario concurrere in cōstituendo pestilenti affectu, nō potest illa mala & perniciosa qualitas, per quā ab alijs specificantur pestilentes morbi, ex illo succo emanare. Vnde cū in Critone corruptionē prauotū humorum nullo pacto conijcere valeamus, nō possumus nō negare, quod pestilenti morbo

*Crito an pe
stilenti mor
bo laboraue
rit.*

*Lib. p. Epid.
sect. 3. cō. 25.*

*Prauitas
materiæ an
sit indicium
sufficiens
pestilentis
morbi.*

affectus non fuerit. fateor tamen, in hoc ægrotante prauitatem insignem fuisse, copiamq; humorum maximam. humores hi erāt duplices, alter bilis acris & mordax (mera enim erat, & copiose per aluum excreta fuit) alter erat bilis atra, quam natura cū ad crus deriuare molita esset, idq; membrum omnem humoris molem capere nō potuisset, residuū recurrens ad caput ascendit; vnde duo consequuta sunt, scilicet pustulæ nigræ, & insania furiosa: & hoc iure, vt monebat Galenus, explicans Hippocratis locum, docentis quæ in medicationibus educere oporteat; vbi declarabat, ab atra bile fieri pustulas nigras & deliria, cui ira, temeritas atq; immanitas coniunguntur. Cum autē hi duo humores in Critone quantitate superabundantes, & qualitatis prauitate insignes, in principio morbi ita violenter commoti fuerint, vt deiectiones plures meræ & biliosæ descenderent, factusque fuerit in crure vsq; ad talum abscessus a materia, cuius portio ad partes superiores recurrens, cerebrum occupauit, ita vt simul & ad superiora & ad inferiora materia commoueretur; non mirum, si celeri morte præuentus fuerit, in Critone enim decretoria, nō decernentia, cum symptomata & signa letalia (vt pustulæ nigræ & insania furiosa) his annexa essent; letalia existentia, iuxta Hippocratis dogmata mortem instare portendebant. qui etiā docebat, cruda & incocta atq; in malos abscessus conuersa, mortem aliquando indicare, vt factum est in casu isto, qui consimilis est, & cōformatur alteri eiusdem sententiæ, asserentis, morbis quibuscumque incipientibus, atra bilis siue supra exierit siue infra, letale esse. licet enim in hoc non exierit atra bilis, vel supra vel infra, supra tamen & infra commota est, & partes superiores & inferiores occupauit. qua ratione casus hic summopere letalis fuit. Mortuus est igitur Crito non vi pestilentis morbi, sed ex violentia prauorum succorum, quantitate superabundantium, cum natura, a copia grauata & a qualitate stimolata, eorum tentaret excretionem, dum adhuc crudi, & nullo pacto ab eadem natura domiti essent. quare pateat, Galeni sententiam de sectione venæ, in eius historia exponenda positam nullo pacto ad pestilentes posse protrahi febres. Sed quoniam sunt & duo alia Galeni loca, quæ

*Lib. 4. Aph.
com. 2.*

*Lib. 2. Epid.
sect. prima.
Lib. p. Epid.
sect. 2. tex. 46
Lib. 4. Aph.
22.*

quæ possent hi ad confirmandam eorum sententiam in medium proferre; ne ullus in hac te super sit scrupulus, ideo & de his duo verba habeamus, veritatemque rei patefaciamus. In historia mulieris quæ apud Tisamenum decumbabat, dicebat in fine Hippocrates: *nec erat remedio locus.* Lib. 3. Epid. per remedium admonet Galenus, interpretandam esse venæ sectionem. igitur ubi locus sit, commune facit Galenus, sanguinem mittendum esse. Similiter dum Hippocrates in historia Calui Larissæ dicebat: *Nihil remedijs est profectum,* dubitabat Galenus, an per hæc verba posset conijcere, detractus ne ei sit sanguis vel non, cum sub nomine remedij possit dici, Hippocratem missionem sanguinis appellasse. igitur & in hoc & in illo ægro venæ sectionem admittit Galenus, qui tamen pestilenti morbo laborauerunt, præcipue autem hic secundus, qui constitutioni vere pestilenti adscriptus est. At si recte hæc loca perpendamus, videbimus etiam ad rem nostram hæc eadem nihil pertinere. primo de muliere apud Tisamenum decumbente, quis affirmare potest, eam pestilenti morbo detentam fuisse? cum nec appareat ex ipso Hippocrate, sub quo cælo ægrotaverit; affectusque quo detenta fuit, extiterit ileos, ex inflammatione intestinorum genitus, morbus ex sui natura perniciosissimus ac lethalissimus, tamen si nullus addatur ei pestilens affectus: qui idem morbus etiam est acutissimus, ita ut sæpe eadem die vel postridie mortem vel saltem virium omnimodam prostrationem afferat, cuius ratione sæpissime in eo nec sectioni venæ nec alteri remedio locus esse potest. De Caluo autem illo, sicut & de cæteris post pestilentem constitutionem in eodem catalogo descriptis, qui verba & ordinem Hippocratis Galenique expositionem recte consideraverit, non poterit non affirmare, eos sub pestilenti cælo non ægrotasse, nec ex eorum esse numero, qui pestilentie tempore languerunt. postquam enim Hippocrates cõmuni enarratione & anni constitutionem, & cæli statum, & morbos subsequeutes, pestemque ipsam summo ordine explicasset, ante historias particularium morborum subiungit hæc verba: *De agris post tempestatem.* ex quibus clare liquet, non sub pestilenti cælo, sed post pestilentiam ipsam hos omnes, quorum deinde particu

Lib. 3. Epid.
sect. 2. sex. 7.

Lib. 3. Epid.
sect. 3. text.

Caluum Larissam, de

quo 3. Epid.
an laborave

rit pestilenti

morbo, &
sub pestilenti

constitutione.

Lib. 3. Epid.
sect. 3. sex. 73.

lares historias explicauit, ægrotasse. quod idem innuens clare Galenus dicebat: *sed cum hos ægros aliud morborum genus teneret, ac commemoratos ab eo in pestilenti constitutione.* quod idem confirmare potissimum Anaxionis

Lib. 3. Epid. sect. 3. ex. 81. potest historia, inter eas descripta in qua nullum omnino pestilentis morbi adest, non dicam indicium, sed nec confectura. Quapropter miror, cum tam clare loquuti sint & Hippocrates & Galenus, quomodo inuenti sint qui asserant, hos ægros pestiferis morbis ægrotasse. sed magis mirandum est de eo, qui Philisci, Sileii & Herophontis historias, tanquam exemplaria pestilentis morbi proposuit, cum toto cælo errauerit, indicans hos sub pestilenti cælo & pestilenti affectu laborasse, cum neutrum horum veritati consonet, vt supra abunde monstratum est. Caluus autem iste, de quo vltimo loco dictum est, nō ex pestifero morbo, sed ex affectu, consimili ei vi cuius & Crito extinctus fuit, necatus est. & ideo, vt vnde digressus sum, regrediar, licet in casibus prædictis ex Galeni mente venæ sectio probetur, non tamen hinc concludi potest, in pestilenti febre & in reliquis huiusmodi morbis sanguinis missionem conuenire; quæ non tantum in expressis prædictis ægrotantibus a Galeno innuitur prodesse potuisse, sed etiam in multis alijs particularibus ægrotantibus, quo-

Lib. 3. Epid. sect. p. com. 3. rum historias enarrauit in epidemijs Hippocrates, ab eo in expositione ægritudinis Pythionis supponitur patratam fuisse, licet ne verbum quidem de ea voquam fecerit, præterquam in Anaxionis historia, in qua ob nouitatem tarditatis sectionis venæ vsque ad octauam diem de eadem semel tantum sermonem habuit. Hinc igitur patet, Galenum nunquam venæ sectionis ineminisse pro curatione pestilentis febris, sicuti nec in præseruatione, quam fere ex professo docens, ne verbum quidem de ea habuit. Si autem Auicennas alterius fuit opinionis scilicet vt sanguinis missionem pro cura pestilentis febris celebrauerit, non est, quod eius authoritati tantum tribuamus, vt rationem ipsam & veritatem deseramus; & maxime cum a Paulo, Aetio & Ruffo hanc sententiam ipse non bene eorum mentem affectus, desumpserit. qui cum nō de curatione, sicut ipse Auicennas intellexit, sed de præ-

seruatione

seruatione loquerentur, hanc proposuerunt: unde id quod ipsi in præseruando laudauerunt, ille in curando admisit. quæ tamen venæ sectio quantum in præseruatione etiam conueniat, superius explicauimus, multo magis addictus Galeno & rationi, quam Paulo & Aetio, qui solū antiquorum dicta recitantes, plus authoritatis antiquitati quam rationi, cuius non multum erant solliciti, tribuerunt. Sunt tamen, qui Auicennæ prædictorumque authorum sententiam exponentes, hancque de venâ in pestilenti febre secanda difficultatem enodare tentantes, rem ita explicant. *Auicenna de sectione venæ expostio & examen.*

Febres pestilentes duplici inuadere solent ratione: aliæ ab initio pestilentes inuadunt; aliæ vero neque pestilentes inuadunt, neque vllas initio pestilentie notas secum ferunt, quæ tamen pestilentes futuræ sunt. In prioribus omnino propter virium languorem a venæ sectione abstinendum est: at in posterioribus, quas non pestilentes noveris, pestilentes tamen futuras esse suspicaris, ubi & sanguinis sit multitudo, & cætera consentiant, constantibus adhuc (quantum febris putridæ, sub cuius forma nunc rantum veniunt considerandæ huiusmodi febres, ratio postulat) viribus secanda erit venâ, cum in harum curatione nullum commodius vtiliusve præsidium esse videatur sectione venæ. hacque intentione, hisque casibus rantum asserunt, Aetium & Paulum ex Ruffo, quos æmulatus est Auicennas, in pestilentibus febribus venæ sectionem admisisse. Porro sententia hæc, quæ in duas secta est partes, quo ad primam cum nostræ ac veritatis, quantum mea fert opinio, consentiat, acceptanda erit: quo ad secundam, quoniam discriminis plena est, diligenti examine discutiatur. Febres, quæ nunc pestilentes inuadunt, nec vllas initio pestilentie notas secum habent, quas tamen suspicaris futuras esse pestilentes, hoc habent ratione causarum vel externarum vel intimarum. externæ causæ sunt contagium & ælûm pestilens: internæ sunt prauitas & corruptio humorum. ubi hoc contigerit ratione causæ externæ, si cōtagium tollas, & ambientis aeris malam corrigas (quantum arte fieri poterit) qualitatem; dico, quod tales febres rantum veniunt curandæ tanquam putridæ, non vt pestilentes: alias, contagio vagante & sub cælo pestilenti, quilibet

morbis dicendus esset, longe a veritate & ab experientia, pestilens. sique diligens sit Medicus, & æger ei obediat, ac caueat ab externis causis, non erit suspicandum de febre pestilenti: si tamen aliqua ratione prædictarum causarum externarum præsentium superesset suspicio, nihilominus curatio huius febris, cum ea non sit pestilens, non coincidet cum curatione pestilentis febris. & ideo sectio venæ, quæ in hac competit, non potest dici competere febre pestilenti. Si autem contagium non inhibeatur, nec aeris prauitas corrigatur, (quorum ratione imminet certo febris pestilens) dico in hac, ratione superuenturi affectus pestilentis, non esse (sicuti nec in præseruatione conuenire diximus) secandam venam: quoniam vbi periclitandum sit de viribus, talis euacuatio omittenda est. Vbi autem hæc suspicio contigerit ratione causæ internæ, quia in febricitante adsint prauis & corrupti humores, vel qui iam putruerint, vel qui iam putrescere incipiāt, dico hanc febrem non tantum futuram, sed a principio etiam esse pestilentem, licet hoc ab initio non ita pateat. dicoque in hac Medico qui acerrimi sit iudicij, quiq; possit illam febrem certo iudicare, ægrotantem indigere, ne indiscriminatim parata remedia cum in mortem præcipitent; censoq; in hac perinde ac in priori non esse secandā venam. si. n. in priori non est, quia vires in ea labant, secāda vena; nec in posteriori, quæ vere erit pestilens, & cuius ratione vires labefactabuntur & succumbent, eadem admittenda erit. non enim tantum, vbi vires languent, sed etiam vbi languidæ necessario futuræ sint, venæ sectio excludenda venit, cuius merito Galenus in libro De cibis boni & mali succi dicebat, non absque ratione medicos tunc temporis in illis pestilentibus affectibus a venæ sectione abstinuisse, quandoquidem vires resoluebantur. si autem huiusmodi febris a principio nec pestilens nec vlla pestilentix signa secum habere videatur, hoc non alia contingit ratione, nisi quia circa initia omnia imbecilliora apparent; & ideo cum in harum febrium initio toram non deprompserit materia peccans prauam qualitatem, cumque nondum virtutes concussæ sint, non apparent pestilentes, quæ tamen a Medico præstanti pestilentes iudicari possent. quapropter credo ego

*Lib. de cib.
boni & mali
succis in
primo.*

do ego, hanc sententiam inuectam esse solum in excusationem eorum, qui tales febres a principio non integre futuras esse pestilentes agnoscunt, indeque sine ratione sectionem venæ administrant. quas si certo indicarent, futuras esse pestilentes, non possum mihi persuadere, eos in eis venæ sectionem administraturos fore. At ultra hæc redarguat hos & confirmet, has febres ab initio esse pestilentes, numeratio dierum in hisce febribus facienda, per quam cognoscent febres has quas ab initio non pestilentes supponunt, esse a prima inuasionem pestilentes: cū hæc dierum numeratio certos nos reddat, tale genus febrium vnicam esse ægritudinem, & non duos morbos, & quoniam & crises & mutationes omnes a prima die numerabūtur. Cum autem asserunt, has febres quæ a principio nullas pestilentia notas secum ferunt, aliquando degenerare in pestilentes; vel hoc intelligunt in casu, in quo vnus morbus alteri superuenit; (& tunc cum sint extra terminos præsentis cōtrouersia, nihil ad nos facit dictum eorum) vel intelligunt in casu, in quo eadem febris quæ non erat pestilens, pestilens euadat. & tunc dico, hoc non posse contingere nisi ex causis externis, de quib. abunde superius actum est: in quo casu demonstratum est, quando venæ sectio administranda veniat, si enim ex causa interna hoc contigerit, hoc non poterit esse ratione ipsius morbi, qui sui natura prauā non est adeptus conditionem, sed hoc euenit tantum ex Medici vel ignorantia vel negligentia, seu ex ægrotantis inobedientia, aut ex importuna remediorum administratione, vel infelici & male fortunata occasione: quorum ratione licet materia putrescens, prauam acquirēs qualitatem, febrem procreare queat pestilentem; (quo casu licebit quidem stāte priori febre secare venam) nihilominus hic non erit casus pestilentis febris, nec in eius contemplationem administranda veniet hæc sanguinis missio. Qui autem semper in his casibus (cum a principio febrem non pestilentem, quam morbi progressu postea pestilentem agnoscunt, indicarint) ad nouæ materiae motum refugiāt, nunquam veræ declinationis indicia, nec veri status, nec aliorum temporum veram rationem habere possunt, sed penes hos semper omnia indistincte ac confuse manerent,

*Morum noua
materia in
febris pe-
stilen. an sit
admitten-
da.*

semper imminente motu alterius nouæ putrescentis materię, nec hinc vnquam vnitatem morborum seruare possent: quorum exempla plurima cum Hippocrates & Galenus enumerauerint, in illis tamen nunquam ab eisdem ne minimū quidem huius nouæ materię motus verbum factum est. Materia quidem pestilentis febris, quæ in loco ignobili, longeque a principalibus membris, putrescebat, ad nobilia loca & principalia membra nonnunquā commouetur ex morboque qui salubris videbatur, lethalem propalans casum, ægrotantes in extremum vitæ discrimen præcipitat: attamen hic vnica est materia peccans, & vnus est morbus, cui adaptari nullatenus nouæ motus materię potest. nihilominus hi sunt illi casus, in quibus inexpectati Medici, qui febrem a principio integre non cognouerunt, dum sæuitiem & periculum ingens ex commotione materię ad loca nobilia & principalia, dumque signa clarissima (quæ prius non ita in summo erant) febris pestilentis ex virtutum concussione & languore animaduertunt, ad nouæ materię motum confugientes, ab imperitiis non cogniti morbi se expedire nituntur. Quare si ex non pestilentibus pestilentes fiant febres, hoc non ex noua putrescente materia, sed ex causis prædictis, quibus eadem quæ prius putrescebat, materia nouā ex putredine nouāve ex causa acquirat qualitatem, continget: vnde ex non pestilentibus in pestilentes degenerabunt: in quibus semper hoc axioma verum erit, nunquam ratione pestilentis affectus secundam esse venam. Ex his igitur liquet, in febre pestilenti venæ sectionem nullatenus admittendam esse, sed cum veniat minoranda materia, sanguinemque detrahre ad exonerandam naturam & ad obstructions tollendas, & corpus euentandum non solum quandoque conueniat, sed etiam nonnunquam necessitas instet, erit ne via, qua huic indicationi satisfacere absque ægrotantis discrimine, nec vires dissoluendo nec spiritus exhauriendo, queamus: erit profecto, vt mature hanc rem consideranti patere potest. Si enim sanguinem mittamus, qui non per venam latam nec affatim effluar, quorum ratione copiosa spirituum resolutio causatur, sed qui guttatim & per angustas venas, per quas etiam consuecat natura non-

*Sanguinem
misso ad
minorandā
materiam
in feb. pest.
qua via a-
genda sit.*

nunquam

nunquam sanguinem impurum & mole grauante ex-
 cernere, educatur, huic indicationi de minoranda mate-
 ria tuto & cum vtilitate ingenti facere satis poterimus. ta-
 lis autem sanguinis missio etit per applicationem hirudi-
 num ipsi venis hæmorrhoidalibus, quibus sæpe vitur na-
 tura ad expurgandum limosum & copiosum sanguinem:
 quæ sanguinis missio vltra id quod euacuat per loca con-
 uenientia, & sæpe destinata naturali excretioni, his omni-
 bus donata est, quæ desiderare debemus in tali educatione.
 nam guttatim euacuat, & per angustissimas venas sangui-
 nem ducit, & maxime reuellit ab intimis partibus, in qui-
 bus solet incendium adesse & morbi fomes; & etiam a su-
 perioribus, ad quæ repens materia peccans solet diuersa
 producere seu & lethalia symptomata. in manibusq; no-
 stris est, eam modo copiosiore modo parciorem redde-
 re, & eandem modo accelerare, modo protrahere, sinêdo,
 vt longiori tempore & non breui eadem sanguinis quan-
 titas educatur. quare talis sanguinis missio maxime con-
 ueniens erit pro minoranda febris pestilentis materia, a
 meq; protutissima & vtilissima in huiuscemodi pestilen-
 tibus morbis euacuatione celebratur, adeoque tuta est, vt
 etiam languëtibus viribus in tali casu summa cum vtilita-
 te a prudenti Medico administrari possit, vt millies experi-
 entia & felicissimo rei euentu ego expectus sum. nam per
 hanc non tantû exonerata natura, sed etiam reuulsa a cor-
 de materia, quæ praua & maligna qualitate cor ipsum ob-
 federat, vires quæ conciderât, roborantur, pulsusq; qui par-
 uus & languidus erat, maior statim ab hac euacuatione &
 vebemëtior factus est. quapropter adeo tuta est talis san-
 guinis missio, vt non tantum eo tempore quo vires nō sunt
 collapsæ, sed etiam cum languent, dummedo in totû non
 sint prostratæ; quoniam tunc nulla conueniens est euac-
 uatio, tuto & summa cum vtilitate administrati potest.
 Quemadmodû aut hanc hirudinum administrationem, tum
 quia spiritus, sicuti venæ sectio facere consuevit, non affa-
 tim exhaurit, tum quia valide a partibus internis reuellere
 potest, in primis ac mirum in modum celebri: similiter &
 scarificationem partium inferiorum in huius febris cura-
 tione, quia & euacuat non dissipando spiritus, & multum

*Orsb. lib. 7.
collect. me-
dici. c. 20.*

*Cucurbitu-
la in feb. pe-
stilente qui-
bus partib.
explicanda.*

ad reuellendum pollet, admodum opportunam censeo; quam Apollonius in ea vehementi pestilentia quæ Asiam peragrabat, in seipso (vt refert Oribasius) feliciter expertus, docuit alios prospere hac vti: cuius merito multi qui hanc in vsum receperunt, saluati sunt, præcipue autem hi, in quibus signa plenitudinis extitissent, quibusque hac median- te sanguinis copiam minuis- sent. Si autem casu detur, vt hæc fieri non possint, deficientibus aut hirudinibus aut ministro idoneo, vel renuente ægro, vel impedimento alio existente; succedant cucurbitulæ scarificatæ, quæ partibus superioribus nequaquã applicentur, sed inferioribus tan- tum, sicuti ad ilia, ad nates & ad coxas, non autem ad spa- tulas, nec e regione thoracis, quoniam a corde reuellen- dum & euacuandum, non ad ipsum attrahendum est. li- cetque aliquibus videatur in his locis appositas cucurbitu- las conuenire, quia a centro ad circumferentiam ducunt, in- deque materiam a corde ad extimas partes trahere pos- sunt, tamen hoc pro confesso habeatur etiam multum no- cuas esse, materiam quæ reliquum corporis occupat, ad partes superiores ad ipsumque thoracem attrahendo. anti- maduertatur etiam, ex hac appositione maiorem virium resolutionem in aliquibus succedere ac timendam esse, quam ex prædicta exposita hirudinum applicatione; quo- niam per has violentus fit attractus, magna- que fit agitatio humorum, & summa cum celeritate, (quorum nullum est in hirudinibus applicitis) fit hæc actio. quare vbi hæ appli- cari possint, semper potior: & eligēda magis est harum ap- plicatio, quam cucurbitularum. quæ tamē sæpe etiam post hirudines administrandæ veniunt, sicuti cum illæ minora- tioni materiæ in totum nō satisfecerint, vel habita ea mi- noratione adhuc validiorem a partibus internis desidera- mus, & tentamus reuulsionem, cuiusmodi est potissimum casus Ruffi, videlicet cum calor naturalis suffocatur, par- tesque exteriores refrigerantur, semper tamen habita hac consideratione, vt vires non admodum languidæ & fere prostratæ sint, & ad partes inferiores hæ apponantur. Si autem casu contingat, quod proponatur mulier curanda, vel cui suppressi sint vel cui instent menses, at non fluant; tunc dimissa euacuatione per hæmorrhoides deueni- rem ad se-

ad sectionem venarum inferiorum in talo ipso, a quibus *Mensib. in-*
 non est timenda ea virium debilitas, nec ea spirituum re *stantibus*
 solutio, quæ a superiorum venarum sectione impendit. & *quid agen-*
 si quoquo pacto virium languorem timerem, non ad se *dum promi-*
 ctionem earum venarum descenderem, sed ipsis ac eisdem *noratione*
 inferioribus venis hirudines validiores applicarē, ex hac *sanguinis.*
 que eandem sperarem quam ex priori euacuatione, utili-
 tatem. in quo etiam casu admitterem cucurbitulas coxis
 tantum & partibus inferioribus, non supra coxas, appo-
 sitas. ita enim possemus & menses prolificere & materiam
 minorare & ab intimis & superioribus reuellere. Quibus
 peractis, si viderem partes superiores, sicuti cerebrum, a *Hirudines*
 praua & copiosa materia occupatas esse, laudarem, vt ad *naribus ap-*
 intra penitiores nariū partes applicarētur hirudines, quā *plicata quā*
 ratione ita exoneratur cerebrū, totumq; corpus ita alleui- *tum confe-*
 tur, vt viderim ego plurimos morti proximis, & fere solo *rāt, & quā-*
 prognostico derelinquēdos, ex hoc vnico remedio salua- *do hoc sit a-*
 tos esse. hoc tamē summa cum ratione fiat, tēporeque op- *gendum.*
 portuno, quoniam plurima remedia, licet nobilia, si indif-
 criminatim & importune adhibeātur, vt plurimum non
 salutem sed mortem ægrotantibus afferre consueuerunt.
Et hac de sanguinis missione.

*An conueniat pharmacia pro minoranda materia
 in febre pestilenti. CAP. XXII.*

PHARMACIA, alterum pro minoranda materia pro-
 positum remedium, consideranda succedit, quam eo-
 rum qui artem curatiuam docere proficētur, plurimi sen-
 tiunt a principio in hisce febribus ad ministrandam esse, nul-
 la expectata materie peccantis concoctione: quoniam, di *Pharmacū*
 cunt, si materia turgens quamprimum est euacuanda a *an sit exhi-*
 principio morbi, dum adhuc est cruda, ne vagans per am- *bendum in*
 bitum corporis tandem ad aliquam ex principalibus par- *feb. pest. cru-*
 tem repar, eamque occupet, tanto magis, vbi materia oc- *da existente*
 cupauerit cor vitæ fontem, (quod est ea pars, quæ principa- *materia.*
 liter a materia pestilenti afficitur) quam primum educen- *Lib. 4. A-*
 da erit, nulla eiusdem nec tentata nec preparata coctione. *pho. com. 2.*
 Quod eo magis agendum esse confirmant, quoniam ma-

*Lib. 4. de
tuenda &
let. in prin.*

*Lib. 4. A-
pho. 2.*

*Lib. 3. Epid.
sect. 3. text.
29.*

*Lib. 5. Meth.
cap. 12.*

tertia in his febribus peccans toto genere a natura aliena est. Cum enim sit corrupta, venenataque qualitate concepta, omnino facta est a natura extranea. quod autem omnino a natura alienum est & extraneum, nulla fieri ratione potest, ut id naturæ suæ gratiam recipiat: qua de re (ut docebat Galenus) in curatione lassitudinis ulcerosæ, educere id quamprimum tentandum est, æque certe. ut quæ in ventre corrupta prorsus sunt, ea vel vomitione vel deiectione expelli statim profecto est optimum. Præterea, addunt, materia in febre pestilenti peccans habet rationem veneni. cum autem venenum non concoqui, cum concoctionem non recipiat, sed statim debeat e corpore educi: ideo & similiter in febre pestilenti materia peccans, quæ concoctionem ratione venenatæ qualitatis non admittit, in corpore non sinatur quiescere, quia agendo semper propria prava qualitate inficit & corrumpit corpus, sed statim educatur. Accedit, quod medicari in acutis eadem die, si materia turgat, bonum est: at febris hæc vix plurimum est ex acutis, & in his materia turget. turget autem, quoniam non tantum ea quæ de loco ad locum indeterminate moventur, sed ea etiam quæ moventur in loco propter eius ebullitionem, turgent: & ideo, cum fiat ebullitio huius materiei in venis prope cor vel in eius ventriculis, & inde turgat, a principio pharmaco statim euacuanda erit. Hoc idem qualitas motus febris pestilētis indicare potest. nam cum in hisce morbis crises maiori ex parte ad malum tendant, in mortemque, non tantum hoc experientia sed idem testante Galeno terminentur; crisis utique medicus non expectare, sed ante crisis, & sic materia existente cruda, euacuare debet; neque tunc vana erit hæc euacuatio aut periculosa, ut iudicandum est, fore eam quam crisis expectantes habebimus. Confirmant hoc Hippocratis & Galeni autoritate. nam Hippocrates narrans successum morborum pestilentium, dicebat, quod hi præcipue sanabantur, in quibus natura per suppurationem abscessuum molita esset, aut quibus commode alius turbata erat, aut urinarum bonarum excretio superuenisset. Galenus autem, dum curationem ulcerum a speræ arteriæ traderet, obiter meminit eorum qui pestilentiæ tempore eodem vitio laborarunt, dicens: *Hæmorrhagici*

his facile sanari videtur, quod praesiccatum ijs prapurgatumque totum corpus fuerit, quippe cum & conuerint ex ijs nonnulli, & omnibus venter profluxerit, ex quibus deducunt, purgationes statim conuenire, cum testimonio & Hippocratis & Galeni hipotissimum saluentur, quibus per aluum in excremento: um copia excreta & expurgata sit. Sententia hæc, quamuis ab excellentissimis viris recepta sit, probabilique ratione sit munita, ac videatur consona Hippocratis ac Galeni doctrinæ, tamen meo iudicio non est admittenda, quoniam & rationi & Galeni ac Hippocratis placitis, vt euidentissime probabitur, cōtradicit. Clara est & celebris illa Hippocratis sententia, quod concocta tantum medicari oporteat, neque in principijs morborum vnquā pharmaco, nisi materia turgcat, vti debemus. Hanc admiratur diuinissimus Galenus, huicque omni applausu semper adstipulatur, sæpiusque eius & in commentationibus & in libris proprijs mentionem fecit. Huius sententia: ea est ratio, quoniā in principijs morborum, dum materia adhuc est cruda, cum bono malum admixtum est, calorque præter naturam materiei peccanti prædominatur. hinc fit, vt in principio morbi, cruda existente materia, si pharmaco tentetur euacuatio, reluctante calore præter naturam, qui in materia peccante prædominatur, bonum non malum, naturalis humor non putrescens, pharmaco cedat, indeque insons potius quam peccans materia educatur, cuius ratione fastidia, anxietates, colliquationes membrorum, lucta & labor virtutis succedit: quæ mala superuenientia solent in perniciem ægrotantium sæpe terminare. si autem contigerit, materiam nō mixtam, sed separatam esse, per corpusque vagare, vt indeterminare modo ad vnā partem modo ad aliam commoueatur, quo casu turgere dicitur: pharmaco, nisi quid impedimento subsit, antequam vires dissoluantur, vel febris augeatur, vel ad aliquod membrum principale eadem materia decumbat, statim educenda erit: quo casu materiam cedentem excretionique paratam & naturam adiuuantem habebimus, cuius ratione nihil eorum, quæ in materia cruda & mixta euacuanda superuenire diximus, timendum erit. hinc diuinus ille senex summa cum ratione conclusit, nos

Lib. p. Apho. 22.

Concocta quare tantum medicari oporteat, nisi in casu turgentia materia.

debere tantum concocta medicari, a materia autem cruda pharmaco abstinendum esse, nisi eadem turgeat. Quam sententiam ita generalem expressit Hippocrates, ut eam Galenus in febrilibus morbis semper absque ulla limitatione seruandam docuerit. quare mirari non desino eos, qui præter Hippocratis ac Galeni mentem hanc sententiã coarctare ausi sunt, ab hac excipientes pestilentes morbos, in quorum curatione monent, hanc aphoristicam doctrinam non seruandam esse, perinde ac si Hippocrates & Galenus nec hosce pestilentes morbos nouissent, nec eorum unquam meminissent. sed stat hoc fundamentum (quod concocta tantum sint medicanda, nisi materia turgeat) firmum & stabile, ab omnibusque qui Medicam artem summa cum ratione facere profitentur, acceptandum, sicutique in cæteris febrilibus morbis, ita & pestilentibus obseruandum, quemadmodum nunc rationibus & sententijs ex aduerso deductis satisfaciennes expresse declarabimus. Duo in prima ratione habentur: alterum est, quod materia in febre pestilenti peccans cor nobilissimum omnium membrorum occupauit, & ideo statim pharmaco euacuanda est; alterum, quod si materia turgens a principio educenda est, antequam aliquod viscus principale obsederit, eo magis, ubi in viscere nobili est firmata, erit quamprimum purgante medicamento soluenda. Primum contradicit tum Hippocrati tum Galeno. Hippocrati quidem, quoniam nunquam ipse admittit pharmacum, nisi concocta materia, vel eadem turgente in principijs morborum. at in casu nostro nec materia est cocta, nec turget, ut inferius declarabitur. Galeno autem, qui in commento Hippocratis dicebat: *Eos vero qui sunt in aliqua corporis parte firmati, neque illo alio auxilio mouere oportet, neque medicamento purgare conuenit antecollectionem.* Secundum est purum sophisma. quoniam dicere, materiam occupã em nobilissimum viscus ideo statim pharmaco purgandã esse, quia ea turgente statim euacuanda est ob timorem, ne ad illud repat, in eoque firmetur, est dicere, quod siue materia turgeat siue firmata sit in principali viscere, æqualiter parique ratione pharmaco a principio sit educenda. quæ sententiã ex diametro opponitur menti & doctrinæ Hippocratis & Galeni, qui semper docuerunt,

aliam

*Occupato
corde a ma-
tersa, an li-
ceat exhibe-
re pharma-
cum, cruda
ea existẽte.
Lib. p. Aph.
com. 2.2.*

aliam esse rationem turgentis materię, aliam firmatę; il-
 lamq; semper euacuandam a principio, hanc autem nun-
 quam, nisi coctam pharmaco tentandam esse; imo non a-
 lia ratione turgentem statim euacuari, nisi quia, si in ali-
 quod principale viscus postea erumpat, in eoque firmetur,
 non amplius potest, nisi concocta medicamento purgāte,
 educi. Cum autem nituntur confirmare materiam pesti- *An quod o-*
 lentis febris, cum omnino sit a natura aliena & nequaquā *mnino ana-*
 coctionem admittat, statim, etiam crudam existentem, *tura alienū*
 euacuandam esse, exposita Galeni sententia in curatione *est, stante*
 lassitudinis ulcerosę, dicentis, *quod alienum omnino est, cruditate*
cū natura sua gratiā amplius recipere non possit, quam sit pharma-
primum educere e corpore tentandum est; animaduer- *co statim e-*
 rant hi aliam esse putrescentis materię rationem, aliam *ducendum.*
 non putrescentis; aliamque esse coctionem de qua eo loco *Putrescētis*
 Galenus; & aliam de qua Hippocrates & Galenus simul *& non pu-*
 aphorismo citato loquuti sunt. materia non putrescens, *tescētis ma-*
 cum fuerit a natura aliena, sat erit, quod nullum pro lui e- *teria sunt*
 uacuatione vel ratione viarum vel ratione proprię sub- *diuersa ra-*
 stantię habeat impedimentum, videlicet quod corpus flui- *tiones, quo-*
 dum & apertum sit, & quod substantię non sit crassioris, *ad purga-*
 cuius ratione difficile moueatur: tunc enim statim est e- *tionem fa-*
 uacuanda, & facile nullo subsequente incommodo eua- *ciendam.*
 cuabitur, quoniam a calore naturali, per quod pharma-
 cum actuat, & cuius proprium est excrementa & noxia
 & inutilia expellere, talis euacuatio dirigitur & perficitur,
 & in hac nulla est expectanda coctio, quoniam nulla indi-
 gemus in tali euacuatione, sed statim ad pharmacum ac-
 cedendū est. & de hac loquutus est Galenus in cura lassitu-
 dinis ulcerosę, in qua lassitudine nec materia putrescit, nec
 morbum facit. At materia putrescens (quoniam relucta-
 tur calor præter naturā, qui in ea prædominatur) non obe-
 dit medicamento, quoad a calore naturali non fuerit cui-
 eta, ab eaq; eum ornatum quē recipere potest, non habue- *Coctio est*
 rit; & ideo hæc nunquam nisi concocta & nisi vijs præpara- *duplex.*
 tis, pharmaco est soluenda, vt est in casu de quo loquimur, *Lib. 2. de ra-*
 in quo etiam ea coctio materię peccantis desideratur, de *tione vñ.*
 qua Galenus super locum Hippocratis, dicentis quæ mala *in acutu*
 sequantur, vbi in morbis acutis ex vasorum inanitione an- *com. 44.*

te vigorem ad sorbitiones ægri transeunt, in quo mone-
 re excrementa ea cruda vocari, quæ a natura euicta nō sunt;
 quæ autem euicta, concocta dici. quæ coctio tunc perfici-
 tur in excrementis & humoribus peccantibus, cum natura
 caulis morbisicis fortior fuerit, easque suo robore permu-
 tauerit. ex quo humores expulsionī parati, non amplius re-
 luctantē sed superato calore præter naturam, facile & abs-
 que vllō ægrotantis discrimine medicamento cedunt. &
 de hac coctione loquuti sunt Hippocrates & Galenus in
 aphorismo illo. Altera est coctio, dum ea quæ euicta a na-
 tura sunt, corpus postea nutrire possunt; quæ propriæ di-
 citur & vere est coctio. & de hac loquutus est Galenus in
 curatione lassitudinis vlcerosæ, in qua eius erat intentio,
 cum nō morbos curare, sed sanitatem tueri intenderet,
 ea omnia quæ corpus non nutrire sed lædere possent, quo-
 niam a natura aliena essent, euacuare. & ideo dicebat, hæc
 nullam naturæ gratiam amplius recipere posse, quoniam
 nutritioni inepta erant: quare cum veram coctionem ad-
 mittere non possent, inutiliaque naturæ forent, quam pri-
 mum dicebat ipse tentandum esse, vt a corpore educan-
 tur. quapropter pateat, sententiam eam Galeni nihil sen-
 tentiæ nostræ aduersari, nec posse pestilenti febris in vllō
 adaptari. Quod autem, cum in hac febre materia peccans
 veneni rationem habeat, sicuti venenum, statim e corpo-
 re educi debet, cum nec coctionē nec alterationem a na-
 tura recipere possit; & quo diutius id in corpore manet, eo
 magis lædere apium sit, similiter hæc materia pharmaco
 quamprimum euacuanda veniat, vt quæ ratione venena-
 tæ qualitatis nec coctionem nec alterationem a natura
 admittat, mora que diuturna hominem ad interitum du-
 cat; dico ex hoc exemplo non concludi, pharmaciā a prin-
 cipio in febre pestilenti administrandam esse: quoniam ve-
 nenum quidē, dum est in intestinis & in ventriculo ac vis
 communibus, omni ingenio statim euacuandum est, quo-
 niam a natura nec coctionem nec alterationem recipiat:
 si ad intra venas penetrauerit, humoresque & partes in-
 ternas infecerit, non pharmaco purgante ex quo mors po-
 tius acceleraretur quam impediretur, quoniam vbi vene-
 num progressum est, purgantis pharmaca, nisi a proprie-
 tate

*Materia ve-
 neni ratio-
 nem habens
 an statim
 pharmaco
 educenda
 sit, stante
 sua crudita-
 te.*

tate agant, agitando humores periculum adaugent, sed antidotis & alexipharmacis agendum est. At in casu nostro non in vijs ductuū adest materia peccans, sed circa vi
 scera & in venis, in quibus commixti sunt boni humores cum prauis. (nam ad intra venas non datur syncerus humor, nisi in casu turgentis materiæ) continetur: tuncque, licet materia adsit, venenara qualitate infecta, deturque indicatio vt euacuetur; tamen in principio commodè euacuari non potest; cum nulla adhuc in eo facta sit alteratio a natura, nec bonum a malo sit separatum, & in ea prædominetur calor præter naturam, cuius ratione facile non cedit medicamento. hæcque materia, licet veneni naturam sapiat, non tamen (hoc animaduertatur) venenum est, in hisque est disparitas magna, quoniam venenum a natura nunquam domari potest, sed solis antidotis superatur: at hæc materia alterationem & coctionem a natura recipit, sæpiusque ab eadem euincitur, etiam nullo adminiculante, vel per crisin educta, vel per abscessum excreta, vel alio quouis modo superata, vt sæpius vilum est, non dixerim in pestilentibus tantum f. b.ribus quæ inter sporades accesserunt, sed etiam in his quæ pestilentiz tempore sæuierūt: vnde cum a natura hæc materia euinci possit, nec vere venenum sit, eiuldem concoctio expectanda ante pharmaci exhibitionem erit. Addebant hi, in febre pestilenti materiam turgere ob eius ebullitionem circa viscera, & in venis magnis prope cor, vel in eius ventriculis: quæ cum sit sæpius ex morbis acutis, ideo hæc materia a principio erit in febribus his expurganda, quoniam medicari in valde acutis eadem die, si materia turgeat, bonum est. At hi decepti sunt, iudicantes in pestilenti febre semper materiam turgere, cum nequaquam semper turgeat, imo rarissime turget. turget enim ea tantum, quæ ad exitum paratissima, ac ad euacuationem properans, vt in commentatione epidemiarum dicebat Galenus, existit. & quæ, vt idem declarabat, dum Theinisiones hieram examina ret, cum in motu sit, excretionique propensa, nec firmam aliquam inclinationem nec stationem ad vnā partem habet: at in febre pestilenti vt plurimum firmata est in ate ria, & stationem firmam habet vel in corde vel circa cor

*In Venis nō
datur syncerus
humor
nisi in casu
turgentis
materiæ.*

*Materia
peccans in
feb. pestilem
si an vere
turgeat.*

*Lib. 4. Aph.
10.*

*Lib. 6. Epid.
sec. 2. com. 9.*

*Lib. 8. de
comp. mod.
secundum
loca.*

*M. seria
turgens qua
sit.*

*An pharmaco
sint praeueni-
enda
prava crises
in feb. pest.*

*Lib. 3. Epid.
sec. 3. tex. 29.
Hipp. & Ga-
len. an sen-
serint eua-
cuationes
factas in fe-
bre pest. cru-
da existens
materia ef-
se & sales.*

vel circa viscera: vnde nec ad exitum parata est, nec ad excretionem properat. qua de re non est dicenda turgens. & cum non turgat, pharmaco a principio, dum est cruda, licet febris hæc aliquando sit acutissima, non est mouenda. Ad id quod asserunt, in hisce febribus vt plurimum pravas crises accidere, quas præuenire oporteat pharmacia: fateor in his sæpius nec coctionem nec crises videri; & si hæc nonnunquam videantur, male apparere, cum in perniciem ægrotantium vt plurimum appareant. addo tamen quandoque bonas videri crises, ex quibus saluentur etiam multi, vt experientia testatur, & quemadmodum Hippocratis ac Galeni autoritate inferius comprobatur. Si autem crises proficua & vtilis in his febribus aliquando superuenire conluerint, non est quod malas semper timere debeamus, ratione quarum pharmaco ante coctionem vti audeamus: imo ratio dicat, quod si morbus sui natura sit lethalis, pharmacumque, cocta non existente materia, exhibeatur; virtus, inita purgatione, celerius quam non inita, exoluetur; cum ad euacuationem materię crudę consequatur ea symptomata & mala de quibus superius: vnde interitus ægrotantium citius exhibito, quam non exhibito, pharmaco procurabitur. Ad Hippocratis autoritatem nihil dicendum esset; quoniam qui non dormitante animo eius dictum considerabit, animaduertet, Hippocratem per illud verbum commodere ipsam explicare: per quod non aliud secundum eius placita & fundamenta vult significare, quam quibus cocta materia fluxus alui superuenerit, hi saluati sunt, quoniam ea commoda est euacuatio, quæ fit euicta materia a natura ipsa. cruda enim existente materia, & incipientibus in orbi ipsis, si quid excernitur, nihil tunc excernitur naturæ ratione: sed sunt omnia hæc casus præter naturam earum quæ sunt in corpore, dispositionum. quo enim tempore a causis morbum facientibus natura grauatur, adest autem cruditas humorum, tunc aliquid bene euacuari est impossibile: quapropter commoda ab Hippocrate non dicitur, nisi ea euacuatio, quæ materia iam cocta existente, superuenit. Galeni autem sententia in oppositum adducta (dum habet eos saluatos fuisse, quibus corpus præsecatū & perpurgatum ratione

ratione fluxionis alui fuerit) nullo pacto potest intelligi nec de principijs morborum nec de materia cruda; tum quoniam ne verbum quidem hoc in loco habet Galenus, *Lib. 4. Aph. per quod hæc innuere possit; tum quoniam hoc esset ex com. 21.* diametro oppositum eius doctrinæ, quæ omnem euacuationem cruda existente materia detestatur, sicuti infinitis in locis, præcipue autem in libris de Crisibus apparet, quorum fundamenta & rationes omnes corruerent, si hoc admitteretur. Si quis tamē Galeni libros reuoluerit, diligentique animo considerauerit; inueniet Galenum hunc ipsum locum explicantem, & hoc præcipue, dum docet, quomodo deiectiones nigras malas esse sit intelligendum. ibi enim particulariter mentionem habens huius pestilentie, de qua loquebatur in superiori loco, ac docens, quæ alui fluxiones in hac proficux fuissent; dicebat in morbis illis pestilentibus a principio & in augmento fluente aluo excreta fuisse flaua & rufa colore colliquamenta, quæ symptomatis vice & colliquationis ratione procedebant, morbo autem consistente nigra deiecta fuisse, per quæ ægri saluabantur, cum a principio nunquam ad bonum fieri possint hæc excretiones, vnde hæc verba subiungebat: *Quare ab initio quidem nunquam ad bonum sunt hæc eiusmodi deiectiones, magnam visceris lationem ostendentes, ad morbos vero consistentes sequuntur sapientia, natura superfluitates expurgante.* Quapropter hinc pateat, auctoritatem hanc Galeni non posse non ita intelligi, videlicet eos saluatos esse, quibus aluus non in principijs morborum, sed eis consistentibus, cocta materia & dominante natura, fluxerit: ex quo deduci non poterit, in pestilenti febre statim a principio, cruda existente materia, exhibendum esse pharmacum. Constituamus igitur, in hac febre pro minoranda materia non conuenire pharmacum. per pharmacum autem intelligatur id quod electiue purgat, de quo controuersa est quæstio; quoniam de *Alui lenitio* leniente pharmaco alia potest & debet esse ratio. cum enim de sanguinis missione cogitauerimus, vel ad medica *quis pro-* curanda in *febre pesti-* li dubium est, quod lenita prius aluo, & vijs communibus *lenti.* ab excrementis expurgatis, hæc cogitanda erunt. Ista au-

*Clysteria
qualia esse
debeant.*

*Lenientia
pharmaca
exhibenda
in feb. pesti-
lenti.*

tem alui lenitio duplici potest parari via, scilicet vel pharmaco lenienti vel clysterio: quorum utrunque probō, sed hac distinctione habita, quod ubi tantum feces erunt excludendæ, clysteria præferantur. Vbi autem & viæ etiam superiores emundandæ erunt ob præcedentes cruditates, seu propter aliquam aliam cōsimilem occasionem, vel alius admodum stipica fuerit, in usum veniat potius pharmacum leniens, quam clystere. clysteria nō sint acria, quæ erunt imponenda; quia exagitant materiam, & corpus calefaciunt; sed lenia, quæ refrigerare & prauæ qualitatī simul aduersari possint, ut si pro decoctione cum herbis lenientibus & refrigerantibus admisceantur rosarum flores, dictami folia, iuniperi baccæ, cortices citri, & consimilia quorum magna est sylua, addito oleo violaceo vel amygdalarum dulcium, cū melle rosaceo vel saccharo rubeo. Pharmaca lenientia pauca sunt, quæ in usum hunc venire possint. inter cætera erit Manna conuenientissima, nisi ad intus magnum sit incendium, febrisq; sit ex genere ardentium, quoniam tunc vitanda erit. cum enim sit quoddam mellis genus, facile in corpore bilioso, & ubi sit incendiū, vertitur in bilem. Syrupus rosatus solutius maxime etiam mihi probatur, si recens sit & rectissime paratus, quoniam ratione rosarum aduersatur prauæ qualitatī: in moderata tamen exhibeatur quantitate. quoniam si plurimum eius in notabili quantitate assumatur, ex lenienti fit medicamentum electiue purgans, vnde postea vitio res verteretur. Agaricum etiam summo opere commendo, parce & recta cum ratione sumptum. hic enim ad venena hausta efficax est antidotus, vnde & euacuando multum prodesse poterit. Epithymi senæque decoctio, in iute pulli vel stillatitia aqua confecta, additis floribus cordialibus, & quæ eorum nocumenta tollere possunt, a me etiam laudantur. Thamarindos etiam propono: sed quoniam vias exasperant, ubi obstructions validæ sint, earumque sit timor, non ita tuto eorum usum commendo. An cassia conueniat ratione humectationis propriæ, potest esse dubium. tamen eam etiam quandoque admitterem, at non solam, sed vel admixta hiera Galeni, vel speciebus de arthodo, vel aliquo simili medicamento, quod possit
cuius

eius humiditatem refrangere, membraque interna roborare. hanc autem præcipue exhibendam duco, ubi viæ exasperatæ forent, lenientiumque medicamentorum v. sus desideraretur: quo casu excepto, eam omnino dimitterem. Hæc sunt ea pharmaca, quæ mihi probantur in casu nostro, quorum pro diuersitate materiæ peccantis & assumentis status vnum magis quam alterum, a prudenti medico eligatur. in quorum usu hoc repetam animaduertendum esse, vt solum abundantibus superfluitatibus, vel in ventriculo, vel in cæteris communibus ductuum vjs, in usum veniant. his enim non præsentibus, ad excludendas feces clysteria lenia satisfaciunt. quo casu si illa exhibeantur, poterit eorum vis ad intra venas forsan permeare, ibique materiam crudam quoquo pacto exagitare. Medicamentum autem Ruffi, pilulas de tribus, cæteraque similia pharmaca prudens prætereo, quoniam eorum caliditatem in principio huius febris timeo. Validiora autem prætermitto, quoniam lenientia tantum, & non electiue purgantia, exhibenda esse commendo.

De concoquentibus & alterantibus & euacuantibus administrandis in febre pestilenti. CAP. XXIII.

IMMINUTA materia, medicus ad tollendas obstructions, & ad residui coctionem & alterationem accedat. obstructions tollentur per eadem remedia, per quæ coctio procurabitur: in quorum usu semper vitentur ea, quæ has manutenere vel augere possunt: concoquentia sint ea, quæ materiam peccantem respiciant, vnde pro diuersitate humoris peccantis diuersa assuenda erunt. In materia calida cõueniens erit syrupus acetosus simplex, syrupus de succo acetosæ, syrupus de acetosi acie citri (huiusmodi acida medicamenta in consimili casu semper alijs præferantur) syrupus rosatus recens, syrupus de sonco, & oës cicoracei. syrupum de agresta, de succo granatorum, in yrtium, & consimiles cõsulto prætermitto, quoniam exhibui nimium obstructions ob eorum adstrictionem adaugent.

Concoquentia in febr. pestil.

diluantur hi syrupi cum decoctionibus earundem vel similium herbarum, vt pote acetosæ, hepaticæ sonci, reliquorumque cicoraceorum. In materia frigida sit in vsu mel rosaceum, oxymel simplex, syrupus de scordeo, syrupus de corticibus citri, syrupus de betonica: decoctiones sint ex iisdem vel similibus, vrpote agtimonio, myrrhida, seminibus citri, radicibus tormentillæ, pentaphylli, Gentianæ, dictami albi, & quæ huiusce sunt classis. Si autem materia fuerit melancholica, sit syrupus de pomis, syrupus de succo boraginis, syrupus sapor Regis. quod si materia adustionem acquisierit, omnib. præferatur syrupus de fumaris: pro dilutione parentur decoctiones ex iisdem, ex quibus syrupi formati sunt. Parentur electuaria ad alterationem & propulsandam prauam & venenatam qualitatem, exhibenda tum ante cibum tum ante syrupum in materia calida, ex conserua acetosæ, & conserua acerositatis citri, & Zucaro rosaceo, additis margaritis, fragmentis lapillorum preciosorum corallis, quæ pretiosa medicamenta, modo sint sincera non adulterata, quantum possint corroborare, experti & prudentes Medici testari possunt. his addi potest semen acetosæ, cornu Vnicornis, cornu ceruinum, os de corde cerui, terra Melitenensis, terra Anatolia, bolus Armena, de qua licet sit inter medicos discrimen, tamen ea ad mentem Galeni accipiat, quæ lutei est coloris, & plura alia similia, quorum in præseruationis capite meminimus. diluantur & distemperentur hæc electuaria, si ingens sit calor, ad intra, febrisque sit valida, vel tempus æstiuum & valde calidum existat, cum succo citri vel succo limonum, vel aliquo consimili. si vero omnia hæc non ita instant, syrupi prædicti in materia calida ad hunc effectum assumantur. Si materia fuerit frigida, fiat ex conserua scordei, & ex conserua stæchados, ex conserua cardi benedicti, ex conserua scabiosæ, ex conserua Dianthos, ex conserua betonica: pulueres miscendi sint ex scordeo, dictamo Cretico, scabiosa, ex radicibus tormentillæ, gentianæ, angelicæ, imperatoria, dictami albi, zedoariæ, myrrhæ, seminibus citri, seminibus cardi benedicti, corticibus citri, baecis iuniperi, incorporentur simul cum syrupis in materia frigida administrandis. quod si his addatur portio humoris

*Electuaria
exhibenda.*

moris melancholici, admisceatur conferua boraginis,
 conferua melissæ, conferua fumariz. Hæc autem, si cum
 ratione exhibita fuerint, poterunt & materiam peccan-
 tem alterare, & prauam ac venenatam qualitatem refran-
 gere. Viret autem Medicus semper in vtraque materia ex-
 cessum, ne videlicet aut in materia calida nimium refrigi-
 det, vel in frigida nimium calefaciat, sed modo hæc mo-
 do illa medicamenta cum his admisceat vel cum illis, tem-
 peretque eorum vsum, prout ratio & medendi indicatio-
 nes suadebunt. Quod si electuaria hæc ita in forma solida
 parata, vel ægro renuente vel medico noua parante, di-
 mittantur, plurima in potu in vsum venire possunt: sicuti
 eadem pulueres cum aqua rosacea exhibitæ, vel si febris
 admittat, & virium debilitas hoc indicet, addita portiu-
 cula vini odorati. omnibus autem præferatur sinaragdus
 in tenuissimum pollinem arte redactus, ad nouem vel de-
 cem grana cum iisdem liquoribus mixtus. secundum ab
 hoc locum habeant margaritz, cæterique lapilli pretiosi
 eodem modo parati. quibus si auri folia admisceantur,
 non erit inutile, vt nonnulli falso imaginati sunt, experi-
 menta & antiquorum authoritates abnegantes. bolus Ar-
 mena succedit vna cum terra Melitensi, & ea quæ ex Ana-
 tolia defertur, quæ apud Turcas in maxima habetur exi-
 stimatione, coloris albi, sigillo imperatorio insculpta,
 cuius in aliquibus ego maximum vidi experimentum.
 succus rutæ caprariz, glaregæ dictæ, depuratus in hoc casu
 etiam valde prodesse potest, & mirum prodiç effectum, sed
 cum valde insuauis sit, iubeo ego per balneum Mariæ de-
 stillari, sicuti & plurima alia consimilia ex prædictis medi-
 camentis pharmaca. præcipue autem medicamentum hoc
 exhibendum propono, quo meo Marte composito sæli-
 cissimo cum successu frequentissime vtor. Sumatur succus
 glaregæ dictæ, succus acetosæ, succus scordei, succus citri
 ad pondus libræ vnus pro singulo quoque: quibus addatur
 Theriacæ optimæ vncia vna. omnia misceantur simul, &
 macerentur in aqua repida, postea in duplici vase destil-
 lentur. hinc habebitur aqua, cuius vsus est ab vncia semis
 vsque ad vnciam vnā ante cibum, tam mane quam ve-
 sper, cui prout ratio mihi vel medendi methodus non-

*Pulueres
exhibendi.*

Succi exhibendi.

*Aqua scor-
dei composita.*

*Antidoti
exhibenda.*

nunquam dictat) prædictorum medicamentorum non
nihil admisceo, habeoque medicamentum valde potens
in domanda & euincenda febris pestilentis praua qualita-
te, vt rei euentus mihi longa experientia felicique vlu com-
probauit. Antidotus de sanguinibus a Galeno in proprijs
libris descripta mire proderit in pestilentibus affectibus.
Mithridatum etiam consimilem, sed maiorem habet effi-
caciā. Theriacam tamen omnibus antidotis præpono,
vt quæ in affectibus venenatis maiori vigeat, quam cæteræ
omnes, facultate, huiusq; in hisce febribus maximum ego
habeo & felicissimum vsum, cuius drachmam summo
mane singulis diebus exhibeo, cum video prauam quali-
tatem intendi, vires deijci, corpus refrigerari, simpliciaque
illam iam dicta & facile parabilia, inefficacia & inualida esse,
iubeoque, vt superbibant vel haustum vini generosi seu
puri, seu lymphaticum aliquo liquore ex prædictis, & hoc
cum intensam caliditatem non timeam. quod si hæc mihi
negorium faciscar, vel ei admisceo conseruas refrigeran-
tes, vel si hoc non sufficiat ad remittendam caliditatem, in
minori quātitate ita mixtam exhibeo, ad semidrachmam
vel etiam ad scrupulum descendens, easque conseruas ad
sesquidrachmam & ultra etiam commiscens. Plurimæ ad
harum similitudinem confectæ circumferuntur antidoti,
a recentioribus descriptæ, ab ijdemque summe celebratæ,
quibus tamen ego illas, in hoc magis antiquitati, quam
nouissimis his hominibus tribuens, præfero. quorum de-
scriptiones tum a proprijs authoribus tum a nonnullis
scriptoribus qui has in vnum collegerunt, petantur. Medi-
camentum Ruffi ex aloe, ammoniaco, & myrrha (quod
posteritas, turbatis ponderibus & mutato ammoniaco in
crocum, deprauauit) in morbi progressu administretur,
vel solum, vel temperatum, prout morbus indicabit. Lapis
quidam Bezaar ad nos ex Indijs Orientalibus aduectus,
cuius etiam antiqui meminere, a multis pro efficacissima
huius febris antidoto celebratur. cui ego nihil attestari
possum, quoniam nec hunc præ manibus vnquam habui,
nec eius experimentum vidi aut feci. quare hunc relinquo
fidei eorum, qui hoc se expertos esse profitentur. Plura a-
lia ad hanc eandem intentionem possem recensere, sed
sufficiant

sufficiant ea quæ enarrata sunt, cum ea tantum proponere decreuerim, quorum certus usus & certa experientia mihi innotuit. horum enim omnium usum non tantum antiquitatis & celeberrimorum virorum testimonio proficuum comprobare, sed etiam meo periculo & longa experientia confirmare possum. Ad prædictorum autem conformationem prudens medicus vel simplicia vel composita, accipiendo plurima sibi ad expugnandam & domandam materiei peccantis prauam & venenatam qualitatem, efficacia & valida remedia parare poterit. Quibus cum prædictis concoquentibus in usum positis & obstructions tollere, & materiam peccantem concoquere, & perniciosam qualitatem alterare & superare procurabit. Quam prauam qualitatem non tantum per interius assumpta, sed etiam per exterius applicata medicamenta oppugnare debet. vnde parentur epithemata, inunctiones, linimenta, emplastra, & sacculi, quæ omnia supra regionem cordis apposita, cor ipsum roborando prauam qualitatem refringere & remittere possint. Epithemata parentur ex stillatitijs aquis, sicuti ex aqua melissæ, boraginis, acetosæ, sonci, endiuæ, rosarum, scordei, lauandulæ, spicæ, & similibus admixtis speciebus cordialibus, pulueribus odoratis, aromatibus, bezearticiis, addito vino generoso & aceto rosaceo. componantur autem modo magis refrigerantia, modo minus, prout occasio docebit, & peccantium humorum indicatio suadebit, semper cauendo ab his quæ adstringere multum possint, quoniam talia potius constipando & obstruendo nocere, quam alterando iuuare possunt. Hæc autem epithemata non tantum laudo, vt ex aquis enarratis aut similibus parentur, sed etiã summopere commendo, vt ex succis prædictarum herbarum, cum recentes & depurati haberi possunt, componantur: quorum succorum usum, maxima vrgente necessitate & in casib. fere desperatis, summa cum ægrotantium vtilitate nonnunquam expertus sum. ratio enim mihi dictauit, vt efficacior esset succus, quã aqua inde per sublimationem extracta: his tamen succis etiam admisceantur eadem, quæ superius addenda esse stillatitijs aquis commemorauimus. administrētur hæc epithemata

*Medicamenta
exteriora
applicanda
in febre pestilenti.*

Epithemata.

Unguentiones.

calida, infusis pannis cocco vel purpura tinctis supra cordis regionem; quibus administratis inungatur locus inunctionibus, quæ formentur ex unguento rosaceo Mesue, ex unguento sandalino, ex unguento citrino, additis speciebus cordialibus, vel quibuldam aromatibus, seu seminibus, seu radicibus bezearticis, vel etiam addita portiuncula vel Mithridati, vel Theriacæ. quod si hæc non satisficiant, parentur linimenta ex Theriaca ipsa, succo citri vel limonum diluta, cui etiam possent addi pulveres prædicti

Linimenta.

generis, quæ Theriaca ratione caliditatis & antipathie potest validissime venenatam qualitatem ad extra euocare. Emplastra componi debent ex iam enumeratis herbis contusis, additis aromatibus, radicibus & seminibus, & reliquis rebus quæ alexipharmaca vi donata sint; iam propositis & succis prædictis imbuantur, impingunturque

Emplastra.

oleo rosæcto, cheyrino, anethino, costino, ex iuniperi bacis factis, de caryophyllis, vel aliquo alio consimili. inter quæ primum habeat locum oleum de scorpionibus, & simplex & compositum. Ex quibus scorpionibus solet parari aliud oleum valde compositum, & apud omnes

Olea.

Chimistas celeberrimū, vulgo *oleum Clementis* appellatum; quod & in veneno assumpto & in pestilentibus affectibus admirabiles edit affectus, semimortuos patientes reuiuiscere faciens. quod oleum in casu isto summo opere commendo, si eo solo loci arteriarum exteriores, & cordis regio inungantur.

Sacculi.

Sacculi ad eandem intentionem possunt parari ex iisdem rebus iam commemoratis, commiscendo flores, & folia herbarum odorata, semina, radices, cortices, aromata, gummata, succos concretos, & omnia ea quæ sicca substantia contundi possunt: quæ omnia simul mixta in sacculo sericeo, cocco vel purpura infecto, & vi ignis odorati suffumigato & calefacto, super regionem cordis applicentur. consulto hic prætereo sacculum illum in præsertione laudatum ex arsenico, auripigmento & similibus confectum; quoniam ratione febris præsentis, in qua illa adeo sicca & calida non conueniunt, importunum esset & periculi plenum remedium. His autem prædictis, & cum ratione adhibitis, poterimus qualitatem venenatam & perniciosam cor ipsum roborando

rando refrangere, & alterationem materiei peccantis procurare. Quibus, vel singulis eorum vel pluribus, proratione morbi & occasionis tum interius tum exterius peractis, si fieri poterit, morbusque via naturali sit superandus, possumus sperare coctionem materię peccantis: qua habita cogitandum erit de pharmaco pro euacuatione materię iam euictę. Attamen ante pharmaci administrationem *Pharmaci exhibitio* considerandum est, an natura aliquam molietur excretionem, siue per euacuationem siue per abscessum. si enim *quando remanda, &* quid simile tentauerit natura, quiescendum est, quoad ipsa *quid in ea* natura a proprio opere cessauerit: quę si integre iudicauerit, nihil medico agendum erit, sed totum id naturę est *observandũ.* permittendum. quę enim iudicantur, & iudicata sunt integre, neque mouere, neque nouare aliquid siue medicamento siue aliter irritando, sed sinere oportet. Vbi vero integre iudicatum non fuerit, id quod deficit, nos supplere debemus. quia de re in vsum tantummodo veniat pharmacum, vel cum natura quicuerit, vel in proprio opere imperfecte iudicauerit: quo casu habeatur delectus pharmacorum, quę materiam peccantē educere quidem possint, sed non valde corpus exagitare & debilitare; Vnde mihi nec scammonium, nec turbith, nec colocynthis, nec elleborus, nec quę huiusce sunt classis, vlllo pacto probantur. cum enim febris pestilens sit cum putredine & corruptione valida, a quibus deducuntur humores ad naturā quandam venenatam, cuius ratione vires debilitantur & languent; tutius est insistere in mitioribus medicamentis, quam in illis vehementioribus. quapropter qui pilulas cochias, qui Euphorbium & similia proponunt medicamenta, a me damnantur: nec mihi persuadere possum, quemquam horum excellentissimorum virorum qui hæc proposuerunt, ausum fuisse illis vti, & maxime cum hæc contra rationem & Galenum ipsum in vsum venire debeant. *Lib. 2. Aph. com. 29.* si enim Galenus in ægritudinibus saluberrimis abhorret pharmacum, consistente morbo ob fatigatam eo tempore vim animalem, quid dicendū erit de pharmaco in morbo, in quo vix vires vitales validę possunt esse? quare dimittantur ista vehementiora, & mitiora præferantur: vnde in bile educenda Rhabarbarum, in pituita Agaricum, in

melancholia sena & epithymum, cæteraquæ huius sunt ordinis, & quæ inter benedicta pharmaca a recentioribus enumerantur, in hunc usum veniant. Quod si ob rebellem materiam cogamur aliquando ad electuaria & composita pharmaca descendere, sumantur ea quæ valde correctæ sunt, sicuti Triphera persica, Diaphœnicon, Electuarium rosarum Mesue, & in moderata quantitate prædictis addantur. præparentur autem cum decoctionibus florum cordialium, cum rebus odoratis, admixtis nonnullis quæ vim bezzarticam habeant, corq; ipsum a venenata tueri qualitate possint: ut sunt semina citri, scordenum, os de corde cerui, myrrhis, & similia: & sint, quantum fieri poterit, suaui: quod additis quibusdam dulcioribus (sicuti syrupo aceroso, vel de succo acetosæ, vel violato, vel rosaceo recente, vel de acetositate citri, vel consimili) procurabitur. Huiuscemodi medicamentis administratis, sperandum est, euacuationem humorum peccantium fieri maxima cum ægri & tolerantia & utilitate: quibus eductis, alteri indicationi satisfactum erit, videlicet refrigerationi intentæ. nam ultra quod concoquentia in parte hanc præstare debeant, hanc eandem corporis refrigerationem perfecte assequemur, dum putrescentes humores, a quibus corpus incalescebat, euacuabimus. Hanc autem refrigerationem aliquando non pharmaco, nec syrupis tantum opportunis procurabimus, sed potu aquæ frigidæ, quæ nonnunquam in febre pestilenti in usum venit. quod fit, cum febris est ex ardentibus, naturamque causonidis retinet, magnum ad intra incendium habens: tunc enim coctionis signis apparentibus in vigore febris, sitiente egro, copiose bibita aqua frigida summum adfert adiumentum, cum totum corpus refrigerando, tum peccantes humores, vel per vomitum, vel per secessum, vel per sudorem, excludendo. Ita seu per pharmacum, seu per præparantia adhibita, seu per aquam frigidam, seu sponte quiescente febre, refrigerato corpore eiusdem humectatio subsequetur. quæ etiam plurimis medicamentis actu humidis, cibariisque consimilibus, licet eisdem admixta sit & facultas exsiccatiua ratione corruptionis & putredinis connexæ, tentabitur in morbo ipso: quo euicto & materia superata

Refrigeratio quando habeatur in feb. pestilenti, & quibus tentanda.

superata & educta, cuius ratione corpus exsiccabatur, saluberrimam habebimus corporis humectationem. quam victu opportuno, nulla re præter naturam reluctante, facile conseruare poterimus. quibus in actu politis & peractis, omnibus propofitis indicationibus abunde satis factum erit.

De curatione exanthematum, maculatum

& aliarum excretionum qua in febre pestilenti contingunt.

CAP. XXIIII.

CONSVENIT multoties natura in hisce febribus, tentans materiei peccantis excretionem, eiusdem portionem ad cutim propellere. hincque superueniunt exanthemata, & papulæ illæ antiquorum, sed potissimum ætate nostra ex maculæ, de quibus inter signa egimus. quæ maculæ, cum magnitudine inter se differât, rati maiores, sæpissime autem minimæ, & quæ pulicum moribus similes existentes, peticulæ vel pestichæ vulgo appellantur, apparent. His apparentibus, quid medico agendum sit, diu dubitatum est. Varij varias obtinere sententias. Alij sensere, motum hunc, quocunque tempore & quocunque modo eueniat, semper adiuuandum esse, freti ea Hippocratis autoritate dicentis: *Eo ducere oportet quo natura vergit, si per conuenientes regiones*: at conuenientissima regio est cutis, ad quam transferatur materia perniciosa, internas occupans partes. & confirmatur eiusdem consimili sententia, quæ habet, *erysipelas ab interioribus ad exterosa vergit, bonum esse.* & eo magis prædicant, hoc faciendum esse in his febribus, quo materia maligna existens est deterior ea quæ erysipelas causat. imo cum sit venenosa, hancque conetur natura ab intimis visceribus ad cutaneas partes traducere, omnino huic expulsionem instantanter opitulandum esse concludunt. Alij melioribus rationibus ducti (cum duplici modo expulsionem hanc fieri nouerint, scilicet vel symptomatice vel critiche) sentiunt eam tantum quæ critica fuerit, adiuuandam esse: quæ vero symptomatica, cohibendam fore. illa enim cocta sit materia, quæ omni ingenio a locis patientibus educi

Exanthemata, & maculis apparentibus quid agendum.

Lib. p. Aph.

21.

Lib. 6. Aph.

25.

Motus materierum peccantium in excretionibus est triplex. Motus pure critici.

Motus pure symptomatici. Motus medij.

Motus materierum in extractionibus qui sunt iuuandi, & qui non.

& reuelli debet: hæc fit cruda existente, quæ nullo pacto irritari, sed sinere & impediti oportet. Sed res ita explicanda est. Motus naturæ in excretionibus materierum peccantium sunt triplices. alij enim sunt pure critici, alij pure symptomatici, alij medij. pure critici sunt illi, quos signa concoctionis præcedunt, fiuntque in decretorijs diebus, subsequiturque morbi leuamen & ægri tolerantia. Hi critici motus vel perfecti vel imperfecti sunt. perfecti sunt illi, in quibus tota expellitur materia; imperfecti, quando non tota sed pars expulsa est: quod duplici euenit de causa, scilicet quoniam licet materia sit concocta, tamen vel propter multitudinem eiusdem vel propter naturæ imbecillitatem tota non eijcitur. Motus pure symptomatici sunt illi, qui fiunt aut cum materia cruda est, aut ex toto praua, & in diebus non decretorijs, & cum magno ægrotantis labore, nulla vel minima subsequente morbi alleuiatione. Motus medij sunt illi, qui fiunt, cum materia aliquantulum est concocta, existenteque imperfecta concoctione, natura aggreditur materiam illam, & eam integre non expellit: unde nec sequitur perfecta salus, licet aliquod leuamen, aliquodque bonæ valetudinis indicium non nunquam subsequatur. His stantibus, dico, quod apparentibus his maculis, ubi motus pure criticus perfectus vel pure symptomaticus fuerit, ab arte nullo pacto adiuuandus est. Nam de critico perfecto primo sermonem habendo, quoties natura recte integreque iudicauerit, neque mouere, neque nouare aliquid medicus, sed sinere debet, totum id naturæ recte operanti permittens, tantumque febris curationi vniuersali incumbens. Sicuti autem in hoc critico motu, ita & in pure symptomatico pro euocatione materię ab intimis partibus ad exteriores nihil medico agendum erit. cum enim medicus sit artifex naturæ deseruiens, ei non male sed bene operanti inferuire debet: male autem operatur, dum materia cruda existente, eiusdem expulsionem tentat, quo tempore si quid excernitur, nihil tunc excernitur naturæ recte operantis ratione, sed omnia huiusmodi sunt casus præter naturam earum quę sunt in corpore, dispositionum: tuncque cum a causis morbum facientibus natura vel grauatur vel irritatur, adest autem ciuitas

ditas humorum, aliquid bene euacuari est impossibile. hinc morbus regius ante septimam malus; hinc atra bilis in principio morbi exiens lethalem indicat casum; hinc plura alia consimilia, quæ tamen nullo pacto contrariantur duobus prædictis locis Hippocratis ex aduerso deductis. quoniam dum dicebat: *Eo ducere oportet quo natura vergit, si per conuenientes regiones*, loquebatur de materia cocta, quæ vel non iudicabitur, vel integre non erat iudicata. dum autem dicebat, *bonum esse verti erysipelas ab interioribus ad exteriore*, loquebatur de totali morbi permutatione, quæ non tantum est signum bonum, sed etiam causa, & non de alicuius partis materiæ excretionem a natura tentata, dum vel copia grauatur vel mala qualitate irritatur. quapropter tunc desistat medicus ab omni opere, quod talem motum adiuuare posset: circumspiciat tamen omnia diligentissime, quæ in corpore præter naturam continentur, & consideret fomitem harum macularum, in quo statu se habeat. si enim adsit plenitudo, tollenda erit sanguinis missione eo modo facta, quo superius faciendam esse declarauimus. nec periculum erit ex hoc retrocessionis materiæ quæ cuti inhæsit. quoniam ista per minutionem sanguinis non potest e cuti ad internas partes remeare. Sed ex hoc exonerata natura forsân supra residuum fortior facta poterit & coctioni & expulsionem tutiori via incumbere. Sunt qui in tali casu superiores venas aperire, internasque brachiorum, tam dexteras quam sinistras secare audeant: sed rem discriminis, & periculi plenam aggrediuntur. febres enim in quibus hæ apparent maculæ, solent vires euertere. nec tuta est (sicuti docuimus) in huiusce generis febribus superiorum ac maiorum venarum sectio. hæc igitur omittatur, eæque sanguinis minutiones quas probauimus, cum tuto nulloque discrimine administrari queant, præferantur ac seruentur. An autem hoc casu sit pharmacum exhibendum, vt fere omnes medicinam facientes docent, ex superius declaratis pateat, vbi docuimus, nunquam materiam crudam pharmaco non dixerim educendam, sed nec tentandam esse. vnum tamen animaduerto, scilicet quod si in tali casu sit viscerum impuritas, abundetque in vijs communibus humorum col-

Lib. 4. Aph. 62.

Lib. 4. Aph. 22.

Macularum fomes considerandus.

Maculis apparentibus an sit secanda Vena.

Maculis apparentibus an sit exhibendum pharmacum.

luuies, a quibus foueri internus morbus possit ob auctam putredinem & corruptionem; conuenienti phatmaco ea depuranda, humoresque illi exterminandi erunt. Sit autem pharmacum leniens, præpareturque cum his, quæ veneno aduersari & prauam qualitatem oppugnare queant. Si autem viæ communes satis putgatæ sint, nulliq; in eis abundant vel resideant prauis humores: omne medicamenti genus detestor. quoniam his turbati materia cruda ad intra venas existens, non demulceri poterit, insistat autem Medicus in coctione & alteratione, vna cum antidotis & alexipharmacis, necratione periculi vnquam a recta medendi methodo discedat; caueatque tanquam a veneno, vt maculas has reprimentibus repellere (vt nonnulli celebres viri iudicarunt agendum esse, ducti sententia Hippocratis dicentis, ea quæ inutiliter prodeunt, cohibenda esse) tentet, tum quoniam reprimentia nunquam in materia venenosa admittuntur, tum quoniam symptomata, nisi vicè causæ subeant, non veniunt curanda. Si autem motus fuerit pure criticus, at imperfectus, hic omni ingenio adiuuandus erit. quod enim natura præ imbecillitate propria vel ob materiæ multitudinem integre non potuit expellere, ars ipsa vniuersalibus præmissis euocare debet. quod duplici via perficere potest, primo materiam ad patres cutaneas ab intimis attrahendo; secundo cutim ipsam laxando & aperiendo. primum cucurbitulis adhibitis, & scarificatis & non scarificatis, procurabimus. scarificentur autem præcipue, & plures non pauciores apponantur, multa existente materia, potissimumque vbi maculæ non sint ex illis minoribus, sed maiores fuerint. hæ enim a copiosiori materia & viscidiori generantur, ideoque maiori indigent euacuatione. secundum exequemur, ruentes ægrum ab ambiente frigido, timentes ne materia retrocedat, quod pessimum esset indicium, eundemque pannis rubeis vel similibus induentes, additis frictionibus asperis, vel cum linteaminibus vel manu illinita aliquo oleo relaxante, quale est oleum chamæmelinum vel anethinum, factis. Quod si maior urgeat necessitas, oleis addatur vinum potens, nitru vel sal & similia, quæ cutim exasperando & attrahant & laxent & aperiant. quod si hæc non sufficiant, hic laudo

vesicatoria

*Macula re-
primentib.
nunquam
sunt repel-
lenda.*

*Lsb. 4. Aph.
2.*

*Macularū
excretio
quando &
quibus su-
uanda.*

vesicatoria & exulcerantia & attrahentia medicamenta, apposita membris exterioribus, videlicet tum cruribus, tum brachijs: his enim prauos ichores ad extremas partes attrahere, per easque eosdem euacuare poterimus, sicque per partem post partem ab intimis locis eos abducere valebimus, motumque naturæ ad exteriora adiuuabimus. Plurima ad hunc usum apta sunt, sicuti cantharides, sinapi, radix ranunculi, radix anemonis, cortex intimus sambuci, iberidis folia, & radix, allium vocatum caninum, flammula touis, & similia. Omnibus tamen ego præfero cantharides, quarum ego frequentissimum & felicissimum usum habeo, tum quoniam bezeartican vim habent veneno aduersantem, tum quoniam cum minori dolore bullas excitant. quoniam tamen hæc vesicæ aduersantur, locique ardorem sæpius etiam exterius appositæ excitare solent, quod molestissimum symptoma & pessimum esset in hisce febribus, in quibus omnia demulceri non exasperari debent; ideo ego admiscere his consueui semina ameos, quæ hac facultate donata sunt, vt prohibeant cantharides nocumentum vesicæ inferre. Dum autem hæc administrantur, semper respiciat Medicus causas, ob quas natura integre non iudicauerit. Vnde si hoc sit ratione multitudinis materię, magis insistat in euacuationibus prædictis, vel eas iterando vel easdem validius procurando, prout vires & status morbi indicabunt. Si autem hoc eueniat ob naturæ imbecillitatem, viribus intentus de earum robore cogitet, per interiusque administret ea, quæ naturam imbecillem ad motum hunc ad partes cutaneas proritare & adiuuare possit. talia autem erunt decocta lentium, casticarum, radicum petroselini, radicum apij, seminum fœniculi, & huiuscemodi: quibus admisceantur ea, quæ vim veneni propulsatricem habeant, addaturque portio vel syrupi byzantini, vel de duabus radicibus. Dum etiam hæc a Medico summa cum diligentia circa ægrotantem pertractantur, non dimittat usum eorum medicamento-
Exulcerantia & attrahentia quædo & quæ conueniunt.
*Maculis apparentibus an sit exhibendū phar-
 macum.*

materiam peccantem & venenosam ad intra retrudi. quod falsum est, cum potius oppositum contingat. quoniam per hæc roborato corde natura validior facta promptius residuum materiæ a corde excutiet, ad cutimque ipsam in qua prior inhæsit, propellet. Animaduertat tamen medicus, ne hoc tempore adstringentia quæ semper suspecta habuimus, & refrigerantia admodum in epithematibus admisceat. Sed sint hæc tantum temperata in actiuis; in reliquis autem qualitatibus sint, quæ moderate exsiccare & cor ipsum tueri & roborare possint. reliqua autem exteriora applicanda ad horum conformitatem præparentur, & summa cum ratione adhibeantur. Si autem nec pure critice, nec pure symptomatice appareant hæc maculæ, sed sit motus medius, quoniam in hoc diuersa & contraria euenire possunt; nam quandoque simul aliqua apparent bona, & aliqua mala, ac nonnulla quæ spem salutis afferant, nonnulla quæ adimant; ideo in hoc solers & diligentissimus Medicus esse debet; circumspiciatque omnia quæ ad hunc motum cōsequuntur, antequam manum ægtotanti admoueat: si enim plura sint bona quæ sequuntur, quam mala; bonaque quam mala sint maioris efficacix, coctio- nisque signa cruditatis signis præualere videat, speretque maius fore iuuamentum quam nocumentum; adiuuet motum hunc, naturæque opituletur, quantum in eius erit facultate, cum propolis & superius explicatis remedijs. secus autem, si oppositum contingat. cum enim signa cruditatis superabundare, pluraque mala ad expulsionem consequentia, sicuti virium languorem, ægri malam tolerantiam, & similia; hæcque maioris efficacix & ponderis quam bona, nouerit, dubiusque sit de iuuamento quod laturus est; abtineat ab omni auxilio quod hanc materiæ propulsionem adiuuare possit, in hocque casu similiter, ac si motus hic pure symptomaticus fuisset, se gerat: semper tamen cauendo ab his, per quæ ad intra repelli materia & retrocedere posset. *Et hæc de maculis, ad quarum exemplum exanthematū aliarumq; omnium cutanearū excretionum curatio dirigitur.* Sicuti autē natura in huiusmodi febre sæpe materiam peccantem ad cutim per exanthemata & maculas dictas detrudere conatur, ita & eandem

*Macularū
motu medio
existente,
quid agen-
dum.*

eandem nonnunquam per lotium, nonnunquam per sudorem, aliquando autem per aluum & aliquando per abscessum, excernere tentat. In quibus excretionibus omnia ea quæ in macularum cōsideratione adnotauimus, attendenda sunt, eodemque modo procedendū, scilicet vt nunquam pure symptomaticas excretiones, nec pure criticas perfectas, sed tantum imperfectas & medias adiuuemus.

Vnde lotium nunquam prouocabitur, nisi ex parte cocta materia, idemque natura excernere conante. quod enim crudum est, & probe concoqui debet, vt dicebat Galenus in cura lassitudinis vlcerosæ, huic tantā adhuc vexatio non conuenit. cum autē natura eo vergat, materiaque aliquam acquisierit coctionem; tunc diuretica, & quæ materiam eo ducere possunt, exhibeantur, & sint ea præcipue, quæ prauam qualitatem remittere possint, sicuti spica Celtica, Valeriana, asarum, scordeum, & huiuscemodi, quibus admisceri possunt aliqua refrigerantia pro ratione febris, sicuti semina illa communia. Si autem materia in totum cocta fuerit, naturaque per eam viam imperfecte iudicauerit; similibus, at vehementioribus, adiuuanda erit. Si autem perfectum fuerit iudicium, nihil medico agendum erit: sicuti & nihil pro lotij prouocatione agere debet, quando natura, colliquato vel corpore vel humoribus illā ichorosam & serosam materiam vniuersam ad renes detrudit: vnde copiosissimum profluit lotium, colore & substantia aliquando naturali, aliquando non naturali existens, vt sæpe ego vidi; sed tantum tunc obstare debet colliquationi, tentans eiusdem causas vel remittere vel in totum adimere, tuendo tamen & vrinæ vias & meatus, tum per ea quæ interius assumuntur, tum per ea quæ exterius adhibentur.

Huic similis est casus de sudore, quoniam & qui pure criticus, & qui pure symptomaticus est, nullo modo iuuandus est. Vnde si cocta materia & decretorio die sudor eueniat, ac integre sedet febrem, vel saltem faciat, vt æger facilius morbum ferat, calidusque ex toto corpore procedat, cum hic vere criticus sit, nihil medicus agat, nisi ægrum a sudore illo extergendo & recta ratione expurgando. Si vero nihil tale efficiat, sed potius oppositum agat, frigidusque sit, & circa caput tantummodo, vultum & ceruicem, erit sym-

*Lotiū quam
do & quib.
prouocan-
dum.*

*Lib. 4. de sa-
nit. tuen.*

*Sudor quan-
do & quib.
iuuandus sit.*

*Lib. de Theriaca ad
Ris.*

ptomaticus. hicque non est adiuuandus. Imo hic cum male prodeat, viresque dissoluat, potius cohibendus est: quod fiet, si facies aqua rosacea, admixta portiuncula aceti rosacei, leniter & superius madefiat: a quo tamen abstinendum est, dum summa est colliquatio, sudorque sit diaphoreticus, & vires langueant, quoniam hæc mortem proximam non curationem indicant. Quod si mors non ita instet, maximum ad sistendum sudorem iuuamentum ex Theriaca habebimus, quæ sicuti diaphoreticos sudores in cardiacis firmare potest, pariter in pestilenti febre, si quid aliud, eodem sistere valebit. Quo casu adhibeantur etiam ea remedium genera, quæ in cardiacis passionibus ministranda veniunt; quales sunt inunctiones ex oleo myrtino, rosaceo, melino, æuanthino, & similibus: quib. circa partes exudantes superinspergatur pulvis & myrti folijs, ex rosis, ex æuanthe, ex hordeo, ex sandalis, & similibus rebus confectis. Circa mammam autem sinistram apponatur cataplasma, cum magnum erit incendium, ex folijs rubi, ex myrtum baccis tum folijs, ex rosis, ex capreolis & pampinis vitium, & ex plantagine vna cum pane in oxycrato macerato paratum: aut ubi tantum non adsit incendium, mala cotonea, vel palmæ immaturæ, quarum loco accipiatur thamarindi vino austero incoctæ & contusæ, ceratoque aliquo (quod rosas, myrtillos, hypocistidem, æuanthem, acaciam, & similia adiuncta habeat) exceptæ in modum cataplasmatibus apponantur. talia enim medicamentorum genera, ubi sudorum sit nimius excessus, mirum in modum prodesse solent. Si autem sudor non perfecta existente coctione eueniat, hinc tamen subsequatur morbi leuamen, faciliusque æger toleret morbum, calidusque sit, non tamen copiosus; adhibeat Medicus quæ sudorem prouocare possunt, sicuti aquam hordei copiosam vel simplicem vel cum radicibus petroselini vel fæniculi vel aniso vel atemisia vel dictamo vel caricis, vel re cõsimili paratam, pannis æger tunc cooperiatur & quiescat, sique sit proclius in somnum, dormiat. ita enim facilius sudor proliciatur. huc eundem facilitabunt frictiones opportuno tempore factæ: cibariaque tunc temporis cum his quæ sudores, excludere valeant, alterentur. Fluente autem aluo, circumspi-

ciet

ciet Medicus an hoc sit colliquationis vice, an quia peccantem materiam natura excernere tentet. si fluxio fuerit ex colliquefacientibus, consideret, an febris sit ardens, vel non. si fuerit ex ardentium genere, frigida aqua potus tempore conuenienti exhibitus, vt Kuffus Ephesius monēbat, præcipue prodesse poterit. in hac tamen, pariter ac in febre non ardenti, administrentur ea quæ colliquationis causam inhibere possint. talis autem causa cum sit vel putredo ingens vel corruptio & mala qualitas; ea quæ putredini resistunt, quæque corruptionem & prauam qualitatem remittere valent, adhibeantur, qualia sunt prædicta omnia in curandi ratione iam explicata remedia, ex quibus ea seligantur, quæ præcipue acida & frigida sint, licet nouerim etiam lecordeum, quamuis calidum, forsitan omnibus in tali casu præferendum, cuius usum vna cum saccharo rosaceo vel conserua acetosæ in colliquantibus febribus felicissimum habeo. Ad idem maxime proficere possunt boli, terræ numeratæ, cæteræque omnes, quæ a natura validam coctionem consequuntur, prædictis similes fuerint. hæ enim siccanti & refrigeratoria qualitate qua donatæ sunt, valide colliquationem sistere valent. In hunc eundem effectum potius erit vsus alicuius aquæ naturalis, quæ cum sit vel ferrea, (vt quidam dicunt) vel mixturam alicuius terræ bolive, vt ego censeo, per summam coctionem receperit, exultat refrigerans & exsiccans, qualis nunc Imeldulæ habetur, opera Domini ci Rosurij (quoniam unicuique sua debetur laus) præstantis Medici inuenta. hæ autem non astringendo (minimæ enim adstrictionis est particeps) sed refrigerando & exsiccando, addita partium tenuitate, qua penetrare & non obstruere potest, in huiusmodi colliquefacientibus fluxionibus admodum pollet, tum putredinem inhibendo, tum caliditatem temperando, tum seminaria praua disperdendo, tum viscera omnia roborando. huius vius est pro potu, pro medicamento & pro coctione alimentorum. bibitur enim summo mane vel sola, vel ei admixto aliquo prædictorum medicamentorum, ad quantitatem quinque aut sex vnciarum, vel paulo plus. quæ quantitas, si ficiant egrotantes, repetatur eadem die per tres horas ante cœnam, in cœna

Colliquefactio fluxio præsentis, quid agendum.

Colliquationis fluxibus an conueniant medicamenta purganda.

& prandio, vel sola pro potu: vel vbi vinum sit exhibendum, ad eum lymphandum assumitur, in eademq; omnia cibaria coquuntur. eamque hoc pacto administratam docuit experientia felicissimo euentu multum prodesse, nec in ea quid timendum esse, nisi vbi patientes sint frigidioris & languidioris ventriculi. in his enim tum in potu tum pro medicamento exhibita caute administranda est, vel eam ad calidum alterando, vel eidem calida & proportionata medicamenta commiscendo, simulque ventriculum exterioribus tuendo. Huius tamen analogia non assumant in usum Medici aquas eas, quæ vltra refrigeratorem facultatem sint etiam valde aut insigniter & manifeste adstringentes, quoniam hæ constiparent quidem, ac materiam introretinerent, non tamen, cum ratione adstrictionis obstructions fouere, & inde febrem augere possent, proprie ad colliquationem tollendam conuenirent. Symptomati enim & non causæ aduersarentur. Sicuti autem talia interius maxime conueniunt, pariter exterius epithemata, inunctiones & linimenta, tum thoraci tum ventri inferiori, quæ iisdem donata sint facultatibus, administrantur. ita enim calorem præter naturam refrangere, & colliquationis causas abolere poterimus. An autem in his fluxionibus conueniat (sicuti nonnulli celebres viri arbitrati sunt) exhibere medicamenta, purgantia quidem, sed quæ viarum adstrictionem relinquere post euacuationem apta sint, id nos doceat medendi ratio & recta methodus. cum enimeducta per tales fluxiones non sint superfluitates ab humoribus ipsis vel a partibus solidis decisæ, sed sint vel humores ipsi, vel solidæ partes quæ colliquantur; nemo ambigat vlllo pacto euacuandum esse, sed causis colliquationis tantum esse incumbendum asserat. Euacuatio enim per pharmacum tæta nec materiei colliquatæ, cum natura eam sponte educat, debetur, nec a colliquata indicatur, cum vera in hoc affectu ea sumenda sit indicatio, quæ colliquationem inhibeat, quam tamen colliquationem non tantum non inhibere, sed eam augere medicamentum soluens poterit. Quod quam periculosum ac discriminis plenum in talibus fluxibus existat, dicant illi qui audacter hoc tentantes in præcipitem casum deduxere ægrotantes.

Quemad-

*Colliquefa-
cientib. flu-
xibus an cõ-
ferant ad-
stringentia
medicamen-
ta.*

Quemadmodum autem pharmaca soluentia a me in his *Colliquefactis* colliquefacientibus fluxionibus damnantur, similiter nec *consensibus* adstringentium medicamentorum usus probatur; quoniam *fluxibus an* niam si ea materia quæ per colliquationem expressa ex to- *conferant* to praua existit, ad intra ægrotantis corpus retineatur, re- *adstringenda* tenta maiorem, quam excreta, læsionem inferre posset. *ita medica-* hæc enim præterquam quod continue sui prauitate fe- *menta.* brem ipsam foueret, etiam ex retentione ista deterrimam consequeretur qualitatem: vnde & morbum augeret, & ad cor vel ad cætera principalia membra facile motum caperet. quapropter materiei iam genitæ tota ipsi naturæ, ut eam sponte excludat, euacuatio dimittatur, causisque colliquationis a medico, quantum pro viribus eius erit, incumbatur. Si autem fluxus non colliquefactionis fuerit, sed natura per aluum excretionem materiei peccantis tentauerit, attendat Medicus & naturæ motum & materiæ qualitatem. Si motus fuerit symptomaticus, materiaque *Materia fe-* sit cruda & praua, dum non est superflua euacuatio; nil al- *bris per al-* liud consideret, quam munire intestina clysteribus oppor- *uum excre-* tunis, ne in transitu ab ea materia quid patiantur: quo- *ta, quida-* niam symptomata nunquam curanda veniunt, nisi vel *gendum.* cum subeunt rationem causæ, vel cum vires debilitent. At si nimium hæc euacuatio excesserit, vnde virium languor timeatur; non tantum munire intestina debet, sed & adstringentia propinare & fluxum cohibere conuenit, cum his quæ & materiam peccantem & morbum præsentem respiciant. Cum autem euiecta materia, eius excretionem natura per aluum molietur, dum natura sponte euacuat, consideret & attēdat euacuationis finem. si enim perfecte & integre iudicauerit, nihil intentandum erit: sin minus, id quod deficit, supplere debet, pharmacoque opportuno materiei reliquum euacuabit. ita enim operi extremam manum imponet, cum ea quæ post iudicium relinquuntur, recidiuas facere consueuerint. Cum autem natura per abscessum materiam extramittere tentat, vnde in partibus *Abscessibus* glandosis sæpe tumores superueniunt, vel parotides vel bubones dicti, non regula illa generalis superius declarata at- *apparentib.* tendenda est, sed in casu isto hoc particulare seruetur, quod *quid agen-* dum.

semper hi motus quomodocunque eueniant, sunt adiu-

uandi. cum enim ad partes ignobiles, & quæ excrementa facile viscerum suscipiant, materiæ hæ prauæ & qualitate venenata infectæ a natura detrudantur, nunquam reprimendæ sunt: sed loca illa sunt laxanda, & medicamentis attrahentibus ille motus magis irritandus & prouocandus est. pro laxatione faciei butyrū, pinguedo pulli, axungia suilla recens, oleum amygdalarum dulcium, diachylon cum aliqua pinguedine dissolutum, & similia. attractionem iuuabunt animalia viua dissecta & statim apposita, sicuti & catuli, pullicolumbini, gallinæ & galli, & hoc præcipue cum summus est dolor. validius attrahent emplastra ex fermento, caricis, cæpis, columbino stercore, & similibus attrahentibus, admixtis pinguedinibus supradictis. Validissime omnium attrahit cucurbitula, sed omnium est dolorosissima. quare nisi in vrgētissimo casu admoueat. dolores enim ingentes vires dissoluunt, quarum conseruationi maxime in hisce febrib. attendendū est. Euocata materia ad partes exteriores, tentetur suppuratio cum opportunis medicamentis. quo peracto aperiatur tumor, reliquum materiei concoquatur, vlcus mundificetur, abstergetur, apertum diutius teneatur, & tandem consolidetur, & ad cicatricem ducatur, semper ea applicando remedia, quæ ea admixta habeant quæ veneno aduersari & prauam qualitatem remittere possint. Plurima alia hisce febribus mala superuenire possunt, quæ quoniam alijs morbis etiam communia sunt, curatioq; consimilis, & eadem methodo indicata eis debetur, ideo ea consulo hic prætereo; quoniam illa quæ propriæ ad curationem febris pestilentis pertinent, tantum enarrare decreui, eiusque solius tractationem pertractare sponendi.

Deratione vinctu seruanda in febre pestilenti.

C A P. XXV.

EA medendi est ratio, vt non solum circa ægrotantes medicamentis agamus, sed etiam victu: cuius talis ac tanta ratio haberi debet, vt cognoscat Medicus, ea neglecta cætera omnia auxilia incallum administrari. quapropter cum ad propulsandam hanc febrem tradita iam sint & ex-

& explicata opportuna remedia, pro eiusdem perfecta curatione ad rectam victus rationem descendamus, eamque doceamus. Recta victus ratio in conuenienti consistit lex rerum non naturalium administratione. in quarum usu si & Medicus & æger, ille imperando, hic exequendo, vt decet, se gesserint, maximo ad exterminandam febrem remedio operam dabunt. Incipientes autem a cibo & potu in his animaduertimus plura esse adnotanda. cōsiderandum enim est, quæ cibaria in hac febre conueniant, eorundemque quantitas, qualitas, præparatio & assumendi tempus. Quæ cibaria conueniāt, habetur a morbo & virtute. morbus hic semper est cum corruptione humorum. quare eorundem exigitur contemperamentum virtusq; in hac febre, licet modo magis modo minus, fere semper languet, quare pro eiusdem conseruatione & etiam augmento, vbi expediet, indicabuntur cibaria quæ nutritæ multum possint, sed quæ leui admodum egeant coctione, & nequaquam excrementosa sint. hæc autem duo munia obire poterunt iura pullorum, præcipue iuniorum, carnes eorundem, & caponum, & auicularum montanarum, perdicum, attagenarum, fercula in iuribus his parata, quæ eiunt vel pitisana vel panistris, carnes eadem, vel in elixatione in iure eliquaræ vel contusæ vel per balneum Mariæ destillatæ, ouorum recentium lutea, vel sorbilia vel in iure dissoluta. Quantitas similiter & a morbo & a virtute indicatur. a morbo quidem, quoniam cum Medicus æstimare debeat, an morbus futurus sit vel longus vel brevis, & an ad statum properet vel non; vbi censuerit morbum fore longum & statum distare, copiosius alere debet quam vbi morbum fore breuem & instare statum iudicauerit. a morbo etiam alia ratione quantitas indicari potest. quoniam si morbus hic paucam aut minimam corruptionem humorum admiserit, parciozem indicat cibum quam ille qui est cum ingēti humorum corruptione. cum enim corruptio contemperamentum exigat, vbi corruptio maior, maior etiam alimenti contemperantis copia requiretur. A virtute autem indicatur quantitas. quoniam vbi ea valet, (quod vix in morbo isto inuenire queas) parcus cibandus est æger, tum quoniam virtus valida diutius perdurare

Cibaria conuenientia in feb. pest.

Quantitas.

potest, tum ne a proprio opere coctionis humorū peccantium distrahatur natura, cuius proprium est, & cibum & humores peccantes concoquere. Si autem languet, ut in hisce morbis fere perpetuum est, indicat de pauca quantitate cibi exhibenda; ubi enim virium est imbecillitas, multitudinem alimenti sustinere non possunt. & hoc valde animaduertatur, quoniam ego in hoc vidi, maxima errata sæpe in actu medendi a communiter medicinam facientibus perpetrata. hi enim dum vires languēt, statim ad maiorem cibi quantitatem deueniunt, & quo magis debilitantur ægri, eo magis quantitatem alimenti adaugent, ita ut & lutea ouorum, & contusa & fercula simul miseris ægrotantibus exhibeant. unde eos in perniciem ducunt, cum hinc non inualescant vires, imo magis opprimantur & suffocentur. vidiq; ego ex talib. plurimos (qui forsitan vel non periissent vel saltem tardius) a sola cibi nimia & superflua quantitate, cum ultra vires cibū sumpsisent, necatos. quapropter cum debili existente virtute parum cibi indicetur, ad multam quantitatem non deueniamus. omnino quantitas licet sit necessaria pro contemperandis humoribus, & pro restauratione virium ac corporis nutritione, nequaquam tamen eam, non potentibus hanc viribus tolerare admittamus, sed parum cibi pro vice exhibentes, eandem quantitatem sæpius iterabimus, ita ut parum & sæpe cibantes eam totam quæ requiritur ad virium restaurationē, quantitatem assequemur. *Qualitas* indicatur a morbo, morbus autem hic est febris pestilens: qua febris, victum indicat humidum & refrigerantem. victus enim talis omnibus febricitantibus cōuenit, unde actu humida & sorbilia exhibebimus, quorum ratione & humectationem & faciliorem cibi coctionē habebimus, cum solida & dura difficilius concoquantur & distribuuntur: qua pestilens autem, indicat ut victus ea donata sit facultate, qua venenatæ qualitati & corruptioni & putredini aduersari queat: unde alterentur cibaria sonco, acetosa, endiuia, scordeo, hisso, melissa, boragine, seminibus citri, corticibus citri, semine acetosæ, & similibus, ea in iutibus ebulliendo. cibarijs pro hac intentione admisceantur margaritæ, fragmenta lapillorum pretiosorum, coralli, cornu ceruinum, cornu unicornis,

cornis, os de corde cerui: addantur pulueres cordiales pro cibo, quæ omnia pro ratione materiei peccantis, vel calidæ vel frigidæ, administrentur & componantur. Qui consulant, ferculis admiscendum esse succum granatorum, citri, limonum, vuarum immaturarum, & reliqua huiusce qualitatis, a me non probantur, quia non habent rationem obstructionum, quæ inter cæteras sunt potissimæ huius febris causæ tum fouentes tum efficientes. sicuti autem a me non probantur ista adstringentia; ita & damnantur dulcia, tum quoniam hæc ventriculum subueiunt, tum quoniam facile bilescunt, vnde incendium internum augeri potest. quare vsus eorum quæ ex saccharo parantur, hic dimittatur, fugiaturque ea sacchari tam ingens quantitas & tam continuus vsus, quanta & qualis imperatur & ordinatur continue a multis male medicinam facientibus. Præparatio habetur a qualitate morbi & materiæ peccantis: quare cum hic habeamus corruptionem, putredinem & malam qualitatem, indicatur ea ciborum præparatio, per quam his omnibus repugnare & aduersari possimus. Vnde in præparatione ptisanæ, vbi præsentem ingenti interius caliditate sit exhibenda, torreatur hordeum, antequam coquatur. hinc enim maiore vi exsiccati prædita erit in multa tamen humorum corruptione, tum quoniam facile diffluit, tum quia facile corrumpitur, ab hac abstinendum erit. in ferculo ex pane trito hoc fiat, vt medulla panis optimi in aqua fontici, seu endiuie vel acetosæ, aut simili infundatur, quæ exprimatur & bis & ter commutetur, vt panis inde lotus nouam adipiscatur qualitatem & vim. sicque expressus in iure ad ferculum conficiendum præparato elixetur. fercula ista itidem ad remittendam caliditatem præparentur cum lacte seminum melonum vel cucurbitæ, lutea ouorum sorbilia exhibeantur, vel sola vel in iure alterato dissoluta. oua ipsa, antequam coquantur, temporibus æstiuis & calidioribus teneantur in aqua frigida, vel acetosæ vel endiuie, ne ab aere facilius alterentur, & in hunc vsum recentia tantum assumantur. Carnes coquantur cum prædictis alterantibus, vt nouum inde consequantur temperamentum & facultatem. Vbi autem maior vigeat putredo & corruptio, iubeo ego, vt præpa

Præparatio.

*Contusum
exhibendum
in feb. pest.*

rentur carnes modo hoc nunc explicando. Accipiant pullum, quem impleant cerasis acidis, amareis dictis, folijs acetosæ, folijs limonum, folijs citri, & similibus. postea bulliat pullus vnica ebullitione, ita vt ablata spuma expurgetur ab illo excremento crassiori: deinde in veru torreatur ad ignem non fumosum, cui, dum torretur, superinfundatur ius pulli, addita tertia parte succi citri. fugiatur enim omnis pinguedo, quoniam ab hac humores facile accenduntur & sœuiunt. hinc autem habebitur caro tosta satis mollis & suavis, quæ in vsum, cum expediet ægrotanti, ad comedendum venire poterit, præcipue autem pars interna, non illa externa tosta & sicca. ego autem ex pulpa illa interiori iubeo, vt paretur contusum, admixto iure alterato, quod optime contundatur, & per cribrum tenue transcoletur, vt coctioni facilius cedat. hinc autem habebitur alimentum, quod multum nutrit, & venenatam qualitatem propulsare, corruptionique ac putredini resistere queat. si tamen vires non ita valeant, vt hoc contusum sustinere possint, iubeo, vt ex eodem pullo eliquato in bulliendo habeatur ius, quod eiusdem erit facultatis, & multum nutrit poterit. Quod si vires magis adhuc labant, accipio pullum, impleo conseruis iam in curatione enarratis, admixtis herbis, seminibus & pulueribus cordialibus, & speciebus eiusdem facultatis, semper habita ratione & febris & humorum peccantium, iubeoque, vt vel prius coquatur in aliqua aqua stillatitia, quæ, si haberi poterit, non per vasa plumbea, sed per vitrea sit sublimata, morboque & causis morbi proportionata: vel etiam si non coquatur, per balneum *Maria* dictum, in vase vitreo destilletur, quo aqua carnis habetur potens in propulsanda praua qualitate, & valida in nutriendo. cuius vsus erit per interualla, & non continue, vt multi hanc partem male intelligentes, & mulieribus consentientes, nonnunquam exhibendam iubent. Ad præparationem etiam pertineat coctio ciborum in aqua minerali seu naturali, de qua superius. quæ aqua quando sit adhibenda, iam declarauimus, videlicet vbi simul cum pestilenti febre adsit colliquatio, vel consimilis alius affectus. Tempus exhibendi cibum a temporibus morbi desumitur. Tempora autem morbo-

*Stillatitia
exhibenda
in feb. pest.*

Tempus.

morborum alia sunt particularia, alia vniuersalia. in particularibus hæc cibandi seruetur ratio, vt semper in declinationibus particularium accessionum offeratur cibus, & virtus eousque perferre poterit. vbi enim interuenerit aliquis casus virium robur dissoluens, quocunque tempore nutrire cogimur. Si autem accessiones parem habuerint æqualitatem, eundem seruantes febris motum, cibus ea exhibeatur hora, qua ægrotans sanitatis tempore assumere consueuerat. ita enim facilius cibum tolerabit, minusque ab eo grauabitur. Quo ad vniuersalia tempora, hoc obseruandum est, vt in primis diebus is tantum offeratur cibus, qui virtutem manutenere possit, vel parum augere, si opus fuerit. quare tunc temporis exhibeantur tantum ouorum recentium lutea, fercula in iure pulli alterata, vel iura ipsa modo superius declarato præparata, non autem exhibeantur carnes; quoniam tunc nimis graue onus naturæ essent, putredinem augerent, & potius opprimerent quam releuarent vires. quod tamē in ægritudinis progressu, alteratis pro parte & humoribus & praua qualitate, laudarem, si cum moderamine administrarentur & instāte necessitate, ad virium resolutarum restaurationem. ad quam intentionem commendo omnia prædicta, quæ summa tamen cum ratione administrari debent. tanta est enim huius morbi seditio, vt sicuti in medicamentis, ita in ratione victus nullum impunem fore vnquam admittat errorem. Pro potu abstineant primis diebus ab omnigeno vini. dum enim materia cruda est, a vino maxime exagitur, & facilius feruescit. aqua simplex etiam non cōuenit, quia in hypochondrijs facile bilefcit; si bibant etiam aquam cum saccharo coctam & mullam dilutam, mihi hæc non admodum probantur; quoniam similia dulcia facile ventriculū subuertūt, quod maxime vitare in hisce morbis debemus. nonnulli succum granatorum, succum berberis, succum vux immature, aque pro potu admiscēt. at ista admodū adstringentia semper mihi valde suspecta sunt. bibant potius aquam hordei, vel aquam in qua decocta fuerint cerasa illa acida, amerena dicta. cōsueui ego ordinare, vt pro potu in aqua cocta tantum iulep rosacei & tantum vini granatorū medijs saporis admisceatur, vt nec dulcedo

*Potus ad-
ministran-
dus in feb-
pest.*

nec austeritas gustui pateat, ex quibus habetur potio, quæ nec ratione dulcedinis infesta nec ratione austeritatis op-
 cua erit. Apparentibus autem coctionis signis vel virium
 imbecillitate instante exhibeatur vinum album, paucife-
 rum, odoratum, nec dulce nec astringens, sed medijs sapo-
 ris, vel subastringentis, & optima aqua lympharum. quod
 si ratione affectionum cerebri, vel alicuius instantis sym-
 ptomatis, vinum timeamus; panis medulla ad prunas ca-
 lefiat, & leuiter torreatur, huicque superinfundatur vi-
 num, quod per notabile temporis spacium ita infusum
 maneat. postea panis extrahatur, qui iam vini subtiliores
 spiritus & calidiores attraxerit: quo pane extracto, super-
 addatur aquæ ea quantitas, quæ ad vinum lymphandum
 satis esse poterit. hoc autem pacto paratum vinum non i-
 ta petet caput, nec incendium facile augebit. Vini autem
 quantitas sit pro ratione ingesti cibi. vbi enim plurimum
 vini fuerit, difficilior concoctio alimenti subsequetur ob
 supernatantem ad os ventriculi assumptum cibum, faci-
 liusque inde cerebri ob eorum plurimos vapores re-
 plebitur. *Et hac de cibo & potu.* Quo ad aerem, tem-
 peretur & alteretur pro ratione morbi, temporis anni,
 constitutionis aeris, eiusque qualitatis. & in hunc usum
 veniant omnia ea quæ superius descripta sunt pro aere al-
 terando & temperando & expurgando. Excreta, præ-
 fertim crassiora, si non sponte descendunt, arte procuren-
 tur, hicq; ea conueniunt clysteria mollia, de quorum præ-
 paratione superius iam abunde dictum est. acriora autem
 vitentur & in hunc usum non admittantur. Quies summa
 imperetur. ita enim facilius natura coctionem accelera-
 bit, quam a proprio coctionis opere motus distrahit. So-
 mnus & vigilia moderata sint. Vtraque enim si modum
 excesserint, malum. somnus diurnus, vbi in nocte dor-
 miat æger, est fugiendus, solumque nocturnis instanti-
 bus vigilijs, concedendus. Quod si non dormiat, arte pro-
 curetur, adhibendo leuiora. quoniam grauiora, cum stu-
 pefactia sint, stante virium imbecillitate, quæ vere sem-
 per hanc concomitatur febrem, valde suspecta sunt, cum
 vires extinguere nimia stupefactione possint. Quod si vi-
 gilæ cum tali virium languore valde instant, abstineat
 medicus

Aer.

Excreta
vni ratio.

Quies.

Somnus &
Vigilia.

medicus ab his quæ interioribus exhibentur, & solum exterioribus agat, sicuti inunctionibus, linimentis, odoramentis, balneis ad extremas partes factis, & similibus, a quibus timenda non sit virium dissolutio. Si autem non vigilia, sed somnus superfluat (quod semper est malum, cum omnes febres somniculosæ timendæ sint) excitentur patientes odoramentis & suffumigijs, factis ex acetone quo herbæ attenuantes ebullierint, sicuti origanum, pulegium, thymum, maiorana, salvia, stœchas, & huiusmodi. præterea frictionibus, ligaturis, cucurbitulis, vel scarificatis vel non scarificatis, reuellatur materia ad partes inferiores. quod si materia in cerebro proprium affectum inducat, cerebro per propria medicamenta, & morbo proportionata attendatur. Omnia animi molesta accidentia vitentur, sint hilares patientes, læti viuant, & bene sperent, diuinum implorantes auxilium, cuius ope & febris tolli & vita diu conseruari poterit.

Animi accidentia.

F I N I S.



PETRI SALII
DIVERSI, MEDICI
AC PHILOSOPHI
FAVENTINI

DE AFFECTIBVS PAR-
TICVLARIBVS.



EDICIEA præstantia esse debet, vt non
tatum circa illos morbos qui frequen-
tius accidunt, quorumque exactissima
ab authoribus habetur pertractatio,
bene se gerat, sed etiam, vt in eis qui ra-
ro eueniunt, quosq; praxin cõmuniter
docentes vel neglexerūt vel ignoraue-
rūt, ita se præbeat, vt recta cū ratione opportuna in his ad-
ministrādo medicamēta, miseros ægrotantes, artis nostræ
implorantes auxilium, vel negligentia vel ignorantia non
eludat. ita enim agendo, præstantē medicum se esse osten-
det, & dignum cui ægrotantium salus & hominum vita fi-
deliter & merito committi possit. Qua de re cum tanti hoc
referat, & cum inter morbosego nonnullos qui raro con-
tingunt, & quorum tractatio a communiter medicinam
facientibus nō habetur, aliquando homines infestare ad-
notauerim, de his (cum præcipue inter ceteros nōnulli pe-
riculosissimi existant, sæpissimeque mortem ægrotantibus
inferant) hic agere decreui, tum vt unicuique pateant, tum
etiam vt eorum recta curandi ratio innotescat. Vnde mo-
nitus in his raris ægitudinibus hoc consequetur Medicus,
vt si

ut si ægros hisce morbis laborantes sanitati restituere ob eorum sœuitiam quandoque non possit, saltem appositæ ad sanandum curando opportuna conuenientiaque adhibeat medicamenta, & innoxie & cum ratione medendo discernat, recteque iudicet de futuro ægritudinis euentu. inter hos primum habeat locum cerebri inflammatio: qua declarata ad cæteros descendam, singulorum essentiam, causas, signa & curationem proponens & explicans.

De cerebri inflammatione

CAPVT I.

APprehendit aliquando cerebrum inflammatio, cuius tanta est violentia, ut inde ægrotantes intra quartam diem sæpius morti succumbant, cum inuadit hic affectus, apprehendit patientem ingens capitis dolor, qui per occiput collo & vniuersæ spinæ communicatur, a quo statim deperduuntur sensus, tum externi tum interni, solusque remanet motus, qui adeo nonnunquam in his ægrotantibus validus est, ut vix quandoque loco contineri queât. quamprimū. n. correpti sunt hoc morbo deperdito, vnoquoque sensu exiliunt ægri, quemcunque inordinatum motum tentantes, modo cruribus & pedibus, modo toto corpore se agitantes, præcipue autem manibus, partes superiores, licet non semper, sæpius tamen, inuadunt, easque toto conatu distrahere nituntur, ut interdum viderim ego mulieres, hoc morbo detentas, omnes crines dilaniasse, & totam faciem vnguibus proprijs dilacerasse, sicuti etiam & viros, hac eadem ægritudine deprehensos, totam fere barbam sibi euellentes idem fecisse conspexerim. procedente morbo languescit corpus, ad motumque impotens redditur. hi semper sine voce manent, nec vllum vestigium sensus retinent, cum nec (si etiam fortiter pungantur) respondere aut annuere posse videantur. accedente hoc morbo, vna inuadit acutissima & intensissima febris, quæ eundem semper conecomitatur affectum; cum tanta tamen febre, nec si potum offeras, quid gustare ten-

*Causa, quæ
re non seu-
ritur.*

Causa.

ipsum cerebri occupans, cuius ratione ita deperduntur virtutes rectrices, cum cerebrum per propriam & innatam temperiem munia sua exequatur, ut nec dignoscere affectum ipsum nec cætera queant: unde licet in parte nervosa spiritus animales nō sint intercepti, tamē quia his mens ægrotat & deprehensa est, nec dolorem nec quid molestum ad extra per sentiunt, interius tamen cum supra modum affligantur, adsitque incendium maximum, irritata natura est in causa illius motus voluntarij, qui non potest tolli, non obstructis vel oclusis nervis ipsis. Febris autem huic morbo connectitur, quoniam cum inflammatio sit valida, & sit in membro principali, necessario ad hūc consequitur febris. Huius inflammationis causa est sanguis super calefactus, vel admodum biliosus, qui affatim irruēs ad partes superiores, cerebri corpus & partes eius internas, ipsiusque substantiam occupans, in eo figitur firmaturque, ac inflammationem facit. per inflammationem nunc intelligamus omnē tumorem calidum, siue pura inflammatio, siue erysipelas, siue ex utrisque mixtus affectus fuerit. Huius signa ex prædictis sumantur, quibus hoc addatur, quod facies in huius morbi principio satis rubet, & fere tumet. oculi autem præcipue rubent, & in his venæ sanguine plenæ apparere solent, coactantesque ac fixi prominent. Prædicta signa observātes, habebimus ea per quæ distinguitur hic affectus a cæteris, qui huic similes existentes cerebri occupant. Ab epilepsia differt, quoniam licet in utrisque deperdantur sensus interiores & exteriores, & in utrisque adsit motus, tamen in epilepsia est motus convulsivus, in hoc autem est voluntarius. præterea in epilepsia spuma ex ore procedere consuevit, quæ nunquam in hoc affectu videtur, cui etiam necessario febris acuta connectitur, quod non est in epilepsia. Ab apoplexia distinguitur, quoniam in apoplexia tollitur & motus & sensus: at in isto soli sensus defunt, non motus. præterea apoplexiæ necessario non adiungitur febris, imo raro in ea, & salubriter aliquando, apparere solet: at in hoc febris acuta admodum de necessitate connectitur. A phrenitide autem distat, quoniam in phrenitide est delirium, & non deperduntur sensus, quorum neutrum est in isto affectu. Videtur quidem

confimilis

*Cerebri inflammatio
quomodo
differat a
cæteris mor-
bis cerebri
occupantib.*

conſimilis phrenitidi hic morbus ratione affectionis, & ratione loci affecti, quoniam in vtriſque eſt inflammatio, & in vtriſque inflammatur cerebrum, tamen maxime differunt ratione partis & loci affecti, quoniam in phrenitide potius eſt inflammatio in membranis quam in cerebro ipſo, & præcipue in tenui, a qua communicatur & ipſi cerebro inflammatio, potiſſimumque parti eius exteriori & contangenti membranam: at in iſta internas cerebri partes, eiſque ventriculos & propriam ſubſtantiam inflammatio occupat. qua de re caſus hic grauior eſt quam ille, magisque lethalis, & potiſſimum cum hæc inflammationes magnæ exiſtentes partem frigidam, materiæque peccanti improporcionatam, occupent: vnde sæpe euenire ſolet, vt partem ipſam patientem fere corrumpant, & ad gangrænam deducant: quapropter dicebat Hippocrates, calum hunc ab alijs non animaduерſum conſiderans: *Quibus cerebrum ſphacelatum eſt, in tribus diebus pereunt: ſi vero hos euaserint, ſani ſiunt.* per ſphacelum autem hic, vt monet Galenus in commento, intelligit non factam & completam partis corruptionem: quoniam hæc ſanationem non admittit, ſed quæ eſt in fieri, imminetque ob inflammationis magnitudinem. Qui autem hoc patiuntur, velociter pereunt, tum quoniam morbus eſt grauiſſimus, tum quoniam pars maxime principalis admodum laſa eſt. quod ſi tamen contingat, ægrum tribus primis diebus ſuperuiuere, & ad diem quartum peruenire, poſſumus ſperare, & morbum declinaturum fore, & vires ita fortes eſſe, vt morbum ſuperare poſſint. quod vbi contigerit, in ægro nulla erit memoria præteritorum. non recordatur enim nec morbi, nec alterius rei ad morbum ipſum pertinentis: tantum hoc vidi in nonnullis qui ſaluati fuere, quod conſuſe meminerunt, ſe valde anxios & anguſtiatos fuiſſe, magnumque incendium perſenſiſſe, non tamen quid diſtincte enarrare potuerunt. Huius morbi meminit etiã Hippocrates, lib. 3. de morbis, ſub nomine ſphaceli ſeu ſydera-tionis ipſius cerebri, vbi habet, quod in his caput dolet & ceruix & ſpina. quod intelligas, dum hic morbus patientem aggreditur. hoc enim factio ſenſus omnes externos & internos amittunt. quod docet: voluit exemplo auditus

Lib. 7. Aph.
51.

*Sphacelus
quid ſignifi-
cet quando-
que apud
Hippocratẽ.*

& loquutionis, dum inquit, quod illi non audiunt, & quod de repente obmurefcunt. fubdit, his fanguinem e naribus defluere, quod non eft vniuerfale fignum, fed aliquibus tantum peculiare. quibus fi copiofior fluat, indicium eft, ex morbo conualiturum ægrum. fi parce autem, & ftillet tantum, contrarium enunciat. quod autem, vt inquit, biluefcant, eft in cafu, in quo iam natura fuccumbente vere cerebrum fphacelatur. dum enim eft fpes falutis, nō liuent, fed potius rubent ægrotantes. Huius morbi narrationem æmulatus eft lib. fecundo de morbis, fed paulo aliter: quæ omnia fere in idem coincidunt, exponenda tamen ea ratione, qua nos morbum hunc iam explicauimus. De cerebri inflammatione loquuti funt etiam Paulus, Aetius, & Oribafius ex Philumeno, quos æmulatus eft etiam Aui-cennas in huius morbi explicatione, fed eorum cafus non eft huic quem nos explicamus, confimilis: quoniam ifti afferunt, in hac cerebrum inflammatum ita intumefcere, vt futuræ capitis difparentur. quod dictum nedum verificatur in cafu noftro, fed nec apud me eft poffibile, cum futuræ ex graui ictu non ita facile diffolui & difparari poffint, nedum quod imaginari queat, ex tumore interno hoc accidere poffe, nifi forfan hoc in puerulis admittatur, in quibus futurarum ligamenta molliffima exiftunt, cartilaginofaq; corpora nondum offea funt facta præterea addunt, fublequi naufeam multam in illis, bilisq; vomitum fuperuenire, quorum neutrum in cafu noftro reperitur, nifi forfan hoc ante factam inflammationem acciderit, vt femel in vno vidi, qui in primo morbi infultu copiofiffime euomit, ftatimq; facta inflammatione, & fenfus exteriores & interiores amittens, ab omni euacuatione quieuit. De eryfipelate etiam cerebri loquuti funt, fed figna nofta nō ponunt, & addunt in hoc dolorem totius capitis aduife, & videri ægrotantibus flammam in ipfo cerebro habere: quæ duo iure cōfequuntur quidem ad eryfipelas. fed cum poft ea omnem fenfum & cognitionem hic tollat, non poffunt effe figna præfentis morbi. quare pro habēdis huius fignis recurratur ad ea, quæ ego declaravi & enarraui. conftituamusq; morbum hunc, cum fit inflammatio vel fimplex, vel eryfipelatodes, effe inter perniciem calidam cerebri cum materia

*De cerebri
inflammatione an lo-
quuti fint
aliq; Autho-
res.*

Signa.

*Indicationes.**Prognostices.**L. 16. 10 Met.
cap. 5.*

materia & cum tumore. quapropter pro eius curatione indicabitur, vt materia in cerebri substantia contenta euacuetur, & ipsum cerebrum refrigeretur. euacuabitur ista materia, si retrocedet, vel e corpore educatur: retrocedet, vel impulsâ, vel attracta a corpore: educetur, vel sensibilibiter, vel insensibiliter, materia tamen non potest retrocedere, nisi prius corpus sit euacuatum. Et ideo primo totum euacuandum est. Secundo ita agendum est, vt materia retrocedat. retrocedet autem, vel si reprimatur, vel si retrahatur. Tertio debemus materiam discutere & resolvere, & suis loco & tempore refrigerare. An possit Medicus his indicationibus satisfacere vel non, dixerim vnum, scilicet raro hoc contingere, vt huiusmodi ægrotantes saluentur; quoniam tanta est huius morbi sæuities, vt cerebrum ipsum ad gangrænam vt plurimum deducar, nisiq; ex arte statim opportuna adhibeantur medicamenta, citissime pereunt, & maxime, vbi vires ægrotantis imbecilles erunt, potissimum cum has nullo modo restaurare possimus; ad oblata enim nequaquam apti sunt, solisque exterioribus auxilijs hic agere possimus. Vbi tamen vires fortes erunt, cum in omni interua inflammatione & in acutis morbis vnica sit salutis spes, ipsa virium fortitudo: si cætera cito, tuto & cum ratione administrentur, possimus quoquo pacto salutem, licet semper cum maximo ægrotantis discrimine & periculo sperare. Pro executione autem indicationum propositarum ita procedendum erit. pro totius corporis euacuatione statim secanda est vena interna brachij dextri, vbi sit magna plenitudo: vel si non adlit plenitudo, humeraria, præmissa alui lenitione per leniens & refrigerans clystere, non per acre acria enim per partem post partem calefaciendo magis inflammant, & affectum præter naturam adaugent, febremque intensissimam & acutam, quæ huic affectui connectitur, magis accendunt. Venæ sectio sit copiosa, repetaturque eadem die ex altera humeraria. interim reprimentia & attractio frigida adhibeantur. opportuna ad hoc sunt oxirhedina ex oleo rosaceo completo, non omphacino, addita quarta parte aceti ad penetrationem, quibus totum synciput optime abrasum continue madefiat. Sed quoniam hic

summum est incendium, magis laudo irrigationes & embrochas continue adhibitas, & factas ex decoctionibus herbarum refrigerantium, sicuti ex endiuia, lactuca, solatro, semperuio, violis, portulaca, acetosa, & similibus, quæ actu frigida in continuo sint usu super incipit admodum Embrochæ stillantis. possunt etiam cessantib. embrochis, parari emplastra ex prædictis herbis contusis, admixtis earundem succis, oleisque refrigerantibus, addita portunculæ aceti rosati. hæcque frigida actu applicentur: quæ cum incaluerint, remoueantur & repetantur. hocque modo in morbi principio, & præcipue si tempus æstiuum fuerit, agatur. His refrigerare & materiâ repercutere poterimus: quam eandem materiam a cerebro retrahemus reuulsionibus & deriuationibus. præ quibus satisfacient cucurbitulæ scarificatæ, quæ plurimæ sint, & profunde inciduntur, quæ postea etiam repetantur; sed ubi nō sit magna vrgentia, non scarificatæ. ad idem facient frictions & ligaturæ dolorosæ extremarum partium, quæ etiam balnari possunt decoctionibus herbarum refrigerantium, sed quæ sint actu calidæ. ita enim actuali caliditate possunt reuelleré, potenciali autem frigiditate refrigerabūt, & vaporibus illis cerebrum demulcere poterunt. fiant autem hæc ex folijs rosarum, violarum, maluarum, lactucarum, salicis, & huiusmodi, quibus semper aliquid chamæmeli addatur ad aliquam discussionem & faciliorem transmissionem. ad eandem intentionem exulcerantia, humeris & spatulis apposita, facient, quibus ego aliquādo usus sum cum optimo successu, ea ex cantharidibus formando. Pro deriuatione conuenient hirudines post aures applicatæ, sectioque venarum sub lingua, si ægrotantes admitterent, satis commoda esset. Sed illis vniuersalioribus præmissis, factisque prædictis reuulsionibus, hoc vnum maxime laudo, cui potissimum attribuo sanitatem, in nonnullis ex tali morbo recuperatam, videlicet in missionē sanguinis ex naribus, quam hirudinibus ad narium penitiores partes applicitis habeo, nitorque, ut copiose effluat sanguis, vel iisdem repetitis, vel ad nares apposita spongia, aliquo liquore relaxante non tamen calidiori imbuta, vel saltem in aqua dulci calida infusa. hinc maxime subleuatur cerebrum, alleuiataque

uiataque natura morbus, si fieri dabitur vnquam aliqua via, superabitur. quo casu remittantur refrigerantia illa, & quo ad actualem & quo ad potentialem frigiditatem; admisceanturque prædictis tunc aliqua temperata vel leuiter discutientia, sicuti oxyrrhodino oleum chamæmeli- num, embrochis illis malua, flores chamæmeli, melilori, semina fœnugræci, lini, radices althææ, & consimilia, quæ aliqualiter discutere valeant, quorum vsus postea declināte morbo solus erit, vel nullis admistis vel paucioribus refrigerantibus. sternutatoria etiam tunc temporis, iam euacuato cerebro & inclinante morbo, adhibeantur, & aliqua odora menta, quæ non sint grauia nec caput replere possint, administrentur. Et dum hæc omnia fiunt, semper habeatur aluus lubrica, & si non sponte fluat, ex lenientibus clysteribus, vt supra dictum est, vter leniatur: & quoniam in his aliquando non prodit lotium, non exurgente virtute ad munus suum, vbi hoc euenerit, ad imum ventrem apponatur vesica semiplena oleo calido vel aliquo decocto relaxante. inungatur idem locus oleo amygdalarum amararum, oleo de leorpionibus, & foueatur cum his quæ virtutem excitare & relaxare possint. Hæc quo ad medicamenta, quo ad victum, raro est, quod ante quartam veniat cibus offerendus, quoniam vel primis tribus diebus pereunt, & sic cibandi occasio præterijt; vel his transactis ad quartam perueniunt: quo tempore, si res ex voto successura sit, incipiunt ægrotantes releuari, & aliquo modo sensus recuperare, & tunc cibandi sunt. sed cum omnimoda inedia præcesserit, nō statim pleno victu vti debent, sed tenuiter alantur, continentique sint ferculo in iure pulli tenuioris, vel alterato cum seminibus cōmunibus, abstineantque a vino, quo ad præsens non fuerit totius morbi vniuersalis & manifesta declinatio, quo tempore vinum bibant, sed pauciferum & lymphatum, largiorique cibo vtantur, qui pro ratione virium & morbi præcedentis expediat: tuncque poterunt ægrotantes pharmaco electiuo ab humoribus calidioribus expurgari, vt integre omnis morbi causa amoueatur.

De Apoplexia a sanguine.

CAPVT II.

*Apoplexia
fieri a san-
guine.*

Causa.

APOPLEXIAM fieri ab humore frigido, viscido, & lento, sit vel pituita vel humor melancholicus, replem-
te & obstruente cerebri ventriculos, cuius ratione vis ani-
malis ad partes inferiores defluere non possit, vnde ægro-
tantes motu & sensu vna cum detentione principū facul-
tatum priuentur, nemo non nouit, omnesque scribentes
de hac pertractant. At Hippocrates quarto regiminis acu-
torum docuit, etiam hanc fieri a sanguine, vt ibidem de-
clarauit Galenus in commento vigesimo tertio & vigesi-
mo septimo, quod idem & affirmauit, libro curatiuo per
sanguinis missionem, cap. quinto, hæc verba habens: *Nam
hoc pacto apoplexia proueniunt, multo nimirum sangui-
ne in principium animantis confertim irruente.* Quod
præcipue aliquando in his contingere docuit, qui plurimo
abundantes sanguine ad validas exercitationes perducun-
tur, vt habet lib. 3. Aph. commen. 20. Sanguinis hæc pleni-
tudo, cerebrum occupans, non per obstructionem ventri-
culorum, sicuti pituita & melancholicus humor, apople-
xiam generat, sed propter eorundem constipationem &
constrictionem, cuius ratione vis animalis ad infernas
partes defluere impeditur. Venæ enim omnes cerebri, &
sinus illi ampli, & præcipue retiformis plexus, adeo sangui-
ne hoc confertim irruente replentur, vt ventriculis & va-
sis principalibus angustiat, transitus virtuti animali pro-
hibeatur. Hinc dicebat Galenus, libro secundo Aphorismo-
rum, commen. 4. 2. duplici de causa fieri apoplexiam, scili-
cet aut oppletis ventriculis cerebri humore frigido, qui est
casus de quo omnes scribentes agunt, aut propter aliquam
dispositionem inflammationi similem, quæ in ipso cere-
bro constituta sit. & hic est casus præsens de quo nos agi-
mus, & cuius curationem neglexere, qui singulorum mor-
borum medicationes docere profitentur. Nam vere in ta-
li apoplexia ex plurimo sanguine, cum ex calidis humori-
bus vnus sit, cerebrum occupante sit affectus inflamma-
tioni similis. Aduertatur autem, quod non dixit Galenus,
ab hoc inflammationem fieri, sed affectum inflammatio-
ni simili-

si similem: quoniam in hac apoplexia sanguis ad intra propria vasa continetur, nec substantiæ cerebri communicatur: ac in vera inflammatione a venis magnis ad minores, a minoribus ad capillares, ab his autem in porositates & substantiam cerebri transmittitur: vnde vere membrum inflammatur. Quod membrum inflammatum cum sit ex principalibus, necessario ad eius inflammationem consequitur febris: quæ febris cum ab apoplexia oriri abnegatur, (non enim Hippocrates nec Galenus vquam huic, aut alteri apoplexiæ febrem copulari meminere) ideo apoplexiam a vera cerebri inflammatione causari non tradunt: nec ab ea fiet, sed tantum ab affectu inflammationi simili, qui non erit, nisi maxima venarum & vasorum a sanguine calidiori repletis, de qua vasorum repletionem solum in casu isto Hippocrates & Galenus, non autem de cerebri substantia male affecta meminere, cuius ratione dicebat Hippocrates: *Quod autem quis repente obmutescat, id venarum interceptiones occlusionesque faciunt.* Lib. 4. reg. quem locum declarat Galenus, libro de morborum causis, post alia subiungebat: *Vbi vero interceptuntur quas sunt in animali arteria, hoc est ita appleta sanguine fuerint, ut nullum in ipsis relinquatur locum, in quem dum assolluntur, aerem externum attrahere possint, tunc quodammodo strangulatur atque extinguatur calor internus: acquisita affecti sunt, subito sensum & motum totius corporis amittunt.* Lib. de caus. morb. cap. 3. Quare hæc apoplexia non ex substantia cerebri inflammata, sed ex eiusdem vasorum nimia oppletionem causabitur. Et hinc pateat eorum error, qui locum illum Galeni secundi aphorismorum exponentes, per dispositionem inflammationi similem, intellexerunt vel veram inflammationem, vel erysipelas; pateatque nec eos mentem Galeni assequutos esse, nec veritatem attigisse. ubi enim cerebrum vel inflammationem vel erysipelas patitur, si partes exteriores & membranæ tantum hic patiuntur, sit phrenitis: si autem intimæ partes & internæ, ipsiusque cerebri substantia hoc idem passa sit, accidit affectus illo de quo supra egimus, non autem apoplexia, in qua cum necessario adesse debeat impedimentum, per quod statim prohibeatur descendere vis animalis ad inferiores partes,

In apoplexia a sanguine non fit vera cerebri inflammatio.

Lib. 4. reg. acut. 23.

Lib. de caus. morb. cap. 3.

*Auicenna
an egerit de
apoplexia a
sanguine.*

hoc non ex erysipelate, nec ex pura inflammatione (quam hinc nec ventriculi, nec vasa omnino angustiantur) pendere potest: sed tantum hoc fiet ex venarum, articularum sinuumque nimia sanguinis repletionem, cuius ratione facta constipatio & constrictio, unde spirituum non tantum transitus prohibeatur, sed etiam & ipsi strangulentur & suffocentur; sit in causa, ut subito motus & sensus una cum detentione principum facultatum amittatur: sicque vera & exacta succedit apoplexia. Hunc affectum olfecit quidem Auicenna, non tamen perfecte metam ipsam attingit. nam apoplexiæ essentiam declarans, docebat etiam eam a sanguine fieri: quam duplici ratione accidere testabatur; scilicet vel eo statim effuso ad ventriculos cerebri, perinde ac ob pituitæ & humoris melancholici ad eosdem subito factam effusionem sit etiam apoplexia, quod non alia poterit contingere via, nisi cum ex vena, (siue hoc ex causa procataretica; siue ex interna eueniat) eiectus cerebri cavitates, multitudine replenseas, obstruit casus insententia insanabilis, tum quia ea sanguinis copia ex ventriculis cerebri arte educi non potest, tum quia ibi permanens necessario in grumos conuertetur, a quibus inuitabiliter mors succedet; vel eo oppilante non cerebrum vel cerebri vasa, sed meatus ipsius spiritus ad cerebrum permeantes, qui meatus sunt arteriæ carotides & venæ iugulares. his autem ex vehementia repletionis & multitudine sanguinis oppilatis, credit Auicenna, hominem statim apoplexia deprehendi, perinde ac contingere consuevit (inquit ipse) constrictis venis apoplecticis, quibus ligatis deperditur statim motus & sensus. At hic casus a nostro ratione loci affecti, cum nos cerebrum ipsum affectū, hic autem vasa ad cerebrum deuenientia affecta supponat, multum dissidet, nec veritati aut Galeno conformari videtur. Nam falsum est, his vasibus (siue per hæc vasa venas iugulares, siue arterias carotides, siue vtrasque intelligas) coarctatis & constrictis, hominem sopiri, sensumque ac motum amittere, ut clare docuit Galenus lib. 2. de plac. Hippocr. & Plat. cap. 6. qui etiam lib. de pulsuum usu, cap. 2. ligatis venis iugularibus exiguum quid incommodi animal sentire, vinctis autem arterijs carotidibus etiam idem currere

*An obstru-
tu venis in
gularibus
& arterijs
carotidis
homo fiat a-
poplecticus.*

currere posse, experientia hoc approbante, testatus est. Si autem his ligatis non sopitur animal, in coque seruetur motus & sensus, deperditur autem tantum (vt loco prius citato monet Gal.) pulsatio in arterijs, super partem ligatam existentibus; igitur nec his obstructis aut oppilatis videtur, posse hominem apoplexia deprehendi. subsequitur quidem ex tali oppilatione læsio, in homine lethalis, vbi hæc perseuerauerit, quoniam huius ratione, non communicata vitali virtute ac spiritu ipsi cerebro, omnes eius virtutes in posterum periclitabuntur, non tamen succedit apoplexia, quæ subito accedens, affatim sensum & motum auferre consuevit. in hac autem oppilatione cum subitus non fiat casus, nec etiam apoplexiæ nomine vocari poterit. Forſan autem lapsus est in hac re Auicenna ex nomine venarum apoplecticarum, quas Arabes ita appellarunt, quia opinati sunt, his constrictis apoplecticum hominem fieri. Hi autem apopletica vocarunt & subetica hæc vasa, ad imitationem Græcorum, inter quos præcipue Aristoteles, hoc idem libro De somno & vigilia pro vero supponēs, recensetur, qui has carotides arterias, quasi his obstructis & angustiatas stupidus & soporosus homo reddatur, dixere: cum tamen & in hac re antiquiores Græci errarint, qui, ligatis vna cum his arterijs, venis & neruis, videntes animal mutum reddi, illud sopitū dixere: obmutescentiam ipsam soporem arbitantes, quod non ab arterijs tamen, sed a neruorum interceptione causatur, quemadmodum Galenus loco citato clarissime expressit. Quare hinc cenſeo Auicennam lapsum fuisse. Ni forſan eum nos ab omni calumnia vindicare nitentes, dicamus ipsum per meatus ipsius spiritus ad cerebrū intellexisse plexum retiformem ac choroidem contextum: quibus aut obstructis aut angustiatas, cum non per ea subministretur amplius spiritus animalis ipsi cerebro, necessario eo munere suo non fungente, concidit animal, sensuque ac motu vna priuatur. Qui tamen casus a nostro longe diuersus est, nec coincidit cum his quæ a nobis declarata sunt, licet in hoc etiam prædictorum vasorum obstructio a sanguine ipso supponi queat. Huius autem cum nos essentiam, causas, differentias, signa & curationem tradere debeamus, pro eius

*Differentia
& signa.*

declaranda & essentia & causis sufficiant ea quæ nunc dicta sunt. Differentias & signa earundem habebimus ab eodem fonte, a quo & alterius apoplexiæ habemus, nam hæc, cuiuscumodi & illa, vel est fortissima, vel fortis, vel minus fortis, vel debilis. harum differentiarum signa desumuntur ex anhelitu, qui si vel prohibeatur, vel magna cum vi inspiretur, vel si non erit violentus, sit tamen inæqualis, inordinatus & intermittens, vel si aliquo modo sit ordinatus & non ita intermittens, nec ita inæqualis, indicat vel fortissimam, vel fortem, vel minus fortem, vel debilem apoplexiam. Hanc ultimam curare poterimus, si omnia fiant quæ sunt ex arte necessaria, minus fortem non ita facile, fortem cum difficultate maxima: & sæpe eius erit curatio impossibilis, sicut & eius quæ est fortissima. Signa autem,

*Prognostica.**Apoplexia
a sanguine,
quomodo
differat ab
ea qua fit a
pituita.*

per quæ hæc apoplexia a sanguine genita differat & distinguatur ab ea, quæ ab humore frigido ventriculos replente causatur, maxime consideranda sunt, quoniam tractatumque curationes non coincidunt: maximaque in ægrotantium detrimentum errata, si omnia indiscriminatum fiant, committi possunt. illa enim calefacientibus, incidentibus, acrioribus, exurentibus, & quandoque igne ipso curatur, quæ si in hac adhiberentur, omnia perniciofa essent. Distinctionem hanc habebimus, si materiam peccantem quæ sit, conijcere poterimus, præsentemque ægrotantem exacte inspexerimus, considerauerimus. materis peccantem ex præcedenti victu, ex ratione vitæ, ex ætate, ex sexu, ex temperatūra, ex anni tempore, ex aeris constitutione; ex passionum consuetudine, ex suppressa euacuatione & similibus iudicare poterimus. Vnde si patiens vsus sit cibarijs ex farina subacta, lacticijs, legumini- bus, oleribus frigidis, rapis, vinis nouis & similibus, si circa aquas vel in locis humidis degerit, si sit senex, si mulier, si frigida & humida complexionis, si sit in hyeme, si aeris constitutio his sit similis, si consueuerit pati morbos a pituita, si eiusdem aliqua euacuatio sit cohibita, si sit solitus excrementis pituitosis abundare, poterimus indicare morbum hunc a pituita genitum fuisse. Si autem patiens vsus sit carnibus syluestriam animalium, vel domesticorum, sed salitis lentibus, caulibus, cochleis, vi-
nis ni-

nis nigris & crassioribus, & alijs similibus, si sit in ætate declinanti, si habitus calidi & sicci vel saltem calidioris hepatis fuerit, si simus in autumno, si in constitutione simili, si in regione sicca degerit, si consuevit pati morbo a melancholia, si eiusdem aliqua euacuatio suppressa sit, & præcipue si hæmorrhoidum consueta fluxio sit cohibita. si sit solitus abundare melancholicis excrementis, si plurima passus est animi molesta accidentia, si curis sollicitudinibusque implicatus fuit, si vigilias vel saltem insomnia formidolosa & mœsta passus est, iudicare poterimus; hanc apoplexiam a melancholico humore genitam esse. Si vero patiens assumpserit cibaria boni chymi, & sanguinem generantia, si hilariter vixit, si moderate se exercuit, si sit iuuenis, si sit habitus carnosus, si temperaturæ calidæ & humidæ, si simus in vere, si simus in constitutione calida & humida, in regione consimili, si consuetus sit pati morbos a sanguine, si suppressa sit aliqua sanguinis solita euacuatio, si plurimo sanguine abundare sit solitus, & si alia consimilia adsint; poterimus conijcere morbum hunc a sanguine genitum fuisse. quod idem confirmabitur, si ægrotantem considerantes, in facie ruborem, in oculis venarum apparentiam, & in capite calorem insignem adesse inspexerimus. quod si pallor in facie, & frigiditas eiusdem, & totius capitis, oculique caui adsint; pituitam vel melancholiam esse in causa morbi, poterimus suspicari. Cum autem, habita hac causarum consideratione, *Indicationes.* proposita & cognita fuerit apoplexia a sanguine, quid pro eius curatione indicabitur? Quicumque morbi ex repletionem sunt, curat euacuatio. quare cum hic morbus fiat ex sola sanguinis repletionem, eiusdem sanguinis euacuatio indicatur. quapropter statim mittatur sanguis, vt docet Hippocrates in casu isto, ex interna brachij dextri vena, sanguisq; copiose educatur; repetaturq; eadem die ex alterius brachij humeraria; & quoniam materia est firmata in cerebro & loco principali, hic vltra vniuersalem totius sanguinis missione euacuationem factam conueniunt omnia reuulsionum & deriuationum genera, quæ proposita sunt inflammationem cerebri. Vnde cucurbitulæ, scarificatæ & non scarificatæ, frictiones, ligaturæ, compressiones, balnea ad

extremas partes, hirudines & post aures & ad intra nares applicitæ, ac etiam ultra hæc clystera acria, cum hic nulla sit inflammatio, conueniunt, methodo conuenienti & recta ratione administrata. An autem hic conueniant repercutientia, & cætera localia superius explicata; dico, quod licet quæcunque materia in principio sit reprimenda, cum tamen apoplexiæ principium vno oculi ictu pertranseat. cum fiat subito, non ratione principij. repercutientia conueniunt, quæ nec etiam ratione materiæ peccantis conuenire possunt. cum enim sanguis nimia quantitate superabundans adeo repleat vasa, vt spiritui animali transitus per ea permeare & ad inferas partes descendere prohibeatur, hincque crassecat & quasi coalescat, difficulterque effluat; ideo reprimentia, adstringentia, refrigerantia, repercutientia non conueniunt, quoniam magis constipabunt & constringent materiam, & eam impingent in vasis ipsis, quam quod eam possint a proprio conceptaculo excludere & repellere. quare hic monco, abstinendum esse a repercutientibus. & refrigerantibus, quoniam hæc potius sanguinem sisterent, sed vtendum esse his quæ laxare possunt. quibus mediamentis, sanguis qui in loco affecto firmatus est, possit euacuationibus, reuulsionibus & deriuationibus cedere. Ista autem laxantia sint moderate calida, tum quo ad caliditatem actualement, tum quo ad potentialem. præ omnibus autem commendo balneum aque dulcis, eiusque embrocham; per hæc enim laxantur facile vasa, sanguisque magis fluidus redditur. Vnde in his, in quibus minus quam deceat sanguis e naribus fluxerit, laudat Hippocrates lauare caput aqua dulci calida, quod remedium particulariter ipse in Metone administrauit, vnde sanguinem prouocando ægrotantem subleuauit, quoniam vasa laxare potest, & sanguinem fluere facit. Quod idem cum tentandum sit in apoplexia a sanguine, videlicet vt vasa laxentur, & sanguis fluidus reddatur, vt reuulsionibus arte faciendis, & etiam his quæ a natura tentari possunt, (cuiusmodi vidi nonnullos ex sanguinis profluvio hoc morbo sanatos) facilius cedat, remedium maxime conueniens ac opportunum existeret, & multum proficere poterit, cui in morbi progressu nonnulla etiam laxantia addere poterimus

Repercutientia an conueniant.

Lib. 3. reg. acut. 59.

Lib. p. Epid. sect. 3. 23.

rimus ea in aqua decoquendo, sicuti folia maluarum, violarum, radices althææ, radices maluæ, semina lini, maluæ, fænu-græci, althææ, & similia, quorum decoctiones ad hanc eandem intentionem procedente morbo in vsum venire possunt, modo quibusdam refrigerantibus temperatæ, modo solæ. Excrementorum hic eadem habeatur ratio, quam in superioribus habendam esse declarauimus. cibi, dum morbo detinentur, nullus est vsus: in eius autem declinatione ad sobrietates deueniendum est, cum omni moda vini abstinentia. Qui docuit, apoplexiam fieri obstructis vel constrictis arterijs, quæ plexum retiformem efficiunt, si pro casu speciali & possibili hunc proposuit, admittatur, & iure, cum ijs valibus impeditis vitales spiritus ad cerebrum promeare nequeant. quibus ipsum destitutum necessario motum & sensum influere amplius non potest. At si hunc casum, tanquam exemplar, quo semper ita apoplexia fiat, in medium protulit, non admittendus est. cum enim solutæ apoplexiæ creberrime alterius partis corporis paralyfis succedere consueuerit, & hoc ex permutatione materiæ, a cerebro ad neruos transmissæ, & transpositæ; clare liquet, non semper fieri apoplexiam prædicto modo, quoniam ad hunc casum specialem propositum paralyfis nunquam succedere potest. collecta enim materia ad basim cerebri, vbi est plexus ille retiformis, nullam habet cum neruis communionem: quibus illæsis nunquam paralyfis succedere potest. cum igitur sæpissime ad apoplexiam solutam paralyfis succedat, & in hoc speciali casu nunquam succedere possit; concludatur, apoplexiam non semper modo nunc proposito generari, & eo magis, quo apoplexia hæc ex materia angustiante retiformem plexum videatur insanabilis, cum tamen solutio apoplexiæ sæpius videatur, sæpeque ab apoplexia soluta pristina sanitas recuperetur.

*Apoplexiā
non semper
fieri obstructo
vel ad-
stricto plexu
retiformi.*

De Epilepsia a sanguine.

CAPVT III.

EPILEPSIAM fieri, quemadmodum & apoplexiam, ex venarum interceptione & occlusionē, a nimia san-

guinis copia causata, nemo præter Hippocratem & Galenum (a quibus transcripsit Auicenna) citatis locis quarto de ratione victus in morbis acutis, tradidit: nisi que hanc ego aliquando in actu medendi vidissem cum omnibus signis, ab Hippocrate prænarratis, forsitan nec huius verbum facerem. cum hic sit rarissimus casus, nec ita facile sit explicare, quomodo ex venarum interceptione & occlusionem fieri possit epilepsia, cum tamen hunc videam & ab Hippocrate, & a Galeno positum, ab Auicennaque receptum, mihi que hic casus in praxi se obtulerit curandus: propono, epilepsiam aliquando a sola sanguinis copia, venas interceptante & occludente generari. Sanguis hic cum copiosus est, ab aliqua causa extrinseca, sicuti vel ex potu vini vinosi, vel ex valida exercitatione (ut inpuere videtur Galenus, tertio Aphorismorum, commen. 20) concitatus; & quemadmodum in his qui mihi se curandi obtulerunt, semper animaduerti, irruens ad partes superiores, cerebrique vasa affatim replens, cum naturæ gravis, & qualitate forsitan etiam molestus sit; epilepsiam causat, insurgente natura ad eiusdem propulsionem & discussionem, sicuti in singultu a repletionem euenit, & eo magis natura ad hoc insurgit, quo magis ex repletionem valorum sentit se grauari & premi. Vnde in extinctionis periculum eat natia caliditas, quæ ob multitudinem & copiam suffocationi quippiam simile patitur: hacque ratione in casu isto accidunt conuulsiones, scilicet concussio & concitato primo principio, ad noxij humoris expulsionem: quod non fit in apoplexia, licet ab eadem causa generetur, quoniam in apoplexia est fere omnimoda venarum interceptionem, cuius ratione spiritus nullo pacto permeare possunt, vnde statim motus & sensus deperditur. at in hac epilepsia, licet sit aliqua interceptio & occlusio, non tamen est tanta & talis, quanta & qualis est in apoplexia: nec est adeo vehemens, ut spiritus omnino permeare prohibeat: vnde natura potest valide insurgere, quod non potest in apoplexia, cum in apoplexia etiam spiritus fere extincti sint & suffocati. at in epilepsia fit tantum, ob materiam copiosam grauantem & occludentem, periculum eius extinctionis & suffocationis, cuius ratione etiam facilius

admodum

Epilepsia a sanguine.

Epilepsia a sanguine quomodo consetur.

admodum hæc epilepsia, quam apoplexia, curetur. quæ nisi importuna adhibeantur calefacientia remedia ab his, qui epilepsiam ab humore frigido causari semper existimant, sola copiosa sanguinis missione tollitur. Huius ea sunt signa quæ ab Hippocrate posita sunt, videlicet fa- *Signa.*
 ciei rubor, oculorum constantia, manuum porrectio, dentium stridores, maxillarum contractio, & cæteri similes conuulsui morus. quod si his addatur, sanguine patientem abundare, vt ex proprijs superius positis signis conijcere possumus, causamque præcedentem eum concitasse, certo poterimus indicare epilepsiam hanc a plurimo *Curatio.*
 sanguine, eundemque venas intercipientem & occludentem genitam esse. cuius curatio cum coincidat cum ea quæ a poplexia a sanguine debetur, a superioribus administranda remedia assumantur.

De Syncope Cardiaca.

CAP. IIII.

• **A**B hoc eodem fonte, videlicet a venarum interceptione & occlusionem, altera affectio, omnibus prædictis deterior, vt quæ subitam mortem sæpe inferre solita sit, emanat. Euenit enim, vt sanguinis copia non ad partes superiores, nec ad cerebrum, sed ad vasa interna, scilicet ad venam cauam & arteriam magnam aliquando *Syncope cardiaca a sanguine.*
 affatim irruat, easque opplendo ibi sistatur, firmatusque exeuntibus & fere extinctis spiritibus coalescat: cuius ratione natua caliditas, quæ suffocationis vim, nequeuntibus spiritibus per vasa permeare, patitur, fere extinguatur, hincque syncope cardiaca ex ea accedente, nisi præsto remedia administrêtur, subita mors subsequatur. De hac syncope cardiaca genita ob extinctam fere natuam caliditatem ratione sanguinis, venas opplentis & ibidem coalescentis, meminit Gal. locis citatis, quarto de ratione victus in acutis, quam tamen viri ij qui singulorû morborû curationes tradere profitentur, adeo neglexerunt, vt de ea ne verbum quidem fecerint, cum tamen & ratione periculi & ratione affectionis hoc facere debuissent: ratione periculi quidem

quoniam hinc imminente subita morte, ea ante significare & antevertere, docere debebant: ratione autem affectionis, quoniam tenebantur animadvertere insolitum hunc casum, & a nemine consideratum, scilicet in venis viventis hominis coalescere sanguinem, qui in mortuis solet fluidus conseruari. Ego autem de hac syncope pertractans, & hæc duo considerans, scilicet & periculum & affectionem, quo ad periculum, dico Medicum futuram hanc syncope & imminente subitam mortem ex duobus precipue cognoscere posse: quorum primum erit, quod isti patientes ante casum synopes perferunt nonnunquam præfocationem quandam, non ad fauces, nec ad partes spirituales superiores, sed in partibus internis, ac si manu cor ipsis subito constringatur; deficientque, ac mutato colore viuido in pallidum sudant, cito autem reuocantur ab hoc defectu, sed subsequitur lassitudo magna: alterum est, quod in his pulsus quandoque accedit intermitrens, qui si supra unican intermittat pulsationem, magnū periculum minatur, significatque syncope hanc instare; quæ intermissio, sicuti & illa præfocatio, non aliunde generatur, quam ex illa sanguinis coalescentis copia, obstruentisque ac grauantis vasa illa & partes internas. hæc duo signa vidi ego in nonnullis, quibus cum prædixim periculum impendens, sectione venæ, alijsque remedijs opportunis ab imminente discrimine præseruati sunt. nonnulli autem alij, qui cum iisdem hoc significauerim, remedia renuerunt, subito de medio sublati sunt. Quo ad affectionem, attestor & ego ultra Hippocratis & Galeni testimonium, me obseruasse, in nonnullis ita sanguinem in venis & arterijs coaluisse, vt inde & syncope & mors subsequuta fuerit: præcipue autem hoc in puella quartum decimum annum agente perspexi, quæ cum per diem capitis grauitatem, vertigines & anxietatem passa esset, die sequenti subito extincta est. Cum dubitaretur, quo morbo perierit, & an vitio cerebri, an huius synopes merito hoc factum fuerit; secta fuit post mortem, in qua immune cerebrum ab omni affectione præter naturam inuenimus, sed in arteria magna & in vena caua ita totum sanguinem coalescere

*Periculum.
Signa.*

*Sanguinem
in arterijs
& vena ali
quando coa-
lescere.*

coalescere vidimus, vt apprehenso illius sanguinis concreti altero principio, torus sanguis coalescens ita integer ex vena & arteria educebatur, perinde ac gladius ex vagina extrahi solet. quare iudicatum fuit subitam hanc mortem a sola interceptione & occlusionē venarum, a sanguine coalescente facta, causatam fuisse. Alteram vidi iuenculam, cum per menstruam fluxionem expurgaretur, mediaque die æstiuo tempore in balneum aquæ frigidæ ingressa, & ibi morata fuisset, eadem die post cœnam hilariter sumptam subitam oppetisse mortem. hanc iudicaui ob repressam menstruam purgationem sanguinem, cuius maxime abundabat, ad vasa interna recurrisse, ibiq; coalescentē, ac venas & arterias vna intercipientē, subitā etiam hanc mortem intulisse. in hac dubitatum fuit de veneno, tamen mea sententia causa illa procatactica fuit sufficiens ad inferendam mortem, cum nouerim, sanguinem in venis coalescere posse, ad mortemque causandam hoc solum aliquando sufficere. Noui quidem, a venenato pharmaco aliquando coalescere sanguinem in venis, indeque mortem subsequi. sed ab hac syncope differt veneni casus: quoniam si tale venenum celeriter hominem de medio rapere debet, ante mortem qui venenum assumpsit, in profundissimum incidit somnum. quo ingrauescente, nec excitatur patiens nec releuatur, sed ad mortem non tamen subitam prope- rat. si autem ad tempus hoc venenum suam promere debet violentiam; coalescet quidem sanguis, sed non affatim, nec tantum, vt omnia vasa intercipiat, imo potius ea quadam acrimonia acquisita aperit, & hinc e naribus hi emungunt sæpe sanguinem adeo concretum, vt digitis solis eum apprehendant, & ad notabilem quantitatem simul vnitam extrahunt. talem etiam sæpe ab inferioribus partibus excernunt. hi tamē tandem liquato hoc sanguine, a proprioque calore destituto, vitam cum morte commutāt, exanimanturque a solo sanguinis profluuiio, quod vt plurimum e naribus prodere consuevit. Vnde pateat, veneni casum non esse huic syncope consimilem, licet ab vtraque mors immineat impendatq; , pateatque in venenis coalescere sanguinem posse. quod qua ratione fieri possit, cum venæ sanguinis proprium sint conceptaculum, propriumque eis

Sanguinem aliquando in venis & arterijs coalescere a veneno.

Sanguis quæ ratione in venis & arterijs coalescat.

*Sanguis ex
tra & nas
quare sta-
tim concre-
scat.*

fit ipsum fluidum conferuare; non ita facile est explicare. Qui tamen nouerit, qua ratione sanguis ad extra venas concreseat, poterit, easdem causas ad sanguinem intra venas existentem adaptando, rem ipsam declarare. Sanguis & vena eiectus hac ratione concrescit, quoniam quamprimum ex proprio conceptaculo eductus est, statim euanescent & exhalant eius spiritus, moxque & simul pars ichorosa separatur: quo facto reliquum refrigeratum concrescit, & ita concrescit, ut non tantum pura & syncera sanguinis pars, sed etiam ceteri ei admisti humores qui ex sui natura non possunt concrescere, (hoc enim solius sanguinis est proprium) vna cum sanguine ipso coalescant. hinc videmus non solum vtramque bilem cum sanguine e vena eiectam concrescere, sed etiam pituitam ipsam, quæ adeo in sanguinis superficie nonnunquam concrescit, ut vix gladio incidi queat, nisi que hæc & limosa pars sanguinis ei admisceatur, licet concreseat sanguis, quomodocunque vena eiectus, non tamen ita cito concrescit, nec ita dure coalescit, sicuti ei cōtingit, quando copiose ei admisti sunt & humores melancholici & pituitosi. Sanguis igitur extra venas eductus, spiritibus exinanitis & iisdem euaporantibus, ac parte ichorosa separata, ob refrigerationem coalescit. coalescunt siquidem, & quæ siccantur & quæ refrigerantur. hic autem non propter siccationem, ut patet causas consideranti, sed propter refrigerationem concrescit, & eo velocius & intensius concrescit, quo ei magis admisti sunt humores frigidiore, crassiores, & viscidiores, sicuti pituita & melancholicus humor, quorū ratione intemperiem consequutus frigidior, ad concrescendum faciliorem habilitatem & promptitudinem recipit. Hæ autem egedem causæ cum non tantum in sanguine extra venas, sed etiam in venis existente, contingere possint, clarum erit, quare sanguis aliquando in venis coalescere queat. Euenit enim quandoque, ut in sanguine, vel non genita vel excreta ichorosa parte, vitiosi defluant & abundant succi, qui substantia crassiores & temperie frigidi sanguinem crassiorem & frigidiorem reddant. qui sanguis venas internas & maiores nonnunquam occupans, adeo replet, ut spiritus intercipient & penetrare nō permittens, eos in extinctionem

nem ducat. quibus spiritibus extinctis, sanguis refrigeratur ac concrefeit, & vna cū ipso vitiosi, qui in ipso defluunt, & qui cum ad concrefcendum habilitat & disponunt, succi, nempe si hi non præsto essent, incorruptus & naturaliter fusus liquidusque redderetur sanguis; quoniam nec extinctionis spirituum causa potens adesset, nec tantæ refrigerationis occasio, vt sanguis possit coalescere. at vbi hi maneant, sistanturq; cum natiuam caliditatem respuant extinguantque, faciliter ac expedite sanguis ob introductâ refrigerationem concrefcere potest. Vnde in affectis hoc pacto corporibus, vt notabat Galenus, si sanguis detrahatur, is frigidus (quod vix vllus credere queat) crassiusque & vix effluens conspicitur, idque propter huiusmodi refrigerationem. Pateat igitur, qua ratione sanguis in venis coalescere possit, cuius ratione syncopæ cardiacæ nonnunquam generantur, quæ tanti discriminis plenæ sunt, vt nisi opportuna statim adhibeantur remedia, subita mors sæpius succedere consueuerit. quam cum Medicus omni ingenio & conatu, quantum arte fieri possit, inhibere debeat, maxime has syncopes & earum causas animaduertat. Præsentē syncopa, reuocationi caloris regenerationique spirituum attendens, & excitationem patientis his remedijs, quæ in communi sunt vsu & ab omnibus scribentibus proponuntur, tentet. Sed præ omnibus causæ incumbere debet. quæ quomodo remouenda sit, affectio ipsa indicat. & expresse docent Hippocrates & Galenus. sanguis hic copia superfluit, succisque frigidis & crassioribus abundat: quorum ratione si coalescat sanguis, mors subsequitur. Ideo antequam (vt ait Hippocrates) fixa sint omnia quæ contristant, (scilicet tum spiritus tum fluxiones) sanguis minuendus & expurgandus est. Minuatur autem per sectionem venæ internæ brachij dextri. qui si effluat, copiose educatur: si autem non ita facile effluat, inciperitque coalescere, in talibus, prius adhibitis fomentis ex laxantibus, fricari oportet cunctas corporis partes eodem tempore a multis hominibus, postea venam secare: & si sanguis medioeriter fluxerit, rursus fricare & denuo sanguinem auferre, & ita repetere, quoad debita sanguinis quantitas extracta fuerit. hoc facto refici hominē & restau-

*Sanguis alii
quando se-
ctâ Venâ frigi-
dus exit.*

Curatio.

rari conuenit, simulque de purgatione cogitandum est, ad quam intentionem assumantur ea, quæ peccantes & superabundantes humores prius concoquere, postea expurgare possint, semper admiscendo nonnulla, quæ facultatem vitalem respiciant & roborare queant. Qualia autem debeant esse ista, non referam, quoniam peccans humor hæc indicare potest, plurimaque horum est sylua ab authoribus conscripta. Hoc vnū animaduertam, videlicet, quod, cum in casu isto periculum sit, ne concreascit sanguis, coalescatque in venis, veniant in vsum ea medicamenta quæ grumos dissoluere possunt. quare secta vena, statim exhibeatur aliquod coaguli genus, inter quæ præferatur leporinum. ad idem faciet amaranthi coma in mulso epota, oxymel etiam ipsum proderit, & cætera attenuantia & incidentia medicamenta, & quæ valde lotium prouocare possunt. Viçtus sit attenuans. Vinum interdicatur, cæteraque omnia quæ sanguinem augere possunt: nisi que vires intercidant, parcus sit cibus. quod si hæc labant, alimentum sit copiosius, vinumque pauciferum & lymphatum exhibeatur.

De Hydere pulmonis. CAP. V.

*Pulmonis
hyderos seu
hydrops.*

PLURIMA morborum genera pulmonem pati, nemo non asseuerat, de quibus praxin communiter docentes pertractant. vnus tamen superest, de quo solus author, in libro de Morbis Hippocrati adscripto (a quo Anicenna, qui nihilo minus postea huius affectus prætermisit curationem, trāscripsit) egit. qui licet rarissime accedat, vt mihi qui per plures annos artem hanc exercens, tot ægrotantes curauerim, bis tantum se obtulerit, a me tamen de coetiam hic agendum est, cum & hic peritiam Medici subterfugere non debeat. Morbus hic ab autore citati libri pulmonis hyderos seu hydrops appellatur; quoniam sicuti in hydrope in imo ventre, ita in hoc affectu intra cauitates thoracis & pulmonis colligitur materia aquosa & ichorosa, quæ materia quantitate abundans, & grauitatem copia & difficultatē anhelitus obstruendo, & tussim ad excretionē proritando, excitat. nihil tamen expuitur, quoniā ma-

teria

teria adeo est tenuis, vt a spiritu facile disrupta ad partes superiores nequaquā attolli possit. Materia hæc quoniam aquosa est & ichorosa, nullam admittit coctionem. quare nec fomentis nec vnctionibus nec perfusionibus nec alterius generis medicamento cedit, nec etiam diuturnitate temporis, eum moram longiorem traxerit in thorace, vel in crassatur vel in pus conuertitur, sicuti in destillationibus cōtingit ad ipsum thoracem decumbentibus, quæ (vt docebat Hipp. lib. 7. Aphorismorum, Aph. 38. viginti diebus suppurare cōsueuere. nō descendit materia hæc a cerebro, nec per destillationē ab eo fluentem in thorace colligitur. sed vbi congesti fuerint serosi & ichorosi humores in corpore, in eoque abundauerint, si pulmo imbecillitatem vel ab ortu conceperit, vel noua occasione contraxerit, pronusque ad fluxiones recipiendas ob intemperie propriam, & præcipue frigidam, fuerit, ad eum superabundantes aquosi humores transmittuntur, qui replētes thoracis & pulmonis cavitates postea morbum hunc generant. Humores hi tenues & ichorosi aggregantur in his, quibus partes naturales frigida intemperie laborant, visceraque vel ob-
Humores tenues & serosi in quibus aggregantur.
structa vel scyrrhosa sint, & præcipue si hi otiose, & in locis humidis vel frigidis, & sub cælo consimili viuentes, potui indulgeant, cibariisque humidioribus largius vtantur. his oculi palpebra inferior, pedumque extremitates solent sub-
tumescere, calorque faciei nō viuendus, sed ad pallorem tendens conspicitur. in his autem cum congesti fuerint hi aquosi humores, transmittuntur aliquando ad cauitatem thoracis, & ad pulmonem ipsum, indeque morbum de quo nunc agimus, introducunt: qui morbus aliquando sponte solui videtur, erumpente ad alium hac materia, recludente sibi natura cæca & delitescencia spiracula & absconditas vias ad hanc excretionem, tamen postea iterum noua regenerata & aggregata materia, ad ipsumque thoracem & pulmonem denuo transmissa, eum iisdem symptomatibus & deterioribus redit, vtpote qui magis, succumbente & debilitata natura, cuius ratione copiosiores regignuntur hi aquosi succi, regrediatur. vnde in his postea manifeste & facies & scrotum & venter intumescit, non tantum

Signa.

in thoracem, sed etiam in omnes has partes, effuso qui re-
generatus superabundat, aquoso humore. Hæc de essentia
& causis præsentis morbi sufficiant. signa hæc erunt, gra-
uitas thoracis ob materiæ copiam, tussis sicca, non poten-
te natura nec materiam concoquere, nec eam ob ipsius te-
nuitatem extra ducere, difficultas anhelitus, qui frequens
admodum & parvus erit ob vias spiritus a plurima mate-
ria detentas, & propter diaphragma ad eadem compres-
sum & grauatum, ita ut hinc ægri suffocari continue fere
videantur, & quietem raro inueniant, sonitus in thorace
obstreperens bullienti materiæ similis, ab eadem causa de-
ueniens. tumor pedum & palpebrarum huic connectitur,
non tanquã proprium huius morbi signum, sed tanquam
indiciũ abundantia humoris aquosi. febris additur ab
auctore libri de morbis. attamen in his quos ego curavi,
nec fuit febris, nec ratione materiæ quæ frigida est & non
putrescit, adesse debet. Porro verum est, quod aliquando
ob diuturnam moram in thorace tractam hæc materia,
sicuti quæ in abdomine ex hydropse collecta diu ibi reten-
ta salsa & acris euadit, nonnullam acquirit acrimoniam, ut
optime hic author adnotauit, extrinsecus latus acetum o-
let, cuiusque ratione credo eam sibi viam recludere & pa-
rare, ad aluumque erumpere, credoque eandem tunc ali-
quã posse ex quadam leui accessione causare febriculam,
tamen nunquam potest ratione materiæ dari, ut necessa-
rio febrem introducat, utque febris sit huius morbi pro-
prium signum. Cuius morbi curationem author hic per
sectionem thoracis tentandam esse docet. quam tamen e-
go nec in his quos curandos suscepi, facere ausus sum, nec
etiam in alijs faciendam esse laudo. cum enim huius mor-
bi sanatio non tantum materiæ præsentis, pulmonemque
obstruentis, & replentis remotionem, sed etiam eiusdẽ re-
generationis prohibitionem indicet, cumque sectio primæ
tantum indicationi, non secundæ satisfacere possit, suffi-
ciens huius morbi remedium esse non poterit. quam eo
magis excludendam esse affirmo, quo idem, quod sectio-
ne tentandum esset, possumus tutiori via efficere, exhiben-
do ea medicamenta quæ hanc materiam educere possint.
Exclusa autem sectione ista, hanc ego curandi methodum

& ratio-

*Febris an sit
in hydropse
pulmonis.*

*Curatio se-
cundum
Hippo.*

& rationem propono. Materia aquosa, pulmonem replens
& obstruens, indicat sui euacuationem; & quoniam in ipso
thorace non gignitur, sed aliunde transmittitur, indicatur,
vt eiusdē generatio prohibeatur; si quid vero huius genitū
fuerit, educatur & alio diuertatur. An his indicationibus
possit medicus satisfacere vel non, dixerim ego difficilli-
mum esse, quoniam corpora hæc in quibus tales gignun-
tur morbi, huiuscemodiq; aquosi aggregantur humores,
imbecillum calorem natium habēt, virtutesq; naturales
satis languidas, & viscera admodū læsa possident. quarum
omnium causarum ratione vix præseruari possunt; quin
non tantum in præsentem, sed etiam in deteriorem inci-
dant morbū. nam omnes hi in hydropem proclives sunt,
in quam tandem illos delapsuros esse credo, sicuti eos vidi
quos curandos suscepi. quos licet ab hoc thoracis affectu
per quædam interualla educta materia peccante liberaue-
rim, & per menses & annos eos, maximo tamen cum la-
bore, præseruauerim; tamen tandem in hydropem lapsi
sunt, ex ea; extinctos fuisse animaduerti. Vt autem pati-
entes a præsentī morbo vindicemus, pro prima intentione
veniant nobis in vsum ea medicamenta, quæ aquosos hu-
mores euacuare possint. qui aquosi humores, cum tenues
sint, euacuationiq; satis habiles, nullam requirunt coctio-
nem, sola autem viarum præparatione ne molesta fiat eua-
cuatio, indigent. quare viæ communes primo expurgandę
erunt, fluidumq; corpus reddi debet. postea medicamentū
aquosum materiam educens exhibeatur. plura hæc sunt,
tamen duo tantum proponam, quæ mihi in felicissimo v-
su sunt: alterum est elaterium; alterum est succus radicū
sambuci. hic ad vnciam vnā & semis vel circa; ille ad qua-
tuor grana ad summum. si recte paratū fuerit exhibitum,
potest hanc materiam serosam educere. quæ tamen repe-
tenda erunt, quoniam vnica euacuatione vniuersam ma-
teriam educere non poterunt. Educta materia peccante, at-
tendendū est causę generationis materiæ: quæ causā quo-
niam est viscerum vel intemperies vel obstructio, vel scyr-
thus, per propria medicamēta vnicuiq; incumbatur. quod
si hæc omnino tolli non possint, indeq; necessario semper

*Curatio
propria.*

*Prognosti-
cum.*

aliqua serosi humoris quantitas regeneratur, ultra euacuationem faciendam per medicamenta propria, fiant cauteria in brachijs vel cruribus, quibus continuo regenerata materia educatur, simulque a thorace reuellatur. Summa interim habeatur victus ratio, cuius merito cum opportuna non seruetur, sæpe maxima adaugetur hæc humorum serosa aquositas. Vnde hi parce viuant, cibarijs vtantur exsiccatiis, merū & in minima quantitate bibant, quātum possint, non tamen ultra vires, exerceantur, loca ab omni humiditate immunia habitent, in aereque sicciori omnia his opposita vitantes degant.

De inflammatione membranarum intersepiens & pericardij.

CAPVT VI.

IN cauitate thoracis continetur pleura, arteria aspera, arteria leues, pulmo, membranæ intersepiens, pericardium, & cor. de affectibus pleuræ, arteriarum, pulmonis, & cordis omnes scribentes pettractarunt: at de affectibus membranarum intersepiens & pericardij nemo nec morbum nec curationem exposuit, quas tamē partes cum nihil prohibeat, sicuti & cæteras, diuersis apprehendi morbis; mirandum est, qua ratione praxim docentes eas ita neglexerint, vt ne harum quidem minimum fecerint verbum. hanc rem diu ego animaduertēs, cum censerem fieri non posse, quin hæ partes vel inflammatione vel alio affectu aliquando laborarent; tandem experientia & ratione ductus cognoui, has partes nonnunquam inflammari, aliosque similes morbos pati, quorum sæuitia ob cordis viciniam sæpe ægrotantes in extremum vitæ discrimen incurrunt. Quam rem cum hic explicare decreuerim, primo ante alia exponam methodum, qua in nonnullis ægrotantibus. hasce partes inflammatorias pati affectus indagauerim, deinde qua ratione ipsi curandi sint, & quomodo in illis me in administrandis remedijs gesserim, declarabo. Ad ægrotantes accedens, vidi nonnullos febre acuta detineri, ad quam inquietudo magna ingensque sitis consequebatur, & cætera quæ febres ardentes concomitari solent.

Signa.

lent. in his spiritatio frequens admodum & celeris erat, in thorace maximum aderat incendium, vnde & frigidum aerem inspirare desiderarēt, & calidum spiritum reflarent. nullus in thorace affligebat dolor insignis, præterquam ad sternon, vbi angustiam & offendiculum quoddam in inspirando potius, quam dolorem, perſentiebant. tussis in omnibus fuit, at in aliquibus sicca in principio, quæ postea subſequebatur humida. quæ per tussim excernebantur, erant colorata vel rubra vel flaua. plurima tamen flauæ coloris, pauciſſima rubei vidi. pulsus in cunctis erat, qualis pleuriticorum eſſe ſolet, vt ſi dolorem lateris habuiſſent, cæto pleuritide laborare iudicati potuiſſent. Hæc omnia conſiderans, videlicet febrem acutam, incendium in thorace, ſpirationem frequentem, offendiculum illud ad ſternon, tussim cum ſputis coloratis, pulsus duritiem, non potui non induci, quin crederem hosce ægrotantes inflammationem in partibus ſpiritibus pati, quæ cum non eſſet peripneumonia, quoniam nec aderat illa difficultas angustiæ anhelitus, quam in peripneumonia aſſeſſe noueram, nec illa pulsus durities hoc cōfirmare poterat, & cum pleuritis ſimiliter eſſe non potuiſſet, cum huic non aſſideret dolor lateris pungitiuus, nec etiam cor hoc pati iudicarem, vt pote quod ſere incipientes vix tolerare poſſit inflammationes; reliquum erat, vt cenſerem membranas interſepientes pericardiumve hanc pati. quibus inflammationis neceſſario omnia ſuperius dicta conſequantur. febris quidem acuta & vehemens accedit tum ratione affectus, tum quia ſedes affecta parum diſtat a corde. quod cum ſupercaleſcat admodum a proxima flamma, non mirum eſt, ſi etiam in thorace incendium perſentiāt, inquietudoque ſuccedat maxima, & ſitis aliquando inexhauſta ſequatur, hocque multo magis inflammato pericardio, quam membranæ illis, quorum membrorum inflammatio altera ſæpius ob viciniam alteri communicatur. Cæterum an magis afficiatur vel pericardium vel membranæ, hoc ex ſubſequentibus habeatur. affecto enim magis pericardio, vrgente morbo, ſyncopæ aliquæ nōnunquam contingunt, & æſtuationes ingentes accedunt, quoniam inflammatio cor ipſum ſere contangit, omniaque ſympto-

mata in hac sunt sauiora, quam affectis membranis. lis-
dem inflammatis, quoniam connectuntur & membranæ
succingenti & thoraci; sequitur anhelitus difficultas, spira-
tioque inde frequens est, celer autem ratione necessitatis ad-
aucta, dolor verò, licet inflammatio sit in parie membra-
nosa, non adest ita pungitius, sicut in pleuritide. quoniam
hæ membranæ, sicut illa, non firmanentur ad costam vel ad
os alterum, cuius merito compressa maiorem perferant
ab eo punctiōe, sed est in parte laxa thoracis: nec hæ, sicut
illa, adeo sensatione vigent, sed offendiculum illud ad ster-
non tantum in his succedit, quoniam hæ partes ibi collig-
gantur. quare & ibi inflammatio tanquā parti magis sensi-
tiuæ quoquo pacto communicatur. tussis autem cum spu-
tis coloratis adiungitur, quoniam cum in omni inflama-
tione quæ operculo duriori non tegatur, semper ali-
quid resudet, ideo his partibus affectis materia peccans re-
sudando tussim excitare cogitur, pro rationeque materię
diuersi apparent colores, & inde sputum coloratum, quod
perfecto fuit principale signum, quod me ad hoc iudi-
candum manuduxerit, cum viderim, Galenum sputa co-
lorata in acutis passionibus adscribere inflammationibus
partiū spiritaliū, scilicet vel pleuræ vel pulmonis, quorum
neutrum cum in prædicto casu clara luce deprehenderem
inflammatione affectum esse, conieci hanc in membranis
illis adesse, communicata aliquando ipsi pericardio etiam
hac affectione. pulsus omnino durus in hoc eodē casu ac-
cedit, quoniam genita inflammatione in corpore mem-
branoso, cuiusmodi hæc duo sunt, necessario in arterijs ta-
lis durities imprimitur, qualis in pleuriticis videri solet.
Cum autem omnia hæc, ut ex dictis clare liquet, ad inflama-
tionem dictarum partium necessario consequantur,
non sit mirum, si per hæc eadem, tanquam per propria hu-
ius affectionis signa in cognitionem inflammationis ha-
rum partium deuenirem, quod eo mihi fortasse facilius
quam alijs contigit, quoniam ductus exemplo & analogia
semper hunc affectum omni diligentia in ægrotantibus
inuestigauerim. nam cum iunior essem, sub præceptoribusque
celeberrimis huic studio operam dare, vidi nobilem
lanuensensem ab iisdē curatum; qui cum fere omnib. prædi-

*Lib. 13. Meth.
cap. 18.*

&is symptomatib. teneretur, & ad oblata cæteraq; omnia
 tamē belle se haberet, lotioq; admodum laudabilia essent,
 coctionemq; indicarent, quorum merito ab eis indicaba-
 tur hūc ex morbo conualiturum fore, ex imperato, præce-
 dentibus nonnullis syncopis, nona die defunctus est. Cum
 dubitaretur inter Medicos de morbo, & eius amici suspi-
 carētur de veneno ob syncopes illas, sectus est, in quo nulla
 alia re præter naturā præsentē, inuentus est in membranis
 intersepiētibus tumor inflammatorius, satis notabilis ma-
 gnitudinis, qui etiam in parte communicabatur pericardio.
 Hoc cum memoria semper conseruassē, data occasio-
 ne coniecturam de eodem morbo, analogia ab enarra-
 to desumpta, feci, credoq; me in pluribus verū huius morbi
 indicium consequutū fuisse, qui morbus cum sub nomine
 inflammationis exponatur, per inflammationem omne
 tumoris calidi genus, a quacunq; gignatur materia, sicuti
 in pleuritide, declaratū est ab omnibus, intelligatur. attame-
 nē, ut antea adnotaui, ego vidi hanc a duplici tantū mate-
 ria causari, scilicet a sanguine & bile, raro a sanguine, a bi-
 le autē frequentius, hancq; sœuiorem esse quam illam ani-
 madueri. Auicennas quidem de pleuritide agens, visus est
 de inflammatione membranarum intersepiētium memi-
 nisse, dum inter veras pleuritidis species velaminis distin-
 guentis inflammationem recenseret. Verum an nomine
 velaminis distinguentis intellexerit potius mediastinum,
 quam septum transversum, plurimum difficultatis habet.
 Noui sane, quosdā clarissimos authores explicasse per hoc
 velamen mediastinū ipsum, quoniā ex succingenti mem-
 brana, in qua vera sit pleuritis, hoc formatur. nihilominus
 Auicennas ipse, dum huius inflammationis signa exponit,
 potius diaphragma quam mediastinum hoc esse demon-
 strat, dū inquit rationis permissionem ac deliriū consequi
 hanc affectionē. quod est proprium signū septi transversi,
 non mediastini inflammati. ad hoc enim necessario mens
 læditur, quod in illius inflāmatione cōtingere non consu-
 uit. præterea addit, quod omnia accidentia in inflāmatione
 velaminis distinguentis sunt vehementiora, & dolor diffi-
 cultas anhelitus. At in inflāmatione membranarū interse-
 pientium potius offendiculum quoddā ad sternon, quam

dolor adest, & ubi adfit dolor, non est vehemens, ac difficultas anhelitus in eodem non est admodum ingens: licet enim sit frequens & celer ob necessitatem aduictam, & aliquomodo difficilis ob instrumentorum inobediētiā; attamen cum ei non sit dolor ingens connexus, nec multum difficilis esse potest anhelitus. At in inflammatione diaphragmatis & dolor est vehemens ratione partis affectæ, & ratione continui motus partem affectam lacerantis; & spiratio est admodum difficilis, cum sit affectum instrumentum primo respirationi inserviens. Quapropter ex his censeo ego, Auicennam non mediastinum per velamen distinguens, sed septum transversum potius intellexisse, & eo magis, cū testetur in tali affectu eam vehementiam & velocitatem febris, quæ in plurimide pura & vera ex membranæ succingentis inflammatione causatur, non adesse: cum & ratio ob viciniā cordis dicteret, & expectentia ipsa testata sit, mediastino affecto, statim hominem corripī acuta & ingenti febre, quæ in inflammatione diaphragmatis raro est, quod a principio sit ita acuta, cum in hoc ab initio omnia accidentia, quam in mediastini affectione, sint leuiora. His addo, supposito etiam quod potuisset Auicennas hoc loco intelligere membranas intersepientes, curationem huius affectus ab eo postea neglectam fuisse, qui solum diuersarū pleuritidis specierum in sequentibus, non particularis huius casus curandi rationem complexus est. Hanc autem ego explicaturus, cum de essentia, causis & signis presentis morbi quæ dicta sunt, sufficere debeant, ad curationem ipsam descendō. morbus hic est inflammatio, in qua est materia. ergo eiusdē indicabitur euacuatio. euacuabitur autē, si vel retrocedat, vel si sensibilibiter, insensibiliterve educatur; retrocedat, si vel reuellatur vel repercutiatur. educetur autē insensibiliter per discutientia, sensibilibiter autem per sputum prouocantia. at hæc postrema non sunt admittenda pleno existente corpore. igitur primo corpus est euacuandum. Quare quatuor erunt intentiones, totus euacuatio, reuulsio, percussio, & materiei in loco affecto contentæ insensibiliter vel per sputum euacuatio. Quibus indicationibus an medicus sperare debeat plene satis facere posse, dico hoc non ita facile esse quoniam

*Indicatio-
nes.*

Prognostica.

quoniam hic habemus morbum validissimū, & pleuritide vehementiorē. quam si Galenus asseuerat ingentē causare febrem, quia parum distata corde, & quia cum pericardio succingens membrana cognationem habet, quid dicendum est, fore eo inflammato, & membranis intersectis, quæ cordi proximiores sunt quam pleura? profecto in hoc morbo omnia validiora sunt, præter dolorē, quā sint in pleuritide. vnde & in hac, sicuti & in cæteris inflammationibus internis, vnica erit salutis spes ipsa virium fortitudo. quam cum præsentem habuerimus, omne remediij genus opportunum audacter tentabimus. Itaque a prima indicatione incipientes pro totius euacuatione, lenita aluo clystere leni & refrigeranti, secetur interna vena brachij dextri. viribus enim constantibus, in morbo magno statim ad sectionem venæ properandum est. copiose autem emittatur sanguis, & præcipue vbi summum sit incendium in thoracē: nam venæ sectio copiose facta non tantum euacuat & reuellit a loco affecto, sed etiam sanguinem valde refrigerare potest. a venæ sectione laudo, vt statim exhibeatur, vbi plurimum fuerit incendij, & morbus a bile pendeat, aqua endiuiz vel acetosæ vel hordei actum frigida ad libram, vel circa. repetatur venæ sectio vel eodē die, vel potius sequenti, si vires non admodum constarent, nec sit habitus, qui facile omnem ferat euacuationem. rari autem sunt casus consimiles, in quibus ego ad secundam & aliquando ad tertiam sectionem non deueniam. testorque me semper per posteriores venæ sectiones deteriorem sanguinem, quam per primā, eduxisse, & inde semper magis saluti ægrotantis cōsultum fuisse. qui si ex repetita sanguinis missione non releuetur, pauca de eo spes habenda erit. Euacuato toto corpore, reuulsaq; per venæ sectionem a loco affecto materia, thoraci applicentur ea quæ inflammationem lenire, temperare, & aliquo modo reprimere possint. ad hanc intentionem sumātur ea, quæ frigida quidem potentia sint, sed omni careant adstrictione cum medicamenta altius penetrare debeant. astringentia enim sibi viam præcluderent, & materiam magis in loco affecto constiparēt. cuius ratione oleum violaceū omnibus præfero, quo tepido inūgatur sæpe totus thorax. in quo si sum-

Lib. 5. de loc. affect. c. 2.

Curatio.

num sit incendium, inflammatioq; erysipelatis naturam
 sapiat, tempusq; æstiuū fuerit, eo vtor actu frigido, & non
 tantum eo ad inungendum vtor, sed etiam ad epithemanda-
 dum, infusus in eo pannis lineis, & postea eo madidis appli-
 citis, & subinde mutatis. cui aliquādo admiscui lac recens
 non coagulatum, & parum aquæ endiuix, quibus eodem
 modo epithemaretur pectus. ad idē paretur emplastrum
 ex farina hordei cum succo endiuix vel lactuce, ex eodem
 oleo impinguatū. An autē ista vel actu vel potentia tan-
 tum frigida conueniant in hoc casu, cum frigidum thora-
 ci ex Hippocrate inimicum sit, & talia etiam in pleuritide
 sint nocua, quæ affectui huic similis videtur, dico, cum in-
 flammatio hæc sit in penitioribus thoracis partibus, qua
 ratione non occurrunt statim medicamenta patti læsæ, &
 sit in loco, vbi plurimum calor viget & abundat, quod ista
 conuenient; quoniam hic in tanto incendio inflammatio
 hæc tolerat medicamēta frigida, quæ ex indicatione ei de-
 bentur, cum flamma sit prope cor, & materia existat ad-
 modum calida, nec affectus in exteriori thoracis parte po-
 situs sit, quæ neruosa existēs, aeri frigidiori & medicamen-
 tis exposita, ab eis laxari potest. Hæc sunt rationes, quibus du-
 ctus, virgente inflammatione aut erysipelate, in tempore
 æstiuo ad frigida deueni medicamenta. quod si hæc nō pro-
 bantur, dicam id quod dixit Galenus, quando loquebatur
 de causis pulsuum intermittentium, hæc habens: *ha si tibi*
rationes probantur, Statim licet; sin secus, at ut docet ex-
perientia, rem scito, Et diximus. Si tamen non ita virgeat
 inflammatio, nec incendiū summum sit, nec sub celo ca-
 lidiori non decumbat æger, frigida actu prætermittens ad
 tepida medicamenta descendendo; & si aeris constitutio vel
 hyemalis sit vel ad eius temperiem vergat, eadem actu ca-
 lida administrare iubeo. Dum autem hæc frigida ex indi-
 cationis narratis administro, cū ex prædictis medicamētis
 remittatur incendium, ijsdem postea tepidis vtor, & admi-
 sceo oleo violaceo parū olei chamæmelini. dimitto vsum
 aquæ endiuix & lactis. quod si magis leniendum sit, addo
 prædictis oleis mucilagines seminum maluarum, alihææ,
 fænugræci, & similia; hæc q; similiter in his infusis pannis
 & subinde mutatis administrare iubeo: vel aliquando præ-
 dictis

*Lib. 2. de ag.
 ex pul.*

dictis oleis, & mucilaginitibus, cum maiorem discussionem & coctionem tento, addendo pinguedinem pulli recentem & paucam quantitatē croci cum cera in modica portione linimenta paro. Dum hæc sunt, prouocetur sputum, educaturq; materia per lambitiua, & præcipue sint ea quæ non calefaciunt, sicuti syrupus violatus, addita portiuncula syrupi de iuiubis, vel de farfara, vel de liquiritia. Electuaria, cum plurimum recipiant saccari, non laudo, quoniam ista facile bileseunt, ubi sit incendium internum, bilisq; abundet. qua ratione ductus, & etiam Hippocratis præcepto, qui in biliosis & calidioribus morbis mulsam dilutam, meam & non dilutam damnando, præferebat. consueui ego uti decoctionibus pectoralibus summa cum ratione factis, semper a calidioribus abstinendo, quibus admisceo portiunculam prædictorum syruporum, & ita mulsam dilutam non spernendam in tali casu habeo, qua facile sputum prouocatur, & ex ea corpus non accenditur. Ad cuius rei similitudinem, dum materię præparationem (quæ interim potionibus conuenientibus est concoquenda) & coctionem tento; iubeo, ut potiones concoquētes plurimum habeant decoctionis, parum autem ex illis syrupis, ut meracitas mulsæ fugiatur, eademque diluta habeatur, decoctiones parentur ex hordeo, violis, endiuia, cap. Veneris, seminib. cidoniorum, passulis & similibus. syrupi sint, violatus præcipue, & de endiuia, addita portiuncula vel de iuiubis, vel de farfara, vel de liquiritia. hæc, dum viget incendium internum, exhibeantur actu non calida, nec frigida etiam, sed ad teporem aquæ fontium consimiliter temperata, quib. cum procurata fuerit coctio, materia peccans conuenienti educatur pharmaco, quod opportunum erit, si nec validum sit nec malam qualitatem habuerit, thoracemq; respexerit. quare non transcendantur pharmaca ex benedictis vocata, assumaturque, Manna, Rhabarbarum, syrupus violatus solutiuss, & similia cum decoctionibus pectoralibus dissoluta. Quod si in loco affecto remissa inflammatione, & ea cedente, quid remanserit discutiendum, quod per superius dicta non potuerit resolui, formetur emplastrum ex radicibus althææ, maluæ, folijs maluæ, & violatum, ex dactylis, caricis, sebesten, & passulis, quæ omnia

*Lib. 3. reg.
acut. 13.*

terit, in qua, eum eam secuerit, cæteris omnibus corporis partibus illæsis, inuenit in ambiente cor tunica tumorem præter naturam, qui humorem aquosum in se continebat, qualem pustulæ quas hydatidas vocant, emittere solent; diu hanc rem obseruaui considerauique, ac dubitaui, an hoc fieri possit. eum enim pāniculus iste inter partes ignobiles reputetur, vt idem Galenus testatur, ipsoque solo affecto, exemplo reliquarum omnium partium, quæ ad eustodiam & tegumentum cæterarum nobiliorū factæ sunt, nullum insequatur periculum, (quod historia pueri Marylli Mimographi, ab eo in libris Anatomiearum administrationum narrata, maxime confirmare potest, cum in eo ob sphacelatum os pectoris, ex illo osse in loco in quo pericardij vertex adnascitur, huius panniculi apex sectus ita fuerit, vt cor nudum appareret, & tamen superuixerit) hinc conijciebam difficile esse iudicare, quod eo affecto tabes vniuersi corporis subsequi possit. Attamen cum nonnullos emaciari viderim, nulla præsentē destillatione, nec sputo, vel eruento, vel purulento, nullaque naturalium partium ita læsa videretur, vt hinc macies & atrophia subsequi possit; in eam deueni suspensionem, posse hoc aliquando contingere ex pericardio quomodolibet affecto, quod licet inter partes ignobiles adnumerandum censeatur, ideoque si solum afficiatur, nullum posse periculum afferre: attamen cum aliquando ita affici possit, sicuti apparet eo inflammato fieri posse, ideo poterit plura mala prodere lethalia, quæ hominem vel breuiori vel longiori tempore pro diuersitate affectus rapiant. & ita non erit impossibile, quod aliquando tabem inducat, eum ea ratione, vel cōsimili quæ a Galeno enarrata fuit, erit affectum. si autem vulneratum, sectum & excisum in puero Marylli, mortem non tantum non induxit, sed cito sanatum fuit; hoc contigit, quia eo solo affecto, illa affectio eordi non communicata fuit: quæ si perseverasset, potuisset diuturnitate temporis cor in consensum trahere, & inde mortem causare. Affectus autem hic pericardij, ex quo aliqui emaciantur & rabescunt, qualem ego in nonnullis factum fuisse, coniecturam feci, quo pacto curandus sit, videant alij & doceant. Ego enim, licet omni ingenio hos præseruare tentauerim,

*Lib. p. de
loc. affect.
cap. p.*

*Lib. 7. Anat.
adm. cap. 13.*

nihil tamen profeci, omnesque hos vidi tandem tabe consumptos, & emaciatos, ultimo loco quadam accedente leui febricula, cui syncopes sapius connectebatur, perijsse.

De tumoribus Diaphragmatis.

CAPUT VIII.

Diaphragmatis tumores sine febre.

DIAPHRAGMA, membrum maxime respirationi deferuiens, duplices patitur tumores, & ab utrisque ægrotantes in extremum vitæ periculum deducuntur. quidam sunt breues, quidam longi: hi a materia sæpius frigida, illi a calida generantur. de utrisque egit satis abunde Galenus pluribus in locis: quæ loca cum ad cognitionem essentia horum tumorum, & eorundem causarum & differendarum & signorum plurimum faciant, rem ita ex Galeni locis declarando exponam, in mediumque adducam. Diaphragma cum tumore afficitur, dupliciter hoc pati solet, nam irruentibus excrementis ad ipsum, potest tumorem & sine febre & cum febre pati. si sine febre afficiatur, a principio dolor & respirandi difficultas cõtinget. præterea pulsus parvus accedit & durus. quo autem ad crebritatem. quoniã in his necessitas non est adaucta, vel parum quid, vel nullo modo mutatur, ut docet Galenus, lib. 4. de præfagatione ex pulsibus, cap. de sepro transuerso. & hæc excrementa debemus iudicare esse cruda & tenuia, quoniam crassa non possunt infigi in substantiam nervosam diaphragmatis. quoniam autem hæc excrementa carent eximia caliditate, hi tumores possunt esse non tantum longi, sed etiam diurni, sicuti experientia vidi in nobili ægrotante, cui ex crudiore & subtiliore sanguine factus est tumor in sepro transuerso, diurnus. in quo cum dolor & spirandi difficultas pulsusque durities & paruitas adessent, ad eum tamen non subsequutum est delirium, cum hoc videretur rationabile ex eo, quod hæc pars ad mentem, unde phrenes appellata est, plurimũ faciat. quasi quod ad sapientiam conferat, quoniam materia & tumor eorum frigidus & crudus, ex quo tandem mortuus est, cum prius fere ad tabem deuenisset, & in ultimo disrupto abscessu

fcessu expuisset cruenta & cruda, aliquo modo tenuia, &
 quæ nullam coctionem indicarent. Ad hunc eundem
 tumorem sequitur necessario tensio præcordiorum sub-
 uacua, quoniam tenduntur muscoli ad diaphragma, nul-
 la existente in hypochondrijs inflammatione, vel alio si-
 mili tumore. & vt paucis hanc partem concludam, tumo-
 res hi longi & diuturni generantur a materia tenui & fri-
 gida, quæ tamen temporis diuturnitate in loco affecto
 crassescit, & ad hos sequitur dolor, difficultas respirandi,
 pulsus durus & parvus, qui ad crebritatem vel parum, vel
 nihil mutatur, & tensio hypochondriorum nullo apparen-
 te in his tumore ad tactum. & si his tumoribus aliquando
 adiungatur febris, vt experientia pluries adnotauimus, nõ
 est acuta, nec delirium necessario subsequitur, quod ta-
 mē aliquādo in appropinquante morti vidi accessisse. & hi
 tumores, cum perseverant & non soluantur, patientes
 ad tabem deducunt. quod licet non fuerit a Galeno no-
 ratum, tamen testor ego, verum esse hoc accidere. &
 hæc de tumoribus longis sine febre, causatis a materia
 frigida. Si autem tumor diaphragmatis cum febre ac-
 cesserit, hoc inde euenit, quod putrescentibus excre-
 mentis influxis, quæ necessario vel biliosus humor, vel
 calidus & tenuis sanguis sunt; quoniam crassa materia,
 vt sanguis crassior & pituita lenta, propter densitatem
 diaphragmatis in ipsum non possunt recipi, inflamma-
 tur septum ipsum. Incipiente autem septi transuersi in-
 flammatione, necessario sequitur febris, tum ratione affe-
 ctionis, tum ratione loci affecti: ratione affectionis qui-
 dem, quoniam hic tumor est ex calidis: ratione autem
 loci affecti, quoniam, propter viciniam quam habet cum
 corde, & propter colligantiam cum eodem ob arteriam
 magnam, & cum cerebro per neruos, & cum iecore per
 venam cauam, trahit in consensum omnes partes princi-
 pales, & præcipue cor ipsum, cuius ratione etiā hæc febris
 vt plurimum est acuta. hac eadē incipiente inflammatio-
 ne, a principio statim, quemadmodū in altero iam decla-
 rato tumore, sequitur dolor & difficultas respirandi. & ideo
 in his, antequam delirent, spiratio est parua & frequens, vt
 docet Galenus, libro quinto de loc. affect. cap. 3. & similiter

*Diaphra-
gmatis tu-
mores cum
febre.*

præcordia intenduntur absq; nullo tumore in hypochondrijs existente, vt ibidem habet, & libro primo Epid. commen. 3. tex. commen. 18. Hi autem in crescente inflammatione, necessario delirabunt, vt habetur lib. 4. de præfag. ex puls. cap. de septo transuerso, & loco citato lib. 5. de loc. affect. tuncque spiratio erit inæqualis, modo parua modo magna, & modo frequens modo rara. Circa hypochondria etiam, vel vt magis proprie loquamur, ad situm diaphragmatis nonnunquam apparet palpitatio vel saltus seu pulsus, vt docet Hippocrates, libro primo Prognost. tex. 3. 1. & Galenus ibidem, & loco citato, primo Epid. sect. 3. commen. 18. Et sicuti sensus huius motus indicat, inflammationem esse diaphragma, ita etiam est indicium delirii superuenturi. Inflammationibus etiam istis solent superuenire aliquando conuulsionibus nonnullæ. nam (vt docet Galenus lib. 4. de pul. caus. capite de pulsu inflammationis) quibus inflammatum est septum transuersum, hi conuulsionibus sunt opportuni. In quo casu semper pulsus est durus ob communicatam arterijs affectionem: paruus, quoniam propter duritiem non potest attolli & extendi: creber etiam ob necessitatem adauctam, pro cuius ratione semper frequentia adaugebitur. Quapropter ad hunc tumorem hæc consequuntur: febris acuta, dolor, spirandi difficultas, hypochondriorum tensio, pulsatio in præcordijs, spiratio parua & frequens: in crescente autem inflammatione delirium continuum, spiratio inæqualis, modo parua & frequens, modo rara & magna; pulsus paruus, durus & pro ratione necessitatis creber, & hi conuulsionibus sunt opportuni. & hæc omnia enarrata & a Galeno tradita sufficiant pro cognitione horum tumorum, cum hinc eorundem causæ, differentiæ & signa pateant. pro quorum curatione, quam praxin communiter docentes (cum ab ijs ægri in perniciem & mortem sæpe deducantur, cumque potissimum inflammatorii hi tumores, pleuritide ab ijs ita exquisitè pertractata, sint deteriores) immerito neglexerunt, ad singulorum indicationes desumendas, vt recta horum curatio haberi possit, descendamus. Incipiendo a primis, cum curandus proponitur diaphragmatis tumor, genitus a materia frigida, quid indicabitur? indicatur, vt

materia

materia in loco affecto contenta euacuetur; euacuabitur, si sensibilibiter vel insensibilibiter educatur. quoniam autem hic morbus ex fluxione factus est, fluxio materiæ fluentis prohibenda est. hoc autem fiet, si genita materia, & quæ fluere potest, euacuetur, simulque prohibeatur, ne noua generetur. Quæ omnia, an possit Medicus ægrotantibus polliceri, animaduertant qui horum tumorum curationem suscipiunt. quod si tumores hi sint incipientes, & non diutius progressi, poterunt ægrotantium salutem & tumoris resolutionem sperare, quoniam hi possunt, licet cum discrimine, saluari, cum adhuc omnes vires consent, & remedia opportuna ferre possint. Quod si contigerit, vt hi tumores fuerint diuturniores & confirmati, sciant, quod curationem non admittunt, tum ratione affectionis, cum quasi iam occalluerint, tum quia temporis diuturnitate patientes ad tabem deducunt, cuius merito labefactatis omnibus viribus languent, generosaque remedia non possunt tolerare. Quare in principijs horum, & quam primū occasio dabitur, curationem aggrediantur, rectaque ratione agentes, ita prædictis indicationibus satisfaciant. Proposito tumore diaphragmatis a materia frigida, debet Medicus ad euacuationem materiæ in loco affecto contentæ accedere, vt eam vel sensibilibiter educat vel insensibilibiter discutiat. Sed quoniam semper particularibus vniuersalia præmittenda sunt, alias ad locum affectum maior materiæ copia attraheretur; ideo in primis corpus expurgandum erit. Vnde ante alia, aluo pharmaco leniente & opportuno lenita, materia in corpore superabundans & qualitate peccans, parando vias & fluidum corpus reddendo, proprijs potionibus concoquatur, demumque medicamento conuenienti euacuetur. quoniam autem cogitandum est, talem materiam in corpore superabundare, qualis ad locum affectum fluxit, cum hæc sit tenuis & cruda, cuius ratione sanguis subtilior & tenuior redditur: hæc vel erit pituita aquosa, vel serosa materia, quæ sicuti ad inuicem distincta sunt, ita etiam diuersa requiruntur medicamenta. hæc enim elaterio, succo radicis sambuci & similib. facile educetur; illa autem turbith & huiusmodi quæ pituitam subtiliorem & aquosam educere possunt,

Diaphragmatis tumorum a materia frigida indicationes. Prognosticum.

Curatio.

euacuabitur. quare has optime discernat Medicus, vt recte iudicare possit, quibus medicamentis agere debeat. quoniam autem talis materia non tantum, cum est præsens, est euacuanda, sed etiam ad tollendam fluxionem prohibendum est, ne noua generetur, huius causæ attendendum est: quæ quoniam vel ratione imbecillitatis viscerum, vel quia eadem sunt obstructa, generatur, ideo visceribus attendendo per propria medicamenta, de quibus omnes scribentes diffuse pertractant, eorum imbecillitates vel obstructiones tollantur, eademque roborentur. An autem, dum hæc purgatio administratur, sit cogitandum de sectione venæ, dico, cum hic habeamus morbum longum, in quo vires sunt manu tenendæ, cum materia peccans sit frigida, & cum tales patientes vt plurimum sint habitus frigidioris, nequaquam venæ sectionem conuenire, vt quæ magis corpus refrigerare & vires labefactare possit, parumque a loco patiente, cum iam materia ibi fixa sit, educere & reuellere queat. Purgatione inita, ad localia deueniendum est, quæ materiam discutere possint. An his medicamenta repercutientia præmittenda sint, dicam hoc, cum parientes medicum ad hos tumores curandos aduocabunt, non erunt in illo primo morbi principio, in quo forsan quoquo pacto reprimentia conuenirent. vnde tum ratione primi principij transacti, tum ratione materiæ peccantis quæ est frigida, tum ratione substantiæ membri, quæ est neruosa & dura, non credo posse repercutientia in vsum opportunum venire. quare his prætermisissis ad discutientia deueniendum est. Discutientia sunt duorum generum, alia enim interius sumuntur, alia exterius applicantur. Quæ exterius in hoc casu applicanda sunt, sint ea, quæ discutiendo simul laxare & emollire etiam possint, vnde butyrum, pinguedines animalium, adipēs & medullæ, in hunc vsum venire possunt. in principio autem imbecilliora assumantur, in processu autem sint validiora. quare in primis diebus assumatur butyrum recens, pinguedo suilla, pinguedo pullorum, pinguedo anserina, medulla vitulina, & medulla ceruina, quæ omnia sint recentia. in progressu autem morbi hæc eadem antiquata sumantur, & v-

bi va.

Si validiori discussione egerimus, ascendemus ad pinguedinem taurorum, vrsorum, leonum, quæ omnes prædictis sunt magis discutientes. Quoniam autem pars affecta non ita facile exposita est medicamentis, sed intimas corporis partes permeat, ideo, vt profundius hæc medicamenta penetrare possint, iubeo nonnunquam, vt lixiuio & aceto simul lauentur. hinc enim maiorem partium subtilitatem adepta altius penetrare valent, cum his pos-
sunt commisceri olea discutientia, sicuti chamæmelinum, aucthinum. possunt ex iisdem formari emplastra, additis radicibus althææ, maluæ, liliotum alborum, seminibus lini, scænugræci, & similibus, commiscendo aliquando sty-
racem, terebinthinam, ammoniacum, & cætera gumma-
ta quæ emollire possunt. Nonnunquam vsus sum cum fe-
lici successu emplastro de meliloto, quod valde profuit.
perfusiones etiam ex oleis prædictis & decoctionibus re-
rum enarratarum, quoniam altius penetrare possunt, ma-
xime in hoc casu conuenirent. quæ modo validiora mo-
do imbecilliora parentur, prout occasio & status morbi in-
dicabit. *¶* *Hæc de discutientibus exterius applicandis.*
Interius autem sumenda sunt ea, quæ simul partes natura-
les roborando possint discutere, in cuius vsum præcipue
veniunt confectiones magnæ, sicuti theriaca, & Mithrida-
tium, sed ego aliquando ad aliud remedium nobile deue-
ni, coniecturam faciens me ex hoc posse hosce tumores
discutere, analogia desumpta a cæteris tumoribus etiã præ-
duris, quos aliquando experientia ab eo solutos vidi. Hoc
fuit decoctum falsæ periliæ, quo nonnullos ab hoc morbo
liberaui, prius tamen præmissis vniuersalibus purgationi-
bus exquisitissime factis, nec dimissis etiam localibus, &
particularibus iam enarratis remedijs. In aliquibus tamen
hoc idem decoctum exhibui, qui nullo pacto releuari po-
tuerunt, vel quia in his iam tumor occalluisset, vel quia ni-
mis tarde administratum fuisset, hiq; tabe consumpti an-
gustiatiq; tum a dolore illo continuo partem anteriorem
thoracis affligente, tum a spiratione admodum parua & den-
sa, continue tandè cum maxima calamitate perierunt. De
altera intèntione, videlicet de euacuatione materiei in loco
affecto contentæ sensibiliter facta, hoc dicam, quod nullo

modo expectanda est, cum diaphragma a parte superiori membrana costas succingente, a parte autem inferiori peritonæo vestiatur, unde ad extra nihil eius materiei residare potest, nisi forsan disrupto abscessu materia in cavitate thoracis deducta per tussim educatur, quem casum aliquando vidi cum maximo laborantium discrimine accessisse: quo tempore medicus excretionem materię faciliter, abstergendo & leniendo; siquedabitur occasio, (hinc enim ego vidi mortem subsequi) discusso tumore ad consolidantia deueniat. Victus in talib. tumoribus nō tenuis, cum morbus futurus sit longus, attenuans tamen, impetretur. cibariaque præter cætera non sint excrementosa, nec difficilis coctionis, abstineatque ab omnibus quæ aquosos, tenues & serosos humores abundare faciunt. Unde multa etiam iura fugiantur, & potus sit, quam maxime fieri poterit, parcus. omnis enim potus modicus sit, dicebat Gal. dum de orthopnœa ageret, in ijs qui alicubi abscessum habent, & maxime in his qui in profundo corporis existunt. Abstineant ante purgationem factam a vino, quoniam vinum omnes fluxiones proritat, adauget & accelerat; tuncque vtantur aliquo decocto parato cum saccharo vel melle, admixtis aliquibus attenuantibus, sicuti vel seminib. odoratis vel hissoyo vel origano vel similibus. celebrata autem purgatione, bibant vinum tenue, album, oligophorum & ad dulcedinem decliue. Excrementorum alui maxima habeatur ratio, quoniam in omni difficultate spirandi secum retentio molesta est, hisque conueniunt clysteria, mollia quidem pro maiori parte, tamen per interualla possunt etiam venire in vsum acria, quæ & reuellere & calefacere & euacuare pro parte materias illas crudiores possunt. quæ eadem materię diureticis ad expulsionem proritentur. quod fieri facile pro earum tenuitate poterit. diuretica autem in hoc casu non sint illa aquosa & frigida, sicuti semina illa communia, sed sint vere diuretica, quæ caliditate & facultate propria lotium prouocare possint. *Et hac de tumoribus a frigida materia genitis dicta sint.* Cum diaphragma tumorem a materia patitur calida, æger acuto detinetur morbo. hic enim est inflammatio, qua posita, communes omnium inflamma-

*Lib. 7. de
med. secun-
dum loca.*

*Diaphrag-
matus tu-
mor a ma-
teria calida
curatio.*

tionum

tionum indicationes desumendæ sunt. materia enim, inflammationem faciens, euacuanda est. euacuabitur, si retrocedet vel discutietur: retrocedet autem, si repellatur vel reuellatur & euacuetur. quoniam autem nec repelli nec discuti potest, pleno existente corpore, ideo totius euacuatio præmittenda erit, postea repellendum & discutiendum est. Has indicationes cum maxima difficultate Medicus exequi potest, quoniam & ratione membri affecti & ratione colligantiæ, quam cum omnibus principalib. visceribus habet, cuius merito hæc acutissima est affectio, cito deducitur æger in extremum vitæ periculum. quod eo promptius euenit, quoniam huiuscemodi ægrotantes adeo desipiunt & delirant, vt nec ad oblata nec ad cætera quæ opportuna fierent, remedia bene se habeant. hincq; cum facile exoluantur vires, in vltimum vitæ discrimen incidunt. Quapropter proposito tali ægrotante, pro prima intentione, dum adhuc vires constant, nec admodum delirant, statim in primo huius morbi principio, lenita aluo clysteri molli & refrigerante, (quoniam hic acria ratione affectionis & febris acutæ non conueniunt) secetur vena interna brachij dextri. quantitas sanguinis ea sit, quæ pro ratione habitus, temperaturæ, aeris & virium potius copiosa quam mediocrius iudicari debeat: repetaturque, si vires tolerabunt, morbusque non cedat. loco affecto applicentur, quæ partim potentialiter refrigerare, partim reprimere possint. sint tamen actu subcalida, non aurem frigida, ratione partis quæ & duræ est substantiæ, & in continuo persistit motu, a frigidis enim actu potius rigeret, indeq; ad motum proprium difficilior se haberet. vnde a principio iungatur locus patiens oleo rosaceo completo, vt minus adstringat, subcalido, cui postea in processu morbi addatur parum camomelini. ad quam eandem intentionem possunt parari perfusiones ex decoctionibus herbarum frigidarum, sicuti ex endiuia, violis, lactuca, semperuiuo, & similibus, quibus epithimetur etiam locus affectus. his autem, cum discutiendum erit, addatur malua, alihæa, flores camæmeli, meliloti, semina lini, sæougræci. ex iisdem herbis contusis & earundem succis, addita farina hordei & oleis prædictis, possunt parari emplastra, quæ in principio sint

Prognosis.
cm.

potius refrigerantia, in augmento autem adinifceantur refrigerantibus aliqua discutientia, quorum maior copia in statu esse debet. in declinatione autem sint seie simpliciter discutientia. ad quem usum pinguedines, & cætera quæ proposita sunt in antecedenti casu ad discussionem, accedere & administrari possunt. Cum autem morbus est in augmento, si symptomata validiora n.olestant, morbumque non remitti sed grauiorem fore timeamus: laudo præcedente iam & facta ex interna vena sanguinis missione, vt sedi admoueantur hirudines, a quibus maximam ab illis internis partibus reuulsionem sperare possumus. Interim, dum hæc fiunt, commendo, vt extremis partibus balnea & lotiones adhibeantur, quæ sint paratæ ex herbis refrigerantibus, admixtis nonnullis discutientibus. nam enim actuali caliditate poterimus reuellere a loco affecto; & potenciali frigiditate demulcebimus affectum ipsam. Sique instet delirium, cuius ratione subsequantur vigilæ immoderatæ, syncipiti oxÿrhodinum ad refrigerandum, temporibus & naribus ad somnum prouocandum nonnulla leuia stupefacientia applicarem, cuiusque ordinis nonnulla lotionibus prædictis adderem, & ne exacerbetur in his delirium, multitudinem hominum, luminum, imaginum, sermonum, & huiuscemodi interdicens. Quo ad victum sola pitisana exhibeatur. potus sit aqua. alui excrementa quotidie excludantur, si non sponte, arte. Declinante autem morbo, victus sit plenior, augeaturque pro ratione virium & declinationis morbi, tuncque vinum exhiberi potest debile, album & tenue & dilutum.

De hydrope ex colliquatione.

CAPV T IX.

HYDROPEM refrigerato iccore, ab eiusque intemperie frigida generari, omnes scribentes docuerunt, eiusque curationem hoc supposito fundamento tradiderunt. solus Alexander Trallianus locum Galeni, positum lib.3. de sympt. cauſ. cap.2. cōsiderans, cenſet hydropem aliquando generari ab intemperie calida. dicebat enim Galenus, colliquati quandoq; succos in venis existentes, qui, si

non

*Hydrops ex
colliquatione.*

non per renes ad vesicam transferantur, sed ad ventrem vel ad totum corpus transmittuntur, subitaneos hydropum status inducunt. Si autem vi colliquationis tales hydropum status introducantur, ergo aliquando ab intemperie calida, cum ab hac sola colliquatio fiat, generabitur hydrops. quare hinc duo habebimus, primo quod aliqua species hydropis contra Galeni principia ab intemperie calida causabitur, secundo quod aliquando hydrops, quoniam omnis intemperies per contraria tollenda est, per refrigerantia curari debeat. Hanc difficultatem nonnulli tetigerunt, sed rem ipsam non explicarunt, nec huius affectionis curationem tradere conati sunt. Ego autem rem istam aggrediens, primo hanc veritatem suppono, quod aliquando colliquato sanguine & succis qui in venis sunt, non attrahentibus renibus, sed a venis ad ventrem vel ad ambitum vniuersi corporis hac colliquatione transmissa, serum hoc subitaneos hydropum status inducit, tumente statim ex hoc vel ventre inferiori solo, vel etiam reliquo totius corporis. hoc suppono pro vero, quoniam hoc videlicet aliquando factum in febribus, quæ naturam ardentium seruabant, in quibus vnica vel altera die factos ex colliquatione vidi hos subitaneos hydropum status, hincque intumuisse adeo ventrem, ac si ascite per menses plures ægrotantes laborassent. His addo hydropis tres species esse, quæ ratione materiæ principaliter distinguuntur. nam vel materia pituitosa & cruda, vel status, vel aqua, quæ omnia frigida sunt, vnde vel anascha vel tympanites vel ascites fit, generatur. hæque species & materiæ peccantes, genitæ semper vitio hepatis, immediate ex intemperie frigida male affecti, vnde amplius perfectum sanguinem generare non possit, siue hoc sit per propriam passionem & primariam, siue per consensum & secundario; generantur, hæque non subito, sed sensim & sensim fiunt. His suppositis, dico casum illum Alexandri ex Galeno desumptum, non esse veram hydropis speciem: primo quia non magis generatur vitio hepatis, quam ex mala totius corporis intemperie. febris enim, in qua contigisse vidi casum hunc, totius corporis est passio, illaque intemperies calida, cuius violentia succi qui continentur in venis, colliquantur,

*Hydrops ab
intemperie
calida an
dicitur.*

*Tumor ex
colliquat:
ne non est
sera species
hydropis.*

non tantum est hepatis, sed etiam omnium aliarum corporis partium : secundo quia in casu isto materia aquosa quæ vi colliquationis gignitur, potius est calida quam frigida. at in hydropo omnis materia quæ huius vitio gignitur, est frigida: tertio quia vera hydrops sensim generatur, tumorque in hac vel ventris inferioris vel totius corporis sensim adaugetur: at hic casus generatur subito, ita ut intra terminum morbi acuti patientes admodum inrumescant. Cui consimilis est casus Hippocratis, posuit libro lib. 7. Aphorif. § 6. ubi habetur: *Quibus hepar aqua plenum in omentum exuperit, & venter aqua repletur, & moritur.* Quem affectum, licet in eo sit tumor ventris a materia aquosa, sicuti est in hydropo, tamen cum subito fiat, nec vitio intemperiei hepatis gignatur, Hippocrates tantum hydropem non appellavit. & Galenus in commento, cum a vera hydropo per ea verba. *Si quando igitur contingat eas & scissas rumpi, effunditur aqua ad locum membrana abdominis interioris, parti supra ventrem posita respondentem, in quo etiam aqua hydropicorum congregatur,* clare distinguit, qui non a tumore ventris & a materia contenta, sed a modo generationis & a causa, quia fiat vitio refrigerati iecoris & sensim generetur, semper appellavit. Quare sicuti in casu isto Hippocratis, ita & in eo Galeni non erit vera hydrops, ad quod alludens Galenus in explicanda ea sententia usus est his verbis. *Subitaneos hydropum status inducunt.* quasi dicere voluisset, inducunt tumores vel ventris inferioris vel totius corporis, eo modo quo in hydropo fiunt; addirque *subitaneos*, ut clare ab hydropo eos distingueret. Si enim veram hydropem intellexisset, non usus fuisset hoc verbo, *status hydropum*, sed *subitaneas hydropes* absolute dixisset. Quod non considerans Alexander credidit, Galenum admisisse veram hydropem ex colliquatione fieri, hincque contra propria principia censuit, fieri aliquam hydropis speciem ab intemperie calida, quæ postea per refrigeratiam curari debeat. Quod nullatenus admittendum est, cum ex colliquatione vera hydropis species non generetur, nec vi calidioris hepatis, cuius merito, cum refrigeratum fuerit, vera hydrops tantum generatur, gigni possit aqua. Vbi enim iecur supercalfactum

lefactum est, bilis, non aqua, & si adhuc magis incalescat,
 retorridi & adusti, non aquosi generantur humores. Qua-
 propter concludo, casum hunc Galeni non esse casum hy-
 dropis, licet eius verba hoc innuere videantur; nec ex hoc
 loco haberi posse, cum hic vi caloris colliquefacientis fiat,
 aliquam speciem hydropis per refrigerantia curari posse.
 quem Galeni locum, sicuti Alexander perfecte non intel- *Hydrops vi-*
 lexit, ita nec Arabes, qui hunc locum male interpretantes, *tio renum*
 alteram hydropis speciem, vitio renum non attrahentium *non attra-*
 genitam, introducere conati sunt, intellexerunt; cum lo- *hentium an-*
 quatur Galenus in casu colliquationis succorum tantum: *detur.*
 quam renes, vbi validi sunt, attrahunt & ad vesicam trans-
 mittunt, vbi autem non ita valeant, vt hanc colliquationē
 trahere possint, transmissa hæc materia ad abdomen vel
 ad cæteras corporis partes, ibi tumorem generat, qualem
 in hydrope fieri videmus. Excepto hoc colliquationis casu,
 nunquam admisit Galenus, vitio renum fieri talem tumo-
 rem. nec fieri potest, vt eorundem renum vitio nunquam
 generetur hydrops, nisi cum iecori consenserint, cuius ra-
 tione, virtute sanguificandi labefactata, humores crudi &
 aquosi generentur. Qua de re concludatur, cum vi colli-
 quationis genita aquosa materia ad ventrem inferiorem
 transmittitur, in eoque tumorem parit, non ab hoc fieri
 hydropem: sicuti nec fit hydrops, cum similiter intumescit
 abdomen, erumpente in idem materia aquosa ex vesicis,
 genitis in ea quæ iecur ambit exterius, membrana. Cum
 igitur hic tumor non sit hydrops, non erit contra princi-
 pia Galeni, qui in omni hydrope calefaciendum esse do-
 cebat, si in hac dabitur indicatio refrigerandi. In hoc enim
 casu indicantur duo agenda esse; alterum, vt ratione causæ
 colliquefacientis, quæ est calor immodicus & prauus, re-
 frigeremus; alterum, vt ratione materiei iam genitæ, iam *Colliquatio*
 euacuemus. quibus indicationibus difficillimum erit sa- *nis indica-*
 tisfacere, quoniam cum vehemens est colliquatio, cuius *tionis.*
 cernodi est in casu isto, languescit corpus, viresque omnes
 exoluntur: quibus labantibus, quam sit difficile, & agro-
 tantes morbis magnis laborare, omnibusest notum. Cum *Prognostic-*
 tamen dabitur occasio, statim medicus causæ omni co- *cum.*
 natu incumbat, vt, si fieri possit, eam inhibeat. hoc pluribus

tium, & de his meminit Hippocrates libro tertio Epid. sect. 3. tex. 55. 61. & 70. & eodem libro commen. 57. Galenus ponit colliquationem esse fere perpetuam in febre pestilenti, quod idem affirmat exemplo eadem sect. commen. 74. Quæ autem habent colliquationem insensibilem, vel sunt febres hecticæ marasmodes, vel sunt putridæ, vel pestilentes. Febres colliquefacientes hecticæ sunt illæ marasmodes, quæ populantur & consumunt partes carnosas & solidiores corporis humani, & de his meminit Galenus lib. 10. Method. cap. ultimo. Putridæ autem colliquefacientes corpus insensibilem sunt ear, in quibus extenuatur & contabescit præter rationem patientis corpus, unde in huiusmodi ægrotantibus in primis diebus solent nulla præexistere vel externa causa vel sensibili euacuatione, apparere facies illæ Hippocraticæ, habentes oculos cauos, adstricta tempora, aures frigidas, contractas, & fibras earum inuersas, cutem frontis duram, intentam & aridam, coloremque vel viridem vel nigrum, & de his febribus meminit Galenus, libro primo Prognost. commen. 10. & 11. & libro secundo Aphorism. commen. 28. Tales esse possunt etiam nonnullæ pestilentes febres, in quibus ratione pestilentis affectus primis diebus apparere solent ob insensibilem colliquationem prædicti generis facies, de quibus verbum fecit Gal. lib. 6. Epid. sect. 3. com. 29. quo eodem loco monuit etiam de dictis putridis corpus ipsum insensibiliter colliquefacientibus, totque sunt febrium colliquefacientium genera. *Causa.* Causæ autem colliquationis in his febribus variz & diuersæ sunt, secundum varietatem & diuersitatem febrium. nam in febribus ardentibus causa colliquationis est ingens caliditas, quæ ita potens est, ut sicut carbonēs igniti colliquefaciunt carnem pinguem circum sensibiliter: pariter & ista colliquefaciat pinguedinem & partes carnosas: cui nisi opportunis resistatur remedijs, hominē vel necat vel marasmatum reddit, ut habet Galenus lib. 10. Meth. in fine, & lib. 1. de differ. feb. cap. 8. In febribus autem pestilentibus causa sensibilis colliquationis est mala & ingens putredo, quæ partes propinquas contabescit & colliquat: causa autē colliquationis insensibilis est praua & venenosa qualitas, ac eiusdem febris

prauitas & acuties. In febribus vero marasmodibus huius colliquationis causa est caliditas quidem, ut in ardentibus, sed non propter eius magnitudinem, quoniam febres marasmodes ingentem non habent caliditatem, sed quoniam ea caliditas fundatur in partibus solidis, in quibus residens tanquam in proprio pabulo, ut flamma in lychnio, eas depopulatur & consumit, & inde colliquat illas partes solidas, ut docet Galenus loco citato 10 Meth. in fine. At in illis putridis, in quibus insensibiliter vniuersum corpus colliquatur, & inde supra modum quam citissime extenuatur, causa est humorum tenuitas, & habitus ob corporis raritatem facile resolubilis, ac qui facile diffletur. cui si connectatur oris ventriculi debilitas, ægerque labores sub cælo æstiuo in regione calida, & constitutione simili; facillima & promptissima erit huiusce corporis colliquatio, ut ab eodem Galeno, libris Prognost. & Aphor. citatis, habetur. hæ autem febres aliquando validiores sunt, & periculum manifestum, quia imbecillitatem patientis indicant, minantur; aliquando autem sunt parvæ, & hæ magis periculosæ existunt, maiorem enim ægrotationis maleficiam, ut verbo Galeni utar, ostendunt, ut quæ cum debiliori causa symptoma vetendum inducant. hinc sæpe apparent febres, quæ aspectu quidem ob earum paruitatem mites, sed tamen valde perniciosæ existentes, ægrotantes ipsos ad omnimodam virium prostrationem, nulla sensibili existente euacuatione, ob eorum malignitatem corpus insensibiliter aceruatimque colliquantes, deducunt. *Et hac de causa.* signa autem & indicia colliquationis in his febribus non sunt eadem, nam quod colliquat in febre marasmode, animo tantum deprehendi potest, & non cadit sub sensu: cuius ratio est, quoniam quod colliquatur in febre marasmode, sensim colliquatur, & semper vaporis vice digeritur, ut docet Galenus loco citato. At in putridis febribus, in quibus colliquatio insensibilis fit, quod colliquatur, non sensim sed acetuatim resoluitur, & hinc velociter, non autem longo tempore, apparent in ægrotantibus corporis illæ extenuationes, quæ quomodo & qua ratione a medico sint cognoscendæ, docet Galenus lib. 1. Prognost. in medio commen. II. ubi hæc habet: *Galerum commentum 179.*

morari diutius attrectando omnem manum non solum corpus agri, sed etiam superiores partes diligenter animaduertentes, si non solum acriorem, sed etiam si substantia copiam vna secum & quidem corpulentam reponeret, veluti flammulā quandam peruadentem cutem tua manus, quacutim agri contingu, seque insinuantem perspicue in profundum, & reliqua quæ sequuntur. Per quæ clare animaduertas differentiam eius extenuationis quæ ex colliquatione insensibili causatur, ab eis extenuationibus quæ fiunt vel ob virium imbecillitatem, vel ob causam externam & præcedentem, vel ob debilitatem natiui caloris, qui non insuper extendi (vt inquit Galenus in comm. 10 primi libri Prognosticorum) in extremas corporis queat partes, sed in visceribus solis exiguus obseruetur, cuius merito non præterea affluat ad extremas corporis partes tantum sanguinis aut spiritus, quantum antea affluebat habentibus per naturam, & ob eam rem in facie maxima extenuatio ac mutatio naturalis habitus. liquido apparet. quod idem a graui interna inflammatione, vel a nimia humorum copia calorem innatum ad intra reuocantem ac retrudentem fereque suffocantem quandoque causari solet. hæ autem extenuationes, sicuti ab ea quæ per insensibilem colliquationem gignitur, valde differunt, ita etiam a diuersis prodeunt causis, nec per eadem signa deprehendi possunt. Quod autem colliquatur in cæteris febribus, sensu deprehenditur. nam vel transmittitur per lotium, vel defluit in ventrem, & inde per secessum extramittitur; ex quo duplex est colliquationis principale signum in his febribus, scilicet lotium & deiectiones alui. lotium quidem hoc indicat, quando habet aliquid pingue, desuper natans araneorum specie, vt habet Hippocrates lib. 2. Prognost. tex. 35. & Galenus ibidem, & lib. 7. Aphor. comm. 37. & lib. 3. Epid. sect. 3. comm. 74. & hoc potest esse indicium commune & febribus ardentibus & pestilentibus, at non omnis colliquationis, sed tantum pinguedinis. lotium etiā si sit spumosum, potest esse colliquationis indicium, vt habet Gal. lib. 3. Porphet. comm. 10. Si etiam cum lotio aliquæ partes, crui vel hordei speciem referentes, vna exeant, colliquatorum membrorum aut carnis pro colorum & sub-

*Latium col-
liquationē
indicant.*

*Deiectiones
colliquatio-
nem a te-
stantes.*

stantiæ differentia possunt esse colliquationis indicium, ut docet Galenus libro sexto Epid., sect. 5. comment. 15. a iecore enim corpuscula veniunt, a renibus carnosiora, a vesica autem foliorum similia, hordeacea autem magnitudine quidem & duritia, at non albida, colliquantur carnis notæ sunt, sicuti & nigrae lienis magis. Deiectiones autem indicantes consumptionem & colliquationem, possunt esse diuersæ. nam aliquando sunt pingues. & hæc indicant colliquationem pinguedinis, ut habet Galen. lib. 3. Epid. sect. 3. comm. 74 & 70 in fine, & 55. & lib. 3. Prognost. comm. 22. & lib. primo de Crisibus cap. 11. aliæ autem sunt biliosæ, ut habet Galenus lib. 3. Epid. sect. 3. comm. 34. & hæc deiectiones biliosæ solent esse spumosæ propter ingentem caliditatem, ut habet Galen. libro 3. regiminis acutorum. comm. 12. & lib. primo de Crisibus cap. 11. præterea sunt hæc sineciæ biliosæ, & non mixtæ. & hæc solent esse præcipue signum febrium ardentium colliquantium, ut habet Galenus lib. 3. regiminis acutorum, comment. 13. & hæc sunt indicia maioris colliquationis, factæ propter intensiorem calorem, ex quo vel colliquefit caro mollis, vel pinguedo ipsa quidem, sed intensius & ab intensiori causa. solent etiam esse hæc deiectiones aliquando suberoceæ, aliquando albæ. albæ apparent, quando colliquefit pinguedo & non a maligno nec intenso calore: suberoceæ autem, quando colliquatio fit ob vehementiorem calorem, unde & colliquatur caro mollis: vel quando materia colliquefaciēda habet aliquam malā qualitatem, qualis est pinguedo vetusta ac semiputris, unde colliquata acquirat illum colorem, sicuti docet Galen. lib. 3. Prognost. comm. 21. Hæc etiam deiectiones solent esse leues, nō autem asperæ, nec inæquales, quod fit propter vehementem colliquationem, ex qua tota materia æqualē passa est alterationem, ut habet Gal. lib. 3. Prognost. loco citato. Solent etiam hæc deiectiones esse glutinosæ. & hoc propter caliditatem prædominantem materiæ, unde fit lenta, ut habetur a Galeno eodem loco citato, & primo de Crisibus cap. 11. Verum in his deiectionibus hoc est notandum, quod omnes tales deiectiones sunt corpulentæ & non aquosæ, nec tenues, ut habetur a Galeno lib. 3. Epid. sect. 3. comm. 34. ubi loquens de febribus

febris ardentibus, ponit colliquationem non esse signum pathognomicum earum:& hoc probat ex processu Hippocratis, qui ait in illis febribus ardentibus eos excreuisse tenuia & aquosa, quæ (inquit ipse) non sunt colliquationes, vt confirmat etiam eodem loco, comm. 40. & ita omnes deiectiones indicantes colliquationem sunt corpulentæ & glutinosæ, vt apparet ex iam dictis a Galeno, & hæc deiectiones tam sunt & contingunt in febribus ardentibus, quam in pestilentibus, veruntamen non eodem modo. nam in febribus pestilentibus, in quibus valida sit putredo, istæ deiectiones solent esse graueolentes & putidæ, vt habet Galenus lib 3 Epid. sect. 3. comm. 74. at in febribus ardentibus & morbis acutis non semper sunt tales, sed tantum quando adest ingens putredo, vt habet Galenus lib. 3. Prognost. comm. 22. *Et hæc de signis colliquationis in febribus colliquefacientibus sumptis ex lotio & ex deiectionibus.* sed & his additur tertium, quod aliquando contingit colliquato carnosio genere, & sunt sudores multi. nam carne colliquata, excretio colliquationis vel fit per ventrem, & hoc contingit, quando illa fluxio est crassior, vel fit per loriū, vbi minus crassa est, & ad renes transmittitur: vel per cutim, quod contingit, vbi in halitus resoluitur, & tunc contingunt multi sudores, vt docet Galenus lib. 3. de sympt. caus. cap. 2. His addo, quod aliquando enenit, fieri colliquationem non pinguedinis, nec carnis, nec partium solidarum, sed tantum sanguinis & humorum, qui sunt in venis. & talis colliquationis signum est multitudo lotij. nam cum resoluantur humores in ichorosam saniem, si renes valida pollent vi attractrice, attrahunt ipsam, & inde multitudo lotij emergit. Si autē renes non sint sani, nec valeant trahere hunc ichorem; vel si venæ ipsum ad ventrem transmittant, seu ad totius corporis ambitum; subitanei hydropum, quemadmodum superius explicauimus, status inducuntur: & ita vel hydropis status subito factus, vel lotij multitudo & exuberantia, erunt signa colliquationis succorum qui sunt in venis, & ipsius sanguinis, quod docet Galenus, loco superius declarato in lib. 3. de sympt. caus. cap. 2. *Et hæc quo ad causas Et signa sufficiant.* Quo autē ad curationē, varia & diuersa harum

Sudores colliquationis attestantes.

Hydropum subitanei status colliquationem attestantes.

*Curatio col-
liquationis
februm ar-
dentium.*

colliquationum secundum febrium diuersitatem esse de-
bet curatio. nam in febre ardenti pluribus rebus curatur,
scilicet victu refrigerante, epithematibus eiusdem ratio-
nis, cataplasmatibus, & similibus rebus thoraci applicitis,
vt docet Gal. lib. primo de differ. feb. cap. 9. Quare deueni-
endum est in hoc casu pro victu ad prisanæ cremorem, vt
habet Gal. lib. 3. de ratione victus in acutis, commen. 13. vel
ad conlimilem cibum refrigerantem & humectantem, vt
docet lib. 10. Meth. in fine. Sed præcæteris præcipuum est
in hoc casu remedium, & omnibus præferendum, & ma-
xime iuuantissimum, & sine quo ægri vel ad mortem vel
ad tabem deueniunt, aquæ frigidæ potus, vt monet Gal.
primo de differ. feb. cap. 9. & lib. 11. Meth. in fine, & lib. 3.
de ratione victus in acutis commen. 12. & 13. Quo autem
tempore exhibenda sit hæc aqua, norandum est, quod est
exhibenda, quando aliquod apparuerit signum cōcoctio-
nis, vt declarat Gal. citato lib. reg. acut. commen. 13. vbi ha-
bet, quod obseruandum est quodcunque signum coctio-
nis, quantumvis momentaneum: quo apparente, inquit,
exhibendam esse frigidam, & sic exhibenda est aqua eo
tempore quo aliqua concoctio apparuerit, nec requiritur
perfecta & exquisita materiæ concoctio, sed sufficit, quod
humores sint mediocriter concocti, vt etiam clarius habet
Gal. lib. 9. Meth. cap. 16. in fine. ex quibus liquet, hunc po-
tum exhibendum esse in statu. nam in statu humores sunt
aliquaqualiter & mediocriter, nō autem perfecte concocti. in
statu enim materia, vt habet Galen. lib. 3. de crīsis cap. 5.
perfecte concoquitur, & ideo non est perfecte concocta,
quod postea habet in fine status: vnde possumus deprehē-
dere, hanc frigidæ aquæ potionem esse exhibendam in pri-
mis partibus status. *Et hæc de colliquatione febrium ar-
dentium, qua curatur tantum per refrigerantia, quia
per solam caliditatem causatur.* Quo autem ad eam
quæ fit in febre pestilenti, norandum, quod duplex potest
esse febris, scilicet vel ardens, vel non ardens. si sit primi ge-
neris, in hac etiam conuenit potus aquæ frigidæ ad extin-
guendam flammam illam, vt docet Oribasius & alij ex in-
tentione Ruffi: si autem sit secundi generis, cum in hoc ca-
su colliquatio proueniat ex putredine & pura qualitate ac
venenosa,

*Curatio col-
liquationis
februm pe-
stilentium.*

venenosa, curatur cum his quæ resistunt putredini, ac prauam & venenosam qualitatem propulsare possunt, siue sit eibus & potus, siue medicameta & antidoti, de quibus in tractatu De febre pestilenti egimus. Colliquatio autem in sensibilis, quæ contingit in febre marasmode, curatur per refrigerantia, scilicet per victum, aerem, medicamenta & balneum, quæ refrigerantia sunt remedia, adhibenda in curatione huius febris: quæ licet non proprie curetur, cum siccitas sit insanabilis; curatur tamen aliquo modo, scilicet transferendo hominem ad melius, videlicet ad marasmodum ex senio. nam cum febres marasmodos consistant in duobus, quorum alterum est caliditas, alterum siccitas, potest quidem remoueri caliditas, at non siccitas. Quomodo autem remoueat ista caliditas, quæ, cum fundetur in partibus solidis, est causa colliquationis, docet Galen. lib. 10 Metho. cap. 10 & 11, dum monet ipsam remoueri ex quibuscunque refrigerantibus, sed præcipue ex solio aquæ frigida, ex quo remota caliditate remouetur colliquatio. & licet tunc temporis homo non possit dici sanus, diutius tamen potest viuere, ita constitutus in habitu senili, vt etiam docet Gal. loco citato 10 Meth. in fine. Si autem ista colliquatio insensibilis contingat in febre putrida, intentionem habebit Medicus, vt monet Gal. com. 11, lib. 1. Prognost. firmare vires, ventriculo idoneis alimentis administratis. præcipue autem eam curandi rationem aggrediarur, quam idem lib. 12 Meth. cap. 6 docet. quo loco, & tenuitati humorum & corporis raritati & eiusdem superflua diffinitioni quibus & quomodo resistendum sit, explicat. Si autem ultra causas enarratas adsit etiam prauitas humorum, malignitasque in febre appareat, ea qualia in febre pestilenti agenda esse explicauimus, administret, quibus prauam qualitatem & inde colliquationem inhibere poterit. *Curatio colliquationis febris putrida.* *Et hac de febribus colligefacientibus ex Galeno.*

De Ileco. CAP. XL.

ILcos est affectio, quæ sæpissime vna cum ægrotantis vita terminari solet; de qua licet omnes scribentes tradiderint curationem, tamen quia indistincte & confu-

*Ileos quid
sit.*

Cause.

se quæ ad eius cognitionem pertinent, tractant, in hacq; nonnulla sunt discriminis plena; ideo prædictis addam etiam caput hoc de Ileo: quod eo libentius agam, cum videam, plures ægrotantes ex inflammationibus & cæteris membrorum principalium morbis, quam ex Ileo, saluari: quod profecto non ex partis affectæ præstantia, nec etiam sæpe ex magnitudine affectus contingere potuit, sed tantum quia debito tempore opportuna in hoc non administrantur remedia. hocque quia eius essentia & causæ, quibus obuiandū est, non ita medicis pateant. quas ego explicaturus ita exordiar. Ileos est superfluitatum cibi quæ per inferiorem aluum excernuntur, retentio, ut clare habet Galenus hb. 3. Aphor. Comm. 22. Cum retinentur istæ superfluitates in intestinis, vel ut si quid in eis boni chymi remanserit, ad iecur per mesaræi venas attrahatur, vel ut ob maiorem hominis commoditatem ad debitum tempus excerni possint, ista retentio nō dicitur Ileos, sed tantum cum præter naturam nec ad distributionem nec ad commodiorem excretionem reiinentur. Retentio autem hæc præter naturam a læsa virtute expultricis generatur, quæ dupliciter lædi solet, scilicet vel aboletæ vel impedita. aboletur ab excessu intemperiei frigidioris, sicuti & cæteræ omnes facultates ab excessu simili abolentur, & tunc nihil ad infernas partes transmittit, ut habetur lib. 3, de sympt. caus. cap. 2. quod idem Galenus libro primo de locis aff. in fine, asserere & confirmare videtur. impeditur, cum intercluduntur intestina. intercluduntur autem duplici ratione, scilicet vel ratione tumorum præter naturam, vel ratione excrementorum obstruentium. tumores hi possunt esse inflammatio, de qua Galenus libro 3. Epid. sect. 2. comm. 7. & libro 6. de loc. affect. cap. 2, & libro 3. Apho. comm. 22. & lib. 6. Apho. comm. 44, vel abscessus in substantia intestinorum collecta materia, vel duri tumores ut scyrthus, de quibus Galenus hoc ultimo citato loco meminit. Cancet etiam hoc idem causare potest, cuiuscemodi vidi ego in fabro ferrario, qui cum in colo per plures menses cancrum passus fuisset, ex quo in transitu sæcum quotidie vehementi cruciabatur dolore, maximas persentiens punctiones, perinde ac si acubus perforaretur, tandem

tandem aucto cancro, ab eodemque obstructis intestinis, factus Iliacus, præcedentibus stercoreis vomitibus, misere vita functus est. Excrementa aurem obstruentia sunt vel feces indurata, ut habet Galenus lib. 6. de loc. aff. cap. 2. & lib. 3. de sympt. caus. cap. primo, & lib. 6 Aph. comm. 44. *Ileos an possit causari a* vel pituitæ copia, quam licet videatur ponere Galenus hoc *ultimo citato loco sub dubio, tamen eam in fine, si una præmissa sola.* cum ingente frigidityte iuncta fuerit, admittit: hancque causam veram esse testantur historię, a viris celeberrimis enarrata: *hæc de essentia & causis, quibus signa subser-* bo. Signa alia sunt præsentis morbi, alia moris morbi, alia differentiarum morbi. Signa præsentis de se patent, quoniam cum a prædictis causis alui excrementa quæ per ventrem inferiorem excerni deberent, retinentur, clare apparet, factum esse Ileon. addebat Galenus, libro 7. Aphor. comm. 10, huic proprium & inseparabile esse, nihil inferius descendere & libro 6 Aphor. comm. 44. subdebat, *etiam si acerrimo & tauri chylis.* Hoc Galeni dictum omnes scribentes acceptauerunt, tamen Hippocrates contrarium *In ileo an sit* testatur, libro 3 Epid. lect. 2, tex. 7. in historia mulieris vol *inseparabi-* uulsoz, quæ apud Titamenum decubebat, dicens: *De le, nihil in-* sectiones tenues, cruda, pauca. quæ verba sicuti Galenus *ferius de-* in commento neglexit, ita posteritas conniuentibus ocu *scenære.* lis pertransiuit: & tamen hæc in Iliaca passione aliquid descendere affirmant. Ego diu locum hunc consideraui, remque ipsam observaui; tandem experientia & ratio me docuit, in ileo aliquid descendere posse. Vidi enim plures Iliacos, in quibus nonnulla, licet pauca, excernebantur. hocque tantum, dum generaretur morbus, animi aduerti fieri, factò autem & completo morbo, nihil postea descendisse vidi. hoc autem non sine ratione factum iudicaui: quoniam dum fieret ileos, infra locum affectum descenderant excrementa, quæ vel a natura vel ab arte excludi poterant, antequam omnia intestina in consensum affecti ducta essent, propriamque naturam & facultatem omnem amisissent. hinc Hippocrates in lib. de morbis tertio, in ileo ex inflammatione genito, ad extrudendas feces infra locum affectum contentas, suppositorium ex nielle, taurino felle oblitum, decem digitorum longitudine imperabat, quæ non post

morbum factum sed antea in inferioribus intestinis congesta erant. Cum autem oppositum Galenus scripserit, intelligatur, de morbo cōpleto loquutum esse, & in eo casu in quo omnia intestina in consensum loci affecti deducta, adeo aliquando angusta redduntur, vt nec amplius flatum nec stercus nec podex etiam specilli acumen admittant.

*Signa moris
stercoris.*

hac de signis praesentis morbi. Signa moris haec erunt. Omnis ileos licet periculosus sit, attamen non eque, cum hic non ita exitialis sit, vt ille: nec ille perinde vt hic, sit mali moris: quare hi per haec signa distinguantur. Ilei exitiales & mali moris erunt omnes hi, quibus vomitus superueniunt. a principio quidem materierum biliosarum & pituitosarum, sed postmodum, cum magis distorquentur egri, stercoris succedunt, vt habet Galenus lib. 7 Aphor. comm. 10, & ab his vix vllus saluatur, vt docet lib. 6 de loc. affect. cap. 2. aliqui enim interdū huic vomitui superuiuiūt, sicuti nos in aliquibus iliicis ex faecum retentione & seroti delapsu contigisse vidimus, in quibus ileis solent etiam adesse dolores vehemētissimi, vt ibidem habetur. Quod si etiam in ileo non sit stercoris vomitus, sed vel respiratio vel ructus vel flatus vel totum corpus graue oleat, hi etiam (vt docet tertio commentario Prorrh. comm. 63.) ei ut mali moris & perniciosi, licet nō æque, vt superiores. In quibus autem nō erit vomitus nec respiratio vel ructus vel flatus vel corpus male oleat, nec vehementes erunt dolores; hi ilei ex se nec mali moris, nec exitiales erunt. dixi, *Ex se*, quoniam si, cum tales sunt, cito & recte non curentur, postea & in his omnia symptomata mala, oclusis intestinis & nihil recipientibus, superueniunt. Signa autem differentiarū quæ maxime aduertenda sunt, (quoniam hinc omnis recta curandi ratio auspicari debet) hæc erunt. Cum fuerit ileos ratione abolitæ virtutis expultricis, aderit retentio excrementorum alui, nullo praesente dolore, nec ad tactum tumor molestus per sentietur, nulli aderunt discurrentes per superiora intestina flatus, quoniam hi a diminuto calore, non ab insigni frigidityte, generantur, his nec vomitus superueniunt stercoris, quoniam virtus abolita nullum intentat motū, nec deprauate operari potest, ad superiora id quod inferne descendere deberet, detrudens. superueniunt ta-

*Ilei ratione
stercoris ex
pultricis ab
olusa signa.*

men, cum perseverant hi ilei, male ventriculi affectiones, a pravis vaporibus materierum retentorum, & quia non fit distributio, causata: unde subsequuntur inappetentia, subuersiones, nausæ, vomitus tum cibi tum aliquarum ferositatum: & si diutius perduret morbus, respiratio & ructus male olent: quo ingrauescente, totum etiam graue olet corpus: quod indicium est proximi exitij. In his præcessere causæ refrigerantes, sicuti victus & potus refrigerans, & præcipue aquæ frigidæ potio, medicamenta, vel venena eiusdem ordinis, cruditates multæ & diuturnæ, exercitium in aquis frigidis, deambulationes per niues, sub dio, sub cælo hyberno & gelido, pedum vehemens frigus, quod facillime intestinis communicatur, corporis hyemali tempore nuditas, seu indumentorum leuitas, vel quid simile, a quibus omnibus causis vidi tales ileos generari.

Ilei ex scyrrho tumore signa.

Cum autem causabitur ileos ratione interclusionis intestinorum, si hoc erit ratione tumoris scyrrhosi; præcessit diuturna intestini durities, quoniam a puro scyrrho non potest cito hoc fieri, quæ ad tactum, & maxime si sit in his quæ exterius locata sunt, facile persentiri potuit. Si autem in his quæ interius distribuuntur, factus fuerit, maiori compressione ad eam sentiendam indiguit in his, licet non extiterit dolor, tamen semper adesse solet grauitas consideratione digna, qua cõtinue intestina, & abdomen ipsis inferius, potissimum cum stant, detrabi videtur, ad excernendaque & detrudenda inferius excrementa non ita faciles sunt, cum ab hoc semper in transitu angustientur. Si erit in causa cancer; (quemadmodum ego dixi alias factum fuisse) præcessere signa cancri, videlicet punctiones ad compressionem, durities & inæqualitas ad tactum, dolor fere continuus, qui in transitu sæcum valde exacerbatur. & diuturna fuit hæc affectio, quæ tandem intestinum intercludens ileum causat. Si sit abscessus, dolor in parte læsa aderit, & febris quandoque huic, cum ad suppurationem declinauerit, cõnectitur, tumor ad tactum præsentietur, non ita cito ab hoc intercluduntur intestina, & præcessere ea ex quibus abscessus generari potuit. Si autem ab inflammatione (quod vt plurimum contingere consuevit) generetur ileos, acutissimus fit morbus, & qui velociter ad sta-

Ilei ex cancro signa.

Ilei ex abscessu signa.

Ilei ex inflammatione signa.

tum properet. huic additur febris, & vna cum ea dolores, qui in hoc sunt vehementes, & qui multum ægros distorquant. hinc facile ventriculus in consensum trahitur, unde vomitus biliosi & pituitosi citissime succedunt, sique non cedat morbus, & augeatur, cum id quod phlegmone laborabat, intestinum nec pondus nec acrimoniam, ut habet Galenus libro 3. de natural. facultatibus cap. 13, toleret excrementorum, eo excernere, expellereque ea quam longissime a se nititur. cumque hoc prohibitum sit inferius ob phlegmonem occludentem persequi, ad supraposita intestina & ad ventriculum extrudit: hincque vomitus stercoris, signum admodum exitiale, succedit. tunc quia nec cibum nec potum continere possunt, singultiunt, sudant, aliquando conuelluntur, extremaque cum in deterius labuntur, refrigerantur, & omnes vires languent, in locoque dolente nonnunquam apparet tumor eminens, cuius ratione, ut docebat Galenus lib. 6. de loc. affect. cap. 2. nonnulli hunc morbum

*Ileos quare
dictus Chor-
dapsus.*

Chordapsum vocauere, quoniam in eo tumore apparet intestinum, ad similitudinem chordæ conuolutum. Præcessere hunc morbum causæ calefacientes, sicuti usus aromatum, eduliorum acriorum, vini generosi ingurgitatio, cruditates nidorosæ, ciborum corruptiones & similia, quæ etiam occasione sumpta a causâ extrinsecâ, & potissimum a frigiditate externa & vehementi, potuere hanc inflammationem causare: quod idem, non præexistentibus his causis, plaga, medicamentum, venenum, & prolapsio intestini in scrotum, indeque violenter retrusum, causare po-

*Ileus indu-
rato sterco-
re signa.*

tuit. At si fiat ileos a stercore indurato obstruente intestina, cuius ratione materierum ad infra descensus prohibeatur, & per plures dies in his aluus nihil egeffit, a principio non est dolor, qui postea accedit, cum diuturnitate temporis fæces retentæ mordacitatem insignem acquisierint. nam per plures dies hic pertrahitur morbus, nec adeo est acutus, ut qui ex inflammatione, nec dolor erit ita vehemens & crucians, ut in priori. aderit grauitas ventris a copiosa materie: & sæpius ipsis videtur distendi abdomen, ac si vi detrahatur, ad tactum persentiuntur intestina, si corpus non fuerit admodum carnosum & obesum, stercore duro turgida. his cum pertrahitur morbus, intestinaque sunt ple-

na du-

na durioribus fecibus, succedunt vomitus bilis & pituitæ, & si magis distorqueantur, stercoris etiam. nam ab intestinis in quibus talis passio existit, hic vomitus causatur, a se expellere stercus apperentibus, cum longitudine temporis molestare cœperit, & non potentibus se exonerare, propter eam quæ facta est in partibus inferioribus, obstructionem, sed coactis contra naturam violenter moueri, & ad loca superiora materiam noxiam extrudere, ut habet Galenus libro septimo Aphor. cominen. 10. hique similiter, cum male habent, singultiant, & aliquando conuelluntur, raro febricitant, & tandem refrigeratis partibus extremis vita decedunt. hic morbus gigni consuevit in his, quia natura adstrictioris sunt alui, quiq; intestina parũ sensitiua habeant, & præcipue si vñ fuerint cibarijs crassis, excrementosis, adstringentibus, austeris, si vixerint otiose, cum gulæ induerint, si vel negotijs vel cutis impediti, & maxime cum equitauerint, fecum excretionem vel neglexerint, vel necessitate coacti retinere voluerint, & in his facilius gignitur morbus, cum intestina ab intemperie frigida quæ eis communicata fuerit, vel ratione frigoris externi, vel ratione interius sumtorũ, labefactata fuerint. Si autem a pituitæ copia vna cum ingenti frigiditate (quod fieri posse experientia ipsa testata est) gignatur ileos, nulla morbi ratione in hoc erit febris. hic erunt vehementissimi dolores, tum ratione intemperiei tum ratione materiæ geniti: qui cum admodum vrgeant, ægrotantesq; valde crucient, cito deducunt partes superiores in cõsensum, hincq; cito superueniunt vomitus biliosi & pituitosi. quod si non cedat morbus, etiam his stercoris vomitus succedunt, tentantibus intestinis hoc a se expellere, nec potentibus ad inferiores partes ob occlusam viã detrudere; vnde tandẽ, motu contra naturã concitato, ad superiora stercus ipsum violenter transmittitur. in his semper corpus friget, nec ad motus calfaciẽtibus facile incalescit, & a dolore vexati locostare nequeunt. murmurant partes superiores, ad sunt rugitus & flatus ascendentes, qui tamẽ dolorem leuiorẽ non faciunt. In his præcessere, quæ pituitã aggregare & crudos humores cumulare potuerũt, sed præcipue ab externo frigore passi sunt. Hæcque solet esse potentissima occasio, qua

Ileos a pituita signa.

*Ileo an sic
uei sit in re
nusoribus
intestini,
ita etiam
fieri possit
in crasso.*

& pituita in vno & eodem loco aggregatur, & qua intestina adstringuntur & magis cōniunt. frigidi enim est constipare. *hac de signis differentiarum ileos.* Qui sicut a diuersis prædictis causis generatur, ita an in diuersis fieri possit intestinis, considerandum est. Omnes scribentes ex Galeno lib. 6. de loc. affect. & lib. 6. Apho. & alijs locis habent, hanc affectionem intestinis tenuibus, ex quibus præcipue in hoc morbo intestinum ileon patitur, propriam esse: cuius ratione hic morbus a læsa parte nomē desumens, ut habetur lib. 2. Meth. cap. 1. dictus est ileos. Huic sententiæ non acquiesco, quoniam video, omnes prædictas causas, quæ in intestinis tenuibus ileum, & superfluitatū cibi recētionem facere possunt, eandē in crassis etiam producere posse. nam in his & virtus ex intemperie aboleri potest, & tanta gigni inflammatio, seu aliud tumoris genus quod totum eius spatium intercludat. potest etiam in his tantum stercoris, quod proprie in crassis aggregatur, vel pituitæ cumulari, ut ex toto obstruatur. imo vomitus fæcū in omni ileo exitiali superueniens, potius attestatur, crassa intestina in eo affici quam tenuia. in tenuibus enim materia succosa, & coctioni & distributioni, & alimonix apta, in cuius gratiā hæc condita sunt, continetur: at in crassis materia vere stercorosa coadunatur, in hisque alui fæces speciem primum & nomen habent; siquidem ab alimentis, dum per tenuia intestina ferebantur, sucta puriori & utiliori substantia, horum residuum sunt fæces, quæ hoc nomen assumunt, cum ad crassum intestinum peruenerint. huic sententiæ adstipulatur Galenus libro 3. de facul. natur. cap. 13, ubi docebat, in ileo stercus a loco infra ileon intestinum existente, quod erit crassum, ascendere ad partes superiores, & hinc vomitum causare, per hæc verba. *Quoniam nisi pertransito tum tenui intestino toto, tum sesuno, tum pyloro Ventriculoque ac gula, omnino nequeat per illius os eijci tale Vllum excrementum.* crassa etiam intestina pati in ileo, locus dolens significare potest, in his autem ut plurimum dolor est ad præcordia, ut plures testantur, & præcipue Hippocrates lib. de Morb. 3. quod idem asserit in historia mulieris Iliacæ lib. 3. Epid. dum dicebat, *præcordia dolebant.* circa præcordia autem est colon intestinum, quod per

caua

eua iecoris permeat, folliculum bilis attingens, fundo-
 que ventriculi adhærens, lieni in sinistro hypochondrio
 accumbit; hincque ad renes deurgens, eos contangit.
 quapropter ad omnia præcordia insternitur, quod intesti-
 nis tenuioribus non est datum: vnde sumi potest, intesti-
 na crassa affecta fuisse. Quod idem mihi persuadent ver-
 ba illa Hippocratis, *et infra secundum ventriculum tor-
 mina perpetua*. per secundum enim ventriculum intelli-
 go intestina tenuia, cum crassa nonnulli (vt habet Gale-
 nus libro 4. de vsu partium, cap. 18, & Oribasius in collect.
 Med. cap. 19, libro 24.) inferiore ventrem nuncupent.
 quare primus ventriculus erit ille, in quo deuoratum ali-
 mentum statim ingeritur in chylumque mutatur. Secun-
 dus tenuia erunt intestina, ad distributionem & coctio-
 nem eiusdem parata. Tertius & inferior erunt crassa, ad
 excipiendas feces formata. Quare per ea verba, *infra se-
 cundum ventrem*, innuit Hippocrates, tormina & do-
 lorum exacerbationes fuisse in intestinis crassis. Hanc
 sententiam acceptauit Alexander Trallianus libro deci-
 mo, vbi agens de dolore colico, ab inflammatione geni-
 to, & reprehendens eos qui a principio pharmacum exhi-
 bent, dicebat in his exacerbari adeo ex pharmaco inflam-
 mationem, vt ægri in ileum morbum incidant. *non enim*
(subiungebat) aliud est ileos, quam colici affectum in-
tensio ac incrementum. cum autem in colico dolore crassa
 intestina afficiantur; etiam in ileo eadem affecta erunt.
 Galenus etiam in commento historię mulieris voluulosæ
 non negat, fieri ileum ex affectione intestinorum crassio-
 rum. imo supponens, fieri & in tenuibus & in crassis inte-
 stinis, adinuicem ea comparans, censet eum qui in crassis
 fit intestinis, illo qui in tenuibus generatur, hac ratione
 deteriore esse, quia hic contagio afficit & iecur & lie-
 nem. hocque facile facere potest, quoniam vt dixi, vtrumq;
 hoc membrum cõtangit colon intestinum crassum, quod
 tenuibus non est datum, indeq; nõ ita facile membra hæc
 in consensum trahere possunt. & hic locus Galeni animad-
 uertatur, quoniam a multis perperam & in contrario sen-
 su intelligitur. Cum autem subiungit Galenus: *Qui ster-*
ius si vomant (aduertitur etiam hoc fieri) *clarissimum sit*

signū sibi, esse subtilia intestina affecta: si intelligit, semper hoc euenire ipsis intestinis tenuiorib. primario affectis ex prædictis indicetur, an sibi cōstet & recte senserit. si autē intelligat, in vomitu stercoris semper affecta esse tenuiora intestina, vel primario vel secundario tracta in consensum ab inferioribus intestinis, experientia & veritati & sibi ipsi consonus erit. Vidimus enim nos iliacos qui laborantes hoc morbo propter fæces obstruentes vltra vigesimam secundam diem tantum euomuerunt fæces. quod fieri non potuisset, si hæc affectio fuisset in tenuibus, quoniam tenuia nō possunt tantam stercoris copiam continere per tot dies, & citius trahunt ventriculū in consensum, vnde fiunt postea vomitus cibi, potus & aliarum rerum assumptarum. verum cum talis affectio fuerit ob retentionem fæcum in crassis, potuit tardari vomitus per tantum temporis, cum crassa intestina magnam habeāt capacitatem, & multam possint continere materiam, quibus etiam ad maiorem capacitatem cōiunguntur tenuia, quæ simul per aliquod temporis spatium aliqualem materiæ copiam continere possunt: cuius ratione potest his vomitus per tātum temporis protrahi, quod fieri non potuisset, si in tenuioribus fuisset affectio. Quare si aliquando in ileo, vt communis omnium est sententia, intestina tenuia sunt affecta, nō est quod crassa etiam aliquando non afficiantur. Et si Galenus hoc in 6 Aphorism. & 6 de loc. affect. semper tribuit intestinis tenuibus, hoc non ex propria, sed antiquorum medicorum sententia & opinione, vt optime consideranti patere potest, affirmavit. quam postea lib. 3 Epid. sect. 2. commen. 7. non acceptauit, clare asserens, ileum etiam in crassis fieri intestinis: cui etiam opinioni vltra ea quæ nos vidimus & notauimus, ad stipulatur historia a Ioanne Familio, quem ætas nostra & venerari & admirari debet, euarrata de eo, cui intestina, ex copia pituitæ obstructa, ileo & omnimodam fæcum retentionē induxerunt. hoc enim secto, inuentum est colon ipsum, non intestina tenuia, hæc materia oppletum & obstructum. Quapropter concludo, in ileo posse & tenuia & crassa intestina affici, præcipueq; ex tenuioribus intestinum ileum, ex crassis colon voluulū causare assero. Quibus autem signis adinuicem hi duo affectus

ſectus diſtinguantur, docet Gal. loco citato, dicens, hoc ex vomitionum aſſiduitate & vehementia, & quod potū continere non poſſunt, ſed reddant, diſcerni. nam vbi inteſtina tenuia aſſiſtantur, vomitus crebriores & vehementiores ſunt, & potum continere non poſſunt, quoniam ab his facillime ventriculus in conſenſum traducitur, citoq; materia ad locum affectum permeat. quem pertingēs & moleſtans violento motu præter naturam concitato a virtute expultrice ſtatim ad partes ſuperiores retruditur. cum autem craſſa inteſtina magis a ventriculo diſtent, longiori- que ductu aſſumpta ad locum affectum permeare & ab eo remeare debeant, hinc vomitus in his nec ſunt ita aſſidui & frequentes, nec ita vehementes ſunt, & potum aliquo modo continere poſſunt. Cum autem addit Galenus, *Adhuc magis ex eo, quod nihil per aluum deijcitur*, animaduertatur, quod affectis inteſtinis ſuperioribus infra locum affectum ſolent ſubſidere fæces, quæ in principio morbi ſponte educi poſſunt, & ſi non ſponte, arte ſaltem. at affectis craſſioribus, parū quid ſubeſt, & inferiora magis cum loco affecto conſentiunt. vnde quo ad excretionem alui conſequitur hoc, quod affectis craſſioribus inteſtinis, omnibus excrementis citius & validius, quam affectis tenuibus, via præcluditur, in hiſque ileis minus aluus, quam in cæteris, deijcit. his habitis curationem aggredior. Si curandus proponatur ileos, ratione virtutis expultricis abolitæ ex intemperie frigida genitus, hic indicatur, vt omni ingenio caleſciamus, excretionēq; excrementorū retentorū prouocemus. quod licet difficile ſit, cū hæc affectio ſit tanquā inteſtinorum paralyſis, tamen ſi cito & recte pertractetur, poterit Medicus ſanationem ſperare. Caleſciamus dupliciter vel per interius aſſumpta, vel per exterius applicata. per exterius, hoc tentabimus cū inunctionibus ex oleo anethino, chamæmelino, rutaceo, laurino, coſtino, de piperibus, de caſtoreo & ſimilibus, cum fomentis factis in vino ex floribus chamæmeli, anethi, ex herbis & ſeminibus odoratis, ex baccis lauri addita galanga, zedoaria, ariſtolochia, pyrethro & huiusmodi, cum balneis ex prædictis & ſimilibus decoctionibus paratis, vel ex oleo calido, in quibus patiens infundatur, cum emplaſtris ex herbis,

Signa diſtinguentia iſtū in craſſis inteſtinis ab eo, quod eſt in tenuibus.

Ilei ratione abolita virtutis expultricis.

radicibus, feminibus, oleis & pinguedinib. calidiorib. confectis, additis aromatibus: & si hæc non sufficiant, cum sinapismatibus & dropacibus, quos maxime in tali casu cōmendo: & præcipue, vbi his admixta fuerint piper, sulfur, pyrethrum & similia, in ea tamen moderatione, qua cutis non exuratur, & tale medicamenti genus tolerare possit. Interius exhibeantur ea quæ vel per os assumuntur, vel per inferius infunduntur & imponuntur. per os exhibeantur vina generosa, aromata, species ex his paratæ, confectiones magnæ, aqua ardens vitæ dicta, vel simplex vel in aqua aliqua admixta, seu infusa fuerint castoreum, olea calidiora, & præcipue aromatica si ea ventriculus ferre possit. his omnibus addo, vt præcipuum remedium, vel decoctionem vel infusionem in vino potenti factam, vel aquam in duplici vase paratā ex radicibus raphani, quæ optime potest calefacere & penetrare. per inferius imponantur suppositoria notabilis longitudinis ex melle, addita galanga, castoreo, nigella & similibus parata. Infundantur etiā clystera, quæ componantur ex decoctionibus herbarū, florum, seminum calidiorum vna cum oleis calefacientibus, quæ sola aliquādo infundi possunt, admixto vel diaphœniconē, vel Benedicta, vel aliquo eiusdem ordinis medicamento, quod simul possit educere & calefacere, & hæc sæpius iterentur: quibus peractis & pro maiori parte administratis, poterit medicus aliquod medicamentum soluens exhibere ad tentandam excrementorum alui euacuationem: quod, antequā calefaciat, non ita tutum est propinare. Ad quam eandem intentionem exhibeat etiā Medicus aquas thermales calidas, quæ sulfureæ & salæ sunt. his enim non tantum intestina calefacere, sed & expurgare potest, & non tantum in potu conueniunt, sed etiam infusa maxime prodesse valēt. quod cum ratio me docuerit, dum plurima antea incassum administrata forent, in nonnullis vsus sum iliaci felici cum successu aqua nostri balnei diui Christophori, ex qua pristinam sanitatem recuperarunt, dum eisdem per potum exhibita & per sedē infusa fuisset. Vbi autem fuerit ileos ex interclusionē intestinorum, si ex scyrho, cancro, vel cōsimili tumore euenerit, nō recipit curationē, quoniam res co ducta est ex his, vt ars medica nihil polleat.

Ileos ex scyrho, cancro & simili tumore curatio.

polleat. hi enim affectus, dum ad omnimodam occlusionem intestinorum deueniunt, vel ex se curationem non admittunt, vel si admitterent, hoc diuturno tempore esset peragendum. at morbus hic celeri indiget medicatione. Si vero ex inflammatione intestinorum fuerit ileos, hic *ilei ex inflammatione* habemus morbum magnum & acutissimum. quare statim *ne curatio.* tibus viribus, statim secunda est interna brachij dextri venena, sanguisque copiose pro ratione habitus, temperaturæ & cæli status educatur; repetaturque venæ sectio, si morbus vrgeat. hoc facto, statim ad remittendam inflammationem deueniendum est. quare adhibeantur repellentia, refrigerantia, & quæ mitigare possunt. vnde inunctiones ex oleo rosato completo fiant continue, in eo infusis pannis & adhibitis: vel applicetur lana succida vino adstringenti & debiliori, præcipue autem nigro ac oleo rosaceo imbuta, quibus etiam parum quid aceti addi potest. formentur etiam emplastra ex plantagine, solatro, endiuia, portulaca & similibus coctis: quibus contusis, earundem succi & oleum rosaceum & ouorum recentium lutea cruda admiscantur: aut mala cidonia in posca dilutiore cocta, oleoque mellino, vel rosaceo commixta applicentur. his tepidioribus vtimur, quoniam inflammatio calidiora non tolerat, frigida autem actu intestina lædunt, nisi fuerit inflammatio erysipelatis particeps. quo casu omnia subfrigida apponantur in principio morbi. In augmento autem addantur nonnulla, quæ aliquam vim discussoriam & lenientem habent. vnde inunctionibus addatur oleum chamæmelinum; emplastris semina lini, sænugræci, & chamæmelum ipsum, & farina fabarum. Vnde remedium Alexandri maxime prodesse potest, quod recipit ceræ vncias quinque, olei chamæmelini vncias duas & semis farinæ fabaceæ, olei rosacei singulorum vncias duas & semis, lutea ouorum quinque, aut sex mucilaginis seminum lini, quod satis est ad formandum emplastrum. hoc ita paratur. Oua & farina lenigantur, atque tunc ceratum refrigeratum iniicitur, & omnia adinuicem subiguntur, quousque mixta omnia adinuicem fuerint, & in vnam formam coisse videantur. hoc potuit inflammationem remittere, aliquammodo discutere & simul lenire. Interim per sedem in

morbi principio infundantur clysmata ex cremore prifanae, oleo rosaceo, succo plantaginis, luteis ouorum recentium & similibus admixtis. quibus in progressu addatur oleum chamæmelinum, succus seminum lini, chamæmelæ decoctum, fœnugræci, & huiusmodi. hæcque sæpius repetantur, tum ad remittendam inflammationem in intestinis existentem, tum ad tentandam excrementorum euacuationem, & hoc præcipue, vbi inflammata erant intestina inferiora. quo calu clysteria & suppositoria acria damnanda sunt, quoniam augere inflammationem possunt. Quod si nō admodū acria fuerint, inflammationis intestinis superiorib. & maxime in progressu morbi, ad excludenda excrementa, in inferiorib. intestinis cōtenta, cōuenire possunt. Victus in his sit ienuis & refrigerans. quare sola prifana contenti sint, tum vt victu refrigeranti agamus, tum etiam ne copia alimenti & excrementorum inde gignendorū grauetur, & exasperetur inflammatio, cui admisceri non nunquam poterit pauca quantitas vini granatorum: abstineant a vino, & ab omnibus calefacientibus, præcipue autem pharmaca soluentia, quorum vsus nonnulli in tali casu admittunt, omnia vitanda sunt, dum inflamatio viget. Ultra enim, quod locum exasperare possunt pharmaca, & per eundem met materias peccantes educant (quæ duo mala in omni inflammatione vitanda sunt) hoc admonet Alexander in cura doloris colici ex inflammatione non esse agendum. quod idem præmonauerat Hippocrates, lib. 4. reg. acut. tex. 22. in quacunque inflammatione cauendum esse: & licet sint vrgentia ratione retentionis excrementorum pondere & acrimonia partem laesam irritantium, tamen maius nocumen tum ex violenta inflammatione a pharmaco illata succedet, quam iuuamentum ex irritatione eiusdem pharmaci, quod incassum renitente inflammatione tentabitur. quod tamen eadem declinante commendo, cum eo tempore & excrementa excludere, & inflammationem aliquo modo soluere possit, tuncque omnia exteriora discutientia, lenientia tamen, sint, & clysteria acriuscula imponantur: perfusionesq; & infusiones & infusus in decoctis, quæ eiusdem inflammationis resolutionem præstare possint, administrentur,

strentur, victusque tunc augeatur, & vinum debile & re-
nue exhibeatur. Fiant, dum viget morbus, omnia reuul-
sionum genera ad reuocandam materiam ab internis par-
tibus, sicuti frictions, ligaturæ dolorolæ, cucurbitulæ sca-
rificatæ & non scarificatæ, artubus non autem abdomini
(vt nonnulli male sensere, quoniam hinc attrahitur mate-
ria ad læsum membrum) applicitæ. balnea rebus poten-
tialiter refrigerantibus, admixtis nonnullis discutiētibz,
actualiter autem calidis, ad partes extremas fiant, & huius-
cemodi omnia, quæ a membro læso materiam traducere
& remouere queāt. Quoniam autem hic dolores aliquan-
do sunt vehementissimi, si ea quæ exterius applicātur, non
proderunt, aliqua dolorem lenientia conuenient, sicuti
nonnulla leuiter stupefacientia, quale erit lac seminum
papaueris albi, diacodion; & ad summū philonium, quod,
vbi vires languidę forent, non admittatur; quoniam in pe-
riculum extinctionis caloris innati deducens ægotantem
mortem acceleraret. Hæc autem curandi ratio integre in
omni intestinorum inflammatione seruetur, præterquam
vbi venenum huius causa extiterit, quo casu venæ sectio o-
mittatur, medicamentisquæ exterius applicandis nonnul-
la quæ vim veneno aduersantem habeant, admisceantur.
interius autem alexipharmaca & ea, quæ venenosam qua-
litatem propulsare ac superare valeant, exhibeantur. Vbi
vero contusio (sicuti ex prolapsione intestini in serotum
succedere consuevit) fuerit inflammationis causa, cæteris
integre seruatis, hoc addatur, quod in remedijs localibus
semper nonnulla lenientia & aliquantulum concoquentia
commisceantur. Si autem ileos ex duro stercore intestina
obstruente genitus sit, in hoc stercus emollire & humecta-
re debemus, vt postea medicamentis excrementa exclu-
dentibus cedere possit: vnde exterius perfusiones, irriga-
tiones, fomenta, cataplasmata, infusus, balnea ex rebus e-
mollientibus parabimus, inter quæ præcipuum habeat lo-
cum olei balneum, ita ab omnibus antiquis celebratum.
Interius conueniunt iura pinguia, oleum dulce, oleum a-
mygdalarum dulcium, butyrum, mucilagines althææ,
maluarum, seminum lini, fœnugræci; ex quibus iisdem
clysteria primo ad emolliendum parentur. quibus adhibi-

*Ilei ex duro
stercore cu-
ratio.*

tis postea succedant acria, & fæces dissoluētia & euacuan-
 tia, in quorum catalogo iterum numerabo ea quæ ex a-
 quis naturalibus parâtur, quoniam ex his ego præcipuum
 vidi semper iuuamentum, impositisque clysteribus, sicuti
 & non impositis, semper foueatur sedes per spon-
 gas calidas, aliquo ex prædictis liquore prius imbutas, postea quo-
 quo pacto expressas. Quod si his non cedat morbus, pro-
 pono remedium Hippocratis ab eo enarratum, & lib. 3. de
 Morbis, & lib. de passionibus seu affectionibus inscripto.
 hoc sit follis, per quem ad intra sedem immis-
 sū intellina, ut a stercore ea disparētur. quo factō, sta-
 tim iuber imponendum esse clystere ad dissoluēdas & ex-
 cludendas fæces, simulque spongia sedem obturandam, &
 ægrum in balneo locandum esse. hanc eandem curandi
 rationem admittit Alexander in cura doloris colici ex
 stercoreis duri obstructione, ubi non adsit inflammatio,
 quam tamen ego nec expertus sum, nec alios expertos
 fuisse audiui, præter Amatum Lusitanum qui, si ei creden-
 dum est, semel hanc curandi rationem felici cum successu
 usus est. hoc autem ego proposuisse volui, ut remedia anti-
 qua considerentur, sique placeant, in usum reuocentur.
 Cum vero ileos a pituita crassa & viscida, obstruente inte-
 stina, curandus erit, in hoc calefacere, attenuare, incidere,
 abstergere, & ad excretionem materiam proritare debe-
 mus. quapropter veniant in hunc usum, quæ iam dicta sunt
 in ileo ab intēperie frigida. Sed præcipue hic laudo rapha-
 ni decoctum vel infusionem vel aquam. laudo vinum po-
 tens, in quo aromata & herbæ incidentes & attenuantes
 vel ebullierint vel infusæ steterint. præcipue autem com-
 mendo usum vini potentis, admixta aqua ardenti & melle
 rosaceo. quod si hæc non sufficiant, exhibeantur medica-
 menta magna, quæ pituitam dissiccare & attenuare pos-
 sint, sicuti oleum vitrioli Romani optime parati ad drach-
 mam semis cum vino generoso, quale est Cretense, exhi-
 bitum, vel ex eis compositionibus (quæ *Elyxir Vista* ab his
 modernis nuncupantur) drachma vna cum eodem vini
 genere imperetur. Clysteria sint calefacientia, & eiusdem
 ordinis, qualia subscripta pharmaca, quibus admisceatur
 in decoctionibus faciendis pulpa colocynthidis, agaricus,
 centaurium

*Follis per se-
 dem immis-
 sus ad inflā-
 da intestina
 in ileo a du-
 ro stercore.*

*Ileos a pitui-
 ta crasso.*

centaurium minus, & cætera omnia, quæ pituitam calefacere & trahere possunt, sicuti Benedicta & Diaphœnicon. laudo autem præcipue in hoc casu clyisma ex vino potenti, cui prædicta pharmaca incocta vel admixta fuerint, addita aqua ardenti ad vncias duas, vel parũ plus. Et in hoc cõueniunt etiã irrigationes, infussiones, & balnea ex reb. calefacientibus & discutientibus, & emollientib. inter quæ semper summõ opere extollendũ venit balneũ olei. Quibus factis, ex iisdemq; tentata materiæ præparatione, si natura sponte obstructionem euacuando non tollat, deueniendum est ad pharmacum soluens, materiam peccantem respiciens; hocque sit validum, quoniam leuia a propria operatione vi obstructionis frustrarentur. Quod idem animaduerto agendum esse in ileo, ex duro stercore intestina occludente genito. vbi enim emollitæ fuerint feces, paratæque ad excretionem, si clysteria non sufficiant, medicamentum validum exhibeatur, quod simul feces excludere & obstructione intestina liberare poterit. In hoc vltimo ileo victus sit attenuans & parcus, & bibant ægrotantes vinum potens, clarum & subtilium partium.

De adstrictione Ventriculi.

CAP. XII.

AFFECTVS ventriculi plures sunt, a quibus diuersimode affliguntur ægrotantes, de quibus omnibus scribentes satis cumulate agunt, vno excepto, cuius solus meminit Aetius, qui est ventriculi adstrictio: quæ adstrictio licet non sit perinde exitialis, ac ij affectus de quibus iam egimus: tamen quia molesta est hæc affectio, sæpe solet accidere, & inducere Medicos in maximas hæsitaciones; ideo quid sit hæc ventriculi adstrictio, & quæ ei debeatur curatio, exponam. Cum ventriculus laborat in coctione, necessario plurimæ fiunt euaporationes. quod si contingat ventriculum, tum quo ad meatum superiorem tum quo ad inferiorem, ita adstrictum esse, vt nec flatus nec vapores ad extra possint erumpere, nihilque extra corpus ob cutis adstrictionem vel exsiccationem euaporare queat; tunc fit accensio horum vaporum, incalescuntque

*Adstrictio
Ventriculi.
Lib. 9. cap.
13.*

Causa.

hi adeo, vt vniuersum corpus æstuet, præcipue autem pedum & manuum extremitates, vnde frigiditatem querunt, & facies rubescit, pulsus mutatur in densitatem, & vt vnico verbo rem expediam, præbent sensum febris, multique qui hanc affectionem vel non animaduertunt vel ignorant, patientes febricitare suspicantur. hæc affectio vt plurimum gignitur in aridis naturis, & condensatam carnem habentibus, soletq; sæpe conualescentibus accidere, quia in his solet esse exsiccatio cutis, vnde nihil potest euaporare. hoc Medici sæpe affirmant ratione iccoris fieri: quod tamen non semper est asserendū, cum, vt iam dictū est, hoc etiā fiat ratione ventriculi superius enarrato modo affecti, quæ affectio, celebrata coctione & descendente cibo, per se multoties solet quiescere. causa huius affectionis primo est imbecillitas ventriculi, secundo est adstrictio cutis: ventriculus debilis facit plurimas euaporationes, cutis autē nihil admittit exhalare, vnde detineantur spiritus, qui deinde accenduntur & prædicta symptomata inducūt. His positis clare patet, quid a medico agendū sit pro curatione huius affectus: nam cū huius duæ sint causæ, scilicet ventriculi imbecillitas & cutis adstrictio; non existente in hoc morbo vrgentia, causis attendendum est. quare debemus remouere ventriculi imbecillitatem, quæ vt plurimum fit ratione intemperiei frigida. præterea est laxanda & humectanda cutis. roborato ventriculo, paucissimæ fient vaporationes. laxata autem & humectata cutis genitas vaporationes admittere, easq; facile discutere poterit. Pro tollenda intemperie ventriculi, & pro eodem roborando administrentur ea, quæ in intemperie ventriculi frigida agenda esse, omnes scribentes docent: pro laxanda autem & humectanda cuti præstantissimum erit balneum aquæ dulcis. ad idem facient frictiones mediocres, inunctiones ex oleo chamæmelino, vel ex oleo amygdalarum dulciū. victus non sit excrementosus, nec ex eduljis difficilis coctionis, nec plurimus vnica vice exhibeatur, ne ab eo vlla ex occasione grauetur, & inde laboret ventriculus. potus sit mediocris, tum quo ad quantitatem tum quo ad vini generositatem, hæc est vera huius affectus curatio, quæ satis distat a cura Aetij. Aetius enim, quasi in hoc affectu sit

magna

Indicationes.

Curatio.

*Curatio
Aetij.*

magna vrgentia, attendit symptomati non causæ: vnde in principio affectionis & cōstrictionibus & ligaturis & frictionibus & compressionibus partium extreimarum tentat retractionem caloris ad exteriora, vt calor naturalis nō agens in nutrimentum non faciat tantas euaporationes. ante augmentum autem, habita totius corporis cura, tentat carnem mollem & humectam reddere, ad hocque vtitur frictione olei cum nitro: quod remedium apud me suspectum est, cum nitrum oleo mixtum exsiccationem nō humectationem inducat. Vigore autem præterito, & inclinante morbo, iubet infundi manus & pedes in aqua, ad hoc, vt vaporations ad cutim discutiantur: quo tempore laudat etiam balneum ante cibum, pluribusque iuuamentum hoc præstitisse testatur. quæ tota curatio, licet conferre possit, tamen cum in hoc morbo non tanta sit vrgentia, vt medicum a recta curandi ratione distrahere debeat; dimittatur, causisque incumbendo vera methodo affectus hic tollatur.

De Cholera sicca. CAPVT XIII.

CHOLERA est duplex; altera humida, cuius curatio- nem satis diffule omnes scribentes docent; altera sicca, de qua tantum Hippocrates lib. 4. reg. acut. a 104. tex. vsque ad 109. In vtrilq; est expulsio materierum per superiora & per inferiora. sed in humida educuntur humores & liquidi succi: at in sicca nihil humidi expellitur, sed tantum spiritus flatuosus acris, tum per ventriculum tum per intestina, excernitur. illa est acuta & periculosissima affectio. hæc autē, licet non ita discriminis sit plena, tan- tē molestissima est, & valde egrotantes angit: vnde, sicuti illa nequaquam est ignoranda a medico, similiter & hæc non est negligenda. qua de re proposita essentia, causis & signis, huius curationem etiam explicabo. Arida cholera est affectio, genita a spiritu flatuoso acris, qui & per superiora & per inferiora excernitur, quique, cum sit acris, & partes internas in quib. genitus est, mordet, & eas per quas in educatione pertranlit, exasperat & affligit. Vnde sequitur, quod in hoc affectu venter propter spiritum infletur, & quod

Cholera duplex, & earum differentia.

Cholera sicca quid sit, & eius causa.

partes prope ventrem nervosæ, sicuti latera & lumbi, ob acrimoniam mordeantur, a flatuque illo contento, ex quo aliquando discurrente fit strepitus, intendantur, hincque dolorem patiantur. quod idem in excretionem huius spiritus flatuosi & acris euenit. nam extramissus & partes inferiores mordet ac exasperat, & superiores, cum præcipue os ventriculi sit valde sensitivum, admodum ob eius acrimoniam affligit. qua de re & si retinetur, siue educatur hic spiritus, valde molestus est; in hacque affectione aluus nihil liquidi deijcit, cum retineatur materia, a qua illi spiritus acres eleuantur, sed adstringitur. quapropter concludens dico, aridam seu siccam choleram esse affectum, in quo inflato ventre & obstrepente cum dolore laterum & lumborum, nihilque aluo deijciente, excernitur per superiora & per inferiora spiritus acris admodum molestus. Huius spiritus acris causa querenda est, quoniam hoc habito, causas siccae cholerae habebimus. Acres vapores & spiritus in corpore humano duplici de causa generantur, scilicet vel ratione ventriculi, vel ratione assumptorum. ratione ventriculi fiunt, cum ventriculus cibaria, licet in his non sit peccatum, corrumpit, & ita corrumpit, ut ea convertat in acerrimos vapores: quod non alia sit ex causa, quam propter eiusdem igneum calorem. quare igneus calor ventriculi erit altera causa cholerae siccae. ratione autem assumptorum fiunt hi acres spiritus, cum in alimentum sumuntur cibaria acris & flatuosa, seu quæ nidorulentam & fumosam habent qualitatē, qui nidor in materia semiusta & acris fundatur, sicuti sunt cepæ, raphanus coestilis, & cæteræ radices acriores, eruca, caro nimium tosta & assata, ova & cætera in sartagine nimium frixa, & cætera quæ consimilis sunt qualitatis. hæc autem ingesta ubi corrumpuntur, acerrimos procreant vapores, & sunt in causa cholerae siccae. causis habitis, ad signa deveniendum. Signa præsentis cholerae de se patent, consideratis his quæ pro eius essentia explicanda superius declarata sunt. signa autem differentiarum a causis (quoniam considerandum est, an sit vitio vel ventriculi vel assumptorum) habebimus, si percunctabimur, quali victus genere usus sit ægrotans. si enim optimo usus est, iudicabimus hoc factum esse ratione ventriculi, in quo

*Acris spiritus
sui generis
in cholera
causa.*

igneus

igneus vigeat calor: si autem cibaria praua assumpserit, ratione assumptorum coniectare poterimus factam esse cholera. quod si ambæ concurrent causæ, vtrarumque etiam indicia aderunt. his præmissis curationem aggredior. In hac cholera, quæ contristat, sunt flatus & vapores acres. ergo his incumbere debemus, vt affectionem hanc remoueamus: quæ remouebitur, si hi flatus vel educantur vel temperentur, quod præcipue fiet, educta vel temperata materia, a qua hi vapores eleuantur. temperabimus autem, si vel contemperantia adhibeamus, vel materiam, vnde generantur hi vapores, concoquamus, vel si eandem temperare & concoquere non possumus, educamus. quare primo debemus têtare, an hi flatus, & hæc materia possit retundi & temperari. quod si non detur, ipsam debemus euacuare. Hoc non erit difficile Medico perficere, cum in hac cholera non sit nec acuties, nec discrimen illud quod est in humida, & cum facile sit, hos flatus & has materias vel contemperare vel a corpore educere, vbi recta methodo agatur, & non ea communi ratione qua vtuntur vulgares Medici, qui in omni genere flatus semper eadem remedia calidiora administrare consueuere. recta autem ager ratione Medicus, si ea quæ docet Hippocrates pro curatione huius affectus, attendat. hic autem & pro discussione & retusione & educatione, tum flatuum tum materietum acrium, ita plura præcipiendo procedit. Primo, quoniam supponit, materiam in intestinis contineri, parumque eius existere in ventriculo, prohibet vomitum, & præcipue cum materia peccans sit materia arida, & quæ facile non educitur per vomitum, & quæ, si educeretur, in transitu maxime mordere os ventriculi posset. Secundo iubet subduci vētrem oleo plurimo calido & pingui: hinc duorum alterum habebimus. nam vel retundetur & lenietur morsus & acrimonia, vel subducetur materia & flatus peccans. Tertio ordinat Hippocrates balneum & perfusionem olei & aquæ dulcis: quod facit ad concoctionem & contemperantiam & discussionem vaporum acrium. Quarto imperat somnum, & dormiēdum esse: quod maxime conferre poterit ad coctionem concentrato calore, & præcipue cum somnus omnibus cruditatibus maximo

*Prognostic
cum.*

*Curatio se-
cundū Hipp.*

esse remedio consueverit. Quinto vinum tunc antiquum & meracius exhibendum esse, proponit: quod vinum & ad discussionem flatuum & ad materię coctionem facere poterit. Sexto præcipit, perseverante affectione propinandum esse oleum per os: quod cum supponat dulce esse & pingue, facit ad siccitatem emendandam, ad acrium retusionem & ad alui subductionem. Septimo, ut coctio facilius procuretur, iubet abstinendum esse a cibo & ab omni motu. nam cum coctionem desideramus, cruda non sunt superingerenda. quiescereque debemus, cum quies, si quid aliud, ad coctionem faciat. Ultimo aliis non conferentibus euacuandam esse materiam peccantem docet, & ad hoc exhibet lac asinæ: quod omnibus cæteris medicamentis in casu isto præferit, quoniam ex lacte maiorem, quam ex prædictis, acrium temperantiam sperat. cum hoc quod simul & euacuet & refrigeret, hacque via & propositis auxiliis, credit Hippocrates, choleram siccam curari & tolli posse. In qua arida cholera nonnunquam corruptio materierum acrium talis est, ut febre accendat. & tunc sit febris diaria ex cruditate nidorosa. quam febre curare docet Galenus libro 8 Methodi, cap. 5. in quo loco ponit curationem febris ex ea cruditate, in qua cibi in nidorulentam qualitatem conuertuntur. Vbi distinguit, quod sit hæc febris ex tali cruditate, vel fluente aluo vel non. posita primo cura quando fluit, secundo declarat, quomodo sit curanda ea in qua non fluit aluus: qui est casus præsentis cholæræ siccæ. Vnde ait primo considerandum esse, an cibus in gracile intestinum vel in colon descendit. quod habebitur ex pertractatis præcordiis & ventre & interrogato ægro, in qua parte morsum vel grauitatem sentiat, & quos habeat ructus. Si in intestina tenuia tantum descendisse deprehendatur alimentum, iubet diatrion piperion exhibendum esse, & præcordia ventremque perfundendum esse, quæ perfusio & tempore diuturnior & quantitate copiosior semper esse debet in his in quibus alimentum corruptum est in superioribus, quam in his in quibus est in inferioribus intestinis. Ad quæ inferiora intestina si descendisse deprehendatur hæc materia corrupta, educenda

Febris diaria ex cruditate nidorosa, qui est casus cholæræ siccæ, cuius ratio secundum Galenum.

erit vel glande supposita, vel clystere leui iniecto, hac habita distinctione, quod ratione morfus mitigantia, ratione flatus discutientia infundantur; si neutrum adfit, simplici & molli clysmate agatur. Vacuata aluo, monet statim nutriendum ægrum cibo contemperanti & leui, sicuti prisana, alica, testiculis pullorum gallinaeorum, piscibus saxatilibus albo iure paratis, & similibus. quibus peractis, si plane desit febris, balneum concedit: quod si ea intotum non quiescat, sed quid febrile remanserit, etiam vsque ad secundam & tertiam diem eodem genere victus vti præcipit. post quas similiter, cessante omnino febre, balneum admittit. & hæc est curandi ratio a Galeno tradita, quæ non multum distat ab ea quam proposuerat Hippocrates. Verum quoniam ex vtrisque credo ego, perfectam aridæ cholæræ curationem haberi posse, vt res integra habeatur, nonnullaque discrimina tollantur, rem ad actum practicum deducens, ita ego curationem explicabo. In casu isto intentio est contristantium euacuatio. quæ contristant, sunt flatus & vapores acres, qui eleuantur a materia consimili corrupta, & genita vel ratione assumptorum vel ratione ventriculi. quorum euacuatio si haberi non possit, saltem per contemperantia eorum motus & acrimonia retundatur. quare pro his intentionibus imponatur primo (supposito quod materia ad inferiora extra ventriculum descenderit) clystere ex puro oleo admodum dulci, vel ex oleo seminũ lini, vel ex chamæmelino, in quib. pro retundenda acrimonia aliquid pinguedinis asserinæ vel pullinæ liquare possumus. quod si magis flatus extensione & multitudine, quam acrimonia, infestent, in his oleis concoquantur semina odorata, & alia quæ possunt flatus discutere; vel ex eisdem decoctiones patentur, quibus pro clysmate addantur olea & pinguedines prædictæ. Inungatur etiam & perfundatur ventriculus ac præcordia, & maxime vbi hæc affectio ratione assumptorum contigerit, oleo nardino, spicato, de absinthio, mastichino, & similibus. quod si non ratione assumptorum, sed ventriculi vitio hoc factum sit, inungatis vētriculum & prædictas partes oleo mellino vel rosaceo completo. quod si adsit inceps

*Cholera si-
ca curatio
absoluta.*

dium, in ventriculoque plurimum abundet ignei caloris, possumus eum perfundere omphacio, quod a Galeno libro 4 de simpl. med. fac. cap. 3 & cap. 12, ad æstuantia hypochondria celebratur. possumus etiam ad idem parare emplastra ex pulpa thamarindorum, vel ex carne citoniorum, additis rosis rubeis, sandalis, hypocistide, œnanthe, balauustijs, farinaque hordei: quæ omnia misceantur & impinguentur oleo mellino & rosaceo: quod si his actis dolor & morsus perseveret, cogitandum est de remedio, quod simul possit euacuare & contemperare. tale poterit esse oleum dulcissimum epotum, ab Hippocrate lib. 4 reg. acut. propositum, & a Galeno lib. 2 de simpl. med. fac. cap. 13 celebratum, ad cuius conformitatem oleum amygdalarum dulcium maxime probatur, & consimiliter oleum seminum lini recens, quod valentius omnibus potest & euacuare & discutere flatus. Quo oleo exhibito, si non cedat affectio, flatusque abundant, ex Hippocrate ad discussionem & coctionem vinum tenue, antiquum & merum,

*Diatrion piperion an
conueniat
in febre diatri-
a ex cru-
ditate nido-
rosa.*

ex Galeno autem diatrion piperion exhibebimus: hocque intelligatur, nisi summum adit incendiū. & hæc est mens Galeni, qui semper æstuantem ventriculo & præcordiis, ut docet in curatione cruditis nidorosæ, in qua fluit aliud, calida abhorrens ad refrigerantia recurrit. quare non est, quod in hoc reprehendatur ab Alexandro, sicuti & in perfusione ventriculi, quoniam ubi sit ventriculi intemperies calida, in eoque igneus abundet calor, refrigerantia ad ministranda esse iubet: at ubi hoc non adsit, sed facta fuerit corruptio ista ratione assumptorum, calida exterius & interius, tum ad discussionem tum ad coctionem procurandam, conueniunt. cuius ratione etiam Hippocrates merum imperat, quod ubi adesset incendium, omnino cauendum esset. His non cōferentibus pharmaco hæc materia educenda erit. ad quam intentionem exhibet Hippocrates lac asininum, quod simul potest temperare & euacuare. sed cum nos non habeamus in usu tale medicamenti genus, si in usum idem reuocare non volumus, aliquid simile exhibeamus, quod vna euacuet & acrimoniam vaporum retundere possit: cuiuscemodi erit cassia, quæ in simili casu mihi maxime probatur: verum ne ex
hac

hæc datur ventriculus, flatuſve exacerbentur, admiſce-
rem parum hyeræ, & ad leniendas ſimul vias addere non-
nihil ſucci liquiritiæ. Vacuato autem corpore, nullaque
præſente febrili acceſſione, ſi non quieſceret, in totum af-
fectio hæc, balneum valde probarem & inunctionem to-
tius corporis, per quæ contemperantiam acrium vaporū,
& vna digeſtionem, ſperarem. Interim victu contempe-
rante vtantur, ſicuti piſana, lacte, chondro, ouis ſorbili-
bus, teſticularum pullorū, piſcibus ſaxatilibus, & quæ huiusce
ſunt ordinis. Vinum a principio vitent, quod poſtea con-
uenit in declinatione, & vrgētibus flatibus, vbi non ſit in-
cendium; quieſcant ab omni motu, ſomnum quærant, &
omnia acria, frixa, aſſata & nidoſa fugiant.

*De ea lotij ſuppreſſione, in qua non
deſcendit Grima in Veſica.*

CAP. XVIII.

SVPPRIMITVR duplici ratione lotium, alias plena
alias vacua exiſtente veſica. cum plena eſt, appellatur
hic affectus a Græcis proprio nomine Iſchuria. cuius cau-
ſas & curationes diffuſiſſime omnes ſcribentes explica-
runt. cum autem eſt vacua, ſuppreſſio quidem eſt dicenda,
non tamen iſchuria, cum in hac veſica non ſit affecta. cu-
ius ſuppreſſionis tractationem omnes fere authores inta-
ctam reliquerunt, pauciſſimi autem vix attigerunt, quæ ta-
men affectio a medico nequaquam negligenda nec igno-
randa eſt, cum hinc plurima mala ſymptomata & expe-
numero mors ineuitabiliter ſuccedere conſueuerit. Hanc
ego explicaturus, & eius cauſas primo exponam, deinceps
harum cauſarum ſignis enarratis ad curationem deſcen-
dam. Suppreſſio hæc vel vitio pororum vreterū vel renum
vel venarum emulgentium cauſari poteſt. Ratione poro-
rum vreterum hoc contingit, iſſis vel conuiuentibus vel
obſtructis. conuiuent propter aliquam collectionem in
iſſis factam, ſicuti vel propter inflammationem vel ſcir-
rhum vel quempiam ſimilem tumorem. obſtruuntur au-
tem vel a calculo vel a ſanguinis grumo vel a craſſiori pu-
re, vel a viſcida & craſſa pituita. Ratione renum hoc eue-

*Suppreſſio-
nis lotij cau-
ſa.*

*Suppreſſio-
nis lotij ra-
tione poro-
rum cauſa.*

*Suppressio-
nis lotij ra-
tione renū
causa.*

nit, vel deperdita renum actione, cuius merito a venis emulgentibus attrahere non possunt: quod erit ratione intemperiei ipsorum renū validæ, quæ intemperies solet esse frigida. ab hac præcipue enim omnes virtutes labefactantur & deperduntur: vel ipsis obstructis. obstruuntur autem potissimum a calculo in ventriculis earum existente, vela copia arenularum mixtarum cum mucosa &

*Suppressio-
nis lotij ra-
tione vena-
rum emul-
gentiū cau-
sa.*

viscida pituita. Ratione venarum emulgentium hoc contingere vix plurimum consuevit, cum obstruuntur. obstruuntur autem præcipue a pituita crassiori & viscida ac tenaci. credo etiam posse obstrui a pure crasso, quemadmodum & ab eodem sæpe obstruitur vesicæ collum. hoc tamen non ita frequenter apparet. possumus etiam imaginari, ipsis conuiuentibus ob aliquam collectionem hunc eundem affectum gigni posse: tamen cum non ita experimento hoc compertum sit, non ita hoc pro confesso assero: cuiuscemodi certe affirmo, hoc sæpe contingere ob-

*Significatio-
ne pororum
veterum.*

structionis eorum merito. *Hæc de causis, signa hæc erunt.* Si suppressio fiat conuiuentibus meatibus vrinariis ob inflammationem vel aliquam aliam similem phlegmonosam dispositionem, aderit dolor in partibus illis: qui dolor causatur quidem principaliter ab affectu ipso, sed exacerbatur etiam ab acrimonia vrinæ eo permeantis. & si patiens lotium habuerit calidius & actius, dolores erunt ex eiusdem lotii acrimonia, locos inflammatos mordicante sæuiores, aderit & febris simul, & cum his erit grauitas circa lumborum & renū regionem, his lotio quod permeare ad partes non potest inferiores, repletis existentibus. hicque affectus solet vix plurimum habere causas præcedentes, & cito generatur. si autem hoc fuerit ratione scirrhī, præcessit alter affectus in partibus illis, a quo potuit succedere scirrhū ille: vel si ex materia eo collabente & collecta factus est, paulatim generatus erit, nec dolor aut febris eum concomitabitur. superueniet tamē & grauitas in renū regione & circa lumbos, ob retentum & grauans in illis locis lotium. Si autem hi meatūs obstructi fuerint, si a calculo, calculi aderunt propria signa, & dolor aderit sæuissimus, & hoc maxime, vbi calculi non leues sed asperi existent, vna cum grauitate prædictarum partium:

partium: nec in hoc ratione affectus vlla aderit febris, quæ
 tamen ratione exacerbationis dolorum, alteratis spiri-
 tibus ac humoribus ipsis, sæpe in his casibus succedere so-
 let. Si a sanguinis grumo, lotium omnino præcessit san-
 guinolentum, hocque factum erit vel ratione casus vel
 longæ seu validæ equitationis ac agitationis vel percussio-
 nis vel vulneris: aut his non præexistentibus, ratione vel
 plenitudinis vel actiominæ vel tenuitatis, & superflue ca-
 liditatis sanguinis, aperientis superiora vasa. Si a pure, *Significatio*
 præcessit abicellus vel in renibus vel in hepate vel in alijs *nec renum.*
 partibus superioribus: quod: rupto, lotium purulentum
 apparuit, fluente autem crassiori, facta est obstructio. Si a
 pituita crassa & viscida, non est dolor in parte læsa, non
 adest febris, apparent indicia abundantis pituitæ, &
 confestim facta est ista suppressio, quam semper conco-
 mitatur gravitas in renibus & lumbis. Si vero fuerit hæc
 suppressio vitio renum, vbi earum actio fuerit deperdita;
 apparebunt signa intemperiei frigide ipsorum renum, quæ
 per plures dies (nam intemperies subito introduci non
 potest) præcessit, cuius signa erunt vrine albedo præcedens,
 paucitas desiderii Veneris, languiditas earum partium, le-
 tio a refrigerantibus. & in frigidantium forsitan præcessit
 occasio, sicuti aquæ frigidæ potus, eiusdem balneum, in-
 frigidantia his partibus intempestive & sine ratione ad-
 hibita, & quæ huius sunt qualitatibus, & similia. & ab hac
 causa non affarim nec subito supprimitur lotium, quoniã
 intemperies subito introduci non potest, sed paulatim au-
 cta est in causa, vt paulatim etiam earum actio deperda-
 tur, cuius merito fit, vt lotium continue in quantitate im-
 minuatur, non valide attrahentibus, a venis & vasibus lo-
 tium deferentibus, renibus ipsis. cum autem ad summum
 peruenierit, tunc omnino deperdita actione nihil attrahi-
 tur, & inde serosa sanguinis pars supra renes ipsos retine-
 tur. Vbi autem fuerint obstructi renes. si a calculo, signa
 calculi præcessere, & in his est sensus gravitatis, nullus
 tamen est dolor. dum enim lapides in ventriculis renum
 continentur, nec inde exturbantur, nullum inferunt, vt
 experientia compertum est, dolorem. Si autem ab areno-
 sa & mucosa materia simul mixta fiat hic affectus, earum;

*Signaratio-
ne Venarum
emulgen-
tium.*

dem præcessere indicia, & aderit grauitas notabilis, & alii qui succedent dolores, conuersa aliquando in flatus portione materiei viscidæ & mucosæ, sed dolores hi non erunt nec graues nec sæui nec continui. Si fiat autem suppressio ratione venarum emulgentium, vbi fuerit ab obstructione. Si a pituita, obstructio hæc confestim est facta. adfunt signa abundantis pituitæ, nullus est dolor, nec vlla adest grauitas in renibus. & hæc est signum peculiare & certissimum, quod retineatur sanguinis serositas supra renes. Vbi enim vel ratione renum vel pororum vreterum fiat confestim hæc suppressio, semper circa renes & lumbos est grauitas. cum autem vitio venarum emulgentium hoc contigerit, nullus grauitatis sensus, nec minimus quidem, apparet. Quod idem verificatur, si a pure obstruantur. cuius eadem aderunt signa, quæ in signis obstructionis pororum vreterum, a pure factæ, relata sunt. si autem conuiueant propter aliquem tumorem, quod experimento nō ita liquet, aderunt, excepta grauitate renum, eadem signa, quæ dicta sunt in suppressione ex conuiuentia pororum vreterum causata. His omnibus autē commune est, vt vtraque vasa, scilicet & dextera & sinistra pariter afficiantur. Vbi enim altera pars illæsa esset, nunquam lotium in totū retineretur, altera fungente munere luo, per quod ad vesicam descendere vrina posset. Vbi autem vrina ad vesicam non descendat, rationeque prædictarum causarum retineatur, Medicus omni vtatur diligentia, sollicitusque admodum sit in remouenda causa. hinc enim celeri indigent ægrotantes auxilio, quoniā si per plures dies retineatur lotium, ineuitabiliter pereūt. & hoc quoniam retenta illa serositate ad intra venas, & commixta sanguini, totalis humorum moles putrescit, & febres continuas & prauas generat. hunc autem terminum ego obseruaui, vt, si ante septimam mingant, saluentur: si vltra, licet deinceps remoueatur causa, & lotiū prouocetur, tamen accensa febre vt plurimū postea eos periisse, animaduerti: quare nō negligat hoc symptoma Medicus, licet nec vllō dolore nec vlla molestia hinc aliquādo affligantur patientes, sed sit sollicitus & sagax, omniq; industria vtens, cito & quamprimum vocatus fuerit, causis intendens, vrinæ retentionem

hac

Prognostica.

hac describenda methodo inhibeat. Si fuerit suppressio ratione conuiuentiæ pororum vitirum ob aliquam phlegmonosam dispositionem, lenita aluo per cassiam, quæ præcipue in usum veniat in affectibus membrorum vrinæ *Curratio ratione pororum* deferuentium, statim secetur vena. sanguinis quantitas sit *vitirum.* pro ratione habitus & plenitudinis: postea loci patientes inungantur oleis refrigerantibus & laxantibus, quale præcipue est violaceum, & iisdem sæpius perfundantur. epithimentur etiam ex aquis refrigerantibus, addita portiuncula aceti ad penetrationem, & quibusdam speciebus eadem facultate donatis, quales sunt illæ quæ parantur pro vnguento sandalino. possunt firmari emplastra ex herbis eiusdem facultatis, sicuti endivia, sonco, plantagine, solatro, lactuca, semperuiuo, & huiusmodi, additis earundem succis, & farinis cõsimilibus, quæ impinguentur oleis prædictis. & nisi ex his cedat inflammatio, laudo, vt etiam secentur, his præmissis, venæ inferiores. viteantur interim omnia diuretica, & præcipue in morbi principio: quorum tamen postea erit vsus. lenita inflammatione, & ex diureticis assumantur ea quæ humiditate addita, & frigida existentia, possunt & demulcere & prouocare lotium, qualia erunt semina communia; sæpiusque infundantur clysmata refrigerantia & lenientia, vel ex præsana vel ex lacte vel ex decocto herbarum refrigerantium, quibus earundem succi, olea refrigerantia & quæ huiusce sunt facultatis, cõmiscantur. mitesciente autem inflammatione, admisceantur refrigerantibus aliqua leniter discutientia & laxantia, sicuti in unctioni oleum chamæmelinum & oleum de scorpionibus; epithemati aquæ aliquæ leniter calefacientes additis speciebus diarrhodon, quæ minus quam prædictæ refrigerare possunt, & spica, & squinantho & similibus; emplastro autem flores chamæmeli, farina seminum lini, & quæ huiusce sunt classis: in declinatione autem sint pure discutientia. Reuulsiones continuæ interim fiant ad corporis extremas partes cum frictionibus, ligaturis, cucurbitulis, scarificatis & non scarificatis: quæ numquã circa patientes locos applicentur, nisi in manifesta inflammationis declinatione, quo tempore supra locum affectum appositæ affectum ipsum discutiendo, multum pro-

desse poterunt. Viſtus ſit eius qualitatis, qua in internis inflammationibus indigemus. Si autem conſueant ratione ſcirrhi, purgando corpus, emollientibus agendum erit, & curatione ſcirrhi tractandi ſunt, cuius tamen, ſi vnquam fiat, ſanatio erit impoſſibilis, cum vrgentia excernendi lotii valde inſtet, induciasq; non ſit datura. ſcirrhi autem curatio ſit admodum longa, in qua tamen ad laxandum non prætermittatur balneum olei dulcis. Si autem hi meatus a calculo fuerint obſtructi, hinc veniant in uſu omnia, quæ ad curationem calculi a ſcriptoribus reſeruntur: præcipue autem laxantia adminiſtrentur, quale eſt olei dulcis balneum, vel ex decoctionibus herbarum idem præſtantium præparatum. Si autem hoc ſit vitio grumorum, firmetur ſanguis, & ea quæ grumos diſſoluere apta ſunt, adminiſtrentur. Si vero hoc ſit factum a pure craſſiori, abſtergentia exhibeantur vna cum incidentibus, exterius autem laxantia adminiſtrentur. Si hoc fuerit factum a pituita viſcida & craſſa, hic aſſumantur ea, quæ dicam agenda eſſe in obſtructione venarum emulgentium, ab eadem materia genita. At cum cauſabitur hæc ſuppreſſio ex deperdita renum actione, hic earum frigida intemperies tollenda erit, quam diſſicillimum erit remouere, quoniam ad hunc gradum producta, eſt tanquam intemperies in habitu redacta. Hæc autem præcipue clyſteribus, ex calefacientibus medicamentis paratis, erit remouenda, ad quam eandem intentionem exhiberi poſſunt aromata, pulueres ex his parati, ſpecies compoſitæ, confectiones aromaticæ, & etiam aliquando confectiones magnæ: quibus ſemper admiſceantur nonnulla, quæ hæc medicamenta ad vias lotii deducere queant. exterius autem adminiſtrentur epithemata, inunctiones, linimenta & emplaſtra calefaciētia; & vbi res vrgeat etiam ad ſinapiſmata & dropaces aſcēderem. in his enim omnia tentanda ſunt, quoniam hic eſt caſus paralyſi conſimilis. Vbi autem vel a calculo vel ab arenis ſint obſtructi renes, in hunc caſum & curatio calculi & arenularum traducatur, quærendo ſimul harum partium laxationem, & exhibendo ea quæ renes mundificare, abſtergere & exobſtructe & ad expulſionem proſtitare poſſunt. inter quæ pro tollenda

*CURATIO TA-
BIS RENIS.*

lenda horum tenuum obstructione non dimittantur plantaginis radices, nec eius semina, quæ ad hoc efficaciora sunt, sicuti & asparagus & pæonia & alia huiusce qualitatis. Cum vero ratione venarum emulgentium non descendit lotium ad partes inferiores, nec serosa sanguinis pars ad renes attrahatur ex earum impedimento & latione; si fuerit ratione conniuentiæ harum venarum, fiant ea quæ dicta sunt in conniuentia pororum vterum. Si vero fuerit ratione obstructionis, vbi hoc contigerit a materia frigida & crassa obstruente, statim, nihil contra indicante, exhibeatur medicamentum quod pituitam purgare queat: quo exhibito & minorata materia, statim accedat Medicus ad ea quæ valide incidere possunt. quorum licet plurima sit sylua, tamen non omnia hæc, cum quibuscunque ex antiquorum monumentis patere possint, recensebo, sed tantum ea quæ mihi & vsu & experientia comprobata sunt. Hæc autem erunt ista. iubeo ego aquas stillatitias, vt subtiliorum partium sit medicamentum per balneum Mariæ factas parari, quæ quinques & sexcies super easdem feces distillantur, & vltima vice adeo violenter educantur, vt feces, quantum fieri poterit, siccatae remaneant. secum habeo vsum aliquando in puluere, sed aquam in potu exhibeo cum felicissimo successu. in hunc vsum assumo parietariam, ononidem, asparagum, solatrum, alchencheri, adiantum, elenium, pulegium, rutam & alia similia; & si timeam hæc debilia esse, ascendo ad aquam raphanieodem modo paratam, a qua nunquam frustratus sum spe concepta, si cito & continue administretur. In huius defectu, necessitate urgente, veniant in vsum cantharides integre ad granum vnum vel ad summum duo, exhibitæ vna cum scrupulo vno seminum dauci Eretensis, & scrupulo dimidio seminis ameos, quod solet esse antidotus propria & remedium potens, ad defendendam vesicam a latione cantharidum. Et quamuis ex hoc medicamento periclitemur de lædenda vesica, non tamen ab hoc remedio abstinendum erit, cum in casu desperato omnia temere sint agenda, & ea maxime quæ cum ratione administranda veniunt, quales sunt cantharides in casu isto: quæ, (vt docebat Galenus libro quarto de simpl.

*Curatio-
ratione Venarum
emulgentium.*

med. facul. cap. 19) commixta medicamentis vrinam cietibus ex veneno transeunt in antidoti naturam, vbi parces & in minima quantitate exhibeantur. Ad idem facere posset ius galli antiqui, cum diureticis & calidioribus, valde tamen incidentibus, medicamentis præparatum, sed præstantiora sunt prædicta: quæ si etiam non proficiant, exhibeatur scrupulus olei ex chalcantho per sublimationem parati, summaque cum ratione confecti; seu aliquod generis Elyxir cum vino vel iure ad eandem quantitatem propinetur. Dum hæc fiunt, optima habeatur victus ratio, quæ sit attenuans & incidens, abstinendo a potu, quantum fieri poterit, ne ex multo potu plures aggregentur serositates. interim clysteria ex calefacientibus medicamentis infundantur, & exterius, qualia in deperdita renum actione agenda enumeravi, administrentur. si fiat autem obstructio hic a pure, conuenire poterunt ea quæ superius inter leuiora exhibenda per os enumeravi. quæ si non conferant, ad vehementiora ascendat Medicus, laxando simul vias, tum per interius infundenda, tum per exterius applicanda, cauendo in hoc semper ab omnibus calidioribus & acrioribus medicamentis, quoniam hæc potius incrascent quam attenuarent, & summam habendo loci affecturationem. Victus autem pro vnaquaque causarum differentia conueniens & opportunus imperetur, quoniam absque recta victus ratione medicamenta parum proficere possunt.

De nigra deiectionibus.

CAPVT XV.

QUAMADMODUM ea, quæ leuiora apparent discriminis autem plena sunt, Medicus negligere non debet, similiter nec debet ea, quæ aspectu & fama grauiora videntur, cum tamen periculo vacent, formidare: cuiusce-

Deiectiones nigrae an semper male, & an semper remedia. modi creberrime euenit ex deiectionibus nigris. quibus apparentibus, ægri astantesque pariter a colore illo terrentur, & eo magis, cum communi omnium sententia, ab Hippocrate lib. 4 Aphor. 21 desumpta, deiectiones nigræ, siue febre præsentem siue eadem absente eueniant, semper pessimæ

pessimæ sint. Cuius oppositum cum ratio & experientia
 me docuerit, in hac re Medicos commonefieri velim, ne
 semper nigras deiectiones, cum sæpissime omni periculo
 vacent, timeant. Vbi enim excretiones istæ in morbis a-
 cutis non contingant, materiaque educta non sit bilis a-
 tra, sed vere melancholicus humor qui est sanguinis fex;
 quodcumque eueniunt, omni carent discrimine, ad bo-
 numque terminantur, exonerata demum per has a gra-
 ui materia natura ipsa. Cum enim splen expropria natu-
 rali facultate humorem istum, qui est sanguinis limosa &
 fecalis pars, ad se attrahat, eumque pro sui nutrimento con-
 ficiat utaturque; si cōtingat vel ex intemperie imbecillum,
 vel a materia obstructū ipsum lien esse, plurimumque huius
 limosæ superfluitatis in sanguine abūdet, tūc materia hæc
 accumulatur circa viscera in venisque illis communibus;
 & si abundantior colligitur, etiam in mesenterio & circa
 pancreas, quæ totius corporis veluti altera sentina sunt,
 copiose aggregatur: qui tandem cum grauis admodum
 naturæ fuerit, vel in ea copia ut illis vasibus amplius conti-
 neri nequeat, insurgente virtute expultrice, natura eius
 excretionem tentat: hincque deiectiones nigertimæ, quib.
 aliquando & simul (sicuti creberrime fieri animaduerti)
 connectuntur eiusdem superfluitatis vomitus, ita ut spe-
 cies cholerae videatur. supra enim & infra eandē nigram
 materiam & per vomitum & per sedem excernunt pati-
 entes: quos aliquando vidi ex solo aspectu huius limosæ
 & nigrae superfluitatis in maximum incurrisse timorem,
 indeque in syncopen incidisse, fereque exanimatos fuisse,
 qui tamen in meliorem spem, me commonefaciente &
 certe affirmante nihil inde periculi imminere, ducti, non
 tantum laxatam a timore animū habuere, sed etiam pri-
 stinam salutem cito recuperauere. Vbi enim natura to-
 tam materiam eiecerit, licet corpus ex euacuatione quo-
 quo pacto languidum reddatur, tamen patientes in me-
 liorem statum, quam fuerint, redacti sunt. Quo tempore
 nihil aliud Medico agendum erit, quam considerare, ut

*Deiectionis
 nigrae
 causa.*

Curatio.

*Deiectionū
migratum
nisi tollatur
causa, fit re-
cidiva, &
morbigrav-
nes succe-
dunt.*

sanguine cumuletur; & tunc si vitio hepatis hoc factum fuerit, huic succurrat; si autem alimentorum causa, rectam & probam imperet victus rationem, circumspectatque, cum hæc materia non attrahatur a splene, cuius merito impurus remanet sanguis, an hoc factum sit ex splenis vel imbecillitate vel obstrukcione. imbecillitatem tollat, intemperiem quæ imbecillitatis est causa, remouendo; obstrukcionem autem, vias aperiendo & materiam præsentem excludendo, consummabit. Quibus remediis hæc sint peragenda, non referam, cum a propriis fontibus hæc desumenda sint. hoc vnum tantum dicam, quod si causæ huius affectus, iam terminata & perfecta euacuatione, non remoueantur, eiusdem fiet recidiva, per interuallaq; repetet, tandemque ægrotantes vel ad hydropein (vt in nonnullis contigisse vidi) deducet, vel aliquando ita sæuiet hæc materia ac redinem ascita, ad naturamque atræ bilis conuersa, vt vnica euacuatione deum ægrotantes de medio tollat, sicuti vidi factum in his quibus, me aduersante, vina generosa, aromata, radices & olera acriora erant in continuo vsu. quod si hæc materia ac redinem non acquisierit, nec ad naturam atræ bilis vergat. in suoque naturali statu petmanens ad ventriculum repat, per eumque educi solida sit; deducet patientes ad malas ventriculi affectiones, sicuti præcipue ad famem caninā, in quam ex tali materia, per ventriculum sæpius euacuata, eoque decumbere solita, nobilem Medicum deductum & ex ea consumptum fuisse noui. Hæc dicta sint, vt Medici huius affectus præseruationem non negligant, circa cuius curationem non ita laborabunt, quoniam tunc sat erit, munire intestina clysteribus lenientibus, ne in transitu ab illa materia offendantur, & vomitum, si aderit, facilitare cum leuioribus, abstinendo ab oxymelite & cæteris omnibus quæ acetum recipiunt; cauentes, ne ea quæ ventriculum roborant, præterquam in casu vrgentiæ, administrentur; omniumque adstringentium rerum vsum tam exterius quam interius vident; optimam opportunamque pro ratione morbi victus rationem interim ægrotantibus præscribant, certamque salutem, si errata nulla admitterint, polliceantur.

De Ischiade & a materia biliosa.

CAP. XVI.

ARTHRITIM fieri a quacunque materia, quæ transmissa, vel ab vniuerso corpore vel a determinato membro, per proprias vias in cavitatibus, articulorum & in circumstantibus partibus recipiatur, dogma est Galeni antiquum, ab omnibusque acceptatum. Contra hanc sententiam insurrexerunt moderni, discrepantes de materia, de membro mittente, de viis & de loco, in quo hæc materia recipiatur. Materiam vnicam esse, hancque pituitosam, subtilem & serosam affirmant. quod si in arthritide quandoque sit rubor & calor, dicunt hoc fieri rarione doloris attrahētis, sicuti & asserunt, febrem huic aliquando connecti, non ex se, sed quia hæc affectio contingat in temperatura impense calida, & in corpore plethorico, quodve ex leui occasione in febrem incidat. Membrum mittens dicunt esse solum caput, in quo extra caluam sub cute talis aggregatur materia, quæ sensim transmissa ad partes inferiores, modo ad hos modo ad illos dilabitur articulos; negantque a visceribus & internis partibus hanc transmitti, quoniam syncerus humor per venas non potest ferri, nec sanguini permixtus potest syncerus in articulos excidere: ad quos si etiam cum sanguine emanaret, phlegmonem non arthritidem excitaret. Quapropter viam, per quam hæc materia in articulos descendit, dicunt esse sub cute tantum, vbi laxæ & amplæ sunt viæ, non autem per venas permeare; in mediisque earum viarum regionibus dicunt eam non subsistere, quoniam cum sit subtilis, penetrat vsque ad loca densa & compacta, quibus hæreat, & ideo in articulos tantum firmatur. loca autem in quibus hæc materia retinetur, dicunt non cavitates articulorum esse, sed in ligamenta, in periostea & in tendones recipi, hoc argumento, quod in tophacea podagra, aperta ruptave cuti, plerumque e digitorum articulis eruitur humor in tophum cōuersus, vinculo integro & illæso: addito hoc, quod si in Ischiade, cū ligamēta vel nullius, vel obtusi sint sensus, si in coxendicis pixide, in eiusque cavitare

*Arthritim
quomodo
fiat.**De arthritide moder-
norum opi-
nio.*

*Arthriti-
du an sit &
nica mate-
ria.*

materia reciperetur, nec tam vehementem nec tam lato vagantem dolorem inueheret. sententia hæc sicuti Gale-
no, ita & veritati contradicit, nec digna est, vt a medicis recipiatur. quod non vnica sit materia, quæ arthritidem generat, apparet clare ex diuersitate coloris, tumoris, doloris, symptomatum & modi curandi. color enim alias est rubicundus, alias flauus, alias albus: tumor aliquando est notabilis magnitudinis: quandoque vix apparet dolor, quandoque est molestus quidem, sed non multum, quandoque autem est acerrimus. hicq; nonnunquam cito soluitur, ille longius protrahitur. symptomata autem multoties sequuntur mala, vt caliditas ingens & feruor in loco affecto; aliquando autem eorundem vel nulla est caliditas, vel frigiditas inest molesta, illique ab ære calidiori hi a frigidiori læduntur. modus curandi nonnunquam admodum variat, quoniam in his calida iuuauit, in illis frigida; illique a frigidis, isti a calidis exacerbantur: præterea quidam ex sanguinis, quidam ex pituitæ, alij ex bilis, nonnulli ex atræ bilis euacuatione sedantur: quæ omnia indicant, arthritidis causam modo calidam modo frigidam ac diuersam esse materiam. Nec responsum eorum ad hoc ficit, cum dicunt hæc diuersitatē causari, tū ratione doloris attrahētis, tū ratione subiecti recipientis, quoniam si ex colore, tumore, dolore, symptomatibus & modo curandi, diuerso, diuersam materiam peccare, non deberemus conijcere ac iudicare; tota destrueretur medicina, omnesque tumores pariter a pituita cōstituere possemus, quoniam ruborem, colorem, symptomataque cætera ratione doloris attrahentis fieri, non autem ratione materiæ peccantis, esset affirmandum.

*An in ar-
thritide mē-
brum mittēs
sit semper
cerebrum.*

Quod mēbrum mittens aliquando sit cerebrum, non negatur: quod autem semper ab eo in quacunque arthritide materia defluat, falsum est. aliquando enim a toto, aliquando a determinato membro hæc transmittitur. nec semper præcedunt hunc morbum capitis affectiones, nec semper in omnibus materiæ sensibilis descensus a partibus superioribus ad inferiora perferuntur: imo sæpissime, nullo præexistente capitis alteriusve superioris partis affectu, subita sit arthritidis, quod sæpissime animaduertent qui hanc artem consummabunt, videbuntque modo he-

par,

par, modo lien, modo ventriculum, modo vterum, modo
 aliam internam partem, modo totum corpus, non autem
 semper caput, esse in causa huius affectionis. Nec est, quod
 mirentur isti, quando per venas a partibus intimis, a visce-
 ribusque ipsis in articulos humor aliquando feratur: quo-
 niam virtus expultrix, vbi viget, a partibus interioribus
 ad exteriores materiam naturæ grauē detrudere solet
 ac potest. & hæc per propria vasa, per quæ vn̄uerso corpo-
 ri materiæ ingestæ communicantur, quæ sunt venæ & ar-
 teriæ, a quibus quomodo possint sanguini commixta per
 eorum ora in articulos pura excidere, non aliam quærant
 viam, quam eam quam ipsi proponunt in suo casu; dicen-
 tes, venas ab externis iugularibus deductas, extra caluam
 sub cute sua excrementa tenuia & serosa deponere. quod
 idem cum cæteræ venæ terminantes ad articulos possint
 vi facultatis expultricis agere, non erit dubitandum, quo-
 modo extra venas traduci possit syncerus humor. qui cum
 eis affirmatibus possit esse frigidus, nihil refragatur, quod
 etiam possit esse calidus, qui ratione suæ tenuitatis facilius
 frigido in articulos deponi poterit. Nec est, quod si vnus
 humor extra venas transmittatur cum eo, sanguis ei com-
 mixtus transmitti etiam necessario debeat, quoniam hoc
 fit vi facultatis naturalis, quæ noxium & superuacaneum
 tantum excludit humorem: alias in quacunque expulsio-
 ne omne humoris genus, promiscue & vna commixtum,
 educeretur, nunquamque daretur tumor purus vel a san-
 guine vel a bile vel ab alio humore. animaduertatur ta-
 men, quod cum concedimus, syncerum humorem extra
 venas in articulos decidere, non credatur ita syncerum
 semper esse, vt nullius mixtionem vnquam admittat; sed
 dicitur syncerus a prædominio, quoniam vel nihil vel pa-
 rum quid ei commixtum est. Vnde bili aliquando sanguis
 cōmisceri potest, & hinc causare atthritidem. Nec tamen
 tunc veram potest causare inflammationem, quoniam
 intra cavitates, non in substantia membrorum materia
 recipitur. Cuius oppositum cum contingat in cachexia,
 decumbentibus per venas in pedes humoribus crudis, est
 in causa, quod tumeant quidem pedes, sed nō hinc atthri-
 tim patiantur, & præcipue cum in his non sit articularum

*An in ar-
 thritidema
 tersa possit
 ad articulos
 per Venas
 transmitti.*

imbecillitas, quæ necessario ad arthritidem procreandam requiritur. quare certo affirmetur, humores a visceribus intimisque partibus ad articulos per venas transmissos aliquando arthritim procreare: quam tamen quandoque etiâ a capite delabi, & per extetiora transmitti, asserimus

*In qua parte articulo-
rum mate-
ria recipi-
tur in ar-
thritide.*

& attestamur. Cum autem materiam recipi in ligamenta, in perioestia & in tendones docere nituntur, quid ad Galeni rationem, quam consulto tacuerunt, respondere possunt, cum inquit, argumento esse, materiam in substantia membrorum non recipi, nec hinc verâ inflammationem causari, quoniam visus est nunquam podagricus pati conuulsionem, quæ frequenter solet in nervorum ac tendonum inflammationibus aduenire: hæc Galeni ratio est demon-

*In ischiade
in qua par-
te articuli
recipiatur
materia.*

stratiua, nec eam impugnare possunt quæ in contrarium adducuntur, videlicet, quod si in ischiade materia esset in pixide & cauitate articuli coxendicis contenta, cum ligamenta obtusi sunt sensus, non posset dolor nec vehementem nec late diffusum causare, quoniam hæc sententia Galeno non aduersatur, qui docuit materiam non tantum in cauitatibus articulorum, sed etiam in cauitatibus circumstantium membrorum usque ad cutim recipi. quia vero articulationes hac materia implentur, ideo circumstantia ligamenta, id est nerui & tendones, extenduntur, cuius extensionis merito necessario dolent. quare docet, fieri dolorem non ratione materiæ intra cauitatē articuli existentis, sed merito extensionis nervorum & tendonū circumstantium. Vnde in Ischiade vere quidem dolor non causabitur a materia contenta in pixide, quoniam in ea nulla pars sensiuua locata est, sed ab ea materia quæ circumstantia loca occupans, nervos & tendones offendit. Quod autem intra cauitatem articuli coxendicis in ischiade recipiatur materia, (quod negare hi audent) sola Hippocratis autoritas eos monere debebat, dicentis: *Quibuscumque a coxendicum dolore molestatur excidat coxa, & rursus incidit, & mucrores superueniunt.* Qui mucrores cum laxiora reddant articulationis ligamenta, facile articulus ex cauitate excidit: quod fieri non posset, nisi in cauitate illa mucrores continerentur. quod dem ex sequenti aphorismo dicente, *Quibuscumque a coxendicum dolore molestatur in di-*

*Lib. 6. Apho.
59 & 60.*

turno

*turno excidit coxa, & crusta befest, & claudicant sinom-
 urantur;* elici potest, quoniam excidere non potest ex co-
 xendicum dolore coxa, nisi ratione materiae intra cavi-
 tem articuli existentis, eundemq; vltra quam deceat ma-
 deficientis, cuius merito adustionem administrandam
 esse docet. Pro consensu igitur habeatur, in ischiade con-
 teneri ad intra partem coxendicis materiam, sed non ab
 ea causari dolorem, qui solum ab illa quae circumstantes
 partes occupat, nervosque ac tendones extendit, genera-
 tur; hincq; fieri, quod dolor sit vehemens, & cum ad infe-
 riores partes hi nervi descendant, quod dolor hic late &
 longe diffundatur. qua de re dolor ischiadicus nullo mo-
 do argumento erit, quod materia in arthritide non reci-
 piatur in cavitates articulorum & circumstantium mem-
 brorum usque ad cutim, cuius ratione apparere in topha-
 cea podagra statim aperta cute potest humor in tophum
 conuersus, & euelli, vinculo integro & illaeso: quoniam
 non tantum in cavitate interna articuli, sed etiam in cir-
 cumentium partium cavitatibus usque ad cutim, recepta
 materia & in tophum conuersa, potest immediate sub cu-
 te contineri & apparere: quod non excludit, materiam in
 cavitatibus articulorum recipi, nec demonstrat eandem
 in substantiam penetrare. Hæc adnotasse volui de arthri-
 tide, ne sententia hæc quam in pernitiem laborantium, si
 admitteretur, inuectam esse dubito, indiscriminatim &
 sine examine recipiatur: quare arthritim a quocunq; hu-
 more, in cavitatibus articulorum & in circumstantibus
 partibus usque ad cutim recepto, vere generari ad men-
 tem Galeni constituo.

Ab hac vniuersali positione analogia sumpta, in eam
 deueni sententiam, quam etiam in libro de internis affe-
 ctionibus, in quo habetur, coxendicū dolorem, quandoq;
 a bile generari, recipit Hippocrates, vt ischiadicum affe-
 ctum non solum ab humore frigido & a sanguine, quem-
 admodū in propriis libris declarat Galenus, eius curatio-
 nem ex professo tradens, cæteri q; omnes scribentes simul,
 sed etiā quandoq; a bile fieri censeam, quod cum me non
 tantum ratio & Hippocratis autoritas, sed etiam expe-
 rientia docuerit (vidi enim aliquando ischiadas factas a

*Ischiadicus
affectus ab
lo genitus.*

*Ischiadis a
bile signa.*

bile acerrima) arbitratus sum huius curationem ab authoribus neglectam fuisse, non quin ab hac fieri possit, sed tanquam eius affectus, qui rarissime eueniat, cum vtplurimum a pituitoso & crudo humore procreari consueuerit. licet autem raro hic eueniat affectus, non debet tamen Medicus eius curationem negligere, quoniam, vt dixi, quæ raro eueniunt, si recte pertractentur, præstantem Medicum ostendere possunt. Quæ de re Medicus Ischiadicum curaturus dolorem, optime auinaduertat hæc, quæ possunt eum manuducere in cognitionem peccantis materiei, sicuti qualitatem doloris, tempus exacerbationum, prægressam dietam, exercitia, habitum corporis, temperamentum, ætatem, regionem, anniten pus, applicationem remediorum, excrementorum vel abundantiam vel retentionem, morbos patienti allatos, & omnia alia quæ huiusce sunt ordinis, quæ omnia possunt speciem materię peccantis attestari. Verum quoniam nos tantum loquuturi sumus de Ischiade a materia calidiori & biliosa; ideo huius tantum signa ponemus, quibus positis, ad curationem descendemus. In tali ischiade dolor erit acerrimus, & similis pungituiuo; exacerbationes erunt sæuiores alternis diebus, victus ad calidum & siccum virgens præcessit, exercitia fuere valida; habitus vtplurimum est gracilis; temperatura erit biliosa ætas iuuenilis ad hoc plurimum faciet, sicuti & regio calida, tempus anni æstiuum; dolor a calefacientibus exacerbatur, quod maxime me manuduxit in cognitionem huius affectus. In tali patiente solent abundare biliosi humores, vel iidem qui excerni consueuerant, retenti sunt, solitusque est pari morbos a bile, quæ in hoc morbo magis qualitate quam quantitate lædit; facile irascitur, exandescentiamque animi facile incurrit. His ductus Medicus in cognitionem materię biliosæ audacter curam aggrediatur, quoniam morbus hic non ita difficulter, si recte curetur, soluitur, vt ille a pituita. Quare statim dimissis pure repellentibus, quæ in coxendicum dolore non conueniunt; quoniam, cum pars affecta in profundo sita sit, sanguis & humores ex vicinis & ambientibus vasīs ac musculis ad illam a repellentibus medicamentis compellerentur, debet tentare, vt materiam

a loco

Curatio.

a loco affecto educat, causamque fluxionis inhibeat, & si
 dolores exacerbentur, lenientibus agat. Vnde primo ad
 totius corporis euacuationem descendat. Quare lenita
 aluo Cassia vel I hamarindis vel alio simili pharimaco, vbi
 contra indicantia non æquipolleant, ante totius & hepa-
 tis, cuius ratione generetur bilis, intemperie calida, sece-
 tur vena. Vena aut sit interna, scruata rectitudine loci pa-
 tientis, vbi sit plenitudo: quod si hæc non adsit, secetur vel
 poplii vel tali vena: postea materia his quæ bilem respi-
 ciant & temperare possunt, concoquatur. hæc concocta,
 euacuanda erit pharmaco quod bilem ducat, in quem vs-
 sum plurima venire possunt: tamen cum materia lon-
 ginqus partibus euacuanda sit, ea assumentur, quæ in sub-
 stantia solida formantur: cuiuscemodi sunt pilule a reæ
 quæ, quoniam plerimum recipiunt scammonci, in hoc
 casu prodesse valent: repetaturq; hæc euacuatio, quoniam
 vnica vice affectus tolli non potest, qui tamen ex repe-
 titâ euacuatione maxime sedabitur. multum enim est, quan-
 tum in talibus affectibus conferant bilis euacuationes ex
 quibus maxime leniri solet dolor, qui si aliquando exa-
 cerbetur, inūgatur locus affectus, perfundaturq; oleo ro-
 sacco, cui admixtum sit dimidium olei chamæmelini. pos-
 sunt etiam formari emplastra ex lactuca, solatro, endiuia,
 farina ordeï cocta in posca, quibus olea prædicta ad im-
 pinguandum admisceantur. Infundantur etiam clysteria,
 quæ simul lenire & refrigerare possunt, cuiuscemodi sunt
 formata ex decoctione radicum alibæ, seminum lini, fo-
 liorum maluarum, violarum, hordei, quibus addatur o-
 leū violatū, saccarū rubrū, lutea ouorū & cassia pro clyste-
 ribus parata: aliquādo loco prædictæ decoctionis assuma-
 tur lac recēs: & si indicū sit, bilē actiorē esse, possunt etiam
 admisceri succi endiuia, lactucæ, portulacæ & similium
 herbarum, in quo casu etiam maxime probarē balneum
 & aerem balnei, tum ad temperamentum tum ad discus-
 sionem. quod si dolor vehemens admodum esset, hincque
 valde angeretur & cruciaretur patientes, si prædictis non
 leniatur, applicentur tum exterius tum interius aliqua le-
 uiter stupefacientia, quæ in hoc casu, stante & materia &
 intemperie calidiori, poterunt maxime, nullam interen-

do noxam, conferre. His peraētis, & iis administratis quibus superetur morbus, si quid residui remanserit, vel inunctionibus vel fomentis vel emplastris leniter discutientibus agatur, semper in hoc casu cauendo ab omnibus acrioribus & calidioribus medicamentis, a quibus aliquando vidi adeo exacerbatos hos ægrotantes, ut miseri hinc claudicantes & ad motum impotentes redacti maximis cruciarentur doloribus, quæ omnia deinceps lententibus, contemperantibus & refrigerantibus administratis remediis lenita fuere. ad quam intentionem faciunt etiam plurimum frictiones, in parte opposita adhibita, sicuti & cætera deriuationum & reuulsionum genera. Interim patientes victu utantur refrigeranti & contemperatæ. Vnde pituitana maxime probanda est, lactuca similiter, & omnia cichoracea, cæteraq; olera refrigerantia, quæ non tantum veniant in usu pro cibo, sed etiam ut cum his alterentur iura & carnes assumendæ, quæ sint elixatæ, non tostæ; sintq; ex pullis domesticis, ex hœdis, ex vitulis & similibus animalibus, non autem ex sylvestribus, & quæ durioris sunt substantiæ; caueant omnia aromata, radices, herbas aciores; fugiant mel, & omnia quæ ex eo parantur. Vinum in totum interdicitur usq; ad perfectam morbi declinationem. Motus sit lenis; somni sint longi; & degant in locis temperatis, omnem aeris excessum vitantes; iramq; & omnem animi excandescentiam fugiant; aluum lubricam, si non sponte, arte saltē habeant. siq; hi præseruari ab hoc eodem morbo desiderant, inhibeatur bilis generatio, quæ refrigerato iecore tolletur. Vnde ad hoc balnea naturalia refrigerantia, cuiuscumodi sunt S. Marini, Lucensia, & similia, imperanda sunt; quod si hæc non admittāt, serū caprinum vel lac, præcipue aluminum, in emaciatis & gracilibus corporibus optime conferre poterit; multaq; alia consimilia tentanda erunt, quorum plurima est sylua in locis illis, in quibus de intemperie calidiori hepatis tractatur.

De ischiade & arthritide a siccitate.

CAP. XVII.

QUEM AD MODUM in libro de passionibus seu de affectionibus internis Hippocrates coxendicum dolorem

rem generari a bile affirmavit, ibidem pariter eundem dolorem a siccitate articuli procreari testatus est. cuius causæ nec Galenus, nec alius post eum author, usquâ me- *Ischiæ, & arthritidis a siccitate.*
 minit, dum ischiadis vel cognitionem vel curationem tra-
 ctarent. per siccitatem autem non intelligas intemperiem
 siccam partium solidatum, articulum ipsum constituentium,
 videlicet ossium, ligamentorum & tendinû, sed consump-
 tionem eius glutinosæ humiditatis, qua naturaliter nutri-
 tur, & ad faciliorem motum sub iungitur articulus ipse.
 talem humorem continue natura articulis subministrat,
 ne exsiccati ad motum inepti reddantur. Cum autem con-
 tingerit, humiditatem hanc aliqua ex causa, quæcunq;
 ea extiterit, exsiccati, tunc articuli motus impeditur, diffi-
 cultasque in motu ac dolor vna succedit. huiusmodi af-
 fectum, si in coxæ articulo fiat, vocat libro citato Hippo-
 crates ischiadem coxendicumve dolorem, perinde ac vo-
 cet eos, qui a fluente generantur materia. quem eundem
 affectum ego non in solo coxæ, sed in quocunq; alio arti-
 culo, gigni posse animaduerti, hincq; fieri alteram arthri-
 tidis differentiam notavi, si per arthritidē omnem articu-
 lorū dolorem ac impeditum motum intellexerimus. con-
 sumpta enim ea humiditate, quæ ex naturæ præscripto arti-
 culos subungit & humectat, coguntur in vnum com-
 pinguntur articuli: vnde ad motum inepti & impotentes
 redacti, dolore ex quocunq; leuissimo motu cruciantur.
 Tales articulorum dolores in constitutionibus sicciorib.
 Hippocrates lib 3, Apho. 16, fieri monebat: quoniâ, vt do-
 cebat Galenus in eiusdem aphorismi cōmentatione, im-
 modicæ aeris siccitates articulorum humiditatem consu-
 mentes, eos ad motum difficiles ac impotentes reddunt,
 doloremq; hinc nonnunquam inuehunt. An aut tales af-
 fectus vere sub nomine arthritidis comprehendantur, visus *Arthritidis a siccitate an
detur.*
 est negasse ibidem Galenus, cum tamen rem indeterminatam
 relquerit: qui cum de nominibus parum sollicitus fuerit,
 ideo hanc partē, quæ circa nomē arthritidis & non circa eius
 essentiam versatur, neglexit. Si autem nos per arthritidem
 morbum, in articulis a materia fluente factum, intellexerimus,
 tales dolores ac articulorum impedimenta sub nomine
 arthritidis non erunt recensendi.

Si vero omnem articularum impeditum motum ac dolorem per arthritidem audiamus, hi proculdubio arthritidis nomine vocandi erunt. Quam sententiam Hippocratis, libro citato de affectionibus internis clare admittit, pariter coxendicum dolorem hunc, ac eum qui a materia articulos occupante causatur, appellans. Qui dolor a sola humiditatis naturalis articularum consumptione, non a sicca partium solidatum, ut iam dictum est, ipsum articulum constituentium intemperie pendet, quoniam quandoque illa naturalis humiditas abundauerit, præloquetur, non adeo insigniter exsiccati poterunt partes articuli solidiores, ut hinc impeditus motus aut dolor succedere queat: deficiente tamen hac humiditate, ac si supra modum exsiccati, nonnunquam etiam communicatur hæc exsiccatio partibus ipsis solidis & hic potissimum, cum a causa externa & valida ortum ea habuerit, hinc neque supra modum exsiccati circa articulum tendonibus & partibus nervosis, in hac affectione consueverunt aliquando, ut notavit Hippocrates, succedere convulsiones, quas aliquando sequuntur & febres, quæ ratione doloris & cruciatus accenduntur. *Hæc de nomine & essentia huius affectus.* nunc causas recenseo. Quæcunque humiditatem articularum naturalem resiccare & consumere apta sunt, ea omnia talem radicem dolorem talisve arthritidem causare poterunt. Vnde & diuturnum ac vehemens exercitium sub Sole factum, ut habet Hippocrates libro de affectionibus internis, & siccitates aeris immodicæ, ut habetur lib. 3. Aphor. 16, possunt esse eorundem causæ. pariter & victus exsicicans hoc idem causare poterit, quoniam hinc consumptis humiditatibus internis, etiam illæ quæ ad articulos naturaliter defluere solent, multoties consumuntur. cuius ratione, ut recitat Hippocrates, qui in *Æno* leguminibus (quoniam talis victus est exsicicans) vesciebantur, infirma habebant crura; & qui orobos (quoniam hi leguminibus sicciores sunt) comedebant, genuum dolores patiebantur. Quod idem & longæ ac diuturnæ ægritudines, quæ corpus exsiccare apte sint, agere poterunt: vnde videmus aliquando convalescentes, qui ex huiusmodi morbis liberati fuere, male incedere, ad omnemque

Causa.

Lib. 6. Epid.

sect. 4. tex. 13.

Lib. 2. Epid.

sect. 4. de vici-

um.

que motum ineptos esse: qui, si etiam coguntur deambulare, non leuem articulorum perſentiunt dolorem, qui, deficiente ipſorum articulorum naturali humore, ſuccedere conſueuit. Harum omnium cauſarum ſigna de ſe patent. nam omnes hæ cauſæ ſunt præcedentes, quæ vel ex ægrotantis relatione, vel ex ſola Medici inſpectione nullo negotio cõprehendi poſſunt. An aut, ſicuti ab externis ita ab internis cauſis poſſit talis affectio, pcreari, ſi quis quæreret, dixerim hoc pro poſſibili admittendũ eſſe, cũ huius humiditatis patiter ac cuiuſcunque alterius partis nihil ſit, quod exſiccationem impoſſibilem reddat. hoc tamen non ita experimento comprobatum eſt. quare pro huius affectionis cognitione ſufficiant ea, quæ de exterioribus cauſis expoſuimus. de quibus hoc aduertatur, quod ex omnibus moleſtior ea eſt affectio, quæ a vehementi & diuturna exercitatione ſub Sole facta, occaſionem habuit. in hac enim dolores ſunt, multo quam in ceteris, ſæuioreſ, ac æſtuoſi vna cum caloris ſenſu exiſtunt, ſæpiuſque hiſ ſuperueniunt febres, aliquãdo & conuulſiones. Quare quo ad prognosticum hæc erit cæteris difficilior & periculoſior: reliquæ autem non ita ſæuæ ſunt, & minori cum diſcrimine affligunt ægrotanteſ, ac minore cum labore ab hiſ ijdem liberantur. Quæ omneſ affectioneſ quomodo præſenteſ cognoscendæ ſunt, ſuperfluum eſſet enarrare, cum ex ſola articulorum reſiccatione & compactione, omni tumore abſente, ac ex ſola inſpectione prudenti Medico patere poſſint. Qui Medicus haſ curaturuſ affectioneſ, iſtaſ indicationeſ habebit, ſcilicet, vt amota omni cauſa externa & præcedente tentet naturalis articulorum humiditatis regenerationem, eorundemque humectationem quærat. Hæc conſequetur, ſi eam viuendi rationem ægrotantibuſ præſcribat, quæ & actu & potentia corpus humectare queat, cuiuſ merito regeneratiſ humiditatibuſ naturalibuſ adſit earum copia, apta ad ſubungendoſ articuloſ ipſoſ. Talis victuſ ratio perſicitur, tum per ea quæ interiori ſumuntur, tum per ea quæ exteriori adminiſtrantur. Interiori conueniente cibaria humectantia, quæ ſint boni chymi, quæque nec diſſiculter conficiantur nec ſuperfluitatibuſ admodum ſcateant, talia erunt oua

Signa.

*Arthritis &
Icterus aſien-
cit. an
poſſint fieri
a cauſa in-
terna.*

Indicationeſ.

Curatiõ.

recentia ac forbilia, iura ex carnibus laudabilibus parata, qualis est pullorum domesticorum, hædorum, vitulorum lactentium, fercula in his parata, carnes eorundem animalium elixatæ, pisana sola ex frumentaceis, lactis potus, caseus recens, & quæ huiusce sunt classis. & ubi patientem ventriculi robustioris curandum habuerimus, extremitates animalium optime elixatas vel potius eliquatas nonnunquam exhibere poterimus. Potus sit vinum tenue, album, æquosum, & ad dulcediūem declivē, vel saltem admodum maturitate saturatum. Exterius maxime proficit balneum aquæ dulcis: in quo si coquantur radices althææ & malvarum, earundemq; semina, capita castratorum, extremitates animalium, & quæ huius sunt ordinis & facultatis, mirum in modum prodesse poterit. post quod administratum balneum, quamvis æger impotens ad motum existat, tamen modice deambulet, hocq; singulis ægat diebus. ita enim motus facilitabitur, & materia ad propria articulorum loca promptius attrahetur. Dum hæc peraguntur, caueant ægrotantes, ne frigus aliquod patiantur. hoc enim articulos valde lædere poterit, & materiā interceptando, & eodem in vnum cogendo, & rigidos eos reddendo: quare omnibus exterioribus vel calidis vel saltem tepidis utantur. Vbiq; a balneo abstinerint, fomenta ex ijsdem rebus parata in usum habeant: in quorum administratione hoc animadvertant astantes, ut antequam caro detumescat, vel hominem e balneo educant, vel fomenta removeant; alias in his administrandis ex succedente humoris attracti resolutione restauratio deperditæ humiditatis non esset speranda. Possunt ad idē parari emplastra, quæ articulis atq; posita eos humectare possint, quæ formentur ex axungia suilla recenti, butyro recenti, oleo amygdalarum dulcium, medulla vitulina & ceruina, mucilagibus lini, althææ, fenugræci, addita cera nova (hæc enim antiqua est humidior) ad pondus omnium prædictorum plaq; quam dimidium. Si autem in præsentī affectu sit periculum convulsionis, ob introductam ingentem articulorum exsiccationem; yltra balneum & fomenta inungantur loca patientia & eis communicantia aliquo oleo, actu quidem calido, sed quod nullo pacto resolutionem

notabi-

notabilem causare valeat. tale erit oleū dulcissimum, nati-
cissimum, mastichinum, chamæmelinum, lubricatum, a-
mygdalinum & similia. hæc enim olea poterunt magis
tueri articulos a frigore externo, & tend. nes ac circūstan-
tes articulorum partes laxando poterunt patientes a do-
lore & inde a cōiulsionibus præseruare: quæ si essent, ab-
stineant ægotantes ab omni genere vini, & bibant mul-
sam dilutam, caueantque ob omni euacuatione, quæ omni-
m hæc omnes possunt corpus ipsum magis exsiccare. An-
tem, dum hæc peraguntur, vel purgandi sint medijs arien-
to electiuo patientes, vt docet Hippocrates: vel si hoc non
conferat, clystera acia, qualia ipse impetrat, imponenda
veniant, propter senis auctoritatem quis ambigere posset.
Attamen ego eius sum sententiæ, vt in tanta articulorum
exsiccatione omne euacuationis genus noxium ac suspe-
ctum sit, dictante hoc ratione, videlicet euacuationes o-
mnes, & præcipue validas, non tantum prauas & non na-
turales, sed etiam naturales humiditates disperdere: qua-
propter caueant in huiuscemodi affectionibus Medici ab
omni valido medicamento soluente, ne humiditates ad
articulos attrahendas dissipent: nisi forsan ratione exsic-
cantis cibi, quali habitantes in Æno vsi erant, hæc affectio
inducta fuerit. in his enim potuit aggregari ex malo victu
copia prauorum & terrestrium humorum, qui exturban-
di & ante articulorum laxationem excludendi erunt. hoc
tamen caute agatur, semper hac habita ratione, ne in ho-
rum humorū deturbatione articuli vlt. us exsiccentur. ad
quam intentionem poterūt satis, præter pharmacū, facere
clyst. ria acia, eos ad vias cōmunes deriuando, ac eosdem
ab articulis reuellendo. quo peracto, facile erit homines
renutrire, & humiditates naturales regenerare, ac arti-
culos ipsos prædictis medicamentis, ac prænarata vi-
ctus ratione laxare. Quæ omnia dum fiunt, omnes causas
quæ talem articulorum siccitatem introducere vel ean-
dem conseruare possunt, amoueantur. Vnde fugiant hi
omnem vehementē motum, æstiuum cælum, aeris sicc-
tatem, Veneris vsus, animi accidentia molesta, exsiccan-
tem victum, externum frigus, & cætera omnia quæ ha-
rum partium humiditates dissipare ac resiccare queant; &

*An sint par-
gandi & e-
uacuandi
arthritis a
siccitate.*

quantum fieri poterit, causas prædictas per opportuna præsidia rescindant, eisdemque per conuenientia auxilia resistant.

De dormientibus qui Vigilantium munia obeunt.

C A P. XVIII.

Somni causa.

In somno reseruati alii quos motus & sensus.

DV M homines vigilando munia animalia exercent, spirituum opulentia in eis imminuitur ac disperditur: hinc labor in obeundis his functionibus succedit, indeque non possunt mortales perpetua sensuum agitatione frui. Huius merito ex naturæ præscripto animantibus irrepsit somnus, ut per eum, quiescēte omni animalis motu ac sensatione, deperditi spiritus regenerentur, ac vires, quæ non tantum per motum sensationemque, verum etiam per animales functiones obitas, languent, restatuerentur. In somno quiescit cerebrum, primum omnium sensationum instrumentum; & eo quiescente, cessat homo ab omni motu & ab omni sensuum functione: dumque hoc pacto se habet, in eo non tantum nervi, musculi, inembraque omnia, & præcipue cerebrum, verum etiam omnes sensus consopiti videntur: quare tunc nec mouetur homo, nec sentit. Attamen hic in somno non ita motu ac sensu priuatur, ut nusquam moueatur aut sentiat. Seruantur enim in dormientibus plurimum musculorum motus, ut clare apparet in his, qui excretionibus superfluitatum retinendis, & qui mandibulæ inferioris retractioni, & qui respirationi, & qui alius huiusmodi functionibus destinati sunt; sed clarius in his, a quibus pure & simpliciter voluntarij motus dependent, quorum ratione dormientes sæpe brachia & crura agitant, de loco ad locum mouentur. seruantur etiam in multis sensus exteriores: hinc aliqui vocem cantantis galli, vel latrantis canis dormientes audiūt & diligunt, & lumen præsentis lucernæ vere agnoscūt, saporesque rei gustum afficientis diiudicant, fortentiaque ac male olentia detestantur: aliqui autem clare loquuntur, & alia voce quandoq; clamant: quidā etiam ad interrogata respondent, curis merito nonnulli propria secreta in somnis cæteris aperuerunt. In nonnullis tamen adeo exte-
riores

riores sensus consopiantur, vt nihil ad extra percipiant, sed tantum interius, phantasia rerum idola repræsentâte, & parent dormientibus insomnia, in quibus sibiipſis videntur audire, videre, loqui, discurrete, comedere, currere, pugnare, & cætera omnia patrare, quæ vigilando operari consueuere. Hæc insomnia aliquando clara & certa, aliquando incerta & confusa videntur, prout rerum spectra vel clare vel confuse imaginationi repræsentantur. Nonnunquam tamen in quibusdam hæc ita euidentia apparent, vt dormientes ipsi, tanquam ex proposito ac ex industria aliquid agentes, e lecto surgant, & modo superiores domus partes, modo inferiores adeant, modo domo exeant ad exequenda ea, quæ vere imaginantur se facturos esse: hincque in maximum discidium eliciuntur præcipitium deducuntur. Hoc quamuis difficile sit imaginari, rarissimeque contingant tales casus, cum in somno, quiescente primo sensiterio (id est cerebro ipso) debeat dormiens ab omni functione, tam motiua quam sensitiua, destitui, & id eo videantur dormientes nec posse moueri aut sentire: tamen testimonia habemus celeberrimorum virorum, affirmantium in somno aliquando seruari motum, aliquando cum motu sensus ipsos, quod idem experientia ipsa in pluribus hoc euenire testata est. Galenus enim, libro 2. De musculorum motu, cap. 4. narrat quosdam dormiêdo deambulasse, & testatur, se ipsum dormientem & somniantem integrum ferme stadium peregisse, nec a somno, priusquam in lapidem impegiſſet, excicatum fuisse, quam causam affirmat eam esse, propter quam non queant dormientes, quia leuem viam exacte nauciſci non possunt, iter longum facere, innuens ex hoc multos si per planam viam progredierentur, longe proficisci posse. Aristoteles autem, lib. 5. de Generatione animalium, cap. primo, affirmat in somno non tantum motum, verum etiam sensus seruari posse, hæc verba habens: *Accidit enim dormientibus etiam animalibus sensus non modo, quæ somnia vocantur, sed etiam præter somnia, Et ipsi qui dormientes resurgunt, Et quidem pleraque agunt sine somno. sunt enim qui dormientes resurgunt Et ambulent, videntes eo modo quo qui vigilant. ipsi enim qui sensus ac-*

Insomniarum causa.

Dormientes quare longum iter facere non possint. Historia.

eidentium contingit, quanquam non Vigilantibus, tamē non sit somnium. Ex quibus verbis clarā eius habemus sententiā, quod in dormientibus quandoq; feruentur motus & sensus, & hoc non per somnium, quāsi dicat, quod per somnium hoc eis non contingat, sed quod dormientes & non somniantes moueantur & videant, tanquam sint vigilantes. Quod affirmarunt hi duo inter Philolophos & Medicos celeberrimi viri, idem mihi experientia comprobauit. Iuuenem noui, qui somnians se propter negotia sua equitaturum esse, electo surgens indutus vestimentis propriis, cothurnisq; ac calcaribus ppositis, super fenestram (nam in tabulato degebat) cōscendit, & hinc indeq; diuaticatis cruribus parietem, perinde ac si equus esset, & voce & calcaribus ad cursum incitabat: hic ex somno expergefactus, tanto horrore correptus est, cogitans se per somnium mortem sese sibi ex præcipitio consciuisse, vt me die sequenti consuluerit ad prohibenda hæc insomnia, quæ ipsum ad obeunda vigilantium munia deducebant. Alterū curaui, qui cū natura iurgiosus & contentiosus cum aliis foret, vt plurimū somnabat se cū aliquo manū conferre, indeq; surgēs e lecto arma capiebat, gladiumq; euaginatū furiose vibrabat, perindeq; ac cum inimico pugnans, vndiq; parietes & circūstātia loca percutiebat. hunc solum in thalamo dormientē claudere, armaq; omnia inde auferre, ne vel seipsum vel alterum gladio cōfoderet, in posterum necessarium fuit, tam diuq; solus permansit dormiens, quam diu se cognouit a talib. insomniis deprehendi. Præter hos artificē cognoui, qui dormiens e lecto surgebat, e thalamoq; exiens domū fere totā peragrabat, scalasq; nullo discrimine ascēdebat & descendebat. hic semel nullis indumētis amictus domo exiens apothecam propriam adiuit, eamq; clauibus aperuit. a qua demum expergefactus ab amicis qui ei forte obuiam facti fuerunt, maxima cum verecundia & timore, dubitās ne inde stultus existimaretur, non amplius dormiens sed vigilans, rediuit. Dum hæc scriberem, accersitus sum ad inuiscendam adolescentulam, annum decimum nonum agentem, quæ decima die a puerperio media nocte, somnians se quædam domestica negotia acturam esse, e lecto,
hyeme

hyeme ſauiente, nullis indumētis amicta, ſurrexit, & cum
 e thalamo hac imaginatione ducta in partes domus infe-
 riores deſcendere vellet, ſtrepitu factō dum oſtium ape-
 rirer, matrem quæ vna cum filia in codē lecto decumbe-
 bat, expergefecit. quæ mater, nouitatem rei admirans, fi-
 liam alta voce clamans, eam increpando vocauit: ex qua
 voce expergefacta ipſa filia ad lectum rediit, ſiſtens ſe,
 niſi a ſomno excitata fuiſſet, e thalamo exitura eſſe. Hinc
 ad viginti quatuor dies, cū marito dormiens, ſimiliter cir-
 ca nonam noctis horam ſubito e lecto exiliens, & a oſti-
 um properans, expergefacta a viro, eam alta voce vacan-
 te, ſiens & tremens ad lectum regreſſa eſt: narrans ſe ſo-
 mniaſſe, fugere ex lecto tunc temporis voluiſſe, ad euitan-
 dam viam ſibi illatam ab homine, Venerem ab ea expeten-
 te. hæc eadē cum ſimilia inſomnia ſæpius paſſa ſit, & hinc
 timeat, ne quid mali ei ex hoc contingat, me ad eam cu-
 randam accerſiuit. Alias his conſimiles hiftorias referre
 poſſem, tamen hæc ſufficiant vltra teſtimonia Galeni & A-
 riſtotelis, ad confirmandam hanc ſententiam, quod ali-
 quando in dormientibus vel motus tantū, vel ſimul cum
 motu etiam ipſi ſenſus, reſeruentur. Qui dormientes quo-
 modo cōtra formalem rationem ſomni (qui eſt ligamen-
 tū primi ſenſiterii, per quod animal ab omni ſenſu & fun-
 ctione animali, ad regenerationem ſpirituū, & ad reſtau-
 rationem virium ex vigilia diſſipatarum, quieſcit) vigilan-
 tium munia, quæ ſunt ſentire & moueri, obire poſſint: non
 ita facile eſt explicare, ac certam rationem reddere. Si ta-
 men ad hoc ego probabilia (alii hanc rem demonſtratiuis

Cauſa.

explicabunt rationibus) adducā, ſatis mihi feciſſe videbor,
 ita horum affectuum cauſas expoſiturus. Anima corpori
 annexa, vt docet Hippocrates in libro de inſomniis, eidē
 dum vigilat homo, ita inſeruit, vt in multas partes diſtri-
 buta, ſingulis corporis partibus ſue ſenſibus aliquam ſui
 partē diſtribuat, videlicet auditui, viſui, tactui, guſtui, gres-
 ſui, actioni, ac omni corporis facultati. in hacq; diſtribu-
 tione nō ſui iuris eſt anima, ſicuti nec in cogitatione. non
 enim non poteſt corpori ſuas facultates impartiri, & non
 poteſt continue aliquid non cogitare. Cum autem cor-
 pus quieſcit, anima adhuc in motu eſt, & corporis par-

res omnes perreptans, easdem gubernat, & omnes corporis actiones perficit. Nam corpus dormiens non sentit, ipsa vero vigilans cognoscit, ac visibilia videt, & audibilia audit, vadit, tangit, tristatur, gaudet, considerat: & in summa, quæcunque corporis aut animæ munia sunt, ea omnia anima ipsa in somno obit, dum anima, siue vigilando siue dormiendo hæc agit, semper omnia quæcunque agat, mediantibus spiritibus, qui sunt propria & immediata ipsius animæ instrumenta, exequitur. Vnde in his, in quibus spiritus sunt perfectiores, semper anima proprias functiones, ubi organa naturaliter disposita fuerint, excellentius operatur. in quibus autem hi sunt imperfecti, diminute & imperfecte suas producit operationes. Spiritus perfecti & imperfecti redduntur ex puritate & impuritate sanguinis & humorum. quales enim sunt corporis nostri humores, tales sunt & spiritus. Qui spiritus in aliquibus sunt puri, subtiles, ætherei & clari, in aliquibus sunt impuri, crassi, turbidi & nebulosi. Qui hos habent, sicuti nec vigilando perfecte vel sensus vel mentis munia obeunt: ita nec dormiendo somniantes clare rerū imagines, sensibus & menti iam oblatas & in phantasia reservatas, circumspiciunt: in hisque, præ nimia spirituum ac humorum impuritate ac humiditate, vel nulla vel pauca & confusa videntur formia: præ nimia enim turbatione ac crassitie tū spirituum tum humorum rerum idola clara & euidencia repræsentari nequeunt. Qui autem spiritus claros, subtiles ac æthereos habuerit, sicuti in vigilia perspicax, ad actionesque promptus & ad motum facilis existit: ita in somno rerum imagines clare discernit, easque adeo euidentes ac euidenter conspiciit, ut perinde ac in vigilia, ea omnia quæ cogitationi offeruntur, tanquam vera imagnetur, eaque sedulitate qua vigilans in eisdem actionibus uteretur, hæc omnia mente exequatur, eo ordine quo imaginationi repræsentantur. Quod si ultra spirituum tenuitatem ac subtilitatem dormiēs sit fortis imaginatiuæ, quales solent esse qui melancholici sunt habitus, in quorum nonnullis rerum imaginationes ita fortiter ac vehementer imprimuntur & adhærent, ut nullis argumentis dissuaderi aut ab his amoueri queant. in his hoc causatur, quod eis dormientibus

mientibus somnia ita euidencia ac fortiter imaginata repræsentantur, vt vera magis hæc credant, quam ea quæ ipsis vigilantibus offeruntur. hincque in his somniis, tota mente ac totis viribus agentes, eas functiones, dominante anima præ spirituum tenuitate ac forti imaginatione ipsi corpori, perinde ac si vigilarent, operantur, & inde surgunt e lecto, ambulant, pugnant, iidemque propriis operationibus quas somniantes imaginantur, se addicunt ac operam nauant. Quod si in his dormientibus etiam somnia non repræsententur, vbi tanta fuerit cū forti rerum imaginatione spirituum tenuitas & subtilitas, possunt in his ab anima ita sensibus ipsis propriæ facultates impartiri, vt dormientes quidem, non tamen somniantes, videant, & audiant, cæterasque sensuum functiones euidentes habeant: indeq; nonnulli dormientes iter inceptum prosequuti sunt. alij domus patres ipsis notas circumierunt, superioraque & inferiora adire potuerunt; alij ad loca familiaria, quæ ipsi videntes ab aliis discernere potuerunt, progressi sunt: quod est id, quod Philosophus per ea verba testabatur, dicens: *Sunt enim qui dormientes resurgunt & ambulant, & videntes eo modo quo qui vigilant, ijs enim qui sensus accidentium contingit, quanquam non vigilantibus, non tamen vt somnium.* Causa igitur, quod in dormientibus vel motus tantum, vel vna cum motu etiam sensus ipsi, reseruentur, erit fortis imaginatiua vna cū spirituum tenuitate & subtilitate. Quoniam autem fortis hæc imaginatiua in melancholicis vtplurimum adesse solet, ideo animaduerto, talia accidentia vtplurimum causari in his qui melancholici sunt habitus: testorque me tales affectus in consimilibus hominibus curasse, in quibus etiam spirituum tenuitatem & subtilitatem inesse conieci. hos enim loquaces, promptos, impigros, facile irascibiles & versatilis ingenii esse, obseruavi. Quos cognoui facilius in hæc incidere in somnia & dormitiones, vbi quibusdam passionib. irretiti essent. in his. n. omnis imaginatio repræsentat id, a quo ijdē facile patiūtur & afficiuntur. & hi ab omni leui imaginatione & similitudine facile in proprio affectu decipiuntur; ac circa eandem supra modū solliciti sunt. circa enim sensus (vt dicebat Aristoteles in libro de

somno & vigilia) facile decipimur, cum in passionibus existimus. Vnde a modica similitudine trepidus imaginatur & putat se hostem videre; amans autem dilectum inspicere; iracundus stimulantem persentire: & hic quanto magis passibilior fuerit, tanto magis a minori similitudine decipitur. Vnde huius ratione, qui fortem rerum imaginatiuam vna cum spirituū tenuitate habuerint, si passionibus afficiatur, in hac insomnia procliuus erit: ac etiam, vbi non somniauerit, dormiens poterit, ductus a leui similitudine & imaginatione vigilantium munia obire. Hæ penes me sunt ex causæ, ex quibus conijcio dormientes non præter rationem posse moueri & sentire. Quas qui animaduertent, facile nouerint, quibus præliis succurrendum sit ijs qui talibus affectionibus detinentur, cum enim, vt ex prædictis liquet, tenuitate spirituum ac forti imaginatione hi dotati sint, quibus etiam adduntur sæpe passiones quibus irretiti sunt; (quæ omnia in melancholicis habitibus promptius, quam in cæteris quibuscunq; reperiuntur ac firmanantur) ideo ad talia insomnia, ac dormitiones prohibendas, & spiritus crassiores reddere, & imaginationem minus tenacem efficere, melancholicum habitum temperare, & affectus ipsos in talibus patientibus corrigere debemus. Quos curabimus, non quia hæ affectiones sint morbi, vel quia ab his malum aliquid simpliciter immineat, sed quia hi dormiendo possent ex insomniis ad præcipitia deduci, vel ad aliqua peragenda concitari, ex quibus vel mortem incaute ac inconsiderate sibi consciscerent, vel aliis inferrent: cuius ratione, non autem quia ex insomniis aut ex somno lædantur, huiusmodi patientes consulere medicos, ad tales somnos prohibendos, & ad talia insomnia profliganda, consueuere. Quod vbi contigerit, Medicus hac via quatuor indicationibus propositis obuiabit. Primo nimiam spirituum subtilitatem corrigit, eos crassiores reddēs: hoc autem faciet, humores ex quorum puriori ac subtiliori parte hi regenerantur, incrassando: hos vero incrassabit, si alimenta crassi succi patientibus exhibenda præscribat. talia erunt carnes bubulæ, leporinæ, suillæ, & cochleæ, casei omnes, ova ad perfectam concretionem cocta, fercula ex farina subacta,

Prognosticum.

Curatio.

subacta, pisces molles, sicuti loligines, sepię, polypodes, anguillę, legumina, castaneę, rapę, nuces pineę, vina dulcia & crassa, & quę huiusce sunt ordinis. secundo imaginationis tenacitati ac fortitudini prospiciet, cerebrum, ex cuius sicca intemperie hæc dependet, humectando: in quo casu præter victus rationem humectantem præscribendam, maxime prodesse poterunt embrochę & lotiones capitis, vel simpliciter ex aqua dulci paratę, vel ex decoctionibus rerum quę eiusdem sint facultatis, compositę. Secundum locum ab his habebunt inunctiones ex oleis humectantibus, quale est oleum amygdalarum dulcium, & violaceum, & præter hæc odoramenta ex aquis odoratis, quę similiter humectare queant. Tertio loco habitum melancholicum temperabit, præscripta ea victus ratione, quę nec retorridos nec adustos sed benignos humores generare possit. quare humectantia alimenta, quę tamen boni succi existant, administrentur, & corpus ipsum ad humidum alteretur, quod potissimum aquę dulcis balnea, quę in simili casu cæteris omnib. medicamentis præferantur, præstare poterunt; sique in his generati sint, abundantque nigri & melancholici humores, lenibus medicamentis prius expurgentur. Vltimo vehementes intensosq; animi affectus corriget, si patientes a propriis & molestis negotiis abducatur, si hilarem vitam præscribat, si iucundas & gratas societates adhibeat, si grauib. persuasionib. eos increpet, si solitudines & omnes laboriosas curas interdicat, in summaq; si hos in contrarium habitum traducat. His omnibus peractis, sperandum est, hosce patientes a talibus insomniis & dormitionibus liberatos esse, vnde vere iucundissimum somnũ, qui omnium laborum & solitudinũ eis certũ existat. perfugium, capere possint. si tamen ex prædictis non omnino nec in regre res absoluta sit (in nonnullis enim vidi admodũ difficile esse, tales affectiones soluere) deueniat Medicus ad aliqua leniter somnum prouocantia: in quo casu feliciter quandoq; expertus sum post cœnam ante somnũ exhibere lac amico dictum, ad quantitatem quinque aut sex vnciarum. hinc enim leniter humectatur cerebrum, & leniter consopitur, spiritusq; illi tenues quodammodo in crassan-

tur. Quod si nec hoc sufficiat, ad lenia stupefacientia deuenio, sicuti ad fercula, ex seminibus papaueris albi parata: ex quibus, prouocato profundiori somno, ac obrutis spiritibus ipsis, adeo consopiantur homines, vt facultates sensitiuæ ac motiuæ proprijs organis ea viuacitate amplius communicari non possint, vt ex his dormientes vel deambulare vel sentire queant. Validiora autem, stupefacientia vitanda esse duco, non quod hæc nequaquam sint apta talia insomnia stupefaciendo inhibere, sed quoniam in tali casu, cum patientes non sint in somnes, nec vigilijs crucientur, in somnosque procliues sint, stupefacientia talia nocumentum quam inuamētum facilius inferre possent. vltra enim intentum ac propositum terminum agerent, cerebrumq; ac omnes sensus nimis consopirent, vnde insomnia quidem prohiberent, sed vel in carum vel in coma patientes deducerent: cuius ratione etiam exteriora stupefacientia, & cætera omnia somnum prouocantia, omittenda censeo, solisque prædictis vel similibus præsidij agendum esse iudico.

De Rabie. CAP. XIX.

Rabies.

RABIES hominem affici, indeque periclitantem miserabiliter vita orbari, satis apertum est. quorum autem ratione hoc fiat, & quid sit rabies, & an curationem admittat, non ita in confesso est. Scio multa de hac materia ab antiquis monumētis literarum prodita esse: tamen cum ratio & experientia, quam plurimam huiusce rei habeo, multa longe aliter, quam ipsi docuerint, mihi persuadeant; hic decreui quæ in hac materia animaduertenda sint, explicare, vt cognoscant Medici, quanta cum diligentia antiquorum scripta in materijs abstrusis & non frequentibus sint perpendenda, & ad Lydium, vt dicunt, lapidem examinanda. Quicumque authores de hac egere materia, omnes sub titulo de commorsis a cane rabido hanc rem perstringentes, eius ordiuntur tractationē, primo declarantes, qua de causa canes rabidi fiant, secundo quibus hi deprehendantur notis. Hanc docendi formā ego diu considerans, cum vltra canes ex Aristotele came-

*Antrallatus de rabie
debeat inscribi de
morsu canis
rabidi.*

luma

lum & equum; ex Auicenna vulpes, mustillas, & mullos; ex Cælio Aureliano vrsos, leopardos, & asinos; ex Alberto Magno lupos tentari rabie sit certum; non potui non admirari, cur de rabie acturi, quæ homini per tot animalia communicari potest, solum de morfu canis rabidi agentes, tractent & inscribant de commorsis a cane rabido, cū de commorsis ab animali rabido inscriptionem ponere debuissent. Nec est quod dicas, iure ab antiquis hoc factū fuisse, cum vera rabies solum a cane communicari possit, cæteras autem non veras esse, sed per similitudinem ad hanc rabies dictas esse, quoniam quæ maior similitudo poni debet lupinæ rabiei ad caninam, quam quæ ipsius canis ad lupi, cum a lupo, sicuti & a cane, vera & exacta inducatur in hominem rabies: imo noui ego, a lupo sæuiora & magis horrenda consequi symptomata, quam a cane rabido: magisque hi & violentius cruciantur quia lupo rabido commorsi sunt, quam qui a cane. Quod de lupo attestor, idem de cæteris animalibus prædictis asseratur, affirmeturque, veram rabiem ab omnibus his generari. Quæ tamen vera rabies a solis canibus primam fortasse apud antiquos sumpsit denominationē, quoniam hi magis quam cætera animalia, consuetudinem manifestam habent cum homine, clariusque nobis eorum patefiunt accidentia, frequentiusque cæteris rabie corripiuntur: quod tamen non tollit, cætera prædicta etiam rabie vera deprehendi. Quam veritatem cum Galenus negauerit, creditur hoc ab eo factum fuisse ob non habitam ab eo huius rei experientiam, quam si vidisset vel si eius testimonium fidum audiisset, eam profecto sententiam ablegasset, nec dixisset, solum canem ex omnibus animalibus rabie corripī: quod cum falsum sit, pluraque sint animalia quæ rabie tentantur; de hac materia scribentes, titulum non de commorsis a cane rabido, sed de commorsis ab animali rabido ponere debebant. *hac de inscriptione.*

His addo, quod nonnulli tentantes reddere rationem, cur potissimum ex omnibus animalibus canes rabie corripiantur, dixere hoc fieri, quoniam cū praua huius virus seminaria analogiam & proportionem habeant ad humores prauos, & melancholicos, canis autem præcipue

*Qua anima
liarabiem
incutrans.*

*Rabies canis
an sit se-
lius canis,
& non cæte-
rorum ani-
malium.*

*Lib. 4 de
loc. affect.
cap. 5.*

*Canis cur
potissimum
ex omnibus
animalibus
rabiesente-
tur.*

fit animal cacochymum & melancholicum, hinc fieri, ut hi potissimum in rabiem incurrant. quæ sententia ex toto falsa est. nam ante canis rabiem nulla sunt seminaria, per quæ hæc rabies canis communicetur, nec ipso rabiēte potest referri causa ad canis habitum, seu ad prauitatem humorum eius naturalem, nec etiam ad id quod melancholicum sit animal; quoniam canis habitus, nulla extrinseca

*Canis an sit
animal ca-
cochymum.*

causa accedente, nō est sufficiens rabiei causā. alias omnes canes rabiem incurrerent. cum autem dicunt, canem esse animal cacochymum: si de propria specie sit sermo, absurda est dictio, quoniam nec serpentes in propria specie debent dici cacochymi. Si autem dicatur relative ad hominem, non solus canis, sed lupi & vulpes & asini & similia animalia dici debent cacochyma, & ita hoc proprietatem

*Canis an sit
animal me-
lancholicū.*

canis non consequetur. Quod autem canis sit animal melancholicum, experientia oppositū dicit, cum inter bruta ita gestire, colludere, dominis applaudere, blandiri, & in omnibus actibus lætitiā præferre, nullum animal, sicuti canis, videatur. quare nec ratione analogiæ, nec ratione cacochymix, nec quia sit animal melancholicum, as-

*Canis qua
de causara-
bidus fiat.*

feratur, canē ex animalibus præcipue rabie corripit. Quærentes autem causas. propter quas canis rabidus fiat, docēt hoc fieri ex immoderata eorum intemperie calida & sicca, quæ præcipue in eis introducit ex inclementia calidioris cæli. cuius vi cum adurantur humores in canibus, hinc insaniunt, & insaniam hanc rabie vocari dicunt. hæc sententiam viri celeberrimi admiserunt. sed cum causæ suis effectibus adæquari debeant, notumque sit experientia & testimonio gravissimorum virorum, etiam extremam hyemem vehementiaq; frigora rabiem inducere canibus, sicuti & cadauera corrupta ac putrida, potusque confusiles, & nonnulla alia abominabilia degustata, & in usum alimenti ab eis desumpta; nullo pacto asserendum est, ex intemperie calida & sicca, tãquam ex causa propria, rabie canes incurrere. At dices, quæ igitur erit causa propter quam canes rabie corripuntur? Declarauimus in tractatu febris pestilentis, in homine aliquando humores corporis nostri, siue hoc fiat ratione alimenti externi, siue ratione causarum internarum, ita corrumpi, ut hinc na-

turam

turam nobis contrariam adepti, deleteriorum venenorum vim & facultatem consequantur. hoc idem cenſeo in canibus, cæterisque animalibus quæ a rabie tentari poſſunt, contingere, videlicet, quod cum in eis nonnunquam eorum humores corruptionem ingentemque prauitatem patiantur, hinc euenire, vt in iſdem, cum ex corruptione venenatam naturam & facultatem eorum humores acquiſerint, excitetur & formetur virus iſtud, quod petens eorum membra principalia, eos in rabiem tandemque in mortem præcipitat. Cur autem ex corruptione hoc virus tatum in canibus; & in aliis quæ huiusce ſunt claffis, animalibus poſſimum generetur, hoc ex proprietate naturæ eorum contingere aſſero. Quæ proprietates naturæ non in temperamento cōſiſtit, quoniam ſi hoc eſſet, omnia animalia quæ rabiem incurrunt, eiſdem eſſent temperamenti: quod non tantum eſt falſum, ſed etiam abſurdum. cum enim ſicut in homine mores temperaturam ſequantur, ita in omnibus hiſ animalibus animi eorum affectiones eiſdem eſſent ordinis, cuius oppoſitum ſenſus dictat, ſed conſiſtit in abſtruſa & occulta eorum proprietate ac natura, quæ nobis ineffabilis & imperceptibilis eſt, ſicuti & cætera omnia, quæ a proprietate aliquid vel patiuntur vel agunt. Sicuti autem ex corruptione humorum in canibus cæterisque animalibus, ex propria eorum natura & occulta proprietate hoc virus rabidum gignitur; ſimiliter & virus iſtud non conſequitur vllā temperamenti conditionem, ſed ſimpliciter eſt venenum a proprietate ac a tota ſubſtātia: hincque ſit, vt & a calida & a frigida cauſa poſſit excitari, quoniam omnia ea quæ humores horum animalium in corruptionem deducere poſſunt, facultatem habent procreandi rabiem. Vnde cum & æſum calidiſſimū, frigidiſſimumque pariter, (quoniam vtraque extrema violentiam naturæ inferunt) poſſit vel in corruptionem humores deducere, vel corruptos excitare; facile canes & æſtate ſeruētiffima & hyeme prægelida rabiem patiuntur: quod non ex aeris rēperamento alterante ſolū humores procedit, quoniā ſi hoc eſſet, vbi æſtas rabiē poſſet introducere, hanc eandē hyems nequaquam procreare valetet; nec aeris valide in contrarium permutatio-

*Corruptio
humorum
in canibus
Vnde cauſatur.*

nes hoc idem agerent, quæ tamen ad inducendâ rabiem experientia testante validissimæ sunt. & hoc, quoniam tales aeris permutatiores facile eorum humores in corruptione prauamq; naturam traducunt. hanc humorum corruptionem, violentiusq; quam prædictæ causæ, & cum maiori efficacia, in canes inferunt alimenta corrupta & putrida ab eis desumpta; potusque similes hausti, & nonnulla alia abominabilia, quæ in salutem hominû sub silentio continenda sunt, degustata. Hanc ego præcipuam causam rabiei canum censeo esse, hancque validissimam omnium adnotaui. cum enim omnia quæ ad hanc materiam faciunt diligentissime inuestigauerim; inueni fere omnes canes rabidos vel cadauera hominum corrupta & putrida, vel carnes animalium putrescentes comedisse, vel potum consimile hausisse, vel alia abominabilia degustasse; quæ omnia, ab eis in alimenti usum assumpta, corruptionem humorum ingentem & prauissimam in iisdem concitare possunt: cuius violentia naturam & facultatem venenatam humores adepti, non ratione alicuius intemperiei validæ, quæ ab assumptis introduci non potuit, sed ratione prauæ eorum qualitatæ, & merito proprietatis eiusdem canis abstrusæ, sensibusque nostris reconditæ, virus hoc rabidum in eis excitant, quod factum venenum a proprietate eos in rabiem & morrem deducit. Hinc non videbitur mirum, si lupus a venatoribus captus, in diuersaque obsoniorum genera apparatus & coctus, fuerit in causa, ut qui eum gustatint esitarintque, rabie non multo post correpti fuerint; quoniam cû virus hoc sit venenum a tota substantia, vi ignis in totum deuinci non potuit, qui tamen omne temperamenti genus nulla cum difficultate domare potest, quique omnium rerû quæ coctionem vi eius recipiunt, qualitates manifestas superare valet. Quare constituo, canes, cæteraque animalia quæ rabie tentari solent, non ex temperamenti alteratione, quæ nusquam est sufficiens causa, cum hinc equaliter fere omnia hæc animalia deberent morbo corripi (sed ex praua & ingenti humorum corruptione, quæ ex violentia excessus aeris, & ex eiusdem validis in contrarium permutationibus, sed potissimû alimentis putridis & abominabilibus ab eis

*Lupus rabidi
caro tosta
quare po-
tuit rabiem
communica-
re comedenti-
bus.*

ab eis defumptis, generari potest, rabiem pati. quæ rabies ideo in his gignitur, quoniã cum humores ex corruptione deleteriam & venenatam facultatem acquisierint, ex his ob proprietatem naturæ & habitudinis horum animalium occultæ generatur venenum, quod a tota substantia rabiem inducens ea tandem vitæ excludit. Quibus signis rabidus canis deprehendatur, non exponam; quoniam in claris non est immorandum, & præcipue cum hoc exquisitissime ab omnibus scribentibus declaratum sit. cuius habitis signis, desumpta ab ijs analogia, facile erit dignoscere, quando cætera animalia quæ rabiem incurrere solent, eadem correpta sint. *hac de caninarabie sufficiant,* nunc de humana agamus.

Animalia rabida, quæcunque eis obuiam fiunt, violenti petunt morsu, tamque animata quam inanimata mordent, canesque dominum pariter ac alienos, nulla habita distinctione, ferociter dentibus inuadunt. Ex hoc morsu, qui a morsu non rabidi animantis nulla sensibili differentia distingui potest, homini per contactum seu dentis seu salivæ & ipsius rabidi animalis eiusdem virus communicatur. qui contactus ad hoc efficax non est, nisi aperta ruptave cuti, quoniam hoc virus, integra ea existente, altius penetrare non potest. Ulceri communicatum virus per morsum nullum prodit signum perniciæ, quam postea illaturum est, sed intro latenter subiens spiritu, sanguinem, humores ipsasque solidas corporis humani partes labefactans, sensim modo paucioribus modo pluribus de ebus, modo per menses, modo per annos serpit ad principalia membra; quæ ubi attigerit, ad rabiem hominem deducere incipit: nisi que statim, morbo vix apparente, generosa ab arte administrentur remedia, patientes per rabiem in miserabilem mortem præcipitat. Dum rabiunt homines, cor & præcordia eis vellicantur, mentis confusio accedit, labare res circumstantes ipsis videntur, loco stare nequeunt, inordinate se iactant, oculis torve aspiciunt, aspectu horrendi sunt, ipsis distenduntur membra, in inspiratione plurimum offenduntur, sitiunt admodum, ac continua querimonia lamentantur. Cum deterius habent, in furorem aguntur, spuma ad os eis apparet, dentibus alios percutiunt, ut

*Rabientia
animalium
signa.*

*Homini quo
modo rabies
a rabido a-
nimali com-
municetur.*

*Rabientia
hominis
signa.*

canes latrant, vel ut lupi ululant, dentibus strident, sudant & conuelluntur. Sed his omnibus vnum maximum accedit incommodum, huic affectioni peculiare & proprium, quod aquam & omnia liquida & potulenta ita auersantur & perhorrescunt, ut moriem saepe facilius quam ista admittant. mirumque est, quantum ex sola istorum oblatione agitentur, contremiscant, confundantur, concutiantur, angustientur, itaque huc atque illuc iactent, ut vix ab astantibus loco contineri queant. Huius ratione vocatus

Rabies quare dicta ὕδρῳ φόβῳ ab antiquis.

Rabies quid sit.

est affectus ille Græcis ὕδρῳ φόβῳ, quasi quod rabies nihil aliud præcipue sit, quam aquæ timor. diffinitusque ab antiquis dictus est appetentia vehemens atque timor aquæ sine ulla ratione. Author diffinitionum medicarum dicebat, esse affectum ex morfu canis rabie furentis, addebatque fieri cum potus auersione, conuulsione & singultu, & cum superueniente delirio, cuius delirii meminit etiam author libri de Theriaca ad Pisonem. Alii autem rem hanc breuius perstringentes diffinierunt, hunc morbum esse affectum præternaturalem cum delirio, & aquæ timore irrationali & vehementi. Illorum authorum dicta si experimento corresponderent, simpliciter admittenda essent, at longe aliter experientia dictat. Quod homines, ubi rabie correpti fuerint, auersentur, perhorrescant, fugiantque omnia liquida, & potissimum aquam; clarum est: sed an ipsam vere timeant, & an timeantes timeant sine ratione, & an cum hoc affectu sit semper delirium, conuulsio & singultus, non ita constat. Pro huius rei euidentiâ præmittenda est causa, propter quam homines rabidi potum & omnia liquida auersantur; quo habito, prædicta satis facile innotescunt ac dilucidabuntur. Huius rei causas diuersas prodiderunt antiqui. Alii dixerunt, hos aquam auersari, vel quia propriam speciem in ea, tanquam in speculo, rubicundam, toruè tuentem & ira plenam, conspiciunt: vel quia in eadem canis, a quo commorssi fuerint, imago appareat, cuius violentiæ & ferociæ recordati, confestim immodico corripiuntur timore; causa hæc est fabulosa, nec ullo experimento comprobati potest, cum rabientes nec in aqua quid videant, ut pluries ego interrogans ab eis audiui, nec aquam solum, sed omnia liquida, in quibus etiam

Rabidi quare aquam & liquida auersantur.

nulla

nulla species repræsentari potest (cuiuscemodi sunt iura
 & fercula & alii turbidi potus) pariter fugiant. Quidam
 dixere, homines rabientes liquida & humida formidare,
 quoniam, mutata eorum substantia ad summam siccita-
 tem, hincque arefacta, timent omnia humida, tanquam
 eis aduersantia, aptaque ad eorundem destructionem &
 dissolutionem. At sententia hæc sensui contradicit. nam *In rabidis*
 rabientes, dum liquida auersantur, non propriam tempe- *an sit sum-*
 raturam, an vel humida vel secca sit, perpendunt & diguo- *ma siccitas.*
 scunt, nec ratione sed sensu ad fugiendos liquores ducun-
 tur. Eam autem insignem siccitatem quam hi in rabidis
 hominibus supponunt, nec ex pulsû, nec ex habitu, nec ex
 facie, nec ex alio sensibili signo (quo ad sensum enim, in
 his immutati non sunt) ego vnquam deprehendere potui.
 Quæ tamen, ubi summa est, (vt in hecti. is & marasma-
 tis) facile cognosci potest. Nonnulli ab eadem siccitate au-
 spicati dixere, hos formidare non solida sed liquida, quo-
 niam hæc sua subtilitate, ingredientia meatus ventricu-
 li exsiccatos, valde eos lædunt, ad cuius læsionem, con-
 sentientibus cerebri membranis, læditur imaginatio, quæ
 postea est in causa huius formidinis. Opinio hæc supponit
 marasmatum ventriculum, eiusque penetrationem, cuius
 ratione lædatur a liquidis, quæ a veritate longe distant,
 cum tantæ siccitatis ventriculi nulla sint signa; nec ea pe-
 netratio, si detur, possit tantam asserre læsionem, vt humi-
 da inde auersentur, alias in marasmatibus, & in his in quibus
 hectica est ventriculi, similis fieret penetratio, similisque
 læsio, cuius oppositum experientia docet. Alii probabilem
 adducentes causam dixerunt, quod cum in rabie corre-
 ptis spuma circa os obuerfetur, & corde liquefcant, si his
 liquida offeruntur, phantasia in eis excitat imaginationem
 liquidi ipsos extinguentis, cum ex paruis occasionibus in
 ægris horribilium imaginatio excitetur, vt in febrici-
 tantibus apparet, qui ex paruis lineamentis parietum
 imaginantur animalia sæua, vnde timent & clamant: ad
 cuius conformitatem ex imaginatione huius liquidi ex-
 tinguentis dicunt, excitari in rabidis formidinem humi- *Rabidi non*
 dorum. Porro pulcherrima est hæc ratio, & satis probabi- *semper ha-*
 lis, non tamen admittenda, quia spumam circa os non *bent spumã*
circa os.

omnes rabientes habent:& qui habent,tantum in vltimis
 horis habēt.attamen antequam spuma ad os corū obuer-
 setur,liquida abominantur:qua de re hoc non poterit esse
 ob imaginationem excitatam a phantasia, mora a causa
 externa. Hi rem istam altius perscrutantes aliam assignāt
 rationem,dicētes, quod corpora exsiccata, dum naturam
 propriam adhuc retinent, humidum quidem appetunt;
 sed si eo res deducta sit,vt propter nimiam siccitatem for-
 mam connatam & naturalem amplius non conseruent,
 ac ab ea ceciderint; non tantum non appetunt humida,
 sed ea,vti contraria,abhorrent & respuunt, sicuti in mori-
 turis apparet, in quibus cum extincta sit viscerum natura,
 cibum & potum renuunt, nihilque quod eos alere possit,
 admittunt,omnia similia,tanquam molesta & horribilia,
 a se abdicantes. quod idem cum sit in rabie correptis, vi-
 delicet quod cū his viscera & cætera principalia membra
 adeo exsiccata sint,vt amplius naturā propriam non con-
 seruent,sed vere extincta sint;hinc sequitur, quod omnia
 humida & liquida abhorreant & abominentur.Ratio hæc
 nihil dicit in casu nostro.cum enim vniuersalis sit,vniuer-
 saliter etiam concludere debet,quoniam vbi natura visce-
 rum extincta sit,non modo liquida,sed etiam solida ab-
 horrere debent: sicuti in his qui prope mortē sunt,in qui-
 bus non porus tantum,sed & cibus & omnia oblata,cuius-
 cunque sint generis, reiiciuntur: at in casu nostro solum
 liquida & potulenta auersantur ægri, cum solida accipiāt,
 & aliquando auide petant & assument. cuiuscemodi in
 nonnullis vidi rabientibus,qui panem & carnes, præcipue
 autem saccarum in maxima quantitate, dum rabie cru-
 ciarentur, assumebant: quod tamen saccatum, si in vino
 vel in iure vel in aqua dissolutum offerebatur, pariter & a-
 quam simplicem auersabantur. Quare cum hi solida ci-
 baria prompte assument, hisque interdum delectentur,
 inditium sit, in his viscerum propriam naturam non ex-
 tinctam esse, sed conseruari adhuc.cuius ratione cibaria
 solida appetunt & assument.qua de re nec hæc erit assi-
 gnanda causa,cur aquam & omnes liquores rabie deten-
 ti abominentur. Exclusis tot grauissimorum virorum sen-
 tentiis,quid in hac re sit sentiendum, difficile est affirma-
 re.¶

*Rabidi ali-
 quando soli-
 da alimēta
 libenter su-
 munt & pe-
 tunt.*

re, si tamen ego ad hoc probabilia, & quæ vel nullam vel minimam patiantur contradictionem, adduxero, satis mihi fecisse videbor, alijs rem istam demonstratiuis rationibus discutendam relinquens. Declaratum est, virus animalium rabidorum nullam consequi peculiare temperamentum, sed esse venenum a tota substantia. hoc ubi homini fuerit communicatum, latenter absque noxæ sensu labefaciens humores, pedetentimque per partem post partem permeans, quam primum membra principalia attingit, ea vellicat, maximoque cruciatu affligit, frim inducens. quo tempore si patientes quid liquidi hauserint, ultra quam credi potest, maximam sentiunt læsionem, admodumque ex eo potu interne cruciantur. Hoc non alicuius temperamenti ratione fieri potest (quoniam siue calida siue frigida assumant, omnia pariter, cuiuscunque sint facultatis & temperamenti, æqualem proferunt molestiam) sed ratione propriæ naturæ veneni. quod sicuti est venenum, a tota substantia hominem lædens, ita antipathiam quandam ad omnia liquida habet, per quam ita a liquidis exasperatur efferaturque, vti inde maiori ferocia exultans sæuius petat & cruciet internas partes. hanc noui ego causam, propter quam a principio abhorreant liquida, quoniam omnes vnanimiter assenserunt, se a liquidis admodum læsos prius fuisse. post quam læsionem adeo omnes liquores deinde abominati sunt, vt etiam ex eorum oblatione & solo visu eundem & aliquando sæuiorem passi sint cruciatum. Quod non sit mirum. cum enim

Rabidi quare aqua & liquida auerſantur.

Rabidi quare ad oblationem & visum rerū liquidarum lædantur.

*Rabidorum
virus nō so-
lum aliqui-
dis assumtis,
sed etiā ob-
latis & visis
exacerbatur.*

comestione fructuum acidorum & austerorum, persentiunt sibi ventriculum commoueri; indeque eis refudante humore ex ventriculo ad gulam, os humida salua repletur, & inde plura sputamina fiunt. Quapropter cum tantus sit consensus inter ventriculum & res vitas seu imaginatas; nou sit mirum, si prauia existente latione, non tantum liquida abominantur, sed etiam eorundem visionem tolerare non audeant, cum ex solo aspectu eandem fere calamitatem in ventriculo & partibus internis persentiāt, quam ex vero potu perciperent. His addo, virus istud venenatum tantam habere antipathiam ad liquida, vt non modo ab assumptis, sed etiam ab oblatis & vitis liquoribus, exacerbetur: cuius merito videmus patientes in tali statu constitutos, si sapius cogantur tententurque liquida assumere, & eisdem eadem sapius offerantur, citius perire, quam illos quibus ista non offeruntur: cuius rei ratio est, quoniam in eis ex liquidorum assumptione vel oblatione semper magis effertur venenum. qua de re hoc, sapius agitarum & stimulaturn, ferocius agendo mortem accelerat. Nec mirum sitalicui, per solam oblationem liquidorum posse venenum internum exacerbari, cum inanimita quædam coram his, quibuscum antipathiam naturalem habent, ex sola præsentia a propria forma immutentur. hinc cornu Vnicornis, & cornu vel linguam serpentis, oblato veneno, sudare; lapidem prasinum, *Plasma* dictum, eodem præsentem, splendore proprio priuari, videmus. quod si in corpore inanimito hæc sunt possibilia, cur venenum in corpore animato, in quo propriam exercet facultatem, nō potest, oblatis his ad quæ antipathiam a substantia habet, vim suam acuere, magisque patientes cruciari, sed quid magis? Apud nos per longa tempora obseruatum est, quod qui commorsus a rabido animali ante exactum annum tetigerit vel plantam cornus, vel sanguinarie, inuitabiliter incidet in rabiem. proditum etiam est, eosdem si sub sorbo dormiant, rabie corripi: ex quibus duo clare habemus; alterum, quod hoc virus a tota substantia non ratione temperamenti agit, quoniam nec a tactu nec ab vmbra intemperies introduci potest; alterū, quod hoc venenū si dum sopitū est, excitari potest ab his

cum

cum quib. antipathiā habēt, tanto magis ab his exacerbari poterit, quibuscū, dum viget actūq; lēdit, eandē habet. Cuius antipathiæ nulla alia potest manifesta causa explicari, quā ea, quæ omnib. his quæ a propria substantia aliquam peculiarē facultatem habēt, est communis, videlicet quod a proprietate hoc agant. Vnde quemadmodū, quare cantharides vesicam, lepus marinum pulmonem, solatrum maniacū cerebrum lædant; nulla potest assignari alia ratio quā quod a propria & innata & occulta facultate, non a manifesta, hoc habeant; ita cum hæc in rabidis læsio interna a liquidis rebus, eorundemq; auersio & abominatio, consequatur hoc venenum a proprietate, nulla potest certa reddi & manifesta ratio. Quemadmodū etiā, quare qui lepus marinū hauserunt, omne genus piscis auersantur abhorrentq; cum hoc ex proprietate veneni fiat, nulla potest naturalis causa adduci. Tantaq; huius proprietatis & antipathiæ efficacia est, vt viderim, cantharides nō tantum assumptas & appositas, sed etiam exterius delatas, vesicæ læsionem intulisse, sicuti & aquam exterius oblatam hoc virus rabidum exacerbare videmus; quarum rerū rationem quis naturalium manifestam reddere posset? At videmus, etiam in naturalibus rebus, nulla præsentē venenosa nec virulenta materia, ad solam oblationem alimentorū quæ auersentur patientes, interius homines valde affligi. hoc pateat exemplo mulierū vtero gerētium & virorum abstemiorum. nōnullas enim ego vidi mulieres grauidas, quæ cum ex mala ventriculi affectione odissent carnes, ex sola earum oblatione in lypothymiā incidēbāt. quod non ex alia factum est causa, quam ex antipathia quam habet humor prauus, in ore ventriculi in eis collectus, ad carnes ipsas, sicuti & ex eiusdē sympathia ad alias res abominabiles & alere ineptas vidi, alias appetere & comedere gypsum, alias calcem, alias carbones, alias vidi appetiisse & comediisse carnem crudam. harum rerū causa est ex materia. In abstemiis autem, quorum vidi nonnullos ex solo vini odore in syncopen incidisse, hoc factū est non ratione materiæ, sed ratione propriæ naturæ, ab intimis substantiæ suæ facultatibus vino aduersantis. similiter ad horum conformitatem rabidi homines liquida

*Morsus a ra-
bsdo anima
si dormiat
sub sorbo, ra-
bie corrip-
tur.*

*Ad oblatio-
nem eorum
qua auer-
sentur ho-
mines, eos-
dē interius
affligi.*

*Rabidi cum
dererius ha-
bent, sonitu
aqua vel ser-
monem de
ea audien-
tes crucian-
tur.*

*Historia pul-
ueris mentē
ludentis ex-
hibita.*

auerfantur, non ratione vanę imaginationis, sed quia val-
de ex his læduntur, ob antipathiam quam habet hoc virus
cum illis. Sed quid magis? Rabidi cum dererius habent,
non modo ex assumpta & oblata aqua, verum etiam vbi
sonitum eius audierint, vel aliquis de ea coram ipsis ser-
monem habuerit, cruciatur & læsionem sentiunt: quod
non tantum ex antipathia, sed etiam ex fortipatientium
imaginatione per quam venenum internum excitatur,
fieri potest, quæ fortis imaginatio, quantum a rebus vene-
natis causata possit, ex hac pateat historiæ. Exhibitus fuit
in ferculo pulvis cuidam adolescenti, qui ex eo in maxi-
mam incidit corporis iactationem, & in pruritum adeo
molestum, ut vnguibus se laceraret; superuenitque totius
corporis tremor, & videbarur animo linqui. dubitarunt
parentes de veneno. ego ad hunc accedens vidi eum ma-
xime vociferari, altaque voce inclamare, conquerentem
se a patre tunc præsentem fuisse percuti: in locoque dolente
statim apparebant pustulæ rubicundæ, ac si quis vere eum
flagello cæderet; fugamque inde quærebat, ac si e patris
manibus fugere voluisset; nisi que ab astantibus vi deten-
tus fuisset, ex præcipiti loco se dedisset, ut inde exiliret. hoc
videns iussi, ut pater inde abscederet: quo remoto, nō am-
plius se percuti, sed percussum fuisse, alta voce conquere-
batur. cum autem denuo pater dolore filii anxius ad eum
consolandum rediisset, statim iterum se ab eodem percu-
ti altius clamabat. rādem remoto patre, cum per spacium
trium horarum conquestus fuisset, ostenderetque astan-
tibus, sæpe flagelli vestigia, vbi-esque ac liuores, nullo ad-
hibito remedio præter copiosum potū vini generosi (nul-
lum enim aliud, omnia reuens, admisit) sponte incidit in
profundissimum somnum; qui per mediam diem & no-
ctem integram perseverans, soluit hunc affectum, super-
ueniente copiosissimo sudore, unde expergefactus, sanus
quidem sed fere mēte stupidus, euasit. Hinc pateat, quan-
tum fortis imaginatio polleat, ex venenatis pharmacis
causata. quæ cum fortissima sit in his qui rabie cruciantur
ob virus illud: non mirum, si ex solo aquæ vel sonitu vel
sermone aliquando affligantur. His causis alteram addo,
quæ si minus omnibus prædictis probabilis videatur, ta-
men

men vera erit. sciant omnes vim deglutiendi in rabidis hominibus præpeditam esse, & hoc ratione materiei pituitosæ, crudæ, viscidæ & virulentæ, gulam totam vsq; ad fauces occupantis, non tamen omnino eam occludentis, a qua eleuatur & resudat, cum deterius habet, ratione magis commotionis, concussionis, agitationis & vellicationis viscerum, spuma ad os rabientium. hinc timent isti, extingui & suffocari ab assumptis, præcipue autem a liquidis succis & omnibus potulentis. quapropter & hæc maxime omnium rerum potissimum abominantur, cū hæc difficilius deglutiantur quam solida, & ab his materia illa in via existens magis agitetur, indeque magis deglutioni resistat: qua de re oppressa aspera arteria, suffocationis periculum impendit. quam læsionem rabidi perferentes etiam liquida hinc præcipue abhorret, tanquam ea a quibus suffocari debeant, & quæ deglutire vix possint. interrogati enim, vt pluries ego expertus sum, cur bibere non audeant, potumq; omnem fugiant, respondent potulenta nec posse penetrare nec permeare fauces gulamve, ob eorum magnam angustiam & constrictionem. At quispiam parum in operibus naturæ exercitatus dicit, si ratione deglutionis læsæ incederet his timor liquidorum, potius solida quam hæc formidare deberent; cum facilius liquidiora quam solidiora ob substantiæ tenuitatem ingerantur. sed nouerit hic, quod vbi deglutiendi virtus impediatur, non ratione tumoris vlcerisve, aut alicuius alterius instrumentalis morbi, substantiam gulæ occupantis, sed vel ratione intemperiei vel alicuius vitiosæ qualitatis facultatem oppugnantis, difficilius liquida quam solida ad ventriculum demādari, quoniam vbi quid deglutiendum est, arctius gula constringi debet, vt contangens rem deglutiendam quasi manu per fibras eam ad inferiores detrahat partes. vbi autem læsa hæc fuerit, facultasque eius labefactata, non ita arcte constringi potest: cuius ratione tunc temporis (quoniam in absorbendis liquidis arctius adstringitur gula, quam in assumendis solidis cibis) difficilius liquida quam solida deglutiuntur. quod eo difficilius est in casu rabientium, quo in eis præsto est ea virulenta materia, obstruens partes illas. Tot igitur sint cause,

Rabidi homines habent vim deglutiendi quoniam potio impeditam.

Rabidi autem potius liquida quam solida ratione impedita deglutionis abhorreere debeant.

Rabientes quare homines rabie correpti, aquam & omnem potum
aquam ab- auerfantur. Ex quibus pateat, rabientes liquida omnia ab-
horre non horrere, non ratione vani timoris, nec merito alicuius
ratione & falsę imaginationis, sed quia vere & sensibilibiter ab his non
us timoris. tantum assumptis sed etiam oblatis, interius admodum
 læduntur & cruciantur: qua de re præcipuus huius morbi

Rabies Ge-
ræ chara-
cter.

character non erit aquę timor, quemadmodum antiqui
 opinati sunt, cum *ὕδρφοβία* appellantes, cum hi non a-
 quam timeant, sed læsionem & cruciatum internum ab
 aqua inductum; sed verus character erit, ad humidorum
 assumptionem vel oblationem magnopere lædi & angu-
 stiari, adeoque affligi, vt hæc perhorrescant & abominen-
 tur, ab his se suffocari putantes, vt hinc ea fugiant. Qua-
 propter vt rem concludam, vel in rabie non erit timor a-
 quę; cum aquam non timeant rabidi homines, imo valde
 sitientes eam admodum desiderant: quam tamen & vna
 cum ea omnia liquida tantūmodo auerfantur, ob læsio-
 nem, in internis partibus ab eis assumptis vel oblatis exci-
 tatam: quam læsionem si sensibilibiter eamq; validam non
 persentirent, aquam & omnia liquida ob præsentem sitim
 libentissime admitterent. Vel si in rabie aliquis aquę po-
 nendus est timor, quem succedere ob læsionem, non ob
 aquam, admitterem, saltem irrationalis, vt omnes sentire,
 non erit dicendus, imo maxime rationalis erit. cum enim
 ab ea, vel assumpta vel oblata, persentiant se admodum
 cruciari, eamq; ipsis aduersari animaduertant, si eā timēr,
 iure maximaque cum ratione timent, non secus ac sanus
 homo res virosas & abominabiles, noxam ab eis inferen-
 dam animaduertens, timeat auerfeturq; cum ei oblata
 fuerint. *hæc de timore aquæ & omnium liquidorum.*

In rabidis
an sit aqua
irrationalis
timor.

An in rabie
sit delirium.

An autem in rabie sit delirium, hoc non rationibus, sed
 particularibus experimentis est declarandum. Non pos-
 sum quidem ego negare, me nonnullos vidisse rabientes,
 qui non tantum delirarent, sed etiam furerent. plurimos
 tamen scio mente semper vsque ad vltimam vitę horam
 constitisse, cuius merito non possum deliriū huius morbi
 pathognomicum signum constituere. quod si a viris gra-
 uissimis aliter asseratur, hoc fuit, vel quia huius rei experi-
 mentum ipsi non habuerunt, vel quia tantūmodo deliran-

res rabidi ipsis curandi se obrulerunt. Ego autem testor, me vidisse & illos in quib. nulla vnquam minima fuit delirij suspicio: imo persuasi ad bibendum dicebant, Claudatis mihi oculos, ne videam, & omni conatu conicite ad intra es aquam, & omnia alia quæ in potu prodesse possunt. cumque dentibus fremere, moreque canum alios morfu petere ob virus rabidum cogerentur, precabantur astantes, vt eos valide continerent, ne e manibus eorum ad aliquem mordendum exilirent. eosdemque admonebant, vt ad os eorum manum vel aliam corporis partem non admoherent, ne ex ea propinquitate cogerentur eos dentibus petere. hos eosdem propriam miseriam & calamitatē lamentari noui, conquerentes morbi principium non valide oppugnatum fuisse, seq; in omnibus Deo maxima cum commiseratione commendantes, ab eo peccatorum veniam & vitam æternam implorantes audiui. hæc & similia vidi. quibus experimentis plena fide testificor, delirium necessario rabiem non consequi.

De conuulsione autem, quam author diffinitionū Medicarum ponebat rabiei coniungi, sciendum est rabiem sine conuulsione sæpius videri: in qua tamen rabie distensio neruorum & membrorum magna adest. distenduntur enim sæpe, motumq; patiuntur pandiculationi similem. quem aliqui obseruantes forsan credere conuulsionem esse, cum tamen conuulsio non sit, sed quædam membrorum distensio violenta, & non continua, similisq; pandiculationi. conuulsionem tamen veram in nonnullis etiam noui factam vltimis horis, cum maximo dentium stridore, genito ob muscutorum temporalium conuulsionem, compatientiū ratione cerebri affecti. Singultus etiā est si gnus nō perpetuum, nec omnibus commune, sed in aliquibus tantum apparet: & hoc, cum pessime habent, morteque appropinquante postridie vel eadem die periruri sunt.

Visis symptomatibus rabiem consequentibus, ex quibus clara supposuimus, obscura declarauimus; reliquum est, vt prospiciamus, an affectio ista, vt docuit Galenus ex antiquorum Medicorum sententia, quam omnis posteritas sequuta est, in intemperie calida & sicca, solidas hominis partes occupante, in illisq; in habitū redacta, consistat.

An in rabie sit cōnulsio.

Distensio neruorum rabies propria.

In rabido an sit singultus.

Lib. 2. pro præ rhet. com. 17.

*Rabies an
consistat in
intemperie
calida &
sicca.*

Opinio hæc quæ nulla fulcitur ratione, non minimam patitur difficultatem, quoniam & sensui & rationi contradicit. Sensui quidem, quoniam nullus rabientium a proprio habitu & temperamento ex aspectu immutatus apparet, cum nec in colore, nec in mole corporis, nec in facultatibus, nec in affectionibus, nec in vllis accidentibus sensibilibus, antequam rabiem incurrant, vllam mutationem subierint. Rationi autem, quoniam ex hoc supposito sequitur, intemperiem inæqualem esse insensibilem & innocuam; æqualem autem & hecticam manifeste dolorosam & sensibilem esse. Cuius tamen oppositum Galenus ipse docuit, experientiaq; dicat, a quibus habetur, quod, dum fit alteratio, per sentitur id quod alterat. cum autem alterata sunt corpora, & intemperies est in habitu, nec sensus nec dolor adest; cuius merito hectici nec febrile se sentiunt nec ex ea dolent. Nec si dicas, Intemperies ista sensum introducit, ideo, quamvis inæqualis existat, indolens est, cum ea quæ dolorem inuehunt, confectum agere debeant; difficultatem tolles, quoniam licet non esset dolor, esset tamē aliqua sensatio illius permutationis; quoniam etiam in his quæ sensum fiunt, licet omnis absit dolor, tamen aliquis est sensus illius alterationis in corpore. Vnde qui ex intemperie frigida ad calidam sensum transmutantur, temporis processu se calidos sentiunt. at homines rabientes nec, dum ad eandem disponuntur, nec dum eadem corripiuntur, vllam talem sensationem per sentiunt. præterea ubi in corpore humano introducta est aliqua intemperies insignis, eiusdem signa adsunt, nulla autem huius in tali casu indicia intemperiei reperiuntur. His alteram addo rationem manifestam. si hæc affectio in intemperie calida & sicca consisteret, possent patientes per refrigerantia & humectantia, sicuti per balneum aquæ frigidæ, præservari. quod nedum est falsum (cuius ratione in præsertione nulli scriptionum eius meminere) verum etiam totum oppositum operatur cum per id venenum hoc introcludatur, & ad intimas partes violentius impellatur, sicuti omnia refrigerantia exterius applicata hoc idem facere possunt. Quare intemperies hæc a rabie excludatur, & quemadmodum hæc, pariter & reliquæ omnes quæ

quæ minorem analogiam ad rabiem habent, non admittantur in casu isto, tanquam ex in quibus rabiei essentia consistat.

Febrem validam concomitari rabiem, nonnulli docuerunt. alij paruum & minimam dixerunt; cæteri autem ne huius quidem meminere. Non ratio sed experientia differt. *An rabiem febri comitetur.* crimen hoc dirimere debet. Quidam commorsus a cane rabido, ulcere iam sanato, in remediumque veneni nullo adhibito præsidio nisi pane & aqua benedicta, (vti consuevere vix plurimum nostri homines facere) a quodam sacerdote assumpta; exactis duobus mensibus, passus est ex vehementissimo ictu cõtuisionem ingentem in imo ventre. hinc cum male haberet, febre valida deprehensus est; simulque paulo post rabie correptus, tertia die delirans, furens & insigniter febricitans, omniaque symptomata rabietium patiens, misere vita functus est. Mulier quædam, cuius historiam inferius enarrabo, semper cum hac affectione febricula detenta est vsque ad mortem. Reliquorum rabientium quos ego viderim, neminem sensi vlla conflictari febre, nec huius adesse suspicionem, ne dixerim signũ, obseruavi. Hinc colligo, rabientes ratione proprii virus non febricitare: si autem aliquando febriant, hoc ex corporis præuia altera indispositione fieri.

Animalia rabida per morsum homini proprium virus communicare, omnes tradiderunt: an autem alia via eundem inficere possint, non ita constat. Quidam sensere, canis rabientis saliuam, si humanum corpus tantum contigerit, rabiem excitare posse, quod tamen nequaquam verum est, nisi aperta fissave cuti. non enim venenum istud eius est efficaciz, vt per solum contactum hominem cute integra inficere queat. imo in aliquibus hoc est adeo debile & segne, vt etiam per morsum non possit cõmunicari. hinc vidimus multos, a cane rabido commorsos, qui etiã nullo auxilio euasere, & a rabie præseruati sunt. non enim omnes quos petit canis, rabiem incurrunt, sed eos tantum quorum vlcera multa saliuam madefecerunt, incidere in hanc affectionem ex patientium relatione obseruavi. cum enim virus hoc segne sit in penetrando & in agendo similiter, nisi notabilis sit quantitatatis, (quoniam

Rabida animalia & lera morsum an per aliam viã possint virus communicare.

*Rabies per
saluam ore
delibatam
communi
cari potest.*

etiam deleteria pharmaca in minima quantitate nihil lædere, sicut nec scintillæ ignis vrere, possunt) vlceri non ita adhærere potest, vt altius permeare queat. hincq; multi, a cane rabido commorfi, nulla cum difficultate saluantur; illos autem, nisi valida administrentur remedia, vix præseruare queas. Quod salua ista per vlcus, aperta cuti, facere potest, idem efficacius aget, si quis eam delibauerit. vbi enim labia vel linguâ tetigerit, facillime penetrando rabiem introducet in hominem. ex quo casu narrat Hieronymus Cardanus, patritium Mediolanensem rabidum euasisse, cum rabientem canem quem suffocandum destinauerat, osculasset. Ex consimili causa notat Cælius Aurelianus, sarricem quandam, cum vestem, a rabido cane commorfam, ore & lingua ad eam sarcindam cōtrectaret, hunc morbum incurrisse. quod non ex alia potuit fieri causa, quam ex spuma panno immixta & ab ea delibata. huiuscemodi autem patientes, licet citissime validissimis curentur antidotis & medicamentis, vix mihi persuadere queam, præseruati posse. quod tamē nequaquam impossibile esse attestor, cum etiam aliqua nouerim antidota, quæ deteriora & validiora venena superare possint. hoc tantum fit dictum, vt patientes, Medicique manifestum & imminens conspiciant & animaduertant periculum. An autem ex solo afflatu canis rabidi, & ex eiusdem solo contactu & contrectatione, possit homini communicari rabies, vt notat Cælius Aurelianus; dixerim, me contactum & contrectationem solā ad hoc impotentem existimare, qui nouerim, sæpe eiusdem morsum ad hoc peragendum inualidum fuisse. Inspirationem autē non ita facile excludo, cū huius virus possit tanta esse analogia ad cerebrū, vt ex sola inspiratione & odoratu ei labes ista impartiri possit, cui tamē rei vllā nec vidi nec audiui experiētiā.

*Rabies an
per solum
contactum,
vel afflatū
possit commu-
nicari.*

Hoc virus per morsum homini communicatum adeo segniter agit, vt perniciem quam illaturum est, non ita cito proferat ac manifestet. hinc aliqui ad dies plures, alii ad menses, aliqui anno exacto rabie corripiuntur; in nonnullisque proditum memoriæ ab antiquis habemus, hunc morbum ad quintum, septimum & duodecimum annum dilatum fuisse. cuius rei si ratio perpendenda est, hæc erit.

*Rabies qua
re tardat a
morsu per
menses &
annos.*

Venena

Venena deleteria, & quæ toto genere humanæ naturæ aduersantur, a calore nostro vnquam nec euinci nec superari possunt, sed vel hausta vel eiacula, in corpore humano existentia, semper agunt, vitam oppugnâtes, in perniciemque tandem hominem ducunt. Actio ista alias cito alias tarde perficitur. huius diuersitatis ratio ex duobus pendet, videlicet vel ex violentia seu imbecillitate agentis, vel a fortitudine seu debilitate patientis. Ratione agentis nouimus, idem venenum modo suam actionem citissime, modo longo tempore edere ex eiusdem violentia vel maiori vel minori. hinc videmus, si sub Sole ardenti media æstate, vigente Canicula, quis a nō cicurato aspide percutiatur, statim interire; qui idem si hybernis temporibus cicurato existente aspide feriatur, tarde peribit. hoc venefici agnoscetes, venenum id quod velociter paucisq; horis vel diebus hominem enecare posset, ita præparant, vt idem remissa eius violentia longiori tempore efficiat. Ratione patientis, multos nouimus, qui eodem assumto veneno, diuersis temporibus extincti fuerunt, quoniam ad omnem actionē patientis dispositio requiritur, cuius merito imbecilla corpora citius, fortia tardius a veneno necantur. His stantibus dixerim, cum ex sui natura virus rabidum in agendo segne sit, nullo pacto ex morfu posse cito agere. cur autem in aliquibus citius, in aliis autem tardius, rabiem introducat, hoc ex patientis dispositione fieri assero. huius merito, eorum qui ab eodem cane commorsi sunt, alios vidimus duobus, alios quatuor mensibus, alios tardius rabie correptos fuisse, quoniā illi imbecilliores, isti fortiores existentes pro ratione dispositionis virus admisere. cum autem quædam corpora a natura robusta sint, partesq; solidas ita formatas habeant, vt facile externis resistent causis, si his communicatū sit virus istud, quod sui natura segne & tardum est in agendo; actio eius diu in eisdem protrahetur. cui si sorte addatur, quod victu hi vtantur qui venenum hoc hebetare possit, eique resistere; (sicuti est vsus vinorum potentium, radicū & herbarum acriorū, gulæ indulgentia & satietas) in his per multum temporis potest tardari rabies: quoniam cum venenum semper aliquid male disponendo agat, sed robore

corporis & victus ratione reluctante ulterius progredi non ita facile queat, res ad actum vltimum non nisi per multum temporis spatium, deduci poterit. vnde in his & per menses & per annos poterit tardari rabies: quæ tamen, nisi virus illud potentibus & validissimis antidotis superetur, inevitabiliter succedet, quoniam hoc venenum vi naturæ nec excludi nec expugnari potest, sicuti & cætera deleteria, quæ nunquam a calore nostro superantur: cuius ratione nec e corpore ex naturæ operatione excernuntur, nec quo ad facultatem virulentam euincuntur.

Virus istud, quod in tot generibus animantium procreari, hominique per ea impartiri nouimus, considerandum est, an in homine ipso, nullo extrinseco accedente contagio, a principiis internis fieri possit. Dictaret ratio quidem, cum omnium assensu venena deleteria in homine generari possint, etiam hoc virus non excludendum esse, non magis distante homine a fera & serpente venenum ei aculante, quam ab animalibus quæ in rabiem procliuia sunt; imo maiore cum his, quam illis, analogiam habente: tamē cum nulla antiquorum autoritas hoc attestata sit, qui semper rabiem ex contagio, non sponte homini accessisse docuerunt, non videtur hoc ita facile admittendū esse. Si tamen experientia difficultatem istam dirimere potest, dicam, quid viderim ipse in particulari casu quem nunc explicabo. Mulier annum agens trigésimum sextum, febre languens, me ad eam curandam accersuit. inuenio eam febre pestilenti detentam, curationem aggredior, sanitatique restitutam die vndecima eam relinquo. totidem diebus interpositis, dysenteria admodum dolorosa, addita febre, affligi cœpit. me iterū aduocat: morbum oppugnare incipio, septemque diebus morbum supero. febricula quædam remansit, quam cum curare delibero; superuenit mulieri maxima omnium liquorum auersio. tantaque, vt non modo quæ ipsi offerenda erant, tum medicamenti tum cibi ratione, perhorresceret & abominaretur, sed etiam, vt astantes (nam media erat ætas) etiam bibentes coram ea sustinere non posset. hanc rabie correptam ex hoc solo symptomate deprehendi, quod adeo deinceps auctum fuit, vt nihil admitteret, etiam in thalamo,

*Rabies a
principijs
internis an
in homine
generari
possit.*

samo, liquidi asportandum esse. & non modo potum simplicem, sed etiam omnia cibaria liquida abominaretur. cumque solida alimenta ratione febris & longitudinis morbi non ita facile admitteret, in viriū prostrationem delapsa est: non tamē cito periit, sed ultra septimam producta est a die in quo humida auersari cœpit, octauaque die defuncta est. in qua muliere nullum aliud symptoma, ex his quæ retulimus concomitari rabidos, fuit, præterquam liquorum omnium auersio; menteq; semper constitit: nec de villo vnquam conquesta est, nisi cum liquida admouerentur. quo tempore adeo afflictabatur, vt horrendum quid esset, ipsam conspiceret. reliquo tempore semper quæta fuit, interrogataque a me, an vnquam a cane rabido commorsa fuisset: certo affirmabat, nunquam se a cane nedum rabido, sed nec etiam sano, tactam fuisse, cum nec domi vnquam canem educasset, nec externis vnquam communicasset. Mater autem præsens, interrogata a me an meminisset, filiam, dum puella esset & in ætate infantili, cuius ratione ipsa non recordaretur vnquam commorsam ab villo cane, attestabatur certissime, filiam nihil tale vnquā passam fuisse. Quare hinc dubitare cœpi, an homo a principiis internis posserrabiem incurrere. cum enim hic de cōtagio nihil constaret, hydrophobiaque ista non esset coniuncta cum his symptomatibus quæ rabidos homines, a rabientibus animalibus commorsos, concomitati consueueret; suspicatus sum, factum esse a causa interna; & cum non fuerit communicata a furente & rabida belua, ideo eam extitisse cæteris mitiorem: nisi dixerimus remissam fuisse eius perniciem ob antidota assumpta in curatione pestilentis febris, & propter notabilem prauorum humorum in dysenteria excretorum euacuationem. Ultra hanc experientiam ad idem suspicandum me persuadebat Cælii Aureliani auctoritas, docentis certo fieri nonnunquam in homine rabiem absque manifesta causa; Soranique historia narrantis, se vidisse infantem vbera expauescentem, nullo præcedente contagio, ad hoc idem arbitrandum me admonebat. Quid tamen in hac re sit sentiendum, certoque affirmandum, ego non decernam: sed cæteri his propositis animaduertant iudicentque, an homo a causa interna,

nullo accedente contagio, possit ex se rabiem incurrere.

His ad declarandum huius affectus essentiam præhabitis; (ex quibus pateat, rabiem non timorem aquæ irrationabilem esse, sed affectionem præternaturalem, a viru rabidi animalis ex proprietate agente concitatā, vna cum auersione liquidorum omnium, ob læsionem ingentem quam iisdem assumptis vel oblatiis perferunt patientes) reliquum est, ut ad curationem descendamus, eiusdem signis prius declaratis & expositis. non cogniti enim morbi nulla fidelis & opportuna potest esse curatio. Signa hæc in triplici sunt differentia; alia futuri; alia præsentis morbi sunt; alia vel salutem vel mortem prognosticantur. Per hæc signa futuram rabiem in his quos commotos nouerimus a rabido animalanti, deprehendemus, videlicet ubi in patiente insolita fuerit anxietas, impotentia ad omnem actionem, iracundia sine causa, stomachi vellicatio, mentis cōturbatio, timor sine ratione, somni perturbati, aquarum abominatio, pluraq; alia similia accidentia. Sed ultra hæc signa vnū ego præcipuum & infallibile animaduerti, quod omnibus ignotum ex minima huius rei experientia fuisse credo. & hoc signum est dolor quidam in loco iam commorso, licet vlcus antea per dies & menses integre fuerit sanatum, accedens, qui intentus esse non consuevit, nisi morsus partē neruofam petierit. hic dolor a loco iam commorso incipiēs, leuiterq; patientem affligens, per partem post partē spatio trium aut quatuor dierum, aliquando paulo plus, aliquando paulo minus, ascendit ad cerebrum: cui cum communicatus fuerit, in eo quasi vertiginem causat, simulq; confusionem quandam, quorū merito modo ad hanc partem modo ad illam declinātes recta progredi nequeunt; indeq; statim in rabiem homo deducitur. hoc signum animaduertant hi, quibus offeruntur commorsi a rabiente bellua: quoniam tunc res est in præcipiti casu, de proximoq; perniciēs quæ latuerat, propalanda est. & si prædicta omnia coniecturam futuræ rabiei inducere possunt, hoc vniciū præ omnibus certam imminere declarat. Quæ ubi accesserit, omnia iam enarrata superius signa ipsam præsentem demonstrare possunt, quæ cum iam sigillatim explicauerimus, dum rabiem hominis

nis

Rabiei futura signa.

Rabiei præsentis signa.

ais perſcrutemur, hic non erunt repetenda. hoc vnum tantum dixerō, quod facta rabie manifeſte patientes aquam & omne liquoris genus abominantur, ac fugiunt, & ab his, tū aſſumtis tum oblatis, ſummo opere laeduntur. hicque eſt præcipuus character quo dignoſcere poſſumus, certo factam eſſe & confirmatam rabiem. Quo tempore ſolent vtplurimum omnia excrementorum genera retineri. In vno tamen vidi, ego excretam maximā & ingentē vrinæ copiam, ſine vllō egrotantis ſenſu. Dum hi comedunt, cibariaq; ſolida aſſumunt, licet quoquo pacto difficulter deglutiant, auide aliquando comedunt. Vidique aliquos ſimul carnes & oſſa apprehendere & conterere, & ita facile eſitare, vt proſecto non adeo facile canes ipſi oſſa edant. Arabes alterum addidere ſignum confirmatæ rabiei, videlicet vrinam nigram, in qua excernantur carunculae, quæ viuas canum imagines repræſentent. Quod hi vrinam mingant nigram, non poſſum ego atteſtari, qui viderim lotium in multis a ſanorum lotio parum immutatum, in aliis autem immutatum quidem, ſed non nigrum. Quod autem in lotio iſtorum appareant viuæ canum imagines, credo meram fabulam eſſe, remque poetis non medicis dignam. omni enim diligentia adhibita, hoc eſſe mendacium comperi, cum nec carunculas nec imaginem aliquam vnquam perſpexerim, nec alios præter Arabes hoc vidiffe audiuerim. quapropter problema illud in quo quaeritur, quomodo in laborantibus hac ægritudine poſſit excerni lotium, in quo canum imagines appareant, mea ſentētia Medico & Philoſopho indignum eſt. Medico quidem, quoniā cum ipſe artifex ſit ſenſatus, nec ſenſu hoc deprehendatur, huius cauſa ab eo quaerenda non eſt; Philoſopho autem, quoniam hic veritatem, non fabulas, indagare debet. Signa prognostica proponenda pauca erunt, quoniā duo ſolum pro prognostico ſunt animaduertenda, videlicet an tantum ſint præſudia futuræ & imminuentis rabiei, vel an ſit iam rabies iplā facta. Stante priori caſu, ſperanda eſt ſalus, poſſibilisq; eſt curatio, ſi morbus validis non leuioribus oppugnetur medicamentis, quoniam nondum in totum virus iſtud membra expugnauit principalia: quæ vbi occupauerit, perniciemq; ſuā

Vrina rabientium an ſit nigra, & an in ea ſint caruncula canibus ſimiles.

Rabiei ſigna prognostica.

propalauerit, eius sum sententiæ, vt etiam sensere nobiliores artis nostræ proceres, impossibilem esse curationem. quàm tamen vix apparente morbo tentandam censeo, cum eo tempore, dum incipit, nondum confirmata in totum sit labes ista; confirmatam enim remediis nec oppugnari debere nec expurgari posse opinor. Si autem Dioscorides testatus est, Eudemum vnicum hoc morbo laborantem curasse, Themisonemque medicum ab hoc eodem euasisse, dum hæc vera existant, inter admiranda opera & quæ supra hominum vires sint, adnumerentur. cum enim ab eo tempore citra per tot sæcula nullam habuerimus historiam attestantem, confirmatam rabiem sanatam fuisse, in dubium mihi reuocatur de fide horum scriptorum. Quod si vere hi ex hoc morbo saluari sint, in eam eo sententiam, vt incipienti non progresso morbo reluctatum sit. Themisoque facile potuit euadere, cum ex leui contagio (non enim a cane commorsus fuit, sed tantum amico rabienti communicauit) in hunc incurrisset morbum. Noui quidem, Scribonium Largum meminisse cuiusdam barbari, qui in insula Creta, mercede publice accepta, cum hi liquores abhorrent & latratus ederent, spasmoque vexarentur, remedium brachio sinistro alligato adhibebat, ita vt in posterum potionem acciperent, & vitio liberarentur. Sed cum ipse hoc pro vero non attestetur, imo dicat, hanc fuisse opinionem quæ ad eum peruenit; in eadem persisto sententia, vt progressum & iam factum morbum nullo pacto ars nostra expugnare possit. Signum illud ab Auicenna positum, quod in eis patientibus qui propriam imaginem in speculo cognoscant, curabilis sit affectio ista, fallax deprehendi. qui enim non sunt delirantes, se ipsos agnoscunt: & tamen ex confirmata rabie non saluabuntur.

Positis signis, curatio superest declaranda. quoniam autem præseruatio est quædam curatio, ideo ab hac auspici, ita rem istam ordiemur. Virus suum homini animalia rabida duplici via communicare docuimus, videlicet vel per morsum, vel per contactum linguæ & labiorum. Vbi morsu animal rabidum hominem petierit, (quoniam non omnis morsus, vt superius innuimus, hanc luem imparti-

tur)

rur) statim experiri debet Medicus, an per hanc virus istud *Rabiei pra-*
 sit communicatum, nec ne: quod percunctabitur, si nuces *seruatio, cū*
 iuglandes optime tritas, vel micas panis vel triticum com *per morsum*
 mansum, vlceri imposuerit, postridie autem pullis gallina- *commun-*
 ceis edenda præbuerit. si virus vlceri impartitum fuerit, *catur.*
 ex his intereunt pulli; sin minus, nequaquam morsus fuit
 virulentus. si tamen morsus fuerit præualidus, carnesque
 plurimum lacerauerit, vel si partem neruofam (per neruos
 enim facilius hoc virus suscipitur) tetigerit, licet in eo mi-
 nima morsuræ vestigia appareant; conijciendum est abs-
 que vlllo experimento, virus illud vlceri per contagium
 inhzere. Hoc cognito vel ex medici coniectura vel ex-
 perimento, duo præcipue agenda sunt: primum omni co-
 natu eniti debemus, vt venenum illud a vulnere extraha-
 tur, antequam altius penetrauerit: secundum, vt partes in-
 ternas ita muniamus & defendamus, vt venenū a se pro-
 pellere & superare possint. & si qua eius pars per ambitum
 corporis propagata sit, a partibus principalibus reuellatur
 & educatur. Quibus autem medicamentis ambo hæc
 sine peragenda; Dioscorides, cæteri q; authores qui in hac
 curatione plurimi fuere, adeo perfecte & diffuse explica-
 uerunt, vt superfluum esset ea omnia hic repetere. pauca
 tamen rem ipsam perstringens referam, & ea præcipue
 quæ ego in tali curatione expertus sum. Pro prima inten-
 tione vlcus non consolidandum, sed dilatandum est, attra-
 hentibusque medicamētis exasperandum. ita enim agen-
 tes, virus illud euocabimus dissipabimusque. pro dilata-
 tione, vbi vlcus sit angustum, circuncidatur caro: pro at-
 tractione fiant scarificationes & applicentur cuturbitulæ;
 quibus peractis, imponatur vlceri Theriaca oleo rosaceo
 eliquata, vel Diadictamū, vel Cerine, quæ potētissima sunt
 in tali casu. Si tamen locus toleraret, coniecturaq; sit cer-
 ta de communicato viru, statim inuratur vlcus candenti
 ferro. hinc enim absque vlla difficultate omnem veneno-
 sitatem superabimus, vlcusque deinceps tuto consolidare
 poterimus. Si autem locus commorsus vel æger vltionem
 (quod sæpe contingit) non admissit, prædicti sagatur,
 vel saltem vlceri ad eandem intentionem applicetur em-
 plastrum a Dioscoride desumptum, quo frequenter vsus

sum cum felicissimo successu in pauperibus, & corporib. durioribus, & in his etiam qui chirurgicam manum non admittunt, ex allio, cepa & granis tritici comansis compositum. hoc attrahit, euocat & exasperando etiam vlcus dilatat. quoniam tamen aliquando est valde dolorosum, interpositis dieb. repeto, vel diluo cum oleo de hypericone, vel lubricato, vel simili, extracto & euocato veneno: quod conicio tum ex experimentis supra expositis, tum ex appositione medicamentorum. vltra Diadictamum & Cerine interdum vsus sum medicamento Galeni ex pice, opoponace & aceto, vt hinc diutius apertum detineatur vlcus, & vt si quid eius virus forsan latuerit, in totum absumatur. hac ratione pertractandum est vlcus, moneoque vt nullo vnquam pacto negligatur. Si enim hoc recte curatum fuerit, nihil inde erit timendum. hæc enim est præseruationis potissima pars, tâtaq; vt neminem viderim nec audierim, cuius vlcus recta cum ratione fuerit pertractatum, rabie correptum fuisse. Pro secunda intentione & medicamentis opportunis & recta victus ratione agendum erit. Victus ratio ea sit, quæ venenum refragere & hebetare possit, & quæ idem ad viscera penetrare prohibeat. Vnde vinum potens & dulce, radices aciores, vt allium, cepa, porrum, raphanus, smirniũ, olera acria, semina odorata, sinapi, aromata, cãcri fluuiales, caricę, nuces iuglandes, amygdala, præcipue amara, & similia in vsum veniant; cibis & potus sit copiosus; fames & ieiunium & omnia quæ corpus exinanire possunt, vitentur; caueantq; a tactu & vmbra earum plantarum, quas diximus virus istud, longa testante experientia, excitare posse. Medicamēta sint antidoti, quarum plurima est sylua apud scriptores, ad quos legētes relego, inter quas Theriacam omnibus præfero, cuius in hoc casu frequentem & felicissimum habeo vsum. Mithridatum etiam optimum erit. Gentianam sæpe exhibui; hisque propinatis aliud medicamentum non desideravi. Cancerorum fluuialium, qui adeo in morfu rabido ab antiquis celebrantur, vt his primas attribuant, vsum nec habui nec vidi, ceterasque antidotos, vel antiquas vel nouas, nunquam expertus sum. Ea autem quæ a propria substantia agere dicuntur, sicut hepar vel dens canis rabidi,

experiri

experiri non potui; cumque hæc ex Galeno suspecta ha- *Lib. II. de*
 berem abominarerque, nec quæsiui nec inuestigauī. *simpl. med.*
 Sanguinis missio, quam nonnulli in tali casu proponunt,
 omnino vitanda est, vt quæ exinanitis venis altius pe- *An in pra-*
 netrare virus permittat. Purgatio autem quam alii lau- *seruatione*
 dant, inconsulto ac sine methodo iniretur. cum enim *a rabie sit*
 humores nondum labe ista sint coinquinati, nulla datur *secunda ve-*
 indicatio, vt eos euacuemus. quos tamen si qui audaces *na.*
 euacuare tentauerint, nouerint etiam maiorem vene *An in pra-*
 no penetrationem dedisse, & vi medicamenti ad inter *seruatione*
 nas partes virus illud attraxisse. & hac de commorsis ab *a rabie sit*
 animantis rabiente, quæ statim medico se curan- *purgatio*
 dos exponant. Cuius si oppositum contigerit, videlicet *tenenda.*
 quod tarde, diebusque pluribus transactis & forsan men-
 sibus, vlcereque adhuc aperto, medicos consulant; am-
 plius nec vlcus inurendum, nec scarificationibus, cu-
 cutbitulis, emplastrisque nullis exasperandum est. iam
 enim virus penitiores partes adiuit, ægerque nullo com-
 modo ex illis cruciaretur. Moneo tamen, vt in partis
 commorsæ loco opportuno fiat exulceratio, vel actuali
 vel potenciali cauterio, quæ diu aperta teneatur, per cuius
 continuatam euacuationem possumus aliquam sperare
 virus & euocationem & vacuationem. Vnde pars comor-
 sa non ita patietur, vt cōdolens facile altius suum virus
 cōmunicare possit. Quod si vlcus fuerit consolidatum, eo
 magis hæc exulceratio fiat, tuncq; validissimis antidotis a-
 gendum erit, purgationesq; validæ maxime conferre po-
 terunt, prius præparatis recte humorib. peccantibus. con-
 coquentia sint ea, quæ retulimus in curatione febris pesti-
 lentis: medicamenta autem purgantia sint validiora, qua-
 lis est hiera diacolocynthidos, hiera logodion, pilulæ
 cochix, pilulæ de nitro, pilulæ de lapide lazuli, pilulæ scæ-
 ridæ & omnes quæ gummata recipiunt. omniū tamē ho-
 rum validissimum, & utilissimū medicamentū est ellebo-
 rus albus, de quo inferius agam. repetantur hæc euacuatio-
 nes, & ad euacuandum venenum cum his veniant in vsu
 frictions asperæ, sinapismi, dropaces, exulcerantia, sudo-
 rem provocantia, & omnia ea quæ venenum ab internis
 euocare queant. An hic venæ sectio, sicuti pharmacia,

*Purgatio
 quando com-
 ferat in pra-
 seruatione
 arabie.*

conueniat, ego qui in omni veneno, siue hausto siue ciaculato, semper venę sectionem abhorreo (vt quę vires debilitare, venenum exagitare, eiusque violentiam & venenositatem non refringere potest) hanc euacuationem vitandam censeo, & eo magis, cum notum sit virus hoc rabidum. quod adeo segne & tardum est, vt multo tempore egeat ad suam proferendam perniciem & virulentiam, ac non ad spirituofam partem contentorum, sed ad crassam (qualis est pituita & melancholicus humor) analogiam quandam habeat. *Et hac de commorsis, dum adhuc non adsunt signa instantis rabies.* Si autem huius indicia accesserint, hic non segniter agendum est, sed raptim ad validissima deueniendum. quare hic, adhibitis frictionibus asperis, sinapismatibus, dropacibus, præcipue autem exulcerantibus, quę potissimum ex cantharidibus formantur, cum in tali morbo multum celebrentur & prodesse possint, exhibeantur antidoti magnę, quę in dupla ad minus sint quantitate eius qua vtimur in præseruatione prima. Vnde vel mithridati vel Theriacę non minus, quam duarum drachmarum pondere, exhibeatur, cum vino potentissimo dilutę; repetaturque singulis diebus summo mane, ante cœnam Gentianam vel aliud opportunum medicamentum exhibendo. si quid tamen in tali casu prodesse poterit, hoc vnum erit elleborus albus, ab antiquis valde celebratus, qui admirandus est in hisce affectionibus. quare statim, nulla interposita mora, administretur & exhibeatur, prius tamen ad hunc quoquo pacto corpore præparato. Quoniam autem huius celeberrimi medicamenti fere obsoleuit vsus, scioque plurimos Medicos nostrorum temporum, autoritate quorundam Arabum deterritos, ab eo tanquam a veneno abhorrere; hic de eo verba facere decreui, vt omnes moneam, tuto in pristinum vsum reuocari posse: quod meo periculo tentavi, felicemque eius vsum comperi. Cum enim viderim, diuinum Hippocratem, artis nostrę fundatorē, huius medicamenti quotidianum habuisse vsum, Galenumque, eius sectatorem eodem vsum fuisse, ceterosque antiquos scriptores hunc summopere celebrare; admirabar, quare nostris temporibus ad purgationes a Medicis non admitteretur: cum

hodie

*Elleborus
albus.*

hodie idem sit cælum, quod Hippocratis & Galeni aliorumque ætate fuit, eademque sint humana corpora, ijdemque morbi vagentur. quo stante, quid causæ esse potest, ut homines nosti. hoc idem medicamentum hisce temporibus tolerare non possint? hac ductus ratione, data occasione, ausus sum eo uti. sed ne nouitate rei deterriti homines hoc auerfarentur, incœpi primo eius infusionem exhibere. quam cum profecisse, nullo subsequente incommodo, comperissem; cœpi eius decoctionē feliciter propinare. tandem nullo deterritus exemplo, eundem in substantia & in puluere comminutum administraui, experientiaque testante, noui hoc medicamentum vtilissimum esse, omnique periculo, suffocationis cæterorumque accidentium ipsi a scriptorum, si recte præparatum exhibeatur, carere. Hanc præparationem & modum exhibendi, quo ego vtor tum in infusione tum in decoctione, omnibus patefacio. Accipio drachmam radicis ellebori albi electi & optimi; (quibus notis hoc deprehendatur, a Dioscoride cæterisque hanc materiam tractantibus habeatur) infundoque in cyatho vini albi potentis, quod ad ignē calefacio, & per totam noctem quiescere sino. Summo mane vinum calidum exhibeo. hoc idem per acetū mulsum, in quo elleborus per diem & noctem ad Galeni imitationem infusus extiterit, facio. hoc enim leniter purgat. si validius medicamentū desidero, eundem in simili quantitate vini bullio, postea hoc vinum reiicio. alterum superinfundo, quod iterum bulliat, per noctemque ita maneant. summo mane vinum hoc colatum exhibeo. si aut adhuc potētius desidero, vinū illud primū non reiicio, sed ex eodem factam decoctionem assumo. Vbi veto maiori efficacia & robore indigeo, elleborum ipsum hac ratione præparatum adhibeo. Collectis radicib. ellebori albi, nostrate autem, quod non ita ut externum est validum, a quibusdam ministris hoc modo præparato vtor, purgatisque a terra & ab omni superfluitate, acetum album optimum assumitur, in quo eadem radices decoquantur. quod vbi parum ebullierit, reiiciatur, nouumque superinfundatur, iterumque in hoc illæmet radices decoquantur, quæ vbi molles ex coctione fuerint, satisque coctæ appareant, per-

*Elleborus
quomodo
exhibendus
in infusio-
ne, decoctio-
ne & in sub-
stantia.*

*Ellebori al-
bi & fer.*

colentur, supra panum in tabula extendantur, siccatique sub umbra finantur. hæc siccata in puluerem, non tamen admodum tenuem, comminuuntur. cuius si drachma vel paulo minus exhibeatur, adeo copiosam per vomitum educit materiam, præcipue autem pituitosam, ut sit mirum; nulloque fete tentat patientes incommodo, præterquam eo quod consuevere ægrotantes in simplici vomitu pati. animaduertatur autem in huius exhibitione, quod semel exhibitus in vehementibus morbis parum prodest, sed si interpositis tribus aut quatuor diebus vel paulo plus repetatur, adeo potenter rebeiles humores educit, ut etiam fere insuperabiles morbos soluat. Hoc utôr, habita semper ratione habitudinis subiecti (nam in debilibus, timidis & extenuatis corporibus, & etiam in his qui angustum thoracem & iccirco pulmonem compressum habent, tale vitandum est medicamentum. quoniam hi & ad vomendum omnium sunt ineptissimi, & ex vomitu in periculum diruptionis eorum vasorum quæ in instrumentis respirationi inseruientibus sunt, deducuntur) in maniacis, melancholicis & his qui a spiritu malo detineri existimantur, & in cerebri antiquis passionibus quæ per consensum partium inferiorum factæ sint. Vssus sum in quartanis & cæteris similibus morbis, in quibus prauæ fuerint ventriculi & hypochondriorum a copia materiæ antiquæ indispositiones, quas aliquando vnica exhibitione solutas vidi. in his tamen omnibus ante pharmaci exhibitionem materiæ peccantis præparationem procuro, aluumque valde lenio. euacuationis tempore vomitum, ubi sit difficilis, iuribus pullorum pinguibus, oleo addito, bis & ter iisdem repetitis, modo a cibo modo ieiuno existente ventriculo, facilem reddo. Quod idem pharmacum in thoracis affectibus semper vitauî, ab omnibusque pariter vitandum duco. nam hoc ex se difficultates spirandi causat, & suffocationis periculum in aliquibus minari videtur. ex quibus liquet, quantum thoraci elleborus infestus sit: vnde nec in tussibus molestis, nec in sanguinis reiectione, nec in ulcere pulmonis, nec in suffocantibus morbis, nec in asthma ipso, licet Auicenna in hoc affectu contra veterum dogmata & aduersus rationem hunc probeat, nec in aliis pe-
ctoris

etoris morbis exhibeatur. supernæ enim euacuationes his affectibus, vt monet Oribas. libro 7 collect. Med. cap. 26 ex Rufo Ephes. infestæ sunt, & præcipue quæ ex elebore fiunt. Quod idem Aetius libro 3, cap. 121 expresse habet, & Paulus libro 7, cap. 10 sub nomine morborum suffocationem minitantium docuisse videtur. Hoc igitur medicamentum, habita prius & morbi & subiecti ratione a medicis, in pristinum reuocetur usum, apparentibusque instantis rabiei signis, statim exhibeatur, interpositisque paucis diebus, vt dixi, repetatur. quo si nou superetur morbus, res in angusto est posita, cum nulla spes in alio medicamento maior quam in hoc, reponenda sit. Hæc *Rabiei præ-*
remedia, quæ apparentibus rabiei signis administranda *seruatio, cū*
docuimus, statim eadem in his qui labiis vel lingua virus *seruo per la-*
hoc delibauerint, agenda erunt. nam hinc morbus sub- *bia & lin-*
ito imminet, qui non mensibus sed paucis diebus propa- *guam fuerit*
landus est. *hac de præseruatione instantis nō instantis &c*
rabiei: curationem ipsam nunc aggredior. commun-
catum.

Superueniente ipsius aquæ & omnium liquidorum a-
uersione, facta est rabies, morbusque grauissimus euasit, qui *Rabiei fa-*
adeo lethalis est, vt ni ope diuina saluentur ægrotantes, *ta curatio.*
auxilia humana incassum ab his imploranda esse censeam.
Vnicum tamen propositum est ab antiquis ad hoc reme-
dium; videlicet aquæ dulcis balneum, eiusdemque potus: *Balneum a-*
quo, eorum autoritate fretus aliquādo expertus, nullam *qua dulcis*
in eo vtilitatem inueni. imo cum plurimum huius non- *an sit conue-*
nulli potassent, plurimum etiam detrimenti hinc eos con- *niens reme-*
sequutos noui. quam rem cum accurate perpenderem, ra- *dium in ra-*
tio & frustrata experiētia me, vanū esse remediū istud, cre- *bie, & eius-*
dere coegerunt. quæ enim potest esse causa, ob quā rabidi *dempotus.*
a copioso aque potu iuuentur? num quia cum hic morbus
positus sit in intemperie calida & sicca, hæc intemperies
facile a copioso potu extinguitur? at declaratum est, hunc
morbum non in intemperie consistere, nec tantam cali-
ditatem ac siccitatem in rabidis deprehendi posse, quam,
si ea etiam adesset, cum sit in habitu, hecisticaque facta sit,
vnico potu solui non liceret; sique hoc aliqui de caliditate
existimarent, tamen quo ad siccitatem impossibilis cura-
tio est iudicanda. Et si potus aquæ solus posset morbum

hunc factum superare, quanto magis commotos præseruare valeret, cum multo facilius sit, intemperiem inæqualem quam æqualem remouere? at nec ad præseruandum balneum seu potus aquæ est potens remedium, nec ad curandum, imo cum ingens antipathia sit inter aquam & virus istud, vt supra monstratum est, epota aqua semper detrimento erit patientibus, cuius merito & maxima cum

*Lib. 4. Fen.
6. tract. 4.
cap. 7.*

ratione ab Auicenna dictum fuit: *Et quandoque sorbet ex ea, quare strangulatur per eam & moritur.* quapropter non fidant Medici huic remedio, vtpote vano & contra rationem administrato. An autem illud medicamentum ex cantharidibus compositum ab Auicenna prodesse possit, alii experiantur. Ego hoc non sum ausus vti, dubitans, ne ex ingenti introducta vesicæ læsione afflictionem afflicto adderem. Pilulas ex Castoreo & lathyride a Galeno propositas aliquis exhibere posset, sed leuamen morbi non salutē speret: sicuti nec ex elleboro albo, quem maxime in rabie commendo, omnibusque præfero, si in primo morbi insultu, vixque eo apparente incipienteque, non autem in confirmata aquæ auersione, exhibeatur. tūc temporis enim prodesse poterit, vt Dioscorides testatus est: quem tamen, & eiusdem testimonio & experientia approbante, vbi omnino ægri manifeste aquam & cætera liquida fugiant, factaque integre sit rabies, nullo modo prodesse nouimus. Qua de re mea sententia omnia in vanum tentabuntur auxilia, nisi forsitan quædam exhibeantur antidoti, non ad soluendum morbum, sed tantum ad remittenda symptomata, quæ in his verenda & horrenda sunt. ad quod idem facient exterius applicata, sicuti exulcerantia, sinapismi, inunctiones, & omnia ea quæ ad extra virus euocare, & simul quæ omnia viscera & præcipue cor

*Antidoti
quare aliquando
exhibenda in
rabie facta.*

*Sectio Venæ
an in rabie
conueniat.*

*Amuleta
proposita in
rabie an prodesse possint.*

roborare possunt Qui cogitarunt in hoc casu de sectione venæ, proponunt remedium ad accelerandam mortem; tum quoniam in confirmata rabie vires labant & languidæ sunt, tum quoniam ex hac euacuatione nullo pacto virus ipsum oppugnatur. Amuleta proposita, sicuti aqua ea in qua ferrum intingitur, artifice inscio, exhibita, dens canis rabidi alligatus, corium Hyænx (quod pro secrete habebat Zopyrus Gordienfis Medicus) panno inligatum, &

confi-

confirmilia veniant in vsum his qui credunt ea prodesse posse, & qui eorum certam habeant experientiam. ego his parum fido; eiusque sum sententiæ, vt in confirmata rabie omnia incassum administrentur, nullaque sit in ea spes salutis. Quare nec alia proponam remedia, nec in imperanda victus ratione admodum ero sollicitus. Sed vnicum hoc tantum proponam præceptum, videlicet vt cibaria laudabilia & boni succi, ne exacerbentur morbi symptomata ex prauo victu, exhibeantur. quæ vbi in substantia solida fuerint, a rabientibus in vsum alimenti facile, vt interdum vidi, assumuntur, nec tot ad facilitandam cibi assumptionem erunt paranda, quot docent qui sorbilia exhibenda esse iudicant.

De motu Conuulsivo. CAP. XX.

QVONIAM de rabie agentes, eiusque symptomata explicantes, posuimus hanc semper concomitari distensionem membrorum, affectum pandiculationi similem, raro autem conuulsionem, sciendū est, inter hos duos motus dari tertium medium, qui sine distensione & sine conuulsione fiat. Hic motus fit, retractis ad propria principia neruis, & membris motui voluntario deseruientibus, cum quadam concussione & vibratione, vt videatur neruorum palpitatio vel vibratio, correspondens motui pulsus vibrantis. consuevit hic motus admodum affligere patientes, & eos detinet aliquando per menses & annos, sed diuersimode. in aliquibus enim hic motus antiquatur & consenescit, continue affligens; in aliquibus autem periodos habens, vt cōtingit in epilepticis accessionibus, per intervalla repetit & molestat, nisi factus fuerit in morbis acutis. hic enim morte præueniente cito terminari solet. Hic motus, qui aliquando valde dolorosus est, aliquando autem non dolorosus quidem, sed valde molestus ratione concussione & vibrationis existit; raro occupat totū corpus, creberrime autem modo dextram modo sinistram partem, rarissime autem vnicum membrum. qui cum violentior est, causat distensiones membrorum laxas & admodum dolorosas, a quibus summo opere languentes cru-

Motus conuulsivus.

*Conuulsium
quid differat
a nervo-
rum disten-
sione.*

*Motus con-
uulsium
quid differat
a conuul-
sione.*

*Motus con-
uulsus cau-
sa.*

ciantur. quæ si inualeſcant, & partibus ſuperioribus ac cerebri ipsi interdum communicentur, ſolet inducere affectum epileptiæ ſimilem. concidunt enim cum deperditione ſenſuum, & per interualla quaſi ſalientes conuelluntur, cum tamen epileptia non ſit. in his enim non emittitur ſpuma ad os. nonnullosque vidi, dum hoc detinerentur affectu, licet omnes cæteros ſenſus amiſſent, auditum tamen ſeruaffe. Motus hic differt a diſtentione neruorum, quoniam in hoc non diſtentione, ſed eorum contractio, licet non continua, adest. differt autem a conuulſione, quoniam quamuis in conuulſione pariter ac in motu iſto, retrahantur nerui, & muſculi a cauſa præter naturam ad propria principia; tamen hæc adest differentia, quod in conuulſione vera, ex retractione neruorum & muſculorum, membra remanent rigida, ſicuti ſit in tetano, opiſthotono, emproſthotono, riſu ſardonio, ſtrabiſmo, & ſimilibus conuulſionibus: at in motu iſto membra rigida non redduntur, ſed quaſi ſaliendo concutiuntur & vibrantur, ſitque in neruis iſtis motus palpitationi ſimilis. Hunc motum & hanc differentiam non aduertentes multi Medicorum motum hunc conuulſionem appellarunt, cum tamen nequaquam conuulſio ſit, & ab ea differat non tantum eſſentia ſed etiam cauſa. Conuulſio enim duplici ſit ratione; alias enim ſit ex inanitione, alias ex repletione; ſit ex inanitione, exſiccatis & inanitis neruis; ex repletionem autem, dum materia vel ſtatu iidem replentur: & in vtroque hoc caſu ſemper tenduntur membra, & rigida manent vna cum notabili dolore. At motus iſte, de quo loquor, nunquam ab inanitione: quoniam nerui exſiccati cuiſcunque motui, ne dicam concuſſioni ac vibrationi, inepti ſunt; ſed nec etiam a repletionem eorum, quoniam nerui repleti, ſeu a materia ſeu a ſtatu, cuiuſcunque ſit in chordis humore aliquo madefactis, ſemper rigent, non autem concutiuntur, nec vibrantur. Cuius autem ratione fiat motus iſte, hinc pateat, cum ex notis cauſis in cognitionem eorum quæ non ita in aperto ſunt, deuenire poſſumus. In vulneribus capitis lethali- bus ſolet hic motus, dum deterius habent, ſuperuenire in oppoſita loci affecti parte, his quæ e directo ſunt, paralyſi deprehenſis. hoc qua cauſa fiat, ſatis apertum eſt. nam

vulnere

vulnere male habente, superataque ab eo iam & euecta *Cōnulsio* partis natura & remperie, putredo ingens ac corruptio *motus* qua superuenit, vi cuius sanies prauam & malignam qualita *re superue-* tem adepta, partium e directo loci vulnerati se habentium *nat* *Gulne-* spiritus dissipat, ac in totum destruit, indeque fit paralyfis. *ribus capitis* cum autem ad alteram cetebri & neruorum partem pra- *lethalibus.* ui ac maligni ab ea sanie transmittuntur vapores, tunc oppugnata, non autem expugnata, facultate ab eorum prauitate & sœuitia, insurgit natura irritata ad eorum expulsionem; fitque pugna ob eorundem discussionem; indeque generatur motus ille, tentante natura remouere id quod contristat: huiusmodi fit in singultu, vbi natura irritata a materia in ventriculi substantia existente, per motum illum quatit contristantium remotionem. Hi prauī vapores, cum deteriore naturam acquisierint, altiusque in neruorum substantiam infixi fuerint, non solum motum hunc causant, sed etiam expugnata natura distorsiones membrorum generant. & si ulterius progrediantur, tandem conuellunt partes eas, & ipsum patientem perdunt. Hoc exemplo manuductus, cenſeo motum hunc causari a simili causā, videlicet ab aliqua re, quæ prauam naturam & malam qualitatem adepta sit. hæc duplex esse potest, scilicet vel materia vel vapor. vtramque quidem credo posse hunc affectum generare, tamen cum vapor facile discuti possit applicatione medicamentorum resoluentium & discutientium, videamq; symptoma hoc, etiam pluribus huiusce generis recte administratis medicamentis, sæpiſſime non cedere, sed per menses & annos protrahi; iudico, vt in pluribus, hunc motum fieri non a vapore sed a materia, quæ materia sit tenuis, pauca & praua. qua tenuis, facile potest infigi in substantia & principiis neruorum, qua pauca, nec in totum obstruere nec replere neruos potest, vnde non est apta nec inducere veram conuulsionem, nec paralyſim; ratione autem qua praua, aduersatur neruis, eosq; stimulat & angit, cuius ratione excitata natura insurgit ad motū illum, vi cuius possit eam materiam discutere, quemadmodum pariter fit, vt dixi, in singultu, insurgente natura ad expulsionem rerum, præter naturam in substantia ventriculi existentium, & ipsam

*Motus con-
uulsivi dif-
ferentia.*

proritantium. tandiuque durat motus iste conuulsivus, quandiu fuerit in totum discussa hæc praua materia per motum illum, sicuti & perseverat singultus, quousq; materia in ventriculi substantia existens, vel remota vel discussa in totum fuerit. Hoc autem tantum contingit, vbi nec continue noua materia subministratur loco affecto, nec continua eiusdem sit generatio: tuncque motus iste vel in totum soluitur, vel de nouo, genita & transmissa ad eadem loca simili materia, repetit, periodosque habens per interualla accedit. Si autem continue noua materia & generetur & subministretur; non quiescit motus, nec periodos habet, sed continuus est & continue affligere consuevit, præterquam in somno, quo tempore obseruauimus, patientes a tali motu non concitari. qui tamen vbi repetens dormientes aggrediatur, & præcipue ille qui periodice & per interualla quædam accedente consuevit, a somno excitat patientes, eosque e lecto nonnunquam surgere & deambulare ad alleuiandam molestiam cogit. sicq; motus iste hanc habebit differentiam, quod quandoque accessiones & periodos habeat; quandoque autem sit continuus & continue affligat patientes, semper a simili dependens materia: quæ tamen in habente periodos & accessiones est tenuior & subtilior, & inde cito soluitur; in continuo autem est minus subtilis & minus tenuis, & ideo magis resolutioni rebellis. In periodicis autem accessionibus, cum soluendus, & in fine est periodus, tunc maxime concutiuntur ægrotantes, magisque tunc affliguntur. Vnde nonnullos tunc temporis vidi alta voce clamare, & deprecantes astantes, vt eos detinerent, vt hinc motum illum vehementem & eius solutionem facilius ferrent. Hæc tamen materia neruos petens, si multum prauitatis consequuta fuerit, motuique illi & discussioni non ita facile cedat, non tantum motum simpliciter conuulsium generat, sed etiam ex valida neruorum afflictione distensiones membrorum ingentes; & retractiones vehementes & admodum dolorosas causat: quæ si forte ob causarum vehementiam vel ob partis læsæ imbecillitatem partibus superioribus communicatæ fuerint; in cerebro affectum, epilepsiam consimilem, producit. quo affectu

fectu accedente ſæuienteque, tunc clamantes & volentes ab aſtantiſus detineri, concident patientes, ac ſi epileptici forent. a quo tamen caſu poſtea, terminata per reſolutionem materiæ affectum hunc cauſantis, acceſſione, immunes ac liberati ob omni motu præter naturam reſurgunt. Nec mirum ſit, ex tam pauca materia, in principio neruorum exiſtente, poſſe ſubſequi tor praua & ſæua ſymptomata, cum pateat ex pauca materia viſulenta ad os ventriculi exiſtente, ſubſequi ſyncopes, conuulſiones totius corporis, & aliquando epilepſiam, & ſæpe mortem. Materia hæc, quæ principia neruorum petens eſt in cauſa huius motus, non in iſtis generatur neuis, ſed alibi genita aliunde tranſmittitur. Vt pluriſimum autem in cerebro generari, ab eoque ad principia neruorum tranſmitti, conſuevit, ſicuti ad principium medullæ ſpinalis. tuncque motus hic, ſi æqualiter eam in totum occupat, vniuerſum apprehendit corpus; ſi autem vel dextram tantum vel ſiniſtram eius partem detinet, ſit motus iſte in parte vel dextra vel ſiniſtra tantum, e directo loci patientis exiſtente, ſi autem hæc eadem tranſmittatur materia, non ad principium ſpinalis medullæ, ſed ad aliquem particularem necum, membro particulari inſeruientem; tunc ſit motus ille tantum in illo particulari membro. ſi tamen in particulari membro læſio ingens fuerit, hic motus ab eo communicatur etiam omnibus e directo partibus ſe habentibus, & hiſce ſæpe a læſione particularis membri hæc affectio vniuerſo corpori transfertur, indeque totum corpus hoc motu apprehenditur. licet autem vtplurimum fiat hoc vitio capitis, tamen & vidi factum ratione aliarum partium, in quibus, genita hæc materia & inde ad neruos tranſmiſſa, factus fuit hic motus. Vnde & in viſceribus patientibus, & in dorſi affectibus, & partibus inferioribus (ſicuti coxis & cruribus læſis, cuius vitio generari potuerit talis materia) vidi factos hoſce motus, primo quidem in membris vicinis & particularibus, poſtmodum etiam communicatos vniuerſo corpori, præcipue autem ei parti quæ e directo loci affecti ſita eſt. quapropter quodcunque membrum ita infectum, vt prauam gignere, licet minimam, queat materiam, poteſt eſſe huius motus ſufficiens cauſa.

Materia motus conuulſiui cauſans & ubi generetur.

Quod membrum quomodo sit inuestigandum, Medico diligenti patebit, dum confiderauerit lēſionem membrorum, eamque perpenderit & diiudicauerit, an primario vel ſecundario, & an per ſe vel per conſenſum patiat. Inuenta enim parte principaliter læſa, & ad cuius læſionē generetur hæc praua materia, ab eaque neruis demandetur, nouerit etiam, cuius vitio talis fiat genereturq; motus. ad cuius generationem non tantum requiritur materia illa praua, & cauſa apta neruos ipſos lædere, ſed etiam neruorum ipſorū imbecillitas concurrit. omnes enim ſere quos pati hoſce motus animaduerti, ſemper notaui imbecillum genus neruoſum vel ab ortu recepiſſe, vel ex accidenti in eis tale factum fuiſſe. Quare affectus hic, qui nullis ſignis ponendis declarandus eſt, cum ſenſui pateat, pendet ex pauca, tenui & viroſa prauaq; materia, ad principia neruorum patientium, qui ratione proptiæ imbecillitatis facilius omnem admittunt noxam, tranſmiſſa, quæ genita ſit vel ratione cerebri male affecti, vel ratione particularium membrorum prauæ ſe habentiū: ad quæ principia cū fuerit tranſmiſſa, in eis inſigitur: eaque praua ſtimulans qualitate, viroſaq; eſſentia moleſtans, proritat naturam ad motum hunc, cuius merito ipſa tentat vel remotionem vel diſcuſſionem materiæ peccantis: ſicuti natura irritata a materia in ſubſtantia ventriculi exiſtente, inſurgit per ſingultum ad remotionem vel ad diſcuſſionē contriſtantium. Quibus poſitis, clare apparet, quid pro curatione huius ſymptomatis agendum ſit. iudicatur enim primo, vt ea materia vel amoueat vel diſcutiatur. Sed quoniam hæc facile per motum hunc vel remoueti vel diſcuti poteſt, niſi noua ſuggeratur materia; ideo principaliter incumbendum eſt, ne materia hæc vel generetur, vel vt, ſi genita eſt, alio diuertatur; non generabitur, ſi membra principaliter læſa, & in quibus fomes huius materiæ ſeruetur; roborentur & temperentur. Si autem generatio non ſit prohibita, euocanda eſt materia hæc a parte læſa & a neruis ipſis, alioque diuertenda, præcipue autem ad exteriora; ſimulque partes neruoſæ roborandæ erunt. An his indicationibus poſſimus ſatisfacere vel non, dixerim morbum hunc difficillimum eſſe curatu, & hoc præci-

*Indicatio-
nes.*

præcipue, si hic non ad alios consequatur morbos, sed sponte aduenerit. neruosa enim partes in hoc afficiuntur, quæ semper difficulter omnem recipiunt curationem. Vnde hunc motum in aliquibus non tantum antiquari, sed etiam, ubi a principio neglectus fuerit, conuulsere vidi. si tamen pars primario affecta inuenta fuerit, etique opportuna adhibeantur medicamenta, dum morbus non fuerit antiquatus, sollicitusq; sit patiens; non ita difficilem attestor esse curationem. facile enim tolli poterit, si materiæ prauæ generatio cohibeatur, eiusq; genitæ vel discussio vel euocatio tentetur. Quibus autem remediis hæc exequi debeamus, hinc pateat. Præsupposita vniuersali facta, & parata cum his quæ neruorum genus respiciunt, medicamentis totius corporis euacuatione, quæ semper particularibus curationibus præmittenda est; administret Medicus ea quæ discutiendi facultate donata sunt, sicuti oleum chamæmelinum, lumbricatum, anethinum, liliorum alborum, rutaceum, viperinum, & quæ huius sunt generis; calidaque actu sæpius applicentur. quod si hæc non satis fuerint, his admisceatur castoreum, quod cum subtilitate partium donatum sit, in casu isto multum conferre poterit. loca inungenda erunt, præcipue collum & dorsum, ab occipite vsque ad os sacrum, & vna cum his etiam partes magis ab hoc affectu detentæ. Partes læsæ pellibus animalium actu tepidioribus continue cooperiantur: vel si hæc desint, sit loco harum stuppa cauabina, vel lana succida semper calida. Reuellatur materia cum frictionibus in parte opposita factis; fiant clysteria acriuscula ad eandem intentionem. his poterit morbus superari, nisi noua regeneretur & fluxerit materia, quo casu adeunda est ea indicatio, qua membro generanti & transmittenti attendendum est. Vnde si cerebrum sit in causa huius materiei, consideret Medicus, qua hoc intemperie laboret, eamque corrigit & temperet. in cuius usum veniunt ea quæ in hoc casu (ubi in culpa sit intemperies frigida calidave) omnes docent administranda esse, sed præcipue hic assumantur embrochæ aquarum naturalium, quæ hic multum prodesse poterunt. robur enim cerebri hinc habebimus, & materiæ discussionem, quam similiter

Prognosticum.

Curatio.

tentare possumus ex eisdem, si instillentur supra partes affectas. Si autem non cerebrum sit pars primario affecta, sed vna ex inferioribus; ei incumbatur, tum intemperiem tollendo tum ipsam roborando. sique genita materia ab his adhuc in fluxu fuerit; hæc euocetur ad extra, & simul discutiat. quo casu expertus sum, sinapismata omnibus medicamentis præstare. his enim administratis, vidi quiescere motum hunc, sicuti animaduerti in puella decimum quartum anuum agente; quæ cum maxime molestaretur ab hoc motu, per annosque ita laborasset, & per intervalla morbus regrederetur, ex nullis quæ plura a Medicis parata fuere, remedijs vllum sensit iuuamen: tandem cum tempore exacerbationis illius motus conquereretur, maxime se affligi sub costis mendosis prope spinam in dextra parte; ego iudicans hanc partem primario affectam esse, hincque transmitti & communicari materiam nervis illis proximioribus, indeque causari motum eum conuulsuum; solis sinapismatibus, præmissis tamen vniuersalibus ei parti applicitis, morbum sustuli, qui tamen semper totam dextram corporis partem apprehendebat, ac vehemensissime cruciabat, adeoque & distorsiones membrorum & affectum, epilepsiæ consimilem, sæpe induceret. Ultra sinapismata tamen, parti primario affectæ adhibita, discutientia etiam nervis applicentur, iidemque roborentur; & per exterius admota (qualia sunt inunctiones, emplastra, perfusiones, balnea, Embrochæ, ac similia) & per interius assumpta, qualia erunt confectiones magnæ, antidoti variæ, castoreum ipsum, & vsus terebinthi Cyprii, quæ valde prodesse poterunt. Vbi tamē cerebrum primario affectum sit, præcipue sum expertus, pulueres ex cornu cetuino, talo suillo, cornu vnicornis, craneo humano, & consimilibus osseis medicamentis, addita cortice ligni guaiaci, & radice falsæ pariliæ, multum profuisse; quæ etiam in cæteris casibus prodesse poterunt. Si vero affectus hic rebellis fuerit, nec prædictis cesserit remedijs, decoctum falsæ pariliæ, additis corticibus ligni guaiaci & alijs quæ nervos respiciunt, (sicuti iua, stœchas, & similia, cum tenui & siccati victus ratione) opportune exhibeatur ad minus per viginti quinque dies. ita enim deuinci poterit,

poteris, & potissimum vbi intemperies membrorum, prauam materiam generantium & transmittentium, ad frigidum declinauerit. Si autem ad calidum vergat, fluxioque & distillatio sit admodum praua, potius veniat in usum decoctio radicis Cinæ. hæc enim, distillate & fluente materia tenui, calida & praua, multum prodesse solet; & ideo in casu isto cæteris præferatur. Alimenta flatuosa & vaporosa in affectu isto vitentur, similiter & quæcunque acida & acris, & quæ prauæ & tetri sunt odoris. hæc enim omnia nervos lædere solent. Vinum primis dieb. interdicatur, postmodum autem debile & aquosum concedatur. Veneris vsus prohibeatur, & omnis acris excessus, præcipue autem frigidus & humidus, & omnia animi molesta accidentia, quæ potissimum hunc morbum exacerbare solent, fugiantur.

De obstructionibus arteriarum leuium pulmonū.

CAP. XXI.

QUEMADMODUM nervi, qui omnes a cerebro originem ducunt, aliquando male afficiuntur, hincque cum deterius habent, vt in conuulsuo motu fieri dixi, cerebrum ipsum in consensum ducunt; pariter arteriæ quæ a corde propagantur, aliquo affectu præter naturam nonnunquam deprehenduntur, & per eundem propriam noxam cordi communicant. Ex quibus arteriis præcipue eæ quæ leues in pulmone existunt, male affici animaduerti, dum obstructione laborant. qui casus maxime a medico cõsiderandus est, quoniam per tales obstructiones sæpius homines in periculum vitæ manifestissimum ac in mortem ipsam deducuntur: cum tamẽ hoc absque insigni noxa, quæ ab ipso ægrotante ab initio percipiatur, fieri consuevit. in talibus enim obstructionibus nec patiẽtes respirandi difficultatem, nec grauitatem, nec dolorem, nec aliud molestum symptoma incurrunt, & tamen, cum hæc auctæ fuerint ac perseverauerint, nisi tollantur, tandem eosdem perdunt. Obstruuntur arteriæ istæ leues a duplici causa. nam vel ex succis frigidis vel ex crudo tuberculo in eisdem genito obstructione laborant. vbi enim humores

*Obstructio
nūlenium
arteriarum
pulmonis
causa.*

crassi & viscosi in ipsis arteriis infatti fuerint; vel vbi phyma aliquod seu tuberculum crudum in eisdem genitum erit, arteriæ obstruuntur. Quibus obstructis, cordi tandem praua affectio communicatur, hincque patientes vel sunt proni in syncopen, vel etiam in suffocationem. quoniam obstructis iis arteriis, non ita facile recrementa fuliginosa expelli possunt, quibus retentis semper cor necessatio patitur. Dum tamen istæ arteriæ leues in totum non sunt obstructæ, fit pugna, naturaque præpotenter resistit morbificis causis, indeque per vim propriam & innatam quærit diffilationem & transitum earum viarum, vt inde fuliginosa excrementa retrudat. quod vbi sufficienter assequuta fuerit, nullum adhuc nec syncopis nec suffocationis periculum instat. Vbi autem hoc nequaquam consequatur, vel facta omnimoda obstructio ne, vel prope ad eam accedente, retentis fuliginosis excrementis, in periculum syncopis primo, postmodum & suffocationis etiam ducitur homo. Depreheaduntur obstructiones istæ a solo pulsu, nec vllum aliud indicium habent. in his enim nectensio, nec grauitas, nec dolor, nec respirandi difficultas, nec quid aliud molestum percipitur; quoniam affectio a materia pender frigida, & in loco est nullam sensationem habente. pulsus autem immutatur ab hac necessario, quoniam organis & instrumentis læsis, non potest non immutari pulsus, qui ex hac læsione omnē acquirit inæqualitatem, & non tantum illam quæ in vnica pulsatione reperitur, sed eam etiam quam systimaticam seu collectiuam appellant. vnde in huiuscemodi obstructionib. magnæ & prauæ, celeres & tardæ, raræ & frequentes, validæ & imbecilles, adsunt pulsationes: inter quas aliquæ decurtantur, aliquæ nonnunquam intermittunt, aliquæ intercidunt. in eadē autem pulsatione sæpe est inæqualitas, quo ad plures eius differentias. Vbi autem talis inæqualitas contigerit, & ex his pulsationibus plures erunt magnæ, vehementes, celeres, intercidentes & æquales; minorem lēSIONem indicant, & minus periculum minantur: vbi autem plures erunt languidæ, paræ, decurtatæ, intermittentes & crebriores, offensam ingentem attestantur, & periculum præceps prænunciant. in aliquibus ta-

men

men patientibus, cum grauis nō est affectio, solent etiam adesse pulsationes plures æquales, quas interpellant nonnullæ, vel periodice vel nullo seruata periodo decurtatæ aut intermittentes: quod in principio harum obstructionum præcipue contingere solet. quæ de re pulsuum hæc æqualitas, a pulsu vel intermittente vel decurtato interpellata, habeatur pro indicio incipientium ac futurarum huiuscemodi obstructionum. An autem hæc fiant, cum a duplici causa gignantur, vel a crassis & viscidis humoribus, vel a tuberculo crudiori, hinc cognoscatur. Vbi crassi & viscidi humores fuerint obstructionum causæ, tunc pulsus (quoniam in vtrisque casibus semper adest aliqua durities) erunt duri per tensionem; vbi autem tuberculum sit id quod obstruat, erunt duri per tensionem & siccitatem. præterea in obstructione ab humoribus pulsus erunt magis inter se diuersi, nec semper eodē modo procedent, sed variabunt, prout humor obstruens vel in hanc vel in illam partem magis impinger. At a tuberculo inæqualitas erit magis vniformis, cum a causa magis constanti & fixa causetur. præterea in humorum obstructione æquales pulsus plures simul ac collectivè adesse possunt: at in tuberculo plures sunt inæquales. vnde vbi aliquæ intermittentes aut decurtatæ pulsationes plures æquales interpellauerint, censeatur hanc obstructionem ab humoribus factam esse. a tuberculo enim non possunt plures ad inuicem se subsequentes æquales ac ordinatæ fieri pulsationes; quoniam causa lædens ipsa organa immediate eadem lædit, ac in eis fixa eodem pacto semper permanet: quapropter hinc æqualitas naturalis pendere non potest, licet non naturalis, seu præter naturam (id est, quæ plures inæquales pariter habeat) hanc concomitari consueuerit. In hac autem pulsuum inæqualitate hoc solet esse vtriusq; obstructionibus commune, quod si intermittentes pulsus ceteris pulsuum differentis admisceantur, quando intermittit pulsus, percipiunt patientes motum quendam, tanquam ictum in regione cordis, perinde ac si quis ipsi cordi tunc manum obuiet, ac motum impediatur, quod non causatur, nisi ab obstructione, tunc valenter irruente ac cor cōprimente, indeq; pulsus motum impedi-
ente. quod idem fere contingit a pulsu decurtato. Sed cum

Signa differentiarum.

decurtatum minor noxa inferat quam intermittentem; minorem etiam percipiunt patientes motum, & istum ictum a decurtato pulsu, & minus ab eo læduntur, quam ab intermittente. Cum percipiunt ictum istum ægròtantes, si ab humoribus crassis obstruentibus hoc factum sit, statim reuocantur patientes. in iisdemque per quædam interualla, existente agitata diversimode a naturali facultate materia, aliquandoque versus cor infarta ac detrusa, & aliquando ab eodem transmissa, renouantur tales pulsationes. at ubi a tuberculo obstruente fiat talis ictus, vereque intermiserit pulsus, non ita reuocantur patientes, hocque erit indicium, tuberculum augeri, properareque ad omnimodam obstructionem, nisi hoc a causa procacitica, sicuti a copioso vini virosi potu, ab ira, a vehementi motu, a destillatione superueniente, & similibus rebus exacerbatum & concitatum fuerit. ubi enim hæc non præfuerint, intermissio pulsus manifestissimum vitæ discrimen prognosticatur: qui si supra vnā pulsationem intermitat, mortem instare prænuntiat. Vtrisque his obstructionibus, videlicet, & ei quæ a crassis humoribus, & ei quæ a tuberculo causatur, hoc etiam commune est, quod ubi occupauerint arterias leues, si perseuerarint, augeantur; ubi autem auctæ fuerint, etiam asperis arteriis communicentur. & tunc quæ prius non aderat, respirandi superuenit difficultas, quæ semper pro ratione adauctæ obstructionis increscit, hac tamen differentia accedente, quod in obturatione a crassis succis difficultas respirandi non est semper vniformis, nec semper vniformiter adaugetur. quoniam aliquando intensior aliquando remissior esse potest, pro ratione materiæ & loci obstructi: at in obturatione a tuberculo semper est vniformis, & vniformiter, nisi a causa externa concitetur vel magis angustietur, sicuti a motu a destillatione superueniente, ab immoderata ira, a copioso vini potu, a nimia ciborum ingurgitatione & similibus causis, adaugetur; quoniam causa hæc de se est stabilis ac fixa & vniformis existit. Vbi autem hæc obstructiones arteriis asperis communicatæ fuerint, indeque accesserit respirandi difficultas, cum diutius hæc perseuerauerint; calor innatus, quoniam

hic

*Difficultas
respirandi
quando superueniat
obstructionis
leuium arteriarum
pulmonum.*

hic vna cum corde sufficienter non euentatur, languescit ac imminuitur: cuius ratione in nonnullis sæpe succedere solet, hoc marcescente, refrigeratio cæterorum membrorum, & præcipue ipsius hepatis, cuius merito his obstructionibus, cum diutius perseuerauerint, hoc reddito imbecillo ac debiliori, solet succedere aliqua hydropis species. Vnde tales ægrotantes vel in anasarcam vel in ascitem deducuntur, perindeque ac ex difficili respiratione, ex his morbis periclitantur. Quibus etiam succedere solet, communicata ingenter ipsi cordi affectione, ipsius cordis palpitatio, quæ patientes angit, & eosdem, cum deterius habent, in lypothymiam ac syncopen deducunt. Quapropter maxime animaduertat Medicus hæc arteriarum obstructions, tum ratione periculi, tum ratione difficultatis rei, cuius merito forsitan hæc tractatio ab ordinariis practicis neglecta fuit, quam tamen aduertere & docere tenebantur; tum quia de his meminit Galen. lib. 4. de locis affectis, cap. vlti. in historia Antipatri; tum quia casus iste quandoque accedat, ægrotantesque ac Medicos sæpe eludat, qui periculum nõ perpendunt, nisi cum symptomata, & morbi prædicti sæuerint. Pro huius autem cognitione pro nunc sufficiat ea quæ a me proposita sunt, tum vt morbi essentia, tum vt eiusdem causæ, differentię ac signa omnibus pateant. His habitis, curationem aggredior. Præsentibus obstructionibus in leuib. pulmonum arteriis, quid indicatur? duo indicantur; alterũ quod commune est vtriusq; causis; alterum quod singulis proprium est. Commune est, vt redundantia humoris affectionem generantis expendatur & consumatur. proprium autem est, vt affectio, a crassis & viscidis pendens humoribus, tollatur per attenuantia & extergentia medicamenta. quæ autem a crudo tuberculo genita est, per attenuantia & resiccantia curetur. An autem Medicus his indicationibus plene satis facere possit, iudicet ex propriis harum obstructionum signis & causis, ac ex his symptomatibus vel morbis, quæ his succedent. Nouerint enim difficillimum esse, obstructions a tuberculis genitas remouere; tum quia in his cruda admodum & digestionem rebellis adest materia; tum quia affectio est in loco, cui valida & potentia re-

Indicationes.

Prognosticum.

media applicari non possunt. & hoc maxime, vbi progressa & antiquata fuerint hæc tubercula: si autem a viro qui in arte medica multum polleat, incipientia cognoscantur, recta quæ ratione curentur; non ita difficile erit a principio ea soluere: quare eorum solutionem tunc temporis sperare poterit. hæc autem omnia de tuberculis intelligantur, quatenus cruda sunt; quoniam si hæc aliquando ad suppurationem deuenient, vnde postea distrumpantur, lethalem inferunt casum: nam materia suppurata effunditur supra cor, & inde subito mortis periculum instat, vt sæpius experientia testata est. Quæ autem a crassis & viscidis succis ortæ sunt obstructiones, nõ ita difficile est remouere; quoniam similes materiæ facilius medicamentis cedunt quam tubercula illa cruda. & istæ obstructiones, siue incipientes siue antiquatæ fuerint, poterunt solui facilius. hæc que cum minori periculo semper, quam tubercula, antiquantur & perseverant. Quoniam tamen ab his, vbi antiquatæ fuerint, communicantur aliquando hæc obstructiones arteriis asperis, indeque succedit respirationis difficultas, si ad hæc successerit refrigeratio illa caloris innati, vnde vel hydrops sit præsens vel imminet, fere impossibilis erit earum curatio, sicuti & illarum quæ a progressu & antiquato tuberculo erunt causatæ, nullo pacto possibilis est solutio. in quibus omnibus semper considerentur egrotantis pulsus: qui, vbi erunt valde inæquales, & plurimi ex his sint imbecilles, prauis, decurratis vel intermittentes, maiorem noxam ac periculum ingens prognosticantur: si autem plurimi sint æquales, vehementes, magni, & ordinem seruent; minus malum ac minorem curandi difficultatem prænunciabunt. In eisdem etiam consideretur cordis status, si enim ratione consensus & communicantiæ palpitationem incuriat, in lypothymiamque pronum sit, res in deteriori est conditione, quam vbi cor ex eisdem obstructionibus nihil tale passum fuerit. His autem consideratis, adeat Medicus curationem: cuius quoniam ratione causarum bipartita est, ideo non vnicus, sed duplex erit curandi modus. Vbi enim obstructio pendeat a crassis & viscidis humoribus, attenuantia & abstergentia pharmaca adhibeat. & quoniam in his administrandis omnia

Curatio ob-
structionis a
crassis suc-
cin.

omnia ea quę in asthma valida sunt, conueniunt; ideo pro hac tollenda traducatur in hunc casum tota ac integra asthmatis curatio, tum quoad vniuersalia, tum quo ad particularia peragenda. Vnum tamen moneo, quoniam locus affectus est in penetralibus magis internis, quam sit in asthma, quod in hunc vsum vehementiora & potentiora medicamenta, & quę validius attenuare cum absterfione possunt, assumantur, quę ad maiorem penetrationem vel liquida vel cum liquoribus diluta præparentur. Vnde in tali casu iubeo ego, vt multa medicamenta in asthma opportuna sublimentur, vt hinc tenuiora reddita, facilius penetrare vsque ad locum affectum queant. Ex quibus præcipue elenii aquam, modo simplicem modo aliis validioribus admixtam, & per sublimationem in duplici vase factam, postea administro, eiusque vsum plurimum ac felicissimum habeo. Et præ cæteris quoniam sulphur est vnum ex his, quę valde potentia sunt in discutendis & consumēdis humoribus crassioribus, eius aquam in difficilioribus ac magis rebellibus obstructionibus accipio, & commisceo iulep formatum ex melle, ad eam quantitatem vt facile a patiente assumi possit. hoc medicamentum exhibeo ad cochlearia duo vel circa ante cibum per duas horas, & potens hinc remedium habeo ad attenuandos & disperdendos tales humores obstruentes. Ad idem electuaria, cuius basis sit chalybs præparatum, admixtis medicamentis incidentibus & opportunis, quale est gentiana, elenium, aristolochia, thymum, pulegium, iua, organum, & similia, cum maxima utilitate exhibeo. & vbi hæc non sufficiant, ascendo ad medicamentum ex scylla, vel simplex vel admixtum cæteris prædictis medicamentis. hæc & similia formanda sunt remedia, quibus administratis per interualla quædam, ac interpositis nonnullis paucis diebus, sicuti vel vnoquoque duodecimo vel decimo quinto die exhibeantur pharmaca soluentia, quę apta sint humores crassiores educere, & a lōginquis partibus euacuare. quę potius in forma solida quā liquida formata sint, qualia sunt pilulę cochię, aggregatiuę, de nitro, & omnes illę quę gummata recipiunt, quibus admisceri possunt quandoq; cortices radicū ellebori nigti, turbith,

& similia, quæ quantum possint in huiusmodi affectibus, mirum est. quoniam tamen sæpius hæc eadem pharmaca repetenda sunt, non in summa dosi accipiantur. per exterius autem administrentur ex inunctiones, quæ cutim exasperando & lancinando ex alto materiam euocare possint; sicuti quæ recipiunt nitrum, salem, pumicem, fecem vini coctam, æruginis, & quæ huius sunt ordinis. Quo ad victum, sit valde attenuans, & in eo quæcunque repletio fugiatur; & omnia ea quæ crassos humores generare & adaugere apta sunt, vitentur. Vinum sit antiquum, tenue, & nequaquam adstringēs, sed maturum valde existat, potusque nec parcus nec immoderatus fiat, ne illine materia incrassetur ac siccet. hinc autem nimium grauantur naturales facultates, quæ a nimia vini potentis quantitate sæpius obruuntur & languent. & hinc omnem (vt in summa dicam) victus rationem ac medicamenta quoque haud aliter, quam asthmaticis iubeat Medicus, qualia Galenus in Antipatto, talem obstructionem patiente, adhiberi iussit, licet aliter senserit Actius, qui iudicauit, in Antipatro obstructionem non a crassis humoribus, sed a crudo tuberculo factam fuisse; cum tamē verba Galeni dicentis: *At ego probabilia inquam ipsum dicere, sed a veritate aberrare, quippe cum ab huiusmodi causa orthopnea fiat humore crasso & lento, non in tenuibus arterijs sed aspera arteria collecto*, oppositum, perinde ac etiam eius curationis modus ab eodem propositus, indicent. non enim coincidit curatio asthmatis a crassis succis cum ea quæ debetur, tuberculo obstruente, vt docet Galenus libro 7. de Com. med. secundum loca cap. de orthopnea. *Et hac de obstructione arteriarum lenium intra pulmones existentium, a viscidis & lentis humoribus*

Curatio ob- genstarum. Vbi autem hæc obstruantur a crudo tuberculo, per attenuantia & resiccantia, per quæ idem tuberculum consumi & disperdi queat, est procedendum. his tamen (quoniam vniuersalia particularibus præcedere debent) prætermittenda erit tum corporis vniuersi purgatio, tum venæ sectio, si in corpore plethorico, & quod humore copioso abundet, sit factum hoc tuberculum: quibus præmissis, eaque ratione quam in altera obstructione

ctione administrandam esse monuimus, adhibitis, accedat Medicus ad vsum eorum medicamentorum, quæ attenuantia & resiccantia existât. talia erunt aromata, quale est cinnamomum, piper, macis, ixeos, nux moscata, cardamomum, galâga, zingiber, cubebe, zedoaria, costus, & similia; ex his pulueres & electuaria Medicus formare poterit, quæ in continuo sint vfu. & quoniam ex his formata sunt plura specierum genera, ideo varia in hoc casu vtilia poterūt esse, sicuti species aromatici ros. diagalâgæ, diamoschi amari, diacimini, diacalamenti, & consimiles. his autem omnibus Theriaca antiqua & Mithridatū potentiora erunt. Ultra hæc inueni proficuum vsum pulueris ex ossibus formati, admixto cornu ceruino, & quibusdam ex aromatibus prædictis. Valdeque potens etiam in hoc reperi vitrum combustum. quibus omnibus etiam sulphur viuum, tanquam medicamentum valde potens in absumendo & digerendo, commisceatur: his tamen semper admiscenda sunt aliqua, quæ manuducant medicamenta prædicta ad locum affectū, ac ad thoracem ipsum. hæc autem continue administrentur, per intervalla tamen, vt superius notaui; exhibeantur medicamenta soluentia, quæ saltem materiam fluentem retrahere poterunt. Quoniam autem sæpe prædicta nō sufficiunt ad tollendum vel saltem minuendum tuberculum, ego aliquando ad decoctum falsæ pariliæ, tanquam ad medicamentum valde in discutiendo potens, deueni, & eo morbum leniui. quod idē tamen in antiquato exhibui, & nihil profeci. Inunctiones similes prædictis etiam in hunc vsum assumentur. Victusque similiter attenuas præscribatur, sed parcus magis sit, quam in obstructione, a crassis & viscidis humoribus genita. Parcior autem multo sit potus. parum enim bibere debent omnes hi, in quibus abscessus internus reperiatur. & in his vinum exhibendum sit tenue & antiquum, & potius generosum quam aquosum. Fiant communiter in ambobus hisce casibus omnia genera reuulsionum & deriuationum ad retrahendam materiam a loco affecto; degant in aere tenuiori, sicciori & validiori; exerceantur moderate: somnus longior & diurnus vitetur: & omnia ea quæ destillationes vel inducere vel

augere possent, ac ea quæ thoracem lædere apta sunt, fugiantur.

De morbis acutis mulierum & tero gerentium.

CAP. XXII.

AFFECTVS quos hucusque explicavi, utrique sexui communes sunt: nunc de duobus agam, qui scemineo tantum sunt peculiare. euenit enim aliquando, ut mulieres, dum vel utero gerunt, vel sunt in puerperio, diuersis consistantur morbis: qui si vel neglecti vel male curati fuerint, eas in perniciem ducunt. quare hos duos sceminarum status considerantes, primo agemus de morbis acutis mulierum prægnantiũ; secundo de his qui in puerperio superuenire solent. quid enim in his agendum sit, & quomodo Medici hos curare debeant, non ita liquet; nec qui artem hanc communiter faciunt, locum istum explicasse videntur. Primam autem partem aggrediens dico, quod tria habemus præcipua remedia, quibus potissimum in morbis utuntur acutis, scilicet rectam victus rationem, sectionem venæ, & pharmacũ: quæ omnia consideranda sunt, an conueniant. & si conueniãt, quo modo in utero gerentibus administranda sint. Quo ad victum nulli dubium, quod in morbis acutis victu tenui, imo aliquando tenuissimo, uti debet ægrotantes. qui tamen in utero gerentibus non ita tutus est. Vnde Galenus libro 5 Apho. comm. Apho. 30, exponens sententiam Hippocratis dicentis: *Mulierem & tero gerentem capi ab aliquo morbo acuto, lethale esse*, dicebat ex morbis acutis utero gerentibus duplex imminere periculum; alterum ex magnitudine febris quæ scetum occidere potest; alterum ex tenui victu, qui morbis debetur acutis, cuius ratione ex alimenti defectu scetum destruis; quod alimentum si, ut hunc seruemus, non verebimur crassiorẽ exhibere, febres continuas victu intempestiuo augentes, matrem occidemus. quare hinc (quoniam & scetum & matrẽ simul, ut res prospere succedat, seruare tenemur) duo habemus; vnum quod ratione scetus in his pro victu cibi aliquid adijcere; alterum autem, quod ratione acutiei morbi detrahere

*Mulierum
& tero geren-
tium in mor-
bis acutis
qualis de-
beas esse vi-
ctus.*

herē debemus. quibus duabus indicationib; contrariis existētib; & vtriusq; neglectis mortem minitātibus, hinc Medicus non tenuē. nec plenum, sed mediocrem imperet victū, ex quo nec fœtus decidere, nec morbus ingrauescere poterit. nam ratione fœtus facile absumetur talis ratio victus, quæ nec morbo poterit esse grauis, cum manutene-
re & fœtus & matris vires tantum, non autem eas gra-
uare possit. Vnde in morbis acutis vtero gerentium pote-
rit Medicus ascendere ad iura pullorum tenuiorum, in
quibus fercula parentur, vel prisana dissoluatur; aliquando
ad lutea ouorum recentium sorbilia, abstinendo tamen
semper a vino & carnibus, & omnibus his quæ multum
nutrire & inde morbum augere possunt. *hæc de genere*
victus. quo autem ad quantitatem, quantitas sit maior
vel minor, pro ratione maioris vel minoris magnitudi-
nis fœtus: vnde maior sit quantitas in vltimis mensibus,
quoniam tunc fœtus grandior vberiori indiget alimento;
in medio autem tempore sit moderatus; in principio ve-
ro gestationis vteri sit minoris quantitatis vel parum in-
mutatus ab eo quo vteretur, si mulier non concepisset. *hæc*
de primo auxilio.

Secundum auxilium erat sectio venæ, quæ ex sententia
Hippocratis libro 4 Reg. acut. tex. 19, in omnibus acutis
morbis, florente ætate & constantibus viribus, admini-
stranda est. quod idem comprobans Galenus millies af-
firmavit. Hanc sectionem venæ docet Hippocrates lib. 5, in morbis
Aph. 31, in vtero gerentibus abortum causare, & ideo ca-
uenda erit, dum dicebat: *Mulier vtero gerens sanguine*
misso ex vena abortit, & magis si fœtus sit maior. quare
dubitandum venit, an hoc secundo auxilio in mulieribus
vtero gerentibus, dum acuto morbo derinentur, vti con-
ueniat, quoniam si non secetur vena, morbus sauior red-
ditus patientem necabit. si autem secetur, incurrer mulier
abortum, qui est casus lethalis in acuto morbo. hæc diffi-
cultas ita explicāda venit. Mulier vtero gerens, misso san-
guine e vena, abortit. quia extracto sanguine subtrahitur
alimentū fœtui. Vnde si fœtui hoc non subtrahatur ex se-
ctione venæ, nec etiā abortū ex hoc incurrere debet. hoc
fiet, si, dū fœtus est minor, sicuti est in primis mēsis, tūc

mittatur sanguis. cum enim his temporibus fœtus plurimo non indigeat sanguine pro sui nutrimento, si secetur vena, non erit periculum, quod fœtui alimentum subtrahatur, & eo magis, si mulier patiens fuerit plethorica. Unde a primo mense vsque ad quintum tuto venæ sectio administrari poterit. Circa autē vltimos menses magis rem circumspectat Medicus, quoniam cum fœtus maior hisce diebus factus sit, copiosiorique hinc indigeat alimento, non ita tutum erit secare venam. Si autem mulier sanguine abundet, & copiosa admodum non fiat venæ sectio, tuto mitti potest sanguis; quoniam hinc sedabitur morbus, nec tantum alimentum fœtui subtrahetur, vt hinc mulier abortum incurrat. Si autem videatur aliter sensitse Hippocrates loco citato lib. 5, Aph. 31, clare docens sanguine misso mulierem vtero getentem abortum pati; animaduertatur, quod longe aliter nos venam secamus, ac faciebant antiqui. illi enim ad libras, nos ad uncias sanguinem mittimus. non minus enim, quam ad cotylam, consueuerant vt plurimum secare prima vice venam, cuius dimidiā quantitatem postea in sequenti repetebant. Cotyla autem, vt habetur a Galeno in libro de ponder. & mensur. habet vini uncias decem, mellis autem tredecim. cum vero sanguis melle minus, vino autem magis ponderet, cotyla habebit sanguinis fere uncias duodecim. Nos autem ad tantam quantitatem etiam in robustis viris, ne dixerim in mulieribus, non ascendimus, nisi raro, & vbi plenitudo ingens existat, & vrgentissimus sit casus: sed ad uncias tantum sanguinem mittimus. quam quantitatem in vtero gerentibus seruantes, nunquam viribus constantibus abortū causabimus. Imo ad præseruandas mulieres ab abortu, quæ in hunc incurrunt ob multitudinem & copiam (quæ in multis generari, & abundare, & per plures dies, dum non concipiunt, copiose menstruis temporibus expurgari solet) sanguinis, fœtum suffocantis & occidentis, nullum validius remedium excogitari potest sectione venæ. qua testor ego, me plurimas ab abortu, in quem frequenter inciderant, ex sola sanguinis missione, primis mensibus facta, præseruasse. Non ita tamen censendum est de hac sanguinis missione, vel moderata vel

parca,

*sectio Vena
aliquando
præseruat
mulieres ab
abortu.*

parca, in vtero gerentibus administranda, vt vnuquam non veniat etiam in vsum, si copiose fiat. interdum enim in vltimo mense copiosa sanguinis missio facta non spernendum attulit iuuamentum. Etego aliquando hanc venæ sectionem copiose factam in vltimo mense, instante partus tempore, dum vtero gerentes ardenti conflatarentur febre, plurimoque abundarent sanguine, tentavi, & hinc remissionem febris, ac partus accelerationem sperans, vtrunque ex sanguinis missione consequutus, summa cum utilitate administraui, foetumque & matrem vna periclitantem ex hoc solo remedio saluaui. quod remedium in aliquibus prætermisum, & a Medicis, verba solum Hippocratis & non ipsam rem ponderatibus, neglectum, fuit in causa, vt conceptus sæpe, vna cum matre a plenitudine & feruore sanguinis suffocatus, miserabiliter perierint. Quare commendo in simili casu copiosam sanguinis missionem; in cæteris autem moderatâ, & ad vncias factam. quam ad præseruationem ab abortu, vbi a plenitudine immineat, summopere probo. nec ista contra Hippocratis Galenique sententiam erunt, quia salutem agrotantium, non vanas opiniones sectati sunt. *Et hac de secundo auxilio.*

Tertium auxilium erat pharmacum: quod an conueniat, & quando conueniat in vtero gerentibus, clarissime docet Hippocrates lib. 4, Apho. primo, & Galenus ibidem. quo loco habetur, in his mulieribus nunquam conuenire pharmacum, nisi materia turgente: nec turgente materia semper admittendum esse, sed solum a quarto mense vsq; ad septimum. Hunc aphorismum audiui nonnullos Medicos ad indicationem sectionis venæ, transtulisse, sed longe alia est ratio sectionis venæ, & alia pharmaci. sectio enim venæ suspecta est, quia per eam alimentum foetui subtrahitur, at pharmacum non ratione subtractionis alimonie, sed quia in vtero gerentibus maximam facit commotionem, vnde disruptio ligamentorum & abortus impendet; periculi plenû est. Quod perpendens Hippocrates abstinebat a pharmaco primis & vltimis mensibus; in medio autem tempore non nisi turgente materia concedebat. hoc idem ponderans Galenus duo dicebat: alterum, quod cum primis & vltimis mensibus facile

*pharmacum
an conue-
niat in mor-
bis acutis
mulierum
prægnan-
tium.*

ex validis motibus, in illis ex ligamentorum mollitie, in his autem præ gravitate foetus, dirumpantur ligamenta; ideo nec primis nec ultimis mēſibus unquā phar-
 macum admittendum eſſe; in medio autem tempore, quo firmio-
 rem habent conceptus coalitum, vnde tunc mulier poteſt
 fortiores ſuſtinere motus ſive foetus offeſſione, non nun-
 quam adminiſtrandum fore: alterum erat; quod in inter-
 medio hoc tempore non indifferenter cōueniat phar-
 macum, ſed ſolum quando materia turgēt. ratio eſt, quo-
 niam in materia turgēte, exhibito phar-maco, nec magna
 fit in corpore commotio; quia humores turgentes ſponte
 facile hinc inde deſluunt, naturaq; motum adiuuante fa-
 cillime leui phar-maco educuntur. cuius merito dicebat
 Galenus, *cum natura ad hos expellendos humores inco-
 nſuetatur, nō vehemens phar-maco ſed aliquo manum por-
 rigente. & hunc humorum motum ad aluum deducēte,
 ſolum indigere* cuius ratione ſatis liquet, minorem ex ma-
 teriæ turgētis quam fixæ purgatione in corpore cōmo-
 tionem fieri. & ideo nec hinc vtero gerentibus diſcrimen
 abortus in intermedio tempore, præcipue cū in his men-
 ſibus foetus externis cauſis, tum quia coalitum firmiorem
 habent, tum quia gravitatem non ponderant, non ita fa-
 cile cedunt, imminere poteſt. & ideo ſumma cum ratio-
 ne ab Hippocrate ſtatutum eſt, a quarto mēſe uſq; ad ſe-
 ptimum, ſi materia turgēat, has medicandas eſſe. Quam
 Hippocratis ſententiā Galen. lib. I Epid. ſect. 3, com. 29.
*amplificat etiā ad tertiū menſem, hæc verba habens: Iam
 illud quoq; memin. ſſe par eſt, fœtū trimēſtrē & quadri-
 meſtrē præter ceteros in iurijs reſiſtere.* His igitur omnib.
 prædictis menſibus poterit Medicus, materia turgente,
 phar-macum adminiſtrare. at quæ erunt phar-maca hæc?
 non proſecto electiua illa & vehementiora medica-
 menta; tum quoniam hæc maximam in corpore commotio-
 nem faciunt, tum etiā, quoniam in materia turgente
 iſta non conueniunt. quæ materia turgens manum por-
 rigente phar-maco, & ideo leui tantum, indiget. tale erit
 ſyrupus roſatus ſolutiuus, manna, caſſia ſiſtula, rhabar-
 barum, & huiuſcemodi lenia & benediſta phar-maca,
 quibus vrgente neceſſitate parum quid vel diaphœni-
 conis,

conis, vel electuarii de succo rosarum addere poterit Medicus, nunquam tamen ista transcendens. At his eisdem medicamentis ausi sunt nonnulli vti etiam in vtero gerentibus, non turgente sed firmata materia, consili benignitate eorundem medicamentorum, ac opinantes ideo pharmaca in infirmata materia Hippocrati & Galeno suspecta fuisse, quoniam ætas illa tali genere medicamentorum caruerit. Sed animaduertant hi ex Galeno, quod talia medicamenta sunt ea, quæ administranda ipse docet, turgente tantum & non firmata materia, quam firmatam nullo pacto mouere pharmaco præcipit. Vnde cum vehementiora pharmaca nullo conueniant tempore gestationis vteri, & lenia tantum conueniant turgente materia, nec etiam ista vnquam conuenient, vbi materia non turgeat, sed firmata sit. hæc enim medicamenta, quæ turgente materia, quoniam commotionem & agitationem eadem turgente in corpore non faciunt, conceduntur, si firmata fuerit materia, cum ad motum naturam adiuuantem & incitatam non habeant, materiaq; de se sit segnis, vt ex immobilitate apparet, magnam erunt apta inducere commotionem, valdeque agitate poterunt vtero gerentes & fœtus, cuius validi & importuni motus ratione disrumpi facile ligamenta, & abortus subsequi poterit. quare semper in tali casu hæc eadem medicamenta valde suspecta etunt, & ideo nunquam in usum recipienda sunt, nisi materia turgeat. Quod si interdum proficue, nulloque subsequente incommodo, hæc a quibusdam Medicis administrata fuerint, vt in nonnullis contigisse vidi, hoc robori mulierum, & fœtus firmitudini, quorum ratione vidi etiam tolerata medicamenta abortiua in aliis, quæ sponte abortum procurabant, non rationi quæ in hoc nusquam est, adscribant, regulamque ex his quæ præter rationem & artem fiunt, non condant. Ac dices, quid igitur excluso pharmaco agendum erit? alia habemus ingenia, quibus possumus superare morbos, sicuti victus rectam rationem, præparantia humores, concoquentia, clysteria lenia, ea quæ possunt materias ad vias ductuum deducere, & alia similia, quæ tentanda sunt relicto pharmaco, & hoc præcipue in febribus ipsis:

*An Galenus
admisceret
purgantia
pharmaca
in vtero ge-
rentibus, &
si materia
non turget.*

cuius pharmaci ne meminit quidam Galenus in libris Methodi, in quibus perfectissimam omnium febrium curationem & curandi methodum docuit, inueniens non summam curationis febrium in solo consistere pharmaco. Sed contra hanc sententiam videtur esse Galeni locus libro quinto Apho. in commen. Aph. 55, vbi reddens rationem, quare vtero gerentes febre delectæ vel abortiunt, vel cum periculo pariunt; inquit, quod hæ mulieres aliquando corripuntur febribus adeo vehementibus, ut ex necessitate abortiant, aliquando autem corripuntur quidem febribus non vehementibus, sed mediocribus, in quibus cum a medicis non sufficienter purgentur, utpote qui valida medicamenta exhibere mulieri gravidæ non possint, aliquid superest reliquiarum humorum vitiosorum in corpore, ex quibus postea frequenter fiunt recidivæ & diu laborant, unde tandem vel abortiunt vel difficulter pariunt. Ex quibus verbis patere videtur, Galenum concedere purgantia medicamenta in vtero gerentibus, etiam in quibus materia non turgeat. vbi enim febres sunt mediocres, non turget materia; cum turgere, ut vbiq; habet Hippocrates, sit proprium acuti morbi, in quo non mediocres sed vehementes fiunt febres: & si valde purgantia medicamenta non concedit, innuit tamen lenia exhiberi posse, dum habet hæc verba: *Sed cum non purgentur sufficienter, aliquid superest reliquiarum in corpore vitiosorum humorum*, quibus paulo post subdit: *Non possentibus medicis muliers gravisida aliquod validum auxilium adhibere.* & ideo purgationem, licet non a valido pharmaco factam, concedit. quare ad mentem Galeni lenientia & benedicta pharmaca convenire videbuntur. At res longe aliter se habet, quoniā Galenus clarissime pharmacum excludit per ea verba, dum habet, mulieri gravidæ nullum validum auxilium adhiberi posse. validū enim auxilium est pharmacia, ut vbiq; ipsemet docuit. cum autem inquit, quod mulieres vtero gerentes in febribus mediocribus non sufficienter purgantur, confirmat in his excludendum esse pharmacum. non purgantur enim sufficienter, quoniā in eis illa tantum purgatio adhiberi potest, quam docuit lib. 2 Meth. cap. 9. in febribus putridis admi-

administrandam esse, vbi monuit expellenda esse ea quæ putruerunt, per vrinas & aluum & sudorem, & quandoq; per vomitum, si materia sua sponte eo impetum capiat; ad quam intencionem pisanam proponit, & aquam mulsam, & oxymele, & apomele, & decoctum radices apij: quod si venter sponte nihil reddat, aquam mulsam cum oleo iniiciendam per clystere iubet. talem purgationem, quæ imminuere materiam potest, in vtero gerentibus administrare possumus: at eam quæ eradicare materiam peccantem potest, vt quæ pharmaco electiuo tentatur, non vtiq; debemus, cū in his valida præsidia adhibere nequeamus; & ideo iure dicebat Galenus, quod cum hæc sufficienter non expurgentur, quoniam integro pharmaco expurgari non possunt, superest in his aliquid vitiosorum humorum, cuius merito febres vel protrahuntur vel recidiuæ fiunt. Qua de re concludatur, pharmacū in vtero gerente nunquam, nisi turgente materia, administrandum esse.

Qui præsciam hanc medicorum antiquorum sententiā non animaduertunt vel neglexerunt, non tantum ad expurgandas mulieres vtero gerentes, sed etiam ad prouocandum abortum pharmacum exhibere ausi sunt. Hi conspicientes mulierem grauidam pleuritide, peripneumonia, angina, febre ardenti, & simili alio acuto detineri morbo, aiunt casum esse fere impossibilem curatu: quoniam ratione gestationis vteri mulier debira & opportuna his morbis nō potest ferre remedia. vnde necessarium est, vt vel mater vel fœtus pereat. iudicant autem, vt saluet matrem, fœtum excludendum & abortum procurandum esse, vt materia statu hoc naturali liberata tutius possit omnne remedii genus admittere. & ideo ad hanc intentionem nonnulli ausi sunt exhibere pharmacum soluens, & alia abortiua medicamenta, dicentes satius esse, fœtum interfici, vt saluetur mater, quam eundem vna cum matre periclitantem ex prætermisso pharmaco conseruare velle, quod postea in vtriusque perniciem cessurum esse affirmant. Hæc sententia nequaquā admittēda est, vtpote quæ nec monumentis antiquorum nec rationi consona sit. Hippocrates in iureiurando suo promittit, se nulli fœminæ, quo partum abigat perdatue, medicamentum vn-

*An liceat
promocare
abortū dum
prægnantes
morbo laborant.*

quam daturum esse, monetque in lib. de natura muliebri, ubi mulier conceperit, & prægnans sit, si erysipelas in utero fiat, cum rainen eam perituram censear, non utendum esse his cibis ac potibus, a quib. fœtus corrumpatur. Galenus nunquam docuit, abortum procurandum esse, fœtusque ita semper curam habuit, perinde ac viuentis hominis. & in morbis acutis mulierum prægnantium monuit, lethale esse abortum causari. Vnde lib. 5 Apho. comm. 30, explicans Hippocratis sententiam dicentis, *Mulierem & utero gerentem capere ab aliquo morbo acuto, lethale esse*, huius rationem assignabat, imminuentem abortum, qui ex duobus pendere potest, primo ex magnitudine febris fœtum occidentis, secundo ob tenuem victum in morbis acutis necessarium, qui observatus, ex alimenti defectu conceptum destruit: quare cum lethale sit mulieri prægnanti, capi morbo acuto ex parte fœtus, quia eius imminet abortus, hinc clare liqueat, in morbis grauib. nunquam abortum procurandum esse. cum enim hic casus per se semper sit discrimine plenus, si in morbo grauiori contingat, cum malum malo addatur, res in extremum vitæ periculum deducetur. quare nunquam nec pharmacum, nec abortiuum medicamentum ad hanc intentionem exhibeatur, sed semper incumbat Medicus conseruationi fœtus, quantum in eius potestate erit, omnia recte circumspiciens & mensurans, fœtusque & matris simul summam habens rationem, ne partu interfecto vna & matrem interficiat, ut sæpe factum esse ab his Medicis apparet. quod si oppositum nonnunquam visum sit, ut superius dixi, hoc non rationi, sed robori mulierum per quod errata medicorum tolerare potuerunt, adscribant. *Et hac de usu horum trium auxiliorum in mulieribus, dum utero gerentes morbo acuto laborant, administrandorum.*

De morbis acutis puerperarum.

CAPVT XXIII.

A PARTU solent accidere puerperis plura incommoda, eis tantum peculiaria, sicuti secundæ retentio, dolores ad imum ventrem & circa uterum, mensium dimi-

diminuta vel suppressa vel superflua expurgatio, vel eorundem deprauatio, ex lactis generatione febres validæ, & quæ huiusce sunt classis. de quibus hic non agam, cum ab omnibus in propriis eorum capitibus exquisitè pertractata sint. His autem aliquando superuenire solent acuti morbi, & apprehenduntur vel a pleuritide, vel a peripneumonia, vel ab angina, vel a phrenitide, vel a febre ardenti, vel ab aliquo simili & graui morbo. quate perferendum erit, cum hoc non ita liqueat, quomodo in his, sicut & in superioribus, medicus gerere se debeat, & quo ad victum, & quo ad venæ sectionem, & quo ad pharmacum. Quo ad victus rationem, sciendum est, communem esse fere omnium mulierum errorem, existimantium a partu statim optimis alimentis resciciendas & nutriendas esse puerperas, vnde ad iuxta caponum, ad eorundem carnes, ad aromata, ad vina vinosa statim deueniendum esse opinantur: in qua occasione nisi prudens assistat mulier, vel diligens aduocetur Medicus, qui iuxta Hippocratis & Galeni sententiam, libro secundo Reg. acut. 13, asserentium, ab euacuatione ad pleniorē victum non properandum esse, hæc errata animaduertant; subsequi consuevere grauissimi morbi. caueant igitur puerperæ a tali genere victus, & vtantur feruillis tantum in iure primis diebus, abstinentes a carnibus & vino & aromatibus, ac cæteris quæ febrem vel inducere vel augere apta sint. ad quæ omnia deuenient subsequenti tempore, pro ratione & virium & status mulieris. Si autem hoc tempore contingat, puerperam apprehendi acuto morbo, victus tenuis imperetur, & hoc maxime, si hoc primis diebus euenerit, quo tempore facilius, quam in processu puerperii, solent mulieres tenuem victum tolerare. tunc igitur exhibeatur ptisana, quæ, si optime parata & cocta fuerit, nullos poterit edere flatus. & hæc diluatut iure pulli tenuioris, quod idem pro potu cōmendo exhibendum esse. vinum enim omnino excludendum est. & potus aquæ etiam optime alteratæ in pluribus mulieribus solet ventriculi vel vteri dolores ob flatus inde genitos inducere, consuevitque puerperis mirum in modum aduersari. si tamen habeamus patientem boni habitus, robu-

Victus ratio seruanda in morbis acutis mulierum puerperantium.

sti ventriculi, & quæ uterinis affectibus moleſtari nō conſueuerit, in hac poterimus aquæ potum, cum cinamomo vel aliquo ſemine odorato alteratæ, admittere, vt interdū ego feci, qui puerperas tales cum potu huiusce aquæ in acutis paſſionibus uſque ad ſeptimam & nonam diem ſæpe detinui. lutea ouorum, & cætera quæ pleniorẽ reddere victum ſolent, non admittantur, niſi vires quæ ſemper in quocunq; caſu manutenendæ ſunt, hoc idem iudicent. a quibus ſemper iudicatio cibi reguletur, qui & quo ad qualitatem & quo ad quantitatem ſemper ſit talis, vt nunquam hinc morbus ingraueſcat.

*Sanguinis
miſſio quō
& quando
paranda in
morbis pu
erperarum.*

Quo ad ſectionem venæ conſiderandum eſt, an morbus acutus vel in principio puerperii, vel in medio tempore, vel in vltimis diebus partus puerperam apprehenderit. ſi enim hoc a principio factum ſit, licet in morbis acutis, florente ætate & conſtantibus viribus, ſemper ſit ſecanda vena; tamen cum a partu ſtatim, & per primos illos dies copioſe naturaliter expurgentur mulieres, nulla alia tentanda eſt ſanguinis euacuatio quam quæ a natura recte & naturaliter operante dirigitur: quæ tamen ſi ſupprimatur vel imminuatur, tum ad tollendum morbum & affectum præter naturam, tum ad prouocandam naturalem euacuationem ſecentur venæ inferiores, & copioſe mittatur ſanguis; quoniam copioſa etiam eſſe debet ex præſcripto naturæ menſum tunc temporis purgatio. Si autem medio tempore acutus ſuperueniat morbus, duo conſideranda erūt; primum, an morbus pendeat vel a materia in particulari loco conculcata, vel a materia ſparſa; ſecundum, an mulier conuenienti expurgatur menſura, vel non. ſi a ſparſa generetur morbus materia, vt ſit in febris, mulierque non perfecte expurgata ſit, ſtatim ad ſectionem venarum inferiorum deſcendere debemus; quoniam hinc materiæ minorationem, & naturalis expurgationis prouocationem habebimus. Si autem mulier ſufficienter expurgetur, morbusque inualeſcat, nec euacuatio naturalis morbo ſatisfaciat; venas inferiores ſecabis, tantumq; detrahes, quod ex cōiunctis ambobus proficiatur, quod poſtulat morbus, vt docuit Galenus lib. 9. Meth. cap. 5. ſi tamen febris admodum intenſa, incendiumque magnum aderit,

aderit, id fiat, quod nunc in morbo a materia, in loco particulari conculcata & putrescente, facto agendum esse declato. Vbi particularis aderit acutus morbus, vt puta pleuritis vel angina vel similis alius affectus, si grauis sit, valdeque instet, & indicet de sectione venæ, siue expurgetur sufficienter, siue non; statim deueniendum est ad sectionem venarum superiorum, e directo loci affecti existentium, & ei proximiorum; quoniam ita a loco affecto euacuantes morbum facilius tollemus, quam si inferiores secemus, quæ nec proximæ sunt loco affecto, nec ab eo euacuari possunt, imo has secantes virtutem ex euacuatione labefactabimus, & materiam in loco particulari conculcatam non minuemus. hoc pateat exemplo anginæ, qua instante secanda statim est humetalis vena, vt a loco affecto educatur & reuellatur materia: si autem inferiores secuerit, vel totum fere sanguinem educes ad reuellendam & euacuandam materiam suffocantem, vel ex ea sectione adeo tarda succedet utilitas, vt prius mulier ex angina ea extincta fuerit, quam persentiat reuulsam fuisse materiam a loco affecto. Hoc tamen cum hac conditione exequatur, quod antequam minister ad secandam accedat venam, fiant frictiones ad coxas & etura: quibus factis, fiant ligaturæ dolorosæ in medio coxarum, ita quod detineantur, quoad secta fuerit vena. a misso sanguine paulo post soluantur, & tunc cucurbitulæ iisdem ad coxas in parte interiori applicentur, vel saltem frictiones illæ repetantur. hinc habebimus materiei peccantis minorationem, loci affecti alleviationem, & purgationum naturalium conseruationem. Hoc idem censeo faciendum esse in febribus ardentibus & vehementioribus. quoniam licet materia sit sparsa, tamen incendium tantum est circa cor & viscera, vt ex eorum longinquæ venæ sectione non ita mitigati & extingui flamma possit, sicuti ex proxima & maiori, qualis est basilica. Quem curandi modum, non solum prædictis rationibus persuasus, seruandum esse censeo, sed etiam affirmo, me hoc felici experientia confirmasse. quod i-

dem non solum in puerperis, sed etiam in cæteris mulieribus morbo acuto detentis, dum menstrua purgatione naturaliter euacuantur, seruau; hoc vnum tantum animaduertens, vt dum in principio copiose purgantur, rem naturæ dimittam: post principium autem statim supra dictis conditionibus obseruatis, ad superiorum venarum sectionem deuenio, indeque vtilitatem ægrotantium saluari euentu consequor. Si autem in vltimis diebus puerperæ morbo acuto laborauerint, iisdem conditionibus habitis & obseruatis idem agatur, quod docui agendum esse in medio tempore; hoc animaduertens, quod semper, quo magis distamus a die partus, eo tutius possumus ad venarum superiorum sectionem ascendere; quo autem magis illi appropinquamus, etiam in medio tempore, hoc idem maiori cum præmeditatione agendum erit: nisi que instet morbus, vrgeatque eius acuties, sique naturalis expurgatio copiosa fuerit, ab eis abstinere poterimus. si autem non copiose expurgentur, venas inferiores ad supplementum debitæ quantitatis secabimus. si tamen oppositum contigerit, seruetur id, quod urgente & instante acuto morbo agendum esse declarau; venæque superiores in talibus casibus nulla cum hæsitacione tuto & cum ratione secantur.

*Pharmacū
purgans an
in puerperis
administrā-
dum sit.*

De pharmaco hæc pauca notanda sunt. Dum expurgabitur mulier, purgationesque naturales fuerint, nullo pacto admittatur pharmacum; per hoc enim materia a proprio diuerteretur opere. si tamen purgationes non naturales fuerint, fluxioque albida, vel alterius non naturalis coloris prodierit, cocta existente materia, vltimo puerperii tempore tuto administrari poterit: quod nunquam in primis diebus a partu exhibendum censeo; quoniam ex naturæ præscripto moles sanguinea, quæ ex conceptu detenta & non purgata fuit, educenda est. quod sola sanguinis euacuatione, non pharmaco peragendum venit. Vbi autem non expurgetur mulier, remediaque ad hoc opportuna incassum tentata sint, materiaque morbi sit cocta, transf-

actis

actis primis diebus a partu leuiori pharmaco educi poterit. vehementiora enim in his casibus vereri oportet, solaque assumenda sunt, ea, quæ inter benedicta recensentur. quæ eadem tutius & absque vlllo discrimine in vltimis diebus, cum non expurgabitur mulier, administrari poterunt. hæc de tribus his auxiliis vel in vtero gerentibus, vel in puerperis existentibus, dum acuto morbo detinentur, administrandis sufficiant.



PETRI SALII DI-
VERSI, MEDICI AC PHILO-
SOPHI FAVENTINI, ANNOTA-
tiones in librum Donati Antonii
ab Altomari,

De medendis humani corporis malis.



VE MA D M O D V M per ea quæ hucus-
que a me explicata fuere, non aliud de-
clarare volui, quam ut eos, qui huic no-
stro studio se addicunt, comoneface-
rem, ut antiquorum scripta non conni-
uentibus oculis, sed quanta possint dili-
gentia. & sedulitate perlegant; ita per
hæc quæ mox expositurus sum, non aliud intendo, quam
eosdem admonere, cum artis nostræ partem factivam at-
tingere voluerint, ne ita fidant recentiorum sententiis, ut
ab eis existiment artis medicæ absolutam perfectionem
accipere posse. plura enim ab huiusce classis hominibus li-
terarum monumentis mandata sunt, quæ nec Hippocra-
tis nec Galeni principiis satis consonare videntur. Quæ
omnia si examinanda forent, res in vastum & amplissi-
mum volumen esset transponenda. Quod ne fieret, cogi-
taui ego, vnicum ex recentioribus proponere authorem,
qui & secundum Galeni & Hippocratis principia artem
medendi docuerit, & qui ita metam hanc attigerit, ut ei
merito iureque inter omnes qui hucusque hanc medendi
rationem exposuerint, primas quisque tribuere debeat.
Hic est Donatus Antonius ab Altomari, Medicus Neapo-
litanus, vir insigni doctrina & exercitatione præditus, cui
& nostra

& nostra studia, & qui a morbis vexati a nobis artis huius implorant auxilium, plurimum debent. Hic de medendis humani corporis malis absolutum edidit volumen, quod ob eius excellentiā nullo est pacto a nobis negligendum; imo a nemine, qui hanc nostram profiteri velit scientiam, iure prætermittendum est. non tamen ita est admittendum, ac si nihil in eo sit, quod sub diligenti examine positum, veritati aut antiquis priscorum Medicorum decretis refragetur. Cuiuscemodi nunc quædam particularia loca exponens, clare ostendam, hoc vnum animaduertēs, non omnia quæ difficultatem & examen pati potuissent, me breuitatis gratia propositurum, sed nonnulla tantum, tanquam exemplaria, quorum merito iuniores perspicere valeant, non esse ita simpliciter huiuscemodi authoribus credendum, sed necessarium, ad adipiscendam perfectam huius artis notitiam, priscorum Medicorū volumina euoluenda, & cum maxima attentione perlegenda esse: dum autem hoc exequar, si quid a me in singularibus his morbis obseruatum est, cæteris communicabo.

De memoria deperdita. CAP. 1.

SUPPONENS author, affectum hunc pendere ab in- *Memoria*
temperie frigida ex Galeno, & deueniens ad causas in- *deperdita*
quit, alias esse externas, alias internas. internas recensens *an causetur*
ait, duas esse, scilicet vel pituitam vel humorem melācho- *ab intempe-*
licum: quibus absentibus ait, obliuionem non ab interna *re cum ma-*
sed externa causa originem ducere: quæ sententia videtur *tertia.*
longe distare a Galeni mente, qui lib. 3. de loc. affect. cap. 4. docet, hūc affectum pendere ab intemperie frigida nuda, nō ab intemperie cum materia, vt opinatus est author. imo Galenus expresse hæc verba habens, dicebat: *Quod si frigus cum humore vehementer intendatur, soporem stuporemque constituit: sine hoc vero memoria nocet, stultitiamque inducit.* per humorem autem pituitam intelligebat Galenus, quoniam si non pituita, sed melancholicus humor cerebri substantiā occupet, non soporem sed melancholiam causat, sicuti ipse eodem libro cap. 5. post medium docet, & tunc nec obliuionem nec stultitiam intro-

ducere, sicuti asserit author, potest. Quare causa internæ memoriæ deperditæ non poterit esse nec pituita nec melancholicus humor, cerebri substantiam occupans. quoniam hic melancholiam, ille soporem & stuporem, non obliuionem, inducit: sed causa hæc interna erit intemperies frigida sine materia, quæ & cum intemperie humida & cum sicca, & cum his temperatis connecti potest. quæ intemperies humida non intelligitur a Galeno ratione humoris humidi abundantis, sed ratione humidæ temperaturæ solidarum partiū cerebri, sicuti nec intemperies sicca ab eodem intelligitur ratione humoris siccī abundantis, sed ratione propriæ temperiei siccæ ipsius substantiæ cerebri: in qua re lapsus est author, existimans idcirco intemperiem frigidam esse iunctam intemperiei humidæ vel siccæ, quia humor vel humidus vel siccus substantiam cerebri occupet. Quod ultra id quod Galeno non consentit, etiam hoc implicat, quod non daretur memoria deperdita ex pura & simplici intemperie frigida, existentibus passivis temperatis, in qua, quoad somnum, patientes secundum naturam, non autem somnolenti vel non somnolenti se habent; quod tamen admisit & docuit Galenus cap. quinto in principio. Si autem Galenus libro 2 de sympr. caus. cap. ultimo inter causas torporis rationis & memoriæ recenset frigidum succum in cerebro collectum; hunc dicimus etiam memoriæ noxam quidem inferre, non tamen primario, sed ob altum introductum affectum, sicuti vel per soporem, vel per lethargum, vel per similem introductum morbum: quoniam his morbis præsentibus semper læditur memoria, non autem quod vitiosus succus in cerebro collectus possit memoriam lædere, vel sine sopore ubi non putrescat pituita, vel sine lethargo ubi eadem putrescat. Quod si non picuitosus succus, sed melancholicus is sit, qui in cerebro collectus est, non proprie memoria læditur, sed melancholia introducitur, per quam delirare, timere & mœrere possunt ægrotautes, non tamen proprie memoriæ læsionem incurrisse dicantur. Qua de re pro curatione memoriæ deperditæ non debemus attendere humores hos peccantes, tanquam causas huius morbi proximas, sed tanquam mate-

rias,

rias, si adsint in corpore superabundantes, quibus præsentibus curatio morbi non est tentanda; quoniam vniuersalia particularibus sunt præmittenda.

At hæc Galeni sententia, quod obliuio ab intemperie frigida pendeat, non leuem penes me difficultatem habet. cum enim nouerim, videamque plurimos insigni frigidity cerebri laborantes, quorum nullus memoriæ noxam patiatur; suspicari cœpi, an hæc posito vera esset. quod idem mihi suspicandum persuadebat multitudo agrotantium, qui a Medicis ad embrochas naturalium aquarum calidarum, ad remouendam inde cerebri frigidityatem, relegantur; hi enim quamuis insignem capitis frigidityatem habeant, nullam tamen ex hac obliuionem incurrunt: quæ nihilominus, si Galeni argumenta a similitudine causarum efficientium, & a similitudine animalium frigidorum, non a re ipsa desumpta, vilius existant roboris, succedere posita causa deberet: quod tamen non tantum non vidi factum, sed eius etiam oppositum obseruavi. In nonnullis enim obliuiosis quos curandos suscepi, nullum frigoris manifestum indicium animaduerti, & in aliquibus adesse insignem cerebri calorem perspexi, quos adhibitis circa futuram coronalem refrigerantibus auxiliis adiui. non nego tamen, me in plurimis etiam insigni frigida intemperiem cognouisse, sed hoc non esse perpetuum animaduerti: quare iure dubitavi, an ab hac sola intemperie memoria ipsa vel diminueretur vel in totum perderetur. In quam eandem hæsitacionem me casus infra describendi impingebat. Ab ictu cerebri valido nouimus in aliquibus memoriā abolitam esse, legimusque præstantem philosophum ex lapidis vehemēti in capite percussione omnium scientiarum & disciplinarum eius oblitū esse. Testatur Galenus hoc ex Thucydide referēs, nonnullos peste laborantes, posteaquam ab ea saluari fuere, omnium præteritorum ita recordationē amisisse, & vt literarum & artium & suorum etiam nominum amplius non meminerint. At quæ ex ictu in cerebro accepto, vel ex peste frigida intemperies in cerebrum ipsum introduci potest? Præterea curauit ego iuuenem obliuiosum, qui tantum præsentium rerū recordationem amiserat, earum autem quas

An memoria deperdatursemper ratione intemperies frigida.

anteactis annis edidicerat, memoriam integrā seruabat. carmina enim plura, quæ memoriæ olim mandauerat, concinne & compositæ recitando canebat: qui tamen a prandio statim interrogatus, quo alimēti genere in mensa vsus esset, nullius rei recordabatur; nec si ab amicis visitatus fuisset, illis quamprimum discedentibus, eorum amplius meminerat. In hoc si intemperies frigida obliuionis fuit causa, cur præteritorum & non præsentium recordabatur? cum huius, si ab intemperie frigida hoc fieret, oppositum contingere debuisset. Præ manibus etiam mulierem omnium rerum obliuiscens habui, quæ ex spontanea per aluum euacuatione, per quam biliosa, sanguinolenta, viridia, mucosa & similia educebantur, amissam memoriā, nullo adhibito ipsi cerebro particulari medicamento, recuperauit. Alteram curaui mulierem hoc idem patientem, quæ ex arte factis euacuationibus a morbo soluta, pristinaque sanitati restituta, memoriam quidē præteritorum recuperauit, sed illarum rerum, quæ, dum ea ægrotaret, circa ipsam administratæ fuerant, vllhus non meminerit, ita vream me visitasse nec agnosceret nec recordaretur. Hæc omnia me in hanc difficultatem, vt de Galeni sententia dubitarem, deduxerunt, indeque credo deperditæ memoriæ altiore causam, quā pura intemperies, (sit hæc vel morbus organicus vel alius quislibet) perscrutandam esse.

De Lethargo. CAP. II.

Lethargus duplex est.

Lethargus an semper sit cum putredine.

INQUIT author ex Galeno, necessario pituitam debere putrescere, ad hoc vt lethargus contrahatur, quod tamen non ita verum esse videtur, quoniam duplex datur lethargus, alius cum putredine, alius sine putredine pituitæ. Vbi enim frigiditati iuncta sit humiditas, hoc sufficit ad causandum lethargum, vt habet Galenus lib. 2 Apho. commen. 3. in qua tamen indispositione necessario febrilis requiritur calor, vt habetur lib. 4 de Prognost. ex pulsu, vbi docet, qui pulsus fiant cerebro affecto: & hic lethargus est sine putredine. alius autem est cum putredine, & hic fit, dum pituita putrida cerebrum, vt ibidem docet Galenus,

Galenus, afficit, & hi duo lethargi sicuti differunt ab inuicem per putredinem vel non putredinem materiei peccantis, ita etiam pulsus differentes edunt, quoniam pulsus in lethargo sine putredine est mollis; at in lethargo cum putredine est mollis quidem, sed præbet speciem arteriæ contectæ; quoniam per hunc magis lædatur & tenditur cerebrum, ut loco citato Gal. habet, expresseque docet, prædictos lethargos ab inuicem distinguens.

Cum autem author ex Galenolib. 13 Meth. cap. 21, demonstrare nititur, quod in lethargo necessario pituita putrescat; animaduertatur, quod Galenus hoc non affirmat, sed inquit, *quod si pituita aliquando putrescat, cum sebre fit is affectus qui lethargus vocatur, & per quam dictionem, aliquando, non attestatur omnem lethargum esse cum putredine humoris, sed tantum hoc aliquando fieri, scilicet ut putrescat, & tunc, cum pituita in cerebro putrescat, necessario fieri lethargum, tamen hoc non includit, quod in omni lethargo eadem putrescat; quoniam, ut declaratur loco citato libri quarti de Prognost. ex pulsu, datur ex eius mente lethargus, & cum putredine & sine putredine.*

An ex Galieno pituita in lethargo semper putrescat.

Hic animaduertant Medici alterum signum lethargi, quod nec a Galeno expresse, nec a Paulo, nec ab Aetio, nec ab alio classico authore positum est, & est delirium quoddam, quod sequitur ad lethargum ex putredine pituitæ genitum; nisi forsan Aetius per illa verba, *aliena loquuntur*, hoc idem intellexit. Hoc videbunt in praxi artem hanc exercentes, sicuti ego sæpius vidi, nec hoc erit præter rationem, quoniam licet in lethargo ab omnibus scribeantibus ponatur restrictum facultatum diminutio vel abolitio, non deprauatio, non tamen verificatur in omni lethargo sed in eo tantum qui est sine putredine. Et si dixerit Galenus lib. 2 de Sympt. caus. cap. ultimo, succos delirium causantes omnes esse calidos & mordaces, præter eos qui melancholiam causant, ex quibus habetur, pituitam non posse delirium causare; animaduertatur, quod pituita de se non potest delirium ob propriam frigiditatem inducere: si tamen putrescat, incalescit, mordacitatemque acquirit, cuius ratione delirium aliquod leue gignere po-

Lethargum ex putredine consequitur aliquale delirium.

A frigida succu sed putrescentib. causatur delirium.

teriti; & ideo in lethargo, vbi pituita putruerit, erit aliqua-
le delirium. Hoc vltra experientiam confirmatur pul-
cherrima Galeni sententia, libro tertio Epid. sect. 3, com-
men. 45, ita dicentis: *Non est igitur nouum in corpore,*
crudis collectu humoribus, ut excrementa demonstra-
runt, esse sopitos illos simul & dementes euasisse; sopitos
quidem ex multitudine & frigore succorum crudorum;
dementes, quod acredinem pariebant & calorem pu-
treferentes.

Deueniens author ad exponendam curationem lethar-
Lethargi & gi, dicit maximam esse similitudinem lethargi cum me-
memoria moria deperdita, propterea eorundem curationem fere
deperdita similem esse: quod nedum non est verum, sed etiam oppo-
cursatio an situm constat. nam lethargus est morbus acutus, memo-
coincidant. ria deperdita longus; lethargus est morbus lethalis & val-
de periculosus; at memoria deperdita, nisi alteri cōiuncta
sit morbo, omni caret vitæ periculo. lethargus fit a mate-
ria, memoria deperdita a nuda intemperie; lethargus ha-
bet necessatio semper febrem coniunctam; memoria de-
perdita, quantum sit de se, nunquam; quare non tantū non
sunt similes, sed valde dissimiles, & ideo iure etiam cura-
tio dissimilis esse debet.

Propotu statuit lethargicos vti debere hydromelite, vel
vino albd, aquoso, tenui, adstringēte. de hydromelite, con-
cedatur; at de vino hoc affirmo, videlicet omnino abstine-
dum esse ab omni genere vini, vsq; ad morbi perfectam
& vniuersalem declinationem, quoniam vinū omnes in-
flammationes membrorum principalium prorit.

Vena secanda, inquit, sit media, vel interna; ego autem
ex Galeno dico, secandam esse humeralem, quod pluribus
docuit locis, præcipue autem lib. de curandi ratione per
sang. miss. cap. 16, in quo hanc habet claram sententiam.
Nam hi tres sunt loci mittendi ex cubito sanguinis, inter-
rior, exterior, medius. Igitur interior & utilis est in ijs qui-
buis inferiores collo partes patiuntur; exterior in ijs qui-
buis quæ his superiores sunt, ut facies aut caput; medius
locus interdum & trasque habet diductas Venas, in &
teriore brachij partem tendentes, ac deinde hinc coe-
untes, interim vero celeriter in unum musuo congregan-
tes,

entes, ipso videlicet iunctura flexu, ac nonnunquam obscuram earum alteram, claram vero alteram. itaque & bī Sena, quā partis affecta propria est, obscurior fuerit, & ad medietatē aliquam accedat, conare, quā a propria deducitur, potius incidere, &c. Ex quibus patet, humeralem in capitis affectibus semper secandā esse, nunquamq; deueniendum ad mediam, nisi existente superiorē obscura, in incidendaq; media, semper secandam esse eam quæ ab humerali diducitur.

Quo ad purgationē, laudat in lethargo medicamenta ab eo proposita in curatione deperditæ memoriæ. quoniam tamen author omisit hic medicamentum celebre & vtilissimum, ac in lethargo specialem habens conuenientiam, id pro iunioribus ratione scilicet huius morbi notabo, quod est scammonia vna cū castoreo exhibita. quæ licet non videatur opportuna, cum scamonea dicatur bilem, non pituitam, cuius educationem in lethargo tentamus, euacuare; tamen conuenientissimum est medicamentum ac antiquissimum, & a Rufo Ephesio valde in lethargo celebratum, vt refert Oribasius libro 7 coll. Med. cap. vlt. quodeo magis ratione probandum est, cum ex eodem Rufo non solum bilem, sed etiam pituitam bilī impermixtam educat, vt eod. lib. cap. de scamonea recensetur, vtq; experientia veritatis ministra pluries testata est.

In enumerandis particularibus remediis probat castoreum, vel aceto vel oleis commixtum, capiti administrandum esse. At ex Gal. lib. 2 de simp. med. cap. de castoreo habetur, hoc rosaceo admixtum nō tantum capiti sed & collo affusum, valde prodesse posse.

In parando sinapismo iubet sinapi aceto macerandum esse, cuius rei præter id quod ei experientia refragatur, oppositum docuit Aetius lib. 3, cap. 181, & Oribasius libro 10 collect. med. cap. 13, monentes ex aceto sinapismum obrufius reddi. quod idem animaduertens Iacobus Holerius libro 3 de chirurgicis institutionibus, cap 5, de pyroticis testatur, aceto vinī sinapis exolescere, quare aceto aqua præferatur. Ego tamen aliquando, vbi vehementius desideravi hoc medicamentum, in hunc usum lixiuium assumpsi.

*Sinapismus
quando rosæ
aceto parari
debeat.*

*Lethargus
an fiat ex
sola pituita.*

Docuit autor hoc eodem capite ex communi omnium sententia lethargū fieri a pituita. sciant tamen omnes ex mixtione bilis & pituitæ etiam fieri posse lethargum, vbi bilem ipsam pituita superabundauerit. & tunc licet sit horum humorum miscella, tamen exquisitus lethargus vocabitur, vt docet Galen. libro primo Protrhet. commen. primo, hæc verba habens: *Nonnunquam & in horum alterum res ita diflexit, ut vel bilis vel pituita superior sit, ægerque reddatur aut phreneticus exquiste, aut lethargicus.* In quo casu sit perspicax Medicus, tum pro morbi cognitione, tum pro eiusdem curatione: quoniam præseente bile ea medicamenta quæ in lethargo a sola pituita sunt administranda, cum aliquo temperamento paranda erunt, alias apta erunt maxima nocumenta ægrotantibus ipsis inferre.

*Lethargus
quandoque
causatur ex
permix-
tione phre-
nitidis.*

Huius etiam ratione animaduerto, quandoque fieri lethargum ex permixtione phrenitidis, vt habetur libro 3 Epid. sect. 3, comm. 45, & Aetius in proprio capite, & tunc non a pituita lethargus ortum habebit, hoc enim vtpurimum consuevit contingere ex refrigerantibus medicamentis, in phrenitide intēpestiue adhibitis, & tales lethargi sunt forsā insanabiles, vt haberi potest ex Galeno lib. 3 Epid. sect. 1, commen. 7. nec in talibus lethargis vnquam conueniunt repercutientia, quia materia iam impacta est, nec aliunde fluit.

De Caro.

CAP. III.

*Caro & le-
thargus quo
modo differe-
rant.*

DIFFERT, inquit, caros a lethargo, cum ab eadem materia dependant, scilicet a pituita cerebrum irrigante, quod in caro non putrescit pituita, sicuti putrescit in lethargo. Quod tamen nequaquam verū est: quoniam, vt supra dictum est, ultra lethargum ex putredine datur & lethargus sine putredine. At in hoc differunt, quod in caro, quantum sit ratione sui, non adest nec febris nec putredo, sicuti etiam nec in apoplexia & catoche: at in lethargo necessario adest febris, & quandoque putredo.

De

De Catoche & Catalepsi.

CAP. II II.

TRANS CRIBIT author ex Aetio huius morbi symptomata, in quo norandum est, quod Aetius nō concordat cum Galeno in essentia huius morbi, quoniam Aetius describit morbum cum febre medium inter phrenidem & lethargum, mentem non corpus occupantem & deprehendentem: at catalepsi & catoeche ex Galeno est affectus sine febre, deprehendens tum mentem tum corpus: ex quo sequitur, ut ægrotans in ea figura permaneat, in qua deprehensus est a morbo, & inde rigidus totus maneat sine loquutione & sine sensu, ut videatur statua immobilis: tuncque nec si pungantur, sentiunt, nec in parte vlla mouentur, ita ut si palpebris apertis deprehensus sit æger, oculis apertis manet, nec tamen videt: cuius rei testimonium est, quod post accessionem nullius rei quæ facta sit in accessione, recordantur. Vnde sentiendum est, alium esse casum Aetii, alium Galeni, cuius ratione credo nunquam authorem vidisse aut curasse morbum hunc. alias in confundendis his signis & symptomatibus valde lapsus est, Galeno contradicens. hoc hinc pateat, dum ex Aetio hæc verba transcribit: *Admouent autem manus suas aliquando ad caput & oculos ac nares, Velut qui Sellisuntur, atque hoc non sentiunt*, hoc clare ostendit, ipsum mentem Galeni non perfecte assequutum fuisse, nec unquam vidisse ægrotantē catoeche deprehensum, quoniam hi adeo rigidi sunt, ut nullam corporis partem nec palpebras etiam moueant: imo tanquam immobiles larvæ se habeant. quare mirandum est, quomodo huic morbo adaptare velit Aetii sententiam, de alio morbo in quo non est rigiditas corporis, nec immobilitas, loquentis.

Dum ex Aetio etiam transcribit, quod in hoc morbo spiritus aliquando est densus, aliquando rarus, & quod nonnunquam per intervalla quædam ducitur magnus spiritus, clare opponitur Galeni decretis, qui in lib. 4. de locis affectis cap. 2 dicebat, quod in sopore & catalepsi cessatur spiratio secundum naturam.

Catoche & catalepsi quid sit.

In Catoche an spiritus a naturalis mutetur.

Quærens author, ad quem cerebri morbum sequatur catoche, statuit ex Galeni mente libro 2 Apho. commen. 3, hunc affectum consequi frigidam & siccam cerebri intemperiem, ex frigidiori sicciorique materia ortam. Recensens autem in hoc Pauli auctoritatem, sentientis Cataleptis causam ortum habere ex obstructione posterioris cerebri ventriculi, a frigidiori & sicciori materia causata, eius sententiam videtur parvipendere. vnde concludens ait: *Hos vero, qui in hoc, Veluti in alijs, Galenum præcipue sectamur, ex frigida tantū & sicca cerebri intemperie ortum habere fatemur.* Attamen nos pro Paulo in oppositum demonstratiuā habemus rationem. nam cataleptis seu catoche subito accedit, & subito generatur, igitur non ab intemperie, sed a materia, & ea quidem obstructa, causatur. Ratio hæc erat Galeni lib. 3 de loc. affectis, cap. 5, ad demonstrandum, epilepsiam ab intemperie non posse generari. quam eandem rationem assūmebar, eodem lib. cap. 7, ad probandum idem de apoplexia, hæc verba habens: *Apoplexia autem quod subito eueniat, aut frigidum succū, aut crassum aut viscidum, qui principales cerebri ventriculos affatim implet, non totius substantia intemperiem, causam esse, manifestum est.* Obstructio autē hæc in catalepsi contingens, omnes quidē cerebri ventriculos occupare solet, sed præcipue & magis posteriorem, vt habetur a Paulo, qui hanc particulam a Galeno ex lib. 4 de loc. affect. cap. 2, transcripsit. & hac de causa in catoche patientes semper rigidi sunt, & hinc eum statum in quo a morbo deprehensi fuere, conseruant, non tamen semper priuantur vel visu vel auditu; quia in aliquibus non fit completa catoche, & ideo anteriores cerebri ventriculi nō omnino obstruuntur: cuius ratione quoquo pacto sensus illi qui ab anteriori parte cerebri ortum habent, conseruari possunt. Ex tali autē obstructione, etiam vbi totalis extiterit, non fit apoplexia, sed catoche; quia ad apoplexiam causandam requiritur, quod omnes cerebri ventriculi æque & insigniter obstruantur. præterea in apoplexia non solum cerebri ventres, sed etiam corpus, & corpus magis, quam ventres, affici solet, vt habetur a Galeno, loco citato lib. 4 de loc. affect. cap. 2. At in catoche non

æque

æque omnes cerebri ventriculi, sed præcipue postremus læditur, nec in catocæ corpus cerebri sed ventriculi tantum, & potissimum posterior afficitur. cum autē a posteriori cerebri parte ortum habeant, & spinalis medulla, & nervi duri motui inserviētes; non est mirum, cum obstructio hæc a sicciore & frigidiore materia, id est a sicco melancholico, qui exustionem adhuc non senserit, causetur, si omnia corporis membra, ab hac parte nervos & motum recipiētia, in catocæ rigeant: cum frigidum & siccum aptum sit res ipsas indurare, materiaq; hæc obstruens propriam qualitatem & naturam partibus inferioribus impartiat. Quemadmodum autem talis obstructio non est apta inducere apoplexiam, pariter nec apta est inducere epilepsiam. in epilepsia enim materia a natura agitur, stimulata ad motum propter exitum animalis spiritus; concutiturq; cerebrum ad explosionem materiei obstruentis: at in catocæ materia obstruens est fixa & firmata, nec insurgit natura ad eius expulsionem: nec in catocæ materia hæc ullam pravam (qualē in epilepsia forsitan necessario habere debet) qualitatem adeptā est. Et ideo catocæ a tali obstructione causari, summa cum ratione censendum est, non autem ab intemperie, sicuti ex Galeni mente loco citato lib. 2 Apho. commen. 3. probare nititur author. Nō enim Galenus ibi per refrigerationem vna cum siccitate iunctam puram intemperiem frigidam & siccam intelligit, sicuti nec per refrigerationem humiditatis mixtam intelligit puram intemperiem frigidam & humidam, sed intendit per hæc Galenus declarare materias, non intemperies, morbos hosce causantes. *Quare* (inquit) *refrigeratio humiditatis mixta*, id est humor frigidus & humidus (qualis est pituita) *lethargicas passiones facit*. lethargus enim a pura & simplici intemperie causari nequaquam potest: refrigeratio autē siccitati iuncta, id est humor frigidus & siccus, qualis est succus melancholicus, eas quæ Græco vocabulo catalepsis, id est deprehensiones, nominantur, producit.

Eodem cap. cum proponit ptognosticum ex Aetio, ait quod hic morbus est lethargo periculosior, licet in febribus lethargo similibus consistat. ex quo videatur consenti-

*Catocæ &
catalepsis
an sit cum
febre.*

re Actio dicenti, huic morbo coniungi febrem. Quod est contra Galenum, lib. 13 Meth. cap. 21, ubi ponit catochen inter morbos qui sunt sine febre, & qui ab humore frigido gignuntur, quod idem ultra experientiam testatur & ratio. nam materia causans morbum est frigida, & in loco firmata frigido, nec putrescit, & ideo non potest accendere febrem. Nec etiam est periculosior eadem ratione, & eo magis, cum experientia constet, hanc aliquando periodos habere & accessiones: quod non est in lethargo, qui acutus est, non habens periodos.

Catoche & catalepsis quid sit. Ne autem res ita imperfecte hinc habeatur, hanc sic declaro. Catalepsis seu catoche est deprehensio corporis in ea figura, in qua a morbo corripitur, cum detentione sensuum, tam interiorum quam exteriorum. Quare hic affectus erit rigiditas totius corporis, in quo aufertur omnes facultates rectrices, tum internæ tum externæ. Unde nec loquuntur, nec vident, nec sentiunt, nec soluta accessione ullius rei recordantur. Morbus igitur hic erit totius corporis rigiditas, cum ablatione tam sensuum exteriorum quam interiorum. vnde in lib. finitionum Medicarum iure dicebat author ille: Catochus est, cum sensu priuatur anima, corpusque omne, velut gelu, obrigescit. hanc sententiam experientia confirmat.

Catalepsis historia. Monialis hunc morbum patiens, ter & quater in mense, nulla præsentente febre, ab eodem capiebatur, & ea forma qua eam statem inuadebat, permanebat, & tanquam statua rigida se habebat; sine motu & sine sensu erat, adeo ut etiam si tunc temporis pungeretur vel secaretur, nihil sentiret; nec ullius rei post solutam accessionem meminere: in resolutione autem accessionis incipiebant quædam suspiria, & quædam vox clangosa, cum semper prius sine loquutione muta permaneret. huic aliquando visum est crux sinistrum cœuelli, qui forsitan est casus similis posito ab Hippocrate, libro tertio Prorrh. tex. 66. hæc curata est a me per vniuersalia & per particularia, & sana facta est.

Quoniam tamen Hippocrates, lib. 2, Prorrh. tex. 56, meminit de delirio cum catoche, & ideo videntur catochi loqui posse; & quoniam Galenus in commento narrat historiam iuuenis catoche deprehensi, quem testatur & audiuisse

audiuiffe & vidiffe & meminiſſe, & ideo videntur ſenſus, *An in cata-*
 tam interiores quam exteriores, ſeruari, cuius oppoſitum *che ſeruema-*
 poſuimus; notandum eſt, hæc fieri poſſe, incipiente, & de *tur ſenſus*
 bili exiſtente catalepsi, completa autem nequaquam. Cu- *tam interiori-*
 ius merito dubitans Galenus de caſu Hippocratis dicebar, *res quam*
 potuiſſe incipiente catoeche loqui ægrotantem, & hinc de- *exteriores.*
 lirium cognitum fuiſſe, completa autem minime amplius
 loqui poſſe. hoc idem aſſero de ſenſibus, tum internis tum
 externis; quoniam ſi incipiens ſit morbus, ſeruari poſſunt,
 & pariter ſi levis ſit affectus. Vbi autem completus fue-
 rit, auferuntur, vt ſæpius atteſtante experientia obſeruau-
 i, & vt Galenus innuit, in libro de differ. ſympt. capite 3,
 in quo habet in catalepsi eſſe paralyſin ſeu reſolutionem
 virtutis imaginatricis. Si autem imaginatio in ea omni-
 no eſt reſoluta, nec imaginari, nec inde intelligere aut me-
 morari aliquid poterunt illi, qui catalepsi deprehenſi erūt.

Quando author curationem proponit, licet intendat, *Catochi in-*
 & merito, calefacere & humectare, non tamen perfecte *dicaciones*
 omnes indicationes explicat; quoniam alia ſuper eſt in- *curatione.*
 tentio a Galeno explicata, lib. 13 Methodi cap. 21, & eſt in-
 ciſio ipſa. nam cum gignatur hic morbus ab humore fri-
 gido & craſſo, non tantum debemus calefacere & hume-
 ctare, ſed etiam incidere.

Quo autem ad curationem, ſciendum eſt, remedia par- *In catoeche*
 ticularia applicanda eſſe parti capitis poſteriori, indeque *quo loco ſint*
 ad totam ſpinalem medullam: quod ultra id quod con- *applicanda*
 ſentit Galeno, teſtanti lib. 4 de loc. affect. cap. 2, in cata- *remedia.*
 lepsi capitis poſteriora pati, & ideo ibi remedia admini-
 ſtranda eſſe; etiam huius poteſt eſſe indicium, quod partes
 neruoſæ, propter quarum propriam paſſionem totum ri-
 get corpus, in hoc morbo præcipue patiantur, quæ cum a
 patte capitis poſteriore ortum habeant, indeque per ſpi-
 nam descendant, ideo in his locis medicamenta iure ad-
 mouenda erunt. Quod etiam ego aſſerimus, hoc idem ex-
 perientia teſtante, agendum eſſe.

De Comate. CAP. V.

A VTHOR hic agit de Comate ſeu de cataphora, tan-
 quam de affectu particulari. ſciendum tamen eſt,

*Coma quā-
lis affectus
sit.*

quod coma, siue somnolentum fuerit siue vigilans; & ex vigilanti, siue fuerit simplex siue pigrum, nunquam de se est particularis affectus, sed est symptoma consequens ad alios morbos, sicuti vel ad phrenitides, vel ad lethargicas passiones, vel ad febres pituitosas & somnolentas, vel ad alios cerebri affectus, qui vel primario vel secundo i- ipsum lædant; nisi hoc a causa fiat extetna, vt sæpe in ebriis a vino contingit, quibus coma adeo graue & profundum, his præcipue qui debilioris sunt cerebri; succedit, vt eos euigilare ante solutam crapulam & ebrietatem sit impossi- bile, sicuti etiam ex compressione ventriculorum cerebri & maxime ipsius medii, subsequi consuevit. Quare non est, quod iuniores attendāt, affectum hunc tanquam par- ticularem morbum, quem ipsi cutaturi sint, sed eum ani- maduertant, vt qualitates & mores prædictorum mor- borum attendentes, & eorum differentias adnotan- tes, principali morbo summa cum ratione incumben- te queant.

De Phrenitide. CAP. VI.

*Phrenitis a
quibus fiat
humoribus.*

*Phrenitis
an possit fie-
re a frigido
succo.*

EXPLICANS materiam, a qua generatur phrenitis, statuit hanc vnicam esse, scilicet bilem, vel pallidam vel flauam vel adustam. Ego tamen sentio etiam ex san- guine tenuiori & calidiori, qui vere naturā bilis attingit, gigni posse, & eandem ex pituita commixta bili, vbi pi- tuitam bilis superabundauerit, fieri assero, ex Galeno lib. primo Prorrhet. commen. primo; & talis phrenitis exqui- sita phrenitis vocabitur, vt ibidem declarat. Et dubito, an ex frigidis & crudis succis eadem phrenitis generari queat, propter sententiam Galeni superius iam allegatam & positam libro 3 Epid. sect. 3, commen. 45, vbi loquens de phrenitide, cui iungitur sopor, inquit hanc generari hoc pacto, videlicet quoniam ex horum succorum crudorum multitudine & frigiditate fit sopor; delirium autem ex a- credine & calore, quem iidem pariunt putrescentes; adeo quod vult causari deliriū non a qualitate propria succorū, quia sunt frigidi, sed ab extrinseca, quam acquirunt pu- trescentes, videlicet ab acredine & calore acquisitis, & a
talibus

talibus succis putrescentibus causatum delirium cum febre recenset Hippocrates in tertio illo epidemiorum phrenitide; quod idem acceptans Galenus in commento affirmavit. Unde phrenitis non semper causabitur ab humore sui natura acri & calido. Si autem hinc fieri possit phrenitis, quomodo hæc differat a lethargo, forsitan est, quoniam in phrenitide ingens est pituitæ putredo, ex qua excitatur maximus calor & maxima acredo, ex quo delirium & febris est intensa & acuta; in lethargo autem non est, nisi levis, ex quo febris non est ita acuta, nec delirium ita validum, nec etiam adest vigilia, quoniam acredo & caliditas non est tanta, quæ frigiditatem eorum remittat.

In phrenitide pro potu ordinat decoctum seminum coriandrorum, qui tamen potus apud me valde suspectus est. *Coriandrum enim semina coriandrorum ex se apta sunt turbare mentem, deliriumque inducere, ut notavit Dioscorides lib. 3, cap. 66, in phrenitide cæterisque delirii & desipientiæ generibus non erunt administranda, tanquam ea quæ affectum ipsum augere & exacerbare valeant.* *Coriandrum enim semina coriandrorum ex se apta sunt turbare mentem, deliriumque inducere, ut notavit Dioscorides lib. 3, cap. 66, in phrenitide cæterisque delirii & desipientiæ generibus non erunt administranda, tanquam ea quæ affectum ipsum augere & exacerbare valeant.*

Nec est quod hic auctoritatem Auicennæ, qui coriandrum arbitratus est esse frigidum, & ideo ratione propriæ temperiei frigida in phrenitide convenire poterit, opponas; quoniam frigidum, ut ex capite signorum specierum subet, aliisque in locis elici potest, viride censuit; *humidum enim coriandrum, inquit, aptum est inducere soporem.* siccum autem calidum est, ut sensui patet, & turbatio mentis, & delirium, quod a causa tantum calida, præterquam in melancholicis causatur affectibus, hoc idem testatur. in qua re vere demonstravit Galen. cui, utpote inter Medicos excellentissimo, & inter Philosophos præstantissimo, in iudicio simpl. medic. magis quam Auicennæ credendum est, qui Auicenna cum coriandrum non tantum viride, sed etiam siccum frigidum censet, ut habet lib. 4, fen. 2, tract. 1, cap. 8, clare opponitur experientiæ, rationi & veritati.

De secanda vena diuersa ex diuersis proponit authoribus, qui modo hanc modo illam secandam esse venam docent. hoc tamen certum habeatur, tum ex natura rei

*Qua Vena
secunda in
phrenitide.*

tum ex Galeno, vt notaui in capite de lethargo, quod in affectibus capitis sectio humeralis venæ omnibus præfertur. Quod si phrenitici brachium nequaquam potrigant, non secetur vena frontis, vt author ex Tralliani & Pauli sententia monet, quoniam euacuationes particulares a loco affecto vniuersalibus non sunt præmittendæ, sed tum aperiatur hæmorrhoides, quæ in calu isto valde prodesse poterunt, post quam apertione sectio venæ frontis iure administrari poterit, quam profecto laudo: verum magis commendo, vt loco huius venæ narium hirundinibus applicatis aperiuntur. hinc enim valde subleuabitur cerebrum, morbusq; facilius hinc medicamentis cadere poterit. quod repeto & animaduerto agendum esse, præmissis vniuersalibus euacuationibus.

Dum purgationem administrandam esse docet, animaduertatur hoc intelligendum esse, coctaiam inateria: alias, cruda eadem existente, & nequaquam turgente in principio inflammationis, iniretur purgatio contra Hippocratis & Galeni mentem, vt alias monuimus.

*Phrenitidis
soporē quan-
doque com-
mecti.*

Multa docet author administranda esse in phreniticis ad prouocandum somnum, cum vigiliæ hos maxime molestant, hincque magis delirent. sciendum tamen est, quod in phrenitide potest etiam sopor contingere, vt habetur lib. 3 Epid. sect. 3, commen. 45. Qui tamen sopor debet esse vigilans, quoniam vigilia est de his, quæ necessario consequuntur phrenitidem, vt docet Galenus libro Protrhet. 1, commen. 1. Quod euenire solet, vbi est miscella bilis cum pituita, quæ inflammationem in cerebro causet, vt ibidem habetur.

*Phrenitis
hæctica qua
sit.*

De phrenitide hæctica in hoc capite non meminit author, de qua Galenus loquutus est lib. 1 Protrhet. comm. 33. cuius signa erunt, cum tremulæ, blandæ, obscuræ & contrectabiles erunt desipientiæ, ita vt fere non desipere videantur; & talis phrenitis, vt ibidem habetur, necessario est lethalis. quare cognoscenda & valde a Medico aduertenda, ne in prognostico decipiatur.

De Melancholia. CAP. VII.

In curatione huius affectus laudat ex Actio & Paulo, quia Possidonio hoc transcribere, sorbitionem aceti acerrimi post omnem cibum, ubi iam dormire velit æger: qui commendat etiam obsonia aceto intincta comedere, quæ tamen sententia valde suspecta est, cum experimento compertum sit, omnes melancholicos affectus ab aceto exacerbari, notumque sit ab Hippocrate & Galeno (quibus magis fidendum est, quam Paulo, Actio & Possidonio) darnari acetum, tanquam medicamentum melancholicis valde obnoxium. vnde lib. 3 de reg. acur. tex. 38, dicebat Hippocrates, *Nigra autem ab aceto fermentantur, attolluntur & multiplicantur.* & Galen. in commen. hoc idem affirmabat dicens, *Acetum melancholicis aduersissimum existit.*

Loquens de melancholia hypochondriaca non declarat, quæ sit affectio, nec quis sit locus affectus. præterea nec in curatione explicauit indicationes curatiuas huius morbi, quæ tamen omnia perspicere debet ille medicus, *Acetum a-* qui huius perfectam curationem assequi volet. Quoad *cerrimum* affectionem enim declarandum erat, an melancholia *an cōueniat* hypochondriaca consistat in intemperie; & si in intem- *in melan-* perie, an in calida vel in frigida: vel an consistat in *cholia.* obstructione, vel in inflammatione, vel in altera consimili affectione. Ratio huius est, quoniam horum omnium indicia habemus: & tamen an in his omnibus, an in singulis consistat hic affectus, non ita notum est. Frigiditatis signa sunt plurimi flatus, ructus acidi, fluctuationes, plura sputamina a cibo, tarditas eoctionis, ventriculi dolores, vomitus crudorum ciborum, sitis, febrisque absentia, & in summa sanatio ipsa. nam ex calefacientibus curari & sanari videtur hic morbus. Caliditatis autem signa habemus, æstum in præcordiis, exacerbationem a calidioribus & causticis, alleuiationem a refrigerantibus cibis, & vomitum materierum subamararum & calidarum. Obstructionum autem indicium maximum vel hoc argumento habemus, quod alimentum corpori non distribuitur, sed in ventriculo manet incoctum; cum ipsum meatus antea susceperent, magamque ipsius partem in

imum ventrem excernerent; item quod postera die vomitu reiiciantur, utpote non digestis per corpus cibis. Inflammationis autem coniecturam habemus ab æstu præcordiorum, a sublata ad cerebrum ab atra bile euaporatione, a sanguinis in loco affecto adustione, & a ciborum refrigerantium alleviatione: quam tamen inflammacionem non adesse, etiam hinc conijcere possumus, quod in his nec sitis nec febris adsit, & quod affectio hæc admodum diuturna sit, cum tamen vlla inflammatio tamdiu protrahi posse non videatur. quare determinandum erat, ex qua harum affectionum fiat melancholia hypochondriaca, & in qua consistat. Quo autem ad locum affectum, declarandum erat, an locus affectus in melancholia hypochondriaca sint venæ mesaraicæ, ut sensit Diocles; vel an (ut alii sensere) sit pylorus; vel sit vena porta, ut quidā dixerunt; vel an sit ventriculus ipse, ut videtur affirmare Galen. & an possit esse lien, ut habetur lib. 6, de loc. affect. cap. 1; & an ab utero & a semine, non tantum in foeminis sed etiam in viris, possit hic affectus fieri; cum videamus, multas mulieres ex retentis mensibus & ex abstinencia Veneris, (ut etiam testatur Gal. lib. 6 de loc. affect. cap. ultimo in viris contingere) melancholicas fieri. Quæ omnia declaranda erant, ad demonstrandam huius affectionis & essentiam & curationem. quæ vnica instituenda non erat; quoniam non videtur vnica esse vel affectio vel locus affectus. Ut autem iuniores hanc tractationem integre affequi valeant, moneo eos quamcunq; partē in inferiori ventre positam (cuius ratione possit sanguis aduri & superassari, aut melancholicus succus in eodem aggregari, a quo euaporationes melancholicæ ad cerebrum eleuari queāt) posse etiam melancholiam hypochondriacam causare. Hinc a mesaraicarum venarum obstructione quandoque fit hæc affectio, quoniam cum ex obstructione non ita libere possint exugere sanguinem, & per vniuersum corpus transmittere; fit, ut plus iusto incalescēs sanguis aduratur, & inde conuersus in humorem melancholicum ad caput euaporet. Similiter si afficiatur pylorus, ita ut in eo & per eum aduratur sanguis, melācholicas euaporationes causare potest. idem dicatur de vena porta. hoc idem affirmo

de pan.

de pancrea & vasis illis internis. similiter de liene hoc asseratur : si per eum non expurgetur melancholicus succus, potest ventriculo & cordi communicari, a quibus eleuari vapores cerebrum inficere possunt. De ventriculo autem hoc animaduerto, per ventriculum non intellexisse Galenum substantiam ipsius ventriculi tantum: quoniam in eo non potest nec sanguis aduri, nec adeo superassari, ut hinc vaporaciones melancholicæ attolli possint; (ratio inferius patebit) sed per ventriculum intelligit cum ventriculo & pylorum & venas cohærentes & continuas, in quibus talis potest aggregari & aduri vel sanguis vel succus melancholicus. Quod de his dictum est, idem intelligatur & de vtero, cum in menses retinentur, qui naturam melancholici succi retineant, & de vasis spermaticis, cum in eis semen non excretum & diutius detentum corrumpitur, a quo sublatae euaporationes prauæ cerebrū ipsum petant. *hæc de loco affecto aduertenda sunt.* Quo autem ad affectionem, moneo etiam non vnicam sed plures esse affectiones, in quibus consistat hic morbus; animaduertoque, ut in pluribus, cum hoc connexas esse malas ventriculi dispositiones, ab intemperie frigidiori pendentes: cuius intemperiei ratione accidunt ructus acidi, fluctuationes, flatus plurimi, coctionis tarditates, plurima spuatamina, & cætera quæ talem consequi intemperiem consuevere, a qua non causatur vere talis melancholia, quia ab hac intemperie non potest assari sanguis, sed tantum exacerbatur, factis & adauctis per hanc plurimis euaporationibus, quarum ratione cerebrū facilius læditur. pendet autem hæc melancholia a vaporibus melancholicis, ad cerebrum delatis & eleuatis; vel a sanguine melancholico, qui seu ratione obstructionis mesaraicarum venarum, aliorumve. consimilium vasorum, seu ratione inflammationis pylori, alteriusve similis membri superassatur, vel eleuatis a succo melancholico circa viscera, quia per lienem non expurgatur, detento: vel eleuatis a mensibus cohibitis & melancholicis, vel a semine retento & ob Veneris abstinentiam corrupto. Moneo insuper, cum Diocles, Galenus & cæteri dicunt, in ventriculo, in venis mesaraicis, in pyloro, in aliove membro inflammationem

adefse cum hoc morbo, quod non intelligendum est, veram adesse inflammationem. nam ad hanc sequeretur necessario febris, quæ ab hac melancholia abnegatur. præterea vera inflammatio per conueniens tempus tandem vel discutitur vel suppuratur. quorum neutrum contingit in hac melancholia, quæ non tantum per menses durat, sed etiam ad plurimos annos (ad quod tempus inflammatio perdurari non potest) protrahi cõsuevit. quare per inflammationem audiamus nõ tumorem inflammatorium, sed intemperiem calidiorẽ, phlogosin dictam, per quã fit, vt sanguis in parte contentus & attractus aduratur. cui intemperiei quandoq; connectitur aliqua materia, cuius merito ab ea inibi obstructio causatur, quæ postea est in causa, vt cibis non facile distribuatur, sed in ventriculo maneat, indeque piutima circa ventriculum symptomata & indispositiones fiant exacerbenturque: cuius ratione etiam fit, vt licet intemperies morbum faciens sit calida, a calidioribus tamen remediis quandoque curetur hic morbus, quoniam calidiora medicamẽta in hoc non ratione alterationis, sed quia exobstruere possunt, prodesse valent. Quæ calida remedia eo magis in casu isto conuenientia sunt, quia cum hoc semper intemperies ventriculi frigidior connectitur. Vnde ratione huius & ratione symptomatum ventriculi valde profunt. Cum autem tot sint loci qui primario affici possunt in hoc morbo; torque sint affectiones, a quibus pendere potest, non erat instituenda vnica curandi forma, quæ variari debet pro ratione loci primario affecti, & pro ratione affectionis; indeque semper pro harum diuersitate diuersæ insurgunt curatiuæ indicationes, quæ in summa capita redactæ ad minus tres erunt. Quarum prima erit circa materiã iam genitam, quoniam eam tollere debemus. Secunda erit circa partes primario affectas, quibus occurrendum est, remouendo etiam, vbi adsint, earundem obstructions. Tertia versabitur circa symptomata & malas ventriculi dispositiones, quas corrigere & amouere debemus. Quibus autem medicamentis horum singulis obuiandum sit, id doceat recta medendi methodus, per quam seligantur opportuna & rationabilia remedia, quæ non vnus sed diuersæ

uersæ conditionis, pro diuersitate affectionis & pro diuersitate loci affecti, existent.

Hic etiam prognosticum exponens, non tradidit signa, per quæ distinguitur melancholia confirmata a melancholia non confirmata, quam tamen nouisse Medici saltem pro prognostico debent.

De Mania, id est furore.

CAPVT VIII.

INQUIT author, Galenum per melancholiam libro 3 de loc. affect. cap. 6. in fine intellexisse maniam, cum ait: *fit autem huiusmodi melancholia species, affecto primo calidi dispositionibus cerebro, aut æstuatione, aut inflammatione, aut &c. ratio est,* inquit ipse, *quoniam melancholia causa est intemperies frigida, non calida, quæ calida est causa insana.* quæ expositio falsa est, quoniam Galenus eo in loco loquitur de melancholia proprie sumpta, & de ea quæ fit capite solû per se affecto, vt patet consideranti verba eius, & per illa verba intendit Galenus exponere causas extrinsecas, & mediatas ipsius melancholicæ, non immediatas & proximas. quod non intellexit author hic. Vnde eius ratio licet sit vera, non tamen est ad propositum, quoniã melancholicæ huius profecto est causa immediata & proxima intemperies frigida, inducta ab humore melancholico: attamen hic humor melancholicus potest gigni ex pluribus causis calidis, qualis est dispositio calida cerebri, & æstuatio, vt patiuntur hi qui versantur sub sole diutius, & inflammatio, & phrenitis, quæ per caliditatem propriam reddunt sanguinem & crassum & melancholicum, quæ omnia sunt causæ externæ, sicuti etiam sunt curæ, mœstitiæ & vigiliæ ibidem tanquam causæ externæ ab eodem propolitæ, quæ tamen non calefaciendo sed refrigerando sunt in causa huius humoris melancholici, ex quo postea dependet & gignitur hic morbus.

Vltra phrenitidem, melancholiam, insaniam & cæteros hosce morbos, qui delirium ex materia cerebrum lædente inducunt, sciendum est, quandoque nulla præsentē

*Delirium
quandoque
causari a pu
ra intempe
rie calida.*

matetia delirium in nonnullis causari, a pura intemperie calida, vt docet Galen. lib. 2 de sympt. causis, cap. vltimo, & libro 6 Aphor. commen. 53. Dignoscitur autem hoc delirium a cæteris quæ ex fluxione materiæ fiunt, quoniam in his modicum est delirium; & delirantes habent omnes voluntarias actiones infirmas, vt habet Galenus libro 4 de præfag. ex pulsibus, vt agit de pulsibus qui fiunt cerebro affecto; in hisque pulsus sunt duri, non per tensionem sed propter siccitatem arteriæ. Hoc notasse volui, ne iuniores in curatione delirantium semper recurrant ad capita ea, quæ a practicis pro delirantibus explicata sunt.

De Capiti dolore. CAP. X.

*Per caput
quid intel
ligendum,
dum agitur
de dolore ca
pitis.*

DECLARANS, quid per caput in hac tractatione intelligendum sit, inquit, eam nunc significari partem quæ capillo tegitur. quod dictum imperfectum est; quoniam dolores capitis qui curandi ab ipso, ab omnibusque scriptoribus pariter proponuntur, non tantum partem capillo tectam, sed etiam frontem sæpe occupant, ad radicesque oculorum quandoque pertingunt, vt ipse etiam ex mente Galeni docet, distinguendos esse eos qui internas capitis partes occupant, ab his qui externas afficiunt.

*Dolor quid
sit.*

Examinaus quid sit dolor, inquit, quod dolor est dignotio alterationis grauis vel asperæ, factæ in corpore sentiente. Quæ sententia non ita veritati consonare videtur, quoniam si dolor esset dignotio, esset operatio & actio corporis sentientis: at dolor non est actio, sed passio, ergo dolor non est dignotio. Dolor enim (medice loquendo) est passio vel motus, (nam quæ mouentur, patiuntur etiam) factus in parte actu sentiente confertim a re contraria. & licet ad hoc, vt hæc passio sit proprio dolor, requiratur cognitio huius motus & passionis, non tamen hæc dignotio est dolor. Dixi autem hoc (medice loquendo) quia si proprie & philosophice loquamur, dolor est in genere affectus, non actionis vel passionis, vt habetur libro 4 Ethic. proprie enim gignitur in appetitu, non in sensu.

su. Quod etiam dignotio illa non sit dolor, hinc apparere potest, quod cum dolor sit de his quæ maxime prosternunt vires, non est affirmandum, quod dignotio illa sit dolor, quoniam dignotio illa non est id quod vires resoluit, sed est motus ille & passio, præter naturam in corpore sentiente facta. Sed forsitan quis dicet, Imo illa dignotio est dolor, quoniam illa ablata, licet adhuc sit motus ille præter naturam, auferretur & dolor, sicuti apparet ex usu medicamentorum stupefacientium, quæ sensum & non passionem tollunt. Ad hoc ego dico, quod ad formationem doloris duo necessario requiruntur, scilicet & motus ille præter naturam, & cognitio illius motus; adeo quod dolor nil aliud est, quam passio confertim facta in membro actu sentiente. quod cum sit, dico etiam, quod horum duorum quodcunque tollatur, tolletur etiam & dolor. nam siue tollatur illa passio, siue tollatur actio sensus, tollitur & dolor. Unde ad argumentum dico, quod licet per ablationem sensus auferatur dolor, non tamen dolor est sensus, & dignotio illa, quoniam ad illius ablationem hic auferatur. nam hoc quidem ad illius essentiam necessario requiritur, non tamen est illud formaliter. formaliter autem dolor est ille motus naturam contristans, per vim sensitivam deprehensus. Et hic advertatur, quod cum dico, dolorem esse motum vel passionem, quod per hæc non intelligo causas doloris, ut puta solutionem continui, vel intemperiem, sed intelligo illam dispositionem, per quam male afficitur membrum sentiens, vel a solutione continui vel ab intemperie: & illa affectio, deprehensa per vim sensitivam, est dolor: quæ affectio deprehenditur ab ipso sensu, non quatenus provenit a tali causa, sed quatenus contristans: ut puta crus dolet ex frigore periostrii, sensus in dolore non apprehendit hanc affectionem, quatenus a frigiditate causatur, imo sensus ipse in talibus casibus sæpe non deprehendit causam dolorem inducentem, sed quatenus contristat & molestat.

Hoc eodem loco, dum diffinit Cephalalgiam, ait eam esse dolorem capitis recentem, per quam particulam inquit ipsam distinguere a Cephalza, quæ est dolor antiquus. quod dictum falsum est; quoniam Cephalalgia potest

*Cephalalgia
an sit dolor
recens cap
iti.*

esse & recens & antiqua, vt apparet libro 2 comp. med. secundum loc. fere in principio, vbi agit Galenus de antiquo capitis dolore, qui quidem non Cephalæa, de qua inferius postea fere in fine eiusdem libri agit, sed Cephalalgia dicitur. Differunt autem hæc duo abinuicem, non ratione temporis, sed ratione accessionum & debilitatis capitis, vt habetur loco citato, & libro 3. de loc. affect. capite 7.

Capitis dolor a causa frigida quibus remedijs tollendus.

In capitis dolore ad vstiones quæ præstari esse deueniendū.

Capitis dolorem ab intemperie frigida vna cum materia pendētem curare docens, plura & vniuersalia & particularia, summa cum ratione administranda monet, quibus tamen hoc addam, me contumacissimos capitis externos dolores, hac de causa genitos, vel propositis vel similibus ac etiā vehementioribus medicamentis, aliquando non potuisse superare. Vnde coniectura facta, vel pericraneum, vel vna cum pericraneo, os, ab ea materia admodum male affectum esse; ad vstionem loci patientis deueni, hancque curandi rationem felici cum successu tentavi, in qua hoc semper obseruaui, vt candenti ferro facta vstio vique ad os, quod plurima semper scatens humiditate inueni, profunde penetraret: aliquando vero os ipsum cariosum reperi, quo disquammato, omnis conquieuit dolor. Vstio hæc non in occipite, nec in sincipite supra suturam coronalem, qualis a multis ratione diuersionis fieri solet, sed vel in dextra, vel in sinistra capitis parte, prout hæc magis, quam illa pars, dolore cruciaretur, ad tollendam intemperiem frigidam & ad euacuandā materiam peccantem, a me feliciter tentata est: quod notasse volui, vt cæteri audacter, vbi detur huius actionis occasio, vstionem hanc administrare possint. Vt autem cognoscant, qua ratione deprehendatur os, integra existente cute, cariosum esse, adeant Hippocratem libro 2 de morbis, vbi monet, in tali casu cutim de capite alia atque alia parte discedere, id est, cutim ad tactum ab osse separatam persentiri: quod est signum maxime animaduertendū, cum sit infallibile ac certum cariei ossis indicium.

Posteaquam in sermonem de vstione in capite facienda nunc incidi, data occasione, iuniores moneo, quosdam esse Medicos, qui ad pauca respicientes, in similibusque opi-

pinionibus senescētes, cauteria & vstiones in occipite damnant, illis ducti Galeni verbis, quæ in secundo libro de comp. med. secundum loca posuit, curationem doloris capitis ex ardore docens, ubi hæc expresse habet; *Nec enim facile exuritur capitis ea pars, qua occiput & a Græcis niant.*

Inson appellatur. opinantur autem, hoc in loco Galenum loqui de exustione facta ab igne. At longe errant; quoniam Galenus non de vstione ab igne sed a Sole facta, sermonem habet. docens enim curationem doloris capitis ex ardore solis, monet ex anteriori capitis parte, non posteriori, administranda esse localia remedia: & hoc duplici ratione: primo quidem, quia posterior capitis pars, id est occiput ipsum, ita facile, quemadmodum anterior pars, nec a Sole exurit, nec Solis calorem concipit: secundo quia in occipite adest principium spinalis medullæ, ad stipitis modum in multos nervos diuisæ, quæ a refrigerantibus medicamentis appositis posset lædi a quibus habetur, quod occiput (quia non ita incalescit a Sole quemadmodumincipit) remedia refrigerantia non requirit. & quia in eo est principium spinalis medullæ, quæ est pars frigida, non toleraret absque manifesta læsione huiusmodi refrigerantia medicamenta: quare nullo pacto talia circa occiput erunt unquam administranda. Hanc esse mentem Galeni, doceat processus verborum eius, & illæ duæ particulæ in eius sententia positæ, scilicet *enim* & *facile*. nam per primam liquet, cum superioris sententiæ reddere rationem; per secundam autem appareret, cum loqui de æstu solis, non de vstione ignis. ea pars enim a Sole difficulter incalescit, at facile ab igne, sicuti cæteræ omnes partes, exurit. Hanc eandem sententiam attestatur Oribasius ad Eunapium lib. 4, cap. primo, qui transcribens a Galeno, hæc in curatione doloris capitis ab æstu habet. *Qua in re cauere debes, ne posteriorem partem capitis qua ad occiput est, attingas; cum caput ea parte non facile exuratur, cumque inde orsum ducas spinalis medulla, ne aliqua noxa consequatur.* Caput etiam exuri a Sole, esse dictum a Græcis receptum vltra Galeni loca, in quib. per vstionem intelligit supercalefactionem a Sole factam, sicuti potissimum clare habetur libro primo ad

Glauconem, cap. de feb. ephemera; & libro 8 Meth. cap. 3, ubi febres ab vstione causatas curare docet, & inferius etiam lib. 9 in pluribus locis, in quib. huius vstionis meminit, habentur a Paulo, qui lib. 3 cap. 13, docēs quæ ab epileptici vitanda sint, in fine inquit; *Et in balneo mora, Et capitis ex sole exustio*. quare concludo, Galenum per illud verbum, *exuritur*, intellexisse exustionem a Sole, nō ab igne factam; quapropter non abstineant horum ducti sententia Medici a cauteriis occipitis; sed ubi dabitur indicatio, audacter tales, iam per sæcula ab ipsa experientia vtiliter confirmatas, vstiones administrent.

De Hemicrania. CAP. XII.

HEMICRANICVM dolorem vt plurimū per circuitus exacerbari monet hic author, & hoc idem experientia ipsa testatur. Quod autem hi circuitus habeant aliquando certos periodos, nec ab authore expressum habemus, nec omnibus hoc notum est. Cum vero a me casus hemicranici doloris, qui statis horis & dieb. regrediebatur, visus sit, dignus est vt a me recenseatur. Curaui ego religiosum virum, & diui Dominici fratrum consortio iunctum, qui per tres annos continuos & menses septem passus est hemicraniem in parte capitis dextera, vna cum ingenti & acuto dolore circa temporalem musculum, quæ vnoquoq; octauo die Lunæ dicato, semper eadem ferme hora, inuadebat. exacerbatio ad viginti octo aut ad triginta horas ad summum perseuerabat. quo tempore nec lumen aspicere, nec strepitum audire sine manifesta læsione, nec etiā cibum assumere aut gustare poterat. hoc tempore elapso sanissimus erat, omniaq; munia tam naturalia quam animalia feliciter obibat. Hunc casum non tantum notare volui, tanquam rarum hemicranici doloris exemplar, sed etiam, vt hinc coniciant Medici, an possit dari octaua febris, quæ consimiles circuitus & periodos vnoquoq; octauo habeat die. De hac enim licet Hippo. lib. 1 Epid. sect. 3, tex. 2, alia febrium genera recensens, non meminerit, videaturq; Galenus, cum Dioele in hoc concordans, eius esse sententiæ, vt nullus alius ultra quintanum detur

detur circuitus; tamen ex præcedenti narrato casu possumus arguere, dari circuitum febrilem octauum: quoniam quæ maior potest esse causa huius octaui circuitus in hæmicrania, quam quæ possit esse in febre? sed ultra hoc argumentum experientia hoc idem mihi bis testata est, dari certo octauum circuitum & octauam febrem; alteram enim vidi in nobili equite, non ultra vigesimum quottum annū agere; alteram autem in muliere quinquagenaria.

De Conuulsione. CAP. XIII.

VLTRA causas ab autore connumeratas aduertatur, conuulsionem etiam fieri a spiritu flatuoso, vt docet Galenus lib. 2 de sympt. caus. cap. 2.

Ex mente Galeni ponit, conuulsionem esse symptoma in genere functionis virtutis motricis, causatum a causa præter naturam. Aduertatur tamen, hoc solum verum esse in conuulsione facta per se, non per consensum. Vbi enim fuerit per consensum, non a materia & a causa præter naturam tantum fit, sed etiam a virtute stimulata, sicuti fit in epilepsia per consensum, vt habetur lib. 3 de locis affect. cap. 7.

Conuulsionis prognostica exponens ex Hippocrate lib. 5 Apho. 6, ex Galeno in eius commento ait, tetanum quatuor diebus iudicari, nec ultra primum quaternarium, cum sit morbus valde acutus, protrahi, quibus subiungit ex Aetio, nec senes nec pueros tetano corripi. Ego tamen testor, infantes hoc affectu facile deprehendi, quod idem Galen. lib. 3 Prognost. commen. 36, per hæc verba affirmavit: *De conuulsione hoc loco disputat, quæ non in par-*
te vna corporis, sed in omni eo infestæ, quæ in pueris
promptissime euenit, sed magis lactentibus: quos etiam, libro 1 Epid. sect. 2, commen. 24, conuulsionibus, propter nervosi generis infirmitatem, opportunissimos appellavit; testorq; me vidiisse plures infantes tetano detentos, in eisdemque hunc morbum aliquando ultra decimā quartam diem pertractum fuisse, animaduerti. Vnum autem peculiariter quadrimestrem conplexi ita tetano correptum, vt si animam non duxisset, statuatam rectissimam, in

Conuulsione causa.

Conuulsio quod symptoma sit.

Infantes & pueri a tetano corripiantur.

nullamque partem declinantem, iudicasses: adeo recta rigideque totus se habebat. nullam enim partem nec minimam quidem mouebat. hic per quadraginta dies ita permansit, nec vnquam vocem emisit, nec vbera matris lactauit: lac tamen per ampullam vitream, in eius os instillarum deglutiuit, cuius merito nutrimentum sufficiens assumpsit, morboque superuixit, & viuit adhuc.

Mandragera radix an conueniat in potu in conuulsione a repletione. Curationem conuulsionis ex repletionem explicans ex lib. de locis, in homine proponit exhibendam esse mandragoræ radicem in potu. Quod remedium animaduertant iuniores in vsum reuocandum non esse, quoniam radix hæc licet exsiccare possit, tamen quia frigidissima est, & virola qualitate donata, cum frigidū neruis inimicum sit, hic nocere, non iuuare poterit. quare miror, quomodo author iste locum hunc probet, & eo magis, cum videam eum hanc sententiam tanquam Hippocratis proponere, cum tamen liber ille forsau spurius sit, nec inter geminos Hippocratis libros recensendus veniat.

Sectionis & eius indicatio non sumitur a qualitate succorum peccantium. Eiusdem conuulsionis euacuationē proponēs, inquit, in hac secandam esse venam, modo non penitus a sanguine secretus pituitosus fuerit succus redundans. Hic aduertatur, quod indicatio sectionis venæ non ab humore peccante, nec ab humoris statu seu qualitate desumitur, sed a magnitudine morbi, consentientibus viribus, vt millies a Galeno explicatum est. quare siue secretus siue non secretus fuerit peccans humor, semper viribus non contraindicantibus secanda est vena, ob acutiem & magnitudinem morbi: & hoc obseruetur in quocunq; alio casu.

Conuulsio & paralytis a liquando in eodem membro conuulsuntur. Spasmo opponitur paralytis, quoniā ille dicit motum, hæc immobilitatem, tamen spasmus iunctus cum paralyti, ita vt alternatim affligant eandem partem, scilicet, quod modo illa pars conuellatur, modo eadē resoluatur, postea iterum conuellatur, & deinde iterum paralyticetur, ponitur lib. 3 Protrhet. tex. 26. Qui casus fuit etiam a Galeno visus, vt ibidem in comm. ipse narrat. Hoc idem semel ego tantum vidi. quare hoc aduertatur, tanquam vnum ex mirabilibus, possibilibus tamen, quæ Medicis offeruntur.

PARALYSIS prognostica recensens ex Cornelio Celso affirmat, paralyfin nunquam acutum, semper longum esse morbum. At experientia mihi sæpe oppositum distavit, cum viderim plures paralyfes intra septimā diem solutas; quarum ratione coniecturam feci, paralyfin ex nervorum obstructione ortam, non semper a frigidis, viscidis & crassis succis causari. tales enim paralyfes, tum ratione materie morbum facientis, tum ratione partis affectæ, diuturnæ sunt, & non facile solvuntur: cum autem illæ cito & levi negotio solvantur, ab alia materia & ab alia causa procreari coniiciendum est. qua de re ego in eam ductus sum sententiam, ut existimem, paralyfin etiam fieri posse ex nervorum quidem obstructione, ac non semper causata ab humore frigido & viscido, verum etiam a vaporosa materia, quæ ad principia nervorum transmissa, obstructionem in eis inducens, ac spiritus animalis viam intercipient, sensum & motum inferiorum partium inhibeat. Hanc sententiam mihi hæc historia comprobavit. Tonfor quidam, cum die præcedenti vino ac gulæ nimium indulgisset, nocte media cum timore maximo (nam videbatur sibi suffocari) expergefactus, incidit subito in paralyfin omnium corporis partium, infra faciem existentium, in qua adeo motus & sensus erant deperditi, ut nec acu profunde perforatus, nec gladiolo scarificatus quicquā sentiebat, omniaq; motui, præterquam ipsius capitis ineptus erat. Hic tamen, soluta in motum ebrietate & crapula, intra tertiū diem libere omnino sanatus est, factis tantummodo nonnullis reuulsionibus ac inunctionibus quibusdam resolventibus ad spinam. Hic quæ potuit esse paralyfis causa? non materia frigida & viscida; quoniam non ita velociter, nec ita facile subleuatus æger fuisset, sed vapores crassi & multi ratione crapulæ aborti, & ad nervos transmissi, qui eisdem obstruentes fuerunt in causa paralyfis. Nec alicui sicuti novum, ita etiam mirandum hoc appareat, cum etiam a flatuosa materia nervos ingrediente species quædam convulsionis generari solita sit: quæ eadem materia flatuosa, si crassior abunda-

*Paralyfis an
semper fiat
ab humore
nervos ob-
struente.*

uerit, quid prohibebit, eam neruos obstruere posse, & inde paralyfin causare? Sed cur nouum dixerim, cum antiquissimum sit, a flatuola matetia causari stuporem, paralyfin & syderationem corporis, sicuti habetur ab Hippocrate in libello de flatibus spiritibusve inscripto, in quo hanc sententiam clare docuit: *Quod vero stupor attonitus & syderatio a flatibus fiat, deinceps demonstrabo. quum ergo flatus multi frigidi penetrent ac insulent carnes, partes corporis stupide & insensiles fiunt: & si quidem plurimi flatus per vniuersum corpus discurrant, totus homo syderatur: si vero per partem, partem illam syderant & percussunt: atque vbi abierint flatus, cessat & morbus; quamdiu autem permanserint, consistit & morbus.* hæc Hippocrates.

*Decoctum
samentorū
vitis an cō-
ueniat in
paralyfi.*

Proponit author ex Actio, qui hoc ab Archigene transcripsit, valde prodesse partibus resolutis, si ægrotantes assidue potent decoctum samentorum vitis viridium: quod remedium cum facultatis sit frigida & adstringentis, quid in paralyfi prodesse possit, confidetur: nec sine ratione talia medicamenta in vsum assumantur.

Paralysis ex refrigeratione curationē tradens, alterantibus tantum eam curari præcepit, inter quæ præcipuum propono balneum olei calidi, remedium a Galeno, in lib. 2 de facult. symp. med. cap. 7, ad hoc celebratum.

De conuulsione Canina.

CAP. XV.

*Conuulsio-
nis canina
causa.*

INTER causas conuulsionis caninæ recenset resolutio- nem alterius partis faciei: quod nedum a veritate distat, sed valde absonum est, cum paralyfis cōuulsionem nequaquam gignere nec producere queat. lapsus est autē in hoc capite author, existimans omnem torturam faciei spasmodum caninum esse, quod falsum est. nam tortura faciei a duplici provenire potest causa, quarū altera est paralyfis, altera conuulsio. In tortura ex paralyfi pars faciei distorta est pars sana, quoniam muscoli sane actione sua fungentes trahunt resolutos ad se, in tortura autem ex conuulsione pars distorta est pars affecta, quoniam muscoli conuulsi ver-

si vetus proprium principium trahitur, & ita distorquentur. hæc curatur curatione conuulsionis, illa autem curatione paralyfis.

De Incubo. CAP. XVI.

CAUSAM huius affectus assignans inquit, hanc esse frigidum & crassum vaporem ad cerebrū delatum, eiusque ventriculos obstruentem; quæ sententia verissima est. sed distinguendum erat, vaporem istum modo a ventriculo tantum, modo ab vniuerso corpore eleuari. a ventriculo eleuatur ex crapula & cōtinua cruditate, ex fatigata nimia, ex cibis crassioribus, flatuosis & quæ caput petere possunt. & incubus hac de causa genitus facile tollitur, sola recta victus ratione & leuioribus medicamentis administratis, nec hinc periculum impendet. ab vniuerso autem corpore eleuantur, dum in eo vel melancholici vel pituitosi abundāt humores, a quibus eleuati in somno vapores crassi & frigidi, & cerebrum replentes sunt in causa, vt virtus ad inferiores partes vix descendat. & hinc difficultates illæ in somno, & tales incubi: hincque vel epilepsia vel apoplexia vel melancholia vel quid simile impendet, & ideo in his purgationibus, euacuationibus, & his quæ cerebrum roborate, & aliis quæ vapores inhibere possunt, indigemus, ac ea summo studio parare debemus.

Incubi causa distincta, & discriminē differentiarum.

Quemadmodum in incubo credunt patientes, se vel ab hoste inuadi, vel ab aliquo Venerem exigente vim pati, vel a dæmone deprehendi, vel mole aliqua premi, vel quid aliud horrendum sustinere; similiter in somno contingūt (& hoc præcipue in pueris fieri obseruaui) aliquando pauores maximi, & terribiles aliæ imaginationes, ex quibus admodum cruciantur dormientes, cum in his tamen nec vox, nec motus, vt in incubo, intercipiatur: sed hinc adeo anguntur, vt vel summissa querimonia lamententur, vel alta voce clament: & inde nonnunquam ita valide tanquam horribilia fugientes, mouentur, vt a decubitu surgant, & lecto prosiliant. Quorum accidentium non eadem sunt causæ, quæ & incubi, sed longe diuersæ.

De quibusdā accidentibus quæ in somno dormientibus contingunt.

*Cur aliqui
dormientes
clamant &
conqueran-
tur, & Gal.
de in somno
erascuntur.*

has autem ego obseruaui, scilicet vt hæc eueniant, vel vbi in somno humores vitiosi grauent ventriculum, ac ipsam mordeant; vel vbi cibus in ventriculo corrumpatur, qui corruptus mordeat etiam ventriculum ipsum, quod præsertim accidere consuevit, quando leca ad ventriculum attinentia scosu quidem vigeat, sed natura sint imbecilla, vt notauit Galen. lib. 3 Aphor. commen. 24; vel vbi vermes in intestinis existentes aut eadem intestina, aut ventriculum, cum ad partes superiores ascenderint, mordeant; vel vbi in somno ad cerebrum commotus sanguis illud grauet, comprimatur & compingat. hinc enim cerebro conturbato videntur patientes somnia horrenda & terribilia, & ab his maxime anguntur: quod mihi fuit quandoque sufficiens indicium, ad præsagiendam in aliquibus de proximo aduenturam epilepsiam, & hoc præcipue cum mouerim, in his dormientibus faciem rubicundiorē & fere ignem euadere, quod animaduerti a sanguine, partes superiores petente, ac cerebrum ipsum replente & grauante, causari. solet enim in plethoricis dispositionibus, vt docet Galen. lib. 4 Apho. commen. 67, a somno caput repleti, & inde cerebrum aggruari: quæ plethorica dispositio, si ad naturam attractibilis vergat, timores & horrenda insomnia causare consuevit: qui idem sanguis, vbi dormientes expergiscuntur, in proprias venas recurrens, in eisq; dispersus, est in causa, vt iidem & resipiscant & quiescant, vt optime declarat Hippocrates in libro de morbo sacro. Vel vbi ad cor, debili eodem existente, cum in somno concentrentur calor & humores, sanguis vel multitudine vel praua peccans qualitate recurat, aut saltem prauas exhalationes transmittat; præcipue autem hoc obseruaui fieri in his qui feruido sanguine & fere igneo abundant: quod idē notaui, sed rarius, in his cōtingere qui eundem melancholicum habent. & in summa hoc fieri in illis vidi, qui ex copia & prauitate sanguinis vel in syncopem, vel in cordis palpitationem vel tremorem vel dolorem parati sunt. Quare vbi patientes in somno talia passi fuerint, nouerint Medici, vel os ventriculi aut a vitiosis humoribus eo decumbētibus, aut a corruptis cibariis, aut a vermibus morderi, vel cerebrum a sanguine repleti & grauati, vel cor

ab co-

ab eodem premi aut stimulari. Vnde in huius affectionis curatione his causis eas optime abinuicem distinguentes recta ratione ac methodo incumbant. Ad quam eandem intentionem, videlicet, ne patientes aut somnient, aut ne somniantes terribilia & horrenda videant, quædam licet forsitan superstitiosa, suspendi nouerint. Exemplum primi habetur lib. 3 de medicinis facile parabilibus, in quo hoc scribitur, *Ut ne homo nocte somniet, ruta semen caliga ipsius nescientia suspendito*. Exemplum secundi habetur in libello de incantatione Galeno ascripto, in quo docet author, sardam viginti granorum pondere colle suspensam, aut in digito gestatam prohibere, ne homines in somno terribilia videant. Hæc subscripsi, ut liqueat hunc affectum ab antiquioribus Medicis cognitum, & consideratione dignum iudicatum fuisse. in difficilibus enim affectibus tantum ad suspensiones descendebant.

De Vertigine. CAP. XVII.

STATUIT, quod vertigo & tenebricosa vertigo non tantum nomine, sed etiam re differant. quæ sententia nequaquam recipienda videtur: quoniam hæc duo non aliter differunt, quam secundum magis & minus, ut etiam ipsemet in processu testatur, cum ab eadem causa dependant, quod tamen non est differre realiter. nam differentia secundum magis & minus non facit differentiam realem, sicuti in albedine, quæ siue intendatur siue non, est eadem realiter, licet differat secundum magis & minus, quod idemmet in aliis verificatur rebus.

*Vertigo & tenebricosa
Vertigo an
realiter differant.*

Declarans quomodo fiat vertigo, inquit, quod hæc generatur ex inordinato motu spiritus in cerebro, eodemque inæquali & turbulento, causato ex motu spiritus flatuosi ibidem detenti, qui eodem motu mouetur. subiungit autem postea, *consequantur hæc symptomata ad morbum in Gra, id est obstructionem, & ad inæqualem intemperiem*, adeo quod velit motus illos spiritus esse symptomatica, consequentia morbos prædictos. Quod dictum falsum videtur: quoniam hæc dicta supponunt, essentiã vertiginis esse vel intemperiem vel obstructionem, ad quas

*Vertiginis
symptoma
ad quem
morbum sequatur.*

imum ventrem excernerent; item quod postera die vomitu reiiciantur, utpote non digestis per corpus cibis. Inflammationis autem coniecturam habemus ab æstu præcordiorum, a sublata ad cerebrum ab atra bile euaporatione, a sanguinis in loco affecto adustione, & a ciborum refrigerantium alleuiatione: quam tamen inflammationem non adesse, etiam hinc conijcere possumus, quod in his nec sitis nec febris adsit, & quod affectio hæc admodum diuturna sit, cum tamen vlla inflammatio tamdiu protrahi posse non videatur. quate determinandum erat, ex qua harum affectionum fiat melancholia hypochondriaca, & in qua consistat. Quo autem ad locum affectum, declarandum erat, an locus affectus in melancholia hypochondriaca sint venæ mesaraicæ, ut sensit Diocles; vel an (ut alii sensere) sit pylorus; vel sit vena porta, ut quidā dixerunt; vel an sit ventriculus ipse, ut videtur affirmare Galen. & an possit esse lien, ut habetur lib. 6, de loc. affect. cap. 1; & an ab utero & a semine, non tantum in fœminis sed etiam in viris, possit hic affectus fieri; cum videamus, multas mulieres ex retentis mensibus & ex abstinentia Veneris, (ut etiam testatur Gal. lib. 6 de loc. affect. cap. ultimo in viris contingere) melancholicas fieri. Quæ omnia declaranda erant, ad demonstrandam huius affectionis & essentiam & curationem. quæ vnica instituenda non erat; quoniam non videtur vnica esse vel affectio vel locus affectus. Ut autem iuniores hanc tractationem integre assequi valeant, moneo eos quamcunq; partē in inferiori ventre positam (cuius ratione possit sanguis aduri & superassari, aut melancholicus succus in eodem aggregari, a quo euaporationes melancholicæ ad cerebrum eleuari queāt) posse etiam melancholiam hypochondriacam causare. Hinc a mesaraicarum venarum obstructione quandoque fit hæc affectio, quoniam cum ex obstructione non ita libere possint exugere sanguinem, & per vniuersum corpus transmittere; fit, ut plus iusto incalescēs sanguis aduratur, & inde conuersus in humorem melancholicum ad caput euaporet. Similiter si afficiatur pylorus, ita ut in eo & per eum aduratur sanguis, melancholicas euaporationes causare potest. idem dicatur de vena porta. hoc idem affirmo

de pan.

de pancrea & vaſibus illis internis. ſimiliter de liene hoc aſſeratur: ſi per eum non expurgetur melancholicus ſuccus, poteſt ventriculo & cordi communicari, a quibus eleuari vapores cerebrum inſicere poſſunt. De ventriculo autem hoc animaduerto, per ventriculum non intellexiſſe Galenum ſubſtantiam ipſius ventriculi tantum: quoniam in eo non poteſt nec ſanguis aduri, nec adeo ſuperari, vt hinc vaporations melancholicæ attolli poſſint; (ratio inferius patebit) ſed per ventriculum intelligit cum ventriculo & pylorum & venas cohærentes & continuas, in quibus talis poteſt aggregari & aduri vel ſanguis vel ſuccus melancholicus. Quod de his dictum eſt, idem intelligatur & de vtero, cum in menſes retinentur, qui naturam melancholici ſucci retineant, & de vaſis ſpermaticis, cum in eis ſemen non excretum & diutius detentum corrumpitur, a quo ſublata euaporationes prauæ cerebrū ipſum petant. *hæc de loco affecto aduertenda ſunt.* Quo autem ad affectionem, moneo etiam non vnicam ſed plures eſſe affectiones, in quibus conſiſtat hic morbus: animaduertoque, vt in pluribus, cum hoc connexas eſſe malas ventriculi diſpoſitiones, ab intemperie frigidiori pendentes: cuius intemperiei ratione accidunt ructus acidi, fluctuationes, ſtatus plurimi, coctionis tarditates, plurima ſputamina, & cætera quæ talem conſequi intemperiem conſuevere. a qua non cauſatur vere talis melancholia, quia ab hac intemperie non poteſt aſſari ſanguis, ſed tantum exacerbatur, factis & adactis per hanc plurimis euaporationibus, quarum ratione cerebrū facilius læditur. pendet autem hæc melancholia a vaporibus melancholicis, ad cerebrum delatis & eleuatis; vel a ſanguine melancholico, qui ſeu ratione obſtructionis meſaraicarum venarum, aliorumve conſimilium vaſorum, ſeu ratione inflammationis pylori, alteriusve ſimilis membri ſupperaſſatur; vel eleuatis a ſucco melancholico circa viſcera, quia per lienem non expurgatur, detento: vel eleuatis a menſibus cohibitis & melancholicis, vel a ſemine retento & ob Veneris abſtinentiam corrupto. Moneo inſuper, cum Diocles, Galenus & cæteri dicunt, in ventriculo, in venis meſaraicis, in pyloro, in aliove membro inflammationem

adefse cum hoc morbo, quod non intelligendum est, veram adesse inflammationem. nam ad hanc sequeretur necessario febris, quæ ab hac melancholia abnegatur. præterea vera inflammatio per conueniens tempus tandem vel discutitur vel suppuratur. quorum neutrum contingit in hac melancholia, quæ non tantum per menses durat, sed etiam ad plurimos annos (ad quod tempus inflammatio perdurari non potest) protrahi cōsuevit. quare per inflammationem audiamus nō tumorem inflammatorium, sed intemperiem calidiorem, phlogosin dictam, per quā fit, vt sanguis in parte contentus & attractus aduratur. cui intemperiei quandoq; connectitur aliqua materia, cuius merito ab ea inibi obstructio causatur, quæ postea est in causa, vt cibus non facile distribuatur, sed in ventriculo maneat, indeque plurima circa ventriculum symptomata & indispositiones fiant exacerbenturque: cuius ratione etiam fit, vt licet intemperies morbum faciens sit calida, a calidioribus tamen remediis quandoque curetur hic morbus, quoniam calidiora medicamēta in hoc non ratione alterationis, sed quia exobstruere possunt, prodesse valent. Quæ calida remedia eo magis in casu isto conuenientia sunt, quia cum hoc semper intemperies ventriculi frigidior connectitur. Vnde ratione huius & ratione symptomatum ventriculi valde profunt. Cum autem tot sint loci qui primario affici possunt in hoc morbo; totque sint affectiones, a quibus pendere potest, non erat instituenda vnica curandi forma, quæ variari debet pro ratione loci primario affecti, & pro ratione affectionis; indeque semper pro harum diuersitate diuersæ insurgunt curatiuæ indicationes, quæ in summa capita redactæ ad minus tres erunt. Quarum prima erit circa materiā iam genitam, quoniam eam tollere debemus. Secunda erit circa partes primario affectas, quibus occurrendum est, remouendo etiam, vbi adsint, earundem obstructions. Tertia versabitur circa symptomata & malas ventriculi dispositiones, quas corrigere & amouere debemus. Quibus autem medicamentis horum singulis obuiandum sit, id doceat recta medendi methodus, per quam seligantur opportuna & rationabilia remedia, quæ non vnius sed diuersæ

uetæ conditionis, pro diuerſitate affectionis & pro diuerſitate loci affecti, exiſtent.

Hic etiam prognosticum exponens, non tradidit ſigna, per quæ diſtinguitur melancholia confirmata a melancholia non confirmata, quam tamen nouiſſe Medici ſaltem pro prognostico debent.

De Mania, id eſt furore.

CAPVT VIII.

INQVIT author, Galenum per melancholiam libro 3 de loc. affect. cap. 6. in fine intellexiſſe maniam, cum ait: *fit autem huiusmodi melancholia ſpecies, affecto primo calidi diſpoſitionibus cerebro, aut æſtuatione, aut inflammatione, aut &c. ratio eſt*, inquit ipſe, *quoniam melancholia cauſa eſt intemperies frigida, non calida, quæ calida eſt cauſa inſania.* quæ expoſitio falſa eſt; quoniam Galenus eo in loco loquitur de melancholia proprie ſumpta, & de ea quæ fit capite ſolū per ſe affecto, vt patet conſideranti verba eius. & per illa verba intendit Galenus exponere cauſas extrinſecas, & mediatas ipſius melancholicæ, non immediatas & proximas. quod non intellexit author hic. Vnde eius ratio licet ſit vera, non tamen eſt ad propoſitum, quoniā melancholicæ huius proſecto eſt cauſa immediata & proxima intemperies frigida, inducta ab humore melancholico: attamen hic humor melancholicus poteſt gigni ex pluribus cauſis calidis, qualis eſt diſpoſitio calida cerebri, & æſtuatio, vt patiuntur hi qui verſantur ſub ſole diutius, & inflammatio, & phrenitis, quæ per caliditatem propriam reddunt ſanguinem & craſſum & melancholicum, quæ omnia ſunt cauſæ externæ, ſicuti etiam ſunt curæ, mœſtitiæ & vigiliæ ibidem tanquam cauſæ externæ ab eodem propoſitæ, quæ tamen non calefaciendo ſed refrigerando ſunt in cauſa huius humoris melancholici, ex quo poſtea dependet & gignitur hic morbus.

Ultra phrenitidem, melancholiam, inſaniam & cæteros hoſce morbos, qui delirium ex materia cerebrum lædente inducunt, ſciendum eſt, quandoque nulla præſente

*Delirium
quandoque
causari a pu
ra intempe
rie calida.*

materia delirium in nonnullis causari, a pura intemperie calida, ut docet Galen. lib. 2 de sympt. causis, cap. ultimo, & libro 6 Aphor. commen. 53. Dignoscitur autem hoc delirium a cæteris quæ ex fluxione materiæ fiunt, quoniam in his modicum est delirium; & delirantes habent omnes voluntarias actiones infirmas, ut habet Galenus libro 4 de præfag. ex pulsibus, ut agit de pulsibus qui fiunt cerebro affecto; in hisque pulsus sunt duri, non per tensionem sed propter siccitatem arteriæ. Hoc notasse volui, ne iuniores in curatione delirantium semper recurrant ad capita ea, quæ a practicis pro delirantibus explicata sunt.

De Capitis dolore. CAP. X.

*Per caput
quid intel
legendum,
dum agitur
de dolore ca
pitis.*

DECLARANS, quid per caput in hac tractatione intelligendum sit, inquit, eam nunc significari partem quæ capillo tegitur. quod dictum imperfectum est; quoniam dolores capitis qui curandi ab ipso, ab omnibusque scriptoribus pariter proponuntur, non tantum partem capillo rectam, sed etiam frontem sæpe occupant, ad radicesque oculorum quandoque pertingunt, ut ipse etiam ex mente Galeni docet, distinguendos esse eos qui internas capitis partes occupant, ab his qui externas afficiunt.

*Dolor quid
sit.*

Examinans quid sit dolor, inquit, quod dolor est dignotio alterationis grauis vel asperæ, factæ in corpore sentiente. Quæ sententia non ita veritati consonare videtur, quoniam si dolor esset dignotio, esset operatio & actio corporis sentientis: at dolor non est actio, sed passio, ergo dolor non est dignotio. Dolor enim (medice loquendo) est passio vel motus, (nam quæ mouentur, patiuntur etiam) factus in parte actu sentiente confertim a re contraria. & licet ad hoc, ut hæc passio sit proprio dolor, requiratur cognitio huius motus & passionis, non tamen hæc dignotio est dolor. Dixi autem hoc (medice loquendo) quia si proprie & philosophice loquamur, dolor est in genere affectus, non actionis vel passionis, ut habetur libro 4 Ethic. proprie enim gignitur in appetitu, non in sensu.

su. Quod etiam dignotio illa non sit dolor, hinc apparere potest, quod cum dolor sit de his quæ maxime prosternunt vires, non est affirmandum, quod dignotio illa sit dolor, quoniam dignotio illa non est id quod vires resoluit, sed est motus ille & passio, præter naturam in corpore sentiente facta. Sed forsitan quis dicet, Imo illa dignotio est dolor, quoniam illa ablata, licet adhuc sit motus ille præter naturam, auferatur & dolor, sicuti apparet ex usu medicamentorum stupefacientium, quæ sensum & non passionem tollunt. Ad hoc ego dico, quod ad formationem doloris duo necessario requiruntur, scilicet & motus ille præter naturam, & cognitio illius motus; adeo quod dolor nil aliud est, quam passio confertim facta in membro actu sentiente. quod cum sit, dico etiam, quod horum duorum quodcunque tollatur, tollitur etiam & dolor. nam siue tollatur illa passio, siue tollatur actio sensus, tollitur & dolor. Unde ad argumentum dico, quod licet per ablationem sensus auferatur dolor, non tamen dolor est sensus, & dignotio illa, quoniam ad illius ablationem hic auferatur. nam hoc quidem ad illius essentiam necessario requiritur, non tamen est illud formaliter. formaliter autem dolor est ille motus naturam contristans, per vim sensitivam deprehensus. Et hic advertatur, quod cum dico, dolorem esse motum vel passionem, quod per hæc non intelligo causas doloris, ut puta solutionem continui, vel intemperiem, sed intelligo illam dispositionem, per quam male afficitur membrum sentiens, vel a solutione continui vel ab intemperie: & illa affectio, deprehensa per vim sensitivam, est dolor: quæ affectio deprehenditur ab ipso sensu, non quatenus provenit a tali causa, sed quatenus contristans: ut puta crus dolet ex frigore periclitii, sensus in dolore non apprehendit hanc affectionem, quatenus a frigiditate causatur, imo sensus ipse in talibus casibus sæpe non deprehendit causam dolorem inducentem, sed quatenus contristat & molestat.

Hoc eodem loco, dum diffinit Cephalalgiam, ait eam esse dolorem capitis recentem, per quam particulam inquit ipsam distinguere a Cephalæa, quæ est dolor antiquus. quod dictum falsum est; quoniam Cephalalgia potest

*Cephalalgia
an sit dolor
recentis capiti.*

esse & recens & antiqua, vt apparet libro 2 comp. med. secundum loc. fere in principio, vbi agit Galenus de antiquo capitis dolore, qui quidem non Cephalæa, de qua inferius postea fere in fine eiusdem libri agit, sed Cephalalgia dicitur. Differunt autem hæc duo abinuicem, non ratione temporis, sed ratione accessionum & debilitatis capitis, vt habetur loco citato, & libro 3. de loc. affect. capite 7.

Capitis dolor a causa frigida: quibus remedijs tollendus.

In capitis dolore ad vstiones quando presens esse deueniendū.

Capitis dolorem ab intemperie frigida vna cum materia pendētem curare docens, plura & vniuersalia & particularia, summa cum ratione administranda monet, quibus tamen hoc addam, me contumacissimos capitis externos dolores, hac de causa genitos, vel propositis vel similibus ac etiā vehementioribus medicamentis, aliquando non potuisse superare. Vnde coniectura facta, vel pericraneum, vel vna cum pericraneo, os, ab ea materia admodum male affectum esse; ad vstionem loci patientis deueni, hancque curandi rationem felici cum successu tentavi, in qua hoc semper obseruaui, vt candenti ferro facta vstio vique ad os, quod plurima semper scatens humiditate inueni, profunde penetraret: aliquando vero os ipsum cariosum reperi, quo disquammato, omnis conqueuit dolor. Vstio hæc non in occipite, nec in sincipite supra suturam coronalem, qualis a multis ratione diuersionis fieri solet, sed vel in dextra, vel in sinistra capitis parte, prout hæc magis, quam illa pars, dolore cruciaretur, ad tollendam intemperiem frigidam & ad euacuandā materiam peccantem, a me feliciter tentata est: quod notasse volui, vt cæteri audacter, vbi detur huius actionis occasio, vstionem hanc administrate possint. Vt autem cognoscant, qua ratione deprehendatur os, integra existente cute, cariosum esse, adeant Hippocratem libro 2 de morbis, vbi monet, in tali casu cutim de capite alia atque alia parte discedere, id est, cutim ad tactum ab osse separatam persentiri: quod est signum maxime animaduertendū, cum sit infallibile ac certum cariei ossis indicium.

Posteaquam in sermonem de vstione in capite facienda nunc incidi, data occasione, iuniores moneo, quosdam esse Medicos, qui ad pauca respicientes, in similibusque opinioni-

pinionibus senescētes, cauteria & vstiones in occipite damnant, illis ducti Galeni verbis, quæ in secundo libro de comp. med. secundum loca posuit, curationem doloris capitis ex ardore docens, vbi hæc expresse habet; *Nec enim facile exurit capitis ea pars, qua occiput* & a Græcis *Cantheria in occipitis an secundum Galeni leni conne-*

Inson appellatur. opinantur autem, hoc in loco Galenum loqui de exustione facta ab igne. At longe errant; quoniam Galenus non de vstione ab igne sed a Sole facta, sermopem habet. docens enim curationem doloris capitis ex ardore solis, monet ex anteriori capitis parte, non posteriori, administranda esse localia remedia: & hoc duplici ratione: primo quidem, quia posterior capitis pars, id est occiput ipsum, ita facile, quemadmodum anterior pars, nec a Sole exurit, nec Solis calorem concipit: secundo quia in occipite adest principium spinalis medullæ, ad stipitis modum in multos nervos diuisæ, quæ a refrigerantibus medicamentis appolitis posset lædi a quibus habetur, quod occiput (quia non ita incalcescit a Sole quemadmodum sinciput) remedia refrigerantia non requirit. & quia in eo est principium spinalis medullæ, quæ est pars frigida, non toleraret absque manifesta læsione huiusmodi refrigerantia medicamenta: quare nullo pacto talia circa occiput erunt vnquā administranda. Hanc esse mentem Galeni, doceat processus verborum eius, & illæ duæ particulæ in eius sententia positæ, scilicet *enim* & *facile*. nam per primam liquet, eum superioris sententiæ reddere rationem: per secundam autem apparet, eum loqui de æstu solis, non de vstione ignis. ea pars enim a Sole difficulter incalcescit, at facile ab igne, sicuti cæteræ omnes partes, exurit. Hanc eandem sententiam attestatur Oribasius ad Eunapium lib. 4, cap. primo, qui transcribens a Galeno, hæc in curatione doloris capitis ab æstu habet. *Qua in re cauere debes, ne posteriorem partem capitis qua ad occiput est, attingas; cum caput ea parte non facile exuratur, cumque inde ortum ducat spinalis medulla, ne aliqua noxa consequatur.* Caput etiam exuri a Sole, esse dictum a Græcis receptum vltra Galeni loca, in quib. per vstionem intelligit supercalefactionem a Sole factam, sicuti potissimum clare habetur libro primo ad

detur circuitus; tamen ex præcedenti narrato casu possumus arguere, dari circuitum febrilem octauum: quoniam quæ maior potest esse causa huius octauæ circuitus in hæmicrania, quam quæ possit esse in febre? sed ultra hoc argumentum experientia hoc idem mihi bis testata est, dari certo octauum circuitum & octauam febrem; alteram enim vidi in nobili equite, non ultra vigesimum quintum annū agere; alteram autem in muliere quinquagenaria.

De Conuulsione. CAP. XIII.

VLTRA causas ab authore connumeratas aduertatur, conuulsionem etiam fieri a spiritu flatuoso, vt docet Galenus lib. 2. de sympt. caus. cap. 2.

Ex mente Galeni ponit, conuulsionem esse symptoma in genere functionis virtutis motricis, causatum a causa præter naturam. Aduertatur tamen, hoc solum verum esse in conuulsione facta per se, non per consensum. Vbi enim fuerit per consensum, non a materia & a causa præter naturam tantum fit, sed etiam a virtute stimulata, sicuti fit in epilepsia per consensum, vt habetur lib. 3. de locis affect. cap. 7.

Conuulsio causa.

Conuulsio quod symptoma sit.

Conuulsionis prognostica exponens ex Hippocrate lib. 5 Apho. 6, ex Galeno in eius commento ait, tetanum quatuor diebus iudicari, nec ultra primum quaternarium, cum sit morbus valde acutus, protrahi, quibus subiungit ex Actio, nec senes nec pueros tetano corripi. Ego tamen testor, infantes hoc affectu facile deprehendi, quod idem Galen. lib. 3 Prognost. commen. 36, per hæc verba affirmavit: *De conuulsione hoc loco disputat, quæ non in parte una corporis, sed in omni eo infestet, quæ in pueris promptissime euenit, sed magis lactentibus*: quos etiam, libro 1 Epid. sect. 2, commen. 24, conuulsionibus, propter neruosi generis infirmitatem, opportunissimos appellauit; testorq; me vidisse plures infantes tetano detentos, in eisdemque hunc morbum aliquando ultra decimā quartam diem pertractum fuisse, animaduerti. Vnum autem peculiariter quadrimestrem consexi ita tetano correptum, vt si animam non duxisset, statuam rectissimam, in

Infantes & pueri a tetano corripiantur.

nullamque partem declinantem, iudicasses: adeo recta rigideque totus se habebat. nullam enim partem nec minimam quidem mouebat. hic per quadraginta dies ita permansit, nec vnquam vocem emisit, nec vbera matris lactauit: lac tamen per ampullam vitream, in eius os instillarum deglutiuit, cuius merito nutrimentum sufficiens assumpsit, morboque superuixit, & viuit adhuc.

Mandragera radix an conueniat in potu in conuulsione a repletionē. Curationem conuulsionis ex repletionē explicans ex lib. de locis, in homine proponit exhibendam esse mandragoræ radicem in potu. Quod remedium animaduertant iuniores in vsum reuocandum non esse, quoniam radix hæc licet exsiccare possit, tamen quia frigidissima est, & virola qualitate donata, cum frigidū neruis inimicum sit, hic nocere, non iuuare poterit. quare miror, quomodo author iste locum hunc probet, & eo magis, cum videam eum hanc sententiam tanquam Hippocratis proponere, cum tamen liber ille forsan spurius sit, nec inter geminos Hippocratis libros recensendus veniat.

Sectionis & eius indicatio non sumitur a qualitate succorū peccantium. Eiusdem conuulsionis euacuationē proponēs, inquit, in hac secandam esse venam, modo non penitus a sanguine secretus pituitosus fuerit succus redundans. Hic aduertatur, quod indicatio sectionis venæ non ab humore peccante, nec ab humoris statu seu qualitate desumitur, sed a magnitudine morbi, consentientibus viribus, vt millies a Galeno explicatum est. quare siue secretus siue non secretus fuerit peccans humor, semper viribus non contraindicatibus secanda est vena, ob acutiem & magnitudinem morbi: & hoc obseruetur in quocunq; alio casu.

Conuulsio & paralytis a liquando in eodem membro consurgunt. Spasmo opponitur paralytis, quoniā ille dicit motum, hæc immobilitatem, tamen spasmus iunctus cum paralyti, ita vt alternatim affligant eandem partem, scilicet, quod modo illa pars conuellatur, modo eadē resoluatur, postea iterum conuellatur, & deinde iterum paralyticetur, ponitur lib. 3. Protrhet. tex. 2. 6. Qui casus fuit etiam a Galeno visus, vt ibidem in comm. ipse narrat. Hoc idem semel ego tantum vidi. quare hoc aduertatur, tanquam vnum ex mirabilibus, possibilibus tamen, quæ Medicis offeruntur.

De Paralyfi. CAP. XIII.

PARALYSIS prognostica recensens ex Cornelio Celso affirmat, paralyfin nunquam acutum, semper longum esse morbum. At experientia mihi sæpe oppositum distavit, cum viderim plures paralyses intra septimā diem solutas; quarum ratione coniecturam feci, paralyfin ex *Paralyfis an* nervorum obstructione ortam, non semper a frigidis, *semper fiat* viscidis & crassis succis causari. tales enim paralyses, tum *ab humore* ratione materiei morbum facientis, tum ratione partis *nervos ob-* affectæ, diuturnæ sunt, & non facile solvuntur: cum au- *struente.* tem illæ cito & levi negotio solvantur, ab alia materia & ab alia causa procreari coniiciendum est. qua de re ego in eam ductus sum sententiam, ut existimem, paralyfin etiam fieri posse ex nervorum quidem obstructione, at non semper causata ab humore frigido & viscido, verum etiam a vaporosa materia, quæ ad principia nervorum transmissa, obstructionem in eis inducens, ac spiritus animalis viam intercipiens, sensum & motum inferiorum partium inhibeat. Hanc sententiam mihi hæc historia comprobavit. Tonsor quidam, cum die præcedenti vino ac gulæ nimium indulgisset, nocte media cum timore maximo (nam videbatur sibi suffocari) expergefactus, incidit subito in paralyfin omnium corporis partium, infra faciem existentium, in qua adeo motus & sensus erant deperditi, ut nec acu profunde perforatus, nec gladiolo scarificatus quicquā sentiebat, omniaq; motui, præterquam ipsius capitis ineptus erat. Hic tamen, soluta in motum ebrietate & crapula, intra tertium diem libere omnino sanatus est, factis tantummodo nonnullis revulsionibus ac inunctionibus quibusdam resolventibus ad spinam. Hic quæ potuit esse paralyfis causa? non materia frigida & viscida; quoniam non ita velociter, nec ita facile subleuatus æger fuisset, sed vapores crassi & multi ratione crapulæ aborti, & ad nervos transmissi, qui eosdem obstruentes fuerunt in causa paralyfis. Nec alicui sicuti novum, ita etiam mirandum hoc appareat, cum etiam a flatuosa materia nervos ingrediente species quædam convulsionis generari solita sit: quæ eadem materia flatuosa, si crassior abunda-

uerit, quid prohibebit, eam netuos obstruere posse, & inde paralyfin causare? Sed cur nouum dixerim, cum antiquissimum sit, a flatuola materia causari stuporem, paralyfin & syderationem corporis, sicuti habetur ab Hippocrate in libello de flatibus spiritibusve inscripto, in quo hanc sententiam clare docuit: *Quod vero stupor attonitus & syderatio a flatibus fiat, diinceps demonstrabo. quum ergo flatus multi frigidi penetrant ac insulent carnes, partes corporis stupide & insensiles fiunt: & si quidem plurimi flatus per vniuersum corpus discurrant, totus homo syderatur: si vero per partem, partem illam syderant & percutiunt: atque & absint flatus, cessat & morbus, quamdiu autem permanserint, consistit & morbus.* hæc Hippocrates.

*Decoctum
sarmen-
torū
viti an cō-
ueniat in
paralyfi.*

Proponit author ex Actio, qui hoc ab Archigene transcripsit, valde prodesse partibus resolutis, si ægrotantes assidue potent decoctum sarmen-
torum vitis virgidium: quod remedium cum facultatis sit frigida & adstringentis, quid in paralyfi prodesse possit, consideretur: nec sine ratione talia medicamenta in vsum assumantur.

Paralyfis ex refrigeratione curationē tradens, alterantibus tantum eam curari præcepit, inter quæ præcipuum propono balneum olei calidi, remedium a Galeno, in lib. 2 de facult. symp. med. cap. 7, ad hoc celebratum.

De conuulsione Canina.

CAP. XV.

*Conuulsio-
nis canina
causa.*

INTER causas conuulsionis caninae recenset resolutio-
nem alterius partis faciei: quod nedum a veritate distat, sed valde absonum est, cum paralyfis cōuulsionem nequaquam gignere nec producere queat. lapsus est autē in hoc capite author, existimans omnem torturam faciei spasmodum caninum esse, quod falsum est. nam tortura faciei a duplici prouenire potest causa, quarū altera est paralyfis, altera conuulsio. In tortura ex paralyfi pars faciei distorta est pars sana, quoniam muscoli sane actione sua fungentes trahunt resolutos ad se, in tortura autem ex conuulsione pars distorta est pars affecta, quoniam muscoli conuulsi ver-

siveſus proprium principium trahūtur, & ita diſtorquen-
tur. hæc curatur curatione conuulſionis, illa autem cura-
tione paralyſis.

De Incubo. CAP. XVI.

CAVSAM huius affectus assignans inquit, hanc eſſe *Incubi cau-*
frigidum & craſſum vaporem ad cerebrū delatum, *ſe diſtincta,*
eiusque ventriculos obſtruentem; quæ ſententia veriffima *& diſcrimē*
eſt. ſed diſtinguendum erat, vaporem iſtum modo a ven- *differentia-*
triculo tantum, modo ab vniuerſo corpore eleuari. a ven- *rum.*
triculo elevarur ex crapula & cōtinua cruditate, ex ſatie-
tate nimia, ex cibis craſſioribus, flatuoſis & quæ caput pe-
tere poſſunt. & incubus hac de cauſa genitus facile tolli-
tur, ſola recta victus ratione & leuioribus medicamentis
adminiſtratis, nec hinc periculum impendet. ab vniuerſo
autem corpore eleuantur, dum in eo vel melancholici vel
pituitoſi abundāt humores, a quibus eleuati in ſomno va-
pores craſſi & frigidi, & cerebrum replentes ſunt in cau-
ſa, vt virtus ad inferiores partes vix deſcendat. & hinc
difficultates illæ in ſomno, & tales incubi: hincque vel
epilepſia vel apoplexia vel melancholia vel quid ſimile
impendet, & ideo in his purgationibus, euacuationi-
bus, & his quæ cerebrum roborare, & aliis quæ vapo-
res inhibere poſſunt, indigemus, ac ea ſummo ſtudio pa-
rare debemus.

Quemadmodum in incubo credunt patientes, ſe vel *De quibus-*
ab hoſte inuadi, vel ab aliquo Venerem exigente vim pa- *dā acciden-*
ti, vel a dæmone deprehendi, vel mole aliqua premi, vel *tibus qui in*
quid aliud horrendum ſuſtinere; ſimiliter in ſomno con- *ſomno dor-*
tingūt (& hoc præcipue in pueris fieri obſeruauī) aliquan- *mientibus*
do pauores maximi, & terribiles aliæ imaginationes, ex *conſingunt.*
quibus admodum cruciantur dormientes, cum in hiſta-
men nec vox, nec motus, vt in incubo, intercipiatur: ſed
hinc adeo anguntur, vt vel ſummiſſa querimonia lamen-
tentur, vel alta voce clament: & inde nonnunquam ita va-
lide tanquam horribilia fugientes, mouentur, vt a decu-
bitu ſurgant, & lecto proſiliant. Quorum accidentium
non eadē ſunt cauſæ, quæ & incubi, ſed longe diuerſæ.

*Cur aliqui
dormientes
clamant &
conqueran-
tur, & Gal.
de in somno
eruescentur.*

has autem ego obseruaui, scilicet vt hæc eueniant, vel vbi in somno humores vitiosi grauent ventriculum, ac ipsum mordeant; vel vbi cibus in ventriculo corrumpatur, qui corruptus mordeat etiam ventriculum ipsum, quod præsertim accidere consuevit, quando loca ad ventriculum attinentia sensu quidem vigeant, sed natura sint imbecilla, vt notauit Galen. lib. 3 Aphor. commen. 24; vel vbi vermes in intestinis existentes aut eadem intestina, aut ventriculum, cum ad partes superiores ascenderint, mordeant; vel vbi in somno ad cerebrum commotus sanguis illud grauet, comprimat & compingat. hinc enim cerebro conturbato vident patientes somnia horrenda & terribilia, & ab his maxime anguntur: quod mihi fuit quandoque sufficiens indicium, ad præfagiendam in aliquibus de proximo aduenturam epilepsiam, & hoc præcipue cum nouerim, in his dormientibus faciem rubicundiores & fere ignem euadere, quod animaduerti a sanguine, partes superiores petente, ac cerebrum ipsum replente & grauante, causari. solet enim in plethoricis dispositionibus, vt docet Galen. lib. 4 Apho. commen. 67, a somno caput repleri, & inde cerebrum aggruari: quæ plethorica dispositio, si ad naturam attractibilis vergat, timores & horrenda in somnia causare consuevit: qui idem sanguis, vbi dormientes expèrgiscuntur, in proprias venas recurrens, in eisq; dispersus, est in causa, vt iidem & resipiscant & quiescant, vt optime declarat Hippocrates in libro de morbo sacro. Vel vbi ad cor, debili eodem existente, cum in somno concentrentur calor & humores, sanguis vel multitudine vel praua peccans qualitate recurat, aut saltem prauas exhalationes transmittat; præcipue autem hoc obseruaui fieri in his qui feruido sanguine & fere igneo abundant: quod idē notauī, sed rarius, in his cōtingere qui eundem melancholicum habent. & in summa hoc fieri in illis vidi, qui ex copia & prauitate sanguinis vel in syncopem, vel in cordis palpitationem vel tremorem vel dolorem parati sunt. Quare vbi patientes in somno talia passi fuerint, nouerint Medici, vel os ventriculi aut a vitiosis humoribus eo decumbētibus, aut a corruptis cibariis, aut a vermibus morderi, vel cerebrum a sanguine repleri & grauari, vel cor

ab co-

ab eodem premi aut stimulari. Vnde in huius affectionis curatione his causis eas optime abinuicem distinguentes recta ratione ac methodo incumbant. Ad quam eandem intentionem, videlicet, ne patientes aut somnient, aut ne somniantes terribilia & horrenda videant, quædam licet forsan superstitiosa, suspendi nouerint. Exemplum primi habetur lib. 3 de medicinis facile parabilibus, in quo hoc scribitur, *Ve ne homo nocte somniet, ruta semen caliga ipsius nescientia suspendit.* Exemplum secundi habetur in libello de incarceratione Galeno ascripto, in quo docet author, sardam viginti granorum pondere colle suspensam, aut in digito gestatam prohibere, ne homines in somno terribilia videant. Hæc subscripti, vt liqueat hunc affectum ab antiquioribus Medicis cognitum, & consideratione dignum iudicatum fuisse. in difficilibus enim affectibus tantum ad suspensiones descendebant.

De Vertigine. CAP. XVII.

STATUIT, quod vertigo & tenebricosa vertigo non tantum nomine, sed etiam re differant. quæ sententia nequaquam recipienda videtur: quoniam hæc duo non aliter differunt, quam secundum magis & minus, vt etiam ipsemet in processu testatur, cum ab eadem causa dependant, quod tamen non est differre realiter. nam differentia secundum magis & minus non facit differentiam realem, sicuti in albedine, quæ siue intendatur siue non, est eadem realiter, licet differat secundum magis & minus, quod idem met in aliis verificatur rebus.

Vertigo & tenebricosa vertigo an realiter differant.

Declarans quomodo fiat vertigo, inquit, quod hæc generatur ex inordinato motu spiritus in cerebro, eodemque inæquali & turbulento, causato ex motu spiritus flatuosi ibidem detenti, qui eodem motu mouetur. subiungit autem postea, *consequantur hæc symptomata ad morbum in ista, scilicet obstructionem, & ad inaequalem intemperiem*, adeo quod velit motus illos spiritus esse symptomata, consequentia morbos prædictos. Quod dictum falsum videtur: quoniam hæc dicta supponunt, essentiã vertiginis esse vel intemperiem vel obstructionem, ad quas

Vertiginis symptoma ad quem morbum sequatur.

sequatur postea motus ille, ex quo sequitur symptoma illud, quo videntur homines circumagi: quæ sententia nequaquam vera est. quoniam intemperies & obstructio & motus etiam spiritus flatuosi sunt causæ morbi huius. nam intemperies generat spiritum illum, obstructio non permittit eundem exhalare, spiritus autem ille, dum mouetur, mouet etiam spiritum animale: ad quem motum postea sequitur læsio imaginationis, qua homines opinantur se circumagi, quod est symptoma consequens ad motum spiritus animalis, qui motus est morbus, qui immediate causatur a spiritu flatulento, in cerebro inordinate & turbulenter commoto; qui spiritus postea multipliciter causatur, scilicet vel ab inæquali intemperie cerebri, vel ex inordinato victu, vel ex membris interioribus generantibus sanguinem & humores flatuosos, ex quibus hic spiritus ad caput ascendit: in quo, cum eo malo motu mouetur, mouetur etiam & euertitur spiritus animalis. quis autem morbus sit iste, patet, quoniam est morbus in situ, cum spiritus non disponantur in loco naturali, sed euertantur & circumagantur. & hinc læduntur vires principales, quoniam cerebrum edit functiones suas non tantum ratione temperamenti proprii, quantum ratione & formationis & situs & aliarum rerum, quæ requiruntur ad membrum organicum componendum. Vnde videmus, in mala formatione cerebri, & ad consimiles læsiones, sicut ad compressionem ventriculorum, & malum situm eorum, & spirituum ibidem detentorum consequi læsionem maximam in viribus ipsius cerebri.

*Vertigo per
consensum
a quibus
gignitur.*

Declarans, quomodo vertigo fiat per consensum, inquit, quod sit vel a ventriculo, vel ab aliis partibus: quod sane recte est dictum, non tamen declarat, quæ sint hæ partes, inter quas præcipue est vterus, & non solum vterus, & reliquæ corporis partes singulares, sed etiam totum ipsum corpus potest esse in causa huius. ex quo sequitur, ut habetur libro 3 de locis affect. cap. 8, quod sectis arteriis externis, non sequatur aliquando sanitas, quoniam & partes interiores hunc spiritum flatuosum per partes internas possunt transmittere.

Cum ponit signa Vertiginis per consensum a ventriculo

eulo; ait, quod apparet tunc morsus ventriculi & nausea. *Vertigine*
hoc aduertatur, quod hæc indicant bilem in ventriculo *per consen-*
existentem, cardiogmos enim fit a mordacibus humorib. *sum a ventri-*
At vertigo per consensum a ventriculo facta, non tantum *culo signa.*
gignitur ratione bilis, vt habetur lib. 4 Apho. 17, sed etiam
ratione cruditatum, ac ratione humorum pituitosorum,
vt innuunt Aetius & Paulus. & ideo pro cognitione huius
est recurrendum ad signa cruditatis, in qua sæpius, quam
a bile, vertiginem causari testatur experientia ipsa.

Curationem tradens, iubet secandam esse venam bra- *In Vertigine*
chii. hic aduertatur, quod Galen. lib. de sang. miss. cap. 19, *qua Vena*
secat pro præseruatione a vertigine venas inferiores, & *secanda.*
non tantum pro præseruatione, sed etiam si incipiens sit
affectio, & exemplificat de Epilepsia & Vertigine, in quib.
inquit, secandæ sunt venæ inferiores, hoc tamen supposito,
quod in patientibus sit humorum abundantia, & quod
si hanc non tollas, consueuerint in tales morbos incidere.

De Epilepsia. CAP. XVIII.

Pro curatione huius morbi venę sectionem proponit, *In epilepsia*
quam ex Galeno, vt superius norauimus, lib. de cut. ratio- *qua Vena*
ne per sang. miss. cap. 19, docet non cubiti, sed crurum se- *secanda.*
candam esse. quæ sententia videtur contradicere Gale-
no, qui eodem libro cap. 16 monuit, affectis partibus col-
lo superioribus secandam esse humerariam venam. quod
autem adducit author ex cap. 19, non recte ponderatum
est ab eo. Galenus enim eo in loco intendit docere, quæ
vena secanda sit vere pro præseruatione a morbo, occu-
pante nonnunquam aliquam ex principalibus partibus
cum hac conditione, quod morbus idem causetur & exa-
cerbetur a plenitudine, tunc docet stantibus his duobus,
scilicet & ad præseruationem, & vbi a plenitudine cause-
tur morbus, in epilepsia & vertigine secandas esse infe-
riores venas, sicuti superiores, ad præseruandum a poda-
gra ex plenitudine genita. vbi igitur non adertunt hæc duo,
secetur humeraria ex Galeno, non saphena, vt docuit au-
thor hic; qui locum Galeni perfecte non attingit.

Epilepsia a quibus huius moribus causatur. Ponens eius epilepsiæ causas, quæ est primario affecto cerebro, statuit duos tantum esse humores in causa huius, scilicet pituitam & melancholiam; At etiam a sanguine, qui abundans & replens venas & intercipiens spiritum potest epilepsiam causare, gigni potest, ut docet Galenus libro 4. reg. acut. 23, quemadmodum nos superius clare exposuimus.

Decoctum coriandrorum an cõueniat in epilepsia. Pro potu ordinat decoctum coriandrorum, qui potus, ut etiã superius notavi, mihi valde suspectus est, quoniam coriandrum sui natura petit caput, & tantum, ut si largius sumatur, delirium inducat, ut docet Dioscor. cap. proprio. Quare nec etiam semina coriandri quomodocunq; parentur, ad comedendum exhiberem; quia non tantum, ut asserit ex Plinio, non prohibet ascendere vapores ad caput, sed etiam cum sui natura maxime caput petat, ut ex dictis liquet, & etiam ut ex eius odore patere potest, vapores alios potest secum ad altum ducere, & ideo nocere.

De apoplexia. CAP. XIX.

Apoplexia a quibus huius moribus causatur. C A U S A S apoplexiæ exponens, a duobus tantum fieri statuit humoribus, scilicet pituita & melancholia, nulum verbum habens de sanguine, a quo tamen superius declarauimus ex Galen. lib. 4. reg. acut. 23. & lib. de cur. ratione per sang. mis. cap. 5, & lib. de caus. morbo. cap. 3, etiam apoplexiam fieri.

Apoplexia an fiat ex inflammatione cerebri. Explicans apoplexiæ causas, citat locum Gal. lib. 2 Aph. commen. 42. dicentis, aliquando gigni apoplexiam propter aliquam dispositionem phlegimonosam in cerebro existentem, non ipsum quidem obstruentem sed constringentem. declarans autem, quæ sit ista dispositio, inquit, est inflammatio, erysipelas & abscessus. At quantum decipiat author in explicanda hac Galeni sententia, satis expresse docuimus capite proprio de Apoplexia.

Epilepsia an definat in paralyfin. Prognostica enumerans, inquit, quod apoplexiæ sæpe numero succedit paralyfis, quod non contingit epilepsiæ, quia epilepsia non finitur in paralyfin, ut videtur docere Galen. lib. 4. de loc. affect. cap. 2. In hac re aduertendum est, quod dicere simpliciter, epilepsiam non finire in paralyfin,

fin, falsum est; quoniam, ut nos centies vidimus, & alii etiam quotidie in praxi vident, solutæ epilepsiæ & non solutæ aliquando succedit, modo vnius, modo alterius, modo plurium membrorum paralyfis. sed intelligendum est dictum Galeni in comparatione apoplexiæ, scilicet, quod sicut apoplexia creberrime, ut dicit ipse, terminatur in paralyfin, ita & epilepsia creberrime in eandem non finitur. Hoc experientia testatur. nam ut plurimum terminantur epilepsiæ accessiones particulares, & morbus vniuersalis sine paralyfi. Veruntamen aliquando, licet rara, tum vniuersalis morbus, tum etiam aliquæ accessiones particulares, nondum terminato morbo, in paralyfin ipsam definunt ac soluuntur: quod etiam Galenus non neget epilepsiam terminari in paralyfin, ab eo haberi potest libro 4 reg. acut. commen. 27, ubi clare habet, quomodo epilepsiæ nonnunquam paralyfis ipsa succedat. Hoc idem testatur author libri de morbo sacro, qui Hippocrati adscriptus est, docens pulcherrime, quando & qua de causa paralyfis & membrorum particularium læsionis epilepsiæ succedant, & quid ex hoc sperandum sit per hæc verba. si verò medica existens pituita in vtraque venas defluxum fecerit, aut in alterius partis, superuivunt, nota ex morbo impressa relicta, aut enim os vel oculus distorquetur, aut manus aut ceruix, ubicunque sane vena pituita repleta superata fuerit, & gracilis reddita. hanc itaque venam necesse est debiliorem esse, & hanc corporis partem læsam defectuosiore: verum ad longius tempus plerumque prodest, non enim amplius morbo apprehenditur, si semel notam impressam suscepit. hæc author ille, ex quibus patet, quod & quando epilepsiæ membrorum resolutiones succedant.

Rationem victus explicans, multa quidem apposite & conuenientia describit: tamen hoc sciatur, quod dum homines apoplexia detinentur, frustra tentatur omne genus cibi. detentis enim sensibus interioribus & exterioribus, fieri non potest, ut hi ratione alimonix quid assumant, & hoc maxime in primis diebus.

Pro curatione inquit conuenire sectionē venæ vel humeralis, vel mediæ. Hoc pro secanda tamen vena animad-

*In apoplecti-
cu quando
secanda &
na, quid ob-
seruandum.* uertatur, (quoniam in apoplecticis sanguis refrigeratur & sistitur) quod ante sanguinis missionem optime confricandum est totum corpus. De vena autem secanda seruetur id quod docet Galen. lib. 4. reg. acur. commen. 2. 4, ubi monet, stante magna plenitudine, secandam esse internam: si autem plenitudo hæc non adsit, humeralis potius secanda erit.

*Apoplecticis
an sit exhi-
bendū phar-
macum.* Si inepti, inquit, fuerint ægri ad venæ sectionem, aut in prædictis malum perseverauerit, medicamentū purgans exhibendum erit. In hac sententia duæ sunt difficultates; altera, an stante materiæ cruditate, pharmacum exhibere liceat, contra præceptum Hippoc. & Galeni; altera erit, quomodo medicamenta, licet ad intra fauces ponantur, possint in ventriculum descendere, cum apoplectici sint in totum resoluti, & ideo facultate deglutiendi careant: quare, quemadmodum experientia vidi, credo incassum, sicuti idem de cibo affirmavi, tentari exhibere vel cibū vel medicamentum vel quodcunq; aliud quod sit deglutiendum, hoc nisi declinante morbo agatur.

De Ophthalmia. CAP. XX.

*In ophthalmia cura-
tione quid
per fanugra-
cum intelli-
gendum.* EXPLICANS pro eius ratione lenitiuos liquores, enumerat fœnugræci decoctū, in hoc quo animaduerto, quod non sumatur semen, quoniam hoc magis calidum est, quam conueniat in oculorum inflammatione, cum sit calidū in secundo gradu & siccum in primo, vt habet Galen. lib. 8 de simpl. med. cap. de Teli. sed assumatur herba, & eius folia pro formando hoc liquore, in quo conficiendo seruentur præcepta ab Aetio tradita lib. 7, cap. 15: hæc duo particularia obseruādo: primo vt optime abluatur, ne puluerem admixtum habeat, vt etiam notat Galen. lib. 13 Meth. cap. 22 circa medium; secundo ne habeat semen permixtum. Et hoc libenter animaduerto, quoniam vidi maxima errata commissa in actu medendi, assumpto semine loco foliorum fœnugræci in hunc vsum, valdeque hinc exacerbata ophthalmias fuisse.

De Mydriasi, seu pupillæ dilatatione.

CAP. XXVII.

CAVSAS internas Mydriasis tantum recenset; de externis autem a quibus etiam hæc affectio inducitur, ne verbum quidem habuit. Ultra autem Auicennæ testimonium experientia testatur, non tantum ab interno affectu, sed etiā a causā primitiua, Mydriasis generari, scilicet vel a percussione, vel a casu. & hæc notasse volui non solum, vt omnes causæ huius affectus pateant, sed etiam, vt moneam, dilatationem pupillæ, ex casu vel ex percussione causatam, dum modo non sit cum disruptione Rhagoidis, contra Auicennæ sententiam, qui cap. de Al-tencar hanc dixit curam non habere; si cito, & recte curretur, veram admittere curationem, quam tamen ipse postea in cap. de cura contra decreta propria tradere conatus est.

De Suffusione. CAP. XXIX.

DIFFINIT ipsam suffusionem esse affusionem humorum circa pupillā congelatorum, & inferius inquit, quod hæc affectio est morbus in numero, quia hic adest id quod est toto genere præter naturam. hoc admittatur, sed hoc etiam sciatur, quod & datur alia suffusio, in qua non accedit humor ab extrinseco, sed fit, quando humor albugineus incrassatur & condensatur, vt habet Gal. lib. 1 de sympt. caus. eap. 2. & tunc non est morbus in numero, sed intemperies cum materia, seu morbus in via in hoc, quia est obstructio.

*Suffusio
quorū modis
fiat.*

De Offuscatione oculorum.

CAP. XXX.

ASSIGNANS causarum offuscationis oculorum signa, inquit, quod si hæc affectio consequatur ad nervorum visuorum resolutionem, tarde mouebitur oculus, aut omnino non mouebitur. Quod dictum falsum est; quoniā nerui optici non deseruiunt oculorum motui, sed

*An nervi
optici resolu-
tione mala-
moueatur
oculus.*

ſcultate ego cenſeo, quod hæc Galeni regula obſeruanda ſit in maioribus & magis notabilibus inflammationibus, ſcilicet vt in his nunquam oxyrrhodium adminiſtretur. Vbi autem inflammatio talis nõ fuerit, debilisque exiſtat affectus, poterit conuenire; quoniã cum in paruis inflammationibus pauca adſit materia, ex repellentibus non imminet periculum illud, quod impendet in ingenti, quæ a copioſiori materia cauſatur. cuius merito etiam tale medicamentum a Galeno in moderatis & debilibus inflammationibus probatur; in eis autem quæ maioris ſunt momenti, ingentesque exiſtunt, improbat. Vnde cum in libro 3 de comp. med. ſecundum loc. tum in lib. de remed. paratu facil. de oxyrrhodino loquens, illud in eis inflammationibus laudabat, in quibus non adeſt pulſatilis dolor, ab eis in quibus adſit, excludens. cum autem talis dolor maiorum & ingentium inflammationum, vt habetur lib. 2 de loc. affect. cap. primo, ſit proprium accidens, iubeatur hæc regula, quod ex Galeni mente in magnis & notabilibus aurium inflammationibus nequaquam tale medicamentum adminiſtretur, ſed tantum debilioribus, quæ potius naturam phlogofiſ quam phlegmonis habeant, conueniat. cum enim ob propriam iplius anguſtiam meatus auditorius a mole etiam minima anguſtietur, paræ eius phlegmones a tantula materia producuntur: quæ ſi paulo plus augeatur, maiores præ ratione loci, & ingentes, vbi copioſior extiterit fluxio, generabit inflammationes. Hoc adnotaſſe volui, ne indicationibus ab affectu ipſo deſumptis, Medici indiſcriminatim ad repellentia in quacunque aurium inflammatione deſcendant: hocque eo libentius egi, quia in actu practico vidi ex applicatione huiusce medicamenti lenitum quidem fuiſſe dolorem auris vehementer inflammatæ, attamen poſtea ſucceſſiſſe inflammationem partium internarum, ſicuti præcipue in muliere vltra quinquageſimum quintum annum agente factum noui, in qua ex oxyrrhodino lenito dolore, & repulſa materia ad interiores cerebri partes, delirium ingens, conuulſionesque tales ſuperuenere, vt infra quartã ab oxyrrhodini impoſitione morti ſuccubuerit.

*Auditorium
meatus an
terminetur
ad duram
membranā
& neruum.*

STATUIT ex Galeni mente, auditorium meatum valentissima perferre medicamenta, quamuis nō solum vique ad cerebri duram membranam pertineat, sed etiam neruum contingat qui a cerebro descendit: quæ sententia vera quidem est, quo ad partem primam, scilicet quod hic meatus perferat vehementissima medicamenta, vt experientia ipsa testatur, sed quo ad secundā, falsa est, quoniam iste meatus nō peruenit, nec ad duram membranā, nec ad neruum, sed terminatur ad membranā facientem tympanum, quam membranā (eo quod ibi terminatur hic meatus exterior) non pertranscunt medicamenta imposita, quod sicuti ignorauit Galenus, qui aurium anatomicen perfecte non est assequutus, pariter ignorasse videtur hic author, qui puram Galeni sententiam sequutus, rei veritatem quæ opera excellentissimorum anatomicorum nunc patet, non est adeptus.

*Dentes an
doleant ex
intemperie
humida.*

DECLARAT dentes dolorem pati ex quacunque intemperie: quod dictum verum quidem est, quo ad frigiditatem & caliditatem, verum quo ad humiditatem, falsum est; quoniam ab humiditate, vt clare habet Galen. lib. 2. de comp. med. secundum loc. nullus causatur dolor, sicuti etiam docet Aetius lib. 8. cap. 29, vbi habet, quod humiditas citra aliam affectionem non inducit dolorem. & ideo non videtur, quod dentes possint dolere ex pura intemperie humida.

*Dentes an
saues dolo-
res patian-
tur ex intē-
perie sicca.*

Enumerans signa doloris dentium ex intemperie sicca, inquit, ad hanc intemperiem consequi intolerabiles dolores. quod dictum licet sumpserit ab Aetio, qui hoc transcripsit ex Adamante sophista, tamen difficultatem habet; quoniam, vt pluribus in locis docet Galenus, præcipue autem libro secundo de medic. secundum loc. in principio, a siccitate moderati & leues causantur dolores,

dolores, non autem intolerabiles, sicuti hoc idem experientia docet.

De Catarrho. CAP. XXXXIII.

CATARRHI a causa frigida curationem exponens inquit, post vniuersalem purgationem deueniendum esse ad ea, quæ per os pituitam educunt. quæ sententia videtur suspecta; quoniam hæc materia, quæ generatur in capite, solet per se euacuari & fluere, ita vt arte non egeamus ad hoc faciendum. præterea si adest catarrhus, & per medicamenta, quæ per os pituitam ducunt, volumus euacuare caput, periculum est, ne hæc materia ad asperam arteriam vel ad pulmones dilabatur: quod maxime vitandum est, vt docet Galen. lib. 6 Epid. sect. 2, comment. 32. Quare si hæc particularis euacuatio est peragenda, potius per nares esset tentanda quam per os. Et si per os aliquando sit facienda, non fiat nisi in hoc casu, videlicet, quando materia est nimis crassa, & adeo vt sibi viam obstruat.

De Angina. CAP. XXXXVI.

SICUT angina sanguine crassa & pituitosa explicans inquit, quod tunc paucus est dolor: circa quod aduertendum est, quod datur angina etiam a pituita, & tunc potest esse sine dolore, vt declarat Gal. lib. 4 Aph. in fine comment. 34, vbi habet posse fieri anginam sine dolore, & hoc quando prouenit ex humiditate pituitosa, madefaciente tunicam gutturis interiorē, vel implente musculos, ipsum guttur aperientes, ex quo & generatur tumor & sequitur strangulatio, quod non est cum dolore. Galenus ibidem declarat, posse fieri anginam & strangulationē propter siccitatem nimiam musculi interni gutturis. & hanc ait Aph. sequenti 35. cum est cum febre valida, esse periculosiorem ea quæ est cum inflammatione.

Curationem tradens, & de sectione venæ sermonem habens, inquit ex Alexandri Tralliani sententia, quod in mulieribus anginam patientibus, si ipsius suppressæ fue-

rint purgationes, & in viris, vbi consuetā per hā morrhoides euacuationem non habeant, secandæ sunt venæ inferiores. quæ sententia non est indiscriminatim accipienda; quoniam in indicatione sectionis venæ attendenda est angina acuties: nam si nō sit admodum acuta, nec sit vrgentia, possemus secare venas inferiores: sed vbi angina sit acuta, periculumque suffocationis ex ea instet, non est incipiendum ab inferioribus venis, licet sit suppressa aliqua euacuatio, quoniam in simili casu debemus moliri talem euacuationem, quæ euacuando totum etiam a loco affecto possit elicere materiam. aliter prius sequeretur suffocatio, quam lenitio morbi ex euacuatione facta ex venis inferioribus, quia ex tali sectione materia a læsa parte non educeretur. quæ tamen venæ inferiores, sectis superioribus, poterunt postea ad euocandas naturales & consuetas euacuationes aperiri.

De Tussi. CAP. XXXXVII.

*Tussis an
fiat ex im
temperie ca
lida.*

INDICAT author recensendo tussis causas, quod non tantum ex intemperie frigida, sed etiam ex calida causetur tussis, sicuti habet, inquit ipse, Paulus & Galenus lib. 6. Epid. sect. 2. commen. 24. Quæ sententia est dubia; quoniam licet sit imaginabile, quod omnis intemperies inæqualis, quæcunque sit, in thorace, eo quod lædat ipsum, possit inducere tussim; attamen non ita experimento hoc comprobatum est. nam in maximis æstibus ita tusses non inuadunt homines, sicuti in maximis frigoribus: imo potius illis temporibus nullas videmus, cum tamen plurimæ adesse deberent ob aeris circumstantis immoderatam caliditatem. Præterea in febribus ardentibus, vbi ingentissimus est calor, non adsunt tusses istæ ex intemperie calida, sed tantum quandoque adsunt, vel communicata materia thoraci ab vniuerso corpore, vel exasperatis faucibus ob siccitatem a febre causatam. Præterea non ita videtur calidum, sicut frigidum, posse causare tussim; eo quod ita calidum, sicut frigidum, non sit inimicum pectori. Præterea locus ille Galeni adductus non ita clare loquitur, vt iudicare debeamus, ipsum eius fuisse sententiæ, quod velit tussim

sim excitari ab intemperie calida. inquit enim, quod tussis illa posita ab Hippocrate visa est ab ipso in febribus, quæ ab extrinsecis lassitudinibus ortum habuere, & hoc, cum adesset vel gelu vel æstus, vel pulvis tunc, cum eger in lassitudine illâ incidit. quare, inquit, accidit hæc tussis nō ex lassitudine illa, sed ex duplici accidēte, scilicet vel ex faucium exasperatione, vel ex instrumentorum intemperie. exasperatio faucium vnde pendeat, declarat, dicens ipsam ex triplici causâ iam proposita pendere, scilicet vel ex frigore inducto a gelu, vel a puluere inspirato, vel ab ariditate, quæ causata fuit ab aere circumfuso calidiori, adeo quod velit æstum & calorem illum inducere tussim, causando siccitatem in faucibus, vnde ipsæ exasperantur. Quo ad intemperiem instrumentorum, non ait, quod pendeat hæc tussis ex hac vel illa intemperie, sed tantum absolute ait, intemperiem esse huius causam, quoniam subiungit & alibi declaratum est, ex intemperie causari tussim. Quæ verba non possunt indicare, tussim causari ex intemperie calida, cum se remittat ad alia loca pro declaratione huius rei, in quibus omnibus semper docuit, tantum causari tussim ex intemperie frigida.

Declarans quomodo ab intemperie sicca causetur tussis, inquit, quod tussis non inducitur ab intemperie sicca citra caliditatem vel frigiditatem; adeo quod eius est sententiæ, quod tussis non possit excitari, exsiccatis illis partibus, nisi etiam sint calefactæ vel refrigeratæ: quæ sententia non ita veritati consona videtur; quoniam siccitas inducit tussim exasperando, non autem eo quod partes sint intemperatæ in qualitatibus actiuis, & sicuti ex Galeno datur intemperies sicca temperata in actiuis; pariter possunt exsiccari partes illæ absque hoc, quod calefiant vel refrigerentur. & si præcedit ad hanc siccitatem vel frigus vel calor, ut superius loco citato dicebat Galen. hæc est causa præcedens, non interna. & differt hæc tussis quæ ex exasperatione ob siccitatem inducitur, ab illa quæ est ab intemperie, ut etiam ibidem docet Galenus, disiunctiue loquendo.

Tussis quomodo causetur ab intemperie sicca.

Enumerans tussis causas, ponit ex sententia Alexandri Tralliani, causari tussim a lumbricis infestantibus stoma-

*Tussis an
possit cau-
sari a lum-
bricis.*

chum: quæ sententia ex diametro opponitur Galeno, qui in loco citato, lib. 6 Epid. sect. 2, commen. 24, & superius etiam commen. 17 inquit, hinc non posse excitari tussim. & qui hoc asserunt (subiungit Galenus) non possunt hoc nec ratione nec experientia comprobare. Quoniam tamen aliqui practicantes hoc contra Galenum asserunt, dicentes experientia hoc ipsos obseruasse, ego pro Galeno & pro veritate dixerim, quod licet in puëris a lumbricis patientibus viderint aliquando tussim, non tamen necessario est concludendum, quod a lumbricis tussis illa dependeat: quoniam, vt dixit Galenus, ratione demonstrare non possumus, quomodo hi lumbrici possint excitare tussim, cum hi in partibus naturalibus non spiritualibus, detineantur: præterea illud non iudicat hoc ab illis prouenire; quoniam potest cum vermibus coniungi distillatio, vel alia quædam causa apta ad excitandam tussim, quæ non cognita ab ipsis fuit in causa, vt iudicarent, hæc tussim pendere ex vermibus.

De difficultate spirandi.

CAP. XXXXVIII.

Asthma fieri etiam a siccitate pulmonis.

CAUSÆ duæ asthmatis ex mente Galeni assignantur, scilicet obturatio vel a crassis & lentis humoribus, vel a tuberculo. Notum tamen sit, etiam asthma nonnunquam fieri a siccitate pulmonis, sicuti notauit Auic. cui, utpote ei qui hanc materiam clarius dilucidauit, in hoc est magis, quam Galeno, tribuendum. Et hoc asthma non sine ratione videtur fieri, cum ex nimia siccitate ita in propria substantia possit pulmo deprauari, vt nec dilatationi nec constrictioni facilis ac promptus sit, vnde anhelitus magna ac ingens sequitur difficultas. Tale autem asthma testor ego me vidisse in iuvene vigesimum secundum annum agente, qui solum ex prisana & lactis potu, ac victus ratione lenienti & humida sanatus est.

*Vinum an-
steru an con-
ueniat in or-
thopneæ.*

Curacionem asthmatis a crassis humoribus pendentis tradens, iubet exhibendum esse aliquando vinum austerrum, tenue tamen. quod dictum videtur suspectum, quoniam talia vina adstringunt, & sunt inimica affectionibus pecto-

pectoris, & maxime vbi a materia viz pulmonis, sicuti precipue in asthma & orthopnea contingit, clauduntur & obstruuntur, quemadmodum docet Galen. lib. 3. reg. acut. tex. 7.

Topica medicamēta exponens, inquit adhibendas esse inunctiones calefacientes, quæ sententia est diminuta, sicuti etiam medicamentum ab eo propositum, quoniam non declarat, nec apponit ea calida quæ conueniunt, ista autem esse debent attenuantia & attrahentia. Vnde antiqui capiebant succum scyllæ, fecem vini, ærugines, & consimilia, addendo etiam alia calidiora, & his ego cum maximo successu continue vtor.

Unctioes in orthopnea quales parari debeant.

Dum curationem dispncæ ex crudo tuberculo docet, inquit similia medicamenta, & similē victus rationem ei quæ adhibetur in dispncæ ex crassis humoribus, esse adhibendam: quæ sententia ex toto est opposita Galenolib. 7 de comp. med. secundum loc. cap. vlt. vbi docet aliam & diuersam hic requiri curationem, quoniam in hac conueniunt calidiora & exsiccantia, & paritas potus & alia quæ non conueniunt in illa affectione, quemadmodū ibi clare habet Galenus. Quod autē adducit ipse de historia Antipatri libro 4 de loc. affect. aduertatur, quod Galenus nunquam affirmat, eius affectionē pendere ex tuberculo, sed potius ex crassis humoribus in leuibus arteriis collectis, ex quib. postea auctis potuit succedere dispncæ, cum pertingerent vsq; ad arterias asperas, ipsasq; obstruerent. Quare casus Antipatri non a tuberculo, sed a crassis humoribus vias pulmonum obstruentib. pendens, non curatione tumotis crudi, sed humorum crassorum tractari debuerat.

Orthopnea ex crudis succis & ex tuberculo an eadem curatione sit curanda.

De cruenta spuitione. CAP. XXXXIX.

TRADENS signa sanguinis a pulmone reiecti, inquit, huius signum esse, si sanguis fuerit spumofus, iuxta Galeni sententiam libro quarto de locis affect. & libro quinto Method. Auertatur tamen, quod licet spumofus sanguis sit indicium vlcerati pulmonis, non tamen semper a pulmone reicitur spumofus, sed tantum cum eius pars carnosa vlcerata est. si enim exterior tantū pars vlcus

Pulmonis vlcerati an sit signum inseparabile sanguis spumofus.

patiat, non erit spumofus fanguis, vt docet Galenus libro quinto Aphor. commen. 13. Quare vlcerati pulmonis non erit proprium ac inſeparabile ſignum ſpumofus fanguis, quoniam ab eodem poteſt non ſpumofus prodire.

In ſpuſo ſanguinis an conueniant refrigerantia & adſtrin. gentia tho. raci appoſita.

Vbi ex pulmone ac internis ſpirituum organis reiſci- tur fanguis, docet author peſtori irrigationem adh. ben- dam eſſe ex vino adſtringenti, & oleo roſaceo, vel myrti- no, multaue ex Paulo & Aetio conſimilia ad eandem in- tentionem recenſet pharmaca. Non videntur tamen ex Galeno talia conuenire medicamenta, qui adſtringentia in tali caſu extrinſecus tho. raci appoſita in libro de conſti- tutione artis damnabat, tum quia eorum facultas in pul- monem non penetrat, tum quia hæc ſanguinem qui in tho. race eſt, ad viſcus compellant. Quod idem videtur do- cuiſſe lib. 5 Meth. cap. 6, habens hæc verba: *At vero qua extrinſecus profluens particula admoventur tum ad- ſtringentia, tum ſine adſtrictione frigida, hæc ipſe (vel ut plerique medicorum) non ubique probo: ſed mihi omnino, quam fieri res poſtulat, ipſum ſanguinem in- tro compellere, ac Venas qua in alto eunt, complere vi- dentur. Quod tamen poſtea vel deriuata vel reuulſa fluxione tuto poterit fieri, non autem in iſto hi non- dum factis.*

De Pleuritiſide. CAP. L.

In pleuriti- de an ali- quando ſit ſecanda Ve- na oppoſita lateri.

DISPVTANS de ſectione venæ in pleuritiſide facien- da, inquit, ſemper ſecandam eſſe venam lateris pa- tientis, vnico hoc excepto caſu, ſcilicet, quando ſola ten- tanda eſt reuulſio, & non euacuatio a parte affecta. ſola au- tem tentanda erit reuulſio, quando ex ſententia Galeni, ait ipſe libro de ſang. miſſ. capite 14, non eſt expectanda coloris ſanguinis mutatio: quæ in duobus caſibus non eſt attendenda, ſcilicet vel quando vires ſunt debiles, vel quando adeo praua eſt inflammatio, vt nihil ab ea e- mittatur. cum autem hoc contingit, ſi fluxio valenter ir- ruat, aut adſit plenitudo, tunc, inquit, eſt ſecanda vena non eiufdem, ſed oppoſiti lateris, maxime autē viribus exiſten- tibus

tibus imbecilibus. Hæc sententia nec Galeno nec rationi consonat. Galenus enim ubiq; declarat, secandâ venam esse lateris patientis, non autem oppositi, & hoc non tantum, ubi expectanda est coloris mutatio, sed etiam ubi non est expectanda, & non solum ubi vires sunt validæ, sed etiam ubi sunt debiles. Quod hoc sit verum, apparet ex Galeni sententia ab ipso adducta cap. 14, lib. 1 de sang. miss. nam clarum est, quod ipse exponens sententiam Hippocratis de sectione venæ usque ad mutationem coloris, intelligat de vena secanda secundum Hippocratem, quæ ab ipso limitata est lib. 4 reg. acut. 73, quod scilicet est secanda vena eiusdem lateris. declarans igitur hanc sententiam inquit, *Secunda est vena interna lateris patientis, & semper expectanda est coloris mutatio, præterquam in duobus casibus; quorum alterum est, ubi vires sunt debiles, quoniam tunc non possumus copiose educere, & hoc, quia vires non ferrent; alterum est, ubi prava est inflammatio, in qua adeo materia est impacta, & nihil ab ea emittatur. & quoniam tunc tanta requireretur sanguinis euacuatio pro mutatione coloris, & vires ferre non possent, eo quod maxima quantitas esset educenda, si vellemus videre coloris mutationem, ideo ubi vires sunt debiles, vel prava est inflammatio, secunda quidem est vena interna eiusdem lateris, non tamen est expectanda coloris mutatio,* inquit Galenus. Hoc idem possumus habere ex Galeno libro secundo reg. acut. 10. ubi loquens de sectione venæ in pleuritide, dicebat ex Hippocrate secandam esse internam, & maxime si costæ superiores patiantur, quæ interna debet esse eiusdem lateris, ut ex eodem patet libro quarto eiusdem commen. 73. & hæc erit vena, dicit eodem 10, quæ potest magis & velocius tum reuelleretur, tum euacuare. Et hic aduertatur, quod Galenus loquitur disunctiue, non coniunctiue. dicit enim, quod hæc vena potest magis quam aliæ, & velocius tum a parte affecta reuelleretur, tum etiam euacuare. non autem dixit, quod possit magis quam aliæ, reuelleretur & euacuare simul, ut eius sit sententiæ, quod reuulsio & euacuatio coniunctim factæ magis & velocius perficiantur per hanc venam, quam per quamcunque aliam viam; sed disunctiue lo-

quando innuit hanc sententiam, scilicet, quod siue velis reuellere siue euacuare, magis & velocius euacuamus, & similiter magis & velocius reuellimus a parte affecta per hanc quam per quamcunq; aliam venam. Cum igitur reuulsio per hanc venam sit commodissima; ergo hæc vena etiam pro sola reuulsione erit secanda. Quod si ad sit plenitudo, & vires sint debiles, nec etiam hæc reuulsio per aliam viam est tentanda: quod idem videtur innuere Gal. eodem comm. nam supponens se loqui de hac sectione, vbi est plenitudo, dicebat: *Quod sane internacubiti vena facit, multoq; magis, vbi sanguinis redundantia ad superiora vergere videatur, aut superiores thoracis partes affecta sunt, nempe in eo malo tum brachium, tum mamma grauari solent, &c.* postea declarans quantitatem sanguinis educendam, dicebat terminum esse coloris mutationem, sed subiungit postea: *si virtus tantam non tolerat euacuationem, & coloris mutatio non sit expectanda, sciendum est hanc sectionem auxilium minus ferre inflammationi ipsi; quoniam melius est non exoluere vires, quam sanguinem redundantem euacuare.* Quæ sententia Galeni est consideranda; quoniam per hanc cognoscimus, quod super eadem vena est secanda in pleuritide, siue sint vires validæ siue non, siue ad sit plenitudo siue nō, quoniam Galenus loquitur semper de eadem vena. & si diuersa intelligenda esset, maxima dignus esset nota Galenus, qui hanc non distinxisset, sed semper de eadem sit loquutus: sed quoniam author hic pro se citat locum Galeni lib. de sang. miss. cap. 16. vbi habetur hæc sententia: *Quin & pleuriticū, quæ e directo laborantis lateris adhibita fuit sanguinis missio, &c.* sciendum, quod ipse extorquet verba Galeni, nec ad mentem ipsius eius sententiam interpretatur. inquit enim, quod Galenus vsus est verbo illo, *sepe*, quoniam vult non semper obseruandum esse hoc præceptum, quod vena eiusdem lateris sit secanda in pleuritide. & cum hoc non sit semper obseruandum, ideo inquit secandam esse aliquādo venam oppositi lateris ex Galeni præcepto, licet non tantam, nec ita celerem, sicut illa facit, afferat vtilitatē. & hoc, inquit, est in casibus prædictis, scilicet, quando vires sunt debiles. Sed mirum est, quan-
tum

tum hic author ausus sit extorquere verba Galeni, qui ex *Sanguinis* professo in illo cap. 16, & in superioribus non aliud cona- *euacuatio-* tur docere, quam faciendam esse euacuationem per dire- *nes per dire-* ctum, at ex eodem latere. & hoc exemplificat in pluribus, *ctum esse fa-* docens euacuationem sanguinis ex opposito latere fa- *ciendam.* ciendam, damnandam esse, & cum deuenit ad exemplū pleuriticis, nil aliud facit, nec aliud intendit docere, quam euacuationem sanguinis ex latere patiente esse laudabilem & utilem, ex opposito autem non ita nec laudabilem nec utilem, & ideo illam esse eligendam, hanc autem præmittendam, sicuti docuit in aliis exemplis. Quo ad illud autem verbum, *sæpe*, super quod fundat se auctor, mirum est, cum clare loquatur Galenus. quod ipse sibi fingat res præter Galeni intentionem. nam sciendum est, quod Galenus vsus est verbo illo *sæpe*, propter ea verba quibus vsus fuerat superius cap. 14, dum dixit, non esse expectandam coloris mutationem, quando vires non sunt debiles, vel quando praua est inflammatio. ex qua parca & diminuta euacuatione cum non ita clara utilitas & minus auxilii, quam ex illa in qua habetur coloris mutatio, sequatur; ideo vsus est Galenus verbo illo, *sæpe*, dicens, quod sectio venæ ex eodem latere clarissimam utilitatem affert sæpe & non semper; quia aliquando ex eodem latere sumus coacti facere diminutam & non sufficientem sanguinis euacuationem, & hoc, vel quando vires sunt debiles, vel quando praua adeo est inflammatio, ut impacta in ea materia nullo modo emittatur. Et tunc illa clarissima utilitas non sequitur, quam habemus tunc temporis, quando possumus vsque ad sanguinis mutationem euacuare; & ideo illud, *sæpe*, non est positum a Galeno, eo quod laudet aliquando sectionem in opposito latere, sed propter prædictas causas iam ab eo assignatas superiori capitulo. Et si Galenus dixerit, quod vena oppositi lateris secta iuuat, sed obscure, vel certe post temporis intervallum, non est quod ipsum laudet, sed potius vituperet; quoniam si secanda est vena oppositi lateris, vel vires sunt debiles, vel non. si non sunt debiles, clarum est, quod potius secanda est vena lateris patientis: si autem debiles, diminuta facienda est sectio. at quæ clara utilitas ex

hoc sequitur? obscuram dices, sed quare erit præferenda sectioni eiusdem lateris? nulla alia ratione potes dicere, quam propter reuulsionem. Sed iam ex Galeno habemus, quod reuulsiones sunt faciendæ per venas eiusdem lateris, illo cap. 15. præterea habemus commen. 10. lib. 2, reg. acut. quod commodissime per hanc venam possumus reuellere. igitur potius erit secanda vena eiusdem, quam op-

*sectio vena
eiusdem la-
teris in pleu-
ritide quare
præferenda
sectioni oppo-
siti lateris.
Sectio oppo-
siti lateris
quare inuua-
re possit.*

positi lateris. Sed dices, subiungit Galenus, quod sectio ex opposito latere claram post temporis intervallum affert vtilitatem. Pro hoc animaduertas, quod hoc est fundamentum Galeni, per quod reiiicitur hæc sectio; quoniã in morbis acutis velox & celere auxilium requiritur. in his enim tardare est malum. quare cum hæc sectio in opposito latere, vult dicere Galenus, si claram affert vtilitatem, tarde hoc agit, ideo prætermittatur. Nec mirũ est, quod sectio oppositi lateris possit etiam prodesse in morbo isto, quoniam euacuationes sanguinis, quæcunque sint, fiunt ab vniuerso corpore, non tamen hoc æque fit ab omni vena, sed ab illa velocius & securius; ab hac tardius & cum maiori periculo, vt docet Galenus lib. 2 reg. acut. comm. 10, dum dicit. Verum & cum ea interdum non apparere possit, humeraria apparente, seca humerariam, qui scilicet euacuationes ab vniuerso animalium corpore fieri noueris, quanquam neque velociter neque similiter ex vena omni fiant, &c. Et ideo cum adsit hæc differentia, artifex melius debet eligere, & potiore venã præferre. Er cum hoc fit in pleuritide de venis, scilicet quod venæ eiusdem lateris sectæ celerius & magis prosint, quam oppositæ, secandæ sunt a medico illæ, non autem istæ, vtpote qui & celeriter & secure mederi debet, & hæc quo ad Galenum. Quoad rationem autem, clarum est ex Galeno libro de sang. miss. cap. 15, reuulsionem esse faciendam ex eodem latere, & per directum: sed casus, in quo author iudicat esse secandam venam oppositi lateris est, quando sola facienda est reuulsio. igitur in hoc casu est secanda vena eiusdem, & non oppositi lateris. si enim aliter fieret, reuulsio nec ex eodem latere, nec per directum, vt est mens Galeni, fieret. Quod si dicas, vt ipse inquit, si velis reuellere per sectionem eiusdem lateris, diminutam venæ sectionem facien-

faciendo, magis attrahes ad locum affectum, quam ab ipso reuellas. Ego dico hoc falsum esse, quoniam fluente sanguine per venas ad ipsam pleuram, secta vena in brachio eiusdem lateris reuellet ab ipsa pleura, & fluxū ipsum retrahet. educto enim sanguine per venam illam, sanguis qui fluxurus erat, necessario succedit euacuationi, & hoc necessario fit, ne detur vacuum, quod maxime prodest ex eodem latere; quoniam licet in ambitu totius sit plenitudo, tamen maior est consensus dextrarum partium & venarum cum dextris partibus & venis, & sinistrarum cum sinistris, quam dextrarum cum sinistris, vel sinistrarum cum dextris. & ideo cum adsit iste consensus maximus, a dextris fluit materia ad dexterarum partes, & a sinistris ad sinistras, qui fluxus maxime coercetur per sectionem venarum eiusdem lateris, quod erat fundamentum, propter quod laudauit Galenus, & iussit faciendam esse reuulsionem per venas eiusdem lateris, & per directum: quod etiam comprobatur ab ipso in euacuationibus a natura procuraris, ut in fluxu sanguinis narium declarat; quoniam scilicet per venas eiusdem lateris fluit materia ad partes eiusdem lateris, ex qua postea inflammantur, & quomolibet afficiuntur. Cum autem dicit author, quod hæc reuulsio ex eodem latere magis attrahit ad locū affectum, quam reuellat, falsum dicit, quoniam in hoc supponitur, quod ad reuulsionem istam consequatur motus vniuersi sanguinis ad locum affectum: quod falsum est. quoniam non commouetur sanguis, nisi ad locum euacuatum, ne detur vacuum. euacuantur autem venæ in ista reuulsione extrinsecæ, & non illæ quæ sunt in loco affecto. igitur ad illas commouetur sanguis, & non ad istas. qua de re propter hanc sectionem non attrahitur sanguis ab vniuerso corpore ad locum affectum: imo cum sit iste consensus dextrarum venarum cum dextris, & sinistrarum cum sinistris, iudicandum est, quod maxime proficua sit hæc venæ sectio pro reuulsione facta in eodē latere, quoniam secta vena eiusdem lateris, & educto sanguine, sanguis ille qui succedit loco euacuato, ne detur vacuum, fluit a venis quæ sunt eiusdem lateris, cum ab his fluat sanguis ad locum affectum ad inflammationem causandam. igitur

*An facta do-
minuta se-
ctione in eo-
dem latere
attrahatur
materia ad
locum affe-
ctum.*

hæc sectio facta in eodem latere maxime prodest pro reuulsione faciendâ, & eo maxime, quod istæ venæ, licet omnes dextræ cū dextris & sinistris consentiant, maximam habet communionem cum locis affectis & cum venis, in quibus continetur materia fluens & proxima loco affecto. Quare concludendum erit, quod licet aliquando in pleuritide sit faciendâ venæ sectio pro reuulsione tantum, tamen semper est secunda vena eiusdem lateris, siue sit euacuandum & reuellendum simul, siue sit tantum reuellendum.

De Peripneumonia. CAP. LI.

In peripneumonia an potus debeat esse exiguus vel copiosus.

CVRAM peripneumonix tradens iubet ex Actio potum exiguum, eo quod humiditas sit noxia pulmōni, exhibendum esse: quæ sententia videtur dubia ob dicta Hippocratis. nam ipse Hippo. lib. primo de Morbis in fine, docens huius morbi curam, inquit, quod debent ægrorantes pocula haurire, quibus pulmo madescat: ex quibus verbis clare possumus elicere, quod debent multum bibere. quod idem confirmat volumine, secundo eiusdem libri in medio, ponens huiusce etiam morbi curationem. inquit enim *primis diebus Vinum dulce album dilutū crebro propinatum*: per illud autem verbum, *crebro*, clare innuit potum debere esse copiosum, quod idem etiam videtur attestari ratio. nam in peripneumonia, & maxime vbi superabundat bilis & sanguis calidior, successit pulmo: quæ affectio videtur indicare humectationē; humectatio autem maxime potest adhiberi per plurimum potum. Hæc res tamen potest esse dubia, tum ob dictum Aetii, tum etiam ob dictum Galeni lib. 7 de comp. med. secundum loc. cap. de orthopnoia: vbi habetur, quod in iis qui alicubi abscessum habent, paucitas potus conuenit, nisi forsan per abscessum ibi non intelligat affectus inflammatorios, qualis est peripneumonia, cum clare loquatur de tuberculis, pendentibus ab humoribus frigidis, non autem de iis quæ inflammationem faciunt.

Curacionem peripneumonix tradens, post quā secandam esse venam ab initio morbi docuerat, subiungit: *At siquid*

si quid Vena sectionem prohibuerit, cucurbitulas thoracis admonere oportet, ac listeribus has defigere, quib. tantum sanguinis elicietur, quantum vires ferunt, ut Paulus refert. At non modo difficillimum est imaginari, non præuacuata multitudine, nec imminuta materia, attrahentia circa locum affectum administrata iuuare posse; sed certo asserendum est, talia attrahēdo ab vniuerso corpore ad locum affectum, plurimam lētionem illatura esse. qua de re omnino a tali remedio in principio abstinendū esse censeo. Nec quæmpiam autoritas Pauli vrgeat, cum Galenus lib. 11 Meth. cap. 17, in fine hāc rem clare docuerit. in quo loco de pulmonis inflammatione loquens hæc verba habebat: Itaque etiam cucurbitula & lister ijs qui sic laborant, si prius sint euacuati, applicabitur. Si vero abundantis succorum (quam Græci plethoram vocant) in his sit, non magis ex pulmone in pectus aliquid excrementi transfert, quā ex toto corpore attrahet in vtrumq;. Quapropter, nulla præmissa euacuatione nunquam cucurbitula circa thoracem applicanda erunt, & maxime in principio morbi: sicuti etiam clare docebit Gal. lib. 13 Meth. cap. 19, per hæc verba: Verum & tendum cucurbita in ipsa parte, qua phlegmone vrgetur, inter initia non est, imo posteaquam totum corpus euacuaueris. Hoc idem monuerat lib. 2 ad Glauc. in cura inflammationis, vbi docuerat, talia remediorum genera solum conuenire, vbi totum corpus sufficienter fuerit expurgatum, neque iam amplius aliquid influat.

Topica medicamenta thoraci administranda docens, monet ea quæ digerendi ac discutiendi vim habeant, applicanda esse, indeque multa laxantia proponit. Attamen ex Galeno erat etiam monendum, in huiusmodi remediis aerium aliquid & euidenter calefacientium admiscendum esse, ad euocandam materiam ab internis partibus ad exteriores. in qua materiei transmutatione Hippoc. libro primo de morbis, agens de pulmonis erysipellate maximam habebat salutis peripneumonicorum confidentiam. ad quam eandem intentionē talia medicamēta probabat Gal. lib. 11 Metho. cap. 17 hæc verba habens: *At longo quidem magis in pulmonis phlegmone abstine-*

dum ab adstringentibus est, quando in eo ipsis quoque relaxantibus admiscendum aliquid acrium quodammodo & euidenter calefacientium est, quippe foras trahere potius, quam reprimere debemus. Quod idem docuerat libro 2 ad Glau. in cura inflammationis, ubi hæc verba habebat: *Hæc igitur quacunque in pulmonis inflammationibus extrinsecus thoraci applicantur medicamenta, valde fortiora atque acriora natura sunt, quam si ipsa membro patientis apponerentur.*

De Empyemate. CAP. LII.

*Empyema
nō conferen-
tib. medica-
mentis quo-
modo curā-
dum.*

MULTA transcribit ad educendum pus ex thorace ipso; quibus tamen non conferentibus, non docet, quid agendum sit, cum hoc ex Hippocrate declarandum esset, qui monuit, ubi pus in cauitate thoracis contineatur, educique non queat, deueniendum esse vel ad sectionem, vel ad vstionem, ut habetur lib. 2 de passionibus ab eodem Hippocrate, cuius etiam meminit lib. 7 Aphor. 45. hanc actionem aliquando cogitur inire Medicus, ni velit ægrotantem a pure cōfici & suffocari, sectionem autem in audacibus præferat, causticum autem in his qui sectionem non admittunt, administret.

*Lac in em-
pyemate an
exhibendū.*

Ex Alexandro proponit, ubi diuturnior fuerit affectus, & puris pauca quantitas in thorace contineatur, febrilisque calor moderatior euaserit, lac exhibendum esse. In quo hoc aduertatur, quod hoc stante nō amplius sumus in casu empyematis curandi, sed in casu tabis & phthisis instantis. nam ubi diutius perseverat empyema, ad tabem transeunt ægri, & tunc febris refert tantum hecticæ speciem & puris quantitas minor est. Vnde dicebat Hippo. lib. 5 Aph. 15, quod ij qui a laterali morbo suppurantur, si in quadraginta diebus, a qua fit eruptio, non purgantur, ad tabem transeunt. & ideo casus iste non est empyematis, sed tabis, in qua lactis potus non autem in empyemate conuenit.

De palpitatione Cordis. CAP. LIIII.

DAMNAT Arabes & modernos, qui arbitrantur palpitationem posse gigni ab alia causa, quam a frigidityte

ditate contra Galeni principia. In qua re longe fallitur author, existimans viros hos iudicare, veram cordis palpitatio- *Palpitatio-*
nem gigni posse ab intemperie calida, quoniam hoc *nis cordis*
ipsi non asserunt: sed cum iidem agunt de palpitatione, vel *causa.*
de tremore cordis, sub hoc capite comprehendunt omnes
motus deprauatos ipsius cordis, qui motus sunt in qua-
druplici differentia. alii enim sunt parui & tremuli, alii
magni & cum saltu quodam; alii cū palpitatione; alii simi-
les ipsi palpitationi. Vnde hi melius distinguentes quam
author, dixerunt motus hos posse causari ex diuersis cau-
sis, inter quas enumerarunt iptemperiem calidam, sicuti
aliquando contingit, vbi est motus ille tremulus & par-
uus & inæqualis cordis; non autem dixerunt, quod vera
cordis palpitatio ab alia generetur causa quam a frigidi-
tate, sed hoc consentientes & vere iudicantes declaraue-
runt, etiam alios cordis motus præter naturam a diuersis
causis ortum trahere posse, inter quas non tantum est fri-
giditas, sed etiam caliditas, humores vel multi vel acres,
spirituum paucitas & consimiles causæ, quæ pro diuersita-
te earum diuersos in corde inducunt motus & sympto-
mata. quare & pro his etiam diuersa requiritur curatio,
prout & diuersæ sunt causæ.

Statuit, hunc affectum quodammodo ad vnitatis solu-
tionem consequi, cum materia inter duo corpora sibi ac-
quisititum molitur ventrem. Quæ sententia non est sim-
pliciter recipienda; quoniam ab vnitatis solutione sequi-
tur dolor, qui tamen palpitationi nequaquam necessario *In palpitatio-*
connektitur, nec in ea vlla fit continui solutio, sed fit tan- *ne cordis*
tum dilatatio membri, recurrente spiritu flatuoso per po- *an sit solutio*
ros & meatus naturales partis palpitantis; quo ingredien- *continus.*
te attollitur, & quo exploso constringitur membrum, &
ita nulla est continuitatis solutio.

Exponens ex Galeni mente causam veræ palpitationis,
explicat tantū causam per se & primariā in corde existen-
tem. At hic aduertatur vnum, quod maxime ad rectam *Palpitatio-*
curādī rationem facturum est, videlicet, quod cordis pal- *ne cordis nō*
pitatio non semper fit, eo primatio & per se affecto. nam *semper fieri,*
aliquando generatur hæc passio per consensum ab inse- *corde prima*
tionibus parubus. Vnde ab vtero, a liene, a pancrea & a *riso affecto.*

cæteris hypochondriorum partibus potest transmitti ad ipsum cor materia aut vapor, cuius ratione subsequatur palpitatio. & tunc in curatione incumbendum est nō tantum cordi, ne ita facile afficiatur, sed etiam parti primario affectu, ut inde materia ad cor non transmittatur: alias incassum omnis curatio administraretur.

*Palpitatio
cordis an fie-
ri possit ex
tumore in
pericardio
existente.*

Recentens palpitatio causas ex Galeno, addit palpitatio- nem cordis fieri etiam ex aliquo tumore in pericar- dio existente, vel humore in eo contento, qualem pustulæ quas hydatidas vocant, continent, & hoc ait ex mente Ga- leni. Quod nequaquam verum est, cum hæc proponat Ga- lenus, ut legenti patere potest, non tanquam palpitatio- nis causas, sed tanquam experimenta, quibus persuaderi pos- sit, in pericardio nonnunquam tantum cumulari humoris præter naturam, ut inde cor lædatur.

*In palpi-
tationib. qua
vena secan-
da.*

Curationem tradens monet secundam esse venam in- ternam dextri cubiti, si totius corporis plenitudo adsit, ea autem non existente, sinistri. Hæc diuersitas nulla ratione fulciri potest, quoniam si e directo loci patientis vena se- canda est, sinistra hæc erit, nunquam autem dextra. Quod si adsit plenitudo, nulla tamen ab hac desumi potest indi- catio, cuius ratione in opposito latere vena secanda sit. quo- niam hoc stante in plethoria non e directo loci patientis, sed ex opposito esset mittendus sanguis, cuius tamen op- positum semper docuit Galenus. quare semper in affecti- bus cordis secetur vena interna sinistri cubiti. quod si non- nunquam in hisce affectibus adsit plethoria, non immu- tetur intentio hæc, sed hoc seruetur, videlicet, quod præ- sente plenitudine copiosius mittatur sanguis, quam fieri ea absente debeat.

De Lactis defectu. CAP. LVI.

*Lactis defe-
ctus an sit
symptoma
in genere
retentorum
immodice.*

CENSER hunc affectum esse symptoma in genere re- tentorum immodice. At hoc non ita veritati conso- nare videtur. nam symptomata in retentione excernen- dorum supponunt excrementa generata: at in casu isto cum lac non sit genitum, & hinc deficiat, quomodo potest dici symptoma in genere retentorum immodice? certe hoc

hoc vanum est. At referendus est hic affectus vel ad virtutem mammarum attractricem, vel alteratricem leſam, & tunc erit symptoma; vel ad defectum materiæ, vel quia debita materia alio conuertatur, & tunc non morbum sed aliud symptoma conſequitur.

Laudat ex Hippocrate ad lac multiplicandum, eo deficiente, viticis fructum & betæ succum potatum. In qua re aduerto authorem conſuetum eſſe indiscriminatim plura ab aliis transcribere medicamenta ad morbos facientia. Quare cum ea indistincte proponat, examiner Medicus, in quo caſu conueniant. Viticis enim fructus, qui est ſiccus in tertio gradu, vt habetur libro de Alimentis, & quæ huiusce ſunt ordinis, quoniam nimis ſiccant, cum talia, vt habetur libro quinto de ſimpl. Medic. capite 21, non conueniant ad generationem lactis, non poſſunt lac procreare, imo ipſum extingueret: ſicuti & diſperdere ſemen apta ſunt, niſi forſan exhibeantur in caſu ſanguinis pituitoſi & humidioris, quare hoc ſit pro exemplo aliorum medicamentorum, ab eo ſine diſcrimine propoſitorum.

De lacte in Caſei ſpeciem ſeu grumos conuerſo.

CAP LVIII.

CENSURAM ambobus hoſce morbos in numero ſeu magnitudine dici poſſe, cum in quantitate comprehendantur atque in exceſſu eiſdem. In qua re hoc aduerto, quod lactis coagulatione non poteſt dici morbus, quoniam contenta in affectibus præter naturam non concurrunt, niſi vt morborum cauſæ, non autem vt morbi. morbi enim ſunt affectus partium corporis: vnde ſi lac in mammis coaguletur, non poteſt dici morbus. Si autem conſideretur lac concretum, quatenus eſt in mammis, nec poteſt dici morbus in numero, nec in magnitudine: non in numero, quoniam morbi in numero dicuntur tantum illi, in quibus vel pars naturalis, vel præter naturam ſupercreuerit, quæ ſupercreſcens aggeneratur & parti naturali vnitur. Quapropter in vtroque caſu requiritur, vt doceſt Galenus libro de cauſ. morb. cap. 8, virtus valida alias

Viticis fructus & betæ succus an faciant ad generationem lactis.

Morbi in numero quæ ſint.

nec natura formate, nec quod vitiatum est, augere posset. quod idem requiritur, quādo id quod inutile est, abijcit, ut in gangliis, miliceridis, steatomatib. & atheromatibus, in quibus etiam, licet sit res præter naturam, tamen fortis requiritur victus, tum ut excernat pravam materiam, tum ut illam formet & aggeneret. In lactis autem coagulatione nihil horum reperitur. primo non adest virtus potens regere lac ipsum; quoniam si hoc esset, lac non concresceret: præterea lac ipsum parti naturali nec aggeneratur nec vnitur, sed tantum in cavitatibus mammarum, eiusque conceptaculis continetur. Quæ de re non erit morbus in numero, nec etiam erit in magnitudine; quoniam mammæ, concreto lacte in propria substantia, non augentur, sed in eis tantum materia concreta continetur, & ideo non est peccatum in magnitudine, & eo magis, cū mammarum magnitudo non sit morbus. alias in puerperis, in quibus mammæ in magnitudinem eximiam extenduntur, esset hic morbus familiaris & proprius: quod falsum est, cum magnitudo illa sit secundū naturam, & non præter naturam. præterea sæpius in mammis etiam minoribus, & in quibus non multum lactis abundat, concretio ista fit, quo casu mammæ in magnitudinē non attolluntur, & ideo nec dici potest morbus in magnitudine, sed lac coagulatum erit tantum causa morbi, tum cavitatem explendo, (& hic morbus pertinet ad morbos in formatione) tum quia hinc lac alienam adeptus qualitatem, mammas ipsas intemperie & qualitate propria lædit.

*Lac caseari,
& ingru-
mos concre-
scere, an sit
idem.*

Nicitur docere ex Galeni mente aliud esse, lac in casei speciem coagulari, & aliud esse in grumos concrescere; opinaturque hæc duo diuersa esse inter se, & ab oppositis generari causis, cum sentiat, lac in casei speciem ab intensatantum coagulari caliditate, in grumos autem concrescere a sola frigiditate, quod exemplo sanguinis ostendit. Quæ sententia nequaquam recipiatur, cum lac in casei speciem vel in grumos concrescere sit idem, sub diuersis tamen nominibus prolaturum. Hæc autem lactis concretio nil aliud est, nisi ipsius lactis coagulatio, quæ fit, dum separata ichorosa & cerosa lactis parte, pars eiusdem crassior concreuit & coagulatur: quæ pars crassior concreta

& coa-

& coagulata, siue dicatur in casei speciem, siue in grumos conuersa, nil refert, quoniam hoc idem est, licet nomine differat. Et quo ad nomina cum coagulatur, proprie dicitur lac in casei speciem concrefcere: quoniam ex lacte concreto proprie caseus generatur. dicitur autem improprie in grumos conuerti, transumpto nomine a sanguine extrauenato, cuius proprium est, non autē lactis, cui concretio in grumos non conueuit, extra propria vasa in grumos permutari.

Perpendens autem omnia eius dicta, quæ ad eius comprobendam sententiam faciunt, dum ait, ab immediata *Lac an in* mammarum caliditate lac in casei speciem conuerti, hac *mammis ca* exsiccante & secernente id quod tenue & serosum in *sectur ab* pso consistit, ab immodica autem earundem frigiditate *immodera-* lac in grumos conuerti, eadem adstringente & cogente *ta calidita-* vniuersam lactis substantiam; animaduerto authorē, quo *te.* ad primam partem, veritatem asserere; quo ad secundam non ita, dum iudicat vniuersam lactis substantiam a frigiditate in grumos conuerti, quoniam grumus proprie fit, dum euaporante spiritu & separata serosa parte, sanguinis propria & crassior substantia concrefcit: quod non est vniuersam sanguinis substantiam adstringi & cogi: quod idem assero de lacte, quoniam coagulari hoc nequit, admixta eius parte serola: alias hæc coagulatio non esset in grumos concretio, sed esset ipsius lactis congelatio & glaciatio, quæ in viuente animali imaginabilis non est.

Imaginatus quidem est Auicenna, caseari lac & a caliditate & a frigiditate; caliditate quidem exsiccante, frigiditate autem congelante: attamen rem eandem per *Auicenna* caseationem, non autem diuersam intellexit, scilicet vt lac *sentētia de* modo in casei speciem, modo in grumos differenter con- *caseatione* crefcet. An autē concrefcente lacte a causa frigida, intelli- *lactis.* gat vna cum parte caseosa etiam serosam in vnum cogi, non ita facile est iudicari, cum tanta frigiditas in viuente muliere imaginari nequeat. Sed forsitan intellexit Auicenna frigus externum, cuius occasione, expressa parte serosa, caseosa concrefcet, quam barbaro nomine congelationem appellauit, quemadmodum per calorem intel-

lexit externam caliditatem, propter quam, exsiccata serosa parte, caseosa cogatur.

*Lac quomodo in grumos concre-
scat.* Dum asserit, lac non alio modo, quam sanguinem, in grumos cōverti, qui, nisi ubi extra vasa propria ductus est & frigefactus fuerit, in grumos non vertitur: potest sanguinem extra vasa in grumos conuerti, non a circumstantium partium frigiditate, (in cavitatibus enim internis, ubi plerimum viget calor, sæpe concreuit) sed a propria tantum qualitate, quæ soli sanguini & non cæteris humoribus competit, euaporatis iam spiritibus & ichorosa parte excreta, cum extra propria vasa in quibus fluidus conseruatur, eiectus fuerit. Quare hinc non habetur, lac in mammis ab earundem immoderata frigiditate in grumos conuerti posse, cum ad formandos grumos non extranea, sed propria qualitas & frigiditas eiusdem requiratur.

*Grumi sanguinis an la-
dant pura
intemperie
frigida.* Habet hoc eodem loco, a sanguine in grumos conuerso ideo ægrotantes frigore exolui & pene exanimari, pulsumque in his minui & frequentem succedere, ob eiusdem sanguinis refrigerationem, hocque ex Galeni auctoritate confirmare nititur. Qui tamen Galenus nunquam ad intemperiem frigidam sanguinis hanc retulit causam: sed hanc tantum rem ubique admittit, & semper innuere videtur, hoc solum a praua qualitate, non autem a pura pendere intemperie, ut præcipue habet lib. de cibis boni & mali succi, ubi cum admiratus est, hæc pathemata a sanguine omnium humorum corpori nostro accommodatissimo oriri, subiungit: *Ex his enim plane perspicuum est, quantam vitiosi succi qualitas vim habeant, quas sanæ tanquam parui momenti quidam nostra ætatis medicis aspernantur, eosque sequuntur, qui ita sentiendum esse primum commenti sunt.*

Lac an coaguletur a solo valido calore. Citat Galenum lib. 5 de simpl. med. cap. 13, ad probandum lac non posse, nisi a valido calore, coagulari, in quo loco tamen nusquam hoc habetur: & mirum est, cum Galenus ibi loquatur tantum de acris & diureticis medicamentis, doceatque, qua ratione per hæc copiosa loui qualitas prouocetur, dicens hoc a valido tantum calore fundente & secernente sanguinem fieri, quomodo author hic

hic transferat hanc causam ad lactis coagulationem, de qua lactis coagulatione mentionem tantum fecit, ut modum secretionis lotii ostenderet, non autem ut easdem causas ambobus adapteret, sicuti cuique recte literam Galeni consideranti patere potest.

Hoc quod ex Galeni mente testatur, videlicet, aliud esse in casei speciem cogi, aliud in grumos verti, ex eodem Galeno constat falsum esse, qui libro de cibis boni & mali succi de lacte agens, docet, quomodo aggrauet hominem ac strangulet, dum haustum in ventriculo in casei speciem cogitur. cui coagulationi sanguinem in grumos conuersum æquiparat, adeo quod & in casei speciem cogi, & in grumos densari apud Galenum idem re sit, cum vtrunque separata serosa parte, crassiori autem concreta, fiat. differunt autem tantum nomine, cum proprie lac in casei speciem, sanguis autem in grumos, excreta parte ichorosa, verti dicatur.

*Lac caseari
& grume-
scere secun-
dum Galen-
um idem
esse.*

Dum propriam sententiam author hic testimonio Aetii & Pauli confirmare nititur, in manifestum lapsus est errorem, a diuersitate nominum & inscriptionum deceptus, non animaduertens Aetium in duobus capitibus, scilicet in 34 & 35, eandem curare affectionem, hac habita distinctione, quod in primo præseruationem, in secundo curationem doceat, idem esse supponens, & lac in grumos concresecere, & in casei speciem coagulari. Ut autem clare hoc appareat, considerentur verba Aetii, qui in principio capituli habet hæc verba: *Ut ne lac in mammis puerperarum in grumos coeat.* & paulo post eodem capite subiungebat: *lac etiam instar casei coagulari in mammis prohibet cera alba,* &c. quod non alia dixit ratione, nisi quia opinatus est idem esse, lac in casei speciem & in grumos concresecere. Hoc idem inscriptio capituli doceat. in primo enim, in quo præseruationem huius affectus docet, titulus est: *Ne lac in mammis in grumos coeat.* in secundo autem, in quo curationem tradere intendit, titulus est, *De coagulato lacte.* Hoc idem in processu Pauli habetur, qui in principio capituli præseruationem docens vtitur hac voce; *lac in mammis casei modo cogi:* cuius generationem prohibere intendens, remedia in principio capituli tradit.

Lac grumescere & caseari ex Aetio & Paul. idem esse.

Quod si contigerit fiatque hic affectus in mammis, tunc postea curationem tradit, & vitur hac voce, lac in grumos conuerti, dum dicit: *At distensione oborta, & lacte in grumos concreto, panis ex hydraleo, &c.* ex quo processu elatreluiet, Aetium & Paulum eundem existere affectum arbitratos esse, & lac in grumos conuerti, & in casei speciem cogi.

De Cardiacomorbo & Cardialgia.

CAP. LX.

*Cardiaci
morbi signa.*

PONENS Cardialgiæ signa, ait, aliquando adesse vomitum bilis, aliquando eiusdem humorem infra excerni, vt docet Galenus libro 2 de Hippoc. & Plat. decretis, cap. 8. Attamen idem Galenus libro quinto de vsu partium cap. 4 ait, necessario vomitum bilis præcedere Cardialgiam.

*Cardiaci
morbi cura.
110.*

Curationem Cardiaci morbi tradens, multa ex Aetio, Alexandro cæterisque adducit. Galeni autem curationem prætermisit, quam ipse posuit libro primo ad Glauc. cap. de curat. feb. cum accidentibus, dum docet curare eos qui ex vitiosis humoribus, os ventriculi mordicantibus, dissoluntur: quo loco exacta & perfecta traditur curandi hunc affectum methodus. Qui docuit etiam, vbi stomachus valenter mordeatur, opimum esse remedium oleum dulcissimum epotum libro secundo de simpl. med. facul. cap. 13.

In cardiacis, vt refert author ex Alexandri Tralliani sententia, vltra humoris acrimoniam sæpe eiusdem humoris praua & venenosa adest qualitas. Vnde in huiusce morbi curatione plures insurgunt indicationes. nam vel humor peccans statim vomitu aut deiectione euacuandus est; vel vbi non possit ita facile euacuari, eius acrimonia contemperanda quidem, sed ratione venenatæ naturæ potissimum prauæ qualitati aduersandum erit. quare huic maxime incumbat Medicus, remediisq; quorum ne verbum quidem nec mentionem author habuit, potenti- bus resistat: alias in cassum omnia experietur remedia. hac enim non cuius, nec morbus superari poterit.

Hic

Hic etiam moneo Medicum, ne, priusquā humor peccans vomitu aut deiectione expurgetur, vel eiusdem acrimonia retundatur, prauaque qualitas superetur, uti ventriculi adstringētia aut roborantia adhibeat medicamenta. his enim magis constiparetur materia, rebelliorque alterationi & euacuationi redderetur, hincque magis apta fieret, ut facilius citiusque ægrotantem perderet. Vnde indiscriminatim talia remedia, sicuti docuit Aetius cæterique antiquiores, nequaquam, sed tantum educta, ut monuit author, vel saltem si euacuari non poterit, temperata materia, administrentur. huiusmodi enim medicamenta in principiis, ut docuit Galenus loco citato, lib. I ad Glauconem, & dum humor prauus adhuc in parte læsa continetur, non conueniunt: sed tunc temporis tantum, quæ os ventriculi circumstant loca, & manus, & pedes ad laxandam partem affectam, & ad faciliorem prouocandam, & ad diuertendam materiam, concalescere oportet.

De Canina appetentia. CAP. LXI.

ASSIGNANS Caninæ appetentiæ causas, ultra intemperiem, vel simplicem vel cū materia, assignat ex Galeno totius corporis immodicam digestionem. In qua re hoc aduertatur, quod Canina fames est fames inexplebilis, & hæc vnicam habet causam, scilicet corrugationem oris ventriculi ab intemperie, vel simplici vel cum materia, causatam, ut habetur libro secundo Aphor. comment. 21, cuius ratione semper fames hæc est vehemens & indeficiens. Cum autem Galenus libro primo de symp. caus. cap. 7, caninæ famis alteram causam adducit, totius corporis immodicam digestionem; aduertatur, quod Galenus hoc in loco ex antiquorum mente loquutus est, intentum appetitum caninam appetentiam vocans, ut ex eius verbis liquet, dum inquit: *Vitiosa vero appetentia, quæ quidem quantitate modum excedant, vocanturque a quibusdam canina, tum existunt, cum vel acidus quispiam vitiosus succus Ventrículum mordet, vel totum corpus immodice digestum inops alimenti redditur. Vere enim fames canina est insaturabilis & indeficiens:*

Canina appetentia an fieri possit ratione immodica digestionis.

at qua ex digestionē corporis prouenit, licet sit ingens, non tamen est indeficiens, quoniam, expleto Ventrisculo, cessat & quiescit appetitus edendi, qui tamen intensus est; & cito ab assumpto alimento (quoniam citissime hoc dissipatur) redit & patientes angit.

Canina famis qui sicut sint causa.

Quo ad vitiosum succum, famem caninam excitantem, iudicauit auctor, hunc pituitosum & acidum esse humorem, ut ex eius curatione ab eo posita clare apparet. Sed leuiatur, etiam hunc eundem affectum ab acida posse gigni melancholia, quæ & frigida & acida pariter aliquando erit, ut pituita, quod Galenus attestans, & de humore hoc melancholico loquens lib. 6 de loc. affect. cap. primo dicebat. *At huiusmodi euacuatione suppressa, nonnulli mæstitia melancholica vexantur, atque cibos auarissime concupiscunt: idque præcipue, si valde fuerint acida qua ad Ventrisculum transferuntur, excrementa.* Hoc idem libro 6 Epid. sect. 3, commen. 37, affirmabat, docens immodicas appetentias ab acida gigni melancholia. Quod idem ego attestor, qui curavi & vidi appetentias vere caninas ab acida melancholia causas. Quapropter animaduertat Medicus differentiam horum humorum, pro quorum diuerſitate, diuersa etiam requiruntur medicamenta.

Canina famis causam quandoque esse vermes.

Famis caninæ & insatiabilis, ultra assignatas ab auctore, est & alia notabilis & maxime animaduertenda causa, videlicet vermes in intestinis existentes, & omnē assumptum cibum depascentes. De lumbricis famem hanc procreantibus meminit Galenus lib. de Theriaca ad Pisonem, dum varias Theriacæ facultates enumeraret. De lata autem verme, helminthes vocata, habetur historia ab Alexand. libro 7, cap. 6, in quo agit de grandi fame quæ bulinus Græci dicitur. Quod idem innuit Galenus loco citato, dum de lata verme loquens inquit, Theriacam hanc latam vermem, quæ omnem assumptum cibum depascitur, eoq; reliquum totum corpus emaciat, mirabiliter ab intestinis educere. Et ego testor, me curasse talem famem a lata verme causatam. Vnde in casu famis intensæ & insaturabilis Medicus circumſpiciat, an hæc vitio vel intemperiei solius, vel humorum acidorum, siue hi sint pituitosi

aut melancholici, vel vermium intestina occupantium, vel immodicæ totius corporis digestionis, fiat.

De Bulimo. CAP. LXIII.

AGENS de Bulimo ponit Actii dictum, scilicet quod bulimus contingat etiam in febribus: quæ sententia videtur dubia, stante eius essentia, sicuti declarat Galenus, videlicet quod sit animi defectus ex fame, quæ quidē magna inchoauit, sed tamen nondum perduret, ortum habente ex refrigeratione extrinseca ventriculi, & ex imbecillitate eiusdem: quomodo autem in febribus possit esse, dubium videtur.

Bulimus an contingat in febre.

De Vomitu. CAP. LXVII.

CAUSAS vomitus recensens, duas tantum assignat in genere, scilicet vel copiam vel vitium humorū: quod dictum diminutum est, cum ex Galeno libro 3 de sympt. caus. cap. 2, detur tertia causa, & est quando in ventriculo adest aliquid alienum a natura, non quantitate aut qualitate molestum, sicut dulcis pituita vel sanguis: & ita non duæ sed tres sunt causæ vomitus in genere.

Vomitum causa.

*De inflammatione Ventriculi.
CAP. LXVIII.*

INTER signa inflammationis ventriculi hoc, quod omissum est ab autore, recensendū erat, videlicet, quod os ventriculi, quoties insigni afficitur inflammatione, promptissimum infert delirium, vt habet Galenus libro 1 Prognost. comm. 32.

Ventriculi inflammationis signa.

Notat per inflammationem omnem calidum tumorem intelligi, siue sit a sanguine, siue a bili, & vtriusque notat & indicia proponens, non tantum vetæ inflammationis, sed etiam erysipelatis signa proponit. Attamen postea curationem exponens, non explicat harum ægitudinum diuersam curandi rationem: quod maxime agendum erat, cum vtriusque non eadem conueniat curandi ra-

Ventriculi erysipelatis curatio.

rio. In erysipelate enim magis refrigerantia, quam in inflammatione, conueniunt, & medicus in huius curatione magis quam in inflammatione, sollicitus esse debet, animaduertens si purum sit erysipelas, non alia posse ratione, quam per frigidæ exhibitionem, etiam non apparentibus coctionis signis, assumptâ curari. Quod si erysipelas ipsum sit cum inflammatione mixtum, curabitur etiam per frigidæ exhibitionem, quæ tamen solum, apparentibus coctionis signis, exhibenda erit, vt docuit Gal. libro 9 Meth. cap. 5. Quæ curandi ratio nequaquam inflammationi puræ conuenit, aduersatur.

Curationem tradens, pro potu concedit decoctum coriandrorum vel cinnamomi: quæ quoniam calida sunt, valde suspecta sint in affectu inflammatorio; quare non admittantur, nisi forsan declinante morbo.

In moderata inflammatione ceratum, a Galeno descriptum libro 5 Meth. cap. 5, ex cera, vng. nardino, aloë & mastiche administrandum docet. Hic aduertant iuniores, ceratum hoc non conuenire in inflammatione, nisi in vltima declinatione, cum tantum in hoc recipiantur calida & roborantia, quæ vigente inflammatione non conueniunt. Quare si per moderatam inflammationem intelligit non magnam, sed debilem, non est tuta eius sententia: sin autem intelligit declinantem, aliquo modo admitti poterit. hoc libenter notauimus, quoniam in inflammationibus internis quilibet minimus error lethalis esse potest, & solet mortem accelerare. & vt cætera remedia ab eo, non ab essentia morbi, sed sub alia cõsideratione proposita, ad ægrotantium salutem exquisitè ponderentur & administrentur.

De Lienteria. CAP. LXXI.

Fluxus chylosi causa.

IN cap. de lienteria simul agit de Cæliaci passione, cum ab eadem causa hi duo pendeant affectus, licet hæc in lienteria intensior, in Cæliacis autem remissior existat. An autem sub Cæliacis comprehendat fluxum eum qui a recentioribus chylosus dictus est, in quo educitur chylus concoctus quidem in ventriculo, sed cum non distribua-

tur,

tur, accidit, quod tanquam onus expellatur a virtute expultrice; dubium est, cum hi duo affectus non omnino coincidere videantur, cuius tamen vel in hoc loco, vel in cap. de diarrhoea, meminisse conueniebat, cum hæc fluxio sæpe accidat & molesta sit. Quæ fluxio contingere consuevit his de causis, scilicet vel quia existente aliqua abrasione in intestinis, vis expulsiva, antequam exsiccatus sit chylus, molestata & irritata a materia, eandem excernit, vel ratione imbecillitatis contentiæ intestinorum, quæ contentiua ratione aut frigiditatis aut humiditatis labefactatur, cuius merito chylus, antequam attrahatur, descendit; vel hoc est, quia nutrimentum ipsum non distribuitur; non distribuitur autem, ratione obstructionis venarum mesaraicarum: vnde vidimus, sæpe tales fluxus admodum molestos ratione validarum obstructionum in dictis venis existentium genitos, qui non adstingentibus, alterantibusve, sed solis ex obstruentibus medicamentis sanari potuerunt; aut quia non fiat attractio. Attractio vero non fit, vel quia non fiat resolutio in vniuersi corporis ambitu, quæ sicuti nonnunquam est huius fluxionis, pariter etiam est aliquando non famescendi causa; vel quia iecoris infirma sit attractrix facultas, cuius merito liquidus, & nondum iusto modo exsiccatus chylus deiicitur, vt testatus est Galen. libro 8 de comp. med. secundum loc. cap. de hepatis affect. per hæc verba: *Cum igitur hepar præ imbecillitate ex Ventre & intestinis, alimentum trahere non potest, liquida & nondum iusto modo exsiccata per sedem excernuntur; & si quidem Venter simulcum hoc viscere fuerit imbecillus, ac non probe concoquens, cruda: si vero validius fuerit, concocta quidem sed liquida, propterea quod nulla aut omnino modica digestio ac distributio ad hepar est facta.*

Lienteriæ causas recensens ex Aetio inquit, hanc frequenter oriri ex præcedente magna dysenteria, cui successerit cicatrix levis & densa, quæ cicatrix, ait Aetius, est lienteriæ causa, quoniam ob densitatem suam ciborum per corpus digestionem fieri non permittit, cum per eius densitatem venarum ora obturata sint, quæ distributioni alimenti destinata sunt. Quæ sententia nec Galeno con-

*Lienteria
an possit fieri ex cicatrice a dysenteria.*

sona est, nec veritati. Galeno quidem, quia solum duas posuit causas; alteram abrasionem ventriculi; alteram imbecillitatem facultatis retentricis eiusdem ventriculi, ab intemperie, vel pura, vel cum materia, labefactatam. Veritati autem; quoniam non est imaginabile, fieri posse lienteriam ex tali cicatrice inducta in intestinis, quamvis distributionem alimenti impediret, cum sic necessarium esset, ut cicatrix omnia venarum ora, per quæ ab intestinis ad mesaraicas venas succus attrahitur, intercluderentur, quod non est possibile, cum hanc præcessisse debuisset dysenteria maxima, omnia intestina exulcerans & occupans, cuius magnitudinis ratione fieri non potuisset, ut superstes ægrotus fuisset. Sed stante etiam tali cicatrice, quæ omnia venarum ora occludat, non potest fieri lienteria, quoniam hæc cicatrix non velocem cibi ex ventriculo delapsum causare, (& ideo semper cibus aliquo modo esset concoctus) sed tantum liquidas excretiones, non facta distributione edere posset. in lienteria autem requiritur, & quod cibus velociter deiciatur, & quod in eo nulla facta sit mutatio. Cum autem hanc eandem sententiam ex Cornelio Celsæ confirmare nititur, aduertatur, quod si idem quod Aetius, intelligit Celsus, in idem discrimen cum Aetio incidit. Si autem ex dysenteria lienteriam oriri asserat, quia ex dysenteria ventriculus, ut quandoque fieri vidi, valde labefactetur, hincque virtute retentrice labefactata, subsequatur lienteria, admittatur, sed in tali casu habeatur curationis summa ratio, nec ira omnia Celsi remedia admittantur, qui etiam in ultimo consulit vomitum ex elleboro albo, quod remedium in simili affectu omnis discriminis est parriceps, cum omnibus intentionibus aduersetur, tum propter medicamenti vehementiam, tum quia euacuat per locum affectum, tum quia educit ab universò corpore, tum quia maxime vires & ventriculum ipsum labefactat.

Curationem lienteriae ab ulcere intestinorum & ventriculi superficiei genitæ docens, ait huius curationem in dysenteriae cura patere. Sed aduertatur, quod desumptis à loco affecto indicationibus ac remediis, hic per ea quæ
inge-

ingeruntur, in dysenteria autem per ea quæ per sedem infundantur, agendum erit.

De Cholera. CAP. LXXII.

DE cholera humida tantum agit, siccamq; prætermittit, de qua nos in superioribus egimus.

Prognostica ex Alexandro recensens inquit, *mora leuis An ex cholera in curatione huius effectus, videlicet cholera humida, ra male curata, non simpliciter offensam, sed etiam absolutam sub rata possit inde tabem qua phthisis dicitur, conciliat. Quæ lententia non simpliciter admittatur, cum a cholera ad phthisin nulla sit communicatio, cum hæc pendeat a ventriculo & intestinis laevis, illa ex pulmonis ulcere vel putredine, hocq; sit exemplum, ut alias dixi, eorum quæ ab auctore indistincte & indiscriminatim, nullo habito examine, ab aliis transferuntur.*

Vbi cholera fuerit ex corruptione alimentorum, eaq; procliuora fuerint ut per aluum excernantur, purgantibus medicamentis, licet leuioribus, inquit agendum esse. In quo hoc animaduerto, quod hic non est amplius casus cholerae, si enim cholera sit, dum perturbato ventre inferiori & ventriculo ipso, sic euacuatio materierum humidarum, tum per superiora tum per inferiora simul, in tali casu non erit cholera, deriuatis solùm excrementis ad inferiora: quæ si adhuc etiam per superiora moueantur, superfluum erit exhibere pharmacum purgans, quoniam statim hoc conturbato ventriculo euomeretur.

Quod dixit de pharmaco in cholera ex corruptione alimentorum, idem affirmat, videlicet leuioribus medicamentis agendum esse, vbi bilis vel quouis alius vitiosus succus ad excretionem naturam irritare videatur, nihil autem mentione dignum vel per aluum vel per os erumpat. At Galenus libro quarto de ratione victus, in acutis comment. 110, in tali casu, vbi venter liquidus sit, in ventre autem sit bilis quæ acris & alui contumax existat, non leuiora sed valida probat medicamenta, hæc verba habens: *Qui autem in affectionibus huiusmodi sapius valenter auxiliatur, ut cacochymiam Galente medicamenta*

In cholera humida an sit exhibendum pharmacum.

An leue debeat esse pharmacum pro eductioe bilis exsternu in ventriculo.

*affatim expurgat, vires cōtemplatus agri, habitum, æ-
ni tempus, ætatem & consuetudinem.*

De Diarrhœa. CAP. LXXIII.

*Fluxus col-
liquefacti-
ni signa.*

DOCENS signa, per quæ alui fluxus per liquationem corporis factus, in quo colliquata caro in ventrem defluit, cognoscat, inquit, quod tunc per aluum excernitur deiectio exigua, glutinosa, opima, admodum graueolens. In quo hoc animaduerto, quod sane in tali casu deiectio est exigua, glutinosa & opima, non tamen semper nec necessario graueolens. tunc enim tantum fit graueolens, quando ultra causam colliquationis additur & putredo. Vnde dicebat Galenus lib. 2. Prognost. commen. 22. *Graueolentia vero putredini indidum est.* Quapropter ubi non fit putredo, non est graueolentia, cuius merito in colliquationibus sæpe excrementa nec foetida nec graueolentia videmus.

*Fluxus cere-
bralis an
necessario
habeat ex-
crementa
spumosa.*

Docens quibus signis deprehendatur fluxio alui a cerebro dependere, ait, huius esse indicium spumosa excrementa. Sed sciatur, hoc indicium fallax esse, nec id affectum hunc certo indicare posse, tum quia excrementa possunt esse spumosa alia de causa, quam ob fluxionem a cerebro pendentem, ut docet Galen. lib. 7. Apho. commen. 30, tum etiam quia non semper distillante materia a cerebro fiunt spumosa excrementa, sed solum quando spirituosus humor ex capite ad ventriculum defluit, ut eodem commen. habet Galenus. Si enim pituita viscidior & tenax crassaq, non autem spirituosus, descendat, nullo pacto excrementa spirituosus erunt.

Hoc eodē capite omisit signa & curationem eius diarrhœæ, quæ fit vitio obstructionis venarū mesaraicarum, vel quia ab eisdem non fiat attractio: qui casus cum aliquando eueniant, a Medicis sunt cognoscendi & considerandi.

*Diarrhœa
insolita his-
torica.*

Ultra omnes diarrhœæ species ab authoribus enumeratas, vidi ego diarrhœæ specialē casum, in qua simul cum excrementis educebantur cōtinue quædam ossicula, quorū aliqua contracta, aliqua integra erant, similia in to-
tum

tum ossibus auicularum paricarum, perinde ac si ægrotās auiculas ipsas integras, quas tamen nunquam degustauit, in vsum alimentii assumeret. hæc semper cum ingenti dolore excernebantur: quantitas ossiculorum erat pro singulo quoque die ad mensuram non minus quam vnius cochlearii, aut ad summum duorum. fluxus hic per plures dies perseverauit, nec vllis vnquam potuit remediis aut leniri aut firmari. Vnde emaciatus æger doloribus supra modum vrgentibus, tandem misere vita functus est. Quidam censuere, hanc diarrhœam ex maleficio inductam esse, ossiculaque illa ex diaboli præstigatione, non ex naturali causa, excerni. Attamen nouimus in abscessibus externis ossium, pilorum, carbonum, lapillorum, vnguium, testarum, similia inuenta esse corpora solida: sicuti & humida olei, cœni, luti, mellis, sepi, fecis vini, & alia huiusce modi, quæ omnia vere in abscessibus repereri, vltra experientiam ipsam testatus est Galenus & alii celebres viri. Vnde iudicent alii, an sicuti in externis ita in internis possint tales materię a naturali causa generari.

Tradens curationes diuersarum specierum diarrhœæ, *Diarrhœa* tum per interius sumenda, tum per exterius administranda, nunquam docet causam abscindendam esse. Quod *curatio quo modo absol- uenda sit.* maxime est aduertendum ab his qui tales fluxiones curant. nisi enim causa generationis excrementorum tollatur vel minuatur, nec minui alui fluxio poterit.

Inquit, *si diarrhœa euacuatio sit symptomatica, debemus ipsam cohibere*: quod dictum difficultatem patitur propter regulam a Galeno lib. 12 Merh. cap. primo positam, vbi ait, quod symptomata non veniunt curanda, nisi subeant vicem causæ, vel lædendo vires vel affectionem augendo. quare cum hic fluxus erit symptomaticus, non erit curandus, nisi vel vires lædat vel aliquam affectionem augeat, & ideo non erit simpliciter cohibendus, sicut docet author. Quo autem ad Aphorismum, quem pro se adducit, notandum est, veram esse Hippocratis sententiam, si recte intelligatur. nam cum dixerit, quod euacuationes factæ, tū a natura tum ab arte, sunt vriles, quando educuntur qualia educere oportet; subiungit, quod si non talia qualia educere oporteat, educantur, ea cohibere

Diarrhœa quanda sit cohibenda, & quando non.

oportet. quod dictum intelligendum est in comparatione superioris dicti, quoniam sicut in illa euacuatione superiori sequitur utilitas & tolerantia ægrotantis; ita in illa quæ huic opponitur, sequitur nocuum entum & mala ægrotantis tolerantia, ex quibus vires debilitantur. Vbi autem vires redduntur debiles ex symptomate, illud symptoma venit curandum. & ideo illi fluxus ex sententia Hippocratis qui sunt symptomatice, dum ægrum affligunt & debilitant, sunt cohibendi. nisi autem læsio succedat, nec curationem indicant nec mutant, vt docet Galenus libro 12 Meth. cap. citato. Ad locum autem Hippoc libro 6 Epid. sect. 2, commen. 28, dico, quod Hippocrates ibi loquitur de materia quæ stat pro causa morbi, quemadmodum ex Galeno in eodem commento per eius verba apparet: *Et ista qua stat pro causa morbi, si quo non oportet, vergat, est reuellenda: si autem quo oportet, aperiendum est, quoniam Et si non aperiatur, morbum causat.* quod dictum non contrariatur superioribus. nam clarum est, quod fluxus symptomaticus, si stat pro causa morbi, venit reuellendus & curandus, vt habetur loco citato libro 12. Meth.

De Dysenteria. CAP. LXXIIII.

*Excretionis
sanguinolenta
quot species.*

QUATUOR sanguinolentæ excretionis species ex Galeno lib. 3 de sympt. caus. cap. 2, quatuor succedentes affectibus attestatur esse. Quibus tamē ex eodem Galeno duas, ab his distinctas, addendas & notandas censeo. Altera est ea cruenta excretio, quæ in morbis acutis vel decretorie vel tabescentiæ & liquationis more contingere consuevit, in qua excretionē sanguis qualitate a natura alienus, vt habetur a Galeno eodem capite citato, esse solet: & talis sanguinis fluxio consuevit febribus prauis succedere, vt sæpius hoc idem mihi attestante experientia animaduerti. Altera est cruenta & sanguinea excretio facta, cum præcedente aliqua sanguinis vehemēti profusione corpus refrigeratū fuerit, vnde cum in posterum minus, quam deceat, per cutim digeratur, nimia aggregatur sanguinis copia, a qua stimolata natura, superabun-

abundantis materiei exonerationem tentans, sanguineam excretionem etiam cum torminibus causat, vt docet Galenus libro quarto de artic. in fine commen. 40. Quare non quatuor sed sex erunt cruentæ sanguinis excretiones.

Ex Actio vlceris crassorum intestinorū signa exponens, inquit inexplibilem edendi appetitum in his oboritur. At nec ex tali vlcere fames causari potest, nec experiētia huic rei attestatur. Quare hoc animaduertant iuniores.

Signa autem exponens vlceris tenuium intestinorum, ait, his vlceratis adesse dolorem circa vmbilicum. quod dictum videtur dubium: quoniam vlcera tenuia sunt inuoluta, & sunt tam supra quam infra vmbilicum.

Vbi vlcera sint depascentia & praua, docet his quæ cruentam inducunt, vtendum esse, non tamen ad particularia, quemadmodum pulcherrime in tota præcedenti curatione egit, descendit remedia. Ne autem iuniores in hoc delictum vllum non habeant, animaduerto plura a Græcis proposita esse ad hoc præsidia, quæ non sine delectu in vsum recipienda sunt, quales sunt Trochisci Faustini, Trochisci Andronis, & Trochisci Passionis, & alii similes, inter quos Faustini sunt adeo vehementes, vt illis nunquam vti ausus fuerim. Troch. autem Andronis valde probo, hisq; feliciter in vlceribus prauis & depascentibus vtor. Troch. passionis ad idem valent, sed mihi magis arrident prædicti, & tutiores videntur. his autem per sedem infusus vtens, vlcera depascentia & praua firmare consueui. Ad exemplar autem horum seligantur cætera medicamenta, ab antiquis proposita.

In dysenteria, & vbi vlcera sint depascentia, quid agendum.

Ad absolutam etiam dysenterix curationem alterum, vltra proposita ab authore medicamenta, remedium mihi frequentissimum & felicissimum, pluribus etiam medicis notum & consuetum non reticendū esse duco, quod est administratio aquarum naturalium potentia refrigerantium. ex his enim duo in dysenteria, & præcipue biliosa habemus; alterum refrigerationem iecoris; alterum, quoniam sunt hæ aquæ quoquo pacto adstringētes, quod prohibendo fluxum dant tonum visceribus, & faciunt ad curam vlceris. Harum tamen non indistinctus sit vsus.

non enim tutum est has exhibere, vbi materia peccans multa ac copiosa in corpore abundauerit. nam si talis materia vi huius medicamento intercipiatur, alterum dolorum sequetur, scilicet, vel quod hæc eadem materia retenta ad alias partes conuerteretur, & inde fiunt aliquando ægritudines lethales, conuersa hæc ad nobiliora membra: aut si non ad nobiliora, sed ad minus nobilia vergat, morbos quidem minus lethales, graues tamen prodit. Vel detenta hæc materia acrior redditur, in maioriq; mole accumulatur: vnde quãdoq; maiori impetu postea ruens est in causa deterioris dysenterię. quare vsus talium aquarum erit, cum pro parte euacuata materia in minori erit mole. quo tempore opportunum erit has exhibere, cum ex his tunc & iecoris refrigerationem, & viscerum robur, & fluxionis interceptionem, & vlcis sanationem tuto habere possimus. Quod si a dysenterię principio nec copia excrementorũ adlit, nec eorundem prauitas insignis appareat, tuto etiam tunc temporis exhiberi poterunt, vtiliq; erũt in vsu, quemadmodũ mihi sæpissime fuisse, qui adeo felicem harum thermalium aquarum administrationem habui, vt his opportune exhibitis nunquam aliud pro dysenterię curatione efficacius remedium deliderauerim, testorq; me his aquis administratis fere nunquam spe concepta frustratum esse. Vtor autem aqua illa Imeldulensi, cuius in febris pestilentis curatione, memini eam exhibendo & in potu & in ciborum præparatione, & etiam medicamenti loco: videlicet iubens, vt in hac cibaria incoquantur, & vt in vsu clysteriorum administraretur, & vt pro potu in prandio & cœna exhibeatur, & vt ægrotañtes summo mane cyathum huius ad formam syrupi, ac pariter in die per tres aut quatuor horas ante cœnam alterum assumant; sique hi sitiant, libenter permitto, vt etiam eandem tempore intermedio bibant. In huius autem vsu maximam ventriculi rationem habeo, quem semper roborare ac defendere procuro, ne ex vsu talis aquæ labefactetur. ventriculum enim frigidiorẽ solet magis refrigerare. quare in talibus habitibus non ita inconsiderate exhibeatur, sed aliqua ei admisceantur, quæ ventriculi robur manu tenere queant, vel per exteriora administra-

tare.

ta remedia, idem corroboretur, vel in eiusdē summa imbecillitate huius vsus prætermittatur.

De Hamorrhoidibus. CAP. LXXVI.

PRO earum curatione docet secandam esse malleoli venam ex Galeno, quoniam hæc vena secta hæmorrhoides prouocat. In qua re nō sit præceptus Medicus, stante sanguinis plenitudine, quoniam ex hac sectione sæpe maximo adeo impetu ruit sanguis ad partes inferiores, & præcipue ad locum affectum, vt inde peior succedat affectio; hincq; viderim ego, in tali casu maximas successisse inflammationes, & aliquando etiam gangrænas. Quare stante plenitudine non secentur inferiores, sed potius superiores venæ, & hoc præcipue seruandum, vbi sit intentio tantum leniendi dolorem, non prouocandi hæmorrhoides. vbi enim non sit intentio prouocandi eas, tutius est in omni casu secare superiores, & eo magis, si eas cohibere volumus, vt ibidem habet Galenus.

Hamorrhoidibus affectis, an secanda sint vena inferiores.

De colico affectu. CAP. LXXIX.

HVIVS causas enumerans quatuor exponit, scilicet materiam pituitosam, flatum, humores acres & inflammationem. At vltra has me docuit experientia, (quod idem asserit Aetius) colicum dolorem causari a lapide in intestinis genito, a quo noui hominem adeo excruciatum, cum nullo remediorum genere leniretur dolor, vt prope mortem expiraturus esset, nisi sponte excretus lapis morbum soluisset. Hoc aduertatur, quod idem etiam non negauit Galenus fieri posse libro 6 de locis affect. cap. 2, licet affirmet se hoc nec vidisse, nec alium qui viderit, audiuisse.

Colicum affectum causari a lapidibus.

Victus rationem in colicis seruandam instituens, vsum cæparum ex Pauli autoritate commendat: quæ tamen nec a Paulo inter cibaria commoda enumerantur, nec pro vtilibus in tali casu assumuntur. licet enim cæpa conueniēs ratione intensæ caliditatis quā obtinet, censeri queat, tamen ratione aqueæ humiditatis quam multam possi-

Cæparum usus an conueniat in dolore colico.

det, est flatuosa, ut habet Gal. lib. 7 de simpl. med. facult. cap. de Crōmio. & ideo non est probanda in doloribus a flatu. illa enim quæ flatus discutunt, debent esse sicca, non humida, & maxime humiditate aquæ, qualis maxima portio est humiditas cæparum.

De Ileo. CAP. LXXX.

SI ea quæ superius explicaui de ileo, considerentur, faci-
le erit discernere ea quæ ab autore proposita sunt, sub
diligenti examine constituenda.

De Vermibus. CAP. LXXXI.

*Bumbrici
an causent
tussim.*

SIENA lumbricorum explicans, inquit adesse tusses
exiguas cum siccitate irritantes: quod tamen contra-
riari Galeno videtur, qui, ut diximus capite de tussi, oppo-
situm sentit libro sexto Epid. sect. 2, commen. 17, & com-
men. 24.

Inter lumbricorum signa hoc etiam enumerat, quod
aliqui instar delirantium peregrina in somnis loquuntur.
At sciendum est, non tantum in somno vermes delirium,
sed etiam in vigilia causare posse: quod, ultra experiētiam
quæ hoc mihi testata est, etiam Hippocrates lib. 4 Epid.
circa finem asserere videtur, cuiusdam senis historiam re-
censens, qui cum furiosus esset, ex vomitu vermis subcras-
si, sedato delitio, quieuit.

De verme lata loquens inquit ex Aetio, hanc vermem
esse permutationē membranæ intrinsecus intestina am-
bientis, in corpus quoddam viuum; vel ex Paulo esse mu-
tationem adnatæ in interiori intestino membranæ in
materam animalis. Quæ tamen sententia non ita, ut ver-
ba sonant, est recipienda. nam vermes non ex membranis
parteve alia solida procreantur, sed ex variis excremento-
rum generibus, præcipue autem pituitosis, aut ex corru-
ptis cibis, sicuti etiam author pulcherrime declarauit, or-
tum habet. Vnde quid per membranam intellexerit He-
rodotus, a quo Paulus & Aetius transcripserunt, declaran-
dum erat, & eo maxime, cum, si ex vera intestinorum
membrana

membrana generaretur hæc vermis:ieicta verme, sanita-
tisque restituto ægrotante, intestina ipsa propria & interna
tunica, quæ potius carnosa est quam membranosa, denu-
darentur & priuarentur. Animaduerto autem ego, He-
rodotum per membranam non proprie membranam,
sed mucosam illam & pituitosam materiam, quæ in-
terioremem intestinorum tunicam oblinet & circumual-
lat, intellexisse. hæc autem materia putrescens potest in
uiuum animal conuerti, & inde in latam hanc vermem
formari.

Latae vermis signa ex Aetio recensens inquit: *ijs occu-
patos comitatur corporis gracilitas & etiam impoten-
tia seu imbecillitas cum tarditate.* Quod tamen ve-
rum esse experientia redarguit. non enim huiusmodi
patientes semper sunt impotentes ac imbecilli: imo dice-
bat Hippocrates libro quarto de morbis. *Quæ hanc bestio-
lam animalculumve habet, semper ferme saluus est.*
Cum vero debilitatus, vix reficitur, vixque conualescit.
Vnde ex Hippocrate debilitas ista non semper consequi-
tur ad hanc vermem: sed quando accedit, vix tolli potest
ob assumptum alimentum, ab hoc animali dissipatum. &
hoc aduertatur, quoniam tales patientes, vt aliquando vi-
di, non sunt semper debiles, sed tantum, quando superue-
niente ingenti fame & notabili corporis extenuatione e-
maciantur.

Subiungit autem inferius, loquens de hac eadem lata
verme hæc verba: *Huius etenim lumbrici quandoq; con-
cisa partes prodeunt, quæ semel sane exoluta non am-
plius secundo congregantur.* Quæ sententia duplicem
potest habere sensum, alterum ad mentem authoris, alte-
rum ad mentem Aetii, a quo hæc verba, non tamen eo
ordine & sensu quo Aetius protulit, transcripsit. Ad men-
tem authoris hoc significare videntur, quod si huius ver-
mis partes aliquæ abruptantur, & concisæ prodeant,
non amplius restaurentur: & in hoc sensu, si ita intellexit
author, sententia hæc falsa est: quod non tantum testata
est experientia mihi, qui viderim huius vermis partes,
quandoq; ad semicubitum, quandoq; ad cubitū, quando-
que plus vel minus abruptas & excretas, & tamen postea

iterum inspexerim, eandem vermem ad tantam quantitate auctam, vt extra podicem dilcederet: sed etiam hoc idem testatur Hippo. lib. citato per hæc verba; *Si vero cum medicata exeat, recta pars de lumbrico abrupta, longitudine duorum aut trium cubitorum, aut etiam longior amplior. Et ubi abrupta fuerit, per multum tempus signa cum stercore non prodeunt, postea vero recrescit.* Ad mentem autem Aetii hoc enuntiatur, quod lata vermis, vbi tota vel integra vel in partes concisa exierit, non amplius regeneratur. sicuti cætera lumbricorum genera, quæ licet semel, bis & amplius educantur, tamen iterum atque iterum regenerari consuevere. & hoc verum est. nam educita verme, & intestinis mundatis ab illo excremento mucoso & pituitoso, intestinorum internam cauitatem obtinente, quod putredinis merito in tale animal conuersum erat; non amplius regeneratur talis vermis. & ideo ad hunc sensum Aetius hæc verba protulit, dicens: *Et semel sane exoluta non amplius secundo congregantur.*

Vinum aquosum an conueniat in cura lumbricorum.

Rationem victus in casu isto seruandam docens, vinum aquosum exhibendum proponit: quod an conueniat, perpendendum est, cum vina aquosa minus quam potentia ventriculum & partes nutritiuas iuuent, minusque alimentum a putredine, vnde vermes ortum ducunt, præseruare queant.

De Hepaticis. CAP. LXXXII.

Pistachia & amygdala an conueniant hepaticis ex intemperie frigida.

MULTA particularia tum medicamenta tum cibaria pro hepaticorum curatione proponit, quæ si sub diligenti examine ponantur, multas patiuntur difficultates. ne autem omnia recenseam, vnicū animaduerto quod ex Alexandro transcribit, dum docet curare hepaticos ex intemperie frigida, dicens pistachia & amygdalas in hepaticis duabus rationibus non conuenire; primo quia hæc facile corrumpuntur; secundo quia sunt oleaginosa: quæ sententia discretionis plena est. nam quo ad primum habemus in oppositum efficacissimum argumentum. difficulter enim conficiuntur. ergo difficulter corrumpuntur. Quo ad secundum, quod sint oleaginosa & facile verrantur

tur

tur in bilem, ignoro, qua de causa huiusmodi cibaria in frigida iecoris intemperie sint vitanda: alias cetera omnia cibaria & medicamenta calefacientia non essent administranda. nihil autem de his quæ facile vertuntur in bilem, timendum est in hepate refrigerato, in quo indigemus calefacientibus & abstergentibus medicamentis & cibariis, quorum utrumque usum præstare possunt amygdalæ & pistachia, cum utraque calefaciant & abstergant.

De Hepatis obstructione.

CAP. LXXXIII.

AGENS de obstructione cum febre asserit ex mente Galeni lib. 8 Meth. cap. 4, obstructionis magnitudinem ex magnitudine febris discerni, ut quæ ex maiori obstructione maior, ex minori minor fiat. Quod dictum falsum est, cum ingens obstructio in hepate cum leui febre, sicut & in sine febre, sæpe generetur. Dictum autem Galeni ad propositum istud nihil facit, cum Galenus eo in loco non de hepatis, sed de cutis obstructione loquatur, ut ipsemet eodem in loco clare expressit.

An ex obstructione hepatis fiat febris secundum eius proportionem.

De Iecoris inflammatione.

CAP. LXXXIIII.

DVM de hepatis inflammatione agit, meminit & de eius erysipelate, & de inflammatione ad erysipelatis naturam accedente. Curationem tamen exponens, harum ne verbum quidem fecit, cum tamē hoc maxime facere debuisset: cū ab erysipelate puro, & ab inflammatione erysipelatis naturam participante, maius, quam a pura inflammatione, impendat periculum ægrotanti maiusque medico in medendo discrimen: pro quo hoc animadverto, quod idem notavi super caput de inflammatione ventriculi, parum erysipelas internarum partium non aliter sanari posse, quam per frigidæ exhibitionem, ut monet Galenus libro 9 Meth. cap. 5. si autem erysipelas una cum inflammatione iunctum fuerit conveniens quidem erit, sicuti in puro erysipelate, frigida potus, hæc tamen distin-

Iecoris erysipelas quomodo curandum.

ctione habita, quod in puro erysipelate quocunque tempore & indistincte exhiberi potest; at in erysipelate cum inflammatione mixto non prius exhibenda erit, quam coctionis notæ apparuerint. Pro curatione etiam horum affectuum hoc aduerto, quod quamuis in pura inflammatione nihil actu frigidum supra hepar administrandum sit, ut docuit Galenus. tamen in erysipelate puro sint in medicamenta actu frigida. quæ calefacta subinde permulentur, nouaque refrigerantia applicentur, quousque sentiat æger flammam internam extinguere, ad locumque affectum frigiditatem peruenisse. Si autem sint inflammatio, & erysipelas simul mixtum. pro ratione urgentiæ & pro ratione superabundantis materiæ erit ad hanc vel illam partem magis declinandum.

Vbi phlegmone concoquatur, si in gibba hepatis parte constiterit, ex Galeni libro 13 Metho. cap. 15, notat author, diuretica administranda esse. At ultra hoc etiam ex Galeni libro septimo Metho. in fine erat animaduertendum, quod vbi iecoris gibbæ pars est expurganda, si multa adsit materia peccans, per deiectionem est euacuanda: si autem mediocris, diureticis ac per vrinales meatus est educenda.

*Concocta
phlegmone
in gibba he-
paris, an ex-
hibenda diu-
retica vel
soluentia
medicamen-
ta.*

*Suppurante
iecoris in-
flammatione
quid agen-
dum.*

Vbi iecoris inflammatio non discutiatur, sed ad suppurationem deuenerit, inquit abscessus rupturam, cum perfecta suppuratio fuerit, adiuuandam esse, quæ vel per sedem, vel per lotium; vel per os disrupta & excreta, iuuanda etiam erit. At præter hæc docet Hippoc. libro septimo, aphor. 46, etiam iecoris suppurationem ad uisionem curati, ex qua si fluat pus album & laudabile, euadere patientes monet, quoniam in his pus in hepatis tunica continetur: si vero, qualis amurca, pus extiterit, quoniam tunc corruptio usque ad carnem hepatis pertingit, eos perituros affirmat.

De Scirrho hepatis. CAP. LXXXV.

*In scirrho
hepatis an
conueniat
secare Venâ.*

PRO curatione notat, quod vbi multo sanguine abundauerint patientes, vena secetur, sanguisque mittatur ante particularium medicamentorum usum. Quæ sen-
tentia

zentia ex principiis Galeni valde suspecta est. cum enim scirrhus hepatis, quando perseverat, terminetur ad hydropem refrigerato hepate; vbi autē imminet hydrops, venæ sectio non sit administranda; nec etiam in scirrhus hepatis erit conueniens, cum ab ea hepatis refrigeratio timenda sit, & eo magis, cum hic sit morbus diuturnus, pendeatque a materia frigida, siue hæc sit pituita, siue melancholicus succus.

De inflammatione lienis.

CAP. LXXXVIII.

CVRATIONEM inflammationis lienis exponens, inquit *Lienis inflammatione an conueniat principio pharmaci.* Pharmaceutum purgans, si venæ secundæ medela relinquatur, a principio ex Actii, vel in incremento ex Alexandri sententia exhibendum esse: hoc tamen agendum esse monet, si prius parata sit materia. Hanc sententiam notare volui, quoniam implicat contradictionem, dicere materiam paratam esse, & inflammationem esse in augmento vel in principio, quo tempore nec cōcocta nec parata potest esse materia inflammationem faciens. Cuius ratione ab Hippocrate lib. 4. de ratione victus in morbis acutis, tex. 22, medicamenta purgantia in inflammationum initiis excluduntur & damnantur. quare cautus sit Medicus in principiis talium morborum, nec vnquā pharmaceutum purgans tali tempore exhibeat: si tamen quid exhibendum sit, exhibeantur tantum, non dixerim leuia, vt inquit auctor in hoc capite, sed lenientia, & quæ primas venas non transcendere apta sint.

De Cachexia. CAP. XC.

DOCEt in cachexia ex Actio & Paulo venam secundam, mittendumque sanguinem esse. Quæ sententia non ita tuta est, cum in cachexia, iam refrigerato hepate & abundantibus frigidioribus humoribus, nequaquam per sectionem venæ conueniat magis hepar ipsum refrigerare. At solum conuenit sectio venæ in tali casu, vbi aliqua sanguinis naturalis euacuatio, sicuti vel per menses

In cachexia an conueniat sanguinis missio.

vel per hæmorrhoides suppressa, extiterit propter nimiam plenitudinem, calorem natium prope extinguentem, in causa cachexiæ, ut idem docuit Galenus, libro 4 reg. acut. commen. 111, in anasarca faciendum esse, dum ex retenta naturali euacuatione plethora inducta sit in causa, ut per eam prope extinguatur naturalis caliditas. & hoc est id quod voluit Aetius. quod idem clarius expressit Paulus, cum inquit: *Sed vacuandi sunt potissimum, qui hæmorrhoidibus aut mensibus non respondentibus in morbos inciderunt, quemadmodum ijs qui copia viscerum humorum laborant, vacuatio sanguinis per venam vitanda est.* quod non animaduertens author indistincte pronuntiavit, venam in cachexia secandam ac mittendum sanguinem esse, ubi aliqua naturalis euacuatio suppressa fuerit

De Hydropē. CAP. XCI.

Solatri hortensis succus an cōueniat in hydropē.

ASCITIS curationem docēs ex Aetio laudat succum ex solatro hortēsi expressum, si quotidie, donec perfecte sanentur, ad cyathi quantitatem exhibeatur. In qua re hoc idem dicam, quod in sexcentis aliis remediis, ab authore indiscriminatim ac sine exāmine transcriptis, dicendum esset: videlicet quod hoc remedium in tali casu inconueniens sit, cum non tantū non sanare hydropē, sed & eandem ubi adsit, augere & introducere ubi non sit, polleat. cum enim sit frigidiæ facultatis, in secundoque huius positus sit gradu, continuus illius potus hepar valide refrigerare, & inde hydropē vel augere vel introducere aptum erit. Quod, cum sit adeo suspectum ratione primarū qualitatum, non sine examine erat proponendum. & cum adsint alia infinita, & non suspecta, opportuna medicamenta, hoc adeo suspectum prætermittendum erat, ut iuniores ac in experti Medici hinc decepti non ita tuto ægrotantibus consulerent.

De Diabete. CAP. XCII.

QVÆRENS author, quæ renum facultates in diabete labefactatæ sint, censuit ex mente Galeni tres læsas esse,

esse, scilicet attractricem, retentricem & alteratricem. De attractrice & retentrice, vt Galen. ex professo docuit lib. 6 de loc. affect. cap. 2, satis constat. de alteratrice autem non ita liquet. Nam nec ratio, nec locus ille Galeni, lib. primo de cris. cap. 12, indicant in diabete facultatem tenui alteratricem læsam esse. In renibus enim non concoquitur humorum seu sanguinis serosa pars, sed in hepate tantum, & in venis ipsis in quibus humores & sanguis vere alteratur & concoquuntur, & ideo lotium qualitatis sanguinis & humorum in venis existentium certū est indicium. vnde vbi hæc cruda sint, & lotium crudum erit: vbi autem concocta, & concoctum hoc existet, pariterque supra alias eorundem humorum in venis contentorū differētiās & passiones significare poterit. Renes autem qualem serosam partem attrahunt, talem ad vesicam transmittūt: nec eam, vbi hi præter naturam affecti non sint, immutare per virtutem alteratricem possunt; alias cruda existente humorum in venis mole, vbi renes imbecilli non existāt, possent eam serositatem alterare ac cōcoquere. vnde crudis existentibus humoribus, lotium coctionem præmonstrare posset. quod tamen experientiæ & rationi contradicit. At dices: si virtus alteratrix renum non alterat nec concoquit hoc serosum excrementum, hæc virtus in renibus vel nulla erit vel vana. Non profecto. imo est virtus necessaria & vtilissima. nam per hanc renes partem sanguinis tenuiorem & humidiorē, quam vna cum serositate per venas emulgentes a magnis vasibus virtute attractricis facultatis attrahunt, pro sui nutrimento conficiunt & alterant: serositatem autem eam non concoquunt, quia nec earum proprii nutrimenti est excrementum, nec quid ex ea in proprium alimentum accipiunt. Vnde ea cruda existens (hoc sit vel ob generis venosi imbecillitatem, vel ob materiæ ex qua deciditur, incoctionem) nunquam potest vi alteratricis renum facultatis coctionem aut alterationem recipere. Locus autem ille Galeni libro primo de crisibus, in quo habet, in diabete esse extinctionē vtriusque virtutis, scilicet & retentricis & alteratricis, nec potest persuadere, in diabete renum facultatem alteratricem læsam esse. nam licet ibi Galen. vtriusque virtutis meminerit, non

tamen eiusdem partis virtutes recenset. nam per alteratricem eam intelligit quæ in venoso est genere, passionem, per quam lotium crudum & exquisite aquosum apparet. Loquens enim de exquisite aquosis & incoctis vrinis, dicebat has desperatæ coctionis accidens esse: quæ venosæ naturæ passionem, id est alteratricem in summo labefactatam, significant. Si vero, subiungebat, ultra hoc quod vrina sit exquisite aquosa & cruda, etiam velociter & confertim, sicuti in diabete contingit, excernatur, in hoc casu qualis in leuitate intestinorum accidit, talis est extinctio vtriusque virtutis, & retentricis & alteratricis: attractricis quidē, scilicet venosi generis, cui attribuit generatioaem aquosæ & crudæ vrinæ; retentricis autem, & eandem quidem venarum, in quibus ob violentam renum attractionem nō immoratur humiditas illa serosa, vnde commodè concoqui non potest, sed præcipue ipsarum renum, qua labefactata statim ad expulsionem attractarum humiditatum insurgit virtus expultrix, quibus explosis iterum insurgit virtus attractrix, quæ valide munere suo fungēs a superioribus attrahens eas partes exsiccat, indeque sitis & potus necessitas, qua de re per locum hūc in quo habetur, in diabete extinctionem adesse virtutis retentricis & alteratricis, nō audiamus ambas has virtutes ipsorum renum, quarū ne meminit quidē Galenus facultates existere. sed ad sensum & mentem eius rem ipsam exponentes, in diabete extinctionem retentricis renum & alteratricis venarum adesse intelligamus.

*In diabete
an cōueniāt
diuretica.*

Curationem diabetis explicans, post sectionem venæ vult ex intēione Aetii esse exhibenda diuretica pro expurgatione humorum imbibitorum in renibus. Hoc videtur dubium, quoniam diuretica attrahunt materiam ad renes qui sunt affecti, cum tamen sit intentio ab ipsis diuettere. Quare satius forsā erit ab illis abstinere, nisi fortasse prius corpus fuerit expurgatum, & per diuretica non accipiamus vere dicta diuretica, sed quæ vrinam quidem prouocant, sed cum humiditate, sicuti semina melonum, & consimilia quæ illam materiam simul conterperare possunt.

Balneum naturale probat pro curatione huius affectus.

Aduer-

Aduertatur tamen, quod si balneum illud naturale sit bal- *Balneum*
neum aquæ dulcis, potest conuenire, quia humectat cor *naturale an*
pus iam exsiccatum: sed si non sit aquæ dulcis, sed minera- *conueniat*
lis ac facultatis exsiccantis, valde suspectum est. quia sic *in diabete.*
promptius duceret ægrum in hecticam, & præcipue ubi
temperiei esset calidæ: quod si sit refrigeratoriæ facultatis,
minus suspectum foret.

De sanguinis renum profusio.

CAP. XCIII.

VBI sanguinolentum serum mingatur, decernit eius *An sangui-*
causam esse dispositionem renum, non dissimilem *nolentum*
ei qualem in iccore dicimus, imbecillitatem. Quæ senten- *lotium fiat*
tia vera quidē est, sed nō vniuersaliter nec semper, quoniā *ratione im-*
eadē iccoris imbecillitas, qualis & in hepaticis & in princi- *becillitatis*
pio hydropis fit, sæpe est in causa, vt labefactata sanguifica- *renum.*
virtute, per lotium tale mingatur excrementum, quale
ipsis hepaticis euenire solet, quod est veluti lotura carnis,
sicuti sæpe in actu medendi vidi & notavi. Et in tali casu
non renibus sed hepati attendendum est.

De hac eadem materia loquens signaque apponens, in-
quit in his sanguinis saniem magis cruentam videri, citat-
que ad huius confirmationem locum Galeni lib. 6 de lo-
cis affectis, cap. 2. In quo hoc aduertatur, ibi Galenum
non loquutum esse de lotii excretionē sanguinolenta, vt
sentire videtur author, sed loquitur de alui excretionibus
quæ in hepaticis eueniunt, in hisque ait, quod ab initio te-
nuis sanguinis sanies ab hepate deiicitur, quæ sanies, vt
sæpius declarauit, est tanquam carnis recenter mactatæ
lotura quædam, deinde aucto malo, crassus humor faci-
bus vini haud absimilis excernitur: quam rem non perfec-
te attingens author existimauit Galenū loqui de sangui-
nolento lotio.

De lapide renum. CAP. XCIII.

DECLARANS lapidis renum causam agentē, inquit
eam esse caliditatem igneam. Contra hanc senten-

*Lapidū cau-
sa an sit ca-
lidas i-
gnes.*

tiam est Galenus libro 6 Epid. sect. 3, commen. 15, vbi expresse habet, quod ad generationem lapidis sufficit mediocris calor, & quod non semper requiritur vehemens caliditas, vt exemplo patet in his lapidibus qui generantur secundum aquas sponte nascētes, in quibus etiam est minor caliditas, quam mediocris. Vnde non sit mirum, si in nonnullis in quibus renes non sint calidiores, aliquando generentur in eorum renibus lapides.

*Clysteria ac-
ria ac con-
ueniant in
curatione
lapidis ve-
num.*

Curationem exponens & declarans, quibus clysteribus hic sit agendum, ordinat clysteria acria, quæ an conueniāt, dubium est, cum dolore urgente sit demulcendum, non irritandum.

*Quare quæ
tepidæ sunt
caloris, ha-
beant vim
cōminuentis
lapidū.*

Dubitatur, quare quæ habent tepidum calorem possint lapides comminuere, & solvens inquit, quod cum causa lapidis sit vehemens calor, & tepidum ratione intensi caloris habeat rationem cōtrarii, ideo tepida tanquam cōtraria possunt comminuere lapides. Quæ responsio nulla est, quoniam cōminuentia lapides hoc non faciunt ratione caliditatis, vel multæ vel paræ, sed ratione incisio- nis & tenuitatis partium. Vnde videmus, quod libro 9 de Medic. secundum loc. omnia medicamenta posita a Galeno sunt calidiora, quæ, si eius ratio efficax & vera esset, nō possent comminuere lapidem, sed potius augere, cum lapis, vt ipse ponit, a valido & urgente calore fiat, hæc autem participant validiori & magis intensa caliditate.

De Exulceratione renum.

CAP. XCVI.

*Acetum
an cōueniat
in Gl. erisb.
renum.*

DVM victus rationem seruandam docet, ait, voluptatis gratia aceti modicum his concedendum esse, sed hic aduertant iuniores, acetum omnibus vlceribus infectum esse, præcipue autem internis. Quare ab hoc omnino abstinendum est, in gratiamque ægrotantis, cum illi sit infectum, non est concedendum.

De Dysuria. CAP. XCVII.

*Diuretica
an cōueniāt
in dysuria.*

CURATIONEM eius dysuriæ quæ ex intemperie frigida prouenit, docēs, ordinat proprie diuretica. Quæ senten-

sententia dubia videtur, scilicet. an hæc in tali casu conueniant, antequam sit roborata vesica; quoniam ista licet calefaciant, ducunt tamen copiosam materiam ad locum affectum: qui cum sit debilis, & male possit excernere, magis ex hac materiæ copia affligetur, quare non videtur, quod ista conueniant, antequam sit roboratus locus affectus.

De Vrina suppressione.

CAP. XCVIII.

LICET meminerit eius essentiam, declarans de eav- *Lotium sup*
luz retentione, in qua suppressum est lotium in par- *primitur a-*
tibus superioribus, non autē in vesica: nihilominus, nec e- *liquando*
ius curationem nec causas tradit. Quæ tamen omnia di- *suprarenæ.*
ligentissime sunt animaduertenda, quoniam suppresso
lotio, nec eo in vesicam descendente, licet nec adsit dolor,
nec medendi desiderium instet, casus est lethalis, & pluri-
mi ex hoc pereunt, nisi diligens aduocetur Medicus, qui o-
mnia circumspiciens cognoscat, & locum affectum & af-
fectionis causam, ac omnia opportune administret. hoc
autem prouenire solet ex renum obstructione, quæ ob-
structio alias a materia crassa, alias a lapidibus generari
consuevit. Vnde hunc casum considerent iuniores, & se-
cundum rectam methodum sumptis indicationibus op-
portuna adhibeant medicamina, quæ ab authore forsan
prætermissa fuere, quoniam in hoc non habuit ducem a
quo hanc curationem transcribere potuerit. Nos autem
de hoc affectu superius abunde egimus.

De lapide Vesicæ. CAP. CI.

TRANScriBIT ex Actio plura medicamenta ad *Medicamen*
frangendum vesicæ lapidem. Sciant tamen iunio- *ra descripta*
res, hæc tantum efficacia esse in lapide renum, in lapide *ad lapidē & e*
autem vesicæ inutilia fore. *sica an sint*
efficacia.

*An inflam-
mata Vesica
sint secunda
Venæ infe-
riores.*

AUTHOR in cura inflammationis vesicæ primo se-
cat venam internam cubiti, præter Galeni mentem
locis ab eo citatis, scilicet lib. 13 Meth. & lib. de sanguinis
missione. sed præcipue contra ipsum lib. 6, Aphor. 36. quî
Hippocratem, interiores venas inflammata vesica secan-
das docentem, insectatur, si per interiores intelligat ma-
nuum venas, hoc dicens nec verum esse nec rationi con-
sentaneum. An autem talis sectio conueniat, forsân sunt
validæ & probabiles rationes, quibus ductus Auicenna
hæc in tali casu probauit, quæ auihor, licet eum nominare
non dignetur, sequutus est in hac sententia.

*Vesica in-
flammati-
o quomodo a
principio cu-
randa.*

Cum ad topica descendit remedia, calida & laxantia so-
lum proponit administranda esse, quæ in principio & au-
gmento ipsius inflammationis, quo tempore inflam-
mationem remittere & temperare debemus, suspecta sunt:
cum potius possint esse in causa, vt maior materiæ copia
ad vesicam attrahatur, quam quod ab ea repellatur & re-
mittatur. Potissimum autem fugiantur talia remedia, vbi
inflammatio erysipelatis particeps erit.

*Vesica in-
flammati-
a an cõueniat
appondere pu-
bicucurbi-
tulam cum
scarificatio-
ne.*

Subdit in huius curatione, quod vbi incessus, irrigatio-
nes & fomenta non suffecerint, cucurbitula circa pecti-
nem aut pubem vna cum scarificatione adhibeatur. In qua
re hoc animaduerto, quod hæc sententia, si in sensu ab au-
thore prolata simpliciter intelligatur, videlicet quod non
cedente morbo administranda sit cucurbitula, nequaquã
admittatur; quoniam & inflammationem exasperando,
& materiam plurimam ad locum affectum attrahendo,
sæuiorem reddet morbum. Et hoc præcipue si in principio
& in augmento inflammationis, & dum adhuc materia
fluere, administraretur. quo tempore docuit Galenus cu-
cubitulas loco affecto nûquam admouendas esse. Quod
si vnquam fieri dabitur, tunc id agendum erit, cum nihil
amplius affluerit, corpusque exinanitum fuerit, & vsus rei
inflammantis vel mouendæ vel amoliendæ vel extrorsum
euocandæ tulerit, vt ibidem monet Galenus.

De Gonorrhœa. CAP. CIIII.

SIENA huius recensens inquit, quod ex eo dignoscitur *In gonorrhœa*
 gonorrhœa, quod semen profluens aquosum ac tenue *rhœa an*
 existit. In quare hoc norandum, quod non semper in go- *semper fluas*
 norrhœa semen est aquosum & tenue, sed aliquando est *semē aquo-*
 substantiæ crassioris & viscidæ, ut potest in his qui ex se- *sum & te-*
 minis copia in gonorrhœam incidunt, sæpe videri. Qua- *nue.*
 re habeatur hoc lignum pro incerto, quoniam semen quo
 ad eius substantiam, in hoc effectu potest esse tenue & a-
 quosum, & similiter crassum & viscidum.

Curationem huius affectus, tradens, solum particula- *Gonorrhœa*
 ria docet; vniuersalia autem, sicuti venesectionem, purga- *curatio qua-*
 tiones & alias opportunas euacuationes, quæ particulari- *liter admi-*
 bus præmittendæ sunt, & quæ sæpe in hac affectione ad- *nistranda.*
 ministranda veniunt, omisit, earumque indicationes nul-
 lo pacto declarauit, quæ a Medicis nequaquam negligenda
 sunt.

De Priapismo. CAP. CV.

EX Actio in hoc effectu admittit inflammationem
 adesse, vnde in curatione inquit, propter dolores &
 inflammationes in his existentes venam secandam esse. *In priapi-*
 Hic animaduerto, quod in hoc effectu nequaquam adest *simo an sit*
 inflammatio, quoniam tumor est a flatu, & nō in inflam- *inflammatio.*
 mationum, sed in flationum (vt docuit Galenus libro 14
 Metho. cap. septimo) generibus reperitur. Nec est, quod
 inflammationem adesse suspicandum sit, quia a refrige-
 rantibus hæc affectio curari videatur, quoniam non ra-
 tione affectus, cum hic a frigida causa, id est a flatu, qui ca-
 lesfacientia & resoluentia indicat, generetur, sed ratione
 causæ quæ est nimius calor, vel arteriarum ora ultra mo-
 dum adaperiens, vel in materiam crassam & glutinosam
 agens, indeque spiritum crassiorem educens, refrigeran-
 tia conueniunt, quæ tamen in principio tantum, cum in
 processu morbi ratione affectus postea calefacientia & re-
 soluentia administranda veniant, opportuna sunt. Affli-
 git autem hic morbus non ratione inflammationis, sed

ratione tensionis: vnde fit hic casus conuulsioni conformis, cuius ratione, vt in spasmo, scruilissimi succedunt dolores, aliaque tetanicis similia eueniunt symptomata, & inde, vt in his, aliquando in patientibus priapismum mors succedere consuevit.

Quo ad causas priapismi, noui hominem, qui assumptis medicamentis Venerem proritantibus incidit in priapismum, ex quo adeo ægre habuit, vt vix saluatus maximis adhibitis remediis euaserit.

De ignauis partibus genitalibus.

CAP. CVI.

PARTICVLARIA tantum remedia recenset, nullam habens rationem vniuersi corporis, quæ tamen prætermittenda non erant, cum sæpe etiam optimis administratis ad hoc medicamentis, non succedat curatio, nisi corpus accurate fuerit expurgatum, & præcipue, vbi Veneris impotentia a partium languiditate vel resolutione causata fuerit.

De mensiam suppressione.

CAP. CVII.

In suppressionem mensium ob plenitudinem an sint secanda Vena superiores vel inferiores.

DVM docet curare mulieres quæ ob plenitudinem non purgantur, proposita Aetii sententia qui monebat, & venam cubiti & tali in hoc casu secandam esse. In contrarium adducebat locum Galeni in libro de curatione per sang. miss. cap. 15, in quo habetur, nequaquam in cubito secandam esse venam in isto casu, videlicet pleno existente corpore. nam sectio hæc purgationes reuellere potius, quàm prouocare, potest: quam difficultatem dum soluere nititur, diuinando exponit, Aetiurn intelligere id agendum esse, vbi magna sit plenitudo, & vires copiosam non possint tolerare euacuationem; Galenum autem non adeo magnam plenitudinem viresque robustas supponere. Quæ solutio est mera diuinatio, cum neuter virium meminerit, neuterque plenitudinem qualem, siue maiorem siue minorem intelligat, exposuerit. Hæc autem difficultas

ficultas ita tollatur. Plenitudo vel est in causa suppressionis mensium, sibi vias præcludendo, vel ex suppressione mensium, non expurgato corpore, subsequitur plenitudo. In primo casu, qui est casus Actii, prius est secanda vena cubiti ad tollendam plenitudinem, quæ est causa suppressionis, & quæ magna plenitudo esse debet, ut quæ sibi viam ob multitudinem præcludat: postmodum autem est secanda vena tali ad prouocandos menses. At ubi ex suppressione mensium subsequatur, non expurgato corpore plenitudo, quæ non potest esse ingens, cum ex tali causa sit geuita, ad proliciendos menses secandæ sunt venæ inferiores, non superiores. his enim superioribus venis in tali casu sectis, reuelluntur ad superiora, non deriuantur ad inferiora menses, cuius oppositum succedit ad sectionem inferiorum; & hæc non diminuta, sed satis copiosa venæ sectio ob plenitudinem causatam esse debet. Et hic est casus Galeni longe distans ab illo Actii, ut clare patet ex Galeni verbis loco citato, cum ait, *Nam plenitudines, a suppressu mensibus ortas, omnino per crura euacuantur, siue Venam secare oportet. siue scarificare.*

Eodem capite plures enumerat causas suppressionis mensium, quibus omnibus tamen non correspondent curationes ab ipso propositæ: quare non fidant iuniores, hinc perfectam & absolutam huius affectus curationem habere.

De immodica vteri purgatione.
CAP. CVIII.

CAUSAS immodicæ purgationis vteri recensens, ponit vteri vasa disrumpi aliquando ob vehemens eiusdem vteri frigus. Quam sententiam author hic transcribit a Galeno, qui hoc docuit posse fieri in thoracis vasibus. Hoc autem an possit fieri in vtero ipso, scilicet, ut propter vehemens eius frigus vasa & venæ disrumpantur, videant alii & iudicent.

*Vteri vasa
an possint
disrumpi
nisi frigore.*

Curationem huius fluxionis tradens, ex Actio & Paulo inguina constringere docet, quæ sententia examinanda erat, cum hinc sanguis motum ad inferiora accipere,

*Mensib. fluen-
tibus an
sint cōstrin-
gēda ingui-
na.*

& magis talem excretionem proritare queat. perinde enim ligaturæ ad partem alligatam, ac faciunt cucurbitulæ, attrahunt: at cucurbitulæ pubi & inguinibus affixæ, vt docet Galenus lib. 13 Meth. cap. 19, menses euocant, non sistunt. præterea Hippocrates & Galenus semper docuerunt, ad superiora in superfluis mulierum purgationibus sanguinem vel per cucurbitulas, vel per frictiones, vel per ligaturas superioribus partibus administratas, reuelandum esse.

Causas & curationes tradens, eas tantum proposuit quæ ratione viarum & valorum eueniunt, eas autem quæ vel ratione sanguinis vel ratione virtutis contingunt, superfluas, purgationes nec animaduertit, nec curandi modum docuit: hæc autem duo animaduertant iuniores vltra proposita ab authore, vt perfectam huius symptomatiscu randi rationem assequantur.

De Muliebri profluvio.

CAP. CIX.

*Muliebri
profluvij si-
gna.*

EX Paulo plura muliebris profluvii apponit signa, quæ nec propria nec inseparabilia sunt. Vltra enim sensum & patientis relationem, nihil certi haberi potest: quoniam aliæ mulieres ex hoc affectu deterius, aliæ mitius habent, & aliæ nihil inde detrimēti, præter incommoditatem & sorditiem locorum, vt pluries vidi, persentiunt.

*Muliebri
fluvij cura-
tio quomo-
do absoluen-
da.*

Curationem tradens, expurgationem materiei peccantis administrandam esse docet. sciant tamen iuniores, nisi membro quod est in causa generationis humoris superflui, prospiciamus, incassum curatio vt plurimum tentabitur. quare pro absoluta curatione attendant, & dignoscant quod sit membrum illud, cuius ratione excrementa generantur, & huic prospiciant. hinc enim præuenient, ne in corpore superfluitates aggregentur, quibus cessantibus facile superflua purgatio curabitur & cessabit.

De,

De Vteri suffocatione.

CAP. CX.

ESSENTIAM huius affectus ex Paulo declarans, inquit hunc esse vteri recursum ad superiora, subditque ex Galeno, in hoc affectu modo sursum modo in latus vterum retrahi. Pro quo animaduertatur, Galenum non dixisse, hunc affectum consistere in hac retractione, nec asseruisse in omni vteri suffocatione adesse hanc retractionem: imo ipse quærens, cur vterus in hoc affectu modo sursum modo ad latus retrahatur, subiungebat, Aut cur, ipso in sua sede sæpenumero manente, nihilominus mulieres quædam ab hysteris accidentib. corripiantur, quod idem inferius declarans dicebat hoc esse, dum a retento semine causatur suffocatio. Quare nec hic affectus erit morbus in situ, cum nec in hoc situ consistat essentia eius, nec a situ ipso male afficiatur corpus.

Vteri suffocatio an consistat in vteræ retractione.

Quærens author, quare hysteriarum mulierum corpus refrigeretur, huius causam refert ad menstrua, vel ad semen ipsum refrigeratum, vi cuius vniuersum etiam refrigeretur corpus. At intemperies nulla subito introduci potest, præfocatio autem subito causatur. Præterea si ab hac causa hoc fieret, semper pro resolutione huius affectus necessaria esset vel mensium prouocatio, vel seminis effluxio: at neutrum horum sæpe euenit, cum tamen soluitur affectus. Quare non ab intemperie vel seminis vel mensium, sed a venenata & praua eorundem qualitate, vt Galenus diffusè docet, hoc gignitur. refrigeratur enim corpus nõ ab intemperie nuda, sed a venenata qualitate, quæ hac donata est facultate, vt corpus vniuersum refrigeret, sicuti a scorpionis ictu a proprietate succedit, vt grandine corpus percuti videatur, sicuti & nõnulla alia venena consequitur a proprietate vel refrigeratio vel incendium in corpore infecto.

In Vteri suffocatione quare mulieres refrigerentur.

De Mola Vteri. CAP. CXII.

DVM Molæ signa exponit, confundit signa veræ molæ, & signa tumoris duri & scirrholi ipsius veteri, & signa.

cum hæc ipse ex diuersis transcribat authoribus, qui molam non in eodem significato sed diuerso acceperunt. Alii enim per molam veram molā, alii tumorē vteri scirrhum intellexerunt. Quare hoc aduertant iuniores, ne ex oppositis signis decepti molæ veram coniecturam assequi nequeant.

*Molæ cura-
tio qua esse
debeat.*

Molæ curandi rationem tradens videtur ponere curationem non molæ proprie dictæ, sed duritiæ vteri, sicuti a bitratus est Paulus, & ideo prohibet et otum iubet situm elatum ad pedes, & alia similia quæ in mola vera curanda non solum non sunt fugienda, sed etiam summo-
pere agenda & procuranda; & ideo, quo ad curam, videtur procedere contra sua principia, cum declarans quid esset mola, ex intentione Galeni & Arist. docet hanc esse carnem informem in vtero genitam.

*Mola quo-
modo intel-
ligatur esse
caro infor-
mis.*

Cum ex Galeno declaratur, molam esse carnem informem quæ in vtero gestatur, non intelligatur eam omni forma carere, sed humana tantum, quoniam ipsius molæ variæ & incertæ sunt formæ & differentiæ. ego enim vidi, alias molas obductas, & intertextas multis fibrosissimis ligamentis, quæ duræ quidem erant, sed adeo viscidæ & tenaces, vt gladio nec cederent. alias vidi molliores, his ligamentis carentes, quæ tamen erant fibrosissimæ, & hæc omnes aliquando orbicularem, aliquando angularem, aliquando oblongam, aliquando rhomboidem & diuersam habebant figuram. alias inspexi, quæ præter velamenta exteriora nullis fibris intertextæ erant, hæcque vere parenchyma dici potuissent, nec vllam propriam receperant figuram. alias vidi, quæ quadam rudi similitudine nonnulla animalia bruta, ad quorum conformitatē formata videbantur, repræsentabant, quæ tamen tantum vegetatiua anima donatæ erant. alias autem ad similitudinem alicuius humani membri delineatas animaduerti. præcipue autem noui, honestam & nobilem mulierem, cum doloribus instantibus partus naturalis expectaretur; tres molas ad similitudinem pudendi virilis formatas peperisse, quarum vna erat notabilis magnitudinis, naturalem quantitatem colis humani excedentis; reliquæ duæ erant minores, hæcque nullis adinuicem com-
munica-

municabant ligamentis. Vnde pateat, cum habet Gale-
nus, molam esse carnem informem, non de omni sed tan-
tum humana intellexisse forma.

At autem cum humana forma possit esse mola, dubi-
um videtur propter historiam ab Hippocrate narratam *Mola an
possit esse cū
humana
forma.*
libro 2 Epid. in qua habetur, Antigenis coniugem pue-
rum carnosum, membris discretis crassum, rotundum, ex-
ossatum, digitorum quatuor peperisse. nam talis puer non
poterat esse naturalis partus, cum sine ossibus (quibus eo
carēte, nec cerebri, cordisve tutela, nec corporis firmitas,
nec musculorum actio roburve aderat) superuiuere non
potuisset. Qui partus si pro mola non habeatur, videant
alii, an pro monstro sit recensendus.

Molam quidem solam non tantum mulieres peperis-
se vidi, sed etiam eas aliquando vna cum naturali partu i-
psam exclusisse noui, quod duplici via factum animadu-
ti. alias vno & eodem tempore cum fœtu emissam inspe-
xi: alias vero post aliquot dies a puerperio excretam co-
gnoui. a partus autem naturalis emissionem intermediis *Molam ali-
quando mu-
lieres pare-
re vna cum
naturalis
partu.*
diebus hoc factum est, vt mulieres hoc patientes dolori-
bus continuis affligerentur, & tumor ventris in eisdem
admodum insignis esset, ita vt puerperium non præcessis-
se existimares. Has autem molas per superfœtationem *Molam per
superfœta-
tionē gigni.*
quandoq; genitas opinatur Hippocrates, qualem huius
cemodi libro 2 Epid. in coniuge Gorgiæ Larissæi factam
fuisse enarrauit.

Hippocrates in libro de fœminarum morbis asserit,
in his mulieribus quæ molam concepere, nec aliquid *Molam con-
cipientes an
habeant lac,*
moueri in vtero, nec lac in mammis procreari: attamen
experientia mihi oppositum testata est, quoniam
in his quæ molam gestarunt, vidi & persensī morum
molæ, & lac in mammis generari animaduerti: nisi
forſan intelligat Hippocrates de motu illo blando, quo
naturalis mouetur partus, & quo vere non mouetur mo-
la, cum motu graui tantum & quadam extensione mo-
ueatur, & de lacte etiam naturali & perfecto intelligat,
quod vere non generatur in habentibus molam, cum
potius in his sit ichorosa & lacti similis materia, quam ve-
rum ipsum lac. *Et an sen-
tiant quid
in vtero mo-
ueri.*

Mola an succedat hydrops.

Author Prognostica mola recensens, inquit ex Paulo, *Cum hic intenditur affectus in aquam subtercutem de- generat.* sed non animaduertit, Paulum loqui de tumore vteri scirrhuso, ad quem sæpe, cum inueteratus fuerit, solet succedere refrigerato hepate per consensum ab ipso vtero hydrops; non autem de vera mola, ad quam nullus solet subsequi morbus, sed vna cum vita in multis mulieribus antiquatur & consenescit. hinc nonnullas vidi per plures annos molā gestasse, quæ nihil ex ea passæ sunt, præter molestiam & incommoditatem, ex tumore ingenti causatam; nec ex ea perierunt, nec vlllo morbo earum ratione laborauerunt, cum tamen & quartum & quintum annum eas superuixisse nouerim.

Lapides generari in vtero.

Vltra molam & alios conceptus non naturales in vtero factos, vidi etiam lapides genitos. præcipue autem noui montialem non claustratam, in primo senio constitutam, dum per plures menses vterinis fuisset cruciata doloribus, qui nullo vnquam medicamento leniri potuerunt, tandem eiecisse sponte, nulloque adminiculante per pudendum lapidem scabrosum, magnitudine & forma oui anatini, quo eieccto cessarunt dolores: attamen superueniente ex vtero fluxione putrida & corrupta, demum consumpta & emaciata misere vita functa est. Meminit etiam Hippoc. de lapide genito in vtero libro 5 Epid. in Dyseridis serua, quæ tamen eieccto lapide qui ad fusi verticilli conformitatem creuerat, non in deterius lapsa est, sed conualuit.

De partus difficultate.

CAP. CXIIII.

Partus difficultatem an faciant ossa pubis nimium conferta.

DVm ponit causas difficultatis partus ratione patientis, inquit, quod si ossa pubis nimium conferta fuerint, quoniam in partu dilatari non possunt, pariendi difficultatem faciunt. Quam sententiam, licet transcribat ex Actio, tamen non est cogitandum, hanc veram vlllo pacto esse, quoniam ossa pubis in partu non dilatantur, tum quoniam non facerent ad facilitandum partum, cum sint supra os vteri, tum etiam quia a se inuicem non possunt dilatari,

latari, nisi per maximam violentiam: nec possunt separari, nisi per diuturnam coctionem, ex qua liqueſcāt ligamenta: quod cum sit, non est existimandum, quod in partu vel per virtutem naturalem vel per compressionem mulieris ista ossa ab inuicem dilatentur.

De secunda derelicta. CAP. CXV.

PRÆMISSIS ad secundæ educationem plurimis medicamentis, & experta manus opera, inquit, si nec sic educata fuerit, perturbari Medicum non oportet. intra paucos enim dies putrefacta, & in saniem dissoluta excidet. hoc autem ex Paulo transcripsit, cui consentit & Aetius, qui ambo hanc sententiam a Philumeno desumpserunt. Sed animaduertant iuniores, nunquam hunc affectum spernendum esse, nec parui faciendum, sicuti hæc sententia docere videtur, quoniam hinc certa subsequitur mors: nec vera est hæc sententia, quod intra paucos dies putrefacta facile excidat: imo dum putrescit, febres ingentes & aliquando malignas in puerperis inducit: a quibus dum expectatur, quod excidat secunda, mors eiusdem sæpenumero inuitabiliter succedit.

Secunda derelicta post partum an sit negligenda.

Animaduerto tamen quandoque quidem in puerperis secundam iam putrescentem & adeo male olentem, ut astantes vix eius odorem tolerare queant, infra paucos excidere dies, siue hoc opere naturæ, siue artis beneficio contingat: sed cum eius retentione & putredine male iam fuerit uterus mulieris, ac eiusdem corpus affectum, non ita utilem esse tunc temporis ob labem ex ea contractam, eiusdem excretionem. quare pro prognostico consideret Medicus statim mulieris. si enim excidente secunda, nec febris nec symptomata quæ eius retentionem consequuta sunt, quieuerint, sique præcipue adhuc totum male oleat corpus, signum est confirmatæ putredinis & futuri exitii: si autem febris quiescat, symptomataque cessent, nec vllus malus odor remaneat; indicium erit, vtiliter secundam excidisse, salutemque puerperæ sperandam esse.

Secunda putrescente excreta post paucos dies quid successurum sit.

*Vtero inflammato
an inedia
per triduum
conueniat.*

VETERVS rationem in vteri inflammatione seruandam exponēs, ait ex Paulo, *a cibo per triduum abstineant.* In quare hoc moneo, hunc cibandi modū transcripsisse Paulum ab aliquo Methodico. hi enim hanc formam cibandi seruabant: vnde a Galeno diatrixi vocantur. Hoc non animaduertens author iste eandem formam cibandi proposuit, a qua tamen abstinere consulo, cum hoc ex diametro opponatur Galeno & Hippocrati: qui in augmento & statu tenuiorem victum seruandum esse, quam in principio, docuerunt, vltra id quod nostra ætate talem formam cibandi non admitterent, nec tolerarent patientes absq; maximo discrimine, cum homines nostrorum temporum sint assueti sæpius & plenius cibari.

De Ischiade. CAP. CXVIII.

CURATIONEM & modum conficiendi sinapismum tradens, docet sinapi aceto macerandum esse: sed alias monuimus, quid de hac re sit sentiendum, & qua forma sinapisinus parandus sit.

Absolutam doctrinam de ischiade an tradiderit, ex his appareat, quæ in superiorib. in capitibus propriis de ischiade monuimus.

De Arthritide. CAP. CIX.

*In arthritide
de qua Vena
secanda.*

TRADENS eius arthritidis quæ ex sanguinea fluxione pendet, curationem, secandamque venam docēs, inquit, in brachio secandam eam internam esse, quæ ex directo sit loci patientis: hac non apparēte mediam: quod si manus dextera dolore infestetur, *Venam*, ait, *in dextro crure secabis.* Cuius sententiæ pars vltima perpendenda est. quoniam si in dextro crure est affectio, licet dextera manus dolore infestetur, non tamen in eodem crure videtur secandam esse venam; cum hinc magis attrahatur materia ad locum affectum, quam ab eo diuertatur; cumque ex

Galen

Galenī sententia in loco affecto non sit secunda vena, nisi inueterata passione; cumque non reuellendum ab eo, sed euacuandum est.

Dum docet curare fluxiones biliosas & pituitosas, non admittit venę sectionem, nisi huiusmodi humores sanguini sint commixti. At ex Galeno scopi mittendi sanguinis non a materia peccante, sed a magnitudine morbi, consentientibus viribus & ætate, sumuntur. Quare in omni fluxione, stante magnitudine morbi, vbi nihil sit contraindicans, semper secetur vena, vt alias secundum Galeni mentem agendum esse monuimus.

In arthritide biliosa aut pituitosa an secunda sit vena.

FINIS.

RERVM NOTABILIVM IN HOC LIBRO CONTENTARVM, INDEX.

A

ACTIONES multæ fiunt, quæ solum ab intrinseca rei natura, nõ ratione qualitarum eueniunt 8

Acuti morbi an necessario habeant coniunctam febrem 22 cum febre habent ipsas continuas 23

Aceti acerrimi sorbitio an conueniat in melancholia 389 in vlceribus renum 505

Aer quare necessarius pro conseruanda vita 16 vt vitam tutari possit, quas conditiones habere debeat ibid. immutatus, vel in temperamẽto vel in substantia quomodo lædat hominem ibidem. quot modis immutetur 57 quot modis mutetur in primis qualitatib. ibi. quando morbos epidemios inducat 58 in primis qualitatibus immutatus, quando causet febrem pestilentem ibid. in primis qualitatib. immutatus quando possit inducere pestem ibid.

quomodo immutetur a susceptis ad intra se prauis exhalationibus 59 immutatus a susceptis ad intra se prauis exhalationibus quomodo sit causa vel pestis vel febris pestilentis ibidem. pestilens quare modo vni animalium speciei, modo alteri noceat 60 cum leuem corruptionem patitur, non pestilentes, sed epidemios tantum inducit morbos ibid. in propria substantia immutatus ob ingentem corruptionẽ causat & febrem pestilentem & pestẽ 62 non semper agit per putredinem, dum pestem causat ibid.

Aerẽ corrumpi, quomodo intelligendum sit 63

Aeris immutatio in propria substantia 59 corruptio quid 63 corruptio a quibus causis generetur 17, 63 putredo diuturna esse non potest ibid. aliquando a causis superioribus non concurrentibus inferioribus causatur

INDEX.

- tur [65](#) quare non æqualiter in omnes sauiat homines [67](#) ab aere calidiori quomodo tuenda sint corpora sub cælo pestilenti, & tempore pestis [127](#) Aeris caliditas quomodo corrigenda [128](#) humiditas quomodo corrigenda [129](#) Aer vitiatuſ a ſuſceptis ad intra ſe prauis exhalationibus quomodo corrigendus [130](#) Aeris inquinamenta quomodo diſperdenda [131](#) Aer in propria ſubſtantia vitiatuſ quomodo corrigatur, ibid. Aere corrupto a ſuperioribus cauſis, quid agendum [133](#) in Aeris peſtilentis ſtatu quomodo homines regere ſe debent, ibid.
- Alimentum neceſſario debet eſſe ſimile ei, quod nutrirī debet. & huius cauſa [8](#) in Alimento requiritur ſimilitudo eius, quod nutrirī debet, ibid. vt quid ſit, quid requiratur [9](#) Alimentum vni ſpeciei, quare alteri non ſit [8](#) Alimentū, medicamentū & venenum in quo differāt, & in quo cōmunicent [9](#) Alimentū quando tranſeat in naturam, vel medicamenti vel veneni, ibid.
- Alienū omnino a natura aſtatim pharmaco ſit educendum, ſtante eius cruditate [165](#)
- Angina a pituita ſine dolore [415](#) poteſt fieri ob nimiam ſiccitatem muſculi interni gutturis, ibid. Anginā patientib. mulierib. quæ vena ſecāda [416](#)
- Aphthæ in peſtilentibus febribus apparentes quæ, & quod earum differentia & cauſæ [116](#)
- Apoplexia a ſanguine [206](#) in Apoplexia a ſanguine an ſit vera inflammatio [107](#) Apoplexia a ſanguine quomodo diſtinguatur ab ea, quæ ſit ab humore frigido [210](#) Apoplexiā nō ſemper fieri obſtructo vel adſtricto plexureti formi [213](#) Apoplexia an fiat obſtructis & cōſtrictis veniſ iugularibus, & arteriſ carotidib. [208](#) a quib. humorib. cauſetur [408](#) an fiat ex inflammatione, & cryſipellate cerebri, ibid. Apoplecticis quādo ſecāda vena, quid obſeruandū [410](#) an ſit exhibendum pharmacum ibid.
- Apophlegmatiſmi an conueniant in catarrho [415](#)
- Aqua ſcordei cōpoſita [171](#)

INDEX.

- Aquæ potus in febre ar-
denti, quo tempore ex-
hibendus & quomodo
277
- Arthritis quomodo fiat 287
in Arthritide an sit vnica
materia peccans 288 an
membrum mandans sit
semper cerebrum ibid.
an materia possit per ve-
nas ad articulos trans-
mitti 289 an materia
recipiat in ligamentis,
in periostiis & tendoni-
bus 290 in Arthritide
biliosa & pituitosa an sit
secunda vena 473 Ar-
thritis a siccitate an de-
tur 295 an possit fieri a
causa interna 297 Ar-
thritici a siccitate an sint
purgandi & euacuandi
299
- Asthma a siccitate pulmo-
nis dari 418
- Attrahentia ab interioribus
ad exteriora faciunt ad
præseruationem a febre
sub pestilenti cælo 135
in Aurium inflammatione
an conueniat oxyrrho-
dinum 412 an medi-
camenta actu calida sint
infundenda ibid.
Auditorium meatus an
terminetur ad durâ mē-
branam & neruum 414
- B
- Bubones in febre pestilenti
contingentes 117
Bulimos an contingat in fe-
bre 439
- C
- Cacochymia causa febris
pestilentis 72
Cacochymia a qua immi-
net febris pestilens, quo-
modo sit tollenda 139
in Cachexia an conueniat
sanguinis missio 455
in Cadaueribus an vis ali-
qua expulsiua referuetur
120 Cadauera prauas
exhalationes euaporare,
si peste extincta fuerint
121
- Canis an sit animal caco-
chymum & melancholi-
cum 310 in Canib. cor-
ruptio humorum vnde
causetur 311 Canina ap-
petentia, an possit fieri
ratione immodicæ dige-
stionis totius corporis
437 Caninæ famis qui
succis sint causa 438 pos-
sunt esse causa, vermes, i-
bidem.
- Capitis dolor a causa frigi-
da quibus remediis tol-
lendus 396
- Carbunculi in febre pesti-
lenti contingentes 117
- Cardiaci morbi signa & cu-
ratio 436
- Catoche, & catalepsis quid
sit 381, 384 an sit cum fe-
bre

INDEX.

- bre 383 in Catoche an possint feruari sensu exterioribus & interioribus 385
- Catoche an ab intemperie, an ab obstructione fit 387 Catoches indicationes curatiuæ 385 in Catoche remedia particularia quo loco applicanda ibid. an spiratio naturalis mutetur 381
- Cauteria in occipite an secundum Galeum conueniant 397
- in Cerebri inflammatione quare ægri non sentiant 199 Cerebri inflammatio quomodo differat ab epilepsia, apoplexia & pleuritide 200
- Cephalalgia an sit recens dolor capitis 395
- Cholera duplex, & quomodo differat 271 in Cholera humida an sit exhibendum pharmacum 443 Cholerae male curatæ an possit succedere Phthisis ibid.
- Colicum dolorem aliquando causari a lapidibus 449
- Colliquationis febrium pestilentium differentia & causæ 110 Colliquariuo fluxu præsentem in febre pestilenti quid agendum 187 in Colliquatiuis fluxibus an conueniant medicamenta purgantia ibid. an conueniant adstringentia 188
- Coma qualis affectus sit 386
- Concocta quare tantum medicanda, nisi materia turgeat 163 Coctio est duplex 165
- Contagiosi morbi qui 68 non semper per contagium generantur ibid. quare aliqui sint pestilentes, aliqui non ibid. pestilentes duplices sunt 73
- Contagium quomodo inducat febrem pestilentem ibid. Contagium an semper insequatur morbos pestilentes ibid. Contagium quid 73 quotuplex ibid. immediatum quale ibid. mediatum duplex ibid. ex aere ibi. per fomitem ibid. Contagii fomes quid possit, uel esse vel non esse 75
- Contagio mediante si morbus inducendus, tria requiruntur ibid. si introducit morbus, a quo sit actio 76 qualitas agens, per quod agat 77 in Contagio vehiculum qualitatibus agentis quotuplex & quid ibid. Contagio vagante quomodo præseruari homines 133

Convulsivus motus quis, &
 eius tractatio 341 **Con-**
 uulsio, quod symptoma
 sit 399 **Convulsio, & pa-**
 ralyfis aliquando in eodē
 membro iungūtur 400
Convulsionis caninæ cau-
 sæ 402
Corde occupato a materia,
 an liceat statim exhibere
 pharmacū, cruda ea ex
 sistente 165
Cordis, propriæ affectiones
 non semper fiunt corde
 primario affecto 40
Coriandri decoctū an con-
 ueniat pro potu in phre-
 nitide 387 an cōueniat
 pro potu in epilepsia 408
Corpota humida quomodo
 præseruanda a febre pe-
 stilenti 22 excremento
 sa quomodo præseruan-
 da a febre pestilenti 124
 debilia quomodo præser-
 uanda a febre pestilenti
 125 laxa & rara quomo-
 do præseruanda a febre
 pestilenti 127 quomodo
 præseruanda a febre pe-
 stilenti sub vitio aere,
 ibid.
Corrupti humores quando
 lædant, & morbos ge-
 nerent 17 **Corruptio a**
 pestilentia inducta non
 est putredo, ibidem.
 quid differat a putredi-
 ne 31

D

Delirium quandoq; causa-
 ri a pura intemperie ca-
 lida 324
Deiectiones nigræ an sem-
 per malæ, & timēdæ 284
Deiectionum colliquatiua-
 rū quæ sint causæ & dif-
 ferentiæ 250
Dentes an doleant ex intē-
 perie humida 414 an sæ-
 uos dolores patiantur a
 siccitate ibid.
 in Diabete an conueniant
 diuretica 458 an conue-
 niāt balnea naturalia 459
Diaphragmatis tumores, si-
 ne febre 234 a materia
 frigida, cum perseuerāt,
 deducunt patientes ad ta-
 lem 237 cum febre 234
Diarrhœæ curatio quomo-
 do absoluenda 445 quā-
 do cohibēda sit, & quan-
 do non ibid.
Dolor quid sit 394
Dormientes quare possint
 aliquando vigilantium mu-
 nia obire 300 quare nō
 possint iter longum face-
 re 301 quare aliquando
 non somniantes videant
 tanquam vigilantes 305
Dormientibus quare ali-
 quando cōtingant in so-
 mnis pauores & terribi-
 les imaginationes 404
 in Dysenteria an dolores a
 loco possint indicare te-
 nuia,

INDEX.

- nuia, vel crassa intesti-
na esse affecta 447 in
Dysenteria ubi vlcera sint
depasscentia, quid agen-
dum ibid.
in Dysuria an conueniant
diuretica 460
- nostrorum temporum
116 Exanthematibus ap-
parentibus, quid agen-
dum 179
Excretionis quantitate pec-
cantis in febre pestilenti
differentiæ & causæ 20

E

- Elleborus albus celebratur
336 quomodo exhiben-
dus in infusione, decoctio-
ne & substantia 337 El-
leborialbivsus 338
Empyema quomodo non
conferentibus medica-
mentis curandum 428
in Empyemate an lac ex-
hibendum ibid.
Epidemii morbi quomodo
inducantur ab aere 58
Epidemiam anni 1580
fuisse causatam a sola a-
eris in propria substan-
tia, corruptione, sed le-
ui 61
Epilepsia a sanguine 214
Epilepsia a quibus hu-
moribus causetur 408
Epilepsia an terminetur
in paralyin ibid. in Epi-
lepsia quæ vena secunda
407
Exanthematum, quæ acci-
dunt in febre pestilenti,
differentiæ & causæ 115
Exanthemata antiquo-
rum non sunt petichix

F

- Februm quot sint differen-
tiæ 3
Febres, quæ dicendæ sint
malignæ 7
Februū colliquefacienti-
um quot sint genera 446
singularum signa, & cu-
rationes 247, 248
Febris pestilentis pericu-
lum & difficultas 4 com-
munis notio ibid. Fe-
bris pestilens quæ sit, &
quot modis contingat,
ibidem. quæ inter spo-
rades morbos contingit,
an maligna debeat po-
tius appellari, quam pe-
stilens 6 Febris pestilen-
tis caracterismus 7 Fe-
bris pestilens, quare in-
ducatur a corruptis hu-
moribus 15 quare ali-
quando magis, aliquan-
do minus maligna 27
Febris pestilens quæ sit
34, 40. in febre pesti-
lenti, quomodo corru-
ptio & putredo se con-
sequantur ibidem.

Febris pestilētis praua qualitas an in summa consistat putredine [31](#) an in sordida, & praua cōsistat putredine [33](#) Februm pestilentum putredinis materialis causa [34](#) Febris pestilētis praua qualitas non consistit in putredine [35](#) in quibus nulum apparet putredinis signum, qualis sit, & quare hoc contingat [36](#) in Febre pestilenti corruptio semper præcedit putredinem [35](#) semper est maligna putredo [37](#) an necessario putrescant vel cordis humiditates, vel humores in eiusdem ventriculis existentes ibid. materiā tanquam in foco putrescere, non est vniversaliter verum [39](#) Febris pestilentis differentiz a subiecto [41](#) Febris pestilēs ephamera an detur [42](#) quæ visa est ephamera esse, quare vnico tātum perdurat die [44](#) Hectica qualis ibid. an detur [45](#) quare habeat aliquando pulsus similes pulsibus sanorum ibid. in Febre pestilenti hectica an possit esse pulsus moderatus [46](#) Febris pestilentis differentiz a materia, & a loco

[48](#) in Febre pestilenti posse omne humoris genus putrescere [49](#) Febris omnis pestilens an sit continua [50](#) Febrem pestilentem intermittentem dari ibid. Febris pestilentis causæ externæ quot, & quæ sint [56](#) Febres pestilentes posse a medicamentis causari [57](#) Febres pestilentes quomodo possint a venenatis pharimacis causari ibid. Febris pestilēs quomodo possit causari ab aere in primis qualitatibus immutato [58](#) ab aere immutato a prauis ad intra se susceptis exhalationibus ibid. ab aere in propria substantia ex ingenti corruptione immutato [62](#) quomodo generetur per contagiū [68](#) in Febribus pestilentibus, quale sit vehiculū prauæ qualitatis [77](#) Febris pestilens per contagium inducta a quo causata est [78](#) in Febre pestilenti per contagium genita a quo sit actio febrem inducens ibid. quod actio non sit a putredine ibid. Febris pestilentis causæ internæ quot sint ibid. Febris pestilentis causæ remotæ internæ

INDEX.

internæ 79 Febuis pestilens potissimum causatur ex nimia Venere 80 Febris pestilentis quomodo sit causa obstru-
ctio ibid. ad Febrem pestilentem causandam an semper concurrant ob-
structiones ibid. Febris pestilētis causæ proximæ internæ 81 qualitas pra
ualatitudinem habet 82 Febrium pestilentum differentia quo ad pra-
uam qualitatem, & quo ad magnitudinem 83 differētiæ a cōiunctis 84
cum Febre pestilēti pos-
sunt connecti morbi di-
uersi 86 Febres cum pe-
ticulis apparentes an omnes sint pestilentes 85
Febris pestilentis signa triplicia 87 Febrem pe-
stilentem futuram signa
prænunciantia a quibus
& a quot sumuntur 88
Febri pestilēti disponen-
tes corpora præcipuæ
causæ 89 quomodo sint
disposita corpora rara,
& densa 89 Febrium pe-
stilentialium signū com-
mune 90 Febris pesti-
lentis signum sumptum
a pulsū 91 signum pro-
prium, sed non comu-
ne 93 signum sumptum a
calore 96 calor qualis

esse solet, & quomodo
variat ibid. signū sum-
ptum a lotio 99 pro Fe-
bris pestilētis cogniti-
one quid sit notandum de
calore 97 in Febre pe-
stilenti an calor sit re-
missus ad extra & intra
98 in Febre pestilenti
quare lotium aliquando
vel nullā vel minimam
subeat mutationem 100
Febris pestilētis cur nul-
lum sit signum a lotio
ibid. in Febre pestilen-
ti quid lotium indicare
possit 101 quare ali-
quando lotium sit sano-
rum lotio simile, & ta-
men ex ea ægri tendunt
ad mortem 102 sæpe æ-
grotantes magis peri-
clitātur ex maligna qua-
litate, quam ex putredi-
ne 103 quare lotium sic
insidum signum 104
Febres pestilentes, quæ
mites apparent, quare
tales videntur 106 quæ
sint, in quibus appareat
pulsus similis sanorum
pulsui, ibid. Febrem pe-
stilentem consequentia
symptomata 107 in Fe-
bribus pestilentib. quæ,
& quales sint sanguinis
euacuationes 108 ex-
cremētorum qualitates
contingentes 109 Fe-

brem fuisse pestilētem
 attestantia signa 118 Fe-
 brem pestilentem odor
 quidam consequens 122
 Febris pestilentis præser-
 uatio 123 Febris pesti-
 lens non impendit a ple-
 nitudine boni sanguinis
138 in Febre pestilenti
 indicationes curatiue,
 quomodo exequēde 142
 Febris pestilētis progno-
 sticum 143 in Febre pe-
 stilēti, quomodo indica-
 tioni minorationis ma-
 teriæ satisfaciendū 144
 in Febris pestilentis cu-
 ratione an conueniat se-
 ctio venæ, ibid. in Febre
 pestilēti qua via sangui-
 nis missio peragenda sit
158 an motus nouæ ma-
 teriæ sit admittendus 157
 quo loco cucurbitulæ
 sint applicandæ 160
 mensibus instantib. quid
 sit agendum pro mino-
 rando sanguine 161 an
 sit exhibendum phar-
 macum a principio stan-
 te cruditate, ibidem. an
 materia vere & semper
 turgat 167 an crises
 sint pharmaco præueni-
 endæ 168 quibus leni-
 enda sit aluus 169 cly-
 steria qualia esse debent
170 quæ pharmaca le-
 nientia sint exhibenda

170 quando exhiben-
 dum pharmacū, & quid
 in hoc obseruandum
177 quomodo corpus
 refrigerandū 178 quo-
 modo exulcerantia &
 attrahentia medica-
 menta conueniant, & quæ
 sint administranda 183
 quomodo prouocandū
 lotium 185 quando su-
 dor iuuandus, & quibus
 ibid. fluente aluo, quid
 agendum 187 quo-
 modo colliquatio sit cu-
 randa 188 apparenti-
 bus abscessibus quid a-
 gendum 189 quæ ra-
 tio victus seruanda 191
 Februm pestilentium
 colliquantium curatio
252
 Febris omnis intermit-
 tens an periculo vacet
51 Febris pestilētis con-
 coquentia & alterantia
 medicamenta 171
 Febres intermittētes or-
 tum non habere ex ma-
 ligna putredine, quo-
 modo intelligendum sit
52

Fluxus alui per colliquatio-
 nem factus quib. signis
 cogatur 444 a cere-
 bro descendens an ne-
 cessario habeat excre-
 menta spumosa, ibid.
 Fluxus chylosi causæ

INDEX.

440 Fluxus collique-
factiui signa 444

G

in Gonorrhœa an semper
fluat semen aquosum
463 Gonorrhœæ cura-
ratio qualiter admini-
stranda ibid.

H

Hepaticis ex intemperie
frigida an sint nocua pi-
stachia & amygdalæ 452
Hepatis obstructionem
an sequatur febris secun-
dum eius proportionem
453 crysipelas quomo-
do curandum, ibidem.
Hepatis inflammatione
suppurante, quid agen-
dum 454 in Hepatis
scirrho an conueniat se-
care venam 455
Hæmorrhoidibus affectis,
an sint secundæ venæ in-
firmæ 442
Hirudines naribus applici-
tæ quantū iuuare quan-
doq; possint 161
Historia Epidemiæ a leui
aeris corruptione 60
mulieris rabidæ, in qua
nullum fuit notum con-
tagium 328 mulieris
catoche deprehensæ 384
pulueris venenati men-
tem lædentis 311 Hi-
storix dormitiuum, qui

vel somniantes vel non
somniales vigilantium
munia obiciunt 301
diarrhœæ in qua excer-
nebantur officula 445
Historiæ diuersæ de mo-
lis 469.470

Homines ad oblationem
eorum, quæ auersantur,
interius affligi 319

Humores corporis nostri,
vt nutritioni apti sint,
quas cōditiones habere
debeant 10 Humores
si vel temperamentum,
vel propriam naturam
amittant, quid succedat
11 venenati cur aliquan-
do generentur in homi-
nibus, ibidem. cum ve-
nenatam naturam adi-
piscuntur quam muta-
tionem subeant, ibid.
Humores corporis no-
stri, cum permutantur,
vel in temperamento,
vel in substantia, quos
morbos producant 13
Humores cum sunt per-
mutati, vel in tempera-
mento, vel in propria
substantia, non semper
lædunt, nec morbos fa-
ciunt 14 corrupti qua-
re lædunt, vel morbos
faciunt 15
Humores corrupti quan-
do febrē pestilentem in-
ducant 26 Humores cū

INDEX.

prauam qualitatem suscipiunt, semper corrumpuntur, at non semper putrescunt 32

Humorum venenata natura in putredine non consistit 28 Humorum putredinem non semper præcedit eorundem corruptio 30 Humorum corruptio, per quam acquirunt malam qualitatem, non est putredo 31 Humorum corporis humani corruptio vnde causetur 13

Humor syncerus in venis non datur, nisi in casu turgentis materię 67

Hydrops ex colliquatione

242 Hydrops ab interie calida an detur

243 ex colliquatione nõ est vera hydrops, ibid. vitio renum non attrahentium an detur 245

Hydropis subitaneus casus est signum colliquationis 252

I

Ileos quid sit 254 Ilei causę ibid. Ileos an possit causari a pituita sola 255 Ilei signa ibid. in Ileo an sit inseparabile nihil inferius descendere, ibid. Ilei moris, & prauitatis signa 256 Ileos an sicuti

in tenuibus, ita etiã fieri possit in crassis intestinis 260 in intestinis crassis genitus an sit deterior eo, qui est in tenuib. 261 Ileos crassorum intestinorum quomodo distinguatur ab eo, qui est in tenuibus 263

Incubi causę distinctę, & discrimen differētiarum

403

Insomniorum causa 301

in Ischiade in qua parte articuli recipiatur materia 190 Ischias a bile genitus 291 Ischias & arthritis a siccitate 295

L

Lactis defectus an sit symptomata in genere retentorum immodice 431 ad Lactis generationem an faciat viticus fructus, & betę succus, ibidem. Lac in casei speciem concretus an sit morbus in numero, & magnitudine 432 in casei speciem coagulari, & in grumos concreescere an sit idem, ibidem. in mammis an conuertatur in casei speciẽ ab immoderata earundem caliditate 433 quomodo in grumos cõcreseat 434 an solum coagu-

INDEX.

coaguletur a solo valido calore *ibid.*
 Lapidis causa efficiens an sit caliditas ignea 460
 Lapidē cur comminuerē possint, quæ sint tepidi caloris, *ibid.* Lapidēs in vtero generari possunt 470 ad Lapidem vesicæ medicamentā descripta an sint efficacia 461 in Lapide renum an conueniant clysteria acia 460
 Lethargus duplex 376 an semper fiat cum putredine, *ibid.* in Lethargo an ex Galeno semper pituita putrescat 377
 Lethargum ex putredine insequitur deliriū quoddam, *ibid.* Lethargi & memoriæ deperditæ an curationes coincidunt 378 in Lethargo an cōueniat vinum pro potu *ibid.* quæ venā secanda *ibid.* quo medicamento potissimum sit tentanda purgatio 379 Lethargus an fiat ex sola pituita 380 quandoque causatur ex permutatione phrenitidis, *ibid.* Lethargus & caros quomodo differant *ibid.*
 Lienteria an fiat ex cicatrice oborta a dysenteria 440

Liene inflammato, an conueniat pharmacū a principio 455
 Lotium quomodo sit colliquationis signum 450 sanguinolentum an semper fiat vitio imbecillitatis renū 452 Lotium supprimitur aliquando supra renes 461 cum nō descendat in vesicam, quot de causis fiat 463
 In Lumbricorum curatione an conueniat vinum aquosum 452

M

Maculæ febrem pestilentem attestātur 84 in febribus pestilentib. contingentes, *ibid.* febris pestilentis quas corporis partes occupent, *ibid.* in febre pestilenti apparentes vnde causentur 93 quædam peticulis similes quid ab his differant, & a quibus causis oriantur 93 febris pestilentis quando apparent 95 post apparentes attestātur febrem fuisse pestilentem 118
 Macularum febris pestilentis diuersitas in colore, quantitate, & numero & earundem causæ 95 differentiæ 84

INDEX.

- Macularum, quæ post mortem eueniunt, differentiarum & causarum 118
 quæ apparent in extinctis a veneno causarum 121
 in strangulatis & suffocatis causarum, ibidem. in Macularum curatione fomes considerandus, & quid agendum 181 Maculis apparentibus, an sit secanda vena, ibidem. exhibendum pharmacum, ibidem. Macularum excretio quando & quibus iuuanda 282
 Maculis apparentibus. an epithemata cordi sint adhibenda 183 Macularum motu medio existente quid agendum 184
 Malaqualitas an semper a putredine exciteretur 29
 Maligna putredo quæ sit 53
 Mandragoræ radix an conueniat in conuulsione ex repletionem 400
 Materiarum putrescentis, & non putrescentis diuersæ sunt rationes quoad purgationem pharmaco faciendam 165 Materia turgens quæ sit 67
 Medicamenta quæ sint 9 in Medicamenti natura quando transeat alimentum ibid.
 in Melancholia hypochondriaca quis sit locus affectus, & quæ affectio 398
 Memoria an deperdatur ab intemperie frigida cum materia 373 an semper deperdatur ratione intemperiei frigida 375
 in Mensium suppressione ob plenitudinem an sint secandæ venę superiores vel inferiores 464
 Mensibus fluentibus an sint constringenda inguina 282
 Morbi in numero qui sint 431
 Molæ essentia, signa & curationis 468 differentiarum plurimarum ibid.
 Molam concipientes an habeant lac, & an sentiant eam moueri 469
 Mola quomodo intelligatur esse caro informis 468 an possit esse cum humana forma 469
 Molam aliquando parere mulieres vna cum naturali partu ibid. aliquando per superfætationem gignit ibid.
 Molæ an succedat hydrops 470
 Motus conuulsivus 341 quid differat a nervorum distensione, & a conuulsione 342 conuulsui causarum, ibidem. quare su-

INDEX.

- re superueniat vulneribus capitis lethalibus, ibidem. Motus materiarum peccantium in excretionibus est triplex [180](#) pure critici qui sint ibidem. pure symptomatici qui sint ibidem. medii inter symptomaticos & criticos qui sint ibidem. Motus materiarum in excretionibus, qui sint iuuandi, & qui non ibid.
- Mulierum vtero gerentium victus in morbis acutis [358](#)
- Mulieribus pręgnantibus & acute laborantibus an sit secunda vena [359](#)
- Mulierem ab abortu aliquando pręseruat venę sectio [360](#)
- Mulieribus pręgnantibus in morbo acuto an sit exhibendum pharmacum [361](#) vtero gerentes turgente materia non solum a quatto vsque ad septimum, sed etiam tertio mense sunt purgandę [359](#)
- in* Mulieribus vtero gerentibus, dum periclitantur ex morbis acutis, an liceat prouocare abortum ibid.
- Mulierbris profluuii signa [466](#) curatio quomodo absoluenda ibid.
- N
- Neruis opticis resolutis an male moueatur oculus [411](#)
- Nyctalopis causę [412](#)
- O
- Obstructiones quomodo sub pestilenti cęlo tollendę sunt [140](#)
- Obstructionum leuium arteriarum pulmonis causę [277](#) Obstructionibus leuium arteriarum pulmonis quare aliquando succedat respirandi difficultas [352](#)
- in* Orthopnœa an cōueniat vinum austerum [419](#) ex crudo tuberculo an conueniant ea, quę in orthopnœa a crassis succis ibid.
- P
- Palpitationis cordis causę [429](#)
- in* Palpitatione cordis an sit solutio continui ibidem.
- Palpitatio cordis nō semper fit primario affecto corde, ibidem. an fiat ex tumore in pericardo [430](#)
- in* Palpitatione cordis quę vena secunda, ibidem.
- Paralyſis an sit morbus

- longus 401 an semper
fiat ab humore nervos
obstruente ibid.
Parrus difficultatem an fa-
ciant ossa pubis nimium
conferta 470
Pericardii inflammatio \
224
in Peripneumonia an po-
tus esse debeat exiguus
426
Pestis quot modis inuade-
re cōsuevit 5 ex aere 17
a Peste inducta corru-
ptionem est putredo, i-
bid. Pestis ex contagio
vnde ortum habeat 18
de Peste cur egerint au-
thores in tractatu febrili
21 Pestis an generetur
ex putredine accēsa cir-
ca cor 24 Peste infecti
aliquando subito pereūt
25 Pestis quare vni ani-
maliū speciei noceat, al-
teri nō 35.60 causata ab
aere ex prauis exhalatio-
nibus inquinato quam-
diu perduret 63 causa-
tur ab aere in propria
substantia ex ingenti cor-
ruptione immutato 62
Pestes a superiorib. cau-
sis inductæ quare cōtin-
gant 66
Pestilētes morbi an sem-
per contagiosi 68 con-
tagiosi duplices sunt 73
Pestilentum morborum
quare aliqui contagiosi,
aliqui non 69
Phrenitis a quibus fiat hu-
moribus 386 an possit
fieri a frigidis succis 390
in Phrenitide quæ vena
secanda 388 Phrenitis
hectica quæ sit, ibidem.
Phrenitidi quandoq; so-
porem connecti, ibid.
Plenitudo quibus tollenda
in præseruatione febris
pestilentis 137 quo ad
vires non semper tolli-
tur venæ sectione ibid.
quo ad vires quomodo
sanguinis missione sub
pestilenti cælo tollenda
sit ibid.
in Pleuritide an quandoq;
sit secanda vena oppositi
lateris 420 quare sectio
venæ eiusdē lateris præ-
ferēda sit sectioni oppo-
siti lateris 424 an facta
diminuta venæ sectione
in eodem latere attraha-
tur materia ad locum af-
fectum 425
Praua qualitas vnde ortum
habeat, & generetur 26
Prauæ vaporaciones pe-
stilentes in quibus rebus
possint diu cōseruari 77
Prauitas materiæ an sit
indiciū sufficiens pe-
stilentis morbi 151
in Priapismo an sit inflam-
matio 463

INDEX.

Pulmonis exulcerati an sit
signū necessarium spu-
mosus sanguis 419

in Puerperarum acutis mor-
bis quæ victus ratio ser-
uanda 366 quando con-
ueniat sectio venæ, &
quomodo 368 in Puer-
peris an pharmacū pur-
gans sit administrandum
370

Putredo quid differat a cor-
ruptione 31 Putredinis
causæ efficientes 34 Pu-
tredo maligna, & putre-
do summa differunt 37
maligna quæ sit 53

Pulsui semper additur fre-
quentia, cum vehemen-
ter cor laborat 91

Q

Qualitas praua nō semper
excitatur a putredine 29
inuehitur in humores,
non per putredinem, sed
per corruptionem 30

R

Rabies 308 de Rabie tra-
ctatus an debeat inscribi
de morfu canis rabidi
308 Rabiem quæ ani-
malia incurrant 309
Rabies vera an sit solius
canis, & non aliorum a-
nimalium ibid. quare a

solis canibus primam
sumpsit denominationē
310 Rabiem solus canis
ex Galeno incutrit, ibid.
Rabie cur potissimum
ex animalibus eanis ten-
tetur, ibid. Rabidi lupi
caro tosta quare potuit
communicare rabiem
comedentibus 312 Ra-
bida animalia quomo-
do homini rabiem com-
municent 313 Rabien-
tis hominis signa 313, 330
Rabies quare dicta *ὁδὸς*
φθίσια ab antiquis 314
quid sit, ibid. Rabientes
homines an vere timeāt
aquam, ibid. Rabidi ho-
mines an sint summe
sicci 315 quandoque so-
lida alimenta auido su-
munt 316 quare aquam
& omnia liquida auer-
santur 317 quare ad ob-
lationē & visum rerum
liquidatū lædantur ibid.
Rabidorum virus non
solum a liquidis assump-
tis, sed etiam oblatiis, &
visis exacerbatur 318
a Rabido animali com-
morsus si tetigerit cor-
num, vel sanguinariam
ineuitabiliter rabiem in-
cutrit, ibid. Rabidi cum
deterius habent, vbi so-
nitū aque audiuerint vel
sermonem de ea, cruciā-

tur 320
 a Rabido animali com-
 morsus dormiēs sub sor-
 bo, rabie corripitur 318
 Rabientes habent quo-
 quo pacto vim degluti-
 endi impeditam 321 an
 ratione deglutiōis im-
 peditæ potius debeant li-
 quida, quam solida ab-
 horrere 322 abhorrent
 aquam non ratione va-
 ni timoris ibid.
 Rabiei verus character
 quis sit ibid.
 Rabidis an timor aquæ
 sit irrationalis ibid.
 in Rabie an sit delirium
ibid. Rabiei an coniu-
 gatur conuulsio 323
 Rabidorum propria est
 distensio membrorum
ibidem.
 in Rabie an sit singultus
ibid.
 Rabies an consistat in
 intemperie calida & sic-
 ca 324 Rabiem an fe-
 bris comitetur 325 Ra-
 bida animalia ultra mor-
 sum an per aliam viam
 possint communicare vi-
 rus suum ibid. Rabies
 potest communicari per
 saliuam ore delibutam
326 Rabidus canis an
 possit per solū afflatum,
 vel per solū contactum
 hominem inficere ibid.

Rabies quare tardat post
 morbum ad menses &
 annos 326 an a princi-
 piis internis possit gene-
 rari in homine 328 Ra-
 bieci futuræ signa 330
 Rabidi an mingant vri-
 nam crassam, in qua sint
 carunculæ viuas canum
 imagines repræsentan-
 tes 331 Rabiei signa pro-
 gnostica, ibidem. præ-
 seruatio cum per mor-
 sum communicatur 333
 in Rabiei præseruatione
 an sit secanda vena 335
 an purgatio tentanda, i-
bid. Rabiei præserua-
 tio cum virus per labia
 & linguam fuerit com-
 municatum 339 Rabiei
 factæ curatio ibid. in
 Rabie facta an balneum
 aquæ dulcis sit remediū
 conueniens, & cum ra-
 tione factum, ibid. an po-
 tus aquæ prodesse possit
340 quare antidoti ali-
 quando exhibendæ, ibi-
dem. amuleta an pro-
 desse possint ibid.

S

Sanguinis stillatio e nari-
 bus qualis 188 Sangui-
 nem in venis & arteriis
 viuētis hominis posse
 aliquādo coalescere 216
 Sanguinem in venis &
arteriis

INDEX.

arteriis viuentis homi-
nis posse a veneno coale-
scere 217
Solatri hortēsis succ⁹ an cō-
ueniat in hydropē 456
Sanguis quare aliquando
in venis concreſcat 217
extra venas quare ſtatim
concreſcat 218 aliquan-
do ſecta vena frigidus
exit 219
in ſanguinis ſputo an cō-
ueniant refrigerantia &
adſtringētia thoraci ad-
bibita 358 Sanguino-
lentorum excretionum
quot ſint ſpecies 446
Sanguinis euacuationes
per directum eſſe faci-
endas 423 grumi an
lædant propria intempe-
rie frigida 434
Sarmētorum viridium de-
coctum pro potu an cō-
ueniat in paralyſi 402
Sectionis venæ indicatio
non ſumitur a qualitate
ſuccorum peccantium
400 in ſectione venæ
non tātum præſentium
virium, ſed futurarum
etiam rationem habere
oportet 147
Secunda dereliſta poſt par-
tū an ſit negligenda 471
Secunda putreſcente ex-
uta poſt paucos dies quid
ſucceſſurum ſit ibid.
Sinapiſmus quomodo re-

cte parari debeat 379
Somni cauſa 300 in So-
mno reſeruari aliquos
motus & ſenſus ibid.
Sphacelas quid aliquādo ſi-
gnificet apud Hipp. 201
Studores quando colliqua-
tionem indicent, & co-
rum differentiæ & cau-
ſæ 251 in feb. peſtilen-
tibus contingētes, & ca-
rum differentiæ & cau-
ſæ 110
Suffuſio quot modis fiat
411
Syncope cardiaca a ſanguī-
ne 215

T

Tetano an infantes, & pue-
ri deprehendantur 399
Tabes ex affectu pericardii
an poſſit fieri 232
Tuffis an fiat ex intemperie
calida 416 quomodo
cauſetur ab intemperie
ſicca 417 an poſſit cau-
ſari a lumbricis 418

V

Venena quæ ſint 9 Veneni
naturam quando ſubeat
alimentum 10 Venena
omnia licet lædant cor,
& mortem inferre poſ-
ſint, non tamen omnia
primo petunt cor 40 Ve-
nenum commaculās ca-
dauera quale ſit 121 Ve-
nena licet non ſemper
mortē inferāt, læſionē ta-

INDEX.

- men notabilem inducere solent 126 Veneni rationem habens materia an statim pharmaco sit educenda, stante eius cruditate 166 Veneno assumpto sectio venarum patientes iugulat 145
- Ventriculi erysipelatis curatio 439
- Vermis latæ generatio & signa 450
- Vertiginis symptoma ad quem morbum sequitur 405 Vertigo & tenebri-
cola vertigo an realiter differant, ibid. in Vertigine quæ vena secanda 407
- Vesica inflammata, an sint secundæ venæ inferiores 462 Vesicæ inflammatio quomodo a principio sit curanda ibid in Vesicæ inflammatione an conueniat applicere pubi cucurbitulam cum scarificatione ibid.
- Vomitibus causæ 439
- Vteri vasa an possint dirumpi ex nimio frigore 465 Vteri suffocatio an consistat in vteri retractione 467 In Vteri suffocatione quare mulieres refrigerentur ibi. in Vtero generari possunt lapides 470 Vtero inflammato an inedia per triduum conueniat 471

FINIS.

